

PHILOSOPHIA
SINICA
TRIBUS

TRACTATIBUS,

PrimoCognitionemPrimiEntis,
Secundo Ceremonias erga
Defunctos,

Tertio Ethicam,

*Juxta Sinarum mentem
complectens,*

AUTHORE


P. Francisco Noël Societ. JESU Missionario.

De speciali licentia

SS. D. N. D. CLEMENTIS PAPÆ XI.

ET

SUPERIORUM PERMISSU.



PRAGÆ,

Typis Universit: Carolo-Ferdinandæ, in Collegio Soc.

Jesu ad S. Clementem, per Joachimum Joannem Kamenicky

Factorem, Anno 1711.

*Tomus hic ex speciali Licentia Clem. XI. Papæ privatim legi potest à
Religiosis Societ. Jesu, non autem publicari.*

PRÆFATIO

AD LECTOREM.



Um Philosophiæ Sinicæ nomen huic libro præfixum intueris, Amice Lector, nè cogites velim cursum Philosophicum, qualem moderni nunc Philosophi tradunt. Rem, non artem loquor; materiam & scientiam, non formam & ordinem propono; Veterum more Philosophiam appello. Hæc juxta illos nunc virtutis, mentisque corrigendæ studium; nunc rectæ rationis operatio ac vitæ lex; nunc rerum divinarum humanarumque scientia; nunc habitus intellectûs sapientiâ & prudentiâ constans, & hominis actiones gubernans nuncupatur. Unde duplex Philosophia exurgit; altera speculativa, quæ in perscrutanda rerû veritate suam exercet industriam; altera practica, quæ in dirigendo humanarum actionum ordine, certas leges præscribit. Illius præsidio, quod verum est, attingimus; hujus ope, quod honestum est, assequimur. Istam igitur Philosophiæ rationem in hoc opusculo, quod in tres partes seu Tractatus distinxi, sequor. In primo Tractatu, speculationis veritatem; in secundo & tertio, operationis honestatē maximè specto.

In primo de sublimissima antiquorum Philosophorum indagatione, de vera, inquam, primi Entis cognitione, ad quam penè tota Aristotelis Philosophia

ultimò reducitur , singillatim ediffero ; & utrùm Sinæ veram primi Entis, primi Principii, primi rerum Effectoris aut Dei notitiam tum olim habuerint, tum hodièque habeant, investigo; nec tantùm intrinsecas primi Entis perfectiones, & extrinsecas ejus operationes juxta Sinarum mentem discutio, sed etiam quid ipsi de Intelligentiis aut Spiritibus sentiant, perquiro.

In Secundo variæ Sinarum Ceremoniæ tam erga Parentes, quàm erga Benefactores defunctos adhibitæ & recensentur & perpenduntur, moralisque illarum honestas indagatur; sive inquiritur, utrùm isti parentales actus, qui sunt & satis singulares & plurimi, aliquam rectæ rationi dissonam, naturalisque lumini, quod Deus signavit super nos, adversantem deformitatem; an potius ingentam & specialem debitæ gratitudinis æquitatem includant?

In tertio ea, quæ Sinæ circa rectam humanarum actionum tam privatarum & domesticarum, quàm publicarum normam sparsim in suis libris sine ordine, & ex data occasione tradunt, documenta ac præcepta succinctè reduxi ad ordinem Aristotelicum; & ex iis brevem Ethicam Monasticam, Oeconomicam, Politicam efformavi.

Denique ut istarum rerum Sinensium dissertationes fierent Tibi, Amice Lector, clariores, notiores, iucundiores; historicam notitiam tum Rituum quos habent, tum Spirituum quos norunt Sinæ, ex ipsorum libris excerptam, ad finem operis judicavi annexendam.

Itaque

Itaque quemadmodum antiqui Philosophi, ac maxime Platonici Philosophiam distribuerunt in Rationalem, Naturalem, & Moralem; sic Rationalem in primo Tractatu, Naturalem in secundo, Moralem in Tertio utcumque & quasi expressam, aut saltem adumbratam invenies.

Quod attinet ad veram primi Entis notionem; non tibi mirum videatur, si illam Sinæ recentiores terminis paulò abstractioribus aut obscurioribus involvant; & plerumque generalibus Cæli, Naturæ, Rationis, & ejusmodi nominibus Primum Principium expriment; cum istæ voces & locutiones antiquis Græciæ Philosophis, differentibus de prima omnium rerum Causâ, adeò fuerint familiares. Quid enim frequentius apud illos reperias, quàm istud nomen *Λόγος*, seu Ratio? quid usitatius quàm natura? Unde si illa abstracta nomina ad veram Dei essentiam indicandam non sufficerent; necesse foret non tantum Sinas, sed etiam omnes illos veteres Philosophos nigrâ Atheismi labe condemnare, adeoque asserere totum mundum, exceptâ Judæâ, parte exiguissimâ, ante Christi ortum per tot sæcula, veri sui Conditoris & Remuneratoris ignorantia laborasse; quod certè nec sana ratio admittet, nec Divinæ providentiæ videtur conforme.

Deinde nec verba ambigua, obscura, imò & penè adversa, quæ quandoque in libris Sinicis reperiuntur; huic insitæ veri Numinis cognitioni obsunt, cum illa

notioribus & clarioribus satis alibi explicentur aut refellantur. Ecquos enim in orbe libros proferes, præsertim doctrinæ præcepta tradentes, in quibus subinde obscura & ambigua non reperiās? imò in ipsis sacris codicibus, si soli verborum cortici inhærere volueris, quàm multa difficilia, & primo aspectu quasi pugnantia invenies? Hæc pauca, quæ possunt ad nostram rem facere, tantum appono. Fides docet Deum esse unicum; & tamen Deus ipse Moyse dicit; *ecce constitui te Deum Pharaonis*. Exod. 7. 1. *Dii fortes terre vehementer elati sunt*. Psal. 46. 10. *Deus stetit in Synagoga Deorum; in medio autem Deos dijudicat*. Psal. 81. 1. *Deos vidi ascendentes de terra*. 1. Reg. 28. 13. Ex his non inferas dari plures Deos. Pari modo spiritus Dei est bonus; & tamen dicitur: *Post diem alteram invasit spiritus Dei malus Saul*. 1. Reg. 18. 10. non datur in mundo vacuum, aut nihilum; & tamen dicitur: *extendit Aquilonem super vacuum, & appendit terram super nihilum*. Job. 26. 7. Cælorum concentus sunt somnia Pythagoræ; & tamen dicitur: *Quis enarrabit cælorum rationem, & concentum cæli quis dormire faciet?* Job. 38. 37. Non hinc arbitraris ista infinitæ Dei bonitati, veracitati, sapientiæ adversari. Præterea Angeli in libro Jobi dicuntur filii Dei. *Quadam autem die cum venissent filii Dei, ut assisterent coram Domino*. Job. 1. 6. & tamen Gen. 6. 2. dicitur: *Videntes filii Dei filias hominum, quod essent pulchræ, acceperunt sibi uxores ex omnibus*

nibus quas elegerant. Non inde tibi fingis Angelos matrimonio conjunctos, aut ista de Angelis intelligi. Quemadmodum igitur hujusmodi sacri textus nec veræ Dei, nec veræ Angelorum notitiæ repugnant; ita etiam ea, (sed exclusa prorsus quacumque similitudinis æqualitate) quæ in Sinarum libris obscura ac implexa interdum occurrunt, non debent veri Numinis, & Intelligentiarum secundarum aut Spirituum cognitioni adversari, dum ea in aliis locis clarè & nitidè exponuntur.

Pari modo in parentalibus Ritibus, etsi insolita externorum actuum pompa, & nonnulla interdum verba, vehementis aut doloris aut amoris expressiva, quasi videantur communem agendi honestatem excedere; non idè tamen confestim existima aliquid indebiti cultûs aut superstitionis in iis latere. Non vana rerum Species, sed actuum externorum scopus ac loquentis mens attendenda est; imò plerumque in ipsis sacris paginis nec ex sola exteriori specie, nec ex nudis verbis potes sententiam ferre, vel certè erroneam non rarò feres: v. gr. dum S. Scriptura ait: *Panem tuum & vinum tuum super sepulturam Justi constitue.* Job. 4. 18. *Bona abscondita in ore clauso, quasi appositiones epularum circumpositæ sepulchro.* Eccli. 30. 18. An fortè dices escas ad sepulchrum apponi, ut homines defuncti comedant? dum ait: *incenso jecore piscis, fugabitur demonium.* Tob. 6. 19. An tibi finges in hoc superstitionem? dum ait: *Unus interitus est hominis & jumentorum, & aqua u-*
trius-

triusque conditio nihil habet homo jumento amplius. Eccle. 3. 19. Mortui verò nihil noverunt amplius, nec habent ultra mercedem. Eccle. 9. 5. An hinc inferes hominum animas mori? Dum ait: homines & jumenta salvabis, Domine. Psal. 35. 7. Ego dispono vobis ut edatis & bibatis super mensam in regno meo. Luc: 22. 30. Credésne forsan bruta cum hominibus in cælo beari; & hominès in cælo comedere & bibere? Hæc autem ideò tantùm affero, ut non velis in libris Sinicis exigere raram illam claritatem, quæ nulla prorsus explicatione aut interpretatione indigeat, cùm eam nec in aliis requiras, nec invenias.

Deinde quando asseritur in S. Scriptura Rex Salomon fuisse sapientior omnibus qui illum præcesserunt & subsequuturi sunt, numquid si cum Adamo, Prophetis, Apostolis, B. Virgine, Christo conferatur, istud sua explicatione indiget? Quando igitur Sinæ adeò multis, & nimis fortasse laudibus suum Magistrum Confucium extollunt, agnosce etiam ista laudum præconia intra suæ limitationis terminos esse omninò coarctanda; & sicut sacri Interpretes hæc de Rege Assuero dicta: *Rex verò Assuerus omnem terram, & cunctas maris Insulas fecit tributarias*; Esther. 10. 1. ad veritatis declarationem certis limitibus circumscribunt; ita etiam Sinæ suorum verborum auxeses ad limitata tantùm justæ moderationis spatia nôrunt extendere.

Quare ut libri Sinici, quibus hæc tota Philosophia
niti-

nititur, ritè possint intelligi, spectandus est totus illorum scopus ac verus sententiarum sensus, non sola quædam disjuncta & avulsa verba; uti ipsemet Doctor Sinicus Memcius lib. 2 cap. 3. sic ait: *Prudens libri Carminum interpres non debet abuti nudis verbis ad nocendum sententiis; nec nudis sententiis ad nocendum sententiarum sensui.* Idcirco non tantum ea, quæ pro hujus Philosophiæ veritate faciunt; sed etiam multa, quæ ipsi videntur adversari, diligenter attuli; & plures fortasse difficultates mihi objeci, quàm quivis Adversarius objicere potuisset; sed objectas etiam dissolvere curavi; & rationibus quidem ex ipso librorum Sinensium fonte desumptis, ut sic non possint liberæ proprii intellectûs inventioni, aut opinantis mentis arbitrio adscribi. Et quamvis singulæ difficultatum solutiones seorsim sumptæ non semper intellectum convincant, quod in omni alia re vix exigi aut sperari potest; collectim tamen acceptæ non videntur ullum prudenti judicio posse relinquere ambigendi, aut in contrariam partem abeundi locum. Nec ipsi libri Sinenses, quos assiduè cito, possunt ingerere suspicionem favendi uni sententiæ aut opinioni potius, quàm alteri; vel enim conscripti fuerunt, uti penè omnes quos adduco, ante exortas de Philosophiæ Sinensis rebus contentiones, vel post illarum exortum; illos prioris temporis conditio, hæc Authorum suorum fama ab ista suspitione absolvit. Horum siquidem Authores sive Christianos, sive Ethnicos voluisse

(b)

isse

isse suum nomen ignorantiae opprobrio, & Litteratorum risui exponere, numquam, ut arbitror, vir prudens sibi persuadebit. Denique hæc pauca sequentia, rursus te præmonitum volo :

Primò, animadvertite me in toto hoc opere semper loqui juxta mentem Sinarum litteratorum, qui veram sui regni doctrinam, dictam *Ju Kiao*, profitentur; nam de iis, qui pravas Idololatrarum *Lao* aut *Fæ* Sectas ac falsa dogmata fabulæque sequuntur, non est hîc quaestio.

Secundò, omnes penè libri, quorum testimonia aut textus in decursu profero, è China in Europam allati sunt, & Romæ asservantur, ut si quandoque opus foret originalia illorum loca inspicere, in promptu haberi possint.

Tertiò, ad significandas parentales hominum Defunctorum Ceremonias, quas Sinæ vocant *cy*, consultò abstinui à latina voce *oblaciones*, & usus sum indifferenti & generali voce *Ceremonia cy*; quia cùm *oblaciones* juxta Calepinum & alios Authores propriè dicantur, quæ Diis offerebantur, nec Defuncti homines apud Sinas litteratos pro Diis habeantur; ideò ad evitandam vel in ipsa vocis significatione omnem superstitionis speciem, ab illa abstinui; quamvis per se ista vox *Oblatio*, uti omnibus liquet, sive ad sacrum, sive ad profanum donum significandum usurpari possit.

Quartò, ut te levarem labore ac fastidio legendi tot allatos librorum textus, quibus tota hæc Philosophia

phia Sinica innititur, succinctum eorum sensum aut compendium in cujusvis Quæstionis, Sectionis, ac Paragraphi contextu semper inserui, & ad calcem fusè illos, prout in libris Sinicis jacent, apposui; & utrobique eundem litterarum Alphabeti ordinem sibi invicem respondentem servavi; ut, dum volueris vel solum textûs sensum ac compendium, vel totum dumtaxat textum, vel utrumque simul legere, statim possis tuis votis satisfacere.

Quintò, quamvis Sinæ careant vino ex vite confecto; ad significandum tamen potum illum, quem ex orizâ & aliis rebus conficiunt, adhibentque in suis Ritibus & usu quotidiano, semper usurpo vocem *vinum*, propter quamdam modicam cum vino ex vite confecto similitudinem.

Atque hæc sunt quæ ad clariorem rerum dicendarum intelligentiam tibi, Lector, præmittenda judicavi. Si quid postea in ratiocinationibus erratum inveneris, emenda; si quid in versionibus, bene linguæ & librorum Sinenſium peritus restaura. Fructu labore non modico, & Vale.



(b 2)

IN-



INDEX

Tractatûs Primi

De cognitione primi Entis, seu DEI apud Sinas.

CAPUT I.

AN Sine antiqui habuerint aliquam Dei, seu primi Entis cognitionem, nec fuerint Athei?

QUÆSTIO I.

Quot modis vox Tien seu Cælum accipiat apud libros antiquos Sinenses? pag. 1.

QUÆSTIO II.

Quas perfectiones Tien seu Calo, & Xam Ti seu cali Domino ac Rectori attribuant antiqui libri classici? pag. 2.

§. PRIMUS.

De Dominio Tien ac Xam Ti juxta antiquos Auctores. pag. 3.

§. SECUNDUS.

De Potentia Tien ac Xam Ti juxta antiquos Auctores. pag. 7.

§. TERTIUS.

De Scientia Tien ac Xam Ti juxta antiquos Auctores. pag. 9.

§. QUARTUS.

De Voluntate Tien ac Xam Ti juxta antiquos Auctores. pag. 11.

§. QUINTUS.

De Justitia Tien ac Xam Ti juxta antiquos Auctores. pag. 14.

§. SEX-

§. SEXTUS.

De Vita Tien ac Xam Ti juxta antiquos Auctores. pag. 17.

§. SEPTIMUS.

De Immensitate, & aternitate Tien ac Xam Ti juxta antiquos Auctores. pag. 20.

§. OCTAVUS.

De Simplicitate seu Spiritualitate Tien ac Xam Ti juxta antiquos Auctores. pag. 21.

QUÆSTIO III.

Ex dictis investigatur, utrùm isti libri antiqui & classici dent veram aliquam primi Entis, seu Dei cognitionem; adeoque falsum sit veteres Sinas fuisse Atheos? pag. 23.

CAPUT II.

AN Sina recentiores habeant aliquam primi Entis, seu Dei cognitionem, nec sint Athei? pag. 27.

QUÆSTIO I.

Quas perfectiones Tien seu Cælo, ac Xam Ti seu cæli Domini ac Rectori attribuant libri Sinici recentiores, antiquorum Clafsicorum interpretes?

§. PRIMUS.

De Dominio Tien ac Xam Ti seu Cali aut cali Domini juxta recentiores Interpretes. pag. 29.

§. SECUNDUS.

De Potentia Tien ac Xam Ti juxta recentiores Interpretes. p. 33.

§. TERTIUS.

De Scientia Tien ac Xam Ti juxta recentiores Interpretes. p. 42.

§. QUARTUS.

De Voluntate Tien ac Xam Ti juxta recentiores Interpretes. pag. 44.

§. QUINTUS.

De Justitia Tien ac Xam Ti juxta recentiores Interpretes. p. 50.

(b3)

§. SEX-

§. SEXTUS.

De Vita Tien ac Xam Ti juxta recentiores Interpretes. pag. 52.

§. SEPTIMUS.

De Immensitate, & aternitate Tien ac Xam Ti juxta recentiores Interpretes. pag. 54.

§. OCTAVUS.

De Simplicitate seu Spiritualitate Tien ac Xam Ti juxta recentiores Interpretes. pag. 57.

§. NONUS.

An prafati Interpretes moderni recedant à sensu originali librorum antiquorum in significatione vocis Tien ac Xam Ti. p. 61.

QUÆSTIO II.

Quomodo vocem Tien seu Cœlum explicant recentiores Authores, & an Tien distinguatur à Xam Ti, seu Cœlum à cœli Domino? pag. 63.

QUÆSTIO III.

Quodnam in mundo agnoscant recentiores Sina primum omnium rerum Principium? pag. 73.

QUÆSTIO IV.

Definitio, divisio, proprietates Spiritus juxta Sinicos Authores, maximè recentiores. pag. 91.

QUÆSTIO V.

Quid est juxta Sinas Kiao Xe, seu Calo ac Terra licare? pag. 107.

QUÆSTIO VI.

Quid apud Sinas significat bina vox Tay Kie, seu primus rerum Terminus? pag. 137.

QUÆSTIO VII.

Ex dictis investigatur, utrum isti libri recentiores dent veram aliquam primi Entis, seu Dei cognitionem, adeoque an Sina recentes non sint Arbes? pag. 146.

CA-

CAPUT III.

De Verà Dei appellatione apud Sinas.

pag. 150.

QUÆSTIO I.

An Deus apud Sinas possit appellari Xam Ti, id est, cali Dominus ac Rector, seu supremus Dominus?

§. PRIMUS.

Affertio.

pag. 150.

§. SECUNDUS.

Solvuntur Objectiones.

pag. 157.

QUÆSTIO II.

An Deus apud Sinas possit appellari Tien, id est, Calum?

§. PRIMUS.

• Generalis assertio de voce Tien, seu Calum.

pag. 166.

§. SECUNDUS.

Particularis assertio de duabus vocibus Kim Tien, id est, revereri Calum.

pag. 172.

§. TERTIUS.

Publica & authentica Imperatoris Tartaro-Sinici Kam hi Testimonia, quibus vocis Tien ac Xam Ti, & quorundam Rituum Sinicorum circa Defunctos controversorum legitimus sensus declaratur.

pag. 174.



IN-



INDEX

Tractatûs Secundi

De Ceremoniis Sinarum erga De- functos:

CAPUT I.

De lignea Tabella, quam Sina Defunctis erigunt.

QUÆSTIO I.

An lignea Tabella, quam Sina Defunctis erigunt, sit superstitiosa ex fine suo intrinseco aut extrinseco, seu ex fine operationis aut operantis?

§. PRIMUS.

Quadam generalia principia prasupponuntur. pag. 2.

§. SECUNDUS.

Resolutio questionis pag. 4.

QUÆSTIO II.

An lignea Defunctorum Tabella sit superstitiosa ex fine cui?

§. PRIMUS.

Resolutio questionis pag. 11.

§. SECUNDUS.

Solvuntur Objectiones. pag. 13.

CAPUT II.

De Parentali Ædificio, quod Sina Defunctis exstruunt.

QUÆSTIO I.

An parentalis domus, quam suis Parentibus defunctis exstruunt Sina, sit superstitiosa? §. PRI-

§. PRIMUS.

An sit superstitiosa ex motivo, seu sine sua primæva Institutionis? pag. 27.

§. SECUNDUS.

An sit superstitiosa ex motivo, seu sine primævam suam Institutionem consequente? pag. 33.

§. TERTIUS.

An sit superstitiosa ex motivo, seu sine sui usus? pag. 36.

QUÆSTIO II.

An Parentalis Palastra, quam antiquo suo Magistro Confucio extruunt Sina, sit superstitiosa?

§. PRIMUS.

An sit superstitiosa ex motivo, seu sine sua primæva Institutionis? pag. 53.

§. SECUNDUS.

An sit superstitiosa ex motivo, seu sine primævam suam Institutionem consequente? pag. 60.

§. TERTIUS.

An sit superstitiosa ex motivo, seu sine sui usus? pag. 63.
Solvuntur Objectiones. pag. 68.

CAPUT III.

De Parentali Ceremonia cy, quam Sina Defunctis faciunt.

QUÆSTIO I.

Quis sensus vocis Sinica cy, quæ sæpe utuntur Sina ad significandam Parentalem Ceremoniam? pag. 91.

QUÆSTIO II.

An Parentalis Ceremonia cy, quam Sina Defunctis faciunt, sit superstitiosa ex motivo, seu sine ipsius cultus exhibitio?

§. PRIMUS.

Quædam prænotantur. pag. 99.
(c) §. SE-

§. SECUNDUS.

An cultus Parentalis sit superstitiosus ex motivo sue Institutionis, aut ex fine Operantis quoad ejus actus singillatim sumptos?

PUNCTUM I.

De escarum ferculis ad sandapilam. pag. 105.

PUNCTUM II.

De Ceremonia cy, Spiritui terra facienda. pag. 107.

PUNCTUM III.

De sortium jactatione ad determinandum Parentalis Ceremonia cy diem. pag. 109.

PUNCTUM IV.

De Abstinencia servanda ante Parentalem Ceremoniam. pag. 111.

PUNCTUM V.

De inspectione & occisione pecudum, ac de ferculorum prapratione. pag. 117.

PUNCTUM VI.

De Ritu presentandi seu apponendi vinum, & escas. pag. 120.

PUNCTUM VII.

De Invitatione seu exhortatione ad epulas. pag. 134.

PUNCTUM VIII.

De bibendo Faustitatis vino, & excipiendo esca ferculo. pag. 137.

PUNCTUM IX.

De sensu vocum Xam Hiam, quibus Parentalium Ceremoniarum formula solent terminari. pag. 143.

§. TERTIUS.

An cultus Parentalis sit superstitiosus ex universali motivo sue Institutionis, aut ex universali fine Operantis quoad ejus actus generatim sumptos? pag. 146.

QUESTIO III.

An Parentalis Ceremonia cy, quam Sina Defunctis faciunt, sit super-

superstitiosa ex motivo alicujus circumstantia, quâ, v. gr. aliquid ab eis petant aut sperent ?

§. PRIMUS.

De Cereemonia cy in genere, & non Parentali. pag. 153.

§. SECUNDUS.

De antiquâ Parentali Cereemonia cy. pag. 157.

§. TERTIUS.

De Moderna Parentali Cereemonia cy. pag. 169.

§. QUARTUS.

De felicitate Cereemonia cy. pag. 183.

QUÆSTIO IV.

An Parentalis Cereemonia cy, quam Sine Defunctis faciunt, sit superstitiosa ex motivo, seu fine ipsius objecti culti ?

§. PRIMUS.

Quedam pranotantur. pag. 187.

§. SECUNDUS.

De Anima Statu post mortem juxta Sinas. pag. 188.

§. TERTIUS.

De Anima presentia, dum fit Parentalis Cereemonia cy. pag. 196.

§. QUARTUS.

De advocacione & appulsu Spiritus. pag. 201.

§. QUINTUS.

De collectione Spiritus dissipati, seu vita dissipata. pag. 205.

§. SEXTUS.

De vivâ Defunctorum recordatione ac representatione. pag. 211.

§. SEPTIMUS.

Celebris Doctoris Tlay huius chay sententia circa hos Defunctorum Parentum Ritus. pag. 212.

S. OCTAVUS.

Authentica Imperatoris Tartaro-Sinici Kam Hi, & quorundam aliorum Testimonia circa Parentales Defunctorum Ritus. p. 215.

APPENDIX.

*De Scopo Rituum Sinensium controversorum,
Seu*

*Brevis Analogia Rituum Sinensium erga Mortuos, cum
Ritibus Sinensibus ergo vivos usitatis.* pag. 220.



IN-

INDEX
Tractatûs Tertii,
De Ethica Sinensi.

Proximum

pag. 1.

PARS PRIMA.

Ethica Monastica.

CAPUT I.

De Principiis finalibus humanarum actionum.

SECTIO I.

De Bono

pag. 8.

SECTIO II.

De Fine.

pag. 12.

SECTIO III.

De Beatitude.

pag. 15.

CAPUT II.

De Principiis effectivis humanarum actionum.

SECTIO I.

De Anima origine.

pag. 20.

SECTIO II.

De Anima essentia.

pag. 23.

SECTIO III.

De Anima intellectu.

pag. 28.

SECTIO IV.

De Anima voluntate.

pag. 33.

SE-

SECTIO V.

De Anima libertate. pag. 35.

CAPUT III.

De Principiis coëffectivis humanarum actionum.

SECTIO I.

De habitibus genericis sumptis. pag. 39.

SECTIO II.

De Virtute in genere. pag. 47.

SECTIO III.

De virtutibus in specie.

§. PRIMUS.

De Pietate. pag. 55.

§. SECUNDUS.

De Æquitate. pag. 59.

§. TERTIUS.

De honestate. pag. 64.

§. QUARTUS.

De Prudentia. pag. 73.

§. QVINTUS.

De Veritate. pag. 78.

§. SEXTUS.

De Fortitudine. pag. 82.

§. SEPTIMUS.

De Temperantia. pag. 88.

§. OCTAVUS.

De Amicitia. pag. 98.

CAPUT IV.

De Proprietatibus humanarum actionum.

SECTIO I.

De voluntario & involuntario. pag. 102.

SECTIO II.

De bonitate & malitia morali. pag. 108.

CAPUT V.

De speciebus humanarum actionum. SE-

SECTIO I.

De actionibus humanis circa finem & media. pag. 112.

SECTIO II.

De actionibus appetitus rationalis & sensitivi. pag. 117.

SECTIO III.

De Passionibus. pag. 123.

PARS SECUNDA.

Ethica Oeconomia.

CAPUT I.

De Familia Hominibus.

SECTIO I.

De Paterna Societate. pag. 129.

SECTIO II.

De Conjugali Societate. pag. 143.

SECTIO III.

De Fraterna Societate. pag. 151.

SECTIO IV.

De Herili Societate. pag. 157.

CAPUT II.

De Familia Possessionibus.

SECTIO I.

De Possessionibus immobilibus. pag. 160.

SECTIO II.

De Possessionibus mobilibus. pag. 165.

PARS TERTIA.

Ethica Politica.

CAPUT I.

De constitutione Regni.


SECTIO I.

De causis Regni. pag. 177.

SECTIO II.

De Proprietatibus Regni. pag. 183.

SECTION III.	
<i>De speciebus Regni.</i>	pag. 189.
CAPUT II.	
<i>De Administratione Regni.</i>	
SECTION I.	
<i>De Administratione civili Regni.</i>	
§. PRIMUS.	
<i>De Rege.</i>	pag. 192.
§. SECUNDUS.	
<i>De Magistratibus.</i>	pag. 204.
§. TERTIUS.	
<i>De Legibus.</i>	pag. 212.
§. QUARTUS.	
<i>De Institutione.</i>	
PUNCTUM I.	
<i>De Institutione in genere.</i>	pag. 221.
PUNCTUM II.	
<i>De Scholis.</i>	pag. 225.
§. QUINTUS.	
<i>De Libris classicis & antiquis.</i>	
PUNCTUM I.	
<i>De his Libris universim.</i>	pag. 232.
PUNCTUM II.	
<i>De Libro Yc Kim nominatim.</i>	pag. 237.
§. SEXTUS.	
<i>De Musica.</i>	pag. 245.
SECTION II.	
<i>De Administratione militari regni.</i>	
§. PRIMUS.	
<i>De Arte Bellica.</i>	pag. 252.
§. SECUNDUS.	
<i>De Belli Ducibus.</i>	pag. 256.
§. TERTIUS.	
<i>De Stipendiis.</i>	pag. 257.
TRA-	



TRACTATUS I.

De Cognitione primi Entis, seu Dei apud Sinas.

CAPUT I.

An Sinæ antiqui habuerint aliquam Dei, seu primi Entis cognitionem, nec fuerint Athei?

UT possimus scire an prisce Sinæ habuerint aliquam primi Entis, seu Dei cognitionem, debemus illorum libros, qui hucusque extant, consulere; illorum enim libri sunt illorū cognitiones, imò & volitiones scriptæ; quòdque isti libri nunc asserunt, est id, quod isti Sinæ olim cognoverunt, & senserunt. jam verò ad hoc primum Ens exprimendum, ac significandum, solent isti libri adhibere vocem *Tien*, id est *Cælum*, & vocem *Xam Ti*, id est *cæli Dominum*, vel *cæli Rectorem*; sed est controversia an illa vox *Tien*, vel *Xam Ti*, verè significet primum Ens, primum omnium rerum Principium, seu verum Deum? Discutiendæ sunt ergo illarum vocum *Tien* & *Xam Ti* significationes.

QUÆSTIO I.

Quot modis vox *Tien*, seu Cælum accipiat juxta antiquos libros Sinenfes?

Respondeo tot ferè modis accipi, quot apud Latinos. 1. enim accipitur pro Cælo aëreo (A) 2. pro Cælo stellato. (B) 3. pro Cælo animarū post mortem (C) 4. pro Cœlesti Providentia (D) 5. pro Cœli agendi ratione. (E) 6. pro ipso cœli Domino, & Rectore, Sinicè *Xam Ti*, de quo est maximè quæstio ac controversia. (F) Hanc ut elucidemus, debemus videre quamnam potestatem, quamnam virtutes, quamnam perfectiones isti libri Sinenfes attribuant Cælo, seu cœli Domino, ac Rectori; & an sint eædem quæ ipsi vero Deo attribuantur. Cum autem promiscuè isti duabus vocibus *Tien* seu Cælo, & *Xam Ti*, seu *cæli Domino*, ac *Rectore* utantur; ideo perfectiones, quas & Cælo, & cœli Domino attribunt, conjunctim apponam, ità tamen ut dum ponam vocem *Cælum* intelligatur in textu esse vox *Tien*, & dum ponam vocem *cæli Dominus*, vel *cæli Rector*, intelligatur in textu esse vox *Xam Ti*, vel *Ti*; *Ti* enim, & *Xam Ti* pro eodem sæpe sumuntur.

Textus Librorum.

- A. 1. Cælum pro *Cælo aëreo*, Liber Carminum Sinicè *Xi Kim*. tom. *Siao ya* odâ *bo mim*: palustris avis *Ho* (species est Ciconiæ) cantus longè, latèque in cælo auditur. Ibidem odâ *yo lieu*: avis licet altissimè volet, tantummodo ad cælum usque pertingit. Ibidem odâ *Zai Ki*: Celerissima illa avis *Sin*, ubi ad cælum pervenit, quiescit.
- B. 2. Pro *Cælo stellato*. Lib. carm. tom. *què fûm* odâ *chen Leao*: Constellatio Antares (nempe Sinica) seu cor Scorpîi in Cælo apparet.
- C. 3. Pro Cælo Animarum post mortem, Lib. carm. tom. *ta ya* odâ *bia uâ*: Tres illi defuncti principes, (scilicet *Tay nam*, *Vam Ki*, *Ven uam*), in Cælo existunt. Et Lib. Annalium Imperialium, Sinicè. *Xu Kim*. tom. 5. cap. *chao Kao* sic: hujus Imperii *In* plures defuncti Imperatores intelligentiâ, ac prudentiâ inclyti in Cælo existunt.
- D. 4. Pro *Cælesti Providentiâ* Lib. Sententiarum Sinicè *Lun yu* art. 12. sic. pro vita & morte datur lex; divitiæ, & paupertas à Cælo pendent.
- E. 5. Pro Cæli agendi ratione. Memcius l. 2. c. 5. unicum est Cælum, quod potest verè dici magnum; & unicus est Princeps *Yao*, qui potuit illud perfectè imitari.
- F. 6. Pro ipso *Cæli Domino*, ac *Rectore*, seu *Xam Ti*. Lib. Ann. Imper. tom. 4. cap. *Tay Xi* sic: maximum illud Cælum, terribili irâ percitum jussit defunctum Patrem meum *Ven uam* summâ cum reverentiâ læsæ suæ Majestatis auctoritatem assumere ad expellendam tyrannidem.

QUÆSTIO II.

Quas perfectiones *Tien*, seu Cælo, & *Xam Ti*, seu cæli Domino, ac Rectori attribuant antiqui libri Classici?

Respondeo: perfectiones quas attribuimus vero Deo, videntur isti libri etiam *Tien*, seu Cælo, & *Xam Ti*, seu cæli Domino attribuere. Ut autem hoc probem, percurram singillatim sed breviter, præcipua Dei attributa, quæ ab istis libris adscribuntur Cælo seu *Tien*, & cæli Domino seu *Xam Ti*; unde patebit per istas voces *Tien* & *Xam Ti* intelligi & significari verum Deum apud antiquos Sinas, itaque.

Pa-

Paragraphus I.

De Dominio *Tien*, ac *Xam Ti* juxta antiquos auctores.

NOn ago hic de supremo Dei Dominio, quatenus est proprietatis, sed quatenus jurisdictionis, seu quatenus est potestas gubernandi omnes homines, ut subditos suos, Reges creandi, & mutandi, leges ferendi, delinquentes plectendi; unde resultat in hominibus obligatio illi ut supremo Domino inserviendi, obediendi, cultum exhibendi; adeoque peccant, si ista non præstent. Jam verò hoc summum Dominium isti libri Sinenfes videntur Cælo, seu cæli Domino, ac Reâtori, id est *Tien*, ac *Xam Ti* attribuere. Dicunt enim, quod Cælum, seu cæli Dominus, ac Reâtor constituat populus Reges, ac Doctores tanquam sui vicarios (A); mutet Imperia (B); jubeat (C); munus committat (D); legem imponat (E); peccatis irascatur; jubeat ea plecti (F); benignè votis annuat (G); Imperator in ejus aula imperium capeſſat (H); Magistratus ab Imperatore, sed Imperator à Cælo auctoritatem suâ accipiat (I); illi inserviat sicut filius inservit parenti (K); Regum sit illi obtemperare (L); sit crimen illi non obedire, illi non servire, illum non colere (M); nec habeatur ad quem confugiatur ad deprecandam delicti veniam, si quis in illum peccarit (N); non audeat Rex vilipendere ejus servitium, ejus mandatum negligere, ejus voluntatem transilire (O); omnes & Magistratus & populi intendant totas vires suas in subministrandis rebus ad ejus cultum necessariis (P); imò Imperator ipse aret terram ad præparandam orizam, & vinum ejus servitio impendendum (Q); ei litetur, ei fiat oblatio (R); Princeps ipse coquat pecudem ei offerendam (S); Princeps *Ven Vam* omni diligentia ei inserviret, ejus cultum sollicitaret (T); Imperator *Ku vam* ei litaret, victimam cremando (V); Imperator *Hoam Ti* Palatium (X); & Imperator *Chuen hio* musicam fecerit ad ei faciendas oblationes (Z). Quid, quæso, amplius, & distinctius dici potest sive ad declarandum supremum cæli Reâtoris Dominium, sive ad exprimendam arctissimam hominum erga illum subjectionem, illæque serviendi necessitatem. Numquid igitur isti libri Cælo, cæli seu Domino idem, quod nos vero Deo, attribunt Dominium? quia autem Potentia, seu Omnipotentia Dei est affinis Dominio, nunc illi hanc subjungo.

Textus Librorum.

- A. 1. Lib. Annalium imperialium Sinicè *Xu Kim* tom. 4. cap. *Tay Xi* sic : Cælum ad populos iuvandos constituit illis Reges ac Magistros ; sed hi Reges ac Magistri seu Doctores possunt tantum cæli Domino cooperari ac confociari ad amandos & pacandos totius imperii populos.
- B. 2. Lib. Annal. imperial. tom. 5. cap. *Chao Kao* sic : magni cæli supremus Dominus , vel magnum Cælum supremus Dominus Sinicè *Hoa-m Tien Xam Ti* imperiorum successores immutat.
- C. 3. Lib. Annal. imperial. tom. 4. cap: *Ta Kao* : quæ ego facio , inquit Princeps *Chin nam* , sunt ea , quæ Cælum imperat.
- D. Illud certè rem grandem & arduam mihi imposuit , meæque curæ commisit. - Vide etiam hic infra , num: 5. litterâ E; & num. 12. litterâ M.
- E. 4. Lib. Annal. imperial. tom. 3. cap. *Tay Kia* sic : Imperator tuus prædecessor lucidam illam Cæli legem semper ante oculos habebat.
- E. 5. Lib. Immutabile Medium Sinicè *chum yun* artic. 1. sic : cæli lex est ratio naturæ infusa.
- E. 6. Lib. carminum tom. *Ta ja* odâ *ta mim* sic : quamvis præclara virtus adsit deorsum ; terribile tamen sursum existit imperium. hinc difficile Cælo confidere.
- F. 7. Lib. Annal. imperial. tom. 4. cap. *tay xi* sic Princeps *nu nam* suos Procere alloquitur : coaceruata illius Familix imperialis (nempe *Xam*) scelera mensuram suam impleverunt ; Cælum jubet eam plecti ; si ego Cælo non obtemperavero , hoc meum peccatum illius peccato par erit. hinc ego quotidie timore ac reverentiâ plenus petii facultatem à defuncto patre meo *ven* ; deinde litavi cæli Domino , ac terræ spiritui , ut vobis omnibus comitibus & adiutoribus Cæli pœnas tandem exigere , Cælum est in populos liberale ac misericors ; si quid ab ipso populi expectunt , id illis concedit. Vos igitur me unum quasi adjuvate ad expurgandum in æternum totum istud imperium. Hoc tempus non est perdendum.
- H. 8. Lib. Annal. imperial. tom. 4. cap. *Kim tem* sic : tunc princeps *nu nam* in cæli Rectoris aula excepit imperium , suæque virtutis jubar ad omnes iuvandos imperii populos longè latèque diffudit.
- I. 9. Lib. Rituum Sinicè *Li Ki* tom. 9. cap. 32. *Piao Ki* : Imperator , inquit Confucius , à Cælo iussum capessit , & vir litteratus ab Imperatore. Idcirco si Imperator iussui obtemperet , vir litteratus etiam iussui obtem-

perat; si autem Imperator jussui non obtemperet, nec vir litteratus etiam obtemperat.

- K. 10. Lib. Rituum, tom. 9. cap. 27. *ngai Kum uen* sic: vir pius inservit parenti, sicut inservit Cælo; & inservit Cælo sicut inservit parenti.
- L. 11. Lib. Annal. imperial. tom. 4. cap. *Tay Xi* sic: Cælum amat populos: Regum est Cælo obtemperare.
- M. 12. Lib. Annal. imperial. tom. 4. cap. *Tay Xi*, Princeps *nu nam* invasurus Imperatorem *Chen* sic suos in comitiis generalibus alloquitur: nunc verò iste Imperator *Xen* (alio nomine *Chen*) excelsum Cælum non colit, & innumera populo mala accersit; ebrius, libidinosus, crudelis. Pro uno reo totam familiam punit; filii propter parentes dignitates confert, ad extruenda sibi effusa palatiorum, aularum pensilium, itagnoturum oblectamenta, vestras omnes vires, ac opes exhaurit; diro tormenti genere bonos ac fidos viros torret; prægnantium ventres dissecat. Hinc magnum illud Cælum terribili irâ percitum jussit defunctum patrem meum *Ven Vam* summa cum reverentia, suæ læsæ Majestatis auctoritatem assumere ad expellendam Tyrannidem; sed grande opus ante mortem nequit totum absolvere. Quocirca ego puer parvulus *Fa*, nunc in vobis omnibus imperii Proceribus & adjutoribus video pristinum imperialis Familix *Xam* regimen prorsus decidisse; nec tamen ille *Xen* adhuc respicit; sed otiosâ pigritiâ & immodestâ vitâ squallens domi agit; non servit cæli Domino, aliisque cæli ac terræ spiritibus; non facit solitas suis Majoribus defunctis oblationes in parentali eorum aula, &c. Vide etiam hî. suprâ, num. 7. litterâ F.
- N. 13. Lib. Sententiarum artic. 3. sic: si in Cælum peccaveris, non est ad quem confugas deprecaturus poenæ effugium.
- O. 14. Lib. Annalium Imperialium tom. 4. cap. *Tay Xi* sic: si quis ergo, ait Princeps *nu nam*, sive nocens sive innocens inveniatur, qui sanè ego ausim illius (id est Cæli) voluntatem transilire?
- O. 15. Lib. Rit. tom. 9. cap. 32. *Piao Ki*. Olim, inquit Confucius, tria prima Imperia, (scilicet *Hia*, *Xam*, *Chou*) in inserviendo *Tien Ti Chi Xiu Mim* cæli, ac terræ intelligenti spiritui, semper sortibus usa sunt; non enim audebant suâ particulari determinatione, & electione vilipendere cæli Domini servitium, ac cultum. Vide ibi de his sortibus sententias non sat inter se coherentes.
- P. 16. Lib. Rit. tom. 3. cap. 6. *Tse Lim*. Hoc mense Imperator jubet

6 *Tract. 1. cap. 1. quest. 2. De Cognitione primi Entis,*

Montium, lacuum, Sylvarum & fluminum Præfectos unâ cum aliis omnium suæ Imperialis ditionis urbium Præfectis properè sollicitare pabulum ad alendas pecudes oblationibus destinatas, omnésque populos pro suis quemque viribus aliquid conferre ad colendum magni cœli supremum Dominum. Vide in sequenti tractatu.

Q. 17. Lib. Rit. tom. 9. c. 32. *Piao Ki*. Imperator suis ipse manibus aras terram, præparat orizem, ac vinum ad cœli Domini servitium.

R. 18. Lib. Immutab. med. art. 19. Ritus ille quo litatur Cælo, ac Terræ, institutus est ad inserviendum cœli Domino ac Rectori, vel dic: litamen quod fit Cælo ac Terræ, est id, quo servitur cœli Domino ac Rectori.

R. 19. Meme. Lib. 2. c. 1. quamvis quis sit totus deformitate deturpatus, si tamen se componat, ac lavetur, potest vel sic cœli Domino oblationem facere.

R. 20. Lib. Mutationum ac productionum, Sinicè *Te Kim*, in symbolo *Huon*, sapientes præfci Imperatores solebant oblationes facere cœli Domino, & funebria Majoribus defunctis ædificia erigere.

S. 21. Lib. *Te Kim* in symbolo *Tim*, Princeps virtute & scientiâ absolutus coquit, & condit ipse pecudem, id est tenellum vitulû, ad faciendam cœli Domino oblationem.

T. 22. Lib. Carm. tom. *Ta ya*, odâ *Ta mim*: Princeps autem *Ven Vam* omni curâ, diligentîâ, ac reverentiâ cœli Domino palâm inserviebat.

T. 23. Lib. Annal. Imper. tom. 5. cap. *Lie Chim*: Præterea Principes *Ven Vam*, & *un vam*, probè noverunt discernere suorum trium primorum Ministrorum, sive ante, sive post dignitatem adeptam, animos ad colendum cœli Dominum, eisque inserviendum.

V. 24. Lib. Annalium universalium tom. 2. Princeps *un vam* salutatus Imperator à Regulis litavit cœli Domino, victimas, ac res oblatas comburendo; montiumque ac fluminum spiritibus fecit oblationem, ac tandem omne belli opus confectum ubique denuntiavit.

X. 25. Lib. Annal. univers. tom. 1. sic: Imperator *Hoam Ti* post traditam ubique ædificiorum normam, ipse extruxit Unionis Palatium, in quo cœli Domino oblationes faciebat, omnes Procere, ac populos excipiebat, reliquæque vivendi ac regendi præcepta tradebat.

X. 26. Idem Lib. Annal. univers. tom. 1. sic: Imperator *Chuen bio* Imperatoris *Hoam Ti* nepos, fudit æta campana, & musicam ex quinque notis

tis fundamentalibus cum sex modis floridis contextam composuit ad conjungendum violentarum, ac remissarum passionum temperamentum, ad faciendas oblationes cœli Domino, ad excipiendos Regulos.

Paragraphus II.

De Potentia Tien ac Xam Ti juxta antiquos authores.

Immensa Dei Potentia in hoc maximè elucet, quod omnes mundi res non tantum ut esse incipiant, sed etiam ut conserventur, & ut operentur, ab ea pendeant; quod nihil possit sine ea fieri; quod possit omnia impedire aut destruere. Sed hæc, aut similia Cœlo, cœlive Domino, id est Tien ac Xam Ti attribuunt illi libri; dicunt enim: omnes res suam à Cœlo trahunt originem (A); omnes res ut esse incipiant, nituntur magnâ, ac primâ Cœli virtute (B); activa Cœli virtus novit, ac regit magna rerum initia (C); cœli Dominus ac Rector cœpit in actum exire à symbolo ænigmatico tabulæ libri *je Kim* representante æquinoctialem mundi plagam, & postea ab hoc omnes mundi res, ac productiones profluunt; (D) In omnibus hominibus, quos producit Cœlum, invenitur materia & forma (E); Cœli Dominus infundit homini internâ naturæ rationalis rectitudinem (F); Cœlum in China dedit populos, ac limites adscripsit. (G); producit quidem populos passionibus plenos, sed etiam dat viros sapientes, ut eos regant, ac dirigant (H); sine ejus jussu ac providentia nihil potest fieri (I); homines obtemperantes, & virtute inclytos adjuvat (K); nullum è gente *Cheu* residuum sinit, nec aufugere permittit (L); omnia potest impedire (M); scepra confert (N); rogatur ut longæ vitæ felicitatem & quietam habitationem largiatur (O); oratur pro frugibus (P); occultâ virtute populos stabilit ad simul cohabitandum (Q); dum aliquid fit, quod nullæ hominum vires efficiunt, hujus auctor, ac causa est Cœlum (R); denique universalis, ac particularis Cœli virtus efficit, ut omnia sine mutua oppositione, & in terra gignantur, & in cœlo gyrentur. (S). Eandem ergo, quàm nos Deo, illi libri Cœlo, cœlive Domino attribuant potentiam; sed cum Potentia Divina non sit distincta à scientiâ & voluntate, nisi ratione principii; utramque huic subnectamus; & primò quidem de scientia inquiramus.

Textus Librorum.

A. 1. Lib. Rit. tom. 5. cap. 11. *Kiao te seu*: Omnes res suam à Cœlo trahunt

8 *Traët. 1. cap. 1. quest. 2. De Cognitione primi Entis,*

hunt originem, homines à suis Avis; ideirco hi cum cœli Domino conferuntur. Illud ergo litamen quod Cœlo fit, est id quo maximæ grates omnium rerum Principio persolvuntur, ipsúmque corde recolitur.

B. 2. Lib. mutat. ac product. symbolo *Kien*: proh! quam magna est illa Cœli agentis virtus! omnes res, ut esse incipiant, eâ nituntur, illa aurem totum Cœlum comprehendit, seu omnes alias cœli virtutes in se complectitur.

C. 3. Lib. mutat. ac product. parte *Xam Chuen* art. 1. activa Cœli virtus novit, ac regit magna rerum initia, & obsequens terræ virtus eas perficit.

D. 4. Lib. mutat. ac product. parte *Xue qua* art. 5. cœli Dominus, ac Rector jubendo exivit seu cœpit exire in actum à symbolo ænigmatico *Chin*, repræsentante æquinoctialem mundi plagam. & paulò infra: omnes mundi res ex illo symbolo *Chin* emanant. Vox illa Sinica *Chin* significat subitum ac magnum motum.

E. 5. Lib. Carm. tom. *Ta ya* odâ *Chim min*: in omnibus istis hominibus, quos Cœlum producit, invenitur materia & forma; cùmque hanc omnes homines communem naturam accipiant, ideo omnes naturaliter virtutis pulchritudinem diligunt.

F. 6. Lib. Annal. Imper. tom. 3. cap. *Tam Kao*. Maximus ille cœli Dominus infundit homini internam naturæ rationalis rectitudinem.

G. 7. Lib. Annal. Imper. tom. 4. cap: *zu zay*. postquam maximum Cœlum in China populos dedit, postea sub prius Imperatoribus limites illi adscripsit.

H. 8. Lib. Annal. Imper. tom. 3. cap. *Chum hoei chi Kao*: quia Cœlum producit homines desiderii, & passionibus plenos; ideo si Duce, Rectore, ac Domino careant, statim tumultuantur; aut Cœlum producit viros intelligentes, ut illos regant.

I. 9. Lib. mutat. ac product. symbolo *un tuam*: Si Cœli providentia non adjuvet, quì sanè fieri quidpiam possit.

K. 10. Lib. mutat. ac product. parte *Xam Chuen* art. 12. Si quæris, inquit Confucius, quem Cœlum adjuvet? est vir obtemperans; quem homines adjuvent? est vir verax seu rectus.

K. 11. Lib. mutat. ac product. symb. *Ta yeu*: summa virtus, seu summâ virtute Princeps à Cœlo adjuvatur, nihilque ei nõ bene ac faustè accidit.

L. 12. Lib. Carm. tom. *Ta ya* odâ *yun han*: vastissimi cœli Dominus, ac Rector neminem ex nobis residuum sinit. & paulò post:

Va-

vastissimi cœli Domine ac Rector, eccur non finis nos procul aufugere?
 M. 13. Lib. Carm. tom. *Ta ja* odâ *Chen niam*: nihil prorsus est, quod vastissimū, & excellissimum Cœlum impedire non possit; noli igitur tuos Avos degener probro afficere; quin & vel sic poteris tuæ posteritati consulere.

N. 14. Lib. Carm. tom. *Lut* tumodâ *Pi Kum*: cū factum fuisset, ut Cœlum in campo *mo je* penitus tandem Imperatorē *Chen* abjecisset; tunc omnes, nē dubites, dixerunt; omnem sollicitudinem exue; cœli Dominus, ac Rector ad te appellit, sive manifestè vult ut imperes.

O. Ibid. paulò infrà: magnam longæ vitæ felicitatem ad Regni *Lu* conservationem nostro principi Cœlum conferat, recuperatisque nostrorum familiæ *Chen* Principum terris, ei det feliciter in oppidis *Cham* & *Hin* habitare.

P. 15. Lib. Rit. tom. 3. c. 6. *Tue Lim*: hujus verni mensis 1. die dicto *Sin*, Imperator orat cœli Dominum, ac Rectorem pro frugibus.

Q. 16. Lib. Annal. Imper. tom. 4. cap. *kum fan*: illud autem Cœlum occultâ virtute populos stabiliz; illôque ad simul cohabitandum adjuvat, ac colligit.

R. 17. Memcius I. 2. cap. 3. *nam Cham xam*. Dum sit aliquid, quod nullæ hominum vires efficiunt, hujus auctor, ac causa est Cœlum.

S. 18. Lib. Immut. med. art. 30. videmus quotidie innumeras diversi generis res unâ in terra produci, nec tamen illas sibi mutuò adversari. videmus quatuor anni tempestates, solem, lunam, unâ in Cœlo volvi, nec tamen illa sibi mutuò opponi. Id nimirum fit; quia inest quædam virtus tum particularis, quæ in singulas res diversimodè sese diffundit, tum universalis, quæ ad omnes res producendas vastè sese extendit.

Paragraphus III.

De Scientia *Tien*, aut *Xam Ti* juxta antiquos authores.

Cū Scientia Dei & Potentia sint attributa conjuncta, nihilque agat Potentia ad quod Scientia non se extendat; si *Tien* ac *Xam Ti* Potentia, sive Cœli, aut cœli Domini Potentia sit eadem cum Dei potentia, ut in præcedenti s. vidimus, inde possumus colligere, atque inferre, quænam & quanta sit ejusdem scientia. Videamus tamen quid particulatim Sinæ authores dicant de ea. cœli Dominus, inquit, hæc infima respiciens tremendam majestatem tenet, & in respiciendis quatuor mundi

seu Imperii partibus, quærit quietam populorum sedem (A); lustravit omnia Imperii Regna (B); Principis *nam Ki* animum consideravit, ac direxit (C); Cælum clarissimè omnia perlustrat, & quamvis altissimum; ad nostras tamen res, ac gesta, seu descendendo, seu ascendendo & usq; & usq; appellit, quotidieque huc respicit (D); numquid Cælum, inquit Confucius, me cognoscit? (E); vult nē ille, ut ego Cælum fallam? ut illi imponam? (F) Itaque si hæc pauca cum Dei scientia, sive visionis, sive simplicis intelligentiæ vere approbationis singillatim conferas, nonne unum & idem esse dices? jam vero cū per hanc scientiam Dei voluntas in suā operatione dirigatur, voluntatē etiam Cæli seu Cæli Rectoris, ac Domini videamus,

Textus Librorum.

- A. 1. Lib. Carm. tom. *Ta ya* odā *hoam y*: Maximus ille cæli Dominus, ac Rector, hæc infima respiciens tremendam Majestatem tenet; & in respiciendis quatuor mundi seu Imperii partibus, quietam populorum sedem, ac pacem quærit. Cū autem duo illa Regna familiæ *hia* & *Xam* rectam regendi formam amisissent, quærens lustravit omnia ista Imperii Regna; siquidem cæli Rector adeptus quem optat, mox ejus ditionis, ac Regiminis normam promovet. Tunc igitur in partem occidentalem propenso animo respiciens, hanc ad habitandum nostro Principi *Ta y uam* dedit. Ibidem paulò infra: cæli Dominus, ac Rector in hunc locum Principem nostrum *Ta y nam* clarā virtute præstantem transtulit, deditque illi uxorem pacem.
- B. Ibid. paulò infra: cæli Dominus, ac Rector lustravit illum montis *Ki* locum, & ex eo Regnum erexit, constituitque, qui posset illud ritè gubernare.
- C. Rursum paulò infra ibidem: cæli Dominus, ac Rector Principis *Fam Ki* animum consideravit, ac direxit.
- D. 2. Lib. Carm. tom. *Cheu Tsun*, odā *Kim chi*: reverentiam, reverentiam, inquam, attende: Cælum clarissimè omnia perlustrat; ejus Imperium, ac Providentiæ favor non est conservatu facilis. Vide ne dicas: altum est, altum est, illie sursum positum; enim verò ad has nostras res, ac gesta, sive descendendo, sive ascendendo & usque, & utque appellit; quotidieque huc respicit.
- E. 3. Lib. Sentent. artic. 14. Cælo, inquit Confucius, non irascor; de hominibus non conqueror; per rerum inferiorum studium penetro ad superior-

periorum intelligentiam; numquid igitur illud est Cælum, quod me cognoscit?

F. 4. Lib. Sentent. art. 9. eequem, ait Confusius, vult ille, ut fallam? vultne, ut Cælum fallam? ut Cælo imponam?

Paragraphus IV.

De Voluntate *Tien* ac *Xam Ti* juxta antiquos autores.

NOn ago de voluntate Dei necessaria, quâ Deus se ipsum amat, aut quâ sibi ipsi in suo infinito bono complacet; sed de voluntate ejus libera, tum effectiva, tum executiva, adeoque de amore, quo fertur erga rerum creaturarum bonitatem seu moralem, seu physicam; & de odio, quo prosequitur earum malitiam moralem. Jam verò illi libri agendo de Cælo, cœlive Domino, sic dicunt: Non Imperator *Tao*, sed Cælum dedit Imperium Principi *Xam* possidendum (A); Potest quidem Cælo aliquis proponi, ut ei det Imperium; sed non potest Cælum cogi ut ei det; uti Imperator non potest à Regulo cogi, ut det alicui Regnum (B); Quia Imperator *Kie* virtutem temnebat, spiritus offendeat, populos vexabat, ideò Cælum throno eum deturbavit, & verissimâ virtute præditum Principem *Tam* illi substituit. (C); eumque jussit omnium istorum Regnorum limites componere, ac dirigere (D); Hic Princeps *Tam*, uti & Minister ejus *In*, potuit suâ virtute cor Cæli sibi devincire (E); Olim iste Imperator *Kie* Cælo non obtemperabat, suisque sceleribus totum Imperium implebat; hinc Cælum adjuvans Principem *Tam* jussit ejus Imperium deturbare (F); aliquem autem Principem à paterni Imperii successione non rejicit, nisi sit huic *Kie* aut *Cheu* similis (G); Omnes se vino ingurgitabant, foetidusque eorum vitiorum odor ad excelsa usque pertingebat. Idcirco Cælum destruxit familiæ *In* Imperium, istiusq; familiæ *In* genit propter suas effrœnes libidines non amabat. Cælum non est crudele; sed illa gens hoc malum suâ culpâ ultrò sibi acceleravit (H); Cælum non semper omnes amat, sed qui ipsum colunt, hos amat (I); Princeps *Tam* cepit in perfectionis studio ita quotidie crescere, ut ingenti splendore ejus virtus ad Cælum usque pertingeret; cœli Dominus, ac Rector erat unicum ejus reverentiæ objectum; hinc cœli Dominus jussit eum Chinam gubernare ac componere. (K); Cælum amat populos (L); jubet eos qui & rerum cognitione, & consideratâ vivendi ratione aliis antecellunt, intelligentiam, & sensum instillare iis, qui sunt hac in re posteriores. (M); Principissæ *N*. virtus erat

rectissima, hinc cœli Dominus eam protexit (N). Omnes isti populi miseriis obruti aspiciunt Cælum quasi somnians nihil discerneret; sed Maximus extat cœli Dominus; quisnam sanè est, qui dicat, quòd aliquem odio habeat? (O); cheu! reconditum Cælum in hanc infimam terram effundit tremendam iram suam; hinc publica Regiminis Consilia prava, & malefana (P); si quid, ait Confucius, hæc in re egi, quod æquitas non postulabat; me Cælum respuat, me, inquam, Cælum respuat (Q). Quid sanè clariùs de ipsa multiformi Dei voluntate dici potest? quid distinctius? annon omnia illa verè Dei voluntati congruunt? Sed nunc de Justitia, quæ est constans & perpetua voluntas jus suum cuique tribuendi.

Textus Librorum.

- A. 1. Memcius L. 2. cap. 3. *nan Cham Xam*, Discipulus *Van Cham* sic suum Magistrum Memcium interrogat: videor sapiùs audisse Imperatorem *Tao* Ministro suo *Xun* dedisse Imperium; utrè est? minimè reponit Memcius; Imperator non potest alteri dare Imperium. Princeps *Xun*, subjicit *Van cham*, cum Imperium habuerit, quis igitur illud ei dedit? Cælum, reponit Memcius. Sed Cælum, opponit ille, in ista donatione cùmne distinctis verbis jussit esse Imperatorem? minimè, inquit Memcius; Cælum enim non loquitur, sed per eximias virtutes, ac præclara gesta, quibus Princeps *Xun* fulgebat, dumtaxat id indicavit. qui hoc, subjungit *Van Cham*? cui Memcium: Imperator dum videt aliquem Imperio aptum, potest quidem Cælo illum proponere, ut Imperator fiat; sed non potest Cælum cogere, ut illi Imperium conferat; quemadmodum Regulus, dum videt aliquem Regno aptum, potest quidem Imperatori illum proponere, ut Regulus fiat; sed non potest Imperatorem
- B. cogere, ut illi Regnum conferat &c. Olim Imperator *Tao* Principem *Xun* ad Imperatoris dignitatem Cælo proposuit; Cælum propositum admisit; admissum Imperii populi longè, latèque perspicuum fecit; perspicuum effectum Imperii populi admiserunt ac receperunt.
- C. 2. Lib. *Annal. Imper. tom. 3. cap. bien yen ye te*: Imperator *Kie* virtutem pessumdabat, Spiritus tenuinebat, populos vexabat; hinc Maximum Cælum, (nempe Rex cali) thronum illi non conservavit, sed respiciens in omnes partes, excitavit, qui Imperium exciperet; cum-

cumque propensè quæreret virum verà virtute præditum, ad eum jubendum (sive constituendum spiritum Dominum, (nempe litaminum Præsidem); Unus ille Minister *In*, & Princeps *Tam* verissimâ virtute præditus potuit Cæli cor sibi devincire.

D. 3. Lib. Carm. tom. *Xam Tsum* odâ *hiuen miao*: Olim cæli Dominus iussit bellicosum Principem *Tam* omnium ultorum Regionum limites componere, ac dirigere.

E. 4. Vide hîc suprà num. 2. lit. G.

F. 5. Lib. Annal. Imper. tom. 4. cap. *tay Xi*: Cælum amat populos; Regum est Cælo obtemperare & obsecundare. Olim Imperator *Kie* Cælo non obtemperabat; omnia sibi subdita Regna suis sceleribus inficiebat. Tunc Cælum adjuvans Principem *Cchim Tam* iussit ejus Imperium deturbare.

G. 6. Memcius Lib. 2. cap. 3. *han cham Xam* sic: ut aliquem Principem à paterni Imperii hæreditate Cælum rejiciat, opus est ut sit similis illis Imperatoribus *Kie* & *Chen*.

H. 7. Lib. Annal. Imper. tom. 4. cap. *Tsien Kao*: omnes vino se ingurgitabant, scetidusq; eorum vitiorum odor &c. ut suprà in contextu.

I. 8. Lib. Annal. imperial. tom. 3. cap. *Tay Kia*: Cælum non semper omnes amat; sed qui ipsum colunt, hos amat.

K. 9. Lib. Carm. tom. *Xam Tsum*. odâ *ebam fa*: tunc Imperatores familie *hia* nondum cæli Domini Imperium abjecerant; cum autem ventum esset ad Principem *Tam*, hic opportuno natus tempore, cœpit in perfectionis studio ita quotidie crescere, ut ingenti splendore ejus virtus ad Cælum usque pertingeret, idque diuturno tempore sinè intermissione continuavit. cæli Dominus, ac Rector erat unicuique ejus reverentiæ objectum; hinc cæli Dominus iussit eum totas novem provincias (sive totam Chinam, quæ tunc sic divisa erat) gubernare ac componere.

L. 10. Vide hîc suprà num. 5. lit. F.

M. 11. Memc. Lib. 2. cap. 3. *nam cham xam* sic: Cælum ex omnibus istis hominibus, quos producit, eos qui rerum cognitione aliis præcellunt, jubet instillare intelligentiam iis, qui rerum cognitione sunt posteriores; & eos qui consideratâ vivendi normâ alios antecedunt, jubet indere animi sensû iis, qui rectè vivendi consideratione sunt posteriores.

N. 12. Lib. Carm. tom. *Iu Tsum*. odâ *pi Kum* zillius Principis virtus erat rectissima; hinc cæli Dominus eam protexit. B 3 O. 10.

14. *Tract. 1. cap. 1. quest. 2. De Cognitione primi Entis,*

O. 13. Lib. Carm. tom. *Siao ya* odâ *chim yue* : en omnes isti populi miseris obruti , omnibusque periculis expositi aspiciunt Cælum quasi somnians nihil discerneret ; verum adveniente tempore ut excuatur , quod destinavit , nemo est , quem non vincat. Maximus sane extat cœli Rector Sinicè *yew hoam xam si* ! quisnam certe est ille qui dicat quòd odio aliquem habeat ?

P. 14. Lib. Carm. tom. *Siao ya*. odâ *Siao Mim* : Eheu ! reconditum Cælum , &c. ut suprâ in contextu.

Q. 15. Lib. Sentent. art. 6. Confucius interposito juramento sic : si ego , inquit , hac in re (agit de Reguli uxore dicta *Nam Tin* , quam inviserat) quidpiam egi , quod honestas , æquitas , ac ratio non postulabat , me Cælum respuat ; me , inquam , Cælum respuat.

Paragraphus V.

De Justitia *Tien* , ac *Xam Ti* juxta antiquos auctores.

Justitia Dei distributiva juxta D. Thomam , vel potius Superjustitia , est , quæ dat omnibus secundum dignitatem , nimirum bonis præmium , malis poenam. Deinde cum ejus misericordia sit justitiæ plenitudo , illam etiam hic attingemus. Nunc de utraque quid dicant illi libri antiqui , videamus. Simul atque , inquit , posteriores familiæ *hia* Imperatores præclara Majorum exempla ac virtutes abjecerunt , tunc Cælum variis calamitatibus immisissimum est Principis *Tam* manu ad transferendum illi Imperium (A) ; nec iniquè hoc illi transtulit , utpote virtutis tantum adjutor , ad immittenda enim bona vel mala tantum virtutis veritatem vel salutatem spectat (B) ; Ipse Imperator *Kie* (nempe ultimus familiæ *hia*) est multum nocens ; Cælum jubet eum plecti ; ego , inquit Princeps *Tam* , cœli Dominum vercor ; non ausim illum non punire (C) ; Ille Imperator *Kie* sceleribus scatens , fide , ac fraudulenter excelso Cœlo abutebatur ad Imperandum populis ; sed cœli Dominus ejus sceleribus usus , elegit familiam *Xam* , ex qua Princeps *Tam* , ad accipiendum Imperium (D) ; Rector Cœli agendi via bonos beans , & malos affligens varia familiæ *hia* mala immittebat ad patefacienda ejus scelera ; idcirco ego , inquit Princeps *Tam* , jubentis cœli Majestati luculenter iratæ obsequens , non ausus sum illi parcere (E) ; qui inter vos , pergit idem , virtute & sapientiâ pollent , ego non ausim illos non perfectos facere ; & ego si peccaverim , non

au-

ausum mihi ipse ignoscere; hoc enim dumtaxat specto, quod spectat ac sanxit cœli Domini cor (F); Deinde de sequenti familia Imperiali *In* seu *Xam* sic: omnes vino se ingurgitabant, foetidâque eorum viti-
 orum odor ad excelsum usque pertingebat; idcirco Cœlum destruxit
 familiæ *In* Imperium, itiusque familiæ *In* gentem propter suas effœcenes
 libidines non amabat. Cœlum non est crudele; sed illa gens suâ
 culpâ ultrò hoc sibi malum accersit (G); cœli Dominus Imperatorem
 istum *Chen* (nempe ultimum familiæ *In*) crudeliter Regnantem poni-
 it (H); Illi populi regionis *Miao* vel pecuniâ, vel auctoritate iustiti-
 am corrumpebant, innocentēque opprimebant; hinc cœli Dominus ab-
 que errore illis pœnam intulit, quam effugere non valentes prorsus pe-
 rierunt (I); cœli Dominus non semper servat eundem agendi modum,
 bene agentibus innumera bona, malè agentibus innumera mala immit-
 tit (K); benè agentes præmiis, malè agentes pœnis Cœlum afficit, aje-
 bat. Confucius (L); pœna tibi semper metum injiciat; non iniquè illam
 Cœlum infert; sed homines sibi ultrò illam accersunt (M); heu! ego
 solus in miseriis? ecquam ergo causam Cœlo dedi? ecquod meum pec-
 catum? (N); ô Cœlum! diceris hominum pater ac mater, seu parens;
 & tamen sic ego sinè crimine horrendis calumniis obruor? ô rigida
 cœli Majestas! (O); Cœlum in populos est misericors & illos amat (P);
 Pluribus supersedeo; hæc enim videntur satis manifestè veram Dei ju-
 stitiam & misericordiam generatim indicare; nec certè scio, utrùm a-
 liquid expressius ipsi libri Christiani vix possint dicere. Sed nunc vi-
 deamus quænam vita *Tien*, ac *Xam Ti*, seu Cælo, cœlive Domino
 competat? adeoque non esse quid mortuum.

Textus Librorum.

- A. 1. Lib. Annalium imperialium tom. 3. cap. 7 *hien*: simul atque po-
 sterioris familiæ *In* Imperatores, &c. ut suprâ in contextu.
 B. 2. Lib. Annalium Imperialium tom. 3. cap. *hien jue je se*: Cœlum
 non iniquè nostro Principi *Tam* contulit Imperium: Cœlum enim
 tantum juvat eum qui purissimâ virtute excellit: & paulò post: Cœ-
 lum ad immittenda vel bona, vel mala, unicè spectat, an adsit vir-
 tus vel pura, vel mixta, seu falsa.
 C. 3. Lib. Annal. imperial. tom. 3. cap. *Tam Xi*: Ille Imperator *Kie*
 (ultimus è familiâ *Hia*) est multum nocens; Cœlum jubet eum ple-
 cti.

Ati. deinde paulò infrà : ego , inquit Princeps *Tam* , audivi vestras omnium querelas : ille Imperator *Kie* magnopere est nocens ; ego cœli Dominum vercor ; non ausim illum non punire.

- D. 4. Lib. Annal. imperial. tom. 3. cap. *chum hoci chi Kao* : iste Imperator *Kie* sceleribus scatens &c. ut suprâ in contextu.
- E. 5. Lib. Annal. imperial. tom. 3. cap. *Tam Kao* : Rector Cœli agendi via , bonos beans , & malos affligens , varia familiæ *Hia* mala immittebat ad parefacienda ejus scelera : idcirco ego puer parvulus (ait Princeps *Tam*) jubentis cœli Majestati luculenter iratæ obsequens , non sum ausus illi parcere ; sed ausus sum assumere tenellum nigri coloris vitulum ad eum sacrificandum , excelsiq ; cœli , ac densæ terræ spiritum (vel ut quidam Bacchalaureus Christianus in manuscriptis , excelsi cœli spiritualem Regem) Sinicè *Xam Tien Xin* *heu* palàm admonere , petens ab eo facultatem plectendi illa familiæ *Hia* scelera.
- F. Ibid. paulò post : qui inter vos (pergit Princeps *Tam* in magnis comitiis) virtute , & sapientiâ pollent , ego non ausim illos perfectos non facere ; & ego si peccaverim , non ausim mihi ipse ignoscere ; id enim duntaxat specto , quod cœli Rectoris cor spectat ac sanxit.

Hunc libri locum paucis immutatis sic citat liber sentent. art. 20. Ego *Iy* (est nomen Principis *Tam*) puer parvulus ausus sum tenellum nigri coloris vitulum assumere ad eum sacrificandum , magnique cœli , ac densæ terræ spiritum Sinicè *Hoam hoam heu* *ti* (sic *cham Kie chim* primus imperii Minister in suis celebribus commentariis interpretatur) manifestè ac palàm admonere his verbis : Ille Imperator *Kie* multis est nocens criminibus : non ausim ego illi ignoscere , ac connivere ; omnes isti viri sapientes tui sunt , cœli Rector , Proceres , adeoque non debeo permittere , ut illi obscuram sinè honore , & magistratu vitam agant ; id enim duntaxat specto , quod tuum , cœli Domine , cor spectat ac sanxit.

Nota. Lib. Annal. imperialium dicit *Xam Tien Xin heu* , id est excelsi cœli spiritualis Rex , seu Spiritus Princeps , ut dixi ; hic autem liber sentent. dicit *hoam hoam heu ti* , id est ad literam , Regem Rex Dominator Dominus ; istæ enim quatuor voces , *hoam hoam heu Ti* , singulæ significant Regem , Principem , Dominantem , Dominatorem , Dominum , &c. licet etiam tres primas subinde aliter sumant

mant Sinæ, ut infra videbimus.

G. 6. Lib. Annal. Imper. tom. 4. *Tsiew Kao*: omnes vino se ingurgitabant &c. ut suprâ in contextu.

H. 7. Lib. Annal. Imper. tom. 5. cap. *Lie chim*: coeli Dominus Imperatorem illum graviter punit.

I. 8. Lib. Annal. Imper. tom. 6. cap. *Liu him*: illi populi Regionis *Miao* &c. ut suprâ in contextu.

K. 9. Lib. Annal. Imper. tom. 3. cap. *T him*: coeli Dominus non semper &c. ut suprâ in contextu.

L. 10. Lib. Serm. Confucii familiarium seu domesticorum art. 20. tuus ego discipulus *Yeu* (alloquitur Confucium) olim memini te, Magister, dicere: benè agentes præmiis, malè agentes poenis Cælum afficit.

M. 11. Lib. Annal. Imper. tom. 6. cap. *Liu him*: poena tibi &c. ut suprâ in contextu.

N. 12. Lib. Carm. tom. *Siao Ya*. odâ *Siao puon*. cheu! ego solus &c. ut suprâ in contextu.

O. 13. Lib. Carm. tom. *Siao ya*, odâ *Kiao yen*: ô remotissimum, remotissimum, & immensum Cælum! diceris hominum Pater, & Mater; & tamen ego sic absque crimine, absque causâ horrendis calumniis obruor! ô rigida immensi Cæli Majestas! me innocentem hac in se arbitror; & in seq. odâ. *Ho gin sù*: homines non erubescis, non times Cælum?

P. 14. Lib. Annal. Imperial. tom. 4. cap. *Tay xi*: Cælum in populos est misericors, & paulò post: Cælum amat populos.

Paragraphus VI.

De vita *Tien*, ac *Xam Ti* juxta antiquos autores.

Cum intelligere Dei sit ejus vivere, cùmque in §. 3. jam viderimus scientiam, seu intellectum Cælo, cælive Domino competere, id est *Tien* ac *Xam Ti*, hinc possumus colligere quænam vita etiam ei comperat. Sed hinc non inquiri illud vivere essentiale præcisè, quod est movere seipsum principaliter actu, seu operatione immanente per se; quasdam tantum operationes, sive externas, sive internas, quibus vel principium, à quo procedunt, vel suppositum ad quod diriguntur, esse vivens indicatur, afferam; quales sunt oblatio, datio, iussu, locutio,

C

audi.

auditio, visio, adoptatio, oratio, & similes. Sic ergo dicunt isti libri: cœli Dominus in somnis obtulit Imperatori *Kao Tium*, optimum Ministrum (A); & Princeps *Vu nam* somniavit sibi dari à cœli Domino novem dentes, seu 9. annos (B); cœli Dominus succensens pravitati Principis *Quen*, non illi contulit recti regiminis novem leges (C); Dum cœli Rector discerneret familiæ *In Imperium*, extimulabat Principis *Vu nam* virtutem, & in eo totum tandem Imperium collegit (D); Cum Cœlum quæreret aliquem Principem Imperio aptum, soli familiæ *Cheu* Principes inventi sunt digni, qui Imperatores fierent, eosque præclare instruxit (E); Cùmque Princeps *Vu nam* visitaret Regulorum Regna; tunc Cœlum adscivit eum in filium, seu Imperatorem elegit (F); Sic etiam cœli Dominus regnare fecit præclaros Imperatores *Chim* & *Kam* (G); cœli Dominus cum Principe *Ven nam* verba facit (H); Imperator debet Cœlum orare pro sui Imperii conservatione (I); Cœlum juxta id, quod populi vident & audiunt, videt & audit (K). Numquid omnes isti modi loquendi sat clarè indicant, ei de quo agitur, vitam inesse? quænam autem sit illa vita, tum ex dictis, tum ex dicendis satis patebit. nunc de Immensitate & Æternitate.

Textus Librorum.

- A. 1. Lib. Annal. Imp. tom. 3. cap. *Yue nim* sic Imperator *Kao Tium* cœli Dominus optimum Imperii Ministrum, & adiutorem mihi in somnis obtulit. Idem refertur in libro Annal. universalium tomo 2.
- B. 2. Lib. Rit. cap. 3. *Ven nam xi tin*: Princeps *Ven nam* filium suum *Vu nam* alloquens: dic, inquit, quod fuit somnium tuum? ego, reponit *Vu nam* somniavi cœli Rectorem dare mihi 9. dentes. quid per novem dentes intelligendum sit, ibi explicat Princeps *Ven nam*.
- C. 3. Lib. Annal. imperial. tom. 4. cap. *Hum fan*: cum Princeps *Quen* ad reprimendas debacchantis diluvii aquas perturbasset quinque universalium rerum naturalium primaria principia; cœli Dominus, ac Rector tremondæ iræ commotus, illi non contulit communes recti regiminis novem leges seu regulas.
- D. 4. Lib. Annal. Imper. tom. 5. cap. *Kim xi*: olim cum cœli Dominus Imperium familiæ *In* discerneret, enixè extimulabat Principis *Vu nam* virtutem, in eoque tandem totius Imperii amplitudinem collegit.
- E. 5. Lib. Annal. Imperial. tom. 5. cap. *To fan*: Cùm Cœlum in omnibus

bus istis plagis quaereret qui Imperium capesseret, vehementerque gravibus signis motum imprimeret, ut alicujus animum induceret ad excipiensis propensio Caeli iustum; nemo ubique locorum fuit, qui huic propensio Caeli iustui par foret. Soli nostrae familiae Chen Principes sua singulari in colligendis omnium animis dexteritate, claroque virtutis suae splendore digni inventi sunt, qui spiritualis Caeli Domini fierent, seu magistratum ac curam susciperent; idcirco illos Caelum praecclare instruxit, elegit, & in eos Imperium familiae Intransivit ad dirigendas, ac componendas vestras illas omnes provincias.

Nota. Hic & alibi Imperator Sinicus vocatur spiritualis Caeli & omnium spirituum Dominus (nempe Pontifex seu Sacerdos); tum quia est litaminum, quae spiritibus fiunt, Dominus; tum quia spiritus ejus dominio nituntur ad eum, uti in libro carm. tom. *Taya*, odâ *Kiven o*, variorum interpretum collectores *Fan* & *Van*, ad haec textus verba: *it a ut totâ vitâ sis omnium spirituum Dominus*, sic ajunt: ista vox *Dominus* non tantum vult dicere quod sis litaminum Dominus; sed etiam quod perfecta spirituum intelligentia ejus dominio nitatur.

Ex quo patet hunc loquendi modum non significare Imperatorem esse caeli Domino superiorem, eive dominari; sed istum modum loquendi quasi esse similem huic, quo dicimus, iste vir est Chiliarcha, aut Tribunus Regis N. est Gubernator Regis N; id est Tribunus vel Gubernator constitutus à Rege, seu nomine Regis. Unde Imperator Sinicus dicitur Caeli Legatus lib. *Annal. Imper.* tom. 2. cap. *In chim* sic: si Caeli Legatus (id est Imperator) indiscriminatim bonos & malos puniat, erit ardenti rogo crudelior. Similia etiam alibi habentur. & Dictionarium *Tungwei* in littera *Li* hanc binam vocem *Cali Legatus* sic explicat: qui iustum à Caelo accipit, dicitur Caeli Legatus; qui iustum à Principe accipit, dicitur Principis Legatus, sive Magistratus. Item Imperator Sinicus dicitur constitui Imperator à Caelo, aut caeli Domino; dicitur ejus filius; dicitur caeli Dominus esse ejus superior &c. ut videre est supra, & hic infra, atque in cap. sequenti, maxime in §. 6. n. 1.

P. 6. Lib. *Carm.* tom. *Chen tum* odâ *Xi May*: Cum ego, inquit Princeps *Nvam*, stato tempore Regulorum Regna visitarem, tunc Caelum me in filium (id est Imperatorem) adfocivit.

G. 7. Lib. *Carm.* tom. *Chen tum* odâ *Che Kam*: numquid sanè resplendent

runt clarissimè illi Imperatores *Chim & Kam*? sed & hos cœli Dominus regnare fecit.

H. 8. Lib. Carm. Tom. *Taya* odâ *hoam*, sic cœli Dominus Principem *Ven vam* alloquitur: ego occultam ac præclaram tuam virtutem, nec multis verbis, nec multâ externâ specie emicantem in corde foveo.

I. 9. Lib. Annal. imperial. tom. 5. cap. *Chao Kao*: Imperator virtute suâ debet uti ad orandum Cœlum Imperii tui perennitatem. & paulò infrâ sic pergit, Princeps *Chao Kum*: suppliciter hoc sericum volumen, usui futurum litaminis, ad orandum Cœlum Imperii tui perennitatem, tibi, Imperator, offero.

K. 10. Lib. Annal. Imper. tom. 4. cap. *Tay xi*; juxta id quod populi nostri vident, & audiunt, Cœlum videt & audit.

Paragraphus VII.

De Immenfitate & Æternitate *Tien*, ac *Xam Ti* juxta antiquos authores.

B Inam hic pono Dei perfectionem, Immenfitatem scilicet & Æternitatem. Quid illi libri de utraque innuant, paucis accipe. Cœli lex, inquit, tacito ac Mysterioso modo suum semper cursum, sine intermissione, ac sine peragit. (A) Qui Cœli iram ac mutationes reveretur, nec nugari, nec pergræcari audet; quocunque enim abeas, quocunque vageris; Cœlum clarissimè videns, illuc pertingit (B); Ego istam Cœlo victimam offero; à dextris victimæ Cœlum adstet precor; vel dic, adstat (C); Immenfus cœli Dominus est populorum in hoc orbe infimo degentium Rex (D); Spiritus non habet locum determinatum (E); ô Vastissimum & Immenfum Cœlum! an non cogitas? an non meditaris (F)? Hæc pauca sufficiant ad exprimendam immensam cœli Domini in quovis & durationis, & loci spatio existentiam.

Textus Librorum.

A. 1. Lib. Carm. tom. *Chentsum* odâ *Gues Tien*: proh! quàm arcano, ac mysterioso modo Cœli lex suum assidue cursum sine intermissione ac sine peragit! numquid hoc luculenter patet? Sic Principis *Ven vam* virtus omnibus numeris absoluta nunquam stitit.

B. 2. Lib. Carm. tom. *Taya* odâ *fan*: Qui Cœli iram timet, non audet nugari & ridere; quique Cœli mutationes reveretur, non audet per-

pergruacari, & sibi indulgere; istud enim vastissimum & reconditissimum Cœlum dicitur *clarissime vident*; quocumque abeas, illuc pertingit; illud, inquam, vastissimum & reconditissimum Cœlum dicitur *omnia perlustrans*; quocumque vagando te conseras, illuc pertingit.

C. 3. Lib. Carm. Tom. *Cheutsum* odâ *Ngotsiam*: hunc ego agnum, hunc ego vitulum offero, Cœlum illi à dextris adstet, vel adlat.

D. 4. Lib. Carm. tom. *Taya* odâ *Tam*: Immentus ille cœli Dominus est populorum in hoc orbe infimo degentium Rex.

E. 5. Lib. inutat. ac producto parte *Xam Chuen* art. 4. Spiritus caret determinato loco; & libri *Ye Kim*, seu mutationum, ac productionum Doctrina, determinato objecto.

E. 6. Lib. Carm. tom. *Siao ya* odâ *Yu ué chim*: Eheu! vastissimum, Immensum, reconditissimum Cœlum, suæ virtutis beneficia non diffundit, sed fœcitas sterilitatis calamitates immittit, destruitque omnia ista Regna. ô rigida Clementis Cœli Majestas! an non cogitas? an non meditaris? si illos nocentes ac sceleratos abieceris, & perdidideris, ipsi cum sint rei, suorum scelerum poenam libenter excipient; istos verò innocentes ubique simul, ac promiscuè in exitium præcipitare, quomodo id percipi possit?

Paragraphus VIII.

De simplicitate *Tien*, ac *Xam Ti* juxta antiquos auctores.

S Thomas, ut probet Dei simplicitatem, dicit Deum esse Spiritum; *Spiritus est Deus*, Job. 6. Cum enim spiritus non sit compositus ex partibus quantitatis, ideo est simplex & longè nobilior corpore, quia spiritus est id, per quod corpus vivit. Videamus ergo nunc an juxta illos libros *Tien* ac *Xam Ti*, id est Cœlum seu cœli Rector, sit spiritus? Eheu! inquirunt, vastissime cœli Rector, vel vastissimum Cœlum supreme Domine ac Rector, non nos recogitas? cum te intelligentem Spiritum tam reverenter colamus, sinè succensere nobis non debes (A); Tria prima Chinæ Imperia inservierunt cœli, ac terræ Spiritui, qui vocatur cœli Dominus, ac Rector (B); sinè ritibus, inquit Confucius, non habentur regulæ, quibus cœli, ac terræ Spiritus servitium, seu cultus dirigatur (C); Hi omnes ritus instituti ad alendos vivos, ad sepeliendos mortuos, ad serviendum spiritibus ac cœli Domino, ab illa prima Origine emanârunt (D); spirituale Cœlum Principibus familie *Cheu* sceptum

dedit (E); Spirituales Cœli agendi ratio quatuor anni tempestates sine errore dirigit (F); Excelsi Cœli res & voce, & odore, seu sensibilibitate est expertus (G); Princeps *Fo bi* offerebat Spiritui victimas (H); Princeps *Chim Tam* admonuit excelsi cœli spirituales Regem, seu Spiritum, id est inquisiit ejus voluntatem vel petiit ab eo facultatem (I). Cum igitur dicant Cælum spirituale, spirituales Cœli agendi rationem, spirituales Dominatorem, seu Regem, Cœli rem esse sensibilibitate expertem, certe inest Cœlo spiritus; quinimò cœli Dominum vocant Spiritum; datur ergo Spiritus simplicitas. Sed de hoc Spiritu, ejusque unitate rursus postea.

Cætera Dei attributa, utpote vel in dictis jam comprehensa, vel in dicendis satis comprehendenda, hic omitto.

Insuper ut brevitati consulerem, particularem uniuscujusque textus applicationem cum respondente Attributo Dei, Attributive formalitate omittendam censeui; eam ipsemet lector facile poterit facere.

Textus Librorum.

- A. 1. Lib. *Carm.* tom. *Ta ya odâ jun han.* Eheu! vastissimi cœli Rector, vel vastissimum Cœlum supreme Domine ac Rector, Sinicè *Hao Tien xam Ts*, etiâne, vel sic non nos recogitas, cum te intelligentem Spiritum internâ, & externâ reverentiâ sic colamus? certe nec nos odifse, nec nobis succensere debes.
- B. 2. Lib. *Rit.* tom. 9. cap. 32. *Piao Ki.* olim, inquit Confucius, tria prima Imperia in inserviando cœli ac terræ Intelligenti Spiritui, seu Intelligentiæ, semper sortibus usâ sunt; non enim audebant suâ particulari determinatione, & electione vilipendere cœli Domini servitium, ac cultum.
- C. 3. Lib. *Rit.* tom. 9. cap. 27. *Ngai Kum nen.* sine ritibus, inquit Confucius &c. ut suprà in contextu.
- D. 4. Lib. *Rit.* tom. 4. cap. 9. *Li jun*: hi omnes ritus &c. ut suprà in contextu.
- E. 5. Lib. *Annal. Imper.* tom. 5. cap. *To fam.* soli nostræ familiæ *Chen* Principes, suâ singulari in colligendis omnium animis dexteritate, claroque virtutis suæ splendore digni inventi sunt, qui spiritualis Cœli Domini fierent; seu curam ac magistratum susceperent.
- F. 6. Lib. *mutat. ac prodest.* Symbolo *Quon*: respice spirituales illam Cœli

Cœli agendi rationē, seu viam quā quatuor anni tempestates sine errore volvuntur, hāc autem spiritali agendi viā utitur vir iustā & virtute & scientiā præstans ad proponendam rectē vivendi disciplinam; atque ita omnes se illi subijciunt.

G. 7. Lib. Carm. tom. *Ta ya odā Ven vām*; excelſi cœli res, &c. ut suprà in contextu.

H. 8. Lib. Annal. universal. tom. 1. Princeps *Fo bi* omnis generis animantia aiebat, tum ut culinæ interservirent, tum ut præstō haberet victimas Spiritui, vel spiritibus offerenda; hinc etiam dictus est animalium mactator.

I. 9. Lib. Annal. Imper. tom. 3. cap. *Tam Kao*: ausus sum, inquit Princeps *Chim Tam*, excelſi cœli spiritualem Regem, vel excelſi cœli ac dense terre Spiritum palām, admonere.

QUÆSTIO III.

Ex dictis investigatur, utrū istī librī antiqui, & Classici dent veram aliquam primi Entis, seu Dei cognitionem, adeoque falsum sit veteres Sinas fuisse Atheos?

Hoc frustra penē videtur queri; tot enim tamque clara istorum librorum testimonia ultro ex se rapiunt intellectum ad judicandum Sinas illos veram habuisse supremi Numinis notitiam: nihilominus ut ista adhuc distinctius appareant, brevem aliquam facio dictorum recapitulationem, & ex multis hæc pauca coacervatim deduco.

I. juxta illos libros omnes res suam à cœlo, seu cœli Domino ac Rectore trahunt primam originem, & nituntur ejus virtute ut esse incipiant; quod idem est ac Cœlum, seu Cœli Dominum esse primam omnium rerum Causam; deinde Cœlum homines producit; illis rectam rationem, naturamque rationalem infundit; nihil absque ejus Imperio ac Providencia potest fieri; præsidet rerum principiis &c. an non ista significant primum Ens, adeoque illimitatum & in omni perfectione infinitum? cum nihil illo sit prius à quo limitetur, ejusque perfectiones terminentur aut limitentur; illi enim librī nihil prius Cœlo, aut cœli Domino agnoscunt. Deinde nusquam reperias cœli Dominum aliquando incepisse, initium aliquando habuisse, progenitores tenuisse, hominem fuisse; sed Spiritum tantum passim vocant. Imò dum dicunt hunc à symbolo ænigmatico libri

libri *Ye Kim* dicto *Chin*, plagam mundi æquinoctialem repræsentante, in actum exiisse, & ab hoc in omnes mundi productiones sese postea diffundere; an non fortè tacitè innuunt illum incepisse mundi creationem ab æquinoctio verno juxta Salianum, & alios? quamvis enim Princeps *Yen nam* per illam Symbolorum ænigmaticorum dispositionem, ut ajunt interpretes, adumbraret productiones, ac mutationes, quæ in toto unius anni decursu fiunt; nihil tamen obstat, quò minùs illa etiam referri possint ad productiones primi mundi anni, earumque initium; cum altè omnium Sinarum mentibus sit infixum, veluti perpetuâ successivæ Doctrinæ traditione receptum, omnium rerum originem, omniumque productionum principium in illa Synbolorum ænigmaticorum dispositione gradatim ordinata reperiri, seu potius per illa repræsentari & adumbrari.

II. Insuper perfectiones, quæ sunt Deo maximè propriæ, illi libri attribuant Cælo, seu cæli Domino, id est *Tien* ac *Xam Ti*: dicunt enim Reges populis ab eo constitui tanquam sui coadjutores, seu legatos, seu justitiæ Ministros; dicunt illum coli, timeri, orari, illi interviri, litari, obtemperari; illum peccatis irasci, virtute devinciri, bonis confidere, & pœnia, malis inferre pœnas; omnia perfrustrare, animos considerare, corda dirigere, quocumque pertingere, non posse decipi, illum esse maximum, excelsum, immensum, intelligentem, amantem, misericordem, adjutorem, protectorem. Annon omnia ista sunt Sacræ Scripturæ simillima, dum loquitur de Deo? v. g. omnis potestas de sursum est; per me Reges regnant & legum conditores justa decernunt; mihi seditur omne genus; iratus est furore Dominus; Deus ultionum Dominus; scrutans cor ac renes; excelsus Dominus & humilia respicit; altissimus dedit vocem suam &c.

III. Neque dicas hîc fortè recurrendum ad sensum allegoricum, per quem omnia ista applicentur vel cælo materiali, vel ejus virtuti materiali, vel cælo cuidam inni & Chymærico. quomodo enim tam energicas locutiones & expressiones possunt in rebus tam grandibus, in negotiis tam gravibus adhiberi ad significandum vel cælum materiale, vel ejus virtutem materiale, vel cælum quoddam Chymæricum? siquidem vel Imperator exhortando suos Principes, Duces, commilitones ad pugandum contra iniquum populi oppressorem, fanciendo leges, ac ritus publicos, offerendo litamina ac preces; vel Regius Minister dando suo Principi ritè vivendi ac ritè regendi documenta; vel Regius Historiographus refe-

referendo illustria priscorum virorum gesta, utuntur his locutionibus, & expressionibus, ut videre est in Lib. Annal. Imper. tom. 2. 3. 4. 5. In Lib. Carm. tom. 8. In lib. Annal. universal. tom. 1. 2. In lib. Memecii &c.

Si ergo his verbis & locutionibus egissent de cœlo chymærico (idem dic de materiali, vel ejus virtute materiali) ad quid sanè hæc juvissent? ecquem stimulum in exhortationibus, in minis, in consiliis? ecquam reverentiam in litaminibus, in ritibus, in precibus? ecquam fidem in narrationibus asferre potuissent? Deinde si de cœlo materiali, aut ejus virtute materiali egissent, ad quid tot inusitatæ metaphoræ? tot modi loquendi, qui vix ac ne vix quidem ipsi cœlo materiali ejusve virtuti materiali convenire possunt? non enim potest, ut alia multa omittam, cœlum materiale dici spiritus, intelligentia, seu intelligens. Idem dicendum de ejus virtute materiali, &c. alioqui jam faceres illud vel purè spirituale, vel compositum ex materiali & spirituali, vel spiritum cœlo materiali coëxistentem; vel certè diceres contrapposita; nimirum idem omnino esse materiale & immateriale, seu spirituale, id est idem omnino esse corpus & spiritum, quod repugnat; & quamvis sumeres ibi spirituale pro accidente, non pro substantia non tamen etiam; vel sic negare posses inesse spiritum; cum qualitas spiritualis juxta Philosophos non possit recipi, & inhærere subjecto materiali, sed spirituali. Nec rursus recurras ad sensum metaphoricum; ubi enim invenias aliquid materiale dici metaphoricè spirituale, nisi revera vel illi insit aliquid spirituale, vel respectum habeat ad aliquid spirituale, à quo denominativè tantum dicatur spirituale? denique, ut omnia complectar, ubi, inquam, invenias in historiis, in ritibus publicis, in legibus, in rebus tanti ponderis tot, & similes metaphoras? cùmque S. Aug: l. 3. de doctrina Christian. cap. 10. & 11. ad assequendum verum Sacræ Scripturæ sensum ponat hanc regulam: quotiescunque scripturæ verba possunt propriè accipi, non sunt deflectenda ad significationem tropicam aliūve sensum minùs proprium; secus, si ex verbis propriè acceptis aliquid sequatur *absurdum aut falsum*; numquid & hic potest servire ista regula? cùm nihil absurdum seu falsum ex acceptione propriæ significationis sequatur: contra verò aliquid absurdum, aut falsum ex alia acceptione sequeretur. Aliud est de ista voce *Calum* tropicè sumpta pro *cali Domino*, seu Spiritu cœli; hæc enim metaphora passim apud omnes gentes, & maximè Europæas usurpatur, uti hisce diebus adhuc legebam in libello gallico nuperrimè edito de novis terris Mexi-

cum versus deteâtis ; ubi assidue Cælum pro cæli Domino usurpat. Denique si quis ista omnia tam clara, tam manifesta tamque energica expressa Dei Attributa velit violenter ad metaphoram detorquere, poterit etiam impius aut Atheus eodem modo ferè omnia quæ in Sacra Scriptura dicuntur de Deo, referre ad sensum allegoricum, atque ita perfrictâ fronte negare convinci ex iis dari Divinitatem.

IV. Jam verò ex his colligere possumus utrùm prisci Sinæ fuerint Athei, nec ne? Atheus potest sumi dupliciter, vel negativè pro eo qui nullam omninò alicujus supremi & invisibilis Numinis cognitionem habet; vel positivè pro eo, qui licèt aliquam obscuram illius cognitionem habeat, illam tamen rejicit, ac negat Deum esse. Atheismus primi generis consistit in intellectu tantùm, seu potius in negatione actûs intellectûs; sed hic an dari possit, non discutio; Theologi enim communiter dicunt, (*Amic. Medin. Molin. Zumel. Granad. &c.*) licèt dari possit negativa ignorantia Dei, aut potius inadvertentia de existentia Dei, v. g. in puero, vel in homine sylvestri, saltem ad breve tempus, ita ut ei nulla occurrat cogitatio de Deo; non tamen videri dari posse talem ignorantiam respectu unius totius communitatis. Atheismus secundi generis non tantùm in intellectu, sed etiam in voluntatis actu consistit; cum enim hæc propositio *Deus est*, non sit per se nota quoad nos, requiritur actus voluntatis ut intellectus determinetur ad illius assensum; undè positivè Athei, & culpabiles quidem sunt, qui dum illis occurrit cogitatio de Dei existentia, nolunt examinare rationes ad assensum intellectûs requisitas, ut judicent de Dei existentia; vel illis examinatis nolunt ut intellectus illis assentiat; vel si vi manifestarum rationum intellectus rapiatur ad assensum, ipsi in corde hoc judicium rejiciunt. Sed hisce duobus ultimis modis Semi-Athei, aut impii: potius quam Athei sunt dicendi; quia quod notum est Dei, manifestum est in illis; veritatem Dei in injustitia detinent; quia cum agnovissent Deum, non sicut Deum glorificaverunt. Rom. 1. Dixit insipiens in corde suo, non est Deus. Psal. 13.

Quod autem attinet ad illos priscos Sinas generaliter loquendo, nec videntur intellectu, nec voluntate Athei fuisse; illorum enim intellectiones sunt illi libri antiqui, qui Cælo, seu cæli Domino ac Rectori attribuant perfectiones Deo proprias, uti vidimus; illorum volitiones sunt etiam in illis libris expressæ, dum narrantur tria prima Chinæ Imperia *Hia, Xam, & Cheu*, quæ 1976. annis circiter duravère, inserviisse cæli Domino, sive cæli

cæli ac terræ Spiritui; Conditor Sinarum *Fo hi* Spiritui, vel spiritibus, Imperatores *Chuen bio, Hoam ti, Vu vam*, cæli Domino litasse; Princeps *Ven vam* omni curâ ac diligentia illi inservisse; Princeps *Chim tam* illum veritus fuisse, & illi obedisse; omnes magistratus, & populus necessaria ad ejus cultum sollicitasse. Ex his igitur possumus colligere illos Sinas antiquos non fuisse Atheos; non hinc tamen continuo inferas illos sanctos, & à peccatis immunes ac salvos fuisse. Certè vix videtur alius ante Christum natum populus, in sanciendo ritibus ad colendos cæli, terræ, montium, fluminum, aliarumque rerum sublunarium spiritus, tam diligens ac sollicitus fuisse, quam Sinicus, si Judaicum excipias. Qui ergo illi Sinæ dici possint Athei? sed fortè quis dicet: fateor, illi veteres Sinæ videntur habuisse aliquam primi Entis seu Dei cognitionem, nec Athei fuisse; sed post inventam in Chinam Sectariorum Idololatriam, recentiores Sinæ nè viderentur cum his commune aliquid sentire, sensim ad Atheismum transierunt, priscamque illam primi Entis seu Dei cognitionem amiserunt; atque adeò hisce temporibus aliter, quam olim sentiunt. Nunc ergo id ipsum inspicimus & discutiamus, utpote in quo præcipua controversiæ difficultas sita est. Itaque sit

CAPUT II.

An recentiores Sinæ habeant aliquam primi Entis, seu Dei cognitionem, nec sint Athei?

PRO hac difficultate ritè solvenda, rursus Sinarum libri consulendi sunt; sed libri Sinarum recentiorum, libri usu recepti, libri suorum authorum scientiâ & famâ commendati, libri qui nunc teruntur, & ex quibus præsentibus discipuli Sinenfes suas hauriunt *cognitiones*; nec unus aut alter, sed plures ejusmodi libri. Sic enim sciatur, quas Sinæ præsentibus habeant cognitiones, & quamnam primi Entis notitiam teneant. v.g. si ipsi Sinæ cuperent scire, quamnam nos Europæi Sanctissimæ Trinitatis intelligentiam ac notitiam habeamus; numquid prudenter & tutè agerent, si præcipuos Europæorum libros, qui nunc in Scholis addiscuntur, aut explanantur, consulerent? pari modo si nos vellemus scire an Græci non tantum Schismatici, sed etiam hæretici sint; eorum libros usu nunc receptos deberemus consulere; & si fortè post inquisitionem de vero eorum sensu adhuc dubitarem, deberemus tunc stare Græcorum

eruditorum judicio, suos libros vivâ voce nobis explanantium. Ità in hac difficultate.

Dixi *cognitiones*, non *volitiones*; aliud namque est nôsse, aliud velle; aliud nôsse Deum, aliud velle; quamvis enim intellectus veritatem aliquam cognoscat, sæpissimè tamen voluntas renuit se illi subijcere, multoque minùs amat illam in praxim deducere.

* Itaque de his omnibus nunc agamus; & primò quidem ut cognoscamus an recentiores Sinæ non eandem, quam prisce cognitionem primi Entis habeant, eamve amiserint, aut deturpârint, videamus in hac 1. Quæstione quomodo ipsimet explicent illos omnes textus originales librorum antiquorum, quos in capite præcedenti retulimus; si enim eorum explicationes, seu interpretationes conformes sint textûs originalis sensui; tunc certum est eorum cognitiones easdem etiam esse, ac cognitiones priscorum Sinarum, qui illum textum originale composuerunt, adeoque unum, & idem agnoscere. Textûs autem originalis sensum habes in dicto capite præcedenti. Inspiciamus nunc eorum interpretationes, eundemque ordinem, quem suprà, sequamur. Sed ut sim brevior, quando interpretatio coincidit cum sensu originali jam explicato, aut nihil expressius dicet, eam omitam (quod bene notandum est pro intelligentia totius hujus capitis) eamque tantùm afferam, quæ videbitur aliquid expressius dicere, etiam in partem contrariam.

Deinde ut solvam omnes difficultates, quæ possent fortè contra hæc objici, in 2. Quæstione videbimus quomodo isti recentiores Authores explicent vocem *Tien* seu Cælum, & *Xam Ti* seu cæli Dominum; & an talis explicatio obsit, aut repugnet veræ Dei cognitioni. Deinde in 3. ostendemus quodnam primum rerum omnium Principium in mundo ipsi agnoscant, & sub quo nomine? Ac consequenter in 4. juxta horum recentiorum & antiquorum Sinarum mentem exponemus Spiritûs definitionem, divisionem, proprietates. In 5. examinabimus utrùm litamen dictum *Kiao*, quod fit Cælo, dirigatur ad cælum materiale, vel immateriale seu ad cæli Spiritum nempe Deum? itèm utrùm litamen dictum *Xe*, quod fit Terræ, dirigatur ad terram materialem, vel ad eundem cæli ac terræ Spiritum, aut ad alium? In 6. discutiemus duas voces *Tay Kie*, quæ significant primum rerum Terminum seu Naturam; & quia Sinæ recentiores quandoque confundunt has voces *Tay kie* cum voce *Li*, id est Ratio; & vocem *Li* cum voce *Tien* seu Cælo; idè inquiramus

mus utrùm bina vox *Taykie* quandoque à Sinis usurpetur pro supremo cœli Domino seu Deo, quatenus Deus est prima rerum omnium Causa. Denique in 7. resumendo summatim omnia ex istis recentioribus Sinarum libris prius excerpta ac deducta, investigabimus, utrùm illi dent veram aliquam primi Entis seu Dei cognitionem, adeoque an Sinæ recentes sint aut possint dici Athei?

Nunc ergo à perfectionibus, quas Cœlo & cœli Domino, id est *Tien* & *Xam Ti* attribuunt Sinici isti libri recentiores antiquorum classicorum interpretes, incipiamus, ut noscamus utrùm Sinæ moderni aliter quàm antiqui sentiant de Deo. itaque

QUÆSTIO I.

Quas perfectiones Cœlo, aut cœli Domino seu *Tien* aut *Xam Ti* attribuunt libri Sinici recentiores, antiquorum classicorum interpretes?

Respondeo: videntur easdem quas libri antiqui quoad rem, licet quandoque sub diversis verbis ac nominibus involutas, attribuere. Ut id probemus, quemadmodum in præcedenti capite præcipua Dei Attributa singillatim accepimus, & vidimus ea à libris antiquis & classicis adscribi Cœlo, & cœli Domino id est *Tien* & *Xam Ti*; ità in hoc eundem modum servabimus, & inspiciemus, utrùm isti libri recentiores antiquorum interpretes ista omnia Dei Attributa adscribant etiam cœlo ac Cœli Domino? sit ergo

Paragraphus I.

De Dominio *Tien* ac *Xam Ti*, seu Cœli ac cœli Domini juxta recentiores interpretes.

Circa hoc paucis refero quorundam Interpretum sensa: dum Excelsum Cœlum, inquit, populis, quos producit, constituit Reges ad eos regendos, & Doctores ad eos docendos, ejus intentio id unum optat, ut hi Reges ac Doctores suo nomine & tanquam sui Vicarii rectam vitæ disciplinam tradant, ac propagent, adjuvando cœli Dominum in eo, ad quod non pertingit (A); Cœlum producens hominem, postquam materiam sensibilem ei dedit ad formandum corpus, tunc rectam rationem ei infundit ad constituendam naturam rationalem. Hæc

D ;

recta

recta ratio, quatenus in Cælo, est cæli Virtus prima, communicativa, directiva, perfectiva; quatenus in homine, est congenita hominis pietas, æquitas, honestas, intelligentia, seu potius naturalia pietatis, æquitatis, honestatis, intelligentiæ semina; hujus infusio ac receptio est instar præcepti à Cælo impositi, ideoque dicitur Cæli lex (B). Hæc Cæli lex, seu ratio naturæ infusa generaliter sumpta comprehendit omnes res creatas; specificè sumpta prout est facultas lucida & intelligens, seu rationalis comprehendit tantum hominem (C). S. Thomas. 1. 2. q. 90. &c. asserit legem esse aliquid rationis, & legem æternam esse rationem gubernationis rerum in Deo tanquam in Principe, sive rationem Divinæ sapientiæ secundum quod est directiva omnium actuum & motionum; Legem naturalem in nobis existentem esse participationem istius legis æternæ, à qua omnia regulantur ad proprium finem, sed creatura rationalis excellentiori modo, quatenus est providens sibi & aliis; Hanc legem naturalem humanam esse quoddam dictamen rationis practicæ, nempe prout impressum à Deo, ut intimans sub obligatione quid faciendum aut omittendum. Hæc S. Thomæ principia videntur posse sat convenienter aptari iis, quæ isti Sinæ Interpretes dicunt de Cæli lege, de quo sic rursus ajunt: Cæli via seu Cæli agendi ratio caret omni iniquitate; semper honestati & æquitati inhæret; cur autem Princeps tanquam Cæli Vicarius, Cælsque nomine regimini præsit, est quia Cæli honestatem & æquitatem ad regendos populos sibi proponit (D); Ego autem, ait Confucius, nec Spiritui anguli in cubiculo Austro-occidui, nec Spiritui foci adulandum esse censeo; sed super hos Spiritus, Majestas nulla est Cælo major, utpote summa & nulli alteri comparabilis. Qui in agendo sequitur rectam rationem, huic Cælum bona elargitur; qui autem in agendo adversatur rectæ rationi, ei Cælum mala immittit. Si quis in eo, quod agit, muneris sui partes transgrediatur, nec rectam sequatur rationem, hic in Cælum peccat; ut hoc autem in Cælum peccatum condonet, ecquem, quæso, rogare possit (E)? vir deturpatus præmissâ abstinentiâ & munditiæ, potest ad intelligentem Spiritum accedere, cæli Domino oblationem facere (F); Prisci Imperatores oblationes faciebant cæli Domino, & erigebant parentalia ædificia ad ostendendum in Imperio haberi Dominos (G); ratio autem cur Imperator oblationem faciat cæli Domino, est quia nihil in mundo habetur quod cæli Dominus non producat, & nihil quod Imperator non regat (H); Imperator in colendo cæli Domino dignitatem sibi cælitus col-

collatam exornat, & sic habet suprâ se cui obtemperet; in creandis populorum ac Regnorum inspectoribus totum Monarchiæ corpus firmum efficit, & sic habet infra se quibus rerum curam committat; hincque fit, ut sive supra se, sive infra se oculos convertat, nullâ re verecundetur; Imperatoris enim dignitas inter hos duos terminos Cœli, & hominis versatur; dum autem dicitur Imperialis familia *Hia* venerata fuisse, Imperialis familia *Xam* magnificasse, Imperialis familia *Cheu* reverenti servitio coluisse cœli Dominum, unus & idem est sensus (I).

Vides igitur ex his Reges ac Doctores populorum à Cœlo tanquam supremo Domino constitui; ab eodem hominis corpus produci, naturam rationalem infundi, ejus legem generaliter sumptam esse rationem naturæ infusam, specificè sumptam esse rationem naturæ lucidæ, seu intelligenti inditam; deinde dum quis transgreditur rectam rationem, in Cælum peccare; ei fieri oblationes ut Domino, ut Spiritui intelligenti, ut rerum Effectori; ipsum esse supra Imperatores; hos ei obtemperare; Imperatores trium primorum Imperiorum ei inservisse. Quid, quæso, distinctius & clarius de Deo ut Domino dici potest? numquid ille prodigus Evangelicus Lucæ 15, dicebat: Pater peccavi in Cælum, & coram te?

Textus Librorum.

- A. 1. Ad 1. textum capitis præc. §. 1. de *Dominio*, sic interpretatio ab hoc Imperatore *Kam hi* in lucem edita, dicta *quotidiana* & *Librorum explicatio*, sinicè *Su xue Kiam*, tom. 14. parte 2. capitis *Leam boei van* in libri Memcii, qui citat dictum textum, immutatis paucis verbis, explicatione sic: dum Excelsum Cælum populis &c. ut suprâ in contextu.
- B. 2. Ad eundem textum cap. 1. §. 1. de *Dominio*, sic eadem quotidiana explicatio tom. 2. lib. *Chum yum*, art. 1. Cælum produciens hominem, postquam aërem seu materiam sensibilem ei dedit ad formandum corpus, tunc rectam rationem ad constituendam naturam rationalem ei infundit; idcirco hæc ratio quatenus in Cœlo, est virtus magna seu prima, est communicativa seu extensiva, est directiva, est perfectiva; & ab hac quatuor anni tempestates, quinque primaria rerum naturalium universalia principia, omnes rerum species, omnes rerum mutationes ac productiones profluunt. Quatenus in homine, est congenita pietas, æquitas, honestas, intelligentia; & ab hac quadruplex naturalis affe-

affectus, misericordiæ, verecundiæ, reverentiæ, scientiæ; quintuplex humanæ conditionis ordo (nempe debitus inter Patrem & filium amor, debita inter Regem & subditum æquitas, debita inter maritum & uxorem diversitas, debita inter Seniore[m] & Juniorem subordinatio, debita inter amicum & amicum sinceritas), omnes res, omnes actiones reguntur, & diriguntur; hujus rationis infusio ac receptio est instar legis aut præcepti a Cœlo impositi; atque hoc est quod dicitur ratio naturæ infusa.

- C. Deinde Doctor seu interpres *Tsay hin chay* in suo commentario *Su xu mum yn* tom. 1. circa hanc rem, ad initium libri *Doctrina adulterorum*, finicè *Ta bio*, sic etiam ait: quod liber *Ta bio* vocat facultatem, vel naturam lucidam & intelligentem, est id quod liber *Chum yum* seu immutabile medium sic exponit; Cœli lex est ratio naturæ infusa: sed istæ voces libri *Chum yum*, ratio natura infusa comprehendunt & homines & alias omnes res; Hæ autem voces libri *Ta bio*, facultas, vel natura lucida & intelligens, indicant duntaxat hominem; non enim hanc habent aliæ res, nec sunt cum homine ejusdem naturæ.
- D. Denique ad eundem librum *Ta bio*, sic quotidiana explicatio tom. 1. lucida illa hominis facultas est recta ratio, quam Cœlum ei ceu lumen infundit; hocque est quod dicitur lucida Cœli lex. Nōne hoc habet aliquam similitudinem cum eo quod dicitur in Psal. 4. *signatum est super nos lumen vultus tui Domine?*
- D. 3. Ad octavum textum &c. sic interpres *Chin hao* lib. *Li ki* tom. 9. cap. 32. *Piao Ki* citans authorem *Liu*: Cœli via &c. ut suprà in contextu. Deinde hæc addit: Cœli ordinatio, Cœli dispositio, Cœli lex, Cœli ultio, hæc omnia sunt Cœlum.
- E. 4. Ad 10. textum &c. sic quotidiana explicatio: tom. 4. in lib. *Lun yn* art. 3. Ego autem, ait Confucius &c. ut suprà in contextu.
- F. 5. Ad 15. textum &c. sic interpres *Cham kin chim* vulgo *Cham ko lao*; primus olim Imperii Minister tom. 20. in lib. 2. Memen cap. 2. *Li leu hia*, hominem deturpatâ facie vilescens, solent quidem alii fastidire; si tamen hic abstinentiam præmittat, sese diligenter lavet, sordes excutiat, tunc vel ad ipsum intelligentem Spiritum accedere, oblationemque cœli Domino facere potest.
- G. 6. Ad 16. textum &c. liber dictus vera libri mutationum ac productionum explicatio, finicè *Chen ye chin kiy*, compositus, seu in lucem editus

tus paucis ab hinc annis, à tribus authoribus literatis ex urbecula *Tamjam* Provinciae *Nankinensis*, quæ Provincia est præcipuum totius litterariæ rei Sinicæ seminarium, tom. 15. Symbolo *huon* sic: oblationes autem facere cæli Domino, & erigere parentalia ædificia ad ostendendum in Imperio haberi Dominos, est verè id, ex quo homo movetur ad colligendum suum animum.

- H. 7. Ad 17. textum &c. idem liber *vera libri mutationum ac productionem explicatio*, tom. 13. symbolo *Tim* sic: Ratio autem cur Imperator oblationem faciat cæli Domino, est quia nihil in mundo seu Imperio habetur, quod cæli Dominus non producat, & nihil quod Imperator non regat. Deinde paulò post citat quamdam Doctoris *Chu hi* interpretationem in librum rituum, quæ sic ait: Cælum omnes mundi res producit, nec ulla est quæ ejus virtutem satis explicare possit; idcirco illi offertur una tantum pecus; Imperator autem omnes Imperii res habet, seu in illas dominium habet; idcirco *Regulus* pro victuali munere unum tantum tenellum vitulum illi offert.
- I. 8. Ad 19 textum &c. sic interpretes *Tsay xin* lib. *Annal. Imper.* tom. 5. cap. *Lis chim*: Imperator in colendo &c. ut supra in contextu.

Paragraphus II.

De Potentia *Tien*, ac *Xam Ti* juxta recentiores Interpretes.

Sic hi; Magna, inquit, ac prima Cæli Virtus est animus res semper, & assidue producendi. Ubi primum hujus vis motrix in actum erumpit, mox rerum productio & quoad materiam, & quoad formam incipit emergere: illa Cæli Virtus non tantum ad principium, sed etiam ad totam rei perfectionem concurrat, & totam generationem cæli Rectoris potentiam apprehendit ac continet, idcircoque tres cæteras Cæli virtutes, scilicet communicativam, directivam, perfectivam in se complectitur (A); hæc quadruplex Cæli virtus tacito modo intrà arcanam ac mysteriosam caliginem volvens, suo motu omnia producit; nimirum ab hac Cæli virtute quatenus magna, ac prima habetur initium rei; quatenus est communicativa, habetur augmentatio rei; quatenus est directiva, habetur tendentia rei ad suum finem; quatenus est perfectiva habetur perfectio rei & finis consecutio (B). Unde quælibet res habet quadruplicem

E

hu-

hujus quadruplicis Cœli virtutis participationem proportionatè juxta cujusque naturam; quæ participatio prout à Cœli lege accepta, est quid subtilissimum, purissimum, simplicissimum; Cœli enim res, utpote sensibilibitate expers, nec cogitatione comprehendi, nec sensu aut figurâ exprimi potest (C). Dum dicitur activa Cœli virtus novit rerum principia, illa vox *novit*, idem est ac Dominum agit, regit, dirigit, eo modo quo dicitur ad significandum urbis Gubernatorem, *ille novit Urbem*, id est dominum agit in tota urbe, omnes illius res regit, ac dirigit (D). Quod enim dominatur in omnium rerum productiones, est illa activa Cœli virtus, quæ in actum exiens cum passiva terræ virtute omnes res perficit (E). Omnium rerum productiones ac perfectiones pro suo primo principio habent Cælum; & quia Cælum in res producendas ac perficiendas dominatur, idcirco dicitur cœli Dominus ac Rector; hujus cœli Domini in actum exeuntis, & ab actu cessantis vis motrix, seu virtus movens, ad omnia octo Symbolorum ænigmaticorum, quibus in isto libro *Yekim* rerum productiones ac mutationes figurantur, loca sese diffundit, omniæque ista octo Symbola reguntur, & pendent à cœli Domino (F). Equis autem omnes illas mundi res producit? equis perficit? certè oportet ut existat aliquis, qui sit Dominus, ac Rector, & ob hanc causam vocatur *Xam Ti*, id est cœli Dominus ac Rector seu supremus Dominus (G); ut enim omnes res producantur ac perficiantur, necesse est haberi à quo producantur & perficiantur, idèoque *Ti*, id est *Xam Ti*, est cœli Dominus ac Rector; denique si penitus inquiratur, quodnam sit harum omnium rerum principium (ait infra citatus Author) etiam nihil est aliud quàm aëris, seu vitalis auræ vis motrix (nempe vitalis principii vis motrix); ubi hæc aëris seu vitalis auræ vis motrix agit, statim ex hac subsequuntur omnes res (H). Quod autem hic per istam vocem *aër*, seu *vitalis aura* possit, aut debeat intelligi *principium vitale*, vel quid simile, ut facias Sinas loqui coherentè, nec loqui sibi ipsis contraria, non verò iste sensibilis aër, vide infra quæstionem 3. Imò ipse idem interpres, qui prædictum authorem citat, sic in ejusdem articuli præfatione ait: quando dicitur ista vis motrix aëris, seu vitalis auræ, tunc nondum habetur rerum existentia (adeoque nec ipse aër sensibilis) sed quia cœli Dominus in actum exiens & ab actu cessans non potest videri, idcirco dicuntur ex habito cœli Domino omnes res subsequi ad agendum, & cessandum, ut per id, quod videri potest, cognoscatur id, vel is qui videri non potest

test; unde idem postea de hac re sic rursus ait: ille cœli Dominus in actum exiens, & ab actu cessans non potest videri; & si velis cum exeuntem in actum & ab actu cessantem nōscere, eccur cum non spectas in omnibus rebus productis? quoniam sanē modo res possint se ipsas facere? quia autem cœli Dominus in illas dominatur, ideo potest videri illarum actio & cessatio, seu motus & quies; atque ulterius hinc potest sciri, ac cognosci cœli Domini actio & cessatio (I). Rursus sic: Illa cœli vis activa, in hac 8. Symbolorum ordinatā serie posita primo loco, Regis seu Domini partes agit; est enim rerum effector Dominus, nihilque est quod non contineat ac regat; alia agentia ab ea pendent, ab ea reguntur ac continentur; ad ejus nutum suum munus exercent (K). Ex his patet illos Authores agnoscere aliquod Principium invisibile ante sensibilem rerum existentiam, quod vocant cœli Dominum, sinicē *Ti*, seu *Xam Ti*; adeoque per istam vocem *aër*, seu *vitalis aura*, debet hic intelligi principium vitale invisibile, ac primum movens; nihil enim prius hoc principio agnoscunt; Deinde, ut infrā dicam in quæst. 3. per istam vocem *aër*, sinicē *Ki* passim intelligunt *vitam*, *motum intrinsecum*, *vitalē auram* &c. more antiquo, *vitales expuit auras*.

Nunc cætera breviter prosequamur; in omnibus istis hominibus, inquit, à Cælo productis habetur corpus sensibile pro materia, recta ratio pro forma, quā homines naturaliter amant virtutem (L). Qui cordis rectitudinem non sequitur, hic Cœli Segi adversatur, ideoque Cælum cum non adjuvat (nempe speciali auxilio); Cælo non adjuvante innumera in suis rebus obstacula offendit, & licet velit quidpiam agere, quī sanē illud possit (M)? Cælum enim non sine fundamento ac ratione homines adjuvat; si quis rectam rationem fideliter sequatur, hic potest sibi Cœli cor devincire; atque hic est vir obediens, quem Cælum adjuvat (N); hæc autem verba *summa virtus*, seu *summā virtute Princeps à Cælo juvatur*, *nihilque ei non bene ac faustè succedit*, dicuntur quidem juxta vacuum (id est, ut dicam postea, juxta rem vel fundamentum insensibile, invisibile, & à materia abstractum) sed horum explicatio à Confucio non est inaniter ac temerè facta (O). Vastissimi cœli Rector vel vastissimum Cælum supreme Domine ac Rector, qui potestatem habes, ut & à malis fugere, & ad bona tendere possimus, eccur non sinis nos procul aufugere (P)? Quamvis altissimum Cælum videatur nihil de hisce rebus cogitare; ejus tamen rerum effector Spiritus intelligens, qui comprehendi non potest,

omnia pericula potest arcere, & resipiscenti favere (Q). Cœlum in arcanum ac mysteriosum caliginem habet, quo tacite populos stabiliat, juvet, uniat, & jungat ad cohabitandum (R). Dum naturaliter aliquid fit, quod nullæ hominum vires efficiunt, id dicitur esse Cœlum, quod in profunda illa ac immensa caligine dominans ac gubernans, nec comprehendit, nec concipi potest (S). Dein quod unicuique inditur juxta propriam exigentiam, nullis apparentibus Effectoris vestigiis, in profunda illa ac mysteriosa caligine, plenam ex se habentis libertatem, ut det vel auferat, ut veniat vel abeat, id dicitur naturalis ratio incomprehensibilis (T). Universalis illa ac particularis Cœli virtus nihil est aliud quam quadruplex ejusdem virtus, prima seu magna, communicativa, directiva, perfectiva universaliter & particulariter sumpta (V); deinde quod per illas omnes mundi res intelligitur, est aliquid externum, & sensibile; sed per hanc virtutem particularem & universalem, intelligitur aliquid internum ac liberum (X); denique hæc universalis virtus est prima omnium rerum radix, atque primum omnium productionum principium (Z).

Hæc omnia si Deo ut Cause primæ & universali, ejus Omnipotentia, ejus Providentia, ejus auxiliis, ejus concursui simultaneo, ejus Sapientia, singula singulis aptare vellem, haud dubie longior forem; cum igitur ex te sint satis clara, ad aliud transeo.

Textus Librorum.

- A. 1. Ad 2. textum cap. 1. præc. §. 2. *de potentia*, sic vera libri mutat. ac productæ explicatio tom. 1. Symbolo *Kien*: virtus illa, qua res nituntur ut incipiant esse, vocatur magna, ac prima. Deinde paulò post: quid est hæc magna ac prima Cœli virtus? Cœlum rerum productionem maximè spectat, hæc autem magna ac prima virtus est ille res assidue producendi animus: idcirco statim atque hujus vis motrix in motum seu in actum erumpit, mox rerum productio & quoad rationem seu formam, & quoad aërem seu materiam incipit emergere; atque sic omnes res nituntur illi magnæ ac primæ virtuti, ut esse incipiant; attamen assiduus hujus virtutis motus non tantum rerum initia, sed & finem attingit; Cœli enim virtus communicativa est hujus primæ ac magnæ communicatio; directiva est hujus directio, perfectiva est hujus perfectio; unde non tantum omnes res illi nituntur ut esse

esse incipiant; sed ipsa generatim omnes Cœli virtutes in se comprehendit; ideoque dicitur magna.

- A. Et paulò infrà: hæc magna ac prima Cœli virtus non tantum concurrat ad omnium rerum principia, sed etiam generatim totam apprehendit, ac continet cœli Rectoris sinicè *Ti Tion* seu cœlum regentis potentiam, eo modo quo magna ac vasta Imperatoris potestas totam Monarchiam amplexatur; idcirco illa dicitur totum Cœlum completi. Rursus paulò infrà sic: petes: magna illa ac prima Cœli virtus ubinam existit? & unde ad omnium rerum principia concurrat? Re-
- B. spondeo: tua quæstio est sanè optima, hujusque rei ratio præstantissima, ac sublimissima. Quadruplex ista Cœli virtus tacito modo intra arcanam quamdam ac mysteriosam caliginem volvitur; quodque omnes res incipiant, crescant, ordinentur, ac perficiantur participando
- C. illam quadruplicem virtutem, id ab hujus vi motrice in actum erumpente habetur. Et paucis verbis interjectis sic pergit: v. g. si de solis tantum milii granulis agamus: unumquodque illorum quemdam in se vitæ sensum continet, & in hoc residet Cœli virtus, ac vis motrix delitet. Dum hæc vis motrix in actum seu in motum erumpit, quia mox modicus aer fermentatur, idcirco hoc habet à prima & magna Cœli virtute; deinde dum humectatio extenditur, hoc habet à Cœli virtute communicativa seu extensiva; postea dum tendit ad producendum suum fructum, hoc habet à Cœli virtute directiva; denique dum fructum perfectum producit, hoc habet à Cœli virtute perfectiva.

Denique ulteriùs explicando hæc textus verba: *proh! quam magna Cœli activa virtus! ejus fortitudo, constantia, aequitas, relictio est longe*

- C. *purissima, integerrima, perfectissima; perfectissima*, inquit, id est quadruplex activa Cœli virtus est illa Cœli lex, quæ est aliquid subtilissimum, & excellentissimum; estque excelsi Cœli res voce & odore, seu sensibilitate expers, quæ nec cōgitatione comprehendi, nec sensu aut figurâ exprimi potest.
- D. 2. Ad 3. textum &c. sic vera libri mutat. & product. explicatio tom. 17. parte *Xam chuen* art. 1. illa vox *novit*, idem est ac Dominum agit, regit, dirigit; uti eadem vox *novit* ad significandum urbis, aut urbeculæ Gubernatorem usurpatur dicendo: ille *novit* urbem, *novit urbeculam*; id est in totâ urbe, in tota urbecula Dominum agit, omnes illius res regit ac dirigit.

E Dein paulò infrà: idcirco quod dominatur in omnium rerum productiones antequam sensibiles fiant, & ante fœtus efformationem, est illa activa Cœli virtus; ubi enim activa Cœli virtus in actum erumpens se Duce[m] præbuit, quib[us]que *in* & motus *yam* simul conjunguntur; tunc aër figuram sensibilem, & ratio naturam insensibilem inchoat; id autem quo totius istius rei initium nititur, est illa virtus noscens magna principia. Deinde passiva terræ virtus referata ab illa Cœli vi motrice figuram sensibilem perficit; terræ enim agendi ratio, cum in productione omnium rerum adjuvanda Cœlo unice obsequatur, excipit Cœli aërem, ut figuram sensibilem perficiat, & Cœli rationem, ut perficiat naturam insensibilem; id autem quo tota res perficitur, est rerum Effector.

F. 3. Ad 4. textum &c. sic vera libri mutat. ac produët. explicatio tom. 22. part. *Xue qua* art. 5. vox *Ti*, inquit Doctor *Chu hi*, significat cœli Dominum ac Rectorem. Olim Princeps *Ven vam* cum videret Symbola ænigmatica ab inventore *Fo hi*, in ordinem disposita haberi quidem quoad substantiam; sed effectu, & usu carere; ipse in alium ordinem orbicularem seu circularem illa distribuens, primo loco posuit Symbolum *chin*, seu Symbolum *motus*, spectans æquinoctialem mundi plagam; & ultimo Symbolum *Ken*, seu Symbolum cessationis, Spectans Boreo- orientalem mundi plagam; ad ostendenda rerum Effectoris successiva per totum annum opera; omnes enim rerum productiones pro suo primo principio habent Cœlum; & quia Cœlum in res producendas ac perficiendas dominatur; idcirco dicitur cœli Dominus ac Rector; hujus Domini ac Rectoris exeuntis in actum, & ab actu cessantis vis motrix ad omnia sequentium Symbolorum ænigmaticorum à Principe *Ven vam* ordinatorum loca sese diffundit; & quia istorum octo Symbolorum ordo incipit à Symbolo *motus*; idcirco ab hoc in actum exire incipit. Deinde citat Interpretem *Tsay hin chay* sic dicentem: omnia ista octo Symbola pendent à cœli Domino; ab eo reguntur, ab eo comprehenduntur. Postea cum istis octo Symbolis deducit totius anni rerum productarum ac vicissitudinum ordinem, incipiendo à Vere, pergendo à Vere ad Æstatem, ab Æstate ad Autumnu[m], ab Autumno ad Hyemem, in qua finitur, ac cessat annuus circulus; ostendend[um]que sic varias aëris mutationes, ac temperiem, temporisque vicissitu-

itudines juxta varias anni tempestates; caloris ac frigoris decrementum, aut incrementum, contrarias aëris affectiones &c.

G. Deinde citans authorem *Yum fum hu*, sic pergit: à primo Symbolo *motus* sinicè *chin*, usque ad ultimum *cessatio* sinicè *Ken*, est omnium rerum productarum ac perfectarum deductus ordo; sed quis illas producit? quis illas perficit? opus est sanè, ut existat aliquis, qui sit Dominus ac Rector, & ob hanc causam vocatur *Ti*, cœli Dominus ac Rector. Rursus paulò infrà citat Doctorem *Tsay bin chay* sic dicentem: hic articulus spectat præcipuè cœli Dominum; sequens autem omnes

H. res, prout ex habito cœli Domino subsequuntur. Ut enim omnes res producantur & perficiantur, necesse est haberi, à quo producantur & perficiantur, ideòque *Ti* (id est *Xam Ti*) est cœli Dominus ac Rector. Denique si penitus inquiretur, etiam nihil est aliud, quàm vitalis auræ, seu aëris vis motrix; ubi enim hæc vitalis auræ vis motrix agit, statim ex hac subsequuntur omnes res.

I. Nota tamen quid hic citator dicat de ista aëris seu vitalis auræ vi motrice in præfatione ejusdem articuli sic: hic prior articulus agit de cœli Domino, juxta octo Symbolorum ordinem in actum exeunte & cessante ab actu; quando dicitur ista aëris seu vitalis auræ vis motrix, tunc nondum habetur rerum existentia, seu nondum ad rerum esse prorupit; sed quia cœli Dominus exiens in actum & ab actu cessans non potest videri, ideò articulus sequens dicit ex habito cœli Domino omnes res subsequi ad agendum & cessandum, ut per id quod videri potest, cognoscatur id, vel is qui videri non potest. Deinde ibidem citat authorem *Chim*, illa octo Symbola sic explicantem: ista sola littera *Ti* (id est cœli Dominus) per se facit unum sensum; est enim hic *Ti*, qui omnia ista octo Symbola facit, ideòque illis præpositus est.

I. Denique idem Auctor articuli sequentis seu quinti explicationem sic incipit: Ille cœli Dominus in actum exiens & ab actu cessans non potest videri; si autem velis nosse cœli Dominum exeuntem in actum, & ab actu cessantem, occur eum non spectas in omnibus rebus productis? tum enumerat totius anni productiones juxta variam aëris temperiem successivè advenientes, incipiendo à verno tempore, figuratas per illa octo Symbola; postea sic concludit: atque hæc est in totius anni decursu, omnium rerum actio & cessatio. Sed quonam sanè modo res possint se ipsas facere? quia ergo cœli Dominus in illas do-

mi-

minatur, idèò potest videri earum actio & cessatio, seu motus & quies, atque ulterius hinc potest sciri ac cognosci cœli Domini actio & cessatio seu quies.

K. Idem in præfato articulo quarto ejusdem partis sic ait: cœli vis activa (seu Cœlum) in ista octo Symbolorum ordinatâ serie posita primo loco, *Regis* munus agit; est enim rerum Effector Dominus, nihilque est quod non contineat ac regat; aliâque, v. g. tonitru Symbolum motûs, & ventus Symbolum diffusionis, ac reliqua ab ea pendent, ab ea continentur, ab ea reguntur, ad ejus nutum suum munus exercent. Et paulò post; ista vox *Rex*, idem est ac *Dominus*.

L. 4. Ad 5. textum &c. sic quotidiana quatuor librorum explicatio, tom. 23. in 2. lib. Memc. cap. 6. *Kao tin xam* sic: In omnibus istis hominibus, quos Cœlum producit, habetur corpus sensibile pro materia, & recta ratio pro forma; cùmque hanc communem naturam omnes homines accipiant, idèò nemo est qui virtutis pulchritudinem non diligat. Inter hanc materiam & formam est discrimen rei perfectioris & imperfectioris &c. idem habet paulò fusiùs interpres *Cham kin u bim*, seu *Cham Ko Lao*.

M. 5. Ad 9. textum vera libri mutationum ac productionum explicatio tom. 7. Symbolo *Vu vam* sic: qui cordis rectitudinem &c. ut suprâ in contextu.

N. 6. Ad 10. textum &c. sic vera libri mutationum ac productionum explicatio tom. 21. p. *Xam cbuen* art. 12: adjuvari, id est auxilium impetrare; sumitur autem dupliciter, scilicet auxilium impetrare à Cœlo, & auxilium impetrare ab hominibus; sed ambo generaliter loquendo non sinè ratione aliquem adjuvant; qui sequitur naturalem rectæ rationis ductum nec illi malitiosè reluctatur, hic dicitur obediens; obediens rectam Cœli rationem sequendo nec illi reluctando, potest Cœli cor sibi devincire: atque is est vir obediens & obtemperans, quem Cœlum adjuvat. Qui veram rationis honestatem amplexatur nec fictè ac vanè quidquam agit, hic dicitur verus; verus honestatis veritatem amplexando, suoque candore homines commovendo, potest illorum animos sibi devincire; atque is est vir verus ac verax, quem homines adjuvant.

O. 7. Ad 11. textum &c. sic vera libri mutationum ac productionum explicatio tom. 5. Symbolo *Ta yen* hæc autem verba: *summa virtus*, seu

seu summā virtute Princeps à Cælo adjuvatur, nihilque ei non bene ac sanse succedit, dicuntur quatenus innixa vacuo (nempe vacuo à re materiali & sensibili;) & nisi Confucius in additamenti Principum *Ven vam*, & *Chenkum* illa explicuisset (vide hic num. 6. & in præced. cap. §. 2. n. 10.) valdè vereor ut Doctor *Chu hi* explicare valuisset; sed tunc agnovit hanc Confucii explanationem non inaniter ac temere factam.

P. 8. Ad 12. textum &c. liber dictus: compendiola libri *Carm.* interpretum *compilatio*, compolita vel in lucem edita paucis ab hinc annis, auctoribus *Fun* & *van* lib. carmin. tom. *Ta ya* odā. *Tan han*. hæc autem compilatio est annexa cum interpretatione Doctoris *Chu hi*. Itaque sic: vastissimi cæli Rector, ut suprà in contextu.

Q. 9. Ad 13. textum &c. sic celebris Interpres *Chu hi* lib. carm. tom. *Ta ya* odā *Chen niam*: quamvis altissimum & remotissimum Cælum videatur de hīc rebus nihil cogitare, ejus tamen rerum effector Spiritus intelligens, qui comprehendere non potest, quantumvis periculosas turbas ac tumultus potest sistere, impedire, arcere. Si igitur Imperator *Ten vam* velit respicere, & novum vivendi genus instituire, nec degeneri vitā suis Avis maculam probūque inferre, Cæli voluntas etiamnum potest redire; suæque ipse posteritati consulere; atque ita ejus nepotes paternam prosperitatem etiam excipiant.

R. 10. Ad 16. textum &c. sic interpres *Tsai Xin*, lib. Annal. imper. tom. 4. cap. *Hum fan*. Cælum in arcana &c. ut suprà in contextu.

S. 11. Ad 17. textum &c. sic quotidiana quatuor librorum explicatio tom. 21. in lib. 2. Memc. cap. 5. *Van cham xam*: dum naturaliter &c. ut suprà in contextu. Interpres *Cham ko lao* sic idem fusiùs explicat tomo etiam 21: sub Imperatoribus *Tao* & *Xun*, cū nec illorum Ministri fuerint æquē diuturni, nec illorum liberi æquē sapientes; cerrē in istis omnibus rebus datur, atque inest Cæli lex ac dispositio: id autem quod dicitur Cæli lex ac dispositio, non potest vi cogi ut adveniat.

T. Quidquid enim, ut perficiatur, opus habet præmeditatis consilii & inventionibus, id humanum esse censetur, nec potest dici Cælum. Quod verò unicuique inditur juxta illius exigentiam &c. ut suprà in contextu.

V. 12. Ad 18. textum &c. sic interpres *Tsay hin chay*. in comment. *Su xu mun* jr. tom. 4. ad lib. *Chum yun*: Si bene examinetur quid reapse

illa sit universalis & particularis Cœli virtus &c. ut supra in contextu.

X. Deinde Ibid. paulò infrà: innumeræ illæ diversi generis res, Sol, Luna, quatuor anni tempestates sunt quid externum; illa autem particularis & universalis virtus est quid internum in illa externa libertatem exercens.

Z. Et ad eundem textum interpres *Cham ko lao* tom. 3. sic: Cœlum ac Terra complectitur unam magnam & universalem virtutem, quæ est prima omnium rerum radix, omnium productionum primum principium & origo; verumtamen copiosissimas & vastissimas tantum ejus naturales productiones ac mutationes, quæ inexhaustè se foris produnt, aspicias.

Paragraphus III.

De scientia *Tien*, ac *Xam Tij* juxta recentiores Interpretes.

DE hac sic: Maximus ille cœli Dominus, quamvis altissimus existat, ejus tamen ad hæc infima appulsus est tremendus, ac perspicacissimus; & ratio cur omnia ista Imperii regna respiciat, est quia optat stabilem populorum pacem ac tranquillitatem (A); Princeps *Tay van* qui voluit populos pace ac tranquillitate donare, non frustravit, seu non irritam fecit cœli Domini intentionem (B); vide, ne dixeris Cœlum est altissimum, illic sursum positum, & illi nihil ad nos; debes enim scire illud ita esse intelligens, perspicax, ac ita verendum, quasi continuè ad ea, quæ agimus, tum ascendendo, tum descendendo appelleret, atque quotidie huc respiceret: si quis irreverens fuerit, procul dubio Cœlum illum rejicit, & providentiæ favor ab eo recedit. Numquid sanè illud revereri debes (C)? dum ego mihi soli vaco, num fortè Cœlum in profunda illa ac mysteriosa caligine non valet me cognoscere? vir perfectus non potest ab hominibus cognosci; sed Cœlum dumtaxat illum cognoscit (D). Nullum est majus scelus quàm ut homo Cœlum fallat; quantò magis Cœlum non potest falli, sed homo seipsum tantum fallit (E). Hæc pauca sunt clara, ad voluntatem pergo.

Tex-

Textus Librorum.

- A. 1. Ad 1. textum cap. preced. §. 3. de *Scientia*, sic compendiosa libri Carminum compilatio, lib. carm. tom. *Ta ya*, odâ *Hoam y*: quicumque Rex à Cœlo iussus constituitur, est ad afferendam populis tranquillitatem ac pacem. Maximus enim ille cœli Dominus finicé *Hoam y Xam Ti* quamvis altissimus sursum existat, ejus tamen ad hæc infima appulsus est tremendus, ac terribiliter perspicax; & ratio cur omnia ista Imperii Regna vigil respiciat, est quia optat stabili populum pacem ac tranquillitatem.

Ad eundem textum Interpres *Chu hi* ibidem sic: Cœli in hæc infima appulsus perspicacissimus, unam tantum querit populorum pacem ac tranquillitatem. & paulò post: Si cœli Dominus ac Rector talem, qualem optat, obtinuerit Principem; mox ejus ditionis ac regiminis normam longè promovet.

- B. Ibidem eadem compilatio sic: dum cœli Dominus ac Rector clarâ virtute Principem *Tay vam* transtulisse in hunc locum dicitur; si bene perpendas dantis ei istum locum ad habitandum primam ac veram intentionem, videbis Principem *Tay vam*, qui probè potuit populos pace ac tranquillitate donare, non irritam fecisse eam cœli Domini mentem ac intentionem.

- C. 2. Ad 2. textum &c. sic eadem compendiosa explicatio, lib. carm. tom. *Cheutsum* odâ *Kim chi*: vide, nè dixeris &c. ut suprà in contextu.

Ibidem ad eundem textum Interpres *Chu hi* sic: Cœli via seu Cœli agendi ratio est perspicacissima; ejus providentiæ favor non est conservatu facilis; nec dicas illud alium esse, nec nos ab eo examinari; atque inspicere, scire debes illud ita esse intelligens, perspicax, ac ita vendum, quasi continuè ad ea quæ agimus, tum ascendendo, tum descendendo semper appelleret; nec ullus est dies, quo huc non accedat ac respiciat; adeoque non potes illud non revereri.

- D. 3. Ad 3. textum &c. sic quotidiana quatuor librorum explicatio, tom. 9. in lib. *Lun yu* art. 14: sic igitur animum colligendo, mihi quæ soli vacando, si elatis in Cœlum oculis nihil me pudore afficiat, num fortè excelsum Cœlum in profunda illa ac mysteriosa caligine me cognoscere non valebit.

Idem ad eundem locum habet *Cham kin chim* etiam tom. 9. deinde hæc addit ex suo: vir perfectus, qui in explendis omnibus naturæ

suæ rationalis partibus, Cœli legi unicè adhærens, eamque exequens, singularem illam intimæ cum Cœlo unionis excellentiam assecutus est, certè non potest ab hominibus cognosci, illisque perspectus esse, sed Cœlum dumtaxat illum cognoscit.

- E. 4. Ad 4. textum &c. sic Interpres *Cham kiu chim* tom. 7. in libri *Lam ju* art. 9: eequem igitur vult ille ut fallam? ut decipiam? vultne ut Cœlum decipiam? sed nullum est majus scelus, quàm ut homo Cœlum fallat, aut decipiat; quanto magis Cœlum nec falli nec decipi potest; sed homo tantum suâ se malitiâ decipit.

Paragraphus IV.

De voluntate *Tien*, ac *Xam Ti* juxta recentiores Interpretes

Aliquam inesse Cœlo intentionem ac voluntatem recentiores Auctores etiam sat clarè indicant sic: evectio ad thronum Imperialem verè emanat à Cœli jussu; & idcirco Imperatoris dignitas vocatur Cœli dignitas; Imperatoris census vocatur Cœli census; atque hæc per vires humanas nec fieri nec dari possunt. Sed difficile est scire Cœli voluntatem, res enim Cœli est voce seu sensibilitate expers; hinc non distinctis & expressis verbis, sed tacite suam voluntatem ac intentionem ostendit. Principis *Xan*, quo Cœli cor oblectabatur, particularis ad Imperium evectio non stetit ab eo tempore, quo Imperator *Tao* in eum transtulit Imperium, sed longè in obscura illa ac mysteriosa caligine præfinita fuit (A); Mysteriosa illa ac recondita Cœli substantia non loquitur; Imperator dum aliquem Cœlo proponit in suum successorem, non potest scire an Cœli voluntas futura sit ut annuat, nec nè; multò autem minùs potest Cœlum cogere, ut ei, quem proponit, Imperium conferat (B). Et licet Cœlum non habeat oculos ad videndum, nec aures ad audiendum; quod tamen attinet ad hominum virtutes ac vitia, nihil est quod non videat; nihil quod non audiat; verùm juxta id quod omnium populorum & oculi vident, & aures audiunt, censetur & videre & audire. Hinc patet quòd cœli Domini jussum maximè spectet populorum corda; & quo hæc vergunt, illuc & vergat Cœli voluntas (C); ad hæc omnia tam diversa efficienda in profunda illa ac mysteriosa caligine habetur aliquis Dominus ac Rector, id est Cœlum. Qui sanè ita efficere possint ho-

mi-

minum vires? hominum vires non possunt efficere ut quis tamdiu in dignitate subsistat; ut quis sit sapiens vel insipiens; ista ergo diuturnitas vel brevitās, sapientiā vel insipientiā à Cœli voluntate, cui uni obtemperare oportet, provenit (D); nec nobis licet Cœli intentionem, aut voluntatem suo sine frustrare (E); olim cœli Dominus bellicosum Principem *Tam* iussit Imperatorem agere ad componendos omnium circumjacentium Regnorum limites (F); hic Princeps *Tam* à cœli Domino iussus populi & Rector & Doctor, ita quotidie in perfectionis studio proficiebat, ut ejus virtus ingenti splendore ad Cælum usque pertingeret, id est Cœli cor sibi devinceret, uniret, secumque unum faceret (G). Gemebundi isti populi, omnibus periculis ac malis expositi aspiciunt Cælum, quasi somnians nihil discerneret; nec enim bonos certa beat felicitas, nec malos certa premit infelicitas, non secus ac si ei nulla mens foret ad hos ambos discernendos. Enimverò Cælum non sic erga homines se habet: cum destinatum advenerit tempus, si istos malos velit affligere, hos affliget. Proh! quàm magnus est cœli Dominus! quisnam est ille qui dicat quòd odio aliquem habeat (H)? Reconditum ac mysteriosum Cælum, quod ex se piū ac misericors est, nunc tremendæ iræ suæ rigorem in hanc infimam terram effundit (I). Jam verò, si id quod egiret rationi non congruit, certè in Cælum peccavi, adeoque Cælum me respuat necesse est (K); sed quia tu, Princeps, filius Cœli obtemperans es, hinc Cælum te, Princeps, amat, conservat, custodit (L); Princeps *Tu* etiam supplex Cœli mentem inquisit, eique reverenter & fideliter obtemperavit (M); si quis assiduā cogitatione conetur semper rectæ rationi adhærere, certè Cœli cor eum adjuvabit (N); si Cælum, inquit Confucius, nullam erga me intentionem ac voluntatem habuisset, profectò intelligentem ejusmodi facultatem cum vita mihi non infudisset; jam verò cum intelligentem ejusmodi facultatem cum vita mihi infuderit, Cælum ergo in meam vitam dominatur, atque adeò in medio illius profundæ ac mysteriosæ caliginis me adjuvabit (O); in illo Cælo, quod assidue gyrat, habetur voluntas; hinc Confucius, si Cælum, inquit, voluisset illam priscorum Sapientum scientiam interire, postea morituro non eam mihi donasset; si ergo Cælum nolit eam interire, quomodo istius loci *Quam* incolæ vitæ meæ nocere possint (P)? nimirum Cælum in profunda illa ac mysteriosa caligine tacitè adjuvando Confucium, non propter unum Confucium, sed propter priscorum Sapientum scientiam id præstabat

bat (Q); & Memcius. Cælum, inquit, nondum vult Imperii pacem (R); cum verò alii quod cupiunt, assequantur, alii non assequantur; alii licet assequantur, limitatè tamen duntaxat, & non ut volunt, assequantur; hæc omnia ex rerum Effectoris arbitrio pendent; nec possunt humanæ intelligentiæ ac prudentiæ viribus attribui (S); verè enim in his habetur Cæli lex ac providentia, quæ occultè ista dirigit ac gubernat (T).

Dum audis hos recentiores Authores finicos sic loquentes, an non crederes esse priscos illos, quos nunc suspicimus, veræ sapientiæ Sectatores? an non omnia ista effata possunt verè aptari multiplici Dei voluntati? voluntati beneplaciti & signi, voluntati arcedenti seu bonitatis & consequenti seu iustitiæ; voluntati absolutæ & conditionatæ, efficaci & inefficaci, sapientissimæ ejus providentiæ? &c. sed scientibus loquor, adeoque frustra hic immoror. Cætera perpendamus.

Textus Librorum.

- A. 1. Ad 1. textum cap. præc. §. 4. de *Voluntate*, sic interpret *Cham kin chim* tom. 21. in lib. 2. Memc. cap. 5. *Van cham xam*: quoad illam, inquit discipulus *Van cham*, Imperatorum Monarchiam, oportet prius esse qui illam det; tum postea concipitur esse qui illam recipiat. Cum igitur Imperator *Tao* illam Principi *Xun* non dederit; equis, quæso, illi reapse dedit? evectio ad thronum Imperialem, reponit Memcius, emanat à Cæli jussu. Cum enim & Imperatoris dignitas vocetur Cæli dignitas; & Imperatoris census vocetur Cæli census, idcirco liquet Cælum & illam & hos dare, nec humanis viribus dari posse. Deinde paulò post sic iterum respondet Memcius: difficile est scire ac nosse Cæli intentionem seu voluntatem, facile videre hominum res. Dum Princeps *Xun* à Cælo accepit Imperium, certè non distinctis & expressis verbis Cælum eum iussit Imperatorem; Cæli enim res est voce expers (ut dicitur in libro *Chun yun*); equid sanè Cælum loquitur? sed tantùm per eximias virtutes ac præclara gesta, quibus Princeps *Xun* fulgebat, tacitè suam voluntatem ac intentionem ostendit. Deinde paucis verbis interjectis sic: ubi est voluntas, nempe Cæli, ibi statim Imperium. Enimverò quid opus fuit distinctis & expressis verbis ad ei dandum imperium? Si igitur scias Principem *Xun* ejusmodi fuisse ut Cæli cor cooblectaretur, profectò particularis ejus ad ob-

obtinendum Imperium evectio non stetit tantum ab eo tempore quo Imperator *Tao* id illi transmisit, sed longè in arcana illa ac mysteriosa caligine præfinita fuit.

- B. 2. Ad eundem locum sic quotidiana 4. librorum explicatio, etiam tom. 21: mysteriosa illa ac recondita Cæli substantia non loquitur &c. & paulò post: potest quidem Imperator aliquem eligere ac Cælo proponere; sed an Cæli voluntas futura sit ut annuat, nec nè, scire nequit; nec potest Cælum cogere, ut certò illi Imperium conferat. Et paucis interjectis sic: Principis *Xun* gesta ac virtutes Cæli eor devinxerunt; hinc Cælum illum admisit. Denique paulò infrà: ita ergo omnia qui sanè humanæ vires efficere potuerunt? ideò asserui illum reapse & verè à Cælo jussum, scilicet Imperatorem.
- C. 3. Deinde ad locum seu textum libri *Annalium Imperial.* quem retuli in cap. præc. 5. 6. de *Vita*. n. 10. seu ultimo, sic Interpres *Cham kin chum* in cod. tomo 21: licet Cælum non habeat oculos &c. ut supra in contextu.
- D. Denique idem interpres *Cham kin chim* ibidem paulò post discutiens cur N. & N. fuerint aut non fuerint creati Imperatores, sic: si spectes temporis revolutionem, videntur ista quasi non satis cohæsisse; si autem occasionem aut temporis circumstantias spectes, optimè omnia inter se cohæserunt; nimirum quod attinet & ad illam temporis revolutionem, & ad has temporis circumstantias seu occasionem, in profunda ac mysteriosa caligine habetur aliquis Dominus ac Rector, id est unicum dumtaxat Cælum, quod hæc omnia efficit. Enimverò qui hominum vires hæc possint efficere? possunt quidem hominum vires virum sapientem Cælo proponere; sed non possunt efficere ut quis tam diuturno tempore subsistat in suprema primi Ministri dignitate; Possunt sceptrum filio transmittere, sed non possunt efficere ut filius certò sit sapiens, nec nè. Illa igitur temporis diuturnitas aut brevitás, illa hominis sapientia aut insipientia à Cæli voluntate provenit. Undè vir virtute & scientia absolutus tantum studet Cæli jussui obtemperare.
- E. 4. Præterea circa finem capituli, in quo habetur prædictus Memcius textus, sic quotidiana 4. librorum explicatio: Jam verò, inquit Memcius, cum Cælum inter homines istos, quos producit, rectè vivendi con-

consideratione me fecerit nonnihil præcellere ; possumne Cæli intentionem suo fine frustrare ?

E. 5. Ad 3. textum &c. sic compendiosa lib. carm. explicatio tom. *Xam tsun* odâ *huen niao*: olim autem cum Princeps *Chim Tam* ob suam bellicam fortitudinem dictus *bellicosus* surrexisset ; tunc cæli Dominus jussit eum Imperatorem agere ad componendos circumjacentium omnium Regnorum limites..

G. 6. Ad 8. textum &c. sic compendiosa lib. carm. compilatio tom. *Xam tsun* odâ *cham fa*: tunc Imperatores familiæ *Hia* nondum Cæli legem abjecerant ; cum autem ventum esset ad Principem *Tam*, hic opportuno natus tempore cepit in perfectionis studio ita quotidie crescere, ut ejus virtus ingenti splendore ad Cælum usque pertingeret ; id que diu sine intermissione & constantissime servavit. Unicum ejus reverentie objectum erat cæli Dominus, & nullâ quidem vel minimâ interruptione admittit. Idcirco cæli Dominus jussit eum populi & Rectorem & Doctorem agere ad ritè componendas totas novem Provincias seu totam Chinam, & ad perfectum disciplinæ exemplar edendum.

Dein paulò infra : *ingenti splendore ad Cælum usque pertingere*, id significat Cæli cor sibi devincire, unire, secumque unum facere.

H. 7. Ad 11. textum &c. sic eadem compendiosa lib. carm. compilatio tom. *Siao ya* odâ *chim yue*: aspice ut in illa sylva clarissime distinguantur arbores à virgultis ; & sic de aliis rebus. Jam verò gemebundi isti populi omnibus periculis & malis expositi suas querelas ad Cælum deferunt ; at vident Cælum quasi somnians nihil discerneret ; nec enim bonos certa beat felicitas, nec malos certa premit infelicitas ; non secus ac si ei nulla mens foret ad hos ambos discernendos. Enimverò Cælum non sic se erga homines habet ; sed sic nunc tantum fit, eò quòd destinatum tempus nondum advenerit ; cum enim Cæli via seu agendi ratio ad suum ordinarium cursum redierit, tempusque destinatum advenerit ; licet isti perversi homines in quamvis peccandi licentiam sese effroenatè projecerint, si tamen Cælum velit eos affligere ac punire, mox affliget ac puniet : nec ullus est quem non vincat. Proh ! quàm magnus est cæli Dominus ! quisnam sanè est, qui dicat quòd aliquem odio habeat ? ut malos affligat ac puniat, profectò
id

id recta ratio per se exigit; sed heu! nunc necdum destinatum tempus advenit.

- I. 8. Ad 12. textum &c. sic eadem compendiosa lib. carm. compilatio, tom. *Siao ya*, odâ *Siao mim*. Reconditum illud, remotum, mysteriosum Cælum, quod ex se piwm, ac misericors tegit & miteratur hæc infima, nunc tremendæ iræ suæ rigorem effundit in hanc terram infimam, efficitque ut Imperatoris prava ac malefana sint consilia. Eheu! quando hoc tandem finendum sit, nescio.
- K. 9. Ad 13. textum &c. sic quotidiana 4. lib. explicatio tom. 5. in lib. sentent. art. 6: si id quod egi, ait Confucius, rectæ rationi non congruit, nec rectam illius viam tenui, sanè in Cælum peccavi: Cælum ergo me respuat, Cælum, inquam, me respuat oportet. Idem habet *Cham kin Chim*.
- L. 10. Compendiosa lib. carm. compilatio in tomo *Siao ya*, odâ *Tien pao* sic: quia verò tu, noster Princeps, es Cœli filius obediens atque obtemperans, idè Cælum te, Princeps, amat; Cælum ergo te conseruet, & in æternum regnas; ita firmiter thronum tuum stabiliat, ut nunquam perichitetur.
- M. 11. Interpres *Tsay Xin* in lib. *Annal. Imperial.* tom. 5. cap. *Chao kao* sic: Princeps *Tu* &c. ut suprà in contextu.
- N. 12. Quotidiana quatuor librorum explicatio tom. 1. in lib. 2. Memcii cap. 1. *Li ten* sic: iste locus libri Carminum hoc significat: si quis assidua &c. ut suprà in contextu.
- O. 13. Interpres *Cham kin chim* tom. 5. in lib. sentent. art. 7. sic: si Cælum ut suprà in contextu.

Ad eundem locum Interpres *Tsay bin chay* in suo libro *Su xu mun yn* tom. 6. sic: ista vox Cælum hic sumitur ut est Dominus ac Rector.

- P. 14. Idem Interpres *Tsay bin chay* tom. 1. *Su xu mun yn* ad præmium libri *Ta ho* sic: dum dicitur *Cælum assidue gyrans ac volvens*, etiam illud dicitur prout aliqua intentio ac voluntas illi inest. Et paucis verbis interjectis: sic etiam ipsemet Confucius (nimirum in lib. sentent. art. 9.) ait: si Cælum voluisset illam priscorum Sapientum scientiam &c. ut suprà in contextu. Idem interpres sic pergit: deinde Memcius (scilicet lib. 1. cap. 2.) sic etiam dicit: quod ego Reguli Regni *Lu* occursum & affatum perfrui, gratiamque inire non potuerim, id à Cælo provenit.

G

R. Et

R. Et alibi idem Memcius : illud, inquit, Cælum nondum vult Imperii pacem ac tranquillitatem. Hinc itaque vides prædictam vocis Cœli explicationem, & interpretationem non posse relinqui, nec rejici. Idcirco viri, & sapientiâ & virtute inclyti quasi deprimentes istius vocis significationem, successivè eam temporis revolutioni applicuerunt, ita ille interpres.

Q. 15. Idem interpres *Tsay hinchay* ad lib. sent. art. 9. in suo eodem libro *Su xu mun yn* sic : hinc vides cum istius loci *Quam* incolæ non possent nocere vitæ Confucii, Cælum tacitè ei opitulando in profunda illa ac mysteriosa caligine, non propter eum unum dumtaxat, sed propter præcorum Sapientum scientiam, istud etiam præstitisse.

S. 16. Interpres *Cham kiu chim* tom. 26. in lib. 2. Memcii cap. 8. *Cin sin bia* seu ult. sic : cum verò alii &c. ut suprà in contextu ; & sic concludit : hoc quidem natura est, sed in hoc Cœli lex ac providentia intus manet.

T. 17. Quotidiana 4. libr. explicatio tom. 26. ad idem cap. 8. lib. 2. Memcii, & eundem textum sic : cum verò alii possint, alii non possint id, quod exoptant, consequi ; protectò hac in re Cœli lex ac providentia, quæ tacitè ea dirigit ac temperat, reverà continetur ; vir autem sapiens id unum spectat, ut isti Cœli legi acquiescat ; & paulò post : quia Cœli lex ac providentia dirigit & moderatur naturam, ideo pluris fit.

Paragraphus V.

De Justitia *Tien* ac *Xam Ti* juxta recentiores Interpretes.

EX iis solum, quæ jam diximus, sat patet quam justitiam *Tien* ac *Xam Ti*, id est cælo, Cœlive Domino attribuant isti Authores recentiores ; rursus tamen hæc pauca accipe : Recta, inquit, Cœli agendi ratio seu Cœli via, quæ bonos beat, & malos plectit seu affligit, est pertimescenda (A). In poenis, aut præmiis æquus Princeps tantum spectat id, quod Cœli cor spectat, ac sanxit (B). Cælum clarissimè omnia examinat, discutit, nihilque est tam occultum, quod non perlustraret. Tu igitur illud non times (C) ? bonos, inquiebat, Confucius, felicitate,

re, malos infelicitate Cælum pensat (D). Multa familia omitto. Nunc de vita etiam breviter.

Textus Librorum.

A. 1. Ad 4. textum præc. cap. §. 5. de *Justitia* sic Interpres *Tsay Xin* lib. Annal. Imper. tom. 3. cap. *Chum hoë chikao*, hoc caput tria maximè complectitur: primò refert Cæli intentionem in creandis Regibus; Imperatorem *Kie* Cæli jussu non obtemperasse, ideòque Principem *Tam* à Cælo jussu, non potuisse ab ejus jussu se excusare. Deinde Principis *Tam* virtutem potuisse populorum corda sibi devincire; non tamen statim populos se illi submisisse; postremò ritè regendi Regni artem esse difficilem; animorum aut alienandorum, aut conciliandorum occasionem, rectamque Cæli agendi rationem seu Cæli viam quæ bonos beat, & malos affligit, esse pertimescendam.

B. 2. Ad §. textum &c. sic quotidiana 4. librorum explicatio tom. 12. in libr. tentent. art. 20: posteaquam Princeps *Tam* Imperatorem *Kie* debellasset, in oratione facta ad Regulos & Proceres, primò refert verba quibus à Cæli Domino facultatem petiit, ut Imperatorem *Kie* impeteret sic: ego Ly puer parvulus ausus sum nigri coloris tencillum vitulum assumere ad eum sacrificandum, (sub Imperio *Hia* cujus ultimus Imperator *Kie*, iste color erat in usu) magnique cæli ac densæ terræ Spiritum manifestè & palàm ita admonere: iste Imperator *Kie* multis est nocens criminibus, adeòque plectendus; non ausim ego illi ignoscere, & connivere. Omnes isti totius imperii sapientes, tui sunt Cæli Rector, Proceres, adeòque ad dignitates evehendi; non ausim ego permittere ut illi obscuram sine honore ac Magistratu vitam ducant. Quod enim attinet ad illius crimina & horum sapientiam, id unum dumtaxat specto quod tuum, cæli Domine, cor spectat ac sanxit. Quis ausim ego illi adversari, & juxta propriam mentem istud mihi vindicare & assumere? sic facultatem ego prius petii. Idem vide apud interpretem *Cham hui chum* apertioribus adhuc verbis explicatum, tom. etiam 12.

C. 3. Ad 13. textum sic compendiosa libri earm. expositio tom. *Siao ya* odà *Ho gin su*: ille ratus homines posse decipi, suas sagaces artes & astuta consilia fuit; hinc nullo modo homines erubescit. Sed cum

Cælum clarissimè omnia examinet ac discuteat, nihilque sit tam occultum quod non perlustrèt; tu si cènè unus non times Cælum? occur ergo sic agis?

- D. 4. Libellus trivialis dictus *Mim sin pao Kien*, art. 1. sic: Bonos, inquit bat Contucius, &c. ut suprà in contextu.

Paragraphus VI.

De Vita *Tien* ac *Xam Ti*, juxta recentiores Interpretes.

Quod attinet ad operationes vitales quas *Tien* ac *Xam Ti*, id est Cælo cælive Domino attribuant isti recentiores Sinæ, hæc etiam pauca profero. Verè datur, ajunt, cæli Dominus, qui Imperatori *Kao tsun* in fomnis dixit: ego tibi offero optimum Ministrum & adjutorem (A). Cælum, inquit Princeps *Vu vam*, me incogitantem constituit hominum, ac spirituum Dominum (nempe Pontificem ac Regem) & in filium adscivit seu Imperatorem jussit (B); cæli Dominus constituit Imperatores *Chim vam* & *Kem vam*, eosque jussit florens prædecessoris *Vu vam* regimen subsequi; eorum virtutibus dominabatur seu eas regebat cæli Dominus (C). cæli Dominus benevolè cogitabat de Principe *Ven vam* (D); ego, inquit cæli Dominus, diligo & in corde foveo lucidam Principis *Ven vam* virtutem seu facultatem, quæ nec magno rumore, nec externâ specie se multum prodit (E); quod Cælum videt & audit, id ex populis oritur; cum igitur juxta populorum animos judicem de Cæli voluntate ac intentione, oportet sanè ut ego vadam castigaturus istum Imperatorem *Chou* (F). Hæ operationes dicere, offerre, benevolè cogitare, in corde fovere, diligere, Imperatorem constituere, in filium adsciscere, videre, audire, jubere, intentionem habere, satis indicant principium vitale esse, à quo procedunt. Nunc de immensitate & æternitate.

Textus Librorum.

- A. 1. Ad primum textum cap. præc. §. 6. de *Vita* sic liber *Xu kim ta ciuen*, seu magnus libri Annalium Imperialium commentarius tom. 5. cap. *Tue mim*: cum Imperator *Kao tsun*, inquit Doctor *Chu hi*, somniârit sibi offerri Ministrum *Fu jue*; ergo juxta hoc verè datur cæli Dominus *Tien Ti*, qui Imperatori *Kao tsun* dixit: ego tibi offero optimum Ministrum

strum & adiutorem. Nunc doctores quotiescūque explicant vocem *Ti* per voces *Chu tsai Dominus & Rector*, sive quotiescūque interpretantur *Ti* esse Dominum ac Rectorem, dicunt eum figurā carere, & sensū imperceptibilem; arbitrōr hoc dici non posse. Quod sit ille, quem mundi vulgus vocat *To hoam Ta Ti* pretiosum Principem magnum cæli Dominum, (scilicet idolum sectæ *Tao su*), arbitrōr nec id posse dici. rursus sic: si istud somnium solummodò explicetur per motum recipro- cum; dum Imperator *Kao tsun* somniabat sibi à cæli Domino *Ti* offerri optimum Ministrum & adiutorem; oportebat ut in somnio existeret cæli Dominus *Ti* qui eum ipsi offerret; ergo non potest dici non dari. Quod ista res sit tantum *Cæli Ratio Tien li*, nec hoc dici potest.

Hinc nota quā malè à quibusdam iste Doctor *Chu hi* vocetur Atheo- rum coryphæus, aut Atheus.

- B. 2. Ad 6. textum ejusdem cap. præc. §. 6. sic compendiosa libri carm. compilatio tom. *chen tsun* oda *xi may*: dum nostra familia *Chen*, inquit Princeps *Vu van*, inciperet Imperium familiæ *Xam* bellando deturba- re; tunc omnium animi ardentibus desideriis anhelare bonum ac no- vum regimen cæperunt. Ego autem statō tempore Regulorum Re- gna visitatum perrexi; & ecce incogitantam me spirituum ac hominum Dominum, vastissimum Cælum constituit & in filium adiecit. Id sanè non casu contigit.
- C. 3. Ad 7. textum eadem compend. compilatio tom. *Chen tsun* odâ *Ché kim* sic: numquid sanè illa Imperatorum *Chim van*, & *Kem van* virtus clarissimè refulgebat? tunc temporis, illa suos radios emittens ac ven- tura sæcula illustrans non sivit ingentia prædecessorum cæpta incas- sum recidere. Hinc cæli Dominus ac Rector etiam illos Imperatores constituit, jussitque florens Imperatoris *Vu van* regimen subsequi. E- tiam erat, inquit *Chu hi*, cæli Dominus qui eorum virtutes guber- nabat ac regebat.
- D. 4. Ad 8. textum sic interpret *Chu hi* lib. carm. tom *Ta ya* odâ *Hoam y*, hic locus dicit quòd cæli Dominus benevolè ac propensè cogitaret de Prin- cipe *Ven van*, dicitque quod ejus virtus esset maximè interna, pro- funda, occulta, nec se visibili specie foras proderet.
- E. 5. Ad eundem textum sic quotidiana 4. libr. explicatio tom. 3. in libr. *Chum yun*. art. 33. cæli Dominus ita ipse ait: ego diligo, in corde foveo ut suprà in contextu.

F. 6. Ad 10. textum sic interpret *Tay Xin* lib. *Annal. Imper.* tom. 4. cap. *Tay xi*: quod Cælum videt, & audit, inquit Princeps *Tu nam*, id ex populis oritur, &c. ut suprà in contextu.

Paragraphus VII. De Immensitate & Æternitate

Tien, ac Xam Ti

Juxta recentiores Interpretes.

Videamus an hi Authores etiam aliquid innuant de Dei immensitate & æternitate; sic de *Tien* ac *Xam Ti* id est Cælo, cælive Domino loquuntur: nihil est ad quod Cœli intelligentia ac perspicacia non pertingat; hinc omnino colenda est; quemadmodum, inquit Doctor *Cham*, pietas seu animi rectitudo tam intimè actiones penetrat ut in illis semper reperiatur; ita Cœlum tam intimè res pervadit ut ab eo separari nequeant (A). Cœlum idem est ac Ratio; Ratio autem ad omnia se extendit & ubique existit; idè Cœlum ad omnia se extendit, & ubique videt (B); immensus & amplissimus cœli Dominus est hominum in hoc infimo orbe degentium Rex (C). Qui dominatur ac gubernat in medio rerum omnium Cœli, terræ, dierum, ac noctium, sitne hic an illic; sitne simul an non sit, cum nemo ejus locum valeat concipere, & comprehendere; numquid illius incomprehensibilitas una & eadem est cum summa Cœli legis spiritualitate, seu unus & idem est Spiritus incomprehensibilis (D)? Id quod dominatur in quietem *Tn* & motum *Tam*, sive in rerum productiones est Ratio; hæc Ratio est Spiritus; quæ quia hic existit, & hic non existit; idè dicitur Spiritus incomprehensibilis; dum enim mutatur quies *Tn* in motum *Tam*, tunc Ratio existit in motu *Tam*; & dum motus *Tam* mutatur in quietem *Tn*; tunc Ratio existit in quiete *Tn*. Quia autem utrobique existit, idè dicitur hic existere & hic non existere; & quia hic existit & hic non existit, idè non potest comprehendi; & quia non potest comprehendi, idè dicitur Spiritus (E); nimirum vult dicere quòd Spiritus in omnibus actionibus & cessationibus, seu conservationibus, in omnibus vicissitudinibus & mutationibus reperiatur; Spiritus enim nullo loco non existit, nec ullum habet determinatum locum (F). Deinde Ratio dicitur etiam Spiritus, quia est Dominus ac Rector, seu quia

quia in omnia dominatur & omnia regit (G); Coeli Lex assidue volvens & agens nullo loco non extat; idcirco vir sapiens nullo non tempore reverentiam servat (H).

Jam verò si quis animadvertat quomodo Deus omnia ubique videat, penetret, regat; quomodo omnia sint in Deo & contineantur à Deo; quomodo Deus insit in rebus, non ut pars sed ut agens & causa seu Ratio; quomodo sit in uno loco ita ut sit etiam extra illum; quomodo immutabiliter agat; hæc præfata omnia facile poterit applicare incomprehensibili ejus immensitati & æternitati.

Textus Librorum.

- A. 1. Ad 2. textum cap. præc. §. 7. de *immensitate & æternitate* sic interpretetur *Chui* lib. carm. tom. *Ta ya* odâ *fan*: nihil est ad quod &c. ut suprà in contextu.
- B. 2. Ad eundem textum sic compendiosa libri carm. compilatio ibidem: Cælum idem est &c. ut suprà in contextu.
- C. 3. Ad 4. textum sic eadem compend. compilatio tom. *Ta ya*. odâ *tam*: magnæ Imperii confusiones ac tumultus semper ex aliqua causa oriuntur necesse est; jam verò immensus ille & amplissimus cœli Dominus reapse est hominum in hoc orbe infimo degentium Rex, & in eum verâ bonitate dominatur.
- D. 4. Ad 5. textum sic vera lib. mutat. ac product. explanatio seu explicatio tom. 17. part. *Xam chuen* art. 4. qui dominatur in medio &c. ut suprà in contextu.
- E. 5. Ad eundem textum eadem explanatio sic: assidua Cœli ac terræ actio, omnium rerum productiones, dierum ac noctium cursus non egrediuntur limites quietis *Tn* & motûs *Tam*; quies enim *Tn* mutatur in motum *Tam*, & motus *Tam* rursus mutatur seu transit in quietem *Tn* nempe conservationem; atque hoc est quod vocatur Doctrina libri mutationum ac productionum. Ista quies *Tn* & motus *Tam* est ær, seu res sensibilis vel vitalis principii actio & passio. Unde quod in hunc ærem dominatur, cùmque regit est Ratio; Ratio enim est, quæ in istas alternantes quietis *Tn*, & motûs *Tam* productiones ac mutationes dominatur, easque regit. Idcirco Confucius in articulo sequenti indicat istam alternantem quietis *Tn* & motûs *Tam* mutationem esse Rationem; Spiritus verò est tantum ista Ratio, quæ quia hic existit & hic non existit, ideo

- ideò dicitur Spiritus; quia autem, ait interpres *Cham*, hinc existit & hinc non existit, ideò comprehendi non potest. Dum enim quies *In* mutatur seu transit in motum *Tam*; tum hæc Ratio existit in motu *Tam*; & dum motus *Tam* transit in quietem *In*; tum hæc Ratio existit in quiete *In*. Quies *In*, & motus *Tam* tantum versantur circa productiones ac mutationes; hæc autem Ratio utrobique existit, seu nullibi non existit; idcirco ea dicitur hic existere, & hic non existere seu bilocari; & quia bilocatur, seu hinc existit & hinc non existit, ideò non potest comprehendi; quod autem non potest comprehendi, illud est Spiritus. Hinc in libro mutationum ac productionum dicitur *Spiritus caret certo loco determinato* id est nullo loco non existit, nec ullum locum determinatum habet. Dum ibidem dicitur: *Doctrina Libri mutationum ac productionum caret determinato objecto*, id est quies *In* & motus *Tam* quæ tantum versantur circa mutationes ac productiones, non habent unam sensibilem determinatam materiam. Rursus paulò post sic: assidua Cæli ac terræ actio, omnium rerum productiones, dierum ac noctium cursus, hæc omnia in se continent Spiritum mutantem, ac producentem. Mutatio enim, ac productio à Ratione efformatur; idcirco & in doctrina libri mutationum ac productionum inest etiam Spiritus mutans ac producens. Deinde paulò post: ista verba, *Spiritus caret loco determinato, & doctrina Libri mutationum ac productionum caret objecto determinato*, etiam intelliguntur de viro sapiente, in quantum suum spiritum mutantem ac producentem unit cum Cæli legis Spiritu mutante ac producente. Atque sic patet eum posse illam Cæli legem & cognitione assequi, & opere imitari atque adimplere.
- G. Denique paulò infra: Spiritus mutans ac producens est unicus; prout enim est Dominus ac Rector seu prout dominatur ac regit, dicitur Spiritus; prout est assidue volvens ac movens, seu prout assidue volvit, ac movet, dicitur mutans ac producens. Et sic adæquatè explicantur istæ voces *Spiritus mutans ac producens*.
- H. 6. Ad textum libri sentent: art. 16. dicentem: *tria sunt, quæ sapiens veretur*, scilicet *Cæli lex, viri illustres, Sapientum effata*; sic quotidiana quatuor librorum explicatio tom. 10: hi tres sapientis viri metus, cum maximè morum compositionem, sui que ipsius custodiam ac vigilantiam spectent, proveniunt ex eo quòd vir sapiens probe cognoscat Cæli legem assiduo cursu volventem, & agentem nullo loco non extare; id-

Scire ipse nullo non tempore reverentiam & eautem diligentissimè servat.

Paragraphus VIII.

De Simplicitate Tien, ac Xam Tjuxta recentiores Interpretes.

Quamvis jam multa dixerimus, & adhuc plura postea dicturi sumus de Coeli Spiritu seu Simplicitate; pausa tamen hic etiam appono. Sic ergo illi Auctores: Princeps *Veniam & Vu van*, vere potuit fieri spiritualis Coeli dominus, (nempe Pontifex) sive ut dixi supra, à spirituali Caelo constitui Dominus (A); Spiritus est quædam excellentia incomprehensibilis. Id quo quatuor anni tempestates non aberrant, habetur à Coeli viæ Spiritu, seu à Coeli agendi rationis Spiritu; nihil autem magis spirituale, quam Coeli via esse & concepi potest (B). Caeli Spiritus respici ac videri non potest; sed in quatuor anni tempestatibus assidue sine errore volventibus potest videri ejus spiritualis agendi ratio (C). Cælum prout est quædam summa excellentia dicitur Spiritus; prout est operum Effector, dicitur produciens & destruens seu Author (D). Denique Cælum non est, de terra, aliquid corporeum & sensibile (E). Caeli Dominus in dirigendis ad pacem hominibus, non specie externa aut voce aliquâ sensibili utitur (F). Ista mulier suo splendido ornatu videtur quasi referre Caeli, cælive Rectoris spiritum (G).

Ex his vides spiritualitatem adeoque simplicitatem Cælo attribui, ipsumque Cælum vocari Spiritum, quem vel per excellentiam incomprehensibilem, vel per rerum Effectorem Authorémque passim explicant.

Sic etiam S. Thomas in epist. ad Rom. 1. per viam Excellentie, negationis, Causalitatis Deum explicat; *invisibilia*, inquit, *Dei*, est essentia divina invisibilis, quæ cognoscitur per viam negationis. *Virtus Dei*, est potentia Dei, quæ cognoscitur per viam causalitatis. *Divinitas*, est esse ultimum finem, & summum bonum quo omnia tendunt, quæ cognoscitur per viam *Excellentie*.

Nota dum hic interpretes sinicus ad hunc textum: *respice spirituale illam Caeli agendi rationem*, sic ait: *ista verba sunt vacuè dicta*, non vult dicere quod ista verba sint falsa, & inania; sed quod sint spiritualiter per intellectum sive abstractivè vel de re insensibili dicta; spiritualis enim Ra-

tio non potest in se respici, utpote insensibilis & invisibilis; sed per intellectum fit abstractio (H).

Unde postea explicans alium textum sic rursus ait: ista vox *Xin* sumpta pro *reddere spirituale* seu *spiritualizare* dicitur *vacuè* (nempe abstractivè, & intencionaliter vel spiritualiter); sumpta autem pro *adjuvare spiritum* dicitur physicè & realiter (I); *reddere spirituale* ibi significat quod in doctrina libri mutationum ac productionum reperitur Ratio, quæ ejus opus spiritualizat seu reddit spirituale (K). Deinde dicit quod ista vox *Te id* est doctrina hujus libri mutationum ac productionum, dicitur *vacuè*, scilicet abstractivè seu præcindendo ab omni materia sensibili (L; imò interpret *Chu hi* dicit quod hæc Doctrinâ orta sit ex suspensivacuo; quia ante symbolorum ænigmaticorum eorûmque numericarum linearum seu partium ex quibus conflatur, efformationem, quoad ipsam doctrinam, unica & pura Ratio; quoad hominem, unicus & tranquillus animus seu mens præexistit (M). Ex quo vides quod objectum istius doctrinæ sit unica & pura Ratio, nempe Ens reale, (alibi enim dicunt per istam vocem *Ratio* intelligi aliquod Ens verum & reale, non fictitium) & abstractum à materia sensibili & extensa, quale Philosophi communiter dicunt esse objectum Metaphysicæ; abstractum autem est juxta Philosophos vel realiter, ut Deus, & Angeli; vel ratione, ut prædicata Entis, substantiæ &c.

Itaque dici *vacuè*, non sumitur pro dici *fictè* & chymæricè, seu pro Ente rationis ratiocinante sine fundamento in re; sed vel abstractè realiter, vel abstractè ratione ratiocinata cum fundamento in re, ut jam dixi, sed hæc satis.

Textus Librorum.

- A. 1. Ad 5. textum cap. præc. §. 8. *d. simplicitate* sic interpret *Tsay xin* lib. Annal. Imper. tom. 5. cap. *To sam*, quia Principes *Ten vam* & *Vu vam* optinè noverant omnium animos conciliare atque colligere, omnesque virtutis partes implere, ideo verè potuerunt fieri spiritualis Cæli domini, seu pontifices.
- B. 2. Ad 6. textum sic vera mutat. ac product. expositio tom. 6. symbolo *Quon*: ista vox *Spiritus* significat quamdam Excellentiam quæ nec bene concipi, nec exprimi potest. Dum dicitur *quatuor anni tempestates sine errore voluntur*; hoc significat Cæli viæ seu Cæli agendi rationis

tionis Spiritum. Et paulò infrà: denique ad id penitus explicandum, aspice, ut in Cœlo ista vitalis aura arcana & recondito modo sinè intermissione semper agat, ac volvatur; quænam sanè magis spiritualis agendi Ratio esse potest? tum paucis verbis interjectis sic: vir verò & scientiâ & virtute absolutus ideò spectabilis est; quia dum hîc scilicet veritati incumbit, illic populorum animos commovet; sinè ullo vocis aut corporis sensibilibus adminiculo, sinè ullis apparentibus operum vestigiis agit; quænam etiam magis spiritualis proponendæ doctrinæ ratio esse potest? & certè singularem ejus internæ virtutis excellentiam vix extrinsecus apparentem, ideòque cœli Domini rei seu operationi, quæ voce & odore sive omni sensibilitate caret, verè confimilem nec homo comprehendere, nec exprimere valet. Deinde paulò infrà: dum dicitur *respice spirituales illam Cæli agendi rationem*, ista verba sunt vacuè dicta; dum autem dicitur *quatuor anni tempestates sinè errore volvuntur*; hæc sunt verè id in quo fita est spiritualis

- C. agendi Cœli ratio. Oportet tantum considerare verbum *respice*. Quî enim cœli Spiritus respici aut videri possit? illum autem in quatuor anni tempestatibus sinè errore volventibus respiciendo tunc potest respici, ac videri spiritualis Cœli via seu agendi ratio.
- D. 3. Liber dictus naturæ ac rationis brevis expositio sinicè *Sin ly piao ti*, tom. 3, art. *Tien ven*, author *Chim* quærens quæ sit differentia inter *Tien* & *Xam Ti* seu Cælum & cœli Dominum sic ait: à materia sensibili appellatur Cælum *Tien*, à dominio & regimine appellatur *Ti* Dominus ac Rector seu Imperator; à summâ Excellentia appellatur *Xin* Spiritus; ab operationibus & effectibus appellatur *Quey Xin* Spiritus destruens & producens seu invisibilis Author; à natura & efficacia appellatur *Kien* Potentia seu virtus activa. Illa (*Tien* & *Xam Ti*) sunt res ipsi unum & idem; sed res, ex quibus nomina desumuntur, diversæ sunt.
- E. Ibidem interpres *Chi Tam hu* paulò pòst sic: istud Cælum non est, ut terra, aliquid corporum & sensibile.
- F. 4. Interpres *Tsay Xin* ad lib. Annal. Imper. tom. 5 cap. *To su*: cœli Dominus, ait author *Liu*, in dirigendis ad pacem hominibus non specie externa aut voce aliquâ sensibili utitur, cùmque hominis animus pacem illam consecutus, sistere tamen adhuc nescius, ad ulteriorem semper perfectionem anhelat; tunc patet illum à cœli Domino dirigi.

Quia autem Imperator *Kie* suæ rectæ rationis ductum evertēbat, idēd pacem consequi non potuit. Cæli quidem Dominus verē illum dirigebat; sed *Kie* verē illum fugiebat; nec tamen continuō cæli Dominus illum abiecit, sed varia mala ac calamitates ei immisit, ut ostenderet suam intentionem, ac propensam ergo ipsum voluntatem; verū nec vel sic iste *Kie* extimescere, nec cæli Domini jussū revereri & adimplere novit. Quin imō effiænes habenas omnibus suis libidinibus ac voluptatibus laxavit. Quauvis autem speciosis verbis fucaret suafœdera; non tamen Cælum illum consideravit ac audiuit.

G. 5. Compendiosa lib. carm. compilatio, tom. *que sum* odâ *Kim Tsin Kiai luo* sic: ad quid sanē sic iste Cæli Spiritus? ad quid, inquam, sic iste cæli Domini Spiritus?

H. 6. Vide hic suprà num. 2. litterâ C.

I. 7. Vera lib. mutat. ac product. expositio tom. 18. part. *Chuen Xam* art. 9. in hunc textum: *recta agendi via se prodens, spiritalizat virtutis opus seu reddit spiritalē, & idcirco potest Spiritus correspondere & eum adjuvare* seu cooperari sic ait: ista vox *Xin* (id est *spiritalizare*, seu *spiritalē reddere, & Spiritus*) bis posita sumitur diversimodē. Primo loco sumitur *vacuē*, secundo realiter.

K. Reddere autem spiritalē, ut ibidem paulō infra ait interpres *Tsay hin chay*, significat, quod in doctrina libri mutationum, ac productionum contineatur Ratio quæ ejus opus spiritalizat, seu reddit spiritalē.

L. 8. In lib. eundem mutat. ac product. part. *Chuen hia* art. 3. dicentem: *idcirco Te seu liber mutationum ac productionum est rerum figura*, nempe symbolica; *figura autem est rerum representatio seu imago*; Sic eadem vera expositio tom. 20. citans auctorem *Tsay hin chay*: ista vox *Te* seu liber mutationum ac productionum dicitur *vacuē*.

M. 9. Eadem vera hujus libri mutat. ac product. expositio in tomo præliminari citans auctorem *Chu hi* sic: Doctrina libri mutationum ac product. orta est ex suspensio *vacuo*. Doctrina libri *Annal. Imperialis*, ex præexistente boni regiminis norma; & doctrina libri carminum ex præexistentibus hominum affectionibus ac moribus emanavit; sed ante doctrinam libri mutationum ac productionum nil simile præexistebat, tantum ex suspensio *vacuo* (nempe Ente abstracto à materiâ) orta est. Ante symbolorum enim ænigmaticorum, corūn-

que

que numericarum linearum efformationem, quoad ipsam doctrinam, unica & pura Ratio; quoad hominem, unicus & tranquillus animus seu mens præexisteret.

Paragraphus IX.

An præfati Interpretes moderni recedant à sensu originali librorum antiquorum in significatione vocis *Tien*, & *Xam Ti*?

Vidimus in capite primo originales libros antiquos & classicos attribuire Cælo & cæli Domino, id est *Tien* & *Xam Ti* eandem perfectionem, quas nos vero Deo attribuimus; unde arbitramur aut colligimus per istam vocem *Tien* & *Xam Ti* significatum fuisse Deum apud Sinas antiquos. Nunc inspiciamus an Interpretes moderni in superioribus octo paragraphis adducti adulterarint aut corruerint antiquum illorum sensum? & ad id ostendendum breviter singula Attributa in istis paragraphis posita resumam, & de iis quid dicant, summam appono.

1. De *Dominio* dicunt, quod *Tien* seu *Xam Ti* constituat Reges ac Doctores tanquam sui Vicarios atque adjuutores ad populos regendos ac docendos; sequentibus rectam rationem inmittat bona; transgredientibus mala; corpus hominis producat, & ei naturam intelligentem infundat; fiant illi utpote cæli Domino, ac Rectori, spirituique intelligenti sacrificia; Chinæ Imperatores cum suis populis illi inserviant.

2. De *Potentia* dicunt, quod ejus virtus sit prima omnium rerum radix ac principium, sitque aliquid internum ac liberum; agendo in caligine mysteriosa det cuius rei initium, augmentum, directionem, perfectionem tui esse; nec sensu nec cogitatione possit comprehendere, nec figurâ exprimi; omnia dirigat; omnes res mundi producat, ac perficiat; nec videri possit nisi in suis effectibus; sibi obsequentes adjuvet; pericula arceat; populos stabilizat, uniatque ad simul cohabitandum.

3. De *Scientia* dicunt, quod sit perspicacissimus, intelligens, omnia Chinæ regna respiciat, eaque quæ agimus, quotidie intueatur; in mysteriosa caligine homines cognoscat; homines non possint illum fallere.

4. De *Voluntate* dicunt, quod sit difficile scire Cæli voluntatem; tacito modo Cælum suam ostendat intentionem; non liceat hominibus

H;

volun-

voluntatem Cœli frustrare suo fine; Princeps suâ virtute devinciat Cœli cor, & ab eo jubeatur regna pacare; Cœlum neminem odio habeat; sit pius ac misericors; amet populos; velit Imperii pacem; in eo sit voluntas, lex, providentia, arbitrium.

5. De *Justitia* dicunt, quod clarissimè omnia discutiat, examinet, bonos felicitate penset, malos infelicitate affligat; a quo princeps in pœnis ac præmiis tantum spectet id, quod Cœli cor spectat ac sanxit.

6. De *Via* dicunt, quod *Xam Ti* in somnis sit allocutus Imperatorem N., & verè qui cum allocutus est, exultat; Imperatores constituat; in corde foveat, diligit, regat eorum virtutes.

7. De *Immensitate & Eternitate* dicunt quod ad omnia se extendat, ubique existat, ubique videat, nihilque sit, ad quod ejus intelligentia ac perspicacia non pertingat; res intimè pervadat; nemo valeat ejus locum comprehendere; sit immensus & amplissimus hominum Rex; Cœli lex semper agat, & assidue voluatur.

8. De *Simplicitate* seu *Spiritalitate* dicunt, quod *Xam Ti* sit Cœli Spiritus; Cœli Spiritus videri non possit nisi in ipsius operibus, & spiritali agendi ratione; Spiritus sit excellentia incomprehensibilis, à quo quatuor anni tempestates reguntur; Cœlum non sit aliquid corporeum & sensibile sicut terra.

Nunc ad propositum. Omnes isti modi loquendi non videntur differre ab illo originali sensu antiquorum librorum, quos in capite primo attulimus; imò videntur subinde expressius, efficacius, & clarius explicare quod generaliter illi dixerant; ad quæ omnes perfectiones, quas Antiqui attribuerunt *Tien* Cœlo, & *Xam Ti* cœli Domino, etiam ei attribuant Moderni. Ergo sicut apud antiquos Sinas per voces *Tien* & *Xam Ti* significatum fuisse Deum ex eorum libris judicavimus; ita apud modernos per easdem etiam significari Deum ex eorum libris conjicimus. Porro aniuadverte, ut jam suprà dixi, quod quando in hoc capite non attuli interpretationem recentiorum Authorum ad varios originales textus in capite præcedenti allatos, signum sit hos nihil habere diversum ab illis.

Sed dices quod recentes Authores istam vocem *Tien Cælum* sæpius explicent per vocem *Ratio*, per vocem *Lex*, per vocem *aër* seu *vitalis aura*, per vocem *tempus* seu *temporis revolutio*, per vocem *primum vacuum*, per vocem *corpus sensibile*, & similes; deinde *Xam Ti* cœli Dominum confun-

fundant cum *Cælo*, adeoque videatur harum vocum significatio discrepare a vera supremi Numinis significatione. Nunc ad hæc omnia in sequentibus quæstionibus respondebimus. Itaque

QUÆSTIO II.

Quomodo vocem *Tien* seu *Cælum* explicent recentiores Authores, & an *Tien* distinguant à *Xam Ti*, seu *Cælum* à cæli Domino?

TRia hic maximè explicanda mihi videntur 1. quænam sit concordia omnium vocum, quibus *Cælum* & cæli Dominus appellatur? 2. Utrùm Spiritus cæli sit Anima cæli? 3. Quænam sit identitas hominis cum *Cælo* juxta Sinas?

Resp. ad 1. certum est juxta illos, quod illa vox *Xam Ti* significet cæli Dominum vel cæli Rectorem, vel potius cæli Dominum ac Rectorem (A); Et quod hic cæli Dominus seu *Xam Ti* sit Spiritus (B). Insuper quod hic Spiritus seu cæli Dominus sit idem ac *Cælum* (C). Spiritus autem est summa quædam excellentia (D). Dum ergo aliis nominibus *Cælum* aut cæli Dominum explicant, volunt per hæc significare aut adumbrare varias ejus perfectiones; alioquin pugnantia dicerent. Itaque dum dicunt quod *Cælum* seu cæli Dominus sit Ratio, debet intelligi quod cæli Dominus sit suprema ac prima omnium rerum Ratio tum in causando tum in essendo; unde ulterius dicunt: hæc Ratio substantialiter seu essentialiter & causaliter sumpta est *Cælum*; infuse sumpta est natura; conservativè sumpta animus. Vel sic: prout est in *Cælo*, dicitur Lex; prout est in hominibus & aliis rebus, dicitur natura; prout est in actionibus, dicitur via seu norma; ubique semper Ratio (E). Numquid hoc habet aliquam similitudinem cum sententia priscorum Philosophorum Platoniorum, qui ponebant triplicem rerum statum, nimirum idealem in mente divina, naturalem in rerum productione cum participatione & impressione idearum, & rationalem in mente humana? idea enim nil est aliud quam ratio exemplaris. Deinde colitur *Cælum*, inquirunt, quia *Cælum* est id in quo Ratio subsistit (F). Et *Cælum* ut est Ratio, non est Corpus sensibile ac materiale (G). Hujus Rationis essentia seu substantia dicitur *Cælum*; prout dominatur, dirigit, ac regit, dicitur cæli Domini-

minus ac Rector (H). Præterea Cælum quatenus illi seu legislatori est obtemperandum, dicitur Lex (I). Quatenus Providentia, dicitur temporis revolutio (K); (id est habet providentiam, legem &c. de quibus infra) quatenus est substantia insensibilis, incorporea, simplicissima, dicitur primum vacuum. Hoc vacuum non sumitur pro Ente sensibili & corporeo, quale est vastum ætheris inane spatium; vel pro re ficta, seu non existente; sed pro Ente verè existente & Ratione; hocque sumitur dupliciter: 1. ut est quid incorporeum 2. ut est quid ante rerum existentiam. Hinc Deus in lapideo monumento Christianæ Religionis Chinam ingressæ ante annum Christi 700, exprimitur per voces *Lam hui* spiritualis & *vacuus*; per voces *Huen kin* mysteriorum rerum cardo; per voces *Tiao hoo* causa efficiens; per voces *Xin Tien* spirituale Cælum (L). Jam verò cum istud primum vacuum sit idem ac *Tay kie* seu primus rerum Terminus (M); ergo *Tay kie* aliquando etiam potest sumi pro Cælo; sed de hoc infra in Quæst. 6. Insuper ista vox vacuum sumitur ut est quid vivum, non verò ut quid mortuum (N). Denique Cælum seu cæli Dominus quatenus est Effector, Conditor, Author, dicitur Spiritus produciens & destruens (O); quatenus est principium vitale dicitur aër, seu vitalis aura, de quo in Quæst. sequenti.

Ex his vides omnia ista diversa nomina quibus Cælum exprimunt, posse optimè vero cæli ac terræ Domino applicari; quo circa dum explicantes istam vocem Cælum sic ajunt: à materia seu à substantia sensibili dicitur *Tien* Cælum; à dominio & regimine dicitur *Ti* Dominus ac Rector (P); intelligendi sunt hoc sensu: vel quod Cælum in sua propria significatione sumptum significet illud corpus sensibile & materiale, non autem in tropica, in qua sumptum significat cæli Dominum ac Rectorem, vel quod cælum vastissimæ sui corporis sensibilis extensione ac magnitudine quæ tegit & comprehendit omnia, repræsentet immensam cæli Domini ac Rectoris essentiam omnia comprehendentem; vel quod cæli Dominus extensione cæli mediâtè omnia tegat ac comprehendat; vel potius ut apertè dicunt, *Tien* & *Xam Ti*, reapse est unum & idem; sed res, ex quibus ista nomina deducuntur, sunt diversæ; hinc infra in textibus n. 7. littera B. Cum ergo illi Sinæ dicant quod Cælum & cæli Dominus seu cæli Spiritus sit unum & idem (Q); & rursus dicant quod sit Ratio, seu aliquid incorporeum, & insensibile; certè ut coherentè loquantur, debent dicere illud Cælum in sensu & significatione, in qua asserunt esse unum & idem cum

cum cœli Domino, tunc sumi ut incorporeum & insensibile; atque ita Cœlum in tropica tantum ac figurata significatione est unum & idem cum cœli Domino ac Rectore, non autem in propria; nam cœli Dominus ac Rector utpote Spiritus, est quid incorporeum & insensibile. Cœlum in propriâ significatione est quid corporeum & sensibile.

Respondeo ad 2. Spiritus ille cœli non est Anima cœli, seu forma substantialis corporis cœlestis; Sinæ enim non tantum non sequuntur, imò nec sciunt illum Præscorum Philosophorum errorem asserentium Cœlum esse animatum constatumque ex corpore & animâ seu spiritu. Quod evidenter hinc patet; siquidem dicunt quòd Cœlum idem sit ac cœli Dominus, & cœli Dominus idem sit ac Cœlum, sive quòd Cœlum sit cœli Dominus & cœli Dominus sit Cœlum (R). Non potest autem dici corpus est idem ac anima, & anima est idem ac corpus, seu corpus est anima, & anima est corpus. Deinde ut videre est ex iis quæ hætenus dixi, passim accipiunt cœli Dominum pro supposito, non pro parte suppositi; nec unquam Cœlum opponunt cœli Domino tamquam partem comparti; sed tantum sub tali respectu vocant Cœlum; sub alio respectu vocant cœli Dominum, asserentes utrumque unum & idem esse; atque ita clarum est Sinas non facere ex Cœlo & cœli Domino unum compositum partim materiale, partim spirituale. Vide adhuc aliquid de hac re in quaestione sequenti dico 2. sub finem.

Respondeo ad 3. primò dum dicunt illi Authores quod vir sapiens & perfectus cum Cœlo unum efficiat, Cœloque uniatur; vel intelligendi sunt de viri sapientis virtute, quæ est eadem in effectus cum Cœli virtute, non in substantia (R); aut certè illi similis (S); vel etiam intelligendi de perfecta unione ejus rationis cum Cœli ratione (T); & ejus voluntatis cum Cœli voluntate (V); penè juxta hunc Apostoli sensum: qui autem adhæret Domino, unus Spiritus est. 1. ad Corinth. 6. Unde vir perfectus quamvis intimè Cœlo uniatur; Cœlum tamen & vir perfectus etiam vel sic sunt adhuc binum quid (X).

2. Dum dicunt quod hominis & Cœli ratio sit una (Z); vel intelligendi sunt de unitate generica, vel de lege naturali, quæ aliquando à Theologis confunditur cum Lege divina; quia licet lex naturalis sive rationis dictamina de agendo vel fugiendo quod est naturæ rationali conforme vel difforme, physicè producantur seu eliciantur ab hominis intellectu; cum tamen necessariò procedant ex impressione luminis à Deo inditi,

diti, sintque ejus imperia formaliter dirigentia, & obligantia; ideò ipsi Deo tamquam Legislatore etiam rectè adscribuntur. Vide ea quæ dixi de Lege æterna cap. 2. quæst. 1. §. 1.

3. Dum Imperator post mortem vocatur Cælum; istud nomen est tantum tropicè mutatum. Eodem modo res Imperatoris etiam vocantur Cælum seu cœlestes (W); nimirum quemadmodum dicimus Doctor *Angelicus*, Orator *divinis*, *Cælestis* prudentia.

Itaque ista recentiorum Authorum explicatio benè intellecta non videtur immutare veram cœli Domini significationem; sed aliis terminis magis generalibus & paulò obscurioribus eam involvit.

Jam verò si velis videre quomodo cœli Dominus sub variis Rationis, Spiritus, Effectoris, Naturæ quæ nominibus adumbratus, juxta illos omnia faciat ac destruat, regat, gubernet, sitque primum omnium rerum Principium, primum Ens, primum movens; accipe quæstionem sequentem.

Textus Librorum.

- A. 1. In lib. Carm. tom. *Ta ya* odâ *Ven vam* sic interpret *Chu hi*; istæ voces *Xam Ti* significant cœli Dominum ac Rectorem.
- A. 2. In libro mutat. ac product. parte *Xue qua* art. 5. idem interpret *Chu hi* sic: *Ti* (five *Xam Ti*, unum enim & idem est) cœli Dominum ac Rectorem significant.
- A. 3. In lib. Rituum tom. 2. art. 6. *Yue lim* sic interpret *Chin hao*; *Ti*, id est cœli Dominus, ac Rector, seu significat cœli Dominum ac Rectorem.
- A. 4. In lib. Annal. Imper. tom. 4. cap. *Hum fan*, interpret *Tsay Xin* explicans illam vocem *Ti* sic: quatenus Dominus, ac Rector, dicitur *Ti*; quatenus Ratio, dicitur Cælum.
- B. 5. In lib. Carm. tom. *Siao ya* odâ *Chim yue* sic interpret *Chu hi*: *Xam Ti* id est cœli Spiritus; à figura & substantia sensibili, inquit Doctor *Chim*, dicitur Cælum; à dominio & regimine, dicitur *Ti*.
- B. 6. In lib. Rituum tom. 5. art. 11. *Kiao Te sem* sic interpret *Chin hao* citans interpretem *Chu hi*: *Xam Ti* idem est ac Cælum, five *Xam Ti* id est Cælum; dum exprimitur ut est Cœli collectim sumpti Spiritus, vocatur *Xam Ti*.

B. 7.

- B. 7.** Liber dictus naturæ ac rationis brevis expositio sinicè *Sim lipiao* ti tom. 3. art. *Tien ven*, author *Chim* agens de Cælo: à figura, inquit, & substantiâ sensibili dicitur Cælum; à dominio & regimine dicitur *Ti* seu cæi Dominus ac Rector; à summâ excellentiâ dicitur Spiritus; ab operationibus & effectibus dicitur Spiritus produciens ac destruens, seu invisibilis Author; à natura & efficacia dicitur Potentia seu Virtus activa; illa (*Tien* ac *Xam Ti*) sunt reipsa unum & idem; sed res ex quibus nomina delumuntur, sunt diversæ. Vide etiam cap. 2. quæst. 1. §. 2. n. 9. litt. Q. & alibi.
- C. 8.** In lib. Carm. tom. *Chen Tsium* odâ *ngo tsiam* interpres *Chu hi* citans interpretem *Chim* sic: Cælum idem est à *Ti* seu cæli Dominus, ac Rector; vel dic: Cælum, id est cæli Dominus ac Rector.
- C. 9.** In libr. sentent. art. 7. interpres *Tsay hui Chay* in comment. *Su xu mum yn* tom. 6. sic: ista vox Cælum ibi sumitur, ut est Dominus ac Rector.
- D. 10.** Interpres *Chim* in lib. sic: Cælum ac cæli Dominus *Tien* & *Ti* unum & idem est; Cælum exprimit Cæli substantiam; *Ti* exprimit cæli Dominum.
- D. 11.** Vide hîc suprâ num. 7. litterâ B.
- E. 12.** Interpres *Tsay hui Chay* in comment. *Su xu mum yn* tom. 1 §. ad lib. 2. Memcii cap. 7. *Cin sin xam* sic, referens ut videtur, aliorum sensum: hujus litteræ seu vocis *Cælum* significatio maximè spectat Rationem. Cælum est ipsa Rationis substantia, sive essentia: hinc dicitur: rectè agendi rationis magna origo à Cælo oritur. Dum dicitur, *qui nescis naturam, hic & Cælum nescis*, (sunt verba Memcii) fortassè intelligitur quòd nosse naturam sit nosse effectum; & cùm insuper ejus causa nescitur, quòd tunc sit ultimum facultatis intellectivæ opus, ac terminus. Cælum enim est id ex quo ratio oritur; nec tantum id ex quo effectus, sed etiam id ex quo causa oritur. Ut dum dicitur Confucius annos 50 natus novisse Cæli Legem, ibi causa quæ Cælo adscribitur quatenus effectui opponitur, est quid duplex; atque hoc est quod Adulatorum scientia vocat effectus normam, & causæ causam.
- E. 13.** In lib. 2. Memcii cap. 7. *Cin sin xam* sic interpres *Chu hi* citans Doctorem *Chim*: *Cor*, *Natura*, *Cælum*, sunt tantum una Ratio (nempe generica); quatenus Ratio, dicitur Cælum; quatenus infunditur ac recipitur, dicitur natura; quatenus conservat ipsum hominem, dicitur

cor seu animus. Quatenus primum Vacuum, inquit Doctor *Chim*, dicitur Cælum; quatenus vitalis seu activa aura, dicitur via seu agendi norma; quatenus Vacuum junctum aëri, dicitur natura; quatenus natura juncta facultati intellectivæ, dicitur cor seu animus.

E. 14. Interpres *Tsay hin chay* comm. *Su xu mum yn* tom. 3. in lib. immutab. med. art. 26. sic: hæc Ratio, pro ut est in Cælo &c. ut suprà in contextu.

F. 15. Interpres *Tsay Xin* in lib. Annal. Imper. tom. 3. cap. *Tay Kia* sic: dicitur coli Cælum, quia Cælum est id in quo ratio existit; nullo vel minimo motu, quiete, verbo, silentio fas est illud aspernari, & temnere.

G. 16. Interpres *Tsay hin Chay* comm. *Su xu mum yn* tom. 5. in lib. sentent. art. 3. hunc locum: *si in Cælum peccaveris, non est ad quem confugias deprecaturus effugium*, sic ait: quod attinet ad id quod dicit interpres *Chu hi*: *ista vox Cælum idem significat ac Ratio*: ego existimo per hanc interpretationem quâ asserit Cælum propter quod est Cælum esse tantum Rationem, istam vocem *Cælum* non indicare Cælum prout est corpus sensibile, ac materiale; nec prout ut est rerum productor; sed sistere in solâ voce *Ratio*. Tum paucis verbis interjectis sic pergit: Confucius enim tantum usus est istâ voce *Cælum* ad deprimendam Spiritûs foci, & Spiritûs anguli in cubiculo Aultro-occidui potestatem; quodque maxime spectat, est Ratio dirigens seu docens; ideirco dicta in-

H. interpretatio posuit vocem *Ratio*. Hujus rationis dirigentis seu docentis substantia aut essentia dicitur Cælum; hujus Dominus ac Rector dicitur *Ti* seu *Xam Ti*. v. g. inter Patrem & filium amor; inter Regem & subditum æquitas intercedit; quamvis id ratio exigat; prius tamen necesse est, ut suprà existat aliqua Ratio dirigens, quæ id doceat ac dicat; tunc ista æquitas & amor intercedere scitur.

I. 17. Interpres *Tsay hin chay* comm. *Su xu mum yn*. tom. 13. in lib. 2. Memcii cap. 3. *Pan chim xam* agens de Cælo sic ait: quando exprimitur ut est Dominus ac Rector, dicitur Cælum; quando exprimitur ut est illi obtemperandum, dicitur Lex.

K. 18. In lib. sentent. art. 9. hunc locum *Confucius rarissime loquebatur de lucro, de providentiâ, de pietate seu cordis rectitudine*, sic quotidiana 4. lib. explicatio tom. 7. Providentia complectitur & rationem, & temporis

poris revolutionem seu tempus; ideo est quid vehementer subtile & comprehensū difficile. Vide etiam cap. 2. Quæst. 1. § 4. num. 14. litt. P. & R.

- L. 19. In lib. 2. Memcii cap. 7. *Cin sin cham* Interpres *Tsay bin chay* comm. *Su xu mun yn* tom. 15. agens de Cælo sic: primum Vacuum est id quod dicitur *Tay Kie*, id est primus rerum terminus; Vacuum est vocabulum significans rem aëri (seu rei corporeæ) non permixtam; id autem quod est sensibile seu corporeum, & inferius seu secundarium, dicitur aër. Utrumque est quid reale & verè existens; attamen Ratio dumtaxat est vacua, nempe incorporea.

Deinde paulò infrà sic pergit: primum Vacuum dupliciter explicatur. 1. Ut est quid voce & odore, seu sensibilitate expers. 2. Ut est quid ante rerum existentiam.

Et paulò infrà: hic primum Vacuum sumitur, prout est Ratio; alibi etiam sumitur, ut est quid sensibile & corporeum; adeoque idem ac primum inane, seu vastum æthræ inane spatium.

Denique paulò pòst sic; alii dicunt: dum dicitur *excelsi Cæli res*, seu *naiwra est voce, & odore expers*; quocirca Cælum vocatur primum Vacuum, istud primum Vacuum exprimitur ut est Ratio, non ut est corpus & aër; sive prout est aliquod Ens ratione constans, non autem corpore & aëre seu re sensibili; hæc explicatio verè cohæret sentui ac menti Doctoris *Cham*, & Doctoris *Chubi*. ità ille.

- L. 20. Vetus lapideum monumentum Religionis Christianæ olim Chinam ingressæ sic incipit: dum attentè contempler veram illam Quietem velut perpetuam; illud Ens, quod omnia priora præcedit, carens principio; spirituale & vacuum velut aliquid profundissimum; illud perfectissimum Esse carens fine; illum universalissimum, excellentissimum, mysteriosumque rerum Cardinem ac Causam effectricem, quæ sua exemplari ac grandi Majestate omnes Sanctos exornat ac perficit; annon ipse est Ego (nempe sum qui sum) Trinus & Unus, perfectissima substantia sine principio verus Dominus *Eloho*? (scilicet chaldaicè *Eloho* Deus. Sinæ pronunciant *e* sicut *nghe*, quia carent vocalibus *a* & *e* in principio dictionis, adeoque pronunciant *nghe loho*. Potest etiam juxta illos istud nomen pronuntiari sic: *oloho*).

Ibidem paulò infrà sic: spirituale Cælum manifestavit (nempe per Gabrielem Archangelum) felicitatem; Virgo peperit Sanctum in re-

gno *Ta cin*; (regnum Judææ vocatur à Sinis *Ta cin*); splendidior stella nunciavit prosperum ejus adventum.

M. 21. Vide hîc suprà num. 19. litt. L.

N. 21. Interpres *Tsay hin chay* comm. *Su xu mun yn* tom. 1. in lib. Adul-
torum scientiam, sinicè *Ta ho* sic: ista vox *Vacuum* à nostris Doctori-
bus usurpatur, ut est quid vivum; à sectariis *Fæ & Tao* id est Idololatriæ,
ut est quid mortuum. Ibidem agendo de animo, qui etiam dicitur
vacuus, & intelligens: per has, inquit, duas voces *vacuus* & *intelligens*
distinguitur illius motus & quies, illius substantia & effectus; hæc
vacuitas, inquit Author *To bi*, est sicut vacua speculi planities; & in-
telligentia est sicut speculi splendor, seu representatio. & paulò in-
frà: animus ista vacuitate potest recipere omnium rerum rationes, &
istâ intelligentiâ occurrere seu correspondere omnibus negotiis; &
propter hæc duo, vocatur *lucida facultas*, nempe rationalis.

O. 23. Vide hîc suprà num. 7. litt. B.

P. 24. Interpres *Tsay Xin* in lib. *Annal. Imper. tom. 3. cap. Chum hoëi*
chi Kao sic: à materia seu à corpore & substantiâ sensibili dicitur *Tien Cæ-*
lum; à Dominio & regimine dicitur *Ti Dominus ac Rector*.

P. 25. Idem Interpres *Tsay Xin* in lib. *Annal. Imper. tom. 5. cap. Kiuu*
Xe sic: dum *T che* & *chin hu* agebant primos Imperatoris *Tay meu* Mi-
nistros, sapientes adjuvabant sapientem: hinc ejus regimen regiminis-
que effectus potuit Cæli cor fatiare. Dum hoc exprimitur ut omnia te-
git, dicitur *Cælum*; dum exprimitur ut in omnia dominatur & omnia re-
git, dicitur *Ti* seu cæli Dominus ac Rector: sed libri sive vocent
Cælum, sive vocent cæli Dominum ac Rectorem, hoc faciunt jux-
ta id, quod indicant; non est majoris aut minoris præstantiæ discri-
men.

Q. 26. Interpres *Chin hao* in lib. *Rit. tom. 5. art. 11. Kiao te sem* citans
Doctorem *Chu hi* sic: Petes in loco suburbano dicto *Kiao* fit ceremonia
cy Principi *Hou cie* conferendo illum cum Cælo; in Aula Imperiali fit
ceremonia cy Principi *Ven vam* conferendo illum cum ea li Dominio Sed
cæli Dominus nihil est aliud quàm Cælum, & Cælum nîl aliud quàm
cæli Dominus. Ecce igitur illa ceremoniæ cy diversitas? Vide postea
respondum in quæst. 5. in textibus num. 1. litt. A.

Q. 27. Vide hîc suprà num. 16. litt. C.

R. 28. In lib. *Carm. tom Ta ya* odâ *Ven vam* sic compendiosè libri *carm.*

com-

compilatio: Excellsi Cœli res voce & odore, seu sensibilitate expers non potest satis concipi ac comprehendī. Cū autem tuus avus *Ven vam* haberet eandem cum Cœlo virtutem; hoc sanè est, in quo res Cœli existit. Dein paulò pòst: ut septem hujus odæ articulos in unum completur, ab initio usque ad finem tantū dicitur Princeps *Ven vam* fuisse unus cum Cœlo.

Ad eundem odam Interpres *Chu hi* sic: proh! quàm arcano & recondito modo, inquit doct̃or *Tsu su* citans librum Carminum, illa Cœli Lex sine intermissione ac sine suū cursū peragit! nimirum iste liber Carminum exprimit rationem, propterquam Cœlum est Cœlum. Numquid id (pergit) clarissimè patet? sic Principis *Ven vam* virtus sine ulla fictionis & falsitatis admixtione fulgebat; nimirum iste liber carminum etiā exprimit rationem propter quam Princeps *Ven vam* fuit Princeps *Ven vam*; quia scilicet sincerissima & purissima ejus virtus suū etiā cursū numquam stitit. Itā doct̃or *Tsu su*. Cum igitur sciatur ratio propterquam & Cœlum est Cœlum, & propter quam Princeps *Ven vam* fuit Princeps *Ven vam*; hinc potest dici ille cum Cœlo eandem habuisse virtutem.

R. 29. Idem Interpres *Chu hi* in lib. carm. tom. *Ta ya* odā *Hoam y* citans authorem *Liu* sic: hic locus vult dicere Principis *Ven vam* virtutem exteriori specie caruisse, & præclara ejus gesta ex imperceptibili animi vi emanasse; denique ejusdem fuisse cum Cœlo naturæ, (nempe quoad effecta & originem, ut mox explicabitur); & quamvis in regnum *Tsum* arma moverit; non tamen ex seipso, sed tantū obtemperando cœli Domini regulæ id præstitit.

R. 30. Interpres *Tsay hui Chay* comm. *Su xu mun yn* tom. 3. in lib. immutab. med. art. 26. sic: dum dicit Interpres *Chu hi* virum & virtute & scientiā absolutum ejusdem esse cum Cœlo ac terrâ naturæ, id intelligitur de effectis; quia naturæ & effectuum una & eadem est origo.

R. 31. Interpres *Chu hi* in lib. Carm. tom. *Ta Ya* odā *Su cy* sic: Principis *Ven vam* virtus ita se habebat; idcirco quamvis magnas omnes difficultates proferre, magnasque ærumnas vitare non potuerit; ejus tamen virtus absque omni macula semper enituit; quamvis occurrerent res peragendæ, quas prius non audiverat; in iis tamen ab honestatis norma non aberrabat; quamvis denique nullum haberet admo-

nito-

nitorem; in virtute tamen semper proficiebat; atque hoc est quod interpretes vocant naturam Cælo adhærere, atque uniri.

S. 32. Vide hâc suprà num. 28. litterâ R.

T. 33. Liber dictus naturæ & rationis brevis expositio tom. 3. art. *Tao ly*: Cælum, inquit Author *Sie*, id est Ratio. Homo id est etiam ratio. Homo qui rationem omninò sequitur, is fit unus cum Cælo; qui autem fit unus cum Cælo, jam ego non sum ego, sed sum Ratio; nec Ratio est Ratio, sed est Cælum.

T. 34. Vera lib. mutat, ac product. expositio tom. 22. parte *Xue qua* art. 1. sic: doctrina libri mutationum ac productionum omnem omninò cujusvis rei rationem discutit; hominésque & alias res totam suam explere naturam docet: quin imò ad se intimè uniendum cum ipsa & rationis & naturæ origine, quæ est Cæli Lex arcana & recondito modo assiduè volvens, tandem revertitur; quia obtento effectu, statim ejus causæ se unit.

V. 35. Interpres *Cham kin chim* tom. 6. in lib. sentent. art. 14. sic: vir perfectus qui in explendis omnibus naturæ suæ rationalis partibus, unicè Cæli legi adhærrens càmque exequens, singularem illum intimæ cum Cælo unionis excellentiam affectus est; certè non potest ab hominibus cognosci, illisque perspectus esse; sed Cælum dumtaxat illum cognoscit. Vide etiam caput. 2. quæst. 1. §. 4. num. 6. litterâ G.

V. 36. In lib. immutat. med. art. 1. sic quotidiana 4. libr. explicatio tom. 2. agens de viro summè spiritali: hominis cor est Cæli cor; idcirco dum homo omnes sui cordis partes explet, Cælum illi correspondet. Hominis res sunt Cæli res; idcirco dum homo res suas rectè componit, Cælum illi obsecundat.

X. 37. Compendiosa lib. carm. compilatio tom. *Chen Tsum* odâ *Guei Tien chi mim* sic: hujus odæ quatuor primæ sententiæ dicunt Principis *Fen vam* virtutem unum cum Cælo effecisse. Et paulò infra: quotiescumque vir virtute & scientiâ absolutus dicitur esse sicut Cælum; ille & Cælum etiam vel sic sunt adhuc binum quid. Hæc oda tantum Cæli Legem assiduè volventem cum Principis *Fen vam* virtute integerrimâ comparatam, unâ simul utrâque exponit; hinc nullus nobis relinquitur de illius integritate disputandi aut ambigendi locus.

Z. 38.

Z. 38. *Interpres Tsay hui chay* comm. *Su xu mum* in tom. 15. in lib. 2. Mem. cap. 8. seu ult. *Cin fin hui* sic: natura, inquit, juxta Interpretem *Chuh*, est Cæli ratio, quam homo accipit; Cæli via, (seu Cæli agendi via) est ipsa naturalis Cæli Rationis essentia seu substantia, reapse tantum una ratio; hæc ratio, inquit parvus commentarius, juxta Authorem *uum*, quia in Cælo existit antequam rebus infundatur, idè dicitur Cæli Via seu Cæli agendi Via; & quia in hominis animo continetur antequam ipse aliquid agat, idè dicitur natura; nimirum est illa Cæli virtus prima seu magna, communicativa, directiva, perfectiva; & hominis congenita pietas, aequitas, honestas, intelligentia.

W. 39. In lib. Rit. tom. 7. cap. 7. *Tiem Tsin ven* hunc locum: *Imperator in oratione funebri seu pauegyrica vocatur Calum*, sic Interpret *Chin hao*: id quod in tota vita egit, ad componendam istam Orationem Panegyricam assumitur, & cognomentum, quo deinceps appellari debet, statuitur; in hac oratione Imperator appellatur *Calum*, quia Imperatoris majestas est summa, nec habet sibi parem; unum dumtaxat *Calum* est supra illum, seu est illo superius; idècirco mutatur istud nomen *Calum* ad eum appellandum. Deinde non tantum in oratione funebri, sed etiam in aliis occasionibus plerique res regias appellant *Calum*, sive cælestes.

QUÆSTIO III.

Quodnam primum rerum omnium Principium in mundo agnoscant recentiores Authores Sinæ?

INvestiganda hæc quinque occurrunt: 1. An agnoscant aliquod primum movens seu primum Ens vitale, intellectuale, improductum? 2. An hoc primum Ens vitale intellectuale sit causa universalis & ad omnia concurrat? & an fortè sit tantum mundi forma substantialis? 3. An hoc primum Ens vitale intellectuale sit unicum, sive an Cæli ac terræ Spiritus sit unicus? 4. An habeat legem omnium rerum directricem? 5. An habeat providentiam omnibus rebus invigilantem?

Dico I. videntur recentiores Sinæ Authores agnoscere aliquod primum movens, seu primum Ens vitale, intellectuale, improductum. Primum id colligitur ex iis quæ dixi in cap. 2. Quæst. 1. §. 1. & 2. & alibi.

K

Dein.

Deinde in mundo, inquit Author infrā citatus, datur aliquod primum Ens nec habens rationem sine aëre, nec habens aërem sine ratione (per vocem *aerem* intellige *vitam*); si autem exprimatur ut est rerum Effector, tum aër se dividit in duo (id est in quietem *yn* & motum *jam*, sive ex non agente fit agens), & Ratio hæc duo simul complectitur, verè in his dominans, regens, producens; agens; estque id quod dicitur unica Causa, quæ est Spiritus. Hinc Ratio aëri præfertur, vocaturque *Tay Kie* seu primus rerum Terminus. Hoc modo potest etiam dici Ratio prior, aër posterior. Dixerat paulo ante, quod aër posset dici prior, Ratio posterior (A). Hæc intellige de prioritate & posterioritate per intellectum. Ex his ergo verbis patet illam Rationem, cum sit unica Causa, quæ est Spiritus, etiam esse viventem; non enim datur Spiritus sine vita; ideoque in se completi aërem, id est vitalem quamdam auram, ut passim intelligunt Sinæ. Inexhaustibilis rerum Effector, inquit, est vitalis aër. (B). Atque ita per istam vocem aër potest intelligi *Principium vitale* & per vocem *ratio*, *principium intellectuale*. Insuper universa, inquit, totius primæ ac magni Principii substantia & essentia, est Cæli agentis Spiritus (C). Spiritus est Cæli virtus; adeoque non materialis, cum ista virtus sit Ratio, & Ratio sit Spiritus. Vis effectiva est aër (nempe vita vel vitale principium); & quod vis effectiva producit, in eo est Spiritus (D). Rursum sic: num vides, ut infinita illius (Cæli viæ) magnitudo sit totus aër seu tota aura vitalis Spiritus universalis? ut in mediis tenebris servetur vacuum illam vel illum expectans? ut priusquam quidquam faceret, existat ad producendas omnes rerum species (E)? sed quod per vocem *Ly* seu Ratio possit intelligi *Principium intellectuale* & per vocem *Ki* seu *Aura*, *principium vitale*; vel potius quod in illa universali Ratione & *Aurâ* includatur infinitum aliquod suppositum agens & vitaliter & intellectualiter, sic apertius adhuc id declarat recens sinicum Dictionarium: Authores explicantes vocem *Tien* seu Cælum per vocem *Ly* seu *Ratio*, quæ Ratio semper *Auræ* sinicæ *Ki* conjuncta est, uno penè verbo exhauriunt totum illius sensum; sed in illius medio necesse est ut sit aliquis absolutus Dominator, qui possit arcanâ virtute homines stabilire. Liber enim Factorum Imperialium in Capite *Tay Kia* ait: Cælum non omnes amat, sed qui ipsum reverentur, hos amat; & in cap. *Hien yeu ye Te*: Cælo non temerè confidendum est; ejus jussum seu providentia faciliè mutatur; & in cap. *y hiun*: bene agentibus mille bona, malè agentibus mille mala immittit, Jam

Jam verò si in illius medio tantùm esset ista ratio activa & ista aura, sinicè *Li & Ki*; nec omninò esset unicus & intelligentissimus verus Rector; dum prædictus liber dicit: *non amat, sed hoc amat*; ecquis, quæso, ille foret? dum rursus dicit: *Non temerè considendum, faciliè mutatur, immittit bona & mala*; ecquis sanè ille foret? numquid igitur est ille, qui vocatur Rex Regum *Xam Ti*? nos verò qui sub continuo ejus aspectu hinc deorsum versamur, non tantùm non scimus omni timore, ac tremore tremendam Cæli Majestatem revereri; sed etiam audemus nostro judicio, & perverso corde nosmetipsos opponere isti cæli Dominatori; quænam sanè major stupiditas fingi potest (F)?

Liber *Sim li ta civen* tom. 28. pag. 37. sic etiam habet: Juxta explicationem libri *Te Kim* Spiritus destruens & producens est rerum effector, sinicè *Tiao hao*. & paulò infra sic: aer est ipse Spiritus. Nec fortè tibi mirum videbitur, quòd per vocem *aer* vel *vitalis aura* Sinæ expriment Spiritum, si animadvertas istam vocem *Spiritus* apud Latinos esse etiam tantùm adscititiam, à voce *spiro* derivatam, quæ ex se significat *aërem spiramen*. Imò & Cicero 5. Tuscul. vocat animam *divina particulam aura*. Imò in S. Scriptura Deus vocatur ignis consumens; & in ipso Fidei symbolo vocatur lumen de lumine, Deus verus de Deo vero. An fortè aliquis Sina hæc audiens, benè putabit quòd nos Europæi credamus Deum esse ignem consumentem materiale, esse verum lumen de lumine materiali? recurrendum ergo est ad sensum, non ad litteram.

Præterea ista Ratio seu unica Causa quæ est Spiritus, vocatur *Tay Kie*; *Tay Kie* vocatur (uti etiam suprà vidimus) primum Vacuum (F); Vacuum est Cæli, ac terræ virtus nempe spiritalis; Vacuum est summa bonitas; Cælum & terra ex Vacuo orta sunt (G); primum Vacuum est cæli veritas, seu vera & realis cæli existentia; omnes res à primo Vacuo accipiunt id, quod sibi sufficit; imò & ipse homo à primo Vacuo ortus est (H). Jam verò, ut suprà vidimus, primum Vacuum idem est ac Ratio, scilicet Ens incorporatum & reale, & Ratio idem est ac Cælum immateriale, Cælum immateriale idem est ac cæli Rector seu *Xam Ti*. Ergo patet cæli Dominum ac Rectorem esse istud primum movens primum, Principium, primum Ens vitale & intellectuale; adeoque improdestum & illimitatum, cum nihil sit prius à quo producat & à quo limitetur. Præterea si quis velit perferutari modum, quo istud primum Ens res omnes producat, (quamvis non sit hujus loci quæstio, cæque potius ad physi-

cam pertineat) sic fortasse posset inire ratiocinium. Cùm dicant Sinæ cælum & terram ex Vacuo esse orta; Vacuum esse Rationem; Rationem esse Spiritum; hinc posset fortè colligi juxta illos cælum ac terram à Deo ut supremo Spiritu & causâ exemplari esse creatas; deinde cùm dicant in exortu mundi fuisse subtilissimum aërem primitivum, ex quo diviso factum est cælum ac terra, posset hinc etiam forte dici per istum primitivum aërem significari abyssum magnam, quæ erat super faciem terræ, seu Chaos magnum, ex quo firmamentum & astra sursum; plantæ, pisces, volucres, pecudes & alia sublunaria ac terrestria deorsum producta sunt; si nempe terram, quæ in medio abyssi magnæ conclusa jacebat, simul comprehendas cum hac abyssu, ut quorundam causam, vel concausam materialem; idque juxta sententiam S. Augustini, qui lib. 1. de Gen. contrâ Manich. cap. 7. informis, inquit, illa materia, quam de nihilo fecit Deus, appellata est primò cælum & terra, non quia jam hoc erat, sed quia hoc esse poterat; nam & cælum scribitur postea factum. Quemadmodum si semen arboris considerantes dicamus ibi esse radices, & robur & ramos & fructus & folia, non quia jam sunt, sed quia inde futura sunt. Gregorius Nyssenus etiam per cælum & terram accipit Chaos unâ universali, communi, rudique formâ congestum, ex quo elicenda essent corpora cælestia, & elementaria cuncta. Vide Cornelium à Lapide in Gen. Et hoc quidem videtur satis clarè colligi ex hoc textu, seu odâ quæ pro excipiendo Spiritu *Xam Ti* decantatur & sic ait: proh! obscurum illud antiquum primum Chaos? dum nondum suum cursum tenerent quinque elementaria principia (id est juxta Sinas aqua, ignis, lignum, metallum, terra), & needum duo luminaria splenderent, in medio superstabat (nempe *Xam Ti*, cui Imperator tunc litat) figura & voce carens. Spiritualis Rex exerens suum dominium, cæpit dividere purius ab impuriori; cælumque, terram, & hominem condidit; atque hinc omnium rerum generationes subsecutæ sunt (I). Unde sic distinguendum foret duplex primum principium; alterum spirituale & increatum, nempe Deus; alterum materiale & creatum nempe iste primitivus aër, seu æther; quod quia non satis clarè distinguunt Sinæ, idèò interdum videntur & Spiritum cum materia, & Rationem cum corpore penè confundere; idque, ut arbitror, fit propter ambiguitatem istius vocis *aër* sinicè *Ki*, quæ licèt ex se significet aërem materialem, tamen transferatur etiam ad significandum quicquid est materiale & corporeum (K); ad signifi-

significandum vitam tum hominis (L); tum Spiritus (M); ad significandum tempus (N); ad significandum actionem, motum &c. (O). Sed nunc ad quaestionem redco.

Dico 2. Illud primum Ens vitale intellectuale est causa universalis; & omnia invisibili vi ac incomprehensibili modo in mundo facit; ad omnia concurrir. Dies & noctes, inquit, frigus & aestus, nubes & ventus, actio & cessatio, motus & quies, ortus & interitus à Spiritu producente & destruente fiunt. Caelum, terra, astra, anni tempestates, aeris immutationes, utpote res visibiles ac sensibiles non possunt dici ille Spiritus produ. ens ac destruens; sed sunt tantum ejus vestigia, & effecta. Spiritus produ. ens ac destruens est illa vitalis auræ vis motrix, quæ in illis tacite & invisibiliter agit. Qui sane ille possit visu aut auditu percipi? quamvis verò non possit visu & auditu percipi, in effectis tamen cum vides; qui enim per conjunctionem quietis *In* & motus *Yam* dat rebus incipere seu esse, est ille Spiritus se extendens & adveni. ens seu produ. ens, sive *Xin*; qui autem per disjunctionem quietis *In* & motus *Yam* dat rebus finire, est ille Spiritus se colligens & rediens seu destruens, sive *Qui*. Atque ita principium & finis rerum, seu generatio & corruptio à Spiritu producente & destruente fit. Vnde omnes res penetrat, & ubique existit. Denique quamvis ipse sit corporis expers, omnes tamen mundi substantias corporeas facit, ac destruit (P). Rursus sic: Tonitru, ventus, aqua, ignis, mons, lacus non possunt dici esse Spiritus; sed id per quod moventur & agitantur, est Spiritus. Id quod universaliter & indivisibiliter res omnes facit, dicitur Spiritus (R). Spiritus intelligens dicitur, in quantum est Dominus, Rector, & Causa efficiens: ipse est enim qui per alternantem quietis & motus reciprocationem annuas illas cæli ac terræ vicissitudines incomprehensibili modo efficit (R). Unde sic petunt: dum dicitur *Celi ac terræ via, seu agendi ratio*, per hoc intelligiturne quòd illa aliquid & intrinsecum & extrinsecum simul comprehendat? Resp. Cælum ac terra habent naturam & habent naturæ tendentiam; in eorum operibus & assiduis actionibus inest Dominus ac Rector; ideoque dicitur & Spiritus, & causa effectiva. Enimverò qui non comprehendat aliquid & intrinsecum & extrinsecum? Respondet rursus sic: Cæli ac terræ via seu agendi via, alio nomine Ens sine termino, & primus rerum terminus, dum dicitur esse Spiritus, est quid purissimum, simplicissimum, perfectissimum (S); illa Ratio est id, quæ ha-

K 3

betur

betur assidua quietis *Tn* & motus *Tam* reciprocatio seu actio; nec Spiritus est aliquid distinctum ab ista Ratione, seu aliquid extrinsecam Rationem, utpote illi identificata; sed Spiritus est istius Rationis excellentia. Deinde licet in omni quiete *Tn* & motu *Tam* reperiatur; illum tamen motum ac quietem transcendit, & licet ab illis non separatur; non tamen illis commiscetur, nec est instar rei affixæ alicui determinato subiecto, ita ut sensu inquiri possit. Unde patet illam nullo loco non existere, laudaturque seu prædicatur esse Spiritus (T).

Hinc collige Platonis, aliorumque veterum Philosophorum sententiam asserentium formam mundi esse unam grandem ac toti mundo communem Animam, imò & ipsum Deum, juxta quorum mentem ait Virgilius:

Totâmq; insusa per artus

Mens agitat molem; & magno se corpore miscet:

non posse hic habere locum; omnis enim forma substantialis est pars compositi, est affixa alicui determinato subiecto, illi commiscetur, illo concluditur, non est causa partis cum quâ constituit compositum; seu compar pars non est effectus compartis, v. g. corpus animæ, materia formæ; jam verò illa ratio seu ille Spiritus nullibi dicitur pars alterius; contrà dicitur universa totius primi Principii substantia, nulli rei sensibili commiscetur, nullâ re concluditur, nulli determinato subiecto affixus est, omnia transcendit; omnes mundi res sensibiles ab illo fiunt, sive sunt illius effecta; ergo omnes mundi res sensibiles non sunt partes unius compositi cum illo; ergo ille non est forma, seu Anima mundi; ergo est verum suppositum, intellectuale, infinitum, adeoque Spiritus intelligens & incomprehensibilis, seu intelligentia incomprehensibilis. Itaque hæc omnia satis probant à Sinis agnosci invisibile aliquod in mundo primum Ens vitale intellectuale, quod est causa universalis omnia produciens, omnia destruens, omnium rerum generationes & corruptiones efficiens, cum omnibus causis secundis concurrens; agnosci, inquam, invisibilem aliquem cæli ac terræ Spiritum ab omni materia independentem.

Videamus nunc an hic Spiritus sit unicus? quare

Dico 3. illud primum Ens vitale intellectuale juxta eorum libros est etiam unicum, seu cæli ac terræ Spiritus est unicus. Dum enim dicuntur tria prima Chinæ Imperia inserviando cæli ac terræ Spiritui intelligenti semper fortibus usæ fuisse, ne sua particulari electione vilipenderent

derent cœli Domini seu *Xam Ti* servitium, (cap. 1. quæst. 2. §. 1. num. 15. litt. O.) patet quòd *Xam Ti* seu cœli Dominus sit cœli ac terræ Spiritus. Deinde rursus dicitur, quòd quando parentalis regum Defunctorum ædificii ritus benè diriguntur ac servantur, hoc sufficiat, ut illi Reges defuncti cum cœli ac terræ Spiritu intelligente possint conferri (V). Sed solus familiæ Imperialis Conditor, aut aliquis præcipuus avus cum *Xam Ti* seu cœli Domino conferebatur, ut alibi videre est; ergo cœli Dominus, seu *Xam Ti* est cœli ac terræ Spiritus intelligens. Jam verò *Xam Ti* est unicus, sive cœli Spiritus est unicus Dominus (X); imò Cælum ac Terra est unicus Spiritus produciens ac destruens (Z); vel potius dic: in cœlo ac terra est unicus Spiritus produciens ac destruens; nam Spiritus juxta Sinas non potest visu percipi, est quid incorporeum & insensibile; cælum autem ac terra visu percipiuntur, suntque aliquid corporeum, & sensibile; dicendum est ergo in *cælo* ac *terra* non verò *cælum* ac *terra*, nisi sumas *Cælum*, ac *Terram* tropicè per metonymiam continens pro contento; uti subindè Sinæ illa sumunt dicendo *Cælum* ac *Terra est Ratio*, & Spiritus est ista Ratio (W). Hæc Ratio, ut jam dixi, est unica causa, quæ est Spiritus, imò & primus rerum terminus. Unde patet ab illis unicam Causam universalem in toto mundo agnosci seu unicum cœli ac terræ Spiritum nempe *Xam Ti*. Dum igitur dicunt: *hominis vitalis aura* & *ratio est cæli ac terræ vitalis aura & ratio*, id intellige per participationem, ità ut homo cum cæli ac terræ Spiritu tantùm conveniat in eadem ratione generica vitæ & intelligentiæ; videlicet cæli ac terræ Spiritus habet rationem seu intelligentiam & vitalem auram seu vitam infinitam per essentiam; homo finitam per participationem. Denique cælum, terra, ac omnia ab uno, seu unico Domino gubernantur (Y); ut jam clariùs adhuc patebit.

Dico ergo 4. universalis ille cæli ac terræ Spiritus habet Legem tum generalem, quæ ad omnia; tum particularem, quæ ad hominem specialiter se extendit; Generalis Lex est illa, quæ in profunda ac mysteriosa caligine suum cursum sine intermissione ac sine assidue peragit, incrementum quadruplex Cæli virtus, quæ dat unicuique rei principium, incrementum, directionem, perfectionem, seu finis consecutionem (AA). Vide cap. 2. quæst. 1. §. 1. & 2. & hîc num. 36. & 37. Particularis est illa, quâ in hominis corpore infundit animum seu Spiritum intelligentem, omnis cognitionis capacem; & in animo rationem, quæ est facultas firmiter

ter ex se obsecundans congenitis quinque pietatis, æquitatis, honestatis, intelligentiæ, veritatis virtutibus, nimirum latè & inchoatè sumptis pro inditis virtutum seminibus, non pro ipsis habitibus. Unde qui cognoscit hanc rationem, cognoscit & ejus originem, seu Cælum, ex quâ illa oritur. Quocirca homo sapiens suum animum diligenter colligit, rationi accuratè obtemperat, atque ita fideliter Cælo inservit (BB).

Insuper suam habet providentiam omnibus rebus invigilantem, & hæc diversimodè sumitur. 1. Pro Cæli via seu Cæli agendi ratione, tacitè, mysteriosè, indefinenter actuosâ, in qua cæli Domini Lex ac jussum continetur (CC); nimirum penè sicut Boëtius definit Dei providentiam; Providentia, inquit, est ipsa divina ratio in summo omnium principe constituta, quæ cuncta disponit. lib. 4. de consolat. 1. Pro cælesti cujusdam temporalis revolutionis lege, perquam Cælum ut Dominus ac Rector omnia adversa ac prospera dirigit, & in hac temporalis revolutionis lege continetur rectum & justum præceptum; unde benè & rectè agentes bonis cumulantur (DD). 3. Pro ista Cæli agendi ratione & hac temporis revolutione simul seu pro utriusque complexo (EE). 4. Pro illa Cæli dispositione, quæ in ortu cujusque rei accepta mutari non potest; ita tamen ut homo non debeat omnes res suas in illam rejicere, & negligere aut omittere, quod decet & æquum est agere (FF). Hinc brevis aut diuturnitas vitæ dicitur etiam Cæli Lex ac providentia (GG); jam verò vir sapiens debet nôsse infusam rationem seu rerum naturas ut Cælum noscat; debet animum colligere & rationi obtemperare ut Cælo inserviat; debet omnimodæ virtutis perfectioni incumbere, ut Cæli providentiam expectet; unde nec Cæli notitia consistit in temporis revolutione prosperâ aut adversâ; nec totum Cæli servitium consistit in externo litaminis cultu; nec vitæ institutio juxta providentiam pendet à rogando Spiritu (HH). De Cæli Lege ac Providentia hæc videntur sit clarè dicta, adeoque nihil addendum.

Nota: licet isti recentiores Authores sæpè videantur quoad vocem dicere Cælum visibile, ac materiale; in suo tamen modo significandi ferè semper indicant aliquid invisibile & immateriale; v. g. ô remotissimum & cæruleum Cælum, quod tibi propriam facis virtutem, amare homines; quando tandem efficies ut patriam revisam (II)? O cæruleum Cælum, quod bonis bona, malis mala dispensas, nec unquam erras, superbos illos respice & coercere, pauperes illos miserare & solare (KK). Ubi vides

vides *Ly amare*, *bona & mala dispensare*, *miserari*, *solari* esse verba, quæ indicant aliquid invisibile, vitale, intellectuale.

Huc etiam referas verborum ambiguitatem & generales expressiones, v. g. in exhaustus rerum Effector est vitalis aura (LL.); quod vel intellige de sola prima Causa, ut supremo rerum Principio vitali, uti suprà jam dixi; vel de Causa prima concurrente cum 2., ita ut eadem actio, quæ per seipsam oritur ab ipso primitivo aëre, seu Ente materiali tamquam actuale exercitium activitatis ejus, oriatur etiam à Deo tanquam actuale exercitium potentiae ejus; concursus enim Dei in actu secundo est realiter actio causæ secundæ.

His autem ambiguis verborum expressionibus ideò fortasse utuntur, vel quia nolunt colere id quod cognoscunt, vel quia non audent clarè exprimere id quod oculis corporeis non vident, vel quia non inveniunt verba satis apta ad exprimendum istud supremum Numen. Unde vox ista *colere* (nempe Cælum) non est, inquiunt, magnoperè discutenda, nec opus illam multum perscrutari (MM).

Ceterum ex dictis sat patet ab illis cognosci in hoc mundo visibili invisibilem, & incomprehensibilem aliquem Spiritum rerum Effectorem, Rectorem, Providorem, improductum, adeoque æternum, illimitatum, infinitum in omni genere perfectionis.

At fortasse dices: hisce dictis in libro quodam Europæo recens edito legi, nullum à Sinis in mundo agnosci Spiritum. Quid? ad hoc ut tibi & illi respondeam, quamvis hæcenus dicta videantur plusquam abundè sufficere, nihilominus ad pleniorẽ Spiritus notitiam quam habent Sinæ, sit sequens questio.

Textus Librorum.

A. 1. Interpres *Tsay hin Chai* comm. *Su xumum yn* tom. 1. ad initium libri scientiæ Adulorum sic: in mundo, ut ego quidem arbitror, datur aliquod primum Ens &c. ut suprà in contextu.

Sic autem paulò antè dixerat: Ego dico in mundo existere quamdam Rationem non appensam vacuò; & sic posset etiam dici Aër prior, Ratio posterior.

B. 2. Dictionarium *Chim tsu tum* in littera *Ki* sic: inexhaustibilis rerum Effector, inquit doctor *Chim*, est vitalis Aër.

L

C. 3.

82 *Tract. 1. cap. 2. quest. 3. De Cognitione primi Entis,*

- C. 3. Vera lib. mutat. ac product. expositio tom. 1. in symbolo *Kien* sic: ista quadruplex virtus assidue volvens est Cæli agentis principium effectivum; universa autem totius primi Principii substantia & essentia est Cæli agentis Spiritus.
- D. 4. Dictionarium *Tinguey* in littera *boa* sic: hæc vox *boa* significat efficere, aut producere. Cælum & terra, frigus & ætus, dies & noctes à causa efficiente fiunt. Deinde causa efficiens alia est aër, seu aura vitalis; alia est corpus seu res sensibilis & corporea; alia Spiritus; Spiritus est Cæli virtus seu potentia; efficere est Cæli via, seu Cæli agendi via; Spiritus est Ratio; efficere seu vis effectiva est aër; quamvis Ratio non confundatur cum Aëre, reverà tamen ab Aëre non separatur; idcirco quod vis effectiva producit, est id in quo extat Spiritus.
- E. 5. Interpres *Tsay hin Chay* comm. *Su xu mum yn* tom. 3. in lib. immut. medii art. 16. citans Authorem *Kue* sic: num vides ut infinita illius &c. ut suprà in contextu.
- E. 6. Dictionarium *Pin tsu cien* in littera *Tien* sic: Authores explicantes &c. ut suprà in contextu.
- F. 7. Interpres *Tsay hin Chay* comm. *Su xu mum yn* tom. 15. in lib. 2. Memcii cap. 7. *Cin sin xam* agens de Cælo sic: primum Vacuum est id quod dicitur *Tay Kie* seu primus rerum Terminus; Vacuum est vocabulum significans rem aëri seu rei corporeæ non immixtam; quod autem non est sensibile seu corporeum, & inferius vel secundarium, id dicitur aër. Utrumque est quid reale & verè existens; attamen sola Ratio est vacua, nempe incorporea.
- G. 8. Liber naturæ & rationis brevis expositio tom. 3. art. *Tien ven* citans Doctorem *Chim* sic: cæli ac terræ virtus est Vacuum; summa bonitas dicitur Vacuum. Cælum ac terra ex medio vacuo orta sunt.
- H. 9. Liber naturæ & rationis brevis expositio tom. 3. art. *Chim chum xu* citans Doctorem *Cham* sic: primum Vacuum est Cæli veritas, seu vera & realis Cæli existentia; omnes res à primo Vacuo accipiunt id, quod sibi sufficit; imò & ipse homo à primo Vacuo ortus est. Primum Vacuum est vera cordis (nempe cordis Cæli) realitas & existentia.
- I. 10. Lib. *Ta mim hoei tien* tom. 82. de Cæli litamine, odâ pro excipiendo Spiritu, seu supremo Domino *Xam Ti* sic: Proh! obscurum &c. ut suprà in contextu.

Vide

Vide etiam hīc suprà num. 7. litterā F.

K. 11. Interpres *Tsay hui Chay* comm. *Su xu mum yn* tom. 14. in lib. 2. Memcii cap. 5. *Kao tsu xam* citans interpretē *chu hi*, sic: vita, inquit Doctor *Chu hi*, dicitur *aër*; vitæ ratio dicitur *natura*. Ego quidem arbitror, dum vita dicitur *aër*, hunc in omni re (nempe vivente) esse ejusdem generis; sed dum vitæ ratio dicitur *natura*, hanc non esse ejusdem generis; verum generaliter loquendo quia *aër* hominis & aliarum rerum habet aliquam diversitatem, ideo & eorum natura est diversa.

L. 12. Interpres *Chu hi* in lib. 2. Memcii cap. 5. *Kao tsu xam* sic: vita est ille *aër*, quem homo à Cælo accipit.

L. 13. Liber iun utab. med. art. 31. sic: ex omnibus qui sanguinem & *aërem* habent, sive (ut interpres *Cham kin chim* tom. 3. ait) ex omnibus viventibus hominibus, nemo est qui viri sapientis virtutem non revereatur, ac diligit.

M. 14. Lib. serm. Domestic. Confucii art. 17. sic: animæ *aër* in Cælum rediens dicitur Spiritus.

M. 15. Lib. Rit. cap. 29. *Kum tsu hien Kin* sic: tellus excipit Spiritus *aërem* seu spiritualement *aërem*.

M. 16. Interpres *Cham Kin Chim* tom. 29. in lib. 2. Memcii cap. 7. *Cin sin xam* sic: quamvis in omnibus hominibus vitalis aura & corpus sint ejusdem generis; diversitas tamen conditionis & alimenti, & hoc & illam diversam reddit. Dum quis in sublimi conditionis gradu existit, mox Spiritus vitalis aura ob illum conditionis locum sese immutat & perfectiori modo se prodit; & dum quis alimento delicatiori & abundantiori utitur, mox corporis species sese immutat, & exterior forma ultro novit totum suum nitorem implere.

N. 17. Vide hīc infrà num. 42. litterā EE.

O. 18. Interpres *Chu hui* in lib. mutat. ac product. tom. 2. part. *Chuen Xam* art. 5 sic: illa alternans quietis *Tn* & motus *Yam* actio atque alitudo successio est *aër* finit *Ki*; ratio autem, quæ istam constituit, vocatur via seu agendi via.

P. 19. Interpres *Tsay hui Chay* comm. *Su xu mum yn* tom. 3. in lib. immut. med. art. 16. sic: proh! quantum non potest concipi ac comprehendere Spiritus produciens ac destruens! v. g. in mundo nunc dies, nunc nox; nunc frigus, nunc æstus; nunc ventus, nubes, pluviz, ros

L 2

subi.

subitò adveniunt; nec scitur unde? subitò cessant, nec scitur unde? Deinde homines, aliæque res nunc subitò agunt, subitò cessant, subitò nascuntur, subitò moriuntur; hæc omnia à Spiritu producente & destruente fiunt. Itam autem vitalis auræ viam motricem tacito modo assidue agentem, nunc abeundo, nunc veniendo, nunc se colligendo, nunc se extendendo, æquis sanè hominum possit sensibiliter aut representare, aut apprehendere? dein paulò pòit: jam verò illud cælum omnia regens, terra omnia sustinens, sol & luna omnia illustrans, quatuor anni tempestates sibi invicem succedentes, ventorum, nubium, imbrium, roris vicissitudines, hæc omnia possunt & visu & auditu percipi, ideoque non possunt dici Spiritus produciens ac destruens; sunt tantum Spiritus producentis ac destruentis vestigia, & effecta: Spiritus verò produciens ac destruens est illa vitalis auræ vis motrix, jens & rediens, quæ in illis tacite & arcanè agit: qui sanè ille possit aut visu, aut auditu percipi? cæterum quavis Spiritus produciens ac destruens non possit visu & auditu percipi, in ipsis tamen rebus eum vides, qui enim per conjunctionem quietis *Yn* & motus *Yam* dat rebus incipere, est ille Spiritus se extendens; qui dat rebus finire, est ille Spiritus se colligens, seu rediens; atque ita principium & finis rerum à Spiritu producente & destruente, sive se extendente, & colligente fit: porro Spiritus produciens ac destruens, omnes omnino res penetrat, & omnem omnino locum occupat; atque hinc patet rationem viæ ducem non posse vel unico momento à nobis separari. Et paucis interjectis sic pergit: deinde si unum dumtaxat annum spectes; ver & æstas dicitur motus *Yam*; (nimirum à solstitio hyberno usque ad æstivum) autumnus & hyems dicitur quies *Yn* (nimirum à solstitio æstivo usque ad hybernū); totus autem unius anni decursus, principium & finis à Spiritu producente & destruente fit, seu à Spiritu generatore & corruptore fit. Rursus sic: si unum dumtaxat diem spectes; dies dicitur motus *Yam*; nox quies *Yn*; totum autem unius diei curriculum, principium & finis à Spiritu producente & destruente fit. Insuper v. g. cum homo aliæque res nascuntur, cum plantæ pullulant; id fit à vitalis auræ quietis *Yn*, & motus *Yam* conjunctione; cum moriuntur & arescunt, id fit à vitalis auræ quietis *Yn* & motus *Yam* disjunctione. Hæc autem omnia rursus à Spiritu producente & destruente fiunt. & paulo pòit: atque hinc

vides

vides omnes omnino res ab illo Spiritu producente & destruyente penetrari. Denique sic concludit paulò infrà: quamvis Spiritus producens ac destruens sit corporis experts, omnes tamen mundi substantias corporeas facit, ac destruit.

- P. 20. Lib. *Su xu hoc ven* seu quæstiones in 4. libros classicos, *Au*thore doctore *Cbu hi* tom. 2. in libri *Chum ym* art. 16. sic: nullus est locus in quo cælum inter ac terram, sive per totum mundum non existat Spiritus destruens ac producens; licet non moveatur & quasi quiescat; tamen per motum se communicat; & licet figurâ ac voce careat, sive sit sensu imperceptibilis; tamen habet id quod dicitur: mirum in modum est clarus, nec potest decipi.
- Q. 21. Vera lib. mutat. ac product. expositio tom. 22. part. *Xue Qua Chuen*, artic. 6. citans Authorem *Cbu hi*, sic: tonitru, ventus, aqua, ignis, mons, lacus non possunt dici esse Spiritus; sed id per quod moventur & agitantur est Spiritus. Dein citans Authorem *Chim Kam Chim*, sic: quia universaliter & indivisibiliter omnes res facit, ideò conjunctim dicitur Spiritus.
- R. 22. Vera lib. mutat. ac product. expositio tom. 22. parte *Xue Qua Chuen*, artic. 1. in hunc locum, olim vir sapiens comminiscendo istam librâ mutationum ac productionum doctrinam tacite adjunxit Spiritum intelligentem. (scilicet in rerum productione, præceptis & artibus dirigendo causas secundas) & ad ejus usum nata est verba *Xi*, sic ait: illa bina vox Spiritus intelligens indicat assiduas cæli ac terræ productiones & nutritiones; non dicitur productiones & nutritiones, sed dicitur Spiritus intelligens; quia dicitur in quantum est Dominus, Rector & Causa efficiens; ipse est enim &c. ut suprâ in contextu.
- S. 23. Interpres *Tsay hui Chay* comment. *Su xu mun yn* tom. 3. ad lib. immutab. medii art. 26. sic: dum dicitur cæli ac terræ via &c. ut suprâ in contextu.
- S. 24. Vera lib. mutat. ac product. expositio tom. 20. part. *Xam Chuen*, art. 4. sic: cæli ac terræ via seu agendi via prout apparet in generationibus & corruptionibus, est id in quo Spiritus existit; id autem per quod in essentiali sua natura constituitur, est Ratio.
- S. 25. Vera lib. mutat. ac product. expositio tom. 9. in symbolo *hem* sic: cæli ac terræ via seu agendi via, alio nomine Ens sine termino &c. ut suprâ in contextu.

- T. 26. Vera lib. mutat. ac product. expositio tom. 20. part. *Xam chuen* art. 5. sic: Spiritus est illa viæ seu agendi viæ excellentia; non tamen extra, seu præter istam agendi viam, est aliud diversum quod dicatur Spiritus. Deinde paulò post: licet in omni quiete *yn* & motu *yam* &c. ut supra in contextu. Postea citans Authorem *Lin tsu Taylu*: hæc demonstrant agendi viam quâ ista alternans quietis *yn* & motus *yam* reciprocatio constituitur. Unde patet agendi viam seu rationem nullo loco non existere, & prædicatur esse Spiritus.
- V. 27. Lib. Rit. tom. 9. cap. 27. *Ngay kum ven*. sic: quod attinet ad res internas, inquit Confucius alloquens Regulum *Ngay kum*, si parentalis majorum ædificii ritus bene dirigantur ac servantur, certè hoc sufficiet ut illi cum cæli ac terræ Spiritu intelligente conferri possint; quod autem attinet ad res externas, si Regiæ Aulæ ritus bene dirigantur ac servantur, certè hoc sufficiet ut mutuam inter superiores & inferiores reverentiam stabilire possit.
- X. 28. Lib. magnus commentarius libri *Te kim* tom. 20. sic: prisce Imperatores litabant *Ti* seu cæli Domino, ut populi scirent Cælum non habere duos Dominos.
- X. 29. Lib. mutat. ac product. symb. *Huen*. quotidiana explicatio ab hoc Imperatore *Kam hi* in lucem edita tom. 13 sic: hinc Cælum colere, & Avos defunctos revereri, est veram pietatis & filialis observantiæ mentem explere; tuncque omnes Imperii incolæ quia sciunt cæli Spiritum esse unicum Dominum, non audent inferiores superiorem offendere; & quia sciunt hominum, aliarumque rerum unicam esse Originem, non audent etiam mortuorum cultus relinquere & progenitores oblivisci.
- X. 30. Lib. *Ven hien tum kao* tom. 68. sic doctör *Tum*; juxta hæc ergo doctörum *Chim ac chu* verba Cælum & cæli Dominus *Ti* est unicus. Reliquum hujus textus vide cap. 3. quæst. 1. in textibus libr. num. 6. litterâ E.
- X. 31. Lib. *Ven hien tum kao* tom. 74. Author *Vam Jo*: Cælum, inquit, est unicus Spiritus.
- X. 32. Idem lib. *Ven hien tum kao* tom. 71. sic: dum coram cælo ac terra reverenter servitium præstatur seu litatur cælo ac terræ, Spiritus est unicus Dominus.

Z. 33. Interpres *Tsay hui Chay* comm. *Su xu mum yn* tom. 4. in lib. immutab. med. art. 29. sic: si hæc tria (nempe ritus, opificia, characteres) ab Imperatore sollicitanda, convenerint cum ratione, statim convenient cum cælo ac terra; cælum enim ac terra est tantum Ratio; si autem convenerint cum Ratione, statim convenient cum Spiritu producente & destruyente: Spiritus enim producens ac destruens est etiam tantum Ratio. Denique si convenerint cum Ratione, simul etiam convenient cum primis trium Imperiorum Imperatoribus; Isti enim Imperatores sunt tantum etiam Ratio. Dein paulò infrà: cum homo vitalem cæli ac terræ auram habeat, etiam cæli ac terræ Rationem in se complectitur. In eâ enim ratio, est cæli ac terræ Ratio; Cælum autem ac terra est tantum unus Spiritus producens ac destruens. Denique paulò post sic: iste animus seu cor in omnibus hominibus est idem; & istius animi ratio est eadem (nempe specie, imò & æqualis perfectionis individualis); ab omni ævo est tantum una Ratio (nempe unitate vel generica, vel specifica), & ab omni ævo omnium virorum perfectorum unus tantum animus (nempe unitate specifica); atque hoc est, quod dicitur: omnium venturorum virorum perfectorum hic idem erit animus, hæc eadem erit ratio; omnium præteritorum hic idem fuit animus, hæc eadem fuit ratio.

W. 34. Interpres *Chu hi* in lib. immut. medii art. 29. eundem locum sic: cælum ac terra est via seu agendi via. Quæ verba explicans Doctor *Tsay hui chay* in suo comm. *Su xu mum yn* tom. 4. dum dicitur, inquit, cælum ac terra est via, idem est ac si diceretur, Cælum est Ratio.

Y. 35. Dictionarij *Chim tsu tum* in litterâ *Chu* lic scriptâ *𠄎*: hæc, inquit, littera dum adjungitur litteræ *王* *Pam* (faciendo scilicet hanc litteram compositam *主* *Chu*, quæ significat Dominum), tunc cælum, terra, ac omnia ab Uno seu Unico gubernantur.

AA. 36. Lib. brevis naturæ & rationis expositio tom. 3. art. *Sin* sic: illa Cæli Lex proh! quam arcanè & mysteriosè suum cursum sine intermissione ac sine peragit! id quo Cælum est Dominus res producens, est ejus Cor. Homo nascendo accipit Cæli legem, & quia totum id propter quod Cælum me producit, teneo ut sit mei totius corporis Dominus, totus intrâ me assiduè radians sine obscuritate, assiduè agens sine intermissione, ideo hoc dicitur hominis cor seu animus. Ejus substantia est id quod vocatur magni, seu primi, communicativi, directivi

Activi, perfectivi Principii via; quoad usum autem, est congenitum pietatis, æquitatis, honestatis, intelligentiæ semen.

AA. 37. Quotidiana 4. lib. explicatio tom. 5. in lib. sent. art. 5. ad hunc locum: *Singularem Magistrum nostrum Confucium modestiam, gravitatem, sanctitatem quilibet discipulus potest percipere; sed enim de naturâ & Cæli viâ differentem, vix, aut ne vix quidem audire licet*, sic ait: quod attinet ad pietatem, æquitatem, honestatem, intelligentiam, quam in ortu ac-

CC. cipimus (nempe inchoatam), id vocatur natura. Quod verò attinet ad illam priinam seu magnam, communicativam, directivam, perfectivam virtutem, quæ in arcana ac mysteriosa caligine volvens assidue agit, hoc vocatur Cæli via, seu Cæli agendi via. Naturæ & Cæli ratio habet etiam suum cursum visibilem, in quo se spectabilem prodit; sed profundam ejus subtilitatem perfectissimūque mysterium, nisi fuissent discipuli valde capaces, nulli solebat exponere Confucius.

AA. 38. Interpres *Tsay hin Chay* in comm. *Su xu mum yn.* tom. 5. ad lib. sent. art. 9. sic: Cæli Lex prout est in Cælo, est quid præstantissimum, & excellentissimum; & idcirco vocatur ratio, vocatur subtilissima ac simplicissima perfectio. Dein paulò infrâ: ista vox *Cæli Lex*, id est Cæli via, seu Ratio assidue agens & rebus indita. Vide sup. cap. 2. quæst. 2. §. 1. & 2.

BB. 39. Quotidiana 4. Librorum explicatio tom. 25. in hunc locum *Memcii* lib. 2. cap. 7. *Cin sin xam*: qui nescit naturam, nescit & Cælum, sic: in hominis corpore Dominus ac Rector est cor seu animus; Cor est intelligens hominis Spiritus, qui omnis rei rationem complectitur, seu omnis rei rationem potest cognoscere; omnes actiones dirigit, ac regit. Ejus capacitas & intelligendi facultas est maxima; qui eam omnino adimplet, hic sanè, quid sit natura, cognoscit; natura est illa Ratio, quam in se animus continet; qui res probe discurrit, atque sine dubitatione cognoscit, tunc ratio in illo perlucida est, & cordis capacitas plena atque integra. Jam verò illa ratio prout est in natura, est facultas firmiter ex se obsecundans quinque congenitis pietatis, æquitatis, honestatis, intelligentiæ, veritatis virtutibus nempe inchoatis, ut dixi; prout est in Cælo, est illa prima Causa arcana & mysterioso modo assidue semper volvens & agens; atque hoc non est quid binum. Qui enim scit quid sit natura, etiam id, ex quo illa oritur, liquidò scit. Enim-

nimverò ut Cælum noscas, ecquid aliud exterius quæris? Sapiens, qui sic ritè penetrat Cæli scientiam, certè debet omnes animi sui partes explere; quod maximè consistit in animi collectione, coercendo assiduam ejus mobilitatem, nec permittendo ut nullus ejus vel minimus motus ac quies à pravis rerum externarum cupiditatibus abstrahatur. Præterea debet naturam nôsse, quod maximè consistit in ejus alimento sollicitando, purissimæ ejus tendentiæ fidelissimè obtemperando, nec seriùs aut ocysus ejus ductum sectando, ità ut à naturali ejus regula numquam recedat. Hic animus & natura à Cælo nobis infunditur. Vir qui & illum sic colligat, & hanc sic alit, is Cæli rationem semper conservat; atque id est, quo Cælo fideliter inservit. Ista est igitur quam Sapiens discit, scientia ad Cælo inserviendum. Sed demus ut aliquis Cælum noscat & Cælo inserviat; si tamen in causis brevis & longæ vitæ cæcutiendo negligentè suorum morum componendorum studio incumbat, hic nec pietatis, nec intelligentiæ partes implet; qui autem ita perfectè noscit naturam, ut nec brevis nec longa vita mentem exerceat; quique ita accuratè compositis moribus animum colligit & rationi obtemperat, ut ultro ad se venientem Cæli dispositionem expectet, hic solus acceptam à Cælo rationem integram conservat & vitam suam juxta unam Cæli dispositionem instituit. Numquid igitur hoc est noscendi Cæli & inserviendi Cælo perfectum opus? Princeps qui Cæli legatione fungens, Cælique legi unice adhærens, verbo & exemplo summæ perfectionis normam vult tradere; penetrandæ tantum rerum naturæ diligentissimè incumbat, animum colligat, rationem sectetur, ut mores suos ritè componat, virtutisque suæ magnitudinè Cælo ac terræ æquet; ecquod tunc Cælum non poterit nôsse? ecui tunc Cælo non poterit inservire? ecui tunc Providentiæ non poterit suam vitam accommodare? quia igitur prosperitas & calamitas est quædam temporis revolutio, idè Cæli notitia in hoc non consistit. Deinde quia litamen quod sit Cælo, est externus cultus; idè Cæli servitium non totum per hoc expletur. Denique quia rogare Spiritum producentem ac destruentem, (nempe bona temporalia) est quid vanum, idè vitæ suæ institutio juxta Cæli providentiam ab hoc non pender. Ista ergo etiam quære in morum, cordis, naturæ, Cælestis legis veritate, procurando veram hominis cum Cælo unionem; & sufficit.

M

Dein-

Deinde paulò infrà sic: quidquid vel adversum, vel prosperum homini in hac vita accidit, nihil est quod à Cælo ut Domino ac Rectore non dirigatur, & hoc vocatur revolutionis temporis Lex; sed in hac continetur iustum ac rectum mandatum. Dicitur *iustum ac rectum*, quia bene ac rectè agentes bonis cumulat. Quamvis autem bene & rectè agentes malis etiam subinde premantur, non propterea tamen potest dici esse iniustum ac pravam.

CC. 40. Quotidiana 4. lib. explicatio tom. 3. in lib. inmutab. medii art. 26. sic: hic textus libri Carminum dicens: *illa autem Cæli Lex Probi! quam arcane, quam mysteriosè semper voluitur sine intermissione!* significat, quod Cæli via, assidue volvens & agens, in quâ inest cæli Domini ac Rectoris mandatum, voce & odore insensibilis, recondita, profunda, mysteriosa nullo unquam tempore suum cursum sistat.

DD. 41. Vide hic suprâ num. 39. litterâ BB. sub finem.

EE. 42. In lib. sentent. art. 9. hunc locum *Confucius rarissimè loquebatur de lura, de providentia, de pietate seu cordis reſtitutione*, sic quotidiana quatuor librorum explicatio tom. 7. Providentia seu Cæli Lex complectitur rationem & tempus, seu temporis revolutionem sinicè *Ki*; idcirco est quid vehementer subtile, ac comprehensu difficile.

Vide etiam hic infrâ num. 44. litt. FF.

FF. 43. Quotidiana quatuor librorum explicatio tom. 21. in lib. 2. Memcii cap. 3. *Faucham xam* sic: dum aliquid naturaliter accidit quod nullæ hominis vires sibi accersunt, id dicitur Cæli Lex, quæ in ortu accepta mutari non potest. Idem habet *Cham kin chim*.

FF. 44. Interpres *Tsay hiuchay*, comm. *Su xu num yn* tom. 6. in lib. sentent. art. 9. sic: Cæli Lex modò explicatur ut est ratio, modò ut est tempus; ratio est quid perfectissimum, subtilissimum, & explicatu difficile; quod ad temporis revolutionem attinet, non potest omnis eventus ita in illam rejici, ut debita hominis actio omittatur aut negligatur.

GG. 45. Interpres *Tsay hiuchay* comm. *Su xu num yn* tom. 15. in lib. 2. Memcii cap. 7. *Cinſin xam* sic: ista vox Lex seu Cæli Lex, in posteriori articulo sumitur ut est tempus; nimirum ut est omninò idem ac vitæ brevis & diuturnitas. In priori sumitur, ut est ratio. Idcirco comprehendit omne id, quod Cælum infundit.

HH. 46. Vide hic suprâ num. 39. litterâ BB.

II. 47. Compendiosa lib. carm. compilatio tom. *Que fum* odâ *pao yu* sic ;
ô remotissimum & cœruleum Cælum , quod tibi propriam facis vir-
tutem amare homines ! quando tandem reverà efficies ut exuto mili-
tiæ servitio possim agros colere ad alendos parentes & patriam sedem
tenere !

KK. 48. Compend. libr. Carm. Compilatio tom. *Siao yz* odâ *Liam pe*
sic ; ô cœruleum , cœruleum &c. ut suprà in contextu.

LL. 49. Dictionarium *Ta tsu gnes in luera Ki* (id est aër seu vitalis aura)
citât Doctorem *Chim* sic dicentem ; inexhaustus rerum Author est vi-
talis aura.

MM. 50. Compendiosa lib. Carm. compilatio tom. *Ta ya* odâ *fan* sic ;
vox illa colere &c. ut suprà in contextu.

QUÆSTIO IV.

Definitio , divisio , proprietates Spiritûs
juxta Sinas Autores maximè recentiores.

QUamvis Autores Sinici frequentissimè de Spiritu loquantur ;
imò in Spiritûs natura totam suam & scientiam & virtutem
fundent ; nihil tamen adeò obscurè , adeò confusè & implexè ,
quam Spiritum explicant . Unde cum non possent satis exprimere ab-
solutissimam ejus perfectionem & intelligentiam , indiderunt ei nomen
maximè excellens , jusséruntque palàm vocari *Quei Xn* , nempe Spiritum
destruentem ac producentem (A) . De quo juxta illos hæc pauca accipe.

Dico 1. quòd id Spiritûs definitionem attinet , haec est varia ; 1. sic
Spiritus est id , quod nec quiete *Tn* , nec motu *Tam* potest comprehendì (B) ;
dum enim se movet , quiescit ; dum quiescit , se movet ; sed in isto motu
quieti mixto , & in illa quiete motui mixta , & motum & quietem num-
quam non habet (C) ; (nempe diversimodè) . Spiritus est viæ excellentia ;
seu illa alternantis quietis *Tn* & motûs *Tam* via ut est incomprehensibilis ,
dicitur Spiritus (D) . Denique Spiritus est quid incomprehensibile &
ineffabile (E) .

2. Sc: Spiritus est id , quod omnes res longè transcendit , & omnes
res mirè perficit (F) . Nec separatur à re sensibili , nec in illa includitur ;
& quia omnes res longè transcendit , ideò ad omnes se extendit . Dum

M 2

dici.

dicitur quòd quinque prima principia universalia sint tantùm una quies *yn* & motus *yam*, una autem quies *yn* & motus *yam* sint tantùm unus *Tay Kie* seu primus rerum Terminus, per hoc exprimitur Spiritus, quatenus est substantia omnes res longè transcendens. Dum dicitur, quòd quinque Cæli temperies (scilicet tempus pluvium, serenum, calidum, frigidum, ventosum) obsequenti directione sibi invicem succedant; quatuor anni tempestates statâ vicissitudine volvantur; Ens sine termino, quies *yn* & motus *yam*, quinque prima principia universalia excellentissimo modò unionem faciant; per hoc exprimitur Spiritus, quatenus est causa omnes res mirè perficiens (G).

3. Sic: Spiritus destruens & produciens est duplicis vitæ seu duplicis operationis vitalis naturale Principium; quatenus enim Spiritus destruens, est quietis *yn* Intelligentia; quatenus Spiritus produciens, est motus *yam* Intelligentia; sive quatenus venit & se extendit, aut se communicat per rei productionem, dicitur *Xin*, id est Spiritus produciens; quatenus redit, & se colligit aut definit se communicare per rei destructionem, dicitur *Quei*, id est Spiritus destruens (H).

Unde nota: ista vox *naturale* non sumitur hîc prout opponitur libero, sed prout opponitur violento, adeoque & voluntarium & liberum potest esse naturale (I).

4. Sic: Spiritus est cæli ac terræ causa effectiva, seu rerum Effector prout dat eis esse aut definere (K); dicitur causa effectiva, quia venit, & se extendit causando rei esse; redit & se colligit causando rei definere (L); (vide hîc infrâ in textibus num. 10. litterâ K, sub finem quomodo juxta Sinas fiat ista rei productio & definitio, ac quomodo ab eis explicetur) atque ita quatenus duplex causa effectiva, vel quatenus quid duplex dicitur *Quei Xin*, nempe Spiritus destruens ac produciens. Quatenus autem est substantia omnes res longè transcendens seu quatenus unica causa quæ est Spiritus, (intellige causam in actu primo), aut quatenus unum quid spirituale, dicitur tantùm *Xin* nempe Spiritus. Unde dum dicitur ista vox *Xin* prout opponitur voci *Quei*; seu dum dicitur Spiritus quatenus produciens cum respectu ad Spiritum quatenus destruens, tunc partialiter, & inadæquatè sumitur; dum autem solitariè dicitur *Xin* sine respectu ad *Quei*, tunc potest idem intelligi ac *Tay Kie*, seu primus rerum Terminus (M).

Hinc

Hinc insuper habetur quòd hominis anima dum unitur corpori, dicatur *Xin* seu Spiritus (N); dum separatur à corpore, dicatur *Quei* (O); quamvis post separationem à corpore etiam sæpissime vocetur adhuc nomine pristino *Xin* (P). Unde ulterius habes, quòd ista bina vox *Quei Xin* possit applicari cæli ac terræ Spiritui, hominis spiritui, ac aliis rebus, in quibus agit aut præest Spiritus (Q). Cur autem illi finici Authores adeò operosè aut per effecta sensibilia, aut per abstractionem à re sensibili, aut per rationem vel viam incomprehensibiliter activam explicent naturam Spiritûs, illud idèò videntur facere, ut non putentur loqui de falsis Idolorum Sinenſium spiritibus (R). Itaque ex his omnibus Spiritûs definitionibus, vel potius descriptionibus vides Sinas per vocem *Spiritus* intelligere Ens, vel Causam aliquam invisibilem immaterialem, abstractam à re sensibili, & humana mente incomprehensibilem.

Dico 2. Spiritus juxta illos sic dividitur: 1. est cæli ac terræ spiritus (S). 2. Agrorum, frugum, montium, fluminum & omnium specierum spiritus (T). 3. Est domûs spiritus; hunc quintuplicem enumerant (V). 4. Est hominum viventium spiritus. Hic subindè de solo hominis animo intelligitur (X); aliquando de ipso homine spirituali & interiori; qui enim interiori & imperceptibili virtute vel acutiori simul mentis perspicacia multum excellit, hic dicitur vir spiritualis (Z). De hoc spiritu sæpè agit liber mutationum ac productionum, nempe de spiritu seu intellectu penetrante Principis *Fo hi, Ven vam, Chen kum*, qui invenerunt, explanant, tradiderunt istam mutationum ac productionum, seu causarum naturalium doctrinam per symbola ænigmatica repræsentatam (W). Unde & ipsammet Doctrinam vocant spirituales, seu spiritum; nimirum partim ab acuto hominis intellectu aut spiritu, qui illam invenit ac tradidit; partim ab ipso naturæ Authore, cujus actiones & effecta continua, ut passim sentiunt Sinæ, per illam indicantur & explanantur (Y). Imò & ipsos pullulantissimæ herbæ *Xi calamos*, quibus vario ordine dispositis & enumeratis adaptant ista symbola, & symbolorum partes ad videndum, utrùm ejusmodi conjunctio ac variatio indicet rem rectæ rationi consentaneam, necne, etiam vocant spirituales, & istam herbam *Xi* rem spirituales (AA); nimirum instrumentaliter, seu instrumentum, quod spiritualis hominis intellectus disposuit & adhibuit ad indicandum rem à spirituali hominis ratione vel faciendam vel omittendam, vel prosequendam vel fugiendam (BB). Quemadmodum si quis arti-

fi. ium Algebrae, quod adhibetur ad eruendam radicem quadratam aut non quadratam, vocaret spirituale; intelligeret utique spiritualis intellectus artificii ium.

5. Est hominum defunctorum spiritus. Hoc modo prisci illi homines, qui optime de Imperio ac republicâ meriti fuerunt, idèque olim illis fiebat ceremonia 7, vocantur spiritus (CC). Nimirum quinque celebres Imperatores, & Imperatorum quinque ministri famosi (DD). Et certè t. Petri 3. homines defuncti in limbo existentes vocantur spiritus sic: *his qui in carcere erant, spiritibus veniens predicavit*. Ita etiam Avorum & parentum defunctorum animæ vocantur spiritus.

Jam verò cum recentes Sinæ, qui Litteratorum Doctrinam profitentur, passim dicant hominis animam post mortem interire aut dissipari (EE); illòsque esse sectarios, qui illam asserunt ad suum principium & originem redire, nihilque posse de hac re discuti (FF); certè frustra & male coherenter juxta illos inquirerem, ecquas illa post mortem qualitates, ecquas proprietates habeat? de hominis autem viventis animâ seu spiritu, ecquas qualitates, ecquas proprietates in vitâ habeat, directur postea in Tractatu Ethicæ sinicæ. Nunc igitur restat, ut inquiramus ecquas qualitates, seu ecquas proprietates illi spiritus qui nunquam intereunt, aut dissipantur, habeant (GG). Itaque

Dico 3. Spiritûs proprietates sunt hæ præcipuæ: 1. est *incorporeitas*; quia Spiritus nec figuram nec vocem habet (HH). 2. est *impercipibilitas*, quâ nec ab oculo videri, nec ab aure audiri potest (II). 3. est perspicacitas, quâ non potest decipi (KK). 4. est *restituendo*, quâ non potest adulando perverti (LL). 5. est *æquitas*, quâ bonis bona, malis mala affert (MM). 6. est *scientia*, quâ cognoscit res obscuras & reconditas, ad quas nec auris, nec oculus, nec hominis animus pertingit; imò vel minimam cogitationem cognoscit (NN). 7. est *maiestas*, quâ peccatis vilipenditur (OO); 8. est *inaccessibilis caligo*, seu invilibilis actio quâ suos effectus producit, ac sensibiles reddit (PP); idèque summa oritur difficultas eum cognoscendî. Quocircâ sufficit, inquirunt, spiritum colere, nec oportet nimium profundâ perferutatione illius naturam investigare (QQ); magnâque est cœcitas adulatorio cultu petere ab eo aliquid, quod sciri non potest; unde homo debet tantum in id incumbere quod ejus conditio, officium, & recta ratio ab eo postular. Quod verò attinet ad cultum Spiritûs, sufficit reverentiam ei exhibere ad servitium præ-

præstandum; nec oportet propinquiore accessu illum vilipendere, nec importunâ adulatione & oratione illi oblationem facere ad postulanda bona, nempe temporalia; nam de æternis vix, aut ne vix quidem reperias ab illis Sinis fieri mentionem (RR). En quò tota Spiritûs notitia, quam habent, recidit; sed de hoc infra. Nunc aliquis forsan objiciet: hîc dicitur unicus iste cæli ac terræ Spiritus; nuper tamen audiui Sinas litare Cælo Regi, ac Terræ Regina; quid? quomodo id coheret? vide, quæso, qui hæc objicis, te prius, ut nemini, dicere Sinas esse Atheos, idcirco huc usque illud impugnavi; jam verò facis eos Idololatrias; nam Rex Cælum, & Regina Terra, non minùs sunt idola, quàm olim Cybele, ac Cælus seu Cælum. Sed ut objectionem solvam, sequentem annecto quæstionem.

Textus Librorum.

- A. 1. In lib. Rit. cap. 24. *Cy* y agens de spiritu sic Interpres *Chin hao*: ob absolutissimam ejus præstantiam & intelligentiam occultari nesciam, inditum est illi nomen maximè excellens, jussusque palàm vocari *Quei Xin*, seu Spiritus destruens ac producens, ut esset totius Imperii norma ac regula. Hinc omnes nōrunt quem verentur, nec audent eum aspernari; nōrunt cui subsunt, nec audent ei adversari.
- B. 2. Lib. mutat. ac product. parte *Xam chuen* art. 5. sic: id quod nec quietē *yn*, nec motu *yam* potest comprehendī, dicitur Spiritus.
- C. 3. Lib. naturæ & rationis brevis expositio tom. 1. art. *Tum cim*, sic: quod dum movetur, non quiescit; & dum quiescit, non movetur, illud est res corporea; quod autem dum movetur (nempe à seipso) quiescit; & dum quiescit, movetur; istu l est Spiritus: attamen in isto motu quieti mixto, & in ista quiete motui mixtâ, & quietem & motum numquam non habet. Res corporea ad multa non se extendit; Spiritus autem omnia transcendit & perficit.
- D. 4. Vera lib. mutat. ac product. expositio tom. 1 8. part. *Xam chuen*, art. 5. sic: in omnibus articulis suprà dictis, uti continetur unius quietis *yn*, & unius motûs *yam* via, ita etiam continetur ipsius quietis *yn* & istius motûs *yam* Spiritus incomprehensibilis; Spiritus enim est ipsa viæ excellentia, non sicutamen ut præter viam habeatur aliud, quod vocetur Spiritus. Et paulò infra: illa alternantis quietis *yn*, & motûs

tūs *yam* via dum exprimitur ut est incomprehensibilis, dicitur Spiritus.

- E. 5. Lib. naturæ & rationis brevis expositio tom. 1. art. *Xin bo*: spiritus est Cæli virtus; causa est Cæli via; virtus quidem substantia; sed via est usus; utrumque cum vitali aurâ unum. Ens abstractum à materiâ, quod potest verbis exprimi, habet aliquid per quod possit representari; spiritus autem est aliquid incomprehensibile; idcirco non adeo urgetur illius explicatio, verba enim non suppetunt ad eum penitus explicandum. Causa est aliquid scitu ac penetratu dumtaxat difficile, & idèò magnoperè urgetur ejus explicatio; sed nec verba suppetunt ad illam prorsus, ut est, verè explicandam.
- F. 6. Lib. mutat. ac product. part. *Xue qua* art. 6. Spiritus est id quod omnes res &c. ut suprà in contextu.
- G. 7. Lib. naturæ & rationis brevis expositio tom. 1. art. *tum cim*: res corporea uni parti astringitur; Spiritus verò nec à se corporea separatur; nec in illa includitur; in motu habet quietem, in quiete habet motum. Res quæ uni parti astringitur, non potest ad multa generaliter se extendere; Spiritus autem quia omnes res longè transcendit, idèò ad omnes generaliter se extendit; dum dicitur quod &c. ut suprà in contextu.
- H. 8. Interpres *Chu hi* in lib. immut. medii art. 16. citans doctorem *Cham* sic: Spiritus destruens ac producens, inquit Doctor *Cham*, est duplicis auræ vitalis naturale Principium; ego autem arbitror sic hoc explicandum: si exprimitur per duplicem auram vitalem Spiritus destruens ac producens; Spiritus destruens erit quietis *yin* Intelligentia; Spiritus producens, erit motus *yam* Intelligentia; si autem per unicam auram vitalem; Spiritus veniens & se extendens, erit Spiritus producens; Spiritus rediens & se colligens, erit Spiritus destruens; reapse verò est una & eadem res, sive unum & idem quid.
- I. 9. Memcius lib. 2. cap. 7. *Cin sin xam* sic: quod homo sine studio potest agere, id habetur ex naturali ejus agendi facultate; & quod sine cura potest intelligere, id habetur ex naturali ejus intelligendi facultate.
- K. 10. Interpres *Tsay hin chay* comm. *Su xu mun yin* tom. 3. in lib. immut. medii art. 16. sic: Spiritus destruens ac producens, inquit doctor *Cham*, est Cæli ac terræ opera, rerumque Effectoris vestigia, (nempe sumpta

sumpta per metonymiam, effectus pro causa, ut patet ex ipso textu & interpretatione hâc, & alibi). Doctor *Chim* veritus ne Litterarū Alumni Spiritum inquirerent in quadam obscura & recondita patria; idè dixit *Cali ac terra opera, rerūque Effectoris vestigia; vestigia*, inquam, quia Spiritus per hæc nonnihil se prodit visui nostro & auditui; proprius enim & originalis hujus loci sensus est, quod Spiritus destruens ac producens nec videri nec audiri possit, sed ita corpora penetret, ut ab eis non separetur. Ista verba, *Cali ac terra opera*, idem significant ac hæc, *rerum Effectoris vestigia*. Hæc verba *rerum Effector* indicant cælum ac terram, ut id in quo ipse agit; agit autem vel causando rei existentiam, vel causando rei desitionem; primum est rem transferre à non esse ad esse; 2. est rem transferre ab esse ad non esse.

Deinde paulò infra sic: Interpretes *Cim* etiam triplicem supradictam Spiritūs destruētis & producentis explicationem à Doctore *Chu hi* recensitam in unam complectens; *Spiritus*, inquit, *destruens ac producens, celi ac terra opera, duplicis vitalis auræ naturale Principium*, dum venit & se extendit, dicitur Spiritus producens; dum redit & se colligit, dicitur Spiritus destruens. Deinde sic: istæ voces *Spiritus destruens ac producens*, comprehendunt Cælum & terram, homines & alias res. Quies *ym*, & motus *yam* non sunt Spiritus destruens ac producens; sed Principium quietis *ym*, & motus *yam* quod potest se colligere & extendere, abire & venire, id dicitur Spiritus destruens ac producens; quia ipse est vitalis auræ vis motrix, causans motum & quietem; idè dicitur duplicis vitalis auræ seu duplicis vitæ secundæ naturale Principium, scilicet quietis *ym* Intelligentia, & motus *yam* Intelligentia; Cælum enim ac terra naturaliter & invisibili modo res efficiunt; quod autem quies *ym* & motus *yam* habeant istam Intelligentiam, est quia primus rerum Terminus dum se movet, producit modum *yam*; motu absoluto quiescit; quiescendo producit modum *ym*; quiete absolutâ rursus se movet; atque ita alternans unus motus, & una quies est mutua istius modi *ym* & *yam* origo ac principium; atque hinc est cur modò abeat, modò veniat; modò se colligat, modò se extendat (nempe ista Intelligentia seu Spiritus) inexhaustâ vicissitudine; idque est quod vocant duplicem causam effectivam. Hoc modo scis ab istâ duplici causa effectiva ita omnes res penetrari, ut ab ea non separentur, nihil

que aliud latet. Rursus paulò infrà, parva Doctoris *Chn bi* interpretatio, sic: Spiritus, inquit, dum dicitur cæli ac terræ opera, id tantum intelligitur de rebus, in quibus se spectabilem facit; v. g. hæc res: frigore adveniente, æstas abit; sole abeunte luna advenit; quæ vere nata sunt, ætate adolefcunt. Rursum eadem sic ait: ventus, pluvia, pruina, ros, sol, luna, dies, noctes sunt Spiritus velt gra: Doctor *Chn bi* his verbis indicat se illa assumere ad demonstrandum hominibus, quomodo in animo secum meditando possint Spiritus destruētis ac produētis locum attingere, ac scire. Si enim illa enumerata pro ipso Spiritu destruente ac producente assumerentur, jam ille posset videri & audiri (contra ipsummet textum). Dein te sol, luna, ventus, pluvia & similia quomodo unita possunt fieri principium dans rebus esse: & dissipata quomodo possunt esse principium dans rebus desinere? Sol ergo, luna, ventus, pluvia, & similia sunt etiam res, quæ à Spiritu destruente & producente penetrantur.

Iterum paulò pòt sic: dum per conjunctionem quietis *yn* & motus *yam* incipit res habere suum esse; qui efficit ut incipiat ista res habere suum esse, est Spiritus se extendens, seu se communicans; dum autem per disjunctionem quietis *yn* & motus *yam* desinit res habere suum esse, qui efficit ut ista res desinat habere suum esse, est Spiritus se colligens & rediens; & hoc est, quod textus dicit eum ita in omnes res penetrare, ut ab eis l:parari non possit.

Nota: ille modus loquendi *conjunctio quietis yn & motus yam*, & *disjunctio quietis yn & motus yam*, ut reducat ad nostrum modum loquendi Europæum, quimvis aliquando posset utcumque intelligi de conjunctione, & disjunctione materiæ ac formæ; tamen generalius & universalius loquendo, videtur intelligendus de transitu à non actione, seu quiete ad actionem, seu motum; dum transitur à non actione ad actionem, ita ut ex non esse rei, fiat esse rei, tunc dicitur *conjunctio*; quia nimirum vel unitur materiæ cum forma, vel natura cum substantia, vel subjectum cum accidentibus; dum transitur à non actione ad actionem, ita ut ex esse rei fiat non esse rei, tunc dicitur *disjunctio*; quia nimirum illa disjunguntur. Illæ enim voces *yn* & *yam* in generalissima sua significatione, ut jam patet ex dictis, & infrà magis adhuc patebit, nil aliud significant, quàm quietem & motum; *yn* significat quietem vel negativam vel positivam, seu cōsationem aut conservatio-

nem;

nem ; *jam* significat motum, seu sequentem actionem ; vel potius istæ voces *yn jam* significant modum ex hac quiete & motu reluctantem, seu relationem transcendentalem. Deinde juxta Philosophos omnis actio successiva admittit quasdam morulas seu quietem, ita ut post primam actionem, fiat parva quardam morula, & post morulam altera numero actio, & post actionem altera numero morula, & sic deinceps. Itaque cum hoc modo agendi, ista alternans quietis *yn* & motus *yim* reciprocatio finica, seu productio habet quamdam affinitatem, aut fortasse eandem quoad rem.

L. 11. Interpres *Tsay hui Chay* comm. *Su xu mun yn* tom. 4. in lib. immutab. medii art. 29. sic : cum Doctor *Chu hi* prius dixisset : *Spiritus destruens ac producens est rerum Effectoris vestigia* ; & postea dicat : *spiritus destruens ac producens est summo perè absconditus & seu perdifficilis* ; utrumque ergo unum, & idem est. Illa nempe *vex vestigia* vult tantum indicare quod Spiritus destruens ac producens se extendat & se colligat, veniat & abeat ; non verò vult dicere cum esse aliquid sensibile, quod possit videri & audiri.

L. 12. Vera lib. mutat. ac prod. explanatio tom. 17. part. *Xam chuen* art. 4. citans Interpretem *Tsay hui Chay*, sic : dies ac noctes, inquit Doctor *Tsay hui chay*, superiora & inferiora, meridies & septentrio, alta & profunda sunt tantum Principii caliginosi & lucidi vestigia ; non sunt causa ; causa est Ratio, per quam res sic fit. Et paulò post istæ 2. voces *Vita* & *Mors* intelliguntur de homine & aliis rebus : hæ autem duæ *Quei xin* seu Spiritus destruens ac producens, intelliguntur de rerum Efflore. *Mors* & *vita*, id est hominis & aliarum rerum *mors* & *vita* ; *Quei Xin* est illud quo homo & aliæ res moriuntur & vivunt. Rursus paulò infrà sic : Principii caliginosi & lucidi, mortis & vitæ, Spiritus destruentis & producentis ratio seu essentia, est quid penetratu difficillimum.

Vide etiam hinc suprà num. 10. litt. K. sub. finem.

M. 13. Interpres *Tsay hui Chay* comm. *Su xu mun yn* tom. 3. in lib. immutab. medii art. 16. sic : dum dicitur Spiritus esse *Cali & terra opera*, exprimitur Spiritus destruens ac producens, ut est 'duplex causa effectiva (nempe generationis & corruptionis in actu secundo) ; dum dicitur *Ens longe transcendens & mirè activum ac perfectivum*, exprimitur Spiritus ut est unica causa, quæ est Spiritus, (nempe causa in actu primo) ;

mo); dum dicitur vox *Xin* prout opponitur voci *Quei*, seu Spiritus producens prout opponitur spiritui destruenti; tunc partialiter & inadæquatè sumitur; dum autem solitariè, & tantùm dicitur *Xin* sine respectu ad *Quei*, tunc potest idem intelligi ac *Tay Kie*, seu primus rerum Terminus.

- N. 14. Interpres *Tsay hin Choy* comm. *Su xu mum yn* tom. 5. in lib. 2. Memcû cap. 7. *Cin sin xam* sic: dum interpretes explicant quid sit cor, dicunt esse hominis Spiritum intelligentem.
- O. 15. Lib. Rit. tom. 8. cap. 23. *Cy fa*: quicquid in mundo vivit, accipit certam & suam vitam & statum legum; istæ omnes res, ubi intereunt, dicuntur destructæ; homo autem ubi interit, dicitur *Quei* Spiritus rediens. Tum ibi Interpres alludendo ad litteram *Quei*, id est *spiritus rediens*, & ad aliam litteram *Quei*, id est *redire*, sic ait: dum homo dicitur *spiritus rediens Quei*, per id significatur ipsum habere quod redeat.
- P. 16. Interpres *Chu hi* in lib. carm. tom. *Taya* odâ *Ven vam*, sic: hæc strophæ ait defuncti Principis *Ven vam* spiritum sinice *xin* sursum existeret, & clarè in cælo splendescere.
- Q. 17. Interpres *Cham Kiu Chim*, tom. 6. in lib. sent. art. 8. sic: Spiritus abiens & veniens, se colligans & se extendens, seu se communicans comprehendit & spiritus cæli, & spiritus terræ, & hominis defuncti animam. Vide etiam hî: suprâ n. 10. litt. K.
- R. 18. Vide hîc suprâ num. 10. litterâ K.
- S. 19. Lib. Rit. cap. 5. *Vam chi* sic: Imperator facit oblationem *Cy* Cælo, ac Terræ, (id est Spiritui); *Regulus* agrorum ac frugum spiritui. Imperator facit oblationem *cy* celebrioribus Imperii montibus ac magnis fluminibus in sua ditione positis.
- T. 20. Lib. Rit. cap. 5. *Vam chi*: si montium ac fluminum spiritibus non fiat oblatio *cy*, contra reverentiam peccatur.
- T. 21. Lib. Annal. Imperial. tom. 1. cap. *Xin Tien* sic: deinde princeps *Xin* litavit cæli Domino ac Rectori *Xam Ti*; fecit oblationes temporis, frigoris & æstus, solis, lunæ, stellarum, siccitatis & humiditatis venerandis spiritibus; item montibus & fluminibus, (id est eorum spiritibus); denique omnium spirituum multitudini.
- V. 22. Lib. *Pe hu tum*, tom. 1. cap. *V su* sic interrogat: quænam sunt istæ 5. oblationes? Resp. *ex*, quæ sunt spiritui domus portæ, cubiculi

hiculi portæ, putei, (lib. Rit. cap. 6. *Yue lim*, loco putei ponit via),
domûs medutulli, & foci.

X. 23. Vide hîc suprâ num. 14. litterâ N.

Z. 24. Quotidiana 4. lib. explicatio tom. 26. in lib. 2. Memcii, cap. 8.
Cin sin hui sic: qui tam subtili, purâ, integrâ & itâ ab omnibus sensibus
remotâ virtute excellit, ut quævis admirabilia opera efficiat, perci-
pi tamen ac comprehendi non possit, hic dicitur vir spiritualis.

Z. 25. Lib. mutat. ac product. part. *Chuen hui* art. 5. sic: annon vir ve-
rè spiritualis ille est qui intimos rerum impulsus ac tendentias cogno-
scit? ad quem locum vera hujus libri expositio tom. 18. sic: nulla in
mundo res est, inquit Confucius, quæ intimum aliquem specialem im-
pulsûm ac propensionem non habeat; qui illam potest cognoscere, an-
nonis verè vir spiritualis, & intelligens est?

W. 26. Vera lib. mut. ac product. expositio tom. 19. part. *Xam chuen*
art. 10. sic: summa perfectio, summa mutatio, & summa spiritualitas
est libri mutationum ac productionum via; & hanc vir sapiens effor-
mavit. Dein paulò post: illa figurarum symbolicarum mobilitas est
id, quo vir sapiens profundissimæ subtilitatis rationem exhaustit; nimi-
rum summam illam mobilitatem spiritualitate donando.

Y. 27. Vera lib. mutat. ac product. expositio tom. 18. part. *Chuen Xam*
art. 9. citans Interpretem *Tsay hui chay* sic: hic Doctor significat in do-
ctrina libri mutationum ac productionum contineri rationem, quæ
illam spiritualem reddit, v. g. hæc verba *Celi virtus prima seu magna,*
communicativa, directiva, perfectiva; noli uti; prodest, & similes ejus do-
ctrinæ dictiones. Hæc enim suis regulis efficiunt, ut homo in suis
actionibus rectam sequatur rationem; hocque habetur ex numero syn-
bolorum Ænigmaticorum, eorûmque partium numericarum variè
convoluto; hinc doctrina libri mutationum ac productionum habet
quo virtutis opus spiritualizet, seu valde spirituale efficiat.

Y. 28. Vera lib. mutat. ac product. expositio tom. 17. art. *Chuen Xam*
art. 4. cùm ergo hæc libri mutationum ac productionum via sit tanta,
tâmqve vasta, quomodo vir sapiens illam potuit ad usum revocare?
Resp. ista via est unica; sed prout diffunditur ac dividitur in cælo,
terra, & omnibus rebus, dicitur ratio; prout infunditur ac recipitur
in hominibus & aliis rebus, dicitur natura; prout continè semper agit
in rerum Effectore, dicitur Lex. Solus autem vir sapiens potuit illam pe-

netrare & mente complecti. Hi ergo refertur quomodo vir sapiens doctrinam mutationum ac productionum ad usum revocârit, exhauriendo & penetrando totam rationis amplitudinem.

AA. 29. Liber mutat. ac prod. part. *Chuen Xam* art. 11. sic: *quocirca illa herba Xi calamorum vario ordine ac serie adaptatorum vir eundem spiritualis.* Ad quem locum vera hujus libri expositio tom. 19. licet quavis illius doctrinæ mutationum ac productionum usus ad omnes mundi res se extendat; tota tamen illius ratio in mente sapientis reapse concludatur; idcirco tantummodo habet istas herbas Xi, symbola ænigmatica, & eorum partes numericas.

AA. 30. Liber mutat. ac product. part. *Chuen Xam* art. 11. sic: *idcirco vir sapiens cum Celi viam ritè intelligeret, & populorum res attenderet, instruit illam rem spiritualement ad promovendam populorum militiam.* Ad quem locum vera hujus libri expositio tom. 19. sic: sapiens cum hujus doctrinæ rationem in mente conclusum teneret, postea eam exterius proditum adaptavit illi herbe Xi, & testudini; ut hoc modo cognitum illius doctrinæ usum possent populi in praxim deducere. Et paulò post: dum populi illo doctrinæ artificio utuntur, spiritus (nempe artificii Authoris spiritus) naturali populorum facultati claram indit intelligentiam; dum sapiens illo usus est, suus ipse spiritus naturali suæ facultati claram indidit intelligentiam.

AA. 31. Lib. mutat. & product. part. *Chuen Xam* art. 10. sic: *doctrina libri mutationum ac productionum cogitatione, & actione caret;* ad quem locum vera hujus libri expositio tom. 19. sic: ista voces, inquit Doctor *Chu hi*, doctrina mutationum ac productionum indicant symbola ænigmatica eorumque partes numericas cum calamis herbe Xi in certum ordinem distributa; hæ verò *cogitatione & actione caret*, significant illa animo, mente, intentione carere. Et paulò post: ista symbola cum calamis herbe Xi sic distributa, sunt quid deliberationis, & rationationis expers; ideo dicuntur *cogitatione & actione carere*: dum dicitur *cogitatione & actione caret*, inquit Doctor *Tsay hui Chay*, id significat tantum, quod animo, mente, intentione careat, nempe ista doctrina, seu symbola ista ænigmatica.

BB. 32. Quotidiana lib. mutat. ac product. explicatio tom. 16. part. *Xam chuen* art. 11. sic: quod attinget ad illam herbam Xi, est tantum una planta, sicut alie; fac ut in virum sapientem non incidat, unde

de sanè nosceretur res spiritalis esse? si enim intelligens & perspicax viri sapientis spiritus illius artificium non instituisset, illâque non usus fuisset; ista res spiritalis temper res inutilis remansisset. Qui sanè illa herba *X* ex se potuisset fieri spiritalis? idcirco ista res spiritalis non est aliquid spirituale, sed tantum post institutum à viro sapiente illius artificium, tunc factum est aliquid spiritalis.

CC. 33. Lib. Rit. tom. 8. cap. 23. *Cy fa* sic: prisci illi Imperatores & scientiâ & virtute inclyti, sic faciendæ ceremoniæ *Cy* ritus ac leges instituerunt, ut qui præclara vitæ ac regiminis præcepta populis olim tradiderant, iis fieret ceremonia *Cy*; qui pro publica utilitate sollicitanda vitam profuderant, iis fieret ceremonia *Cy*; qui strenuis suis laboribus vacillantem imperii statum consolidaverant, iis fieret ceremonia *Cy*; qui magnis populi ærumnis opem tulerant, iis fieret ceremonia *Cy*; denique qui magna populorum mala impedi-
erant, iis fieret ceremonia *Cy*, seu ceremonialis gratitudinis exhibitio.

DD. 34. Lib. sermon. domestic. Confucii art. 24. Cælum continet 5. primâ principia universalis, aquam, ignem, metallum, lignum, humum, quæ juxta varias anni tempestates serviunt ad rerum productiones & nutritiones. Illorum spiritus dicuntur 5. illi prisci Imperatores. Prisci illi Imperatores quia mutando Imperia mutabant & Imperii cognomen, repræsentabant ista 5. primâ principia universalis, quæ alternatim præsident assiduis rerum generationibus & corruptionibus. Hinc Imperator *Ty hao*, id est *Fo hi*, ligno; Imperator *Ten ti* id est *Xin num*, igni; Imperator *Hoam ti*, humo; Imperator *Xao hao*, metallo; Imperator *Chuen hio*, aquæ comparatus est. Et paulò post: ego, inquit, Præfectus *Kam*, audiui Principem *Ken van*, ligni; Principem *Cho yum*, ignis; Principem *Fo xen*, metalli; Principem *Huen min*, aquæ; Principem *Hou tu*, terræ esse primarium Præfectum; adeoque sunt Præsides istorum quinque primorum principiorum universalium; ecur igitur non vocantur etiam Imperatores? illæ quinque primariæ Præfecturæ, reponit Confucius, sunt tantum virorum quinque primis principiis universalibus præfectorum nomina appellativa. Deinde paucis verbis interjectis sic: hi quinque Præfecti juxta id quod gerere valuerunt, unusquisque suum habuit munus; dum vixerunt, erant primarii Imperii
Mini-

Ministri; post mortem sunt honorarii spiritus; alio nomine vocantur quinque ceremoniarum *cy* spiritus; non verò vocantur Imperatores.

- DD. 35. In lib. Rit. tom. 3. cap. 6. *Yue lim* Interpres *Chin hao* agendo de Imperatore *Fo hi* ac primario Imperii ministro *Ken nam*, sic: quia illi viri scientiâ, virtute, spiritualique perfectione absoluti Caelique legi obsequentes, verbo & exemplo perfectæ disciplinæ normam tradendo, in vita sua optimè de populo meriti sunt; ideo postteriores Imperatores verno tempore illis facere ceremoniam *cy* cæperunt; atque eadem est ratio de aliorum quatuor temporum Imperatoribus, & spiritibus; nempe præcedenti num. 34. enumeratis.
- DD. 36. In lib. Rit. tom. 5. cap. 11. *Kiao te sem* Interpres *Chin hao*, agendo de Imperatoris *Xin num*, & principis *Hien cie* defuncti animabus, & aliis sic: quia vir sapiens vult illis spiritibus de Imperio optimè meritis grates persolvere, ideo quærendo (nempe ubinam sint) iis facit ceremoniam *cy*.
- EE. 37. Interpres *Tsay hin chay* comm. *Su xu mum yn* tom. 5. in lib. sent. art. 3. sic: dum dicitur vitalis cæli, terræ, montium, fluminum, agrorum, frugum, aura quæ ab omni ævo nunquam destruitur (nempe vivens spiritus) excipere, atque gratam habere ceremoniam *cy* statim atque ei fit, hoc certè verum est, & rationi consonum. Sed quod ad hominem attinet, cum moriendo ejus anima in cælum, corpus in terram redeat, post destructionem omnino perit ac definit. Deinde paulò infra: denique si res intimè, ac profundè discutatur, defunctorum Avorum aura reverà desit, ac prorsus perit.
- FF. 38. Interpres *Tsay hin Chay* comment. *Su xu mum yn* tom. 3. ad lib. immutab. medii art. 16. sic: quod quidem attinet ad spiritûs adventum (nempe in hominis generatione), oportet fateri verum & realem esse; quod verò attinet ad reditum, si verborum sensum ad litteram sequaris, tunc erit id quod sectarii Idololatræ asserunt, illum ad suum principium & originem redire; qua de re nihil potest discuti.
- GG. 39. Vide hîc suprà num 37. litterâ EE.
- HH. 40. Interpres *Tsay hin Chay* in eod. tom. in lib. immutab. medii art. 16. sic: quamvis autem spiritus corpore & voce sit expertus, reapè tamen & verè existit illius ratio.

II. 41. Quotidiana 4. libror. explicatio tom. 2. in libr. immutab. medii art. 16: tantum in mundo possunt videri res illæ, quæ sunt corporeæ; hinc Spiritus cum sit incorporeus, quamvis illum videre velis, non tamen vides. Deinde tantum in mundo audiri possunt res illæ, quæ voce constant; hinc Spiritus cum vocis sit expers, quamvis illum audire velis, non tamen audis. Vel dic: quamvis illum videas & audias in effectis, non tamen illum in seipso vides & audis.

KK. 42. Quotidiana 4. lib. explicatio tom. 4. in lib. sentent. artic. 3. proh! dolor, inquit Confucius, iste Præfectus *Ki* sic leges ac ritus transgrediendo, & adulationibus bona querendo, ecquem sanè animum habeat, ignoro. Celebris vir ille *Lin fam* quamvis tantum foret privatus regni *Lu* incola, pravos tamen sæculi mores etiam vel sic optime nôrat; & in quo vera rituum, & honestatis ratio consisteret, percontari studebat; quantò autem magis præ hoc vulgari homine *Lin fam*, ille montis *Tay xan* primi inter quinque famulos montes Spiritus, qui ob suam perspicacitatem & intelligentiam non

LL. potest artibus falli, ob suam rectitudinem & æquitatem non potest adulatione depravari; quantò, inquam, magis ille novit & rituum, & honestatis leges? qui ergo istius præfecti *Ki* oblationem *cy* Ritibus & honestati contrariam, excipiet?

Idem eodem modo habet Interpres *Cham kiuchim* tom. 4. qui inter alia sic ait: Spiritus non potest falli, aut decipi; & paulò pòst: istius montis Spiritus perspicax, intelligens, æquus, rectus, profectò novit ritus, & honestatis leges.

MM. 43. Interpres *Cham kiuchim* tom. 2. in libr. immutab. medii art. 16. sic: quia autem vera & realis Spiritus producentis & destruentis, seu venientis & redeuntis Ratio in mundo assidue agens, potestatemque ac curam gerens bonis bona, malis mala dispensandi existit; ideò perfectus illius decor, ac intelligens aura clarissimè se foris conspicuam prodit, atque ita occultari non potest.

NN. 44. Liber naturæ & rationis brevis expositio tom. 2. art. *Hoam Ki* sic: simul atque aliqua cogitatio erumpit, statim hanc Spiritus produciens ac destruens cognoscit. Idcirco vir sapiens internæ sui cordis solitudini diligentissimè invigilet necesse est.

NN. 45. Interpres *Cham kiuchim* tom. 3. in libr. immutab. medii art. 24: quamlibet enim rem obscuram ac reconditam, ad quam

nec auris, nec oculus, nec cor, nec cogitatio pertingit, quàmque nec homo scire potest, præter id, quod jam dixi, solus Spiritus destruens ac producens scire ac nôsse valet.

OO. 46. In librum *Ver & Autumnum* cap. *Tu kum* sic Interpres *Hu*: longè verò peiores sunt istæ conjurationes particulares, ac confœderationes, quæ Spiritum destruentem ac producentem offendunt, boni regiminis leges transgrediuntur, ità ut tandem omnia destruant ac pervertant.

OO. 47. Liber *Rit.* tom. 8. cap. 24. *Cy y* sic: *ratiocinatione autem inquiritur, ac penetratur Spiritus destruens ac producentis natura, ut veneratio superiori adhibeatur*; ad quem locum sic Interpres *Chin hao*: in inquirenda ac penetranda Spiritus destruens ac producentis natura, agnoscitur summa illius majestatis ratio.

PP. 48. Interpres *Tsay bin chay* comm. *Su xu mum yn* tom. 3. in lib. immutab. medii art. 16: proh! quàm non potest concipi, ac comprehendere Spiritus destruens ac producens! vide cap. 2. quest. 3. in textibus num. 19. litterâ P.

QQ. 49. Quotidiana 4 lib. explicatio in lib. sentent. art. 7. sic: cùm autem spiritus non possint cognosci, illos revereri, & à profunda illorum investigatione abstinere possumus.

RR. 50. Interpres *Cham kin Chim* in lib. sentent. art. 6. sic: homo vivens in rebus quotidianis ex se habet rectam agendi viam, quam debet sequi; quod enim attinet ad bona, quibus bonos, & ad mala, quibus malos efficere solet Spiritus destruens ac producens, quamvis ea cum hominum actionibus mutuam habeant connexionem, sunt tamen res valdè obscuræ, abstrusæ, & scitu difficillimæ. Unde maxima est cæcitas adulatoriè illi inservire ad quærendum id, quod sciri non potest. Unum ergo in quod totis viribus incumbere oportet, est rectæ hominis viæ seu rationi sese conformare; quidquid recta ratio agendum dicat, agere; quidquid uniuscujusque munus ac conditio ab ipso postulat, id totum verè & accuratè exequi. Quod verò spectat ad spiritus (nempe generatim) vel ad Spiritum destruentem ac producentem, sufficit debitam illi reverentiam exhibere ad servitium præstandum, nec oportet propinquiore accessu illum vilipendere, nec importuna adulatione illi oblationem facere ad postulanda bona.

QUÆ-

QUÆSTIO V.

Quid est juxta Sinas *Kiao Xe*, seu Cælo ac Terræ
litare?

HÆc quatuor mihi videntur maximè explicanda 1. quid sit litare Cælo? 2. quid sit litare Terræ? 3. an litare Cælo ac Terræ, sit litare cælo materiali, ac terræ materiali; an potius ejus Spiritui? 4. an litare Cælo ac Terræ sit litare unico cæli ac terræ supremo Spiritui?

Dico 1. Cælo litatur dupliciter 1. sub dio, 2. sub tecto. Quando sub dio litatur, ei servitur juxta id, quod Cæli via seu Cæli agendi via postulat, & ad indicandum quod cæli ac terræ Spiritus domum non habeat, seu domo non constringatur; floreæ ex stramine, vel vimine contextæ, (olim Sinæ humi super floreæ sedebant) figulinæ cucurbitæ, seu scutellæ, tenellus vitulus cornibus pullulare incipientibus adhibetur; solum verritur, & sic litatur (A). Ad repræsentandum Cælum apponebatur vicarium solis signum, sicuti ponitur Regulus aut Præfectus primarius in rebus Imperatoriis ad repræsentandum Imperatorem; inò & solis signo adjungebatur lunæ signum tanquam solis comparativum seu correlativum (nempe utriusque nomen scriptum in aliqua tabella, vel papyro, vel quid simile); utrumque tamen ad repræsentandum Cælum (B); vel potius ad repræsentandam & demonstrandam Cæli viam seu Cæli agendi viam; hæc Cæli via est tantum visibilis in suis effectis, non autem in ipso Effectore (C). Quando sub tecto litatur Cælo, ei servitur juxta id, quod cæli Domini via postulat. Agnus & vitulus, cannea & lignea vasa, cacabus & lances eccis plenæ adhibentur, libaminaque sunt cocta (D). Olim sub tecto in Imperialis palatii aula litavit Imperator *Vu van*, Imperator *Huam ti*, Imperator *Xin num*; adeoque antiquitus aliqua Imperialis palatii aula erat litaminis locus (E). Imò & hæc serviebat ad faciendam ceremoniam Cy illorum quinque Imperatorum præcorum dictorum *Ti* & quinque priorum Imperii Ministrorum dictorum *Xin* (quorum nomina vide in præcedentis quæstionis textibus num. 34. litt. DD) animabus (F).

Cæterum cum Cælum nihil sit aliud, quam cæli Dominus; & cæli Dominus nihil sit aliud quam Cælum; ideò ista litaminis diversitas tan-

tum petebatur ex eo, quòd litando Cælo sub dio, erigeretur rotundus agger; & propterea dicebatur litari Cælo ob figuram illius aggeris rotundam, cæli rotundi repræsentativam; & quòd litando sub tecto, ei ut cæli ac terræ Spiritui inserviretur; & propterea dicebatur litari cæli Domino (G); huic explicationi videtur standum; quamvis varii varia incertè opinentur (H). Hinc fortasse factum est, ut lapsu temporis in Pekini suburbiis ad quatuor mundi plagas exstructa fuerint quatuor ædificia cum suis aggeribus ornatis, quorum unum ad meridiem situm, Cæli; alterum ad septentrionem, terræ; tertium ad orientem, solis; quartum ad occidentem, lunæ nomine insignitur; uti habentur delineata in libro *Ta mim hœi tien* tom. 82. & 83. Si Imperator, vel alius ejus nomine adhuc ibi litet aut faciat oblationem Cy, loquere juxta ea, quæ hîc suprâ, aut infrâ recententur; nisi obilet diversa intentio, vel nova institutio libris classicis dissona. Liber enim *Ven bien tum cao*, qui fusè per plures tomos tractat istas Cæli, terræ, solis ac lunæ oblationes, refert multa in illis sæpius facta fuisse, quæ non erant juxta librorum classicorum doctrinam, sed juxta Sectariorum seu Idololatrarum errores.

Præterea quia omnes res suam à Cælo trahunt originem, & homines suam à suis Avis; ideò Imperatores conferebant suos Avos seu suæ familiæ conditorem cum Cælo; dùmque sub dio in loco suburbano litabant Cælo, (hoc litamen Cæli sub dio vocatur *Kiao*; quæ vox *Kiao* significat suburbium; unde litaminis nomen) tabellam illius nomine inscriptam apponebant velut ad comitandum in mensa Cæli Dominum (I). Postea princeps *Chen Kum* cùm vellet singulari honore Patrem suum *Ven vam* defunctum colere, nec auderet ei sub dio in loco suburbano facere ceremoniam Cy eodem modo, quo fiebat principi *Hen cie* suæ familiæ conditori, nec aliunde auderet Cæli Spiritum sive cæli Dominum, intrâ parentalis Avorum defunctorum ædificii angustias, simili, quo homines defuncti coluntur, ritu colere, atque ita ejus servitium vilipendere (K); ideò cæpit in imperialis palatii aula patri defuncto ceremoniam Cy facere, cum cum cæli Domino conferendo, seu comitem ponendo hoc modo: cæli Domini signum stabat in medio; Principis *Ven vam* signum in parte austro-occidentali; utrûmq; orientalem plagam spectans; quique præerat huic ceremoniæ Cy, & ad quem illa dirigebatur, erat cæli Dominus (L); adjungebat autem patrem suum *Ven vam* velut comitem cæli Domino; quia sicut cæli Dominus est rerum productarum Parens pri-

primus, seu primum principium; ita pater est is, à quo filius productus est (M). Verùm cùm sic parentes defunctos velut comites cæli Domino adjugebant, non eodem modo & cæli Domino & parentibus defunctis ceremoniam ꝑ faciebant; ritus enim erant diversi; nam pro cæli Domino tener vitulus per trimestre spatium, in mundo caulæ loco separatus; pro Avis defunctis vitulus quilibet obuius & paulò grandior adhibebatur (N); & id quidem fiebat ut distingueretur servitium, quo colitur cæli Dominus, à servitio quo coluntur hominum defunctorum animæ (O); nec utriusque ceremoniæ finis erat univocus: parentalis enim ceremoniæ finis tantùm erat correlativus & comparativus (P). Multas alias omitto differentias.

Dico 2. videtur etiam litatum Terræ dupliciter. 1. confundendo Terræ litamen cum prædicto Cæli litamine sub dio, seu comprehendendo Terræ litamen in isto Cæli litamine; Cæli enim litaminis vasa repræsentabant cæli & terræ naturam; hocque Cæli litamen erat id, quo Cæli via seu Cæli agendi via demonstrabatur & intelligebatur (Q). In Cæli autem via comprehenditur terra; nam Cælum & terra quatenus ratio, est Cæli via, ut diximus suprà in quæst. 3. textibus num. 34. litterâ (W). Unde sæpius non exprimitur terra, quia terra in Cælo concluditur, sive sumas Cælum pro corpore sensibili, sive pro aura vitali (R). Insuper cùm sæpè dicatur Imperator litare Cælo ac Terræ, ac terra tacitè comprehendi in litamine Cæli (S); nec detur borealè *Kiao*, id est Terræ litamen seu locus in boreali suburbio ad litandum Terræ, (hic enim locus spectat ad sequentem modum litandi Terræ (T)); sequitur Terræ litamen in Cæli litamine comprehendi.

2. Alius ergo modus Litandi Terræ sic est: olim Imperator cùm aliquem terræ tractum in regnum erigeret, tunc destinabat specialem locum ad faciendam ceremoniam ꝑ quot annis Vere & Autumno, frugum Spiritui, sine quibus homines vivere, & terræ seu regionis agrorumque Spiritui, sine quibus fruges crescere, & homines stare non possunt. Hic locus erat intra septa parentalis Regum defunctorum ædificii ad dexteram ejus partem, inter mediam & primam, seu anteriorem portam situs sic: in medio prostabat sub dio cæmentitium terræ suggestum non valdè altum, cujus latus orientale cæruleo, australe rubeo, occidentale albo, boreale nigro colore depictum erat. Facies superior rubrâ glebâ contegabatur, flavâ autem, si erat imperiale suggestum; nam Imperator

O 3

etiam

etiam habebat duo ejusmodi terræ suggesta, alterum pro sua imperiali urbe, alterum pro toto imperio; uti & quisque Regulus habebat duo, alterum pro sua regia urbe, alterum pro suis populis seu pro sua ditione; imò & primarii Præfecti seu Toparchæ habebant unum. Suggestum Imperiale amplum erat 50. cubitis; regale 25. Circum istud suggestum extendebatur area plana, in qua longæ arborum series hinc & hinc satæ erant. Hæc area humili muro circumquaque claudebatur (V). Itaque Imperator præter locum vel aggerem suburbii australis, in quo litabat simul Cælo ac Terræ (X), habuit adhuc alium locum, in quo speciatim litabat Terræ. Et hic locus videtur fuisse triplex, saltem subinde. •

Primus est ille qui vocabatur absolute *Xe*, id est spiritus terræ suggestus; ubi Imperator in solstitio æstivo litabat Terræ (Z); estque id quod malè vocârunt *Pe Kiao*, id est borealis suburbii agger ad litandum Terræ; quia ista vox *Kiao* propriè indicat Cæli litamen, quod fit in australi suburbio (W). Ille locus *Xe* vocatus est etiam *sam xe* vel *sam Kien*, id est quadrati aggeris fossa, in qua res oblata tumulabatur. Sed jam à multis sæculis maxima de hoc litamine exitit & nunquam finita controversia inter Doctores sinicos, utrùm nempe Imperator deberet litare conjunctim Cælo ac Terræ, an divisim? Unde quidam Imperatores litârunt conjunctim, alii divisim, id est Cælo in solstitio hiberno & Terræ in solstitio æstivo; alii modò conjunctim, modò divisim. Hancque controversiam per plures tomos, nempe 70. 71. 72. 74. 75. &c. discutit liber *Ven hien tum Kao*. Unde, ut arbitror, liber *Ta tum boei tien* litamen Cæli ac Terræ conjunctim, in tomo 81; Cæli litamen divisim in tomo 82; Terræ litamen divisim in tomo 83. proponit.

2. Imperatoris locus ad litandum Terræ fuit dictus *Tay xe*, id est magnus ac primarius terræ suggestus, quod Imperator erigebat ad litandum terræ Spiritui in gratiarum actionem pro toto suo Imperio.

3. Fuit dictus *Ti xe*, id est Imperiale Terræ suggestum quod ad eundem finem erigebat Imperator pro sua imperiali urbe (Y).

Insuper in primordiis Monarchiæ sinicæ, postquam Princeps *Kum Kum* adeptus fuisset aut sibi subjugasset totas novæ Chinæ provincias, id est totā Chinā sic tunc divisam; ejus filius *Keu Lum*, qui illā tranquillitate donavit, aquas exundantes repressit, rem agrariam provexit, dictus fuit *Hentu*, id est præfectus terræ, seu in terram dominans (A A); ideoque quando litabatur terræ Spiritui in aliquo ex dictis suggestis, etiam illi simul fiebat cere mo-

nia

nia cy, ponendo cum velut mensæ comitem cum terræ Spiritu ad grates pro priscis beneficiis persolvendas; parique modo Principem *Heu cie*, (*Hencie* id est præfectum frugibus, seu in fruges dominantē) qui rem agrariam multum etiam olim promoverat, ponebant velut mensæ comitem cum frugum Spiritu; & dum litabant frugum Spiritui, unā etiam illi faciebant ceremoniam cy (BB). Hinc factum est, ut ille Princeps *Kenlum* etiam diceretur Spiritus terræ, seu agrorum; & Princeps *Heu cie* frugum Spiritus (CC); (nempe animæ defunctorum hominum, olim rei agrariæ præfectorum, non autem veri agrorum & frugum Spiritus). Unde in hoc suggesto non illis primariò fiebat ceremonia cy; sed tantum per concomitantiam. Primariò enim fiebat ceremonia cy vel supremo terræ ac cæli Spiritui, vel tutelari Spiritui, ut mox dicam. Illis autem hominibus defunctis tantum fiebat velut mensæ appositæ seu convivii comitibus apponendo eorum tabellas è latere tabellarum verorum Spirituum ad grates pro beneficiis olim acceptis persolvendas (DD).

Quod attinet ad fanum *Chim hoam*, nullam habet cum his connexionem. Hujus origo, ut referunt, hæc est: vixerat sub Imperio familiæ *Han* quidam militæ Præfectus nomine *Ym*, cognomine *Quon*, fidelitate & fortitudine spectabilis; postea, sub Imperio familiæ *Cin* primo erectum est illi honorificum signum. Deinde lapsu temporis erectum fanum cum elaborata statua; creditur præesse magistratibus, urbibus, civibus. Hinc quilibet magistratus in suscipiendo officio, & postea primo ac decimo quinto cujusque mensis die illud fanum adire solet, ibique coram statua se prosternit (EE). Hæc ergo statua non minus Idololum est, quàm alia plurima Sincensia; nec quidquam habet commune cum prædicto terræ suggesto; & certè de illis duabus vocibus *Chim hoam*, quæ de se significant *siccus manium fossas*, nullum omninò verbum, nec ullam mentionem faciunt libri classici eorūque interpretes, adeoque illud fanum non spectat ad doctrinam eorum Sinarum, de quibus hîc agimus. Verum quidem est quod liber *Ta mim hoet tien* tom. 94. agit de isto *Chim hoam*, & illi ceremoniam cy unā cum Animabus, quæ parentantibus carent, supersticiosam & ridiculam præscribat; sed nullius libri classici autoritate fultam, nec iste liber *Ta mim hoet tien* est classicus quoad doctrinam, multasque alias habet superstitiones, maximè ab Imperatore *Kia cim* sectariorum & Idololatrarum sequace & fautore institutas. Imò idem liber etiam præscribit isti Spiritui *Chim hoam* unā cum montium ac fluminum Spiritibus commu-

nem

nem ceremoniam *cy*, adeoque rursus ibi vel superstitiosè loquitur, vel aliter sumit istum *Chim Chiam*, id est mœnium Spiritum.

Jam verò prædicta terræ suggesta, quæ olim Imperator, Reguli, Toparchæ intra septa parentalis suorum Auorum ædificii habebant, arbitrator nunc non ampliùs eodem modo subsistere, sed liber *Ta mmm hoai tten* tom. 85. dicit imperiale terræ ac frugum suggestum *Tay xe cie* erectum esse extra meridionalem portam ad latus dextrum (nempe in urbe imperiali) cum suo septo aut muro circumducto; & ibidem ejus delineatio habetur; uti & ejus ceremonia *cy*. Item, uti ibidem dicitur, Imperator *Kra sim* jussit in alio septo erigi Imperiale terræ ac frugum suggestum *Ti xe cie*. Suggestum *Tay xe cie*, est suggestum pro toto Imperio, ut suprà dixi; *Xi Xe cie* est suggestum pro ipsa urbe Imperiali. Sed hoc suggestum *Ti xe cie* & ejus ceremonia *cy* postea abrogata est, ait idem liber.

Præterea idem liber tom. 94. pro aliis omnibus Chinæ urbibus præscribit ac describit Spiritus regionis ac frugum suggestum seu aggerem, ejusque ceremoniam *cy*. Hujus suggesti descriptionem, prout illud vidi & perlustravi in urbe *Nancham* metropoli provincie *Kiam si*, hic infra appono; cumque Imperium Sinicum tantoperè amet in rebus publicis, & maxime in ædificiis omnimodam ubique uniformitatem, exilimo ejusmodi suggesta, seu terræ aggeres, qui prope reliquas urbes etiam erecti sunt, esse huic conformes ac similes. Sic ergo: hæc metropolis *Nancham*, quia divisa est in duas urbeculas, ut terè solent alie Provinciarum metropoles, habet in suis suburbiis duo terræ suggesta, alterum ad meridiem, alterum ad septentrionem situm; ubi Verè & Autumnino harum duarum urbecularum Gubernatores, alter in meridionali, alter in septentrionali suggesto per se vel per alium Præfectum inferiorem facit ceremoniam *cy*, offerendo capram, vel porcum vel utrumque, priùs in macello occisum, ac toto corpore depilatum unà cum ferici volunine, coram tabella in qua scriptum est nomen Spiritûs, vel Spirituum, nempe montium, fluminum, agrorum, frugum istius regionis. Septentrionale, quod vidi, sic se habet: visitur oblonga area humili muro circumdata; ejus ostium columnis sustentum, semper patens & pervium. Non longè ab extremo arcæ, erectum est humile terræ suggestum, figurâ quadratum; in suggesto infixæ saxeæ columna altitudine circiter duorum pedum, cujus stylobata quadrata, reliqua pars spherica; nempe juxta Sinas per quadratam, terræ; per sphericam figuram cælum representatur.

è fron-

E fronte istius suggestus est quoddam ædificium columnis sustentum, lacernum, utrimque patens ac pervium absque porta, in quo nihil præter parietes, columnas & tectum. Dum fit ceremonia *cy*, in hoc ædificio patulo è regione terræ suggestus, apponuntur mensæ; super unam earum sunt tabellæ, in quibus scripta sunt nomina Spirituum montium, fluminum, frugum &c. super alias, sunt fercula quæ præsentantur. Unde istud ædificium videtur magis exstructum ad commoditatem offerentis, quam ad alium finem; nempe ad se defendendum contra ventum & pluviam, dum peragitur ritus, ut ait liber *Tam m ho ei tien tom. 85. de imperiali terræ & frugum suggestis*. Idcirco quando non habetur tale ædificium, ut sæpè fit, tabernaculum erigitur, & sic fit ceremonia *cy*. In reliquis urbibus, quæ non sunt divisæ in duas, audio unicum esse ejusmodi terræ suggestum. Denique conditor præcedentis imperialis familiæ *Ta m m* exorsus imitari, quod habetur in libro Rituum imperii *Chen*, exierat in campo suburbano tum australem, tum borealem aggerem ad litandum Cælo die solstitii hiemalis, supra rotundum aggeris culmen; & ad litandum Terræ die solstitii æstivi in quadrata aggeris fossa, hocque aliquamdiu duravit, ac cursum habuit; sed cum variæ temporis siccitatis, insolitæque æris intemperies obortæ fuissent, tandem statutum est, ut primodumtaxat anni mense litaretur Cælo in suburbano australis aggeris culmine (FF). Sed hæc satis de loco, & modo litandi tum Cælo, tum Terræ; nunc quod maximè interest, inquirendum est objectum illius litaminis; sitne cælum materiale, an cæli materialis Spiritus? sitne terra materialis, an terræ materialis Spiritus? itaque

Dico 3. dum litatur Cælo sub tecto, clarum est tunc litari Spiritui; tunc enim litatur Cælo, quatenus est cæli Dominus (GG); sed cæli Dominus seu *Xam Ti*, ut jam sæpè vidimus, est Spiritus; ergo litatur non cælo materiali, sed ejus Spiritui. Deinde dum litatur Cælo sub dio, eitam ei litatur ut est Spiritus, non ut est quid materiale; idem intellige de Terræ litamine, quod in hoc Cæli litamine, ut dixi, comprehenditur. Ideo enim ei sub dio litatur, ut ostendatur cæli ac terræ Spiritum non habere domum; unde litando Cælo ac Terræ, res comestibiles & potabiles offeruntur, quamvis sciatur cæli, ac terræ Spiritum nec comedere, nec bibere (HH); insuper victima ad litandum Cælo sub dio, idcirco particularis adhibetur, ut distinguatur cæli Spiritus ab hominis defuncti Spiritu (II); & pro vicario cæli Spiritus signo apponitur sol (KK); deinde li-

P.

tando

114 *Traët. 1. cap. 2. quest. 5. De Cognitione primi Entis,*

tando Cælo, ac Terræ, dicunt se admonere cæli, ac terræ Spiritum (LL); istud ergo litamen fit Spiritui, non cælo ac terræ materiali.

Denique litando Terræ in prædictis terræ suggestis *xe*, etiam litatur terræ Spiritui; quia id, cui litatur, dicitur esse terræ Spiritus (MM); & Imperator litando in magno Imperii suggesto, dicitur admonere terræ Spiritum (NN). Sed his non immoror, videamus ultimam difficultatem; utrùm scilicet litando Cælo ac Terræ, litetur unico cæli, ac terræ supremo Spiritui?

Dico 4. dum Imperator in aggere suburbano litat Cælo sub dio (à fortiori dic de litamine sub tecto) terram, ut suprà dixi, simul comprehendendo, tunc certè liquet illum litare cæli Domino ac Reëtori; sed cæli Dominus ac Reëtor est unicus (OO). Imò cæli ac terræ Spiritus est unicus; (vide suprà cap. 2. quest. 3. dico 3.) ; ideoque dum dicitur cæli Dominus, etiam Dominator terræ seu in terram Dominans in eo comprehenditur (PP); ergo litat unico cæli, ac terræ supremo Spiritui. Ob hanc causam in hoc litamine adhibetur unica tantùm victima (QQ); erravitque quidam Interpres qui dixit in hoc Cæli litamine ideo fuisse adhibitos duos vitulos, quia litabatur Cælo, ac Terræ; in ista enim occasione alter istorum duorum vitulorum erat pro Cæli litamine, de quo hic; & alter pro defuncto Principe *Hen cie*, cui simul fiebat cceremonia *cy*, conferendo istum familiæ *Chen* conditorem cum Cælo, seu ponendo velut comitem, ut dixi; adeoque unicus vitulus pro Cæli litamine (RR). Denique dum Imperator invist Regulos in suis regnis, Regulus ei offert unicum solummodò vitulum; quia ritus, quo colit Imperatorem, cæli Domini vices gerentem, est sicut ille, quo Imperator colit Cælum seu cæli Dominum (SS). Cùm igitur Imperator in hoc Cæli litamine in quo Terra comprehenditur, adhibeat unicum vitulum, eumque cæli Domino, seu *Xam Ti*, qui est cæli ac terræ Spiritus, offerat, patet sanè eum litare unico cæli ac terræ supremo Spiritui; dum enim dicitur *Xam Ti*, terræ Spiritus comprehenditur (TT); sed hoc rursus ex sequentibus clarius fiet.

Itaque cum olim Imperator in imperiali terræ suggesto *xe* litaret terræ Spiritui, etiam videtur tunc litasse unico cæli ac terræ supremo Spiritui; Confucius enim asserit litamen Cæli sub dio in suburbano aggeri, dictum *Kiao*, & litamen Terræ in terrestri suggesto, dictum *xe* esse id, quo servitur cæli Domino seu *Xam Ti*; ergo litando Terræ in terræ sug-

suggesto, servitur etiam cæli Domino, non minùs quàm litando Cælo in suburbano aggere; quod etiam interpretes hîc satis innuunt sic: *dicitur*, inquit, *tantum cæli Dominus seu Cælum, quia Heu tu in eo comprehenditur*; istæ voces *Heu tu*, ut mox dicam, significant vel densam terram, vel Dominantem in terram; adeoque Dominans in terram, seu Dominator terræ comprehenditur in cæli Domino, vel densa terra comprehenditur in cælo materiali, sive includitur à cælo materiali, cujus utriusque Domino litatur; nam ibi litatur Spiritui, ut dixi. Et verò addunt interpretes, *ideò Cælo, ac Terra præstatur servitium, ut exhibeatur gratitudo pro virtute, quæ cælum omnes res regit ac producit, & quæ terra omnes res sustentat ac perficit*: sed tota illa cæli, ac terræ virtus reducitur ad cæli Dominum, seu Spiritum invisibiliter intus agentem, rerumque Effectorem (vide cap. 2. quæst. 1. §. 2. & quæst. 3. dico 2.); ergo &c. Unde ibidem interpretes rursus dicunt hoc Cæli litamen *Kiao* & hoc Terræ litamen *Xe*, esse id, quo litatur cæli Domino, seu *Xam Ti* (VV); adeoque ad nullum alium Spiritum, quàm ad cæli Dominum, terræ scilicet dominium simul in se comprehendentem, utrumque litamen referunt. Quæcirca Cælum, inquit, est totus & integer Productor rerum Dominus, & ad rerum productionem tantum accipit à terra alimenti sustentationem (XX); inò cur terra alat omnes res, est quia cæli Dominus in eam dominatur, jubet: quæ ut illa id servitii subeat (ZZ); & quicquid terra producit, id à Cælo sibi communicante accipit (WW). Denique in cælo ac terra est unicus Spiritus destruens ac producens (YY), seu unica ratio quæ est cæli Dominus, internam naturæ rationalis rectitudinem infundens, Cælique lex naturæ infusa (AAA). Ex his igitur patet omnes terræ res, & totius mundi actiones referri ad unicum cæli Dominum seu *Xam Ti*, & non ad alium Spiritum, adeoque non haberi Regem cælum, & Reginam terram, seu duos Spiritus, alterum maritum, alterum uxorem. Ista vox *heu* (quæ subinde significat Reginam, maximè cum est juncta voci *Hoam*; ordinariè enim significat Imperatorem, Principem, Dominatorem, Dominantem (BBB), hîc juncta cum voce *Tu* significat tum densitatem terræ, ut ipsum ait dictionarium (CCC); tum & maximè Dominatorem terræ seu Dominantem in terram, non Reginam (DDD). Deinde Sinæ agendo de animabus defunctorum negant diversitatem sexûs (EEE); adeoque & in aliis spiritibus, quos nunquam reperias dici sœmicos, eam etiam negabunt. Itaque ista litaminis diversitas videtur peti ex di-

versis ritibus, non ex diverso objecto; quia enim cælum istud visibile est quid præstantius, terra est quid vilius, & utrumque figura, ac mole diversum; ideo instituerunt alios ritus litandi primo rerum omnium Principio quatenus cæli Domino; & alios quatenus terræ Domino, seu in terram Dominanti (FFF); unde dicuntur prisce Imperatores in suburbano aggere sub dio litasse cæli Domino, ad demonstrandos cæli patris & terræ matris ritus (GGG); quia nimirum cæli Dominus per causas secundas seu per cælum tanquam patrem; & per terram tanquam matrem, omnes res producit, conservat, alit. Hinc fortè factum est, ut dum litaretur Cælo ac Terræ simul, subinde appositæ fuerunt duæ tabellæ; altera inscripta *hoam Ti Ki* seu dominans terræ Spiritus; & altera inscripta *hoam Tien Xam Ti*, seu dominans cælo supremus Dominus. Imò ista vox unica *Ki* (id est Spiritus) & istæ voces *Xam Ti* (id est supremus Dominus) in lingua Tartara, quâ nunc ad litandum Imperator utitur, exprimuntur aut vertuntur per unam & eandem vocem *Han* id est summus Dominus; unde ulterius insinuat in isto Cæli ac Terræ sacrificio intelligi unicum Spiritum. Deinde vitalis, inquiunt, cæli ac terræ aura (quæ juxta Sinas est unica) æquivalet toti patri & matri (HHH). Quin imò ipsum duntaxat Cælum vocant patrem & matrem, uti & ipsum Imperatorem patrem & matrem populorum vocant, hodièque urbium Gubernatores passim vocantur pater & mater civium (III). Itaque sive Cælo sive Terræ litet Imperator, semper id refertur ad cæli Dominum, sive ad cæli ac terræ unicum Spiritum; & dicitur tantum filius Cæli non terræ; ideoque litamen terræ non minus quam litamen Cæli, est id, quo omnium rerum Principio grates persolvit, illudque corde recolit (KKK); unde Terræ litamen est id, quo terræ via spiritualizatur & cognoscitur (LLL); sed terræ via & Cæli via est unica, seu unicus Spiritus, ut supra dictum est; ergo Imperator litando Terræ, litat unico cæli ac terræ supremo Spiritui.

Si nonnulla ex iis quæ hîc dixi de litamine *Xe* seu terræ, volueris applicare, & referre ad istud aliud litamen terræ quod tacite in litamine *Kiao* seu Cæli comprehenditur, tunc magis adhuc probabuntur superiùs dicta de litamine *Kiao*, de quo hîc maxime agitur & est quæstio.

Jam verò dum Imperator faciebat oblationē *cy* in duobus terræ suggestis *Tay xe*, & *Ti xe*, de quibus supra, utrùm eam faceret summo totius terræ ac cæli Spiritui, an tantum tutelari totius Imperii Spiritui; non satis liquet.

Im-

Imperator quidem *Kia cim* in formula oblationis *Tay xe cie* videtur loqui de aliquo interiore terræ & frugum Spiritui, aut spiritibus; quamvis in formula oblationis *Ti xe cie* magis genericè loquatur, nempe de spiritibus aut Spiritu cuius favere habentur terræ bona; sed quam Sectariis addictus hic fuerit, scitur. Cæterum non repugnaret, quin Imperator in Imperiali v. g. terræ suggestu *Ti xe* litaret summo totius terræ ac cæli Spiritui, ut vidimus; & in altero *Tay xe* faceret oblationem *cy* tutelari totius Imperii Spiritui, agrorum Spiritui, frugum Spiritui, uti oblationem faciebat totius Imperii montium, ac fluminum celebrium Spiritibus; sed ritibus inferioris ordinis. Et sic intellige dum videntur subinde ponere alium terræ seu agrorum, alium frugum Spiritum; vel etiam intellige de spiritibus seu animabus Principis *Heu cie* olim agriculturæ, ac frugibus; & Principis *Ken lum* inundationibus, atque agris componendis præfectorum; utrique enim, ut dixi, correlativè ad istos agrorum ac frugum veros Spiritus olim fiebat ceremonia *cy*.

Petes I. an Reguli & Toparchæ in suis terræ suggestis, etiam litarent unico terræ ac cæli summo Spiritui.

Resp. cum liber Rituum propriè agat de ritibus ab Imperatore servandis, non potest satis sciri, utrum Reguli & Toparchæ aliis ritibus inferioris ordinis, & cujusque conditioni accommodatis, etiam litarent unico terræ ac cæli summo Spiritui, an tantum facerent oblationem tutelari suæ ditionis Spiritui, agrorum Spiritui, frugum Spiritui. Quamvis enim soli Imperatori licebat in suburbano aggere, & in Imperiali terræ suggestu ritu supremi ordinis litare unico cæli ac terræ summo Spiritui, nihil tamen obstat, quin etiam Regulis & Toparchis licuerit in suis terræ suggestis ritu humiliori & accommodato, (Reguli enim agnum, vel capram tantum, Imperator autem bovem in terræ suggestu ad oblationem adhibere debebant (MMM) litare eidem cæli ac terræ Spiritui. Certè illis, & aliis omnibus licebat demisso in terram capite, alisque modis cæli Dominum colere; imò etiam nunc plerique Sinarum, ultimâ anni nocte, apposisis super mensam escâ & potu, prout Cælum venerantur; non ideo tamen dicuntur sibi vindicare Imperatoris ritum. Sic inter Christianos quamvis solis liceat sacerdotibus celebratione missæ Deum colere; aliis tamen etiam licet diverto ritu eundem colere. Sed quidquid sit de Regulis & Toparchis, quæstio de qua hic agitur, est utrum

Imperator litando Cælo ac Terræ, litet uni cæli ac terræ Domino; & hæc videntur satis probata superius.

Petes 2. quis finis litaminis quod Imperator facit Cælo seu cæli ac terræ Domino?

In re satis dubia, quæ ad nostram quæstionem nihil vel parum facit, (hic enim quærimus objectum materiale, in quod litamen dirigitur, non finale) sic respondeo: triplex invenitur in libris classicis hujus litaminis nomen: primum est *Luy*, id est litandi Cælo species, & hoc faciebat Imperator in bellum profecturus (NNN); an non fortè erat impetratorium litamen? Secundum est *Chay*, id est crematio; & hoc fecit Imperator *Vu vam* debellato hoste *Chen*, obtento Imperio, rebus omnibus compositis, totam victimam comburendo (OOO); an non fortè latreuticum litamen seu holocaustum? Tertium est *Kiao*, id est suburbium de quo suprâ; & hoc facit Imperator ad grates rerum omnium Principio persolvendas, illudque mente recolendum (PPP); An non sanè Eucharisticum litamen? in hoc litamine *Kiao* parentes defuncti conjungebantur cum cæli Domino, ut dixi, non autem in litamine *Chay* (quod suppono distinctum à litamine *Kiao*, quamvis in litamine *Kiao* videatur etiam, saltè subinde cremari victima), nec in litamine *Luy*. In litamine quidem quo Imperator litabat cæli Domino ad postulandam frugum ubertatem, dicitur cum eo adjungi Princeps *Heu cie*, sive ejus tabella apponi (QQQ); sed vel hoc litamen erat litamen *Xe* seu terræ, non litamen *Kiao*, in quo litamine *Xe* Princeps *Heu cie* cum cæli Domino seu cum Spiritu terræ adjungebatur non tanquam parens & conditor familiæ *Chen*, sed tanquam rei agrariæ olim præfectus beneficus; vel non quatenus frugum postulatio, sed tantum quatenus gratiarum actio ad eum dirigebatur; vel denique fortè etiam adjungebatur tanquam intercessor, existimando illum in loco esse, ubi posset intercessorem agere apud cæli Dominum; atque ita dic de aliis ejusmodi viris, qui optimè de Imperio meriti obierunt, vel non multò post diluvium, vel certe quando China pravis sectis nondum depravata erat; Sed de hoc iterum in 2. Tractatu, & magis singillatim.

Denique animadvertite, cum etiamnum istum litaminis *Kiao*, seu litandi Cælo sub dio ritum, quot annis servet Imperator Sinicus, me non dicere eum esse licitum; Lex enim vetus quoad ceremonias, judicia, sacrificia &c. post sufficientem Evangelii promulgationem abrogata est; sed tantum volui explicare objectum materiale, in quod dirigitur istud lita-

litamen, si fiat juxta legitimam & veram librorum classicorum doctrinam. Jam verò forte aliquis rursus quæret utrum *Tay Kie* seu primus rerum Terminus, de quo ego jam sapius, & tam multa Sinæ maxime recentiores differunt, dici etiam possit cæli ac terræ Dominus, quatenus hic est rerum omnium Causa? pro responso accipe quæstionem sequentem.

Textus Librorum.

A. 1. Compendiosa lib. Carm. compilatio tom. *Chen Tsun* odâ *ngotsiam* sic: quia Princeps *Chen Kum* non audebat Patri suo *Ven vum* defuncto facere ceremoniam *cy* sub dio in loco suburbano litaminis *Kiao*, uti fiebat defuncto Principi *Hen cie* suæ familiæ conditori; nec etiam audebat cæli Spiritum intra parentalis Avorum defunctorum ædificii angustias, simili quo homines defuncti coluntur, ritu colere; ideò dum singulari honore fecit illi ceremoniam *cy* in Imperialis Palatii aula dicta *Mim tam*, id fuit ingeniosum explendi filialis affectus inventum. At petes: Cælum nihil est aliud quam cæli Dominus; eccur igitur ista litaminis diversitas? sic respondet Doctor *Chuchi*: quia in erecto terræ rotundo aggere fit ista ceremonia *cy*, ideò dicitur Cælum, seu ideò dicitur litari Cælo; litando autem sub testò, quia illi litatur ut cæli ac terræ Spiritui, ideò dicitur cæli Dominus, seu ideò dicitur litari cæli Domino. Quando illi servitur, inquit Interpret *Tsao*, juxta id, quod Celi via seu Cæli agendi via postulat, tunc storum ex stramine, vel vel vimine contextæ, figulinæ cucurbitæ seu scutellæ, tenellus vitulus cornibus pullulare incipientibus instar bombycini glomeris aut castaneæ, adhibetur; solum verritur & sic litatur. Quando illi servitur juxta id quod cæli Domini via postulat; tunc agnus & vitulus, canna & lignea vasa, cacabus & lances efcis plenæ adhibentur.

A. 2. Interpret *Tsai hui chay* in comm. *Su xu mian yn* tom. 1. ad lib. Immutab. Medii art. 19. sic: Eccur Cæli litamen vocatur suburbanus sub dio locus? Resp. ille suburbanus sub dio locus dicitur prout opponitur parentali domui; domus parentalis est quid spectans ad hominum defunctorum animas. Quia homo dum vivit, in aliqua domo (nempe publicâ, si magistratum habeat) habitat; ideò postquam obiit, illa ad præstandam in vitæ præterito loco alimoniam filialis observantiæ accipitur, & efficitur domus Parentalis seu repræsentativa, finicè

Miao;

Miao; quod autem attinet ad cæli ac terræ Spiritum, ipse non habitat in aliqua domo; idecirco erigitur terræ agger, non verò domus.

- B. 3. Lib. Rit. tom. 5. cap. 11. *Kiao te sem* sic: litamen *Kiao* loci suburbanum sub dio fit in solstitio hiberno excipiendo initium dierum crescentium. Hoc litamen fit ad maximas Cælo persolvendas grates; & pro vicario ejus signo apponitur sol. Designatur terræ agger in suburbio meridionali; quia meridies luminis & accrementi locus est. Humus verritur & litatur; qua in re spectatur ritus simplicitas & subiectum. Pro vasis adhibentur figulinæ cucurbitæ instar scutellarum ad representandam cæli ac terræ naturam. Deinde paulò pòst sic: Imperator igitur litaturus gerit Diadema 12. pendulis fasciis ornatum ad referendum 12. anni menses; curru vulgari, ac simplici vehitur; quia non ornatum, sed nudam cultus virtutem spectat. Vexilla draconibus depicta, 12. etiam pendulas fascias præferunt. Dein exponitur sol, & luna ad representandum cælum; cælum præfert astra; vir sapiens illud imitatur.

Hoc ergo litamen *Kiao* est id, quo Cæli via seu Cæli agendi via demonstratur ac cognoscitur. Si autem vitulo destinato ad litandum cæli Domino, infastualiquid acciderit; tunc accipitur vitulus destinatus ad offerendum defuncto Principi *Hen cie*. Quod attinet ad vitulum cæli Domini litamini destinatum, debet fuisse per trimestre spatium in mundo Caulæ loco separatus; vitulus autem Principis *Hen cie* ceremoniali cultui adhibendus, quivis obvius potest esse usui; atque id fit, ut servitium, quo colitur cæli Spiritus, distinguatur a servitio quo coluntur homines defuncti. Quia tamen omnes res suam à Cælo trahunt originem, & homines suam à suis Avis; ideò Princeps *Hencie* (nempe Avus seu conditor familiæ Imperialis *Chen*) confertur cum cæli Domino seu adjungitur velut comes in illa ceremoniali gratitudinis exhibitione. Hoc autem litamen *Kiao* fit ad maximas omnium rerum Principio gratias persolvendas & ad illud mente recolendum. Deinde hæc addit Interpres *Chin bao*: Princeps *cie* (seu *Hencie*) est tantum aliquis homo defunctus; ideò vitulus ad ei offerendum, quivis obvius potest servire.

- B. 4. Lib. Rit. tom. 8. cap. 24. *Cy y*: fit litamen *Kiao* ad maximas Cælo grates persolvendas, & pro vicario ejus signo apponitur sol, solique luna adjungitur, tanquam ejus correlativum aut comparativum. Tum
ibi

ibi Interpres *Chin hao* sic : magna viæ origo à Cælo orta est ; & inter appensa , quæ clarè se produnt , alia nulla videntur majora , quàm sol & luna ; idcirco finis instituti istius ritûs , quo fit litamen *Kiao* in sub-urbano terræ aggere ad maximas Cælo persolvendas gratias , & pro vicario ejus Spiritûs signo apponitur sol , est magnoperè mystèrius ac reconditus. Quamvis , inquit Author *sam* , hoc litamen *Kiao* sit ad grates Cælo persolvendas ; quia tamen Cælum summa majestate excellit , idè non apparet ejus res seu natura ; unde potest quidem assumi ejus via seu ejus agendi via ad ei litandum ; sed non potest assumi ejus res seu natura pro visibili cultûs signo ; idcirco tantùm assumitur sol pro vicario ejus signo. Quemadmodum Rex seu Imperator cum alicquem convivio tractat , id committit primario alicui Præfecto , qui ejus vices gerat ; item dum filiam in matrimonium tradit , id committit alicui Regulo , qui ejus vices gerat. Deinde dum alicui fit ceremonia *cy* , seu ceremonialis gratitudinis exhibitio , etiam Adjuncto illius comparativo , aut correlativo fit aliqua gratitudinis exhibitio ; idè dum soli fit ceremonia *cy* , etiam fit & lunæ , ejus comparativo aut correlativo. Sic dum fit ceremonia *cy* Terræ seu agrorum Spiritui , etiam fit & principi *Ken lum* , ejus comparativo ; dum fit frugum Spiritui , etiam fit & Principi *Ki* seu *Heu cie* ex familia *Chen* , ejus comparativo. Hi nimirum ambo principes olim rem agrariam multùm promovebant , idè sic comparativè illis fiebat ceremonia *cy*.

Nota tamè quod luna compararetur cum sole aliter quàm illi defuncti principes cum agrorum , & frugum Spiritu. In litamine *Kiao* seu Cæli , luna comparabatur cum sole , ita tamen ut utrumque esset tantùm signû Cæli repræsentativum , uti jam dictum est ; diverso quidem modo , sol tanquam diei , & luna tanquam noctis præses ; in litamine autem *Xe cie* seu agrorum ac frugum , illi Defuncti comparabantur cum agrorum , ac frugum Spiritibus , non ut illorum signa ; sed ut imitatores , comparando nempe illorum hominum gesta ac beneficia cum agrorum , ac frugum Spiritûs effectis ac beneficiis.

C. 5. Lib. Rit. tom. 9. cap. 27. *Ngai Kum* venisti mihi te , inquit Princeps *Ven kum* alloquens Confucium , magister , interrogare ; vir sapiens in Cæli via quid est , quod maximi facit ? maximi facit , reponit Confucius , ejus assiduum sine ulla unquam intermissione ac sine cursum.

Q

Dum

Dum enim sol & luna modò ab oriente, modò ab occidente sibi invicem succedentes sine fine ac intermissione semper volvuntur, illud est Cæli via; dum cælum post multa annorum millia, nunquam tamen agere ac volvi definit, illud est Cæli via; dum sine actione (nempe visibili) & conatu res facit, illud est Cæli via; dum postquam factæ sunt res, clarissimè se produnt, illud est Cæli via. Ad hæc Interpres *Chin hao*, citando Authorem *Lien*, sic: etsi vis illa motrix arcano modo sine intermissione agens non possit facilè explicari atque exprimi, completo tamen suo effectu, se clarissimè spectabilem facit. Dicitur autem *sine actione & conatu res facit*, id est non cernitur ejus qui effectum producit, vestigium; sed tantum cernitur effectus postquam est completus. Hinc, inquit *Memcius*, unicum est Cælum quod potest verè dici magnum, & unicus Princeps *Tao* qui potuit illud perfectè imitari.

Vide etiam hic suprà num. 3. litterà B.

D. 6. Vide hic suprà num. 1. litterà A.

E. 7. Compendiosa lib. Carn. compilatio tom. *Chen Tsum* odà *ngo ciam*: Princeps *Vu vum*, inquit liber Rituum cap. *To Ki*, devicto hoste *Chen* litavit in Imperialis Palatii aula, dicta *Mim tam*. Imperator *Xin num*, inquit nova expositio, litavit in Imperialis Palatii aula dicta *Mim tam*, eratque testis, & in quatuor mundi partes aperta. Imperator *Hoom Ti*, ait liber *Tum tien*, demisso in terram suppliciter corpore, in Imperialis Palatii aula *Mim tam* litavit cæli Domino. Ergo tunc ista Imperialis Palatii aula *Mim tam* erat litaminis locus; & eodem modo in primis etiam antiquitatis temporibus fuit. Princeps *Chenkum* tantum inchoavit illam parentalis honoris exhibitionem, qua patrem suum *Ven vam* cum cæli Domino contulit seu in ceremonia *cy* velut comitem adjunxit; & ob hoc libellus dictus *filialis observantia* celebrat filialem ejus observantiam.

F. 8. Interpres *Tray hui chay* in comm. *Su xu num yn* tom. 9. ad lib. 1. *Memcii* cap. 2. *Leam hoet vum hia* sic: rursus ista Imperialis palatii aula *Mim tam* serviebat ad colendos istos quinque homines dictos *Ti* id est præsentes Imperatores, & illos quinque Imperii Ministros dictos *Xin* id est viros spirituales, descriptos in cap. *Tue lim* libri Rituum; quia dum Cæli Spiritui ad quatuor mundi plagas fiebat ceremonia *cy*, illis etiam fiebat.

G. 9. Lib. Rit. tom. 5. cap. 11, *Kiao te sem* sic Interpres *Chin hao* citando

do Interpretem *Chu hi*: quia pater (inquit Doctor *Chu hi*) est is, à quo genitus sum, & cæli Dominus est primus rerum genitarum Parens seu primum Principiû; idcirco inito ratiocinio pater cum cæli Domino confertur seu veluti comes adjungitur, & illi cum cæli Domino fit ceremonia *cy* in Imperiali Palatii aula *Mim tam*; hic discursus rectè cõcludit.

At peres: in suburbani aggeris loco aperto fit ceremonia *cy* Principi *Hen cie*, adjungendo illum Cælo comitem; in Imperiali palatii aula fit ceremonia *cy* Principi *Ven vam*, adjungendo illum cæli Dominum comitem; cæli Dominus, nihil est aliud quàm Cælum, & Cælum nihil aliud quàm cæli Dominus; occur ergo ista ceremoniæ *cy* diversitas? sic respondet idem Doctor *Chu hi*: quia in erecto terræ rotundo aggere ista ceremonia *cy* fit; ideò dicitur Cælum, seu ideò dicitur litari Cælo; litando sub tecto, quia illi litatur ut cæli, ac terræ Spiritui, ideò dicitur cæli Dominus, seu ideò dicitur litari cæli Domino. (vide etiam hîc suprà num. 1. litterâ A).

H. Et cerrè quod attinet ad istud litamen *Kiao*, seu Cæli: præteriti Authores inter se dissentiunt; alii mense *Tin*, alii mense *yu* debere fieri volunt; alii distinguunt Imperii *chen* ritus à ritibus regni *Lu*; alii centent litamen *Kiao* in suburbano loco non esse idem ac litamen in rotundo monticulo, seu aggere; alii existimant litamen Cæli & litamen ad orandum pro frugibus, fuisse in duobus diversis locis suburbanis factum; nunc cum hæc omnia non possint amplius clarè discuti, ideò standum eo quòd dicit Doctor *Chu hi*.

I. 10. Vide hîc suprà num. 3. litterâ B.

K. 11. Compendiosa lib. Carm. compilatio tom. *Chen tum* odâ *ngo ciam* sic: hæc parentalis honoris exhibitio, seu ceremonia *cy* quæ in Imperiali palatii aula *Mim tam* fiebat Principi *Ven vam*, erat ad eum adjungendum veluti comitem cæli Domino; unde dicitur: qui Imperiali aulae *Mim tam* ceremoniæ *cy* præest, & ad quem illa dirigitur, est ipse

L. cæli Dominus *Xam Ti*. Paulo post sic: in Imperiales Palatii aula *Mim tam* dispositio signorum hæc erat: cæli Domini signum stabat in medio: principis *Ven vam* signum in parte austro-occidua; utrumque Orientem spectans. Vide etiam hîc suprà num. 1. litterâ A.

M. 12. Vide hîc suprà num. 9. litterâ G.

N. 13. Vide hîc suprà num. 3. litterâ B.

O. 14. Vide hîc suprà num. 3. litterâ B.

Q.

P. 15.

P. 15. Vide hic suprà num. 3. litterà B.

Q. 16. Lib. *Ven bien tum Kao* tom. 71. sic: hinc cognoscimus, dum prisci litabant cæli Domino *Xam Ti*, eos etiam terræ Spiritui simul litasse; idque probatur ex libri carminum prologo dicente, *altissimum Cælum habet perfectam legem; litamen Kiao est luare Cælo ac Terræ*. Dum autem in fine odæ tantum dicitur Cælum & non nominatur Terra, patet illos versus conciniri ad celebrandum Spiritum; non enim canitur ille, cui non litatur; nec litatur illi, qui non canitur. Jam verò quid fieri potest, ut litando in boreali loci suburbani aggere, tantum canatur Cælum & non Terra? nimirum scimus sub Imperio *Chen* in litamine *Xam Ti*, Spiritum terræ comprehensum fuisse; canendo ergo Cælum & non Terram, est id quo summam *Xam Ti* maiestatem venerantur.

Item vide hic suprà num. 3. litterà B. vide etiam hic infrà num. 67. litterà FFF.

- R. 17. Interpres *Tsay bin chay* comm. *Su xu mum yn* tom. 1. in lib. scientiæ Adulorum, explicans hæc Interpretationis Doctores *Chu bi* verba: *Cæli via assidue agens omnia producit & conservat*, sic ait: non dicitur terra, seu terræ via; quia terra, si sumas cælum pro corpore sensibili, intra illud includitur; si sumas pro vitali aura; vitalis terræ aura realiter est ipsa vitalis Cæli aura. Cælum est totus & integer productor rerum Dominus, & ad rerum productionem tantum accipit à terra alimentum sustentationem. Ideo terra non potest Cælo æquiparari, & cum eo conferri. Dum dicitur Cælum, terra in eo comprehenditur.
- S. 18. Lib. Rit. tom. 2. cap. 2. *Kio li hia* sic: Imperator facit oblationem *cy* Cælo, ac Terræ, quatuor mundi plagis, montibus, fluminibus (nempe eorum Spiritibus); tum Interpres *Chin hao* refert Authorem *Liu* sic dicentem: hic locus diffusius tractat oblationum *cy* leges; in solstitio hyemali facit oblationem Cælo; in æstivo, Terræ; (nimirum vel in terræ suggesto, de quo infrà, vel eodem Cæli litamine terram comprehendente, sub diverso tantum nomine); in quatuor autem tempestatibus oblationem facit quatuor mundi plagis ad excipiendam successive diversam aëris temperiem. &c. Deinde idem Author hunc locum in variis reprobatur.
- S. 19. Lib. Rit. tom. 3. cap. 5. *Vam chi*; Imperator facit oblationem Cælo ac Terræ; Regulus suæ terræ seu agrorum, ac frugum Spiritui;

tui; primarius Præfectus seu Toparcha quinque domus Spiritibus. Imperator etiam facit oblationem celebrioribus Imperii montibus, & maioribus fluminibus, id est eorum Spiritibus. Rursus penè idem habetur in eodem lib. Rit. tom. 4. cap. 9. *Ly jun*. Vide etiam hinc infra num. 51. litterâ VV.

T. 20. Interpres *Tsay hui chay* in comment. *Su xu mun yn* tom. 4. ad lib. Immutab. Medii art. 19. sic: eccur Cæli litamen vocatur *Kiao* livè suburbanus sub dio locus? Resp. ille suburbanus sub dio locus dicitur pro ut opponitur parentali Domui, sinicè *Miao*. Domus parentalis est quid spectans ad hominum defunctorum Animas. Quia homo dum vivit, in aliqua domo (nempe publicâ, si magistratum habeat) habitat; idè postquam obiit, illa ad præstandam in vitæ præteritæ loco alimoniam filialis observantiæ accipitur, & efficitur domus parentalis sive repræsentativa, sinicè *miao*. Quòd autem attinet ad cæli ac terræ Spiritum; ipse non habitat in aliqua domo; idcirco erigitur terræ agger, non verò domus. Sic nunc montium, fluminum, regionis seu agrorum, frugum Spiritibus erigitur terræ agger.

Deinde Imperiale terræ suggestum sinicè *xe* ad litandum terræ Spiritui, idem est ac terra; enimverò qui habeatur alia terra præter terræ suggestum? idè Doctor *Chu hi* assuendo sententiam Interpretis *V sum hu*, negat dari borealem suburbani aggeris locum ad litandum Terræ; & pro se citat librum Rituum Imperii *Chen*, & libri Rituum Capitulum *Kiao te sem*; adeoque videtur de hoc dubitari non posse. Quod attinet ad Interpretem *Lin chuen u* qui existimat Imperatorem litasse terræ in quadrata suburbani borealis aggeris fossâ, hic tantum nititur libri Rituum verbis; deinde citat Interpretem *Hu*; Imperator, inquit Doctor *Hu*, quia summa ac suprema majestate excellit, idè tantum ipse litat in terræ suggesto; nimirum hic Author *Lin chuen u*, nesciebat quod Imperiale terræ suggestum *xe* idem esset, ac terra; (vide etiam hinc infra num. 48. litterâ RR.)

Idem Interpres *Tsay hui chay* paulò infra sic: olim Imperator *Ym xao* sic interrogavit Doctorem *Cim*: illi ceremoniales *cy* ritus, etiam videntur non satis rectæ rationi cohærere; ea enim quæ nunc in oblationibus Cæli, Terræ, fluminum, montium offeruntur, sunt tantum quædam res quæ hominum potui, ac cibo inserviunt; enimverò,

Q;

qui

qui cæli, terræ, montium, fluminum Spiritus reverà possint illa comedere ac bibere? cui Doct̃or *Cim*; hæc doctrina, inquit, est quid omninò immutabile.

- V. 21. Lib. *Pe hu tum* seu communis Regionum Professorum sensus, art. *Xe cie*: Imperator, inquit liber Rituum cap. *San chim*, habet duo terræ suggesta, alterum quod pro suo Imperio erigit, diciturque maximum ac primarium suggestum *Tay xe*. Alterum quod pro sua Imperiali urbe erigit, diciturque Imperatoris suggestum *Ti xe*; sic & Regulus erigit unum pro suis populis, quod vocatur Regni suggestum, & alterum pro se, quod vocatur Reguli suggestum. Paulò post sic: terræ ac frugum suggestum situm est extra mediam parentalis ædificii portam & intra primam, nempe externam. Rursus paulò post sic: hoc terræ, ac frugum suggestum dextram, parentale ædificium lævam tenet. Iterum paulò post sic: primarius Præfectus, (inquit liber Rit. cap. *cy fa*) qui sub se habet aliquam populi turbam, erigit etiam terræ suggestum, & dicitur suggestum constitutum seu singulare. Paulò infra sic: terræ suggestum extat sub dio. Denique paulò infra sic: terræ suggesto præfectus (inquit liber *Chen quon*) serit in eo arbores, juxta cujusque regionis qualitates: & paucis verbis interjectis sic: petes, eccur Imperator ipsemet litat in hoc terræ ac frugum suggesto? Resp. illius terræ suggestus Spiritus, est regionis Spiritus; terra omnia gignit, nempe id, quod maxime spectat Imperium; quia autem illum veneratur ac maxime facit Imperator, ideo ipsemet ei litat. Rursus petes: quantum est illius suggestus spatium. Resp. Imperiale regionis ac frugum suggestum, inquit liber *Chun Cien*, cap. *ven y*, est amplum 50. cubitis; regale 25. Equis color? Resp. maximum ac primarium Imperatoris suggestum, inquit Interpres libri *Chun cien*, ad ortum caruleo, ad austrum rubeo, ad occasum albo, ad boream nigro colore depictum est, & facies superior flavâ gl̃bâ confersa.

- V. 22. Interpres *Chu hi* in 2. libr. Memcii cap. 2. *Cim fu hia* sic: ista vox *xe* (nempe terræ, vel regionis suggestum) significat terræ, seu regionis Spiritum; vox *cie* (nempe frugum suggestum, quod erat unum & idem, vel saltém in eodem septo) significat frugum Spiritum.

Dum aliquis terræ tractus in regnum erigitur, statim construitur ali-

aliquod terræ suggestum, quod humili muro circumdatur, ad faciendas oblationes terræ ac frugum Spiritui.

X. 23. Lib. *Ven hien tum Kao* tom. 76. sic: Imperator *Che Trum* in 7. anno periodi dictæ *Tuen yeu*, primâ vice litando Cælo, simul litavit terræ Spiritui in rotundo australis suburbii aggere.

Z. 24. Lib. *Ven hien tum Kao* tom. 76. sic Doctoryam: solstitium hibernum est initium viæ Cæli, quæ per apertionem *yam* incipit res producere; idè olim solstitio hiberno litabatur cæli Spiritui in rotundo terræ aggere ad se conformandum initio Cæli viæ, atque ad gratias Cælo agendas; & in suburbio quidem australi ad se conformandum loco anni crescentis, (nempe solis versantis in parte australi Zodiaci). Solstitium æstivum est initium viæ Terræ, quæ per regressionem *yn* incipit res perficere; Idè olim solstitio æstivo litabatur terræ Spiritui in quadrata aggeris fossa ad se conformandum initio viæ Terræ, atque ad gratias Terræ agendas; & in suburbio quidem boreali, ad se conformandum loco anni decrecentis, (nempe solis versantis in parte boreali Zodiaci.)

W. 25. Lib. *Annal. Imperal.* tom. 4. cap. *Tay xi*, sic: Imperator iste *Cheu* negligit ritum *Kiao xe* seu litandi Cælo, ac Terræ; ad quem locum sic interpret *Tsay xim*: *Kiao* est id, quo litatur Cælo; *Xe* est id, quo litatur Terræ.

Y. 26. Lib. *Ven hien tum Kao* tom. 82. sic: sub Imperio *Han* & sub principio Imperialis familiæ *Guei*, erectum est unum suggestum terræ *Xe*, & unum frugum suggestum *Cie*; postea additum est primarium terræ suggestum *Tay xe*, & frugum *Tay cie*. Insuper erectum est speciale Imperatoris terræ suggestum *Ti xe*.

Y. 27. Lib. *Pe hutum*, tom. 1. sic: terræ suggestum *Tay xe* est ad gratias agendas pro toto suo Imperio; suggestum *Pam xe* (id est *Ti xe*) est ad gratias agendas pro sua Imperiali urbe.

Y. 28. Lib. *Ven hien tum Kao* tom. 82. in principio sic: Imperator pro omnibus Imperii incolis erigit terræ suggestum *Xe* & vocatur *Tay xe*, id est primum ac magnum terræ suggestum. Deinde ex se aliud erigit, & vocatur *Pam xe* id est, Imperialis terræ suggestum. Reguli pro populis suis erigunt unum terræ suggestum *Xe*, & vocatur regni suggestum seu agger. Deinde ex se aliud erigunt, & vocatur Regale suggestum seu agger. Primarii præfecti seu Toparchæ & alii inferiores qui regunt

regunt aut constant aliquam habitatorum multitudinem (scilicet 100. domos ad minimum) erigunt terræ suggestum , & vocatur singulare terræ suggestum , aut particulariter constitutum.

AA. 29. Lib. Rit. tom. 8. cap. 23. *cy fa* sic : cum Princeps *Kum kum* adeptus fuisset aut sibi subjugasset totas novem Chinæ provincias, postea ejus filius dictus est *Heu tu*, id est terræ præfectus, seu in terram dominans; & quia novem illas provincias tranquillitate donavit, ideo in terræ suggesto illi, ut terræ Spiritui, fiebat ceremonia *cy*.

BB. 30. Dictionarium *Tingney* in littera *xe* sic : ista littera *xe* significat Spiritum terræ omnia gignentem ; quidam prisca viri qui optime de imperio meriti fuerant, cum illo conferebantur, seu comites illi adjungebantur, unaque fiebat illis ceremonia *cy*. Sic Principis *Kum kum* filius, nomine *Keu lum*, appellatus est *Heu tu*; & quia aquas exundantes represerat, ac totam regionem pacaverat, ideo in terræ suggesto postea facta est ei ceremonia *cy*, ut terræ Spiritui; istæ voces *Heu tu* sunt nomen Præfecti terræ. Hinc sæculares & vani homines terræ suggesti Spiritum vocarunt istum terræ Præfectum. Vide etiam hinc supra num. 4. litterâ B.

CC. 31. Lib. Annal. Imperial. tom. 4. cap. *Vu chim* sic : quod attinet ad peccata istius familiæ *Xam* (nempe Imperatoris *Xen* ex familia *Xam*), ego admonui magnum Cælum, ac densam Terram sinicè *Hoam Tien Heu Tu* (nimirum magni cæli ac densæ terræ Spiritum uti interpretatur *Cham ko lao*, seu potius Dominatorem cæli & Dominatorem terræ); ad quem locum sic Interpretes *Tsay Xin* : ista bina vox *densa terra*, sinicè *Heu tu*, id est terræ suggestum *xe*, seu terræ suggesti Spiritus. Princeps *Keu lum* dictus est *Heu tu*, scilicet terræ Præfectus. Hunc autem Interpretem sic arguit quidam Christianus Bacchalaureus, nomine Paulus, cognomine *jen* in manuscriptis : Hæc interpretatio in duobus errat, illa enim vox *Hoam magnum*, hic non significat *magnum*, sed significat *principem* seu *dominatorem*; & ista vox *Heu densa*, hic non significat *densa*, sed significat *principem*, seu *dominatorem* (nota : hæc utriusque vocis significatio, est ea, quæ primo loco ponitur in Dictionario sinico) Unde dicendo Dominatorem cæli & terræ seu dominantem in cælum & terram, intelligitur *Xam Ti* seu cæli Dominus ac Rector. Cælum enim ac
terra

terra à cæli Domino, seu *Xam Ti* facta sunt. Enimverò cæli Dominus tantum dominabitur in cælum, & non dominabitur in terram? cum ergo cæli Dominium sit penes cæli Dominum seu *Xam Ti*, dic, quæ lo, penes quem alterum erit terræ Dominium?

DD. Deinde refutans id, quod dicitur de isto Principe *Hentu*, seu terræ suggesti Spiritu, sic ait: id quod Interpretes vocant *Hentu*, est tantum nomen alicujus viri, agris colendis olim præfecti: & sic lib. Rictoni. 8. cap. 23. *Cyfa*, Principis *Kum Kum* filium vocat *Hentu*; & quia totas novem Chinæ provincias tranquillitate donarat, ideò in terræ suggesto illi, ut terræ Spiritui, fiebat ceremonia *cy*. Hic filius dicebatur *Ken lum*, sed *Ken lum* est tantum hominis nomen; & ideò Interpres libri *Chun tien* dixit hunc *Ken lum* esse *Hentu*, quia *Hentu* est Præfectus aquarum, & terrarum curam gerens; fortasse Princeps *Ken lum* olim hoc officio functus est. Verum fiebat tantum illi ceremonia *cy*, tanquam comiti terræ Spiritus. Unde Doctor *Chim biuen* ait: dum dicitur quod in terræ suggesto, unâ cum terræ Spiritu fiebat ceremonia *cy* Principi *Ken lum*, adiungendo eum veluti comitem huic terræ Spiritui, ob sua in reprimendis exundantibus aquis & pacandis terris merita, non hoc dicitur quasi illi fieret ceremonia *cy*, ut terræ suggesti Spiritui.

EE. 32. Celebris Liber cujusdam Christiani manuscriptus, dictus *Sin my pien*, agens de Sinentium idolis pene omnibus, sic in articulo *Chim hoam*: istæ duæ voces *Chim hoam* ex se nec significant Spiritum, nec hominem; sed sub imperiali familia *Cin*, Primarius regni Minister cognomine *Su ma* nomine *Ten*, hoc sic crexit: cum provinciarum Præfecti malè fungerentur suo officio, nec bene populum regerent; ipse assumpto celebri militiæ Præfecto cognomine *Quon*, nomine *Ym*, qui olim sub Duce *Poi Kum*, primo familiæ *Han* Imperatore arma gesserat, crexit in anteriori Præfectorum aula lignum aliquod ligneum, quod vocavit *Chim hoam*; & quia iste militiæ Præfectus *Quon ym*, fidelissimum erga Imperatorem *Poi Kum* se gesserat, ideò eum vocavit alterius vitæ Præfectum, qui hujus vitæ Præfectis invigilaret, eorumque regimen examinaret. Cum autem istud lignum *Chim hoam* ab imperiali familia *Cin* in tali loco sic erectum, afferret varia incommoda; postea extra publicas Magistratuum domos constructum est fanum, erecta statua, illi litatum. Sæculares homines non exami-

R

nantes

nantes ejus originem, sed errore errorem propagantes, in omnibus urbis negotijs, in morte, in vita, in morbis, in malis sperant ab eo auxilium; omnes Magistatus parvi & magni, antequam suscipiant officium, illud venerabundi adeunt; & deinceps primo ac decimo quinto cujusque mensis die illud adeuntes, offerunt incensum, & preces pro impetrandis populo bonis, & avertendis malis.

FF. 33. Liber manuscriptus cujusdam Christiani licentiat, cognomine *Kieu* nomine sinico *Xim chin* in cap. *Tu Su si di* id est prava litanina contrarius sic: conditor præcedentis &c. ut suprà in contextu.

GG. 34. Vide hîc suprà num. 1. litterâ A.

HH. 35. Vide hîc suprà num. 20. litterâ T.

II. 36. Vide hîc suprà num. 3. litterâ B.

KK. 37. Vide hîc suprà num. 4. litterâ B.

LL. 38. Liber sent. Art. 20. sic: ego *Ly* (est nomen Imperatoris *Tam*) puer parvulus ausus sum assumere tenellum nigri coloris vitulum ad sacrificandum, magnique cæli ac dense terræ Spiritum *Hoam hoam beu tu* (uti interpretatur *Cham Kiu chim* seu *Cham Ko Lao*) palam & manifestè admonere. Vel illas voces *Heu* & *Hoam* explica ut supra: vide pene idem in cap. 2. quest. 1. §. 5. num. 2. litterâ B.

MM. 39. Vide hîc suprà num. 22. litterâ V. item num. 30. litterâ BB.

NN. 40. Liber Annal. imperial. tom. 4. cap. *Tay Xi*: ego, inquit Princeps *Un nam*, litavi cæli Domino; deinde litavi in magno terræ suggesto propter vos omnes, ut exquerer cæli punitionem. Quem locum explicans *Tsay Xin* sic ait: ego admonui cæli, ac terræ Spiritum propter vos omnes, ut exquerer Cæli punitionem adversus imperialem familiam *Xam*.

OO. 41. L. b. Rit. tom. 5. cap. 10. *Li Ki*: litare cæli Domino *Ti* sub dio in suburbano aggere, est summa venerationis testimonium.

OO. 42. L. b. Rit. tom. 4. cap. 9. *Li ym* sic: Imperator litando cæli Domino *Ti* sub dio in suburbano aggere, stabilit suam à Cælo acceptam dignitatem; & litando terræ Spiritui in magno terræ suggesto demonstrat terræ utilitatem. Ad quem locum sic Interpres *Chin hao*: dum Imperator debito honoris ritu Cælum venerari novit, tunc Imperium etiam novit debito honoris ritu Imperatorem venerari; idcirco dicitur suam à Cælo acceptam dignitatem stabilire. Deinde omnes cæsæ & opes ad usum necessariae, è terra proveniunt; dum ergo

Impe-

Imperator ipsemet litat *Heu tu* seu Spiritui dominatori terræ, tunc demonstrans terræ utilitatem, vult efficit, ut imperium noscat rerum Principio grates agendi ritum.

OO. 43. Lib. Rit. tom. 7. cap. 21. *Tsa Ki bia* sic: in solstitio hiberno, inquit Præfectus *Mem hien*, primo anni mense convenit servire *Xam Ti*, seu cæli Domino. *Servire cæli Domino*, ibi ait Interpres *Chin hao*, id est litare sub dio in suburbano aggere.

OO. 44. Liber *Ven hien tum Kao* tom. 83. sic: illa vox *Ti* tantum significat unicum *Xam Ti*; quomodo igitur ille mons (nempe Spiritus montis *Tay Xan*) posset dici *Ti*, seu cæli Dominus?

PP. 45. Lib. *Ven hientum Kao* tom. 76. sic: dum dicitur: Imperator *Xur* litabat *Xam Ti*; hinc cognosci potest Spiritum terræ comprehensum fuisse. Vide etiam hic infra num. 51. litterâ VV.

QQ. 46. Lib. Rit. tom. 3. cap. 5. *Vam chi* sic: vitulus destinatus ad litandum Cælo, ac Terræ, debet esse ejusmodi, ut tantum incipiant illi pullulare cornua instar bombycini glomeris aut castaneæ. Sed hic vitulus terræ non est vitulus terræ suggesti; nam immediatè antè idem liber sic dixerat: Imperator litando in suo terræ suggesto adhibet bovem, Regulus in suo terræ suggesto adhibet ovem, vel capram. Deinde quod hic terræ suggesti bos non esset idem ac ille vitulus tener, patet ex eodem lib. tom. 5. Rit. cap. 11. *Kiao te sem* ubi dicitur: in litamine *Kiao*, seu Cæli sub dio adhibetur unica & singularis victima, (nempe iste tener vitulus); in litamine autem terræ, ac frugum suggesti, adhibetur bos. Ad quem locum sic Interpres *Chin hao*: subinde ritus pluri faciunt rem parvam, quàm magnam, idecirco inter hæc duo pluri fit, plurisque æstimatur unica & singularis victima (nempe major vitulus, vel magnus bos.)

RR. 47. Lib. Annalium Imperial. tom. 5. cap. *Chao Kao* sic: deinde die sequenti dicto *Tim Su* oblata sunt duo animalia in litamine *Kiao* seu Cæli sub dio, nimirum duo boves. Altero die sequenti dicto *Vu u* intra novam urbem litatum est terræ Spiritui in terræ suggestu; animalia oblata, bos unus, ovis vel capra una, porcus unus.

Ad quem locum sic Interpres *Tsay Xim*: litamen *Kiao* est litare Cælo ac Terræ; idè oblati sunt duo boves. Litando terræ Spiritui in terræ suggestu oblatus est bos unus, (nempe major; bos enim litaminis *Kiao*, erat tener vitulus, uti jam dictum est); sic enim

præscribunt ritus. Hæc litamina facta sunt ad denunciandum Spiritui opus novæ urbis ædificæ totum esse completum.

Hinc autem Interpretationem de duobus bobus ad litandum Cælo ac Terræ, sic refellit in sequenti numero Interpres *Chin hao*. itaque.

- RR. 48. Lib. Rit. tom. 5. cap. 11. *Kiao Te sem* Interpres *Chin hao* citando Doctorem *Chu hi* sic ait: Non datur, inquit Interpres *V sum*; boreale *Kiao* seu locus sub dio in boreali suburbio ad litandum Terræ destinatus; sed dum litatur in terræ suggestu, hoc est quod vocatur boreale *Kiao*. Ista interpretatio est bona. Deinde sic pergit idem Interpres *Chin hao*: Interpres quidem *Tsay* (nempe *Tsay Xin*) explicando capitulum *Chao Kao* libri Annalium imperialium, in quo dicitur: *oblata sunt duo animalia litamine Kiao seu Cæli sub dio, nimirum duo boves*, extirpat istos duos boves ibi fuisse ad litandum Cælo ac Terræ; sed id non est verum; quod enim attinet ad ipsos duos boves, eorum alter erat ad offerendum cæli Domino *Ti*; & alter ad offerendum Principi *Heu cie*, (scilicet Conditori Imperialis familiæ *Chen*, quem adjugebant in isto Cæli litamine velut comitem, uti ibidem dicitur). Litare autem intra novam urbem in terræ suggestu, istud est litare Terræ; & idè oblati sunt bos, (nempe grandior).
- SS. 49. Lib. Rit. tom. 5. cap. 10. *Li Ki* sic: Imperator dum in alicujus Reguli regnum appellit, Regulus illi tenellum vitulum offert. Ad quem locum sic Interpres *Chin hao*: Imperator dum litat Cælo, unum duntaxat vitulum offert; pari modo dum visitat Reguli ditionem, Regulus illi unum etiam duntaxat vitulum offert; quia ritus, quo colit Imperatorem, est sicut ille quo Imperator colit Cælum.
- TT. 50. Vide hic suprà num. 45. litterâ PP.
- VV. 51. Lib. inmutab. Medi art. 19. sic: ritus ille *Kiao Xe*, seu litandi Cælo ac Terræ, est id quo servitur cæli Domino seu *Xam Ti*. Ad quem locum sic Interpres *Chu hi*: *Kiao*, id est litare Cælo; *Xe*, id est litare Terræ; non dicitur: servitur *Heu tu* seu Dominanti in terram, vel denfæ terræ, quia est modus loquendi compendiosus. Ad hunc eundem locum, sic Interpres *Cham Kiu chim* tom. 3: *Kiao*, id est litare Cælo, *Xe* id est litare Terræ; *Xam ti* idem est ac Cælum; dum dicitur *Xam ti*, in eo comprehenditur *Heu tu*. Deinde paulò infrâ sic: ritus ille *Kiao Xe* sive fiat in rotundo aggeris culmine (scilicet *Kiao*)
- sive

sive in quadrata aggeris fossa (scilicet *Xe*) est id quo servitur *Xam ti*, & *Hentu*, ut exhibeatur gratitudo pro virtute illa, quâ res reguntur & sustentantur, producantur & perficiuntur.

Quotidiana 4. lib. explicatio ad eundem locum, tom. 3. pene iisdem verbis, idem habet; & postea hæc addit: hoc *Kiao Xe*, seu Cæli, ac Terræ litamen, est id quo litatur *Xam Ti* seu cæli Domino.

XX. 52. Vide hic suprà num. 17. litterâ R.

ZZ. 53. Vera lib. mutat. ac product. expositio tom. 22. part. *Xue qua chuen* art. 5: dum terræ virtus, inquit Author *Lin Tui yay*, res omnes alit, est servitium, quod pro illis rebus subit; ratio autem, cur terræ virtus res omnes alat, est quia cæli Dominus in eam dominatur: hic cæli Dominus terræ virtutem jubet id servitij subire, ac sustinere.

WW. 54. Interpres *Tsay hinchay* in comm. *Su xu mum yn* tom. 3. ad lib. immutab. Medii art. 1. sic: quando, inquit Doctor *Chim*, ista vox *Celum* solitariè dicitur, significat viam seu agendi viam; & paulò post: Doctoris *Chubi* interpretatio dum asserit Cælum etiam dici quatenus non est aliquid terræ oppositum seu relatiuum, ibi per vocem *Celum* intelligit Rationem; nempe id quod dicitur: *Cæli Dominus, ac Rector infundit internam naturæ rationalis relictitudinem*: & id, quod dicitur: *Cæli lex est Ratio naturæ infusa*.

Deinde paulò infrâ sic: quidquid terra producit, id omne à Cælo sibi communicante accipit, idcirco dicitur terra nullo modo posse cum Cælo conferri, illique æquiparari; atque hæc est ratio cur dicitur tantum Cæli lex.

YY. 55. Idem interpres *Tay hin Chay* in com. *Su xu mum yn* tom. 4. ad lib. immutab. Medii art. 29. sic: Cælum ac Terra est unicus Spiritus destruens ac producens, seu in cælo ac terra est unicus Spiritus destruens ac producens; Spiritus enim juxta Sinas videri non potest utpote corpore & figura expers.

AAA. 56. Vide hic suprà num. 54. litterâ WW.

BBB. 57. Liber Annal. Imperial. tom. 4. cap. *Tay Xi* sic: vir, qui veritate, perspicaciâ intelligentiâ excellit, agit populi Principem finicè *Hen*.

BBB. 58. Lib. Annal. Imperial. tom. 1. cap. *Xun tien* sic: omnibus Regulis, ac Dynastis finicè *Hen* sua cuique insignia distribuit Imperator *Xun*.

BBB. 59. Liber. Annal. Imperial. tom. 3. cap. *Tay Kia* sic ; tunc vicini populi dicebant : expectamus & anhelamus nostrum Principem sinicè *Hen* ; cum noster Princeps *Hen* venerit, annon sumet vindictam ?

BBB. 60. Lib. Annal. Imperial. tom. 3. cap. *Puon Kem* : ego, inquit Imperator *Puon Kem*, recordor meos prædecessores spirituales Imperatores sinicè *Xin heu*, vestrorum Majorum operâ usos fuisse.

Ubi nota : hic liber vocat *spirituales Imperatores* sinicè *Xin heu* iisdem verbis, quibus vocat *excelsi cali spirituales Regem*, ut dixi in cap. 1. quæst. 2. §. 8. num. 9. litterâ l.

BBB. 61. Lib. Carm. tom. *Taya* odâ *Hia nu* sic : tres illi de functi Principes sinicè *Hen* in cælo existunt.

CCC. 62. Dictionarium sinicum *Chim Tsn Tum* in littera *Hen* sic ; ista vox *Hen* significat Regem, Principem, Dominatorem &c. olim significabat etiam Regium Ministrum &c. item significat Reginam &c. item significat idem ac vox *densur* ; dein dicit quod terra vocetur densa, sinicè *Hentu*, eò quòd sua densitate ac soliditate res sustineat.

DDD. 63. Quidam Christianus, qui 20. circiter annis in duabus parvis urbibus fuit Bacchalaureorum Præfectus, semel interrogatus utrùm bina illa vox *Hentu* significaret Reginam Terram ? cum istam Reginæ Terræ interpretationem risu excepisset, & negativè respondisset ; sequenti die hanc mihi minimè cogitanti, nec antè petitam attulit scripto explicationem, asserens eam haberi in aliquo grandi libro Doctoris *Chu hi*, dicto *Tu ley* : ista vox *Hen*, inquit duplicem habet significationem ; v.g. *Ngo heu, yuen ben*, significat nostrum Principem, populi Principem ; *Hen si* significat Reginam. Quod autem attinet ad istas duas litteras *Hentu*, primò ista littera *Hen* (de litterâ *tu* non dubitatur, significat enim terram) etiam significat densus, densa, densum ; & significat Dominatorem terræ, seu dominantem in terram, idcirco dicitur *Hen*, id est Princeps, Rex, Dominus, &c. & *Tu* id est terra ; hic autè ista vox *Hen* non significat Reginam ; explicando per vocem Reginam, est error.

EEE. 64. Lib. Rit. tom. 8. cap. 25. *Cyam* sic Interpres *Chin hao* : dum homines vivunt, corporis substantia est illis diversa ; ideirco mariti, & uxoris ordo consistit in sexus diversitate ; postquam autem obierunt, simplicissima & subtilissima aura non est discretæ, seu intelli-

gens,

gens Spiritus non est diversus. Hinc una tantum communis mensula, seu fultrix mensula apponitur; scilicet in ceremonijs cy.

FFF. 65. Lib. Rit. tom. 5. cap. 10. *Li Ki* sic: idcirco prisce Imperatores propter Cælum inserviebant Cælo, & propter terram inserviebant terræ; ad quem locum sic Interpres *Chin hao*: quia cælum est quid honorabilius, idcirco juxta hoc sanciverunt serviendi Cælo ritus; & quia terra est quid vilius, idcirco etiam juxta hoc sanciverunt serviendi terræ ritus; idque est, quod vocatur *Kiao Xe*, nempe litamen Cæli & Terræ.

FFF. 66. Liber *Chen li* seu rituum Imperii *Chen* tom. 3. *Chun quan* art. *Tsum pe* sic: hic Præfectus curet fieri sex pretiosa vasa ritibus cæli, terræ, & quatuor orbis partium destinata; scilicet pretiosum vas pie cærulei coloris pro Cæli; *tsum* flavi, pro terræ; *quei* violacei, pro ortus; *chun* rubei, pro meridiei; *hu* albi, pro occasus; *hoam* nigri pro septentrionis ritu. Ad quem locum sic Interpres *Chin gin* sic: vas pie, quia rotundum, cæli figuram; & quia cæruleum, cæli colore referrebat. Sic vas *Tsum*; quia quadratum, terræ figuram; & quia flavum, ejus colorem referrebat.

Deinde ibidem alia quatuor vasa adaptat quatuor prisce Imperatorum *Fo hi*, *Xin num*, *Xao hao*, *Chen hio*, qualitatibus aut dotibus, quibus, ut supra dixi num. 8. fiebat etiam ceremonia cy, dum ad quatuor mundi plagas ea fiebat cæli Spiritui.

FFF. 67. Dictionarium sinicum *Tsu Guey*, in littera pie sic habet: vas pie, inquit liber *Pe hutum*, foris erat sphericum ad representandum cælum, & intus quadratum ad representandam tertiam. Idem Dictionarium in littera *Tsum* etiam sic: vas *Tsum*, foris erat octogonum, seu octo angulis constans, & intus rotundum. His octo angulis, octo mundi Rhombos, ac terræ figuram representabat. Interna ejus vacuitas erat rotunda, ad respondendum inexhaustæ recipiendi, ac sustinendi potentæ; (virtutem scilicet terræ representans); idcirco illud adhibebatur ad litandum terræ.

GCG. 68. Lib. mut. ac product. in symbolo *Huon*, id est dispersio sic: prisce Imperatores litabant cæli Domino *Ti*, & parentalia ædificia erigebant. Ad hunc locum sic quotidiana hujus libri mutat. ac product. explicatio, tom. 13: dispersionis tempore, litaminis *Kiao* in suburbano aggere, & parentalis ædificij ritus ita jacent, ut & cæli Domi-

Dominus, & Majores defuncti penè non habeant, qui illis præsit. Si ergo non uniantur, (nempe per mentem) live si te illis non unias, manebunt semper in illa dispersione, & non colligentur (nempe in mente). Prisci Imperatores in suburbano aggere litabant cæli Domino *Ti* ad demonstrandum Cæli patris, ac terræ matris ritum; & tunc cæli Domini *Xam Ti* perfectissimus ac subtilissimus Spiritus per illud visibile purissimæ vacuitatis, seu æthræ spatium longe latè-que dispersus, colligebatur in superabundanti litaminis *Kiao* cultu. In imperiali sede erigebant parentalia ædificia, ad grates agendas pro insignibus Avorum beneficijs ac meritis, virtutisque ætin actione; & tunc perfectissimus & subtilissimus Avorum defunctorum Spiritus in profundissima obscuritate ac caligine dispersus colligebatur parentalis ceremoniæ *cy* tempore; (de hac collectione mentali, ac vivæ representatione agetur in 2. tract.) litabatur autem cæli Domino, ut demonstraretur ac sciretur esse summa aliqua Majestas, adeoque omnes nòssent modum venerandi summam Majestatem. Erigebantur parentalia ædificia, ut demonstraretur ac sciretur esse proxima aliqua consanguinitas, adeoque omnes nòssent modum diligendi proximos consanguineos. Pietatem igitur, & simul filialem observantiam servare, veritatem ad omnià extendere, res caliginosas sibi adjungere, istud est maximum ac potissimum regendæ dispersionis munus. Quod autem attinet ad id quod dispersio repræsentat, accipe: quia hominum animi, nec sententijs nec affectibus sunt inter se uniti, ideò juxta cujus, quæ conditionem, ac vires frequentissimè varia exoriuntur dissidia; oportet ergo ut sit aliquid quo excitentur, commoveantur, concilientur; dùmque sic ad pacis, & cordis unitatem redeunt, tunc dispersio sponte coalescit. Ideirò Cælum colere & Avos defunctos revereri, est veram pietatis, & filialis observantiæ mentem explere; tuncque omnes Imperij incolæ, quia sciunt cæli Spiritum esse unicum Dominum, hinc non audent inferiores superiorem offendere; & quia sciunt hominum, aliarumque rerum unicam esse originem, hinc nec audent mortuorum cultus relinquere, & progenitores oblivisci.

HHH. 69. Interpretes *Tsayhiu chay* in comm. *Su xiumm yn* tom. 3. ad lib. immutab. medi art. 16. sic: nunc homines tantùm sciunt se à patre & matre genitos; nesciunt autem causam, qua geniti sunt, verè esse Cæli, ac terræ vitalem auram, totali patri & matri parem. III.

- III. 70. Lib. Carm. tom. *fiæo* *ja* odâ *Kiao* sic: ô remotissimum, reconditissimum, & immensum Cælum! diceris Pater, & Mater.
- III. 71. Annal. Imperial. tom. 4. cap. *tay xi* sic: populi Princeps est ejus pater ac mater.
- KKK. 72. Lib. Rit. tom. 5. cap. 11. *Kiao te sem* sic: hoc litamen terræ est id, quo agnoscitur ac spiritualizatur terræ via. Terra res omnes sustinet, Cælum atra suspendit; è terra opes, à Cælo norma accipitur; idèoque Cælum colitur; terra diligitur; hinc docetur populus optimum gratiarum agendarum modum. Pater familias, (nempe primarius Præfectus) in domûs meditullio, Rex in regni suggesto litat terræ Spiritui ad indicandum rerum principium. Rursus paulo infra: Ratio autem cur ad litandum terræ Spiritui in terræ suggesto, circumvicini pagi, & oppida subministrant plenioris tæculæ, est ut rerum principio grates exterius agant, & illud mente recolant.
- LLL. 73. Vide hic suprà num. 72. litterâ KKK.
- MMM. 74. Vide hic suprà num. 46. litterâ QQ.
- NNN. 75. Lib. Rit. tom. 3. cap. 5. *Pam chi*: Imperator in bellum profecturus litat cæli Domino *Xam ti* litamine dicto *Luy*.
- OOO. Lib. Annal. Universalium tom. 2. sic: cum Princeps *Pu vam* rerum potius fuisset, Reguli familiæ *Cheu* se se submittentēs, illum in Imperatorem acclamârunt: tum ipse litavit cæli Domino *Xam Ti* Litamine dicto *chay* seu totam victimam concremando.
- PPP. 77. Vide hic suprà num. 3. litterâ B.
- QQQ. 78. Lib. Rit. tom. 3. cap. 6. *yue Lim* sic: hujus mensis primodie dicto *sin* Imperator pro frugibus, cæli Dominum *Xam Ti* orat. Ad quem locum sic interpretes *chin hao*: in suburbano aggere litatur Cælo, & illi velut comes adjungitur Princeps *Heu cie*, ad orandum pro frugibus.

QUÆSTIO VI.

Quid apud Sinas significat bina vox *Tay Kie* seu primus rerum Terminus?

S

Haec.

HActenus hancbinam vocem *Tay Kie* semper explicuimus per primum rerum Terminum; nunc videamus quid tandem Sinæ intelligent per primum rerum Terminum, seu *Tay Kie*. Pro quo.

Nota: juxta Philosophos *natura* sumitur multis modis: 1. Pro Deo omnium rerum authore, & vocatur natura naturans; Creatura autem vocatur natura naturata. 2. Pro essentia alicujus rei. 3. Pro tota aggregatione agentium naturalium. 4. Pro generatione viventis seu nativitate. Cum verò generatio oriatur ab interno rei principio, hinc. 5. sumitur pro interno principio unde primò res habet, quòd moveatur; & juxta Conimbricenses, sive illud principium inest rebus viventibus, sive non viventibus. Jam verò natura hoc 5. modo sumpta sic ab Aristotele definitur: principium & causa motûs & quietis, in quo est primò per se, & non per accidens. Per *motum* intellige quamlibet mutationem sive successivam, sive instantaneam, pro ut dicit actionem & passionem. Per *quietem* intellige positivam, seu conservationem termini per motum acquisiti.

Natura ab Aristotele sic definita, cum sit pars essentialis substantiæ completæ, palet nec Deum, nec Angelum posse hoc modo propriè dici naturam; impropriè tamen ob similitudinem cum vera natura, in quantum Deus, & Angelus sunt Principium operationum totius, possunt etiam vocari natura; hinc passim dicitur natura Divina, natura Angelica, licet careant aliis conditionibus ad rationem naturæ requisitis. His prænotatis.

Respondeo: *Tay Kie*, seu primus Terminus videtur optimè posse sumi pro *natura* hæc diversis modis explicata. Dico igitur 1. *Tay Kie*, seu *primus Terminus* subinde potest sumi pro natura naturante, seu pro Deo ut primo rerum omnium Authore. Probatur; dicunt enim Sinæ: quod producit res omnes, est cælum ac terra; qui autem producit cælum ac terram, est primus Terminus, seu *Tay Kie*; enim verò quî primus Terminus possit vero nomine exprimi? quî possit plena cognitione comprehendî? tantum igitur ascititio nomine vocatur primus Terminus; id enim quod vocatur primus Terminus, est quid ex se carens nomine (AA). An non id habet aliquam similitudinem cum hoc, quod dicit de Dei ineffabilitate Suarez 1. p. lib. 2. cap. 3. his verbis: unde Platonis & Trismegisti dictum celebratur à Patribus: Deum intelligere difficile est; loqui autem impossibile. Et paulò infra ibidem: Damasc. libro 1. cap. 4. sic ait: in Deo

Deo impossibile est, quidnam essentia sua ac natura ipsa sit, dicere. Rursus sic dicunt Sinæ: excelsi Cæli operatio vel natura voce & odore seu sensibilitate expers, est verè Causa effectiva, cardo, & omnium rerum productarum radix; idcirco dicitur *Vu Kie* seu *Ens sine termino* simulque *Tay Kie* seu *primus terminus*; sic tamen, ut præter primum Terminum, non habeatur aliud, quod sit Ens sine termino (B); nam Ens sine termino est idem ac primus Terminus. Dum primus Terminus includit motum & quietem, tunc est assidua illa Cæli legis via, seu cursus sine intermissione volvens (C); jam verò assidua illa Cæli legis via, seu cursus sine intermissione volvens, uti & id, quod dicitur *excelsi Cæli natura est voce & odore expers*, intelligitur de Domino ac Rectore (D), nempe de Cæli Domino ac Rectore; ergo etiam *Tay Kie* seu primus Terminus intelligitur de Cæli Domino ac Rectore. Insuper olim Cæli Dominus *Xam Ti* subinde vocatus est *Tay je*, id est prima vel maxima Unitas (E); & omnes Doctores explicant *Tay je* per vocem *Tay Kie* (F); ergo *Tay Kie* est supremus Dominus *Xam Ti*, ac proinde summus ac primus rerum Effector.

Deinde ut vidimus suprâ cap. 2. quæst. 2. num. 19. litterâ L. Primum Vacuum est id, quod dicitur primus Terminus; illud primum Vacuum quatenus ens reale, & immateriale, aut quatenus ratio, dicitur Cælum seu Cæli Dominus; præterea, ut vidimus etiam suprâ cap. 2. quæst. 3. num. 1. litterâ A; Ratio est unica causa, quæ est Spiritus, diciturque *Tay Kie*, seu primus Terminus; & cap. 2. quæst. 4. num. 13. litterâ M. dum vox *Xin*, seu Spiritus solitariè dicitur, potest idem intelligi ac *Tay Kie*; ergo *Tay Kie* seu primus Terminus, ut ex istis patet, subinde sumitur pro Spiritu, pro Ratione, pro unica causa, quæ est Spiritus, pro Cæli Domino, adeoque à parte rei pro Deo; pro primo rerum omnium Authore, & natura naturante.

Dico 2. *Tay Kie* seu primus Terminus subinde etiam potest sumi pro essentia rei tam increatæ quam creatæ. Probatur: dicunt Sinæ; si res omnes spectemus, unaquæque suam habet naturam singularem, & omnes si nul unum primum terminum, nempe communem; si enim eas collectim sumamus, universæ illa rerum omnium essentia est unus primus terminus, nempe communis; si divisim, unaquæque suam habet primum terminum singularem (G). Primus Terminus est naturæ excellentia, nec ullus modus, aut forma reperitur, qua explicetur; nec ulla vox aut odor habetur, quo percipiatur (H); nempe est aliquid, quod sub sen-

lum non cadit: deinde sic: cur autem, quod dicitur primus *Terminus* possit etiam dici res voce & odore, seu insensibilitate expers, est quia ipse est veluti natura substantia (I); nempe essentia. Rursus sic: quælibet res in se continet unam rationem scilicet essentialem, & omnes rationes ab uni profluunt origine; primus autem *Terminus* est vocabulum, quod generationi omnes rerum rationes, scilicet essentielles, complectitur (K). Ex his satis patet primum terminum sumi pro rei essentia.

Dico 3. *Tay Kie* seu primus terminus potest etiam sumi pro tota aggregatione agentium naturalium. Probatur ex his Authorum verbis: dum primò dicitur, inquit, *in unguoque* (scilicet libri mutationum ac productionum) *symbolo anigmatico, ejusque sex partibus seu lineolis numericis, semper reperitur ac continetur trium primorum principiorum* (scilicet cæli, terræ, hominis, seu totius aggregationis agentium naturalium) *primi termini ratio, ideoque hæc tria Principia vocantur tres termini*; id intelligendum est de uno quoque Symbolo, ejusque partibus numericis postquam per motum ac mutationem ad rem particularem applicata sunt, & in praxim redacta; tunc enim in unumquodque continet suum primū terminum. Dum verò postea dicitur: *libri mutationum ac productionum doctrina in se continet primum terminum*, id intelligendum est de Symbolis eorumque partibus numericis antequam per motum, & mutationem ad rem particularem applicata sint, & in praxim redacta; tunc enim universalis illorum substantia (seu potius universalis illorum aggregatio) est unus primus terminus, sive est una natura communis (L); rursus sic: si velis exprimere totam viæ substantiam aut essentiam, dicitur primus terminus; si velis exprimere assiduum primi termini actionem & virtutem, dicitur via (M). Hæc pauca sufficiunt ad indicandum primum Terminum posse sumi pro tota aggregatione agentium naturalium.

Quod attinet ad quartum modum, quo à Philosophis accipitur natura, cum in *g.* includatur, illum omittemus, & de quinto tantum agemus: Itaque

Dico 4. *Tay Kie* seu primus Terminus sepius & præcipue sumitur pro natura, quatenus natura est Principium causativum motus & quietis. Probatur. Sic primum Terminum definiunt Sina: Primus Terminus est ipsa substantia, qua fit motus ex quo modus *Yan*; & qua fit quies ex qua modus *Yu* resultat; motus, ex quo resultat modus *Yan*, est origo modi *Yu*, & per hoc primus Terminus, quatenus causa, agit; quies ex qua resultat modus

Yu,

Tu, est origo modi *Tam*, & per hoc primi Termini essentia subsistit: atque hoc est quod Doctor *Cheu* sic expressit: dum primus Terminus se movet, producit modum *Tam*; motu absoluto quiescit; quiescendo producit modum *Tu*; quiete absolurâ rursus se movet; atque ita alternans motus & quies est mutua modi *Tu*, & modi *Tam* origo, ac principium. Per istam modi *Tu*, ac modi *Tam* divisionem habentur duæ formalitates seu habitudines (N).

Hinc ergo patet primum Terminum, cum sit Principium effectivum motûs & quietis, idem significare, ac *naturam* suprâ ab Aristotele definitam.

Nota: cum tam sæpè factus sit sermo de istis duabus vocibus *Tu* & *Tam*, oportet nunc ex hoc loco breviter ostendere, quid istæ significant. Illæ ergo voces *Tu* & *Tam*, in sua generali & propria significatione, ut patet ex hoc loco, nihil aliud significant quàm duos modos, seu duas relationes transcendentales motûs & quietis: vox *Tam* est relatio transcendentalis, seu ordo essentialis motûs ad quietem; & vox *Tu* est ordo essentialis quietis ad motum; ideoque ad vitandam confusionem ferè semper explicui vocem *Tam* per *motum*, & vocem *Tu* per *quietem*, cum realiter nihil aliud sint, & sic rursus deinceps.

Jam verò cum istæ duæ relationes transcendentales sint amplissimæ ac generalissimæ; hinc fit, ut Sinæ has voces *Tu* & *Tam*, ad omnes fere res applicent: unde dicunt; in mundo nihil aliud habetur, quàm illa alternans motûs & quietis sine fine vicissitudo; quæ vicissitudo est libri mutationum ac productionum doctrina; & id, quo habetur iste alternans motus ac quies, est primus Terminus (O). Deinde cum in omnium rerum productione semper inveniantur isti duo modi *Tu* & *Tam*, ita etiam semper invenitur primus Terminus, & duæ habitudines (P); diverso tamen modo: nam si spectes primum Terminum, ipse est prior modis *Tu* & *Tam*, seu quiete & motu, utpote ratio illorum productiva; si spectes modos *Tu* & *Tam*, tunc primus Terminus in illis continetur, utpote principium essentialis totius (Q). Denique cum doctrina libri mutationum ac productionum complectatur omnes, quæ assidue & sine fine sunt in mundo productiones ac mutationes; idè oportet, ut illa etiam contineat unam aliquam primam omnium, & immutabilem Rationem, quæ in illas dominetur easque regat: hæc autem Ratio est primus Terminus; primus enim Terminus est una, ultimata, suprema, perfectissima, cui ni-

hij potest addi, quavis re longè excelsior, omni voce, odore, sensibilitate expers Ratio, quæ in omnes mutationes ac productiones dominatur, easque regit ac dirigit. (R). Ex his videt primum Terminum non tantum posse hoc s. modo sumi pro natura propriè dicta, in quantum est principium & causa motûs & quietis ejus, in quo est per se & non per accidens; sed etiam posse applicari naturæ Divinæ continuè in hoc mundo operatrici, si natura sumatur, ut dixi, improprie, in quantum præcisè est principium operationum totius, non requirendo alias conditiones ad naturam strictè sumptam necessarias.

Verùm quemadmodum apud Latinos non solet dici *natura est Deus, naturam colere, Sacrificium offerre naturæ*; quamvis natura sumpta pro primo rerum Principio, seu Authore naturæ sit verè Deus, verè colatur, verè Sacrificium illi offeratur; sic apud Sinas non solet dici primus Terminus seu *Tay Kie* est *Cælum aut cæli Dominus, primum Terminum Colere, primo Terminum Colare* aut sacrificare; quamvis primus Terminus sumptus pro primo rerum Principio rerumque Effectore, sit verè Cælum aut cæli Dominus, verè colatur, verè illi litetur. Nec mirum videri debet quod per primum Terminum, id est naturam, cæli Dominum subinde intelligant Sinæ; quandoquidem præci illi Græciæ Philosophi, sic etiam sæpe de Divinitate locuti fuerint: Minutius felix in Octavio probans notam fuisse illis Philosophis Dei veritatem, sic ait: notum est Xenophanem, omne infinitum cum mente Deum tradere, & Antisthenem populares Deos multos, sed naturalem unum præcipuum. Quid Democritus, quamvis atomorum primus inventor, nonne plerumque naturam, quæ imagines fundat, & intelligentiam, Deum loquitur? etiam Epicurus ille, qui Deos aut otiosos fingit, aut nullos, naturam tamen superponit. Et Cicero lib. 1. de nat. Deorum sic: Antisthenes libro, qui Physicus inscribitur, populares Deos multos, naturalem unum esse dicebat. Et Laërt. lib. 1. de ira Dei cap. 10. Natura, inquit, quam veluti matrem esse rerum putant, si mentem non habet, nihil efficit unquam, nihil molitur: ubi enim non est cogitatio, nec motus est ullus, nec efficacia; si autem consilio suo utitur ad incipiendum aliquid, ratione ad disponendum, arte ad efficiendum, virtute ad consummandum, potestate ad regendum & continendum, cur Natura potius quam Deus nominetur? Denique Platonicum cum rerum formas, numerorum voce exprimerent, Deum unitatis nomine designabant; designabant enim animam, *numerus seipsum movens*;

vens; quia sicut animam ex vita, sic vitam ex motu ipso, maximè spontaneo perspectam habemus. Hinc tantum infero istum modum loquendi de Divinitate sub nomine *natura*, imò & sub nomine *prima unitatis*, ut sæpe suum primum Terminum vocant Sinæ, jam olim fuisse usitatum. Sed huic rei non immoror: sufficit primum Terminum seu *Tay Kie*, non tantum pro creata sed etiam pro increata Natura posse sumi, quod videtur satis probatum; licet sæpius & ordinariè videantur Sinæ illum sumere iuxta id, quod dixi in 2. & 4. conclusione. Si quis nunc fortè quærat utrùm libri Sinici non solum aliquid de Dei unitate afferant, sed etiam aliquid de Personarum Trinitate innuant?

Respondeo: cum hoc Mysterium sola ratione naturali cognosci non possit, imò juxta Suarem sit de fide, id frustrà quæri; hic enim dumtaxat quæritur; an Sinæ lumine naturali (non supernaturali) reverà cognoscant aliquod supremum Numen infinitum in omni genere perfectionis essentialis, præscindendo ab attributis notionalibus; quamvis autem etiam videantur quædam perpauca sub quibusdam vocum generalium involucris obscurè de hoc Mysterio innuere, quia tamen non est de eo quæstio, præstat illa omittere.

Textus Librorum.

- A. 1. Lib. naturæ & rationis brevis expositio tom. 2. art. *Vu mim Kum eluen* sic: quod producit res omnes &c. ut suprâ in contextu.
 B. 2. Vide hic infra num 15. litterâ P.
 C. 3. Lib. naturæ & rationis brevis expositio tom. 1. art. *Tay Kie* sic: si Cæli natura &c. ut suprâ in contextu.
 D. 4. Interpres *Tsay biu chay* in comm. *Su xu mum yntom* 4. ad lib. immutab. Medii art. 26. sic: dic quælo: *verissima Cæli via nunquam cessat*; quomodo id explicatur?

Resp. dum dicitur: *Prob! quàm arcano ac mysterioso modo Cæli lex suum cursum nunquam sistit!* istud verè est quod alibi sic dicitur: *excellsi Cæli natura est voce & odore experta*, nimirum id intelligitur de Domino ac Rectore; quod autem attinet ad id quod dicitur, *tegere ac sustinere*, *producere ac perficere*, id intelligitur de ejus effectis.

- E. 5. Lib. *Pen Hien tum Kuo* tom. 68. sic: vasti Cæli supremi Domini nomen sub diversis Imperialibus Familiis varium fuit. In principio Impe-

Imperialis Familix *Han* dicebatur *Xam Ti* supremus Dominus, & *Tay Ye* prima vel maxima Unitas. Sub Imperatore *Pam Si* dicebatur *Hoam Tien Xam Ti* magni cæli vel dominans caelo suprenus Dominus, vel magnus Cælum supremus Dominus. In principio Familix *Guei* dicebatur *Hoam boam Tien Ti*, Dominator Dominantium cæli Dominus: vel maximum Cælum Dominus. Sub Imperio Familix *Leam* dicebatur *Tien Hoam Ta Ti* cæli Dominator magnus Dominus.

- F. 6. Lib. Rit. tom. 4. cap. 9. *Tun Si* sic interpretes *Chin hao*: Rituum interpretes, inquit Doctor *Xe Leam Pam*, videntes haberi in libro *Ye Kim* nomen *Tay Kie*, illud vertunt per unum nomen *Tay Ye*, id est prima vel maxima Unitas; & hoc postea Doctores secuti sunt.
- G. 7. Lib. naturæ ac rationis brevis expositio tom. 1. art. *Tay Kie* sic: si res omnes spectemus &c. ut supra in contextu.
- H. 8. Lib. naturæ ac rationis brevis expositio tom. 1. art. *Tay Kie* sic: primus Terminus, inquit Author *Xan Yam Tu*, est naturæ excellentia &c. ut supra in contextu.
- I. 9. Lib. naturæ, ac rationis brevis expositio tom. 1. art. *Tay Kie*: cur autem id quod dicitur primus Terminus &c. ut supra in contextu.
- K. 10. Lib. Naturæ ac Rationis brevis expositio tom. 3. art. *Tien Ven*: quælibet res, inquit author *Si Xan Chin*, unam in se continet rationem &c. ut supra in contextu.
- L. 11. Lib. vera libri mutat. ac product. expositio tom. 17. part. *Xam chuen* art. 20. sic: in uno quoque Symbolo ænigmatice &c. ut supra in contextu.
- M. 12. Lib. vera libri mutat. ac product. expositio tom. 20. part. *Hia chuen* art. 5. sic: dum dicitur: agendi via nec separatur à quiete *Yn* & motu *Yam* nec illis immiscetur, id intelligitur de primo Termino; & paulo post: Si velis exprimere totam viam seu agendi viæ substantiam vel essentiam, dicitur primus Terminus; si velis exprimere continuam & assiduam primi Termini operationem ac cursum, dicitur via seu agendi via, si velis exprimere viæ excellentiam, dicitur Spiritus. Si autem, inquit interpretes *Cie Chay Tsay*, spectes quietem *Yn* & motum *Yam*, tunc primus Terminus in illis continetur; nam ante quietis *Yn* & motus *Yam* productionem, id quod vocatur primus Terminus, est illorum ratio, quæ in mente representatur; post productionem id quod vocatur primus Terminus, est id ipsum, quod in quiete *Yn* & motu *Yam*

Tam continetur, nempe in substantiali motûs & quietis composito, cujus pars essentialis est Natura seu primus Terminus.

N. 13. Lib. vera libri mutat. ac product. expositio in proœmio sic: primus Terminus est ipsa substantia, quâ fit motus &c. ut suprà in contextu. Vide etiam hâc infrâ num. 15. litterâ P.

O. 14. Lib. vera libri mutat. ac product. expositio in proœmio citans Doctorem *Chu hi* sic: primus Terminus, inquit Doctor *Chu hi*, est tantum illa duplicis vitalis auræ seu vitæ, & quinque primariorum Principiorum Universalium ratio; in mundo enim nihil aliud habetur, quam illa alternans motûs, & quietis sine fine vicissitudo, nihilque præterea: quæ vicissitudo dicitur doctrina libri mutationum ac productionum; sed spectando hunc motum & hanc quietem, oportet sanè ut sit aliqua ratio utriusque productiva; hæc ratio est id quod vocatur primus Terminus.

P. 15. Lib. vera libri mutat. ac product. expositio in proœmio, citans Doctorem *Chim* sic: idcirco doctrina libri mutationum ac product. continet primum Terminum producentem duas formalitates; primus Terminus est via; duæ formalitates sunt modus *Tn*, & modus *Tam*; modorum *Tn*, & *Tam* via est unica, nempe primus Terminus. Primus Terminus idem ac Ens sine Termino. Cum autem in omnium rerum productione semper inveniantur isti duo modi *Tn* & *Tam*; ita etiam semper invenitur primus Terminus, & duæ Formalitates, quæ mutuo vinculo occultè inter se connexæ, inexhaustum sunt mutationum ac productionum principium.

Q. 16. Vide hâc suprà num. 12. litterâ M.

R. 17. Lib. quotidiana libri mutationum ac product. expositio tom. 16. part. *Xam Chuen* art. 11. sic: ista vox bina *Tay Kie* significat unam sumam, ultimam, qua non datur superior, Rationem ad dominandum in omnes productiones ac mutationes, easque regendas seu eorum causas. Et paulò post: doctrina libri mutationum ac productionum assiduas quidem sine fine productiones, & continuas sine interruptione mutationes reverà continet; sed oportet, ut in medio illarum habeatur una summa, & omnium prima atque immutabilis Ratio Dominatrix ac Restrictrix, quæ sit istarum assiduarum sine fine productionum principium ac radix; & hoc est quod vocatur *Tay Kie* seu primus Terminus.

T

Deni-

Denique paulò infrà: per istas duas voces *primus Terminus*, de quo præteritus Doctor *Chen sun* y tractat, indicat unam Rationem omni voce & odore, seu sensibilitate expertem.

- R. 18. Lib. vera libri mutar, ac product. expositio tom. 19. part. *Xam Chuen* art. 11. sic: *primus Terminus*, inquit interpres *Lien Xe chi*, vocatur una summa, & ultimata, cui nihil potest addi, Ratio.

QUÆSTIO VII.

Ex dictis investigatur utrùm isti libri recentiores dent veram aliquam primi Entis seu Dei cognitionem, adeoque an Sinæ recentes non sint Athei?

Quamvis fortè posset alicui videri supervacanea hæc quæstio, cùm illa jam satis ex dictis pateat; tamen ad exponendam majori cum claritate totam rem, hæc pauca in unum collecta accipe.

1. Recole quæ dixi in quæst. 3. cap. primi, agendo de priscis & libris Sinicis & Sinis; quæ enim faciunt pro priscis, etiam faciunt pro recentibus, si pauca immutes.

2. Isti libri recentiores, adeoque & Sinæ recentes attribuunt Cælo, cælive Domino supremum Dominium, summam potentiam, scientiam falli nesciant, voluntatem liberam, justitiam sapientem, vitam, immensitatem, simplicitatem seu spiritualitatem; ergo habent veram aliquam primi Entis seu Dei cognitionem.

3. Agnoscunt in mundo aliquod primum Principium invisibile, spirituale, improductum, primum movens, omnia faciens, ad omnia invisibili modo concurrens, omnia gubernans, omnibus providens; & hoc dicunt esse unicum, esse Spiritum; ergo veram habent aliquam primi Entis seu Dei cognitionem.

4. Quamvis istud primum Principium, & primum Ens, nunc per Rationem, nunc per Naturam, nunc per Auram vitalem, nunc per Cæli Legem explicent; non videntur tamen hæc obstare veræ illius cognitioni; quandoquidem antiqui Sapientes & per Rationem, & per Providentiam, & per Naturam, & per vitalem Auram Divinitatem indicârunt; sic Cic.
Lib.

Lib. 2. de Natura Deorum: quod si omnes mundi partes ita constitutæ sunt, ut neque ad usum meliores potuerint esse, neque ad speciem pulchriores; videamus utrùm ea fortuita sint, an eo statu, quo coherere nullo modo potuerint, nisi sensu moderante divinaque Providentia. Si ergo meliora sunt ea, quæ Naturâ, quàm illa, quæ arte perfectæ sunt, nec ars efficit quidquam sine ratione; ne Natura quidem rationis expertus est habenda. Sic rursus in eodem lib. 1. An cum machinatione quadam aliquid moveri videmus, ut sphaeram, ut horas, ut alia permulta; non dubitamus, quin ista opera sint rationis; cum autem impetum cæli admirabili cum velocitate moveri vertique videmus, constanter scilicet conscientem vicissitudines annuas, cum summa salute & conservatione rerum omnium, dubitamus quin ea non solum Ratione fiant; sed etiam excellenti quadam divinæque Ratione? aut verò alia quædam Natura mentis & rationis expertus hæc efficere potuit? Idem §. Tuscul. vocat animam, divinæ particulam auræ. Et Seneca agens de notu Syderum: hæc verò, inquit, inoffensa velocitas procedit æternæ Legis imperio; & Pythagoras aiebat mundum constare harmonica Ratione. Imò ipse Lactantius Christianus de falsa Religione Lib. 1. ad Constantinum Imperatorem post relata varia Poëtarum, ac Philosophorum testimonia atque sententias, sic ait: horum omnium sententia, quamvis sit incerta, eodem tamen spectat ut Providentiam unam esse consentiant; si enim Natura, si æther, si Ratio, si Mens, si fatalis necessitas, si Divina lex, si quid aliud dixeris, idem est, quod à nobis dicitur Deus: nec obstat appellationum diversitas, cum ipsa significatione ad unum omnia revolvantur. Aristoteles, quamvis secum ipse dissidet, ac repugnantia sibi & dicat & sentiat; in summum tamen unam Mentem præesse mundo testatur. Hinc ergo infero non esse novum Divinitatem indicari per prædicta, & similia nomina.

§. S. Paulus Rom. 1. Judicat verum Deum naturaliter cognitum fuisse ab illis antiquis Sapientibus & Philosophis, quos maximè & acerrimè hic insectatur, inquit Cornelius à Lapide; adeoque eos Atheos non fuisse; quia quod notum est Dei, manifestum est in illis, Deus enim illis manifestavit. Quod sic explicat idem Cornelius: Apollolus asserit planè eos Deum, Deique veritatem agnoscere potuisse & debuisse; quin & re ipsa cognovisse. Quia hæc veritas naturaliter est aperta & manifesta, eamque docet ac dicat ipsa natura. Deus ergo per lumen naturæ iis hanc ve-

T 1

rita-

ritatem manifestavit. Ait ergo Paulus, *quod notum est Dei*, græce *γινώσκοντες Θεόν*, id est quod naturaliter de Deo est cognoscibile, ut Deum esse unum, æternum, mundi principem ac vindicem, *manifestum est illis*, id est in illorum mente, intellectu, conscientia. Ità Cornelius. Jam verò cum ipsa natura doceat, ac dicter istam unius Dei veritatem; cum per lumen naturale illa sciat; cum illi antiqui Sapientes naturaliter eam cognoverint; an fortasse solos Sinas recentes, qui tam multa dicunt de hac veritate, natura naturalèque lumen, idem non docebit? an ipsi soli sine lumine naturali? Hinc Cicero lib. 1. de leg. ex tot, inquit, generibus nullum est animal, præter hominem, quod habeat notitiam aliquam Dei; ipsisque in hominibus, nulla gens est neque tam immanis, neque tam fera, quæ non, etiam si ignoret qualem habere Deum deceat, tamen habendum sciat. Imò Aristoteles Lib. Top. cap. 9. ait puniendum eum qui dubitaret, an oporteat Deum honorare. Nec ulla gens, ait Seneca, unquam est adeò extra leges, morèsq; projecta, ut non aliquos Deos credat. Photin. Ennead 6. lib. 5. cap. 1. unum, inquit, quiddam, idèmq; numero esse simul ubique totum, communis indicat mentis humanæ notio, quando omnes naturali quodam instinctu clamant, in unoquoque nostrum esse Deum &c. Et hoc Tertullianus vocat testimonium animæ naturaliter Christianæ. Omitto Minutium felicem, Maximum, Tyrium Philosophum Platonium, Orosium, & alios, qui id probant de antiquis Philosophis. An verò hæc illustria Testimonia negantium dari Atheismum in mundo, non prævalebunt paucis Missionariis, qui in Sinicam gentem tam perspicacem, tam exultantem, tam multa, tam clara de supremo quodam Ente differentem, & fortè hac in re plurimos præcos Sapientes superantem, volunt tetram Atheismi notam inuere? Sed hæc generalia quæ sunt potiùs juris quàm facti, relinquamus, ad particularia redeamus.

6. Sinæ recentes æquè ac veteres agnoscunt Spiritum montium ac fluminum, Spiritum cæli ac terræ; illos colunt; illis litant; ergo non sunt Athei.

7. Cum autem istæ voces *Ratio, Natura, Anra vitalis, Calilex*, &c. per quas subinde Divinitatem indicari a Sinis diximus, ob suam universalitatem hominis animo etiam possint applicari, & de facto applicentur; unū ab altero diligenter distinguendum est, maximè ubi sapientis animum comparant cum Cælo, & utrique eandem virtutem ob similitudinem attribuant.

buunt. Sic etiam olim Cicero Tuscul. 9. comparabat animum cum Cælo, imò & cum penè Deum efficiebat. Deum igitur, inquit, scito te esse: si quidem Deus est, qui viget, qui sentit, qui providet, qui tam regit, moderatur, & movet id corpus, cui præpositus est, quàm hunc mundum Princeps ille Deus.

8. Insuper animadvertite quemadmodum in sensu S. Pauli dixi recentes Sinas naturaliter Deum agnoscere, atque adeò non Atheos esse; ita etiam in ejusdem sensu dico, illos veritatem Dei in injustitia detinere; quia licèt satis agnoscant unum esse summum Deum ac verum, Authorem mundi & Effectorem; non tamen ei debitum obsequium, ac honorem reddunt pravis suis libidinibus abrepti, & illa cognitio est veluti in luto gemma, cò obscurior, quo vitiiis magis immersa jacet; hinc fit, ut intar vespertilionum fugiant ab illa veritatis luce, nolint illam magnoperè discutere; imò si sub aperto & claro Dei nomine illis proponatur, ei sic propositæ nolint subinde, repugnante naturali lumine, assensum dare; sed statim recurrant ad obscuriora & generaliora nomina Rationis, Naturæ, Cæli legis, quæ tandem in idem redeunt, ut vidimus supra; Cùmque Deus oculis corporis videri non possit, malint etiam subinde promicantem illius veritatem statim ab oculis mentis remove sine ulteriori illius examine ac discussione, nè cogantur distinctiùs agnoscere, quem lumine naturali conscientia dicat esse. Unde patet non Atheos, sed reipsa impios appellandos esse.

Deinde vide sis, nè hic velis ad cultum politicum recurrere; hinc enim agimus de cognitione, non de cultu, qualiscunque ille sit; de cognitione, inquam, speculativa, & naturali quidem; non de practica, & cultui conjuncta.

9. Denique si omnia collectim sumpta, quæ in toto utriusque præcedentis capituli decursu allata sunt, si tota illa tot textuum, totque Authorum concatenata series ac coherencia bene attendatur, certè non videtur prudenti judicio quis posse asserere Sinas recentes, nedum antiquos esse Atheos.

Sed quorsum hæc omnia? dicet aliquis; quid refert utrùm Sinæ haberint, aut etiam habeant nec nè, aliquam veri Dei notitiam? utrùm sint Athei nec nè? quò tendunt ista omnia duobus Capitibus sat fusè comprehensa? quis finis, quæ utilitas? Respondeo ista omnia maximè esse dicta & singillatim discussa propter Caput sequens. Itaque.

C A P U T III.

De vera Dei appellatione apud Sinas.

Omnia quæ hæcenus dicta sunt, huc tendunt, ut videamus quomodo possit appellari Deus apud Sinas? quæritur ergo utrum apud Sinas Deus possit appellari *Xam Ti* seu cæli Dominus ac Rector? an Cælum? an primus Terminus *Tay Kie*, seu Natura? an Ratio finicè *Li*? an vitalis Aura aut alio simili nomine? Cum hæ voces primus Terminus finicè *Tay Kie*, Ratio finicè *Li*, vitalis Aura finicè *Ki*, & similes sint tantum à recentioribus Sinis assumptæ ad explicandas, aut adumbrandas varias Cæli seu cæli Domini tum perfectiones tum operationes; v. gr. per binam vocem *Tay Kie* Causam primam seu Naturam naturantem; per vocem *Li*, Causam idealem seu exemplarem vel supremam Intelligentiam; per vocem *Ki*, vitalem Potentiam seu operationem & executionem, vel Spiritualitatem & Excellentiam, ut supra vidimus; cumque Sinæ utantur istis vocibus in vario sensu; habent enim ex se significationem valde vagam, incertam, ad varia objecta indifferentem; modò enim totum, modò partem; modò substantiam, modò accidens; modò creaturam, modò Creatorem possunt significare; idè Patres Missionarii eas semper à significando Deo rejecerunt, semperque inveci sunt in istos Neotericos Sinas, qui illis pene obscurum ac pene ignotum reddunt Cæli, cælique Domini nomen; & certè ad significandum per illas Deum semper opus esset maxima circumlocutione, ac verborum ambage. Unde hisce relictis tantum controvertitur, utrum Deus possit appellari *Xam Ti* seu cæli Dominus, & *Tien* seu Cælum? pro quo

Q U Æ S T I O I.

An Deus apud Sinas possit appellari *Xam Ti* id est cæli Dominus ac Rector, seu supremus Dominus?

Paragraphus I.

Assertio.

Pra-

Pæsuppositâ istarum duarum vocum *Xam Ti* apud antiquos & recentes Sinas significatione, quam suprà fulè retuli;

Respondeo & dico: Deus, apud Sinas videtur posse appellari *Xam Ti* seu cæli Dominus. Probatur.

1. *A Ratione.* 1. Voces sunt signa ad placitum, quæ vim habent significandi ex arbitrio suæ institutionis; atqui istæ voces *Xam Ti*, ut patet ex tota quæstione capitis primi, fuerunt antiquitûs institutæ ad significandum verum Deum, illaque institutio adhuc perseverat, ut patet ex quæstione prima capitis secundi; ergo illis potest appellari verus Deus.

2. Sinæ antiqui & recentes attribuunt *Xam Ti* seu cæli Domino eas perfectiones, quas nos atribuimus Deo, ut vidimus in toto penè decursu utriusque præcedentis capitis, adeoque per illas voces *Xam Ti* idem significant, quod nos significamus per vocem Deus, ergo &c.

3. Deus apud Sinas potest appellari *Tien chu*, id est cæli Dominus, ut nunc omnes conveniunt; sed istæ duæ voces *Xam Ti*, etiam significant cæli Dominû; sive *Xam Ti*, idem est ac cæli Dominus, ut vidimus in quæstione secunda capitis secundi. Deinde, ut ibidem dicitur, *Xam Ti* est cæli Spiritus, & hic cæli Spiritus, ut dicitur in quæstione tertia capitis secundi, est unicus Dominus; imò *Xam Ti* est cæli ac terræ Spiritus, uti habetur in eadem quæstione tertia capitis secundi; ergo Deus potest appellari *Xam Ti*.

4. Quemadmodum agendo de motivis credibilitatis fidei, dicitur: etsi aliqua seorsim sumpta non convincant intellectum, nec sint totalis efficacitatis; tamen omnia simul sumpta ita eum convincunt, ut quis censeatur peccare, si illis non crediderit. Ita hic cum proportionem dico: etsi aliqua eorum, quæ de cæli Domino seu *Xam Ti*, in duobus præcedentibus capitibus attuli, seorsim sumpta non convincant, nec sint totalis efficacitatis; tamen omnia simul sumpta videntur posse intellectum convincere, aut saltem dare motiva omninò sufficientia, ut intellectus prudenter possit illis assensum præbere. Deinde quemadmodum volens Christus persuadere Apostolis se resurrexisse, dicebat: *palpate & videte, quia Spiritus carnem & ossa non habet* Luc. 24. licet istud argumentum seorsim sumptum efficaciter non probaret veram ejus Resurrectionem, cum Spiritus possint assuere corpora apparentia; tamen hoc junctum cum aliis signis & testimoniis Resurrectionis, efficaciter probabat Christum verè resurrexisse. Ita etiam dico: licet aliqua argumenta, & tes-

timos-

Simonia in præcedentibus capitibus allata seorsim sumpta non efficaciter probarent, tamen illa juncta cum aliis possunt efficaciter probare per illas voces *Xam Ti*, significari à Sinis verum Deum; ergo Deus potest appellari *Xam Ti*.

2. *Abusu.* Jam longo usu receptum est, ut hic in China Deus vocetur *Tien Chu*, id est cæli Dominus; licet in principio dubitatum fuerit, utrum posset sic vocari, eo quod diceretur aliquod Idololum sinicum hoc nomine appellari. Sed eodem usu, & fortè longiori receptum est, ut etiam Deus vocetur *Xam Ti*; nam liber Patris Riccii Missionis Sinicæ Fundatoris, dictus *Tien Chu Xe y*, vel *Tien hu Xe y*, & liber Patris Pantoja illi coevi, dictus *Cie Ke*, qui circa principium alterius sæculi, imperante *Pan lie* impressi sunt, Sinis notissimi, passim & promiscuè ad significandum Deum utuntur vocibus *Xam Ti* & *Tien Chu*; uti & multi alii libri Christiani, tum ejusdem temporis, tum posterioris, non tantum à Patribus Societatis JESU, sed etiam à Patribus alterius Ordinis editi: ut liber R. P. Antonii à S. Maria Ordinis S. Francisci, dictus *Tien yu yn* impressus Anno 1664. cujus hæc verba: *Xam Ti id est cæli Dominus (Tien chu) unicus, & summa Majestate venerandus, qui in omnes res dominatur, easque regit* A. & liber R. P. Petri Pinuela ejusdem Ordinis dictus *Tso boei Fen ta*, revisus à RR. PP. Tarin, & à S. Paschali ejusdem Ordinis, approbatus à R. P. Commissario Navarro, sic in cap. 3. habet: Dum dicitur *Palatium Imperiale*, non tantum dicitur illud magnificentiæ edificium; sed intra Palatium Imperiale iusta existat Majestas oportet; idcirco dum dicitur *Tien* seu *Calum*, verè demonstratur in cælo debere esse unicum summè venerandum, ac verum Dominum Gubernatorem Spirituum, hominum, ac omnium rerum, cui nos debemus gratias agere, eumque colere. Idco Doctor *Tu Snait*: ritus litandi Cælo ac Terræ est id, quo inservitur *Xam Ti*, seu supremo Domino. Et liber Carminum: Princeps *Fen Fam* omni cum diligentia, ac reverentia palam inserviebat *Xam Ti*; hinc apparet quod Sinarum sapientium, virtute ac scientiâ inclytorum mens fuerit, ut indicarent colendum esse verum cæli ac terrarum Dominum, non verò cælum materiale. Nunc ergo qui istorum antiquissimorum Sapientum, virtute ac scientiâ inclytorum menti adversantur, cælumque materiale colunt, horum sanè error rectæ rationi directè repugnat. At Confucius, objicit hospes, quando dixit: *qui peccat in Calum, non habet, quem deprecetur ut penam effugiat*, ubinam dixit esse *Tien Chu*, seu Deum, aut cæli Dominum? Resp. hæc Confucii verba verè, & cla-

& clarissimè dicunt in cælo esse unicum Dominum ac Rectorem, qui nos respicit, & ad nos pertingit, ità ut non audeamus vel minimum eum offendere. Enimverò qui voluit indicare aut intelligere cælum istud cæruleum, ac materiale? aut per istam vocem *Tien* seu *Calum* intelligi *Rationem* & nihil aliud? (B). Ità prædictus Pater.

Idem Pater in proœmio ejusdem libri, Religionem Christianam vocat *Cæli doctrinam*, *Tien Kiao*. Cùm igitur longo usu receptum sit, ut Deus significetur per voces *Xam Ti*, potest Deus appellari *Xam Ti*; maximè cùm ista Dei appellatio, post exortam aliquam in ejus principio dubitationem, jam fuerit discussa, examinata, ac tandem, ut antè, in suo usu relicta.

3. *Ab Auctoritate*. Qui possunt hac in re magnæ auctoritatis judicium ferre, sunt ipsi Sinae, si habeant has duas conditiones: 1. Si probè sciant, quid per vocem *Deum* intelligant Europæi. 2. Si litteris Sinicis sint eximiè eruditi. Jam verò ejusmodi Sinae afferunt per istas voces *Xam Ti* significari Deum, & ipsi passim in libris Deum appellant *Xam Ti*; ergo. Probatum Minor. 1. Doctor & Imperatoris primus Minister, seu Colaus Sin Christianus in suo parvo celebri libro *Pie Vam* sic: *Xam Ti*, inquit, est hominum vivorum, & mortuorum Dominus (C). Idem in libello supplice, quem Imperatori *Van lie* pro re Christiana obtulit sic: horum (id est Patrum Missionariorum) mens est efficere, ut omnes virtutem sectentur ad respondendum excelsi Cæli homines amantis intentioni; pro suo primo principio habent palam inservire *Xam Ti*, scilicet cæli Domino (D). Alibi idem sæpius vocat Deum nunc *Ti*, nunc *Xam Ti*, v. g. ad calcem librorum *Tien Chu kiam sem yen him ki lio*, *Lh xe u yen*, &c. (E).

2. Doctor celeberrimus *Fum* Christianus sic: quid est *Tien chu* seu Deus? Resp. est *Xam Ti*; non inanem, sed veram & realem rem intelligendo; Ecquis sanè est qui existimet rem inanem & vanam dici, dum sex nostri libri classici antiqui, quatuor Doctores Confucius, Memcius, *Tiu Su*, *Tsem Tiu*, omnesque cujusvis ævi viri virtute, scientiâ, sapientiâ clari passim dicunt: timere *Xam Ti*, cooperari *Xam Ti*, inservire *Xam Ti*, accedere ad *Xam Ti*, adhærere *Xam Ti*? (F).

3. Doctor *Yam* Christianus, primam sui cursûs lauream adeptus sic: Christiana Religio hæc duo præcipuè complectitur: 1. Colere unum Deum, seu *Tien Chu* super omnia. 2. Amare proximum sicut seipsum. Quoad primum, colere unum Deum, est illud, quod nostri Doctores vo-

est, palam inservire *Xam Ti*, seu cæli Domino (G). Sic idem eodem nomine Deum vocat in epistola præliminari libri *Che sam vay ki*; in suis libris *Tien xe mim pien*, *Tay y*, &c. (H).

4. Doctor *Ly* Christianus sic: illa Religio (scilicet Christiana) unice spectat servire *Tien Chu* seu Deo; & hoc est, quod nostri Doctores dicunt: nosse *Calum*, servire *Cælo*, servire *Xam Ti*. Non dicitur *Ti*, sed dicitur *Chu*; explicando nimirum illud *Chu* uti explicat Doctor *Chu hi* sic: illa vox *Ti*, id est cæli *Chu Tsay*, sive Dominus ac Rector. Quia enim Deus est Dominus, qui cælum, terram, omniâque produxit, ideò per illam vocem *Chu*, seu *Dominus*, magis singillatim exprimitur quid sit. Denique si velimus penitus penetrare quid sit, est omnium hominum in toto orbe degenium noster unicus magnus Pater ac Mater (I); (nota has ultimas duas voces pro eo quod suprâ dixi de litamine Cæli ac Terræ). Idem sæpius Deum appellat nunc *Xam Ti*, nunc *Ti* in suis epistolis præliminariis librorum *Kigin xe pien*, *Tien Chu xe y* &c. (K).

5. Doctor *Chin* Christianus in sua epistola præliminari libri *Sim hio tsu xo* sic: nostri Doctores assumendo quod est obscurum, vocant Cælum seu *Tien*; Europæi assumendo quod est clarum, vocant cæli Dominum seu *Tien Chu*; denique hi, & illi explicando quod dicit libri Carminum oda *Hoam y: tremendus in hac infima advenit*, & oda *Ta mim: ad te appellit: noli vacillare*; id omne ad *Xam Ti*, nempe cæli Dominum referunt (L). Eundem vide in alia præliminari epistola libri *Cie Ke* &c.

6. Litteratus *Han* Licentiatus, ut arbitror, vel Doctor ex Provincia *Xan si*, libris celeberrimus sic suum librum *To xu*, qui est explicatio brevis doctrinæ ab Imperatore singulis mensibus ad populum tradi jussæ, (hic liber *To xu* revisus ab octodecim Litteratis ex octo diversis Chinæ Provinciis, mirumque in modum à Provinciali justitiæ Præside, & alio Doctore Regii Collegii, qui illum Imperatori legendum ostendit, in suis præliminariis epistolis collaudatus) sic, inquam, suum librum incipit: dum dicitur *Calum* esse noster magnus Parens, juxta hunc libri Carminum locum: *vastissimum & altissimum Cælum tu diceris hominum Parens*; id non intelligitur de cælo carulco & visibili; sed forsùm est unus Dominus ac Rector, qui cælum, terram, Spiritus, homines, & omnia producit; id est supremus ille Dominus *Xam Ti*, quem quinque libri Classici tempore Imperatorum *Tao* & *Xun* ac trium primorum Imperiorum *Hia*, *Xam*, *Cheu*, successivè semper ad posteros transmiserunt. Dum autem ad vo-

candum

candum Cælum adhibetur illud cælum visibile, est sicut, dum ad vocandum Imperatorem adhibetur aula Imperialis; in hac enim summa Majestas residet. Enimverò quæ possit illud Palatium materiale sustinere Personam Imperatoris? Prisci & moderni Imperatores virtute, ac sapientiâ conspicui omnes à Cælo creantur ad regendos, & docendos suos populos; hinc Imperator dum excelsissimo Cælo *Xam Ti* litat, licet ipse summa Majestate potens, in verborum tamen formula, qua utitur, sic seipsum nominat: ego Imperii heres tuus, ô Cælum, Filius, & Vassalus N. N. &c. (M).

7. Licentiatus *Cham Kem* ex Provincia *Fo Kien* libris etiam celebris, in proœmio sui libri *Tien his chim* sic sic: æquis nunc litteratus sive doctus, sive indoctus ausit falsitatis, aut pravitatis condemnare doctrinâ inserviendæ *Cælo* seu *Tien*, id est Christianâ? sed hoc *Tien* seu Cælum non est istud cælum visibile ac cæruleû; in hoc enim habetur unus Dominus ac Rector, scilicet *Chu Tsay*; sed multi non solent illud examinare. In magno autem Occidente id est Europa Sancti viri, à priscis temporibus huc usque semper eum vocaverunt *Tien Chu* seu cæli Dominum, nomen omni honore celebrandum. Porro Doctor *Chu boei* id est *Chuh*, dum in suo commentario libri *Ye Kim* explicans vocem *Ti*, seu *Xam Ti* sic ait: *Ti*, id est cæli Dominum ac Rector, vere cum illis concordat. Nostri quidem quinque libri Classici *V Kim*, & alij quatuor *Su Xu* etiam Classici non dicunt apertè *Tien Chu* seu cæli Dominum; sed tantum dicunt *Tien* seu Cælum; quia nimium utuntur compendiosa loquendi methodo. Sicut dum vulgus vult dicere urbis aut oppidi Gubernatorem, per syncopen eum nominat urbem, aut oppidum &c. nomen *Xam Ti* est tantum diversum à nomine *Tien chu* quoad vocem; utrumque enim idem significat (N). Postea id probat ex multis librorum Classicorum textibus.

8. Licentiatus *Chu* Christianus in suo libro *Chim xi ho xue* sic: cælum & terra inter omnes res est etiam una, & maxima quidem: debet ergo illius, (nempe cæli, ac terræ) esse aliquis Effector, qui quatenus summam Majestatem, nulli alteri prorsus comparabilem habet, dicitur *Xam Ti*, (*Xam*, id est supremus; *Ti*, id est Dominus ac Rector); quatenus omnes res apprehendit, dicitur rerum Effector; quatenus omnibus viventibus dominatur, eaque regit, dicitur *Tien Chu* seu cæli Dominus. Idem in eodem libro, & in altero suo libro *Ta ka nen* passim ad appellandum Deum utitur vocibus *Xam Ti* (O).

9. Bacchalaureus *Ly Christianus* in suo libro *Xin fu*, in cujus fronte octo Revisorum sinicâ scientiâ & litteris præstantium nomina apponuntur, sic habet: istud nomen *Xam Ti*, quod nostrorum Doëtorum libri passim habent, procul dubio manifestè significat *Tien Chu*, id est cæli Dominum seu Deum. Postèa in eodem libro ipse sæpissimè utitur isto nomine *Xam Ti* ad appellandum Deum (P). Omitto plurimos alios, nè longior & tædio sim. Vide epistolâ præliminarem libri *Cie ke*, libri *Xin kiao fu quei*, & librum *Pie vam tiao po ho* (Q).

Jam verò isti omnes Sinæ probè sciebant quid esset Deus; Professione enim erant Christiani, pij & intelligentes; & simul probè sciebant quid esset *Xam Ti*; nam litteris & litterarum Sinicarum gradibus, imò supremis insignes erant. Ast ipsi asserunt istas voces *Xam Ti* idem significare, ac voces *Tien Chu*, id est Deus, seu cæli Dominus; vel potius asserunt istas voces *Xam Ti* significare Deum, istoque nomine passim Deum appellant. Potèstne ergo adhuc superesse aliquis dubitandi locus? an non illis prorsus credendum est? an fortè potius credendum paucis Missionariis id in dubium vocantibus, quàm summis litterarum sinicarum Doctoribus ac Magistris id affirmantibus? egregius profectò foret ille Flander aut Teuto, qui Parisios appulsus, & imbutus aliquali gallicæ linguæ notitia vellet ipse arguere in vocum gallicarum significatione, peritissimos linguæ gallicæ parisinos Magistros, illosque condemnare; annoncertè ipsemet explodendus, & condemnandus?

Vide adhuc alias probationes æquè efficaces in sequenti quæstione de voce *Tien Calum*. Sed quid pluribus opus?

Videntur sanè allata satis & plusquàm satis rei veritatem demonstrare. Superest tantum ut videamus quid obijciatur.

Textus Librorum.

- A. 1. R. P. Antonius à S. Maria &c. ut suprà in contextu.
- B. 2. R. P. Pinuela in suo libro *Tso boei venta*, &c. ut suprà in contextu.
- C. 3. Colaüs *Siu quam ki* in suo libello *Pie vam* art. *Vu chu kou hoen hinc chao*. ut suprà in contextu.
- D. 4. Idem Colaüs in libello supplice *Pien hio tseu fu*, dato Imperatoris *Van lie* Imperii anno 44. lunari mense 7. ut suprà in contextu.

- E. 5. Duo libri *Tien Chu kiam sem yen him ki lio*, & *Lh xe u yen* habent quæ suprà dixi in contextu.
- F. 6. Doctor *Fum ym kim* in epistola præliminari libri *Tien Chu xe y*, ut suprà in contextu.
- G. 7. Doctor *Yam sim yun* in epistola præliminari libri *Cie ke*, ut suprà in contextu.
- H. 8. Libri *Che sam way ki*, *Tien xe mim pien*, *Tay y* habent quæ suprà dixi in contextu.
- I. 9. Doctor *Ly chi tsao* in epistola præliminari libelli *Xim xui ki yen* sic: illa Religio &c. ut suprà in contextu.
- K. 10. Duo libri *Ki gin xe pien*, & *Tien Chu xe y* habent quæ suprà dixi in contextu.
- L. 11. Doctor *Chin y* in Epistola præliminari libri *Sim hio tsu xo* sic: nostri Doctores &c. ut suprà in contextu.
- M. 12. Litteratus *Han Lin* in suo libello *To xu* sic: dum dicitur Cælum &c. ut suprà in contextu.
- N. 13. Licentius *Chun Kem* &c. ut suprà in contextu.
- O. 14. Licentius *Chu Tsun Tuen*, in suo libro *Chim xi lio xue* art. *Yu chen chin ny chin Kao guei ye* sic: cælum & terra &c. ut suprà in contextu. Vide etiam alterum ejus librum *Take ven*:
- P. 15. Bacchalaureus *Ly Kien Kum* in suo libro *Xin su* artic. 1. sic: istud nomen *Xam Ti* &c. Nota in his Authoribus Sinicis & aliis, prima vox est cognomen, reliquæ nomen.
- Q. 16. Videantur tres libri *Cie ke*, *Xim kiao su quei*, *Pie vam tia po ho*, in quarum præliminariis epistolis Sinæ litterati utuntur etiam vocibus *Xam Ti* ad significandum Deum.

Paragraphus II.

Solvuntur Objectiones.

OBJicies 1. Inveniuntur in libris esse quinque *Ti*, scilicet albus *Ti*, cæruleus *Ti*, flavus *Ti*, rubeus *Ti*, niger *Ti* (A); ergo *Ti* non potest significare Deum.

Respondeo Distinguendo consequens: *Ti* sumptus pro *Xam Ti* non potest significare Deum, Nego. Sumptus pro aliquo Imperatore aut

alio homine non potest significare Deum, Concedo. Ibi dicuntur esse quinque *Ti*, non dicuntur esse quinque *Xam Ti*.

Dices: *Ti* sæpissimè accipitur pro *Xam Ti*, seu ista vox *Ti* confunditur cum bina voce *Xam Ti*, ut dictum est supra; ergo.

Respondet Disting. Ass. Ista vox *Ti* antonomastice sumpta confunditur cum voce *Xam Ti*, Concedo. Communi modo sumpta, Nego. Sicut ista vox *Apostolus* antonomastice sumpta confunditur cum bina voce *S. Paulus*; vox *Philosophus* cum voce *Aristoteles*; non tamen communi modo sumpta; ita etiam hic vox *Ti*.

Itaque illi quinque *Ti* 1. vel videntur esse quinque prisce Imperatores, dicti *Ti*, de quibus actum est cap. 2. quæst. 4. num. 34. litt. DD. & num. 35. littera DD, nempe Imperatores *Tay Hao* seu *Fo Hi*, *Yen Ti* seu *Xin num*, *Xao Hao*, *Chuen Hio*, *Hoam Ti*, recensiti tum in Dictionario literæ *Ti* (B); tum in decursu Capituli dicti *Tue Lim* libri Rituum; & in loco, in quo litabatur *Xam Ti* seu cæli Domino, illis etiam fiebat ceremonia *Cy*, in gratiam scilicet illorum memoriam. Vide cap. 2. quæst. 5. num. 8. littera F. & liber Rituum Imperii *Chou* dicit, quod quater in anno, scilicet vere, æstate, autumno, hieme prisce Imperatoribus fieret ceremonia *Cy*, apponendo carnem crudam, vinum aromaticum, orizama (C). Quod attinet ad istos quinque colores, videtur alludi ad colores quinque primariorum principiorum universalium, nempe aquæ, ignis, terræ, ligni, metalli, quæ unusquisque istorum quinque Imperatorum aliqua virtute particulari ac præcipua dicitur repræsentasse, ut dixi in cap. 2. quæst. 4. num. 34. littera DD; hinc vasa quibus ad quatuor mundi plagas illis fiebat ceremonia *Cy*, suum quæque colorem proprium habebant (D).

2. Vel certe Sectarii Idololatæ ex hisce quinque Imperatoribus sumperunt occasionem effingendi alios quinque cæli Imperatores dictos *Ti*; sed hoc nihil ad quæstionem; cum de his in libris classicis nihil prorsus agatur, ideoque isti quinque *Ti* non spectant ad veram Sinarum litterarum doctrinam, de qua hic agimus.

Quamvis enim aliqui Interpretes, ut *Chim Kam Chim*, & quidam alii post illum, voluerint illos quinque *Ti* referre ad *Xam Ti*, constituendo quinque *Ti* juxta singulas mundi plagas, & singulas anni tempestates, imò & quandoque eos vocârint *Xam Ti*; tamen illi refutati sunt à veris librorum antiquorum ac classicorum Interpretibus, ita ut ista omnia litamina ad diversas mundi plagas facta spectarent unum & eundem *Xam Ti* ubique

& in

& in omnibus anni tempestatibus dominantem ; ut videre est in libro *Ven hien tum kao*, qui tomo 68. & sequentibus hanc rem fusè tractat (E).

Deinde illi ordinariè dicuntur *Ti*, non *Xam Ti*. Idem esto iudicium de illis ; 2. *Ti*, ibidem in dictionario relatis, & de innumeris aliis.

Objicies 2. Idolum vulgò dictum *Yo Hoam* non tantùm vocatur *Ti*, sed etiam vocatur *Xam Ti*; & hoc quidem nomen, ut habetur in Annalibus universalibus, illi indidit quidam Imperator familiæ *Sum* (F); ergo Deus non potest appellari *Xam Ti*.

Respondeo Disting. Anteced. vocatur *Xam Ti* à Sectariis & Idololâtris, Concedo. à Litteratis seu à Sinis veram Chinæ profitentibus doctrinam, Nego. Ille Imperator qui hoc nomen isti Idolo indidit, erat sectator sectæ *Tao Su* à quodam sectario dicto *Lin Lim so* dementatus, ut ibidem dicitur in Annalibus; uti & ille alius Imperator familiæ *Xam*, qui prius illi indiderat nomen *Imperatoris Celi*, seu *Tien Ti*; & hos ambo ibidem arguit glossator; & quidam Interpres extremas calamitates, quas experti sunt isti duo Imperatores, ad hoc idololatriæ criminem refert (G). Sic etiam primus Imperator ejusdem familiæ *Xam* visitans sanum Idoli *Lao Kunnistius* sectæ, de qua hîc loquimur, fundatoris, honorarium illi cognomentum *excelssimi & reconditissimi Principis maximi Rectoris contulit* (H); sed hæc omnia rejiciunt Sinae qui litteras & veram Chinæ doctrinam sequuntur. Unde, & abiit in proverbium: *frivola Imperii Tam verba*; adeoque non nocent veræ *Xam Ti* appellationi, quâ Sinae litterati utuntur.

Objicies 3. Saltè *Xam Ti* est nomen Idoli, ergo Deus non potest eo nomine appellari, sicut Deus non potest appellari Jupiter; quia Jupiter est nomen Idoli.

Respondeo Dist. Antec. *Xam Ti* est nomen proprium Idoli, Nego. est nomen appellativum Idoli, Transeat. Istius enim *Yo Hoam* Idoli, seu potius hominis sub finem Imperialis familiæ *Han* in vivis agentis nomen proprium erat *T*, cognomen *Cham*, cognomento carentis ut pote viri plebei (I). Jupiter autem est nomen proprium, quod alteri non est commune. Jam verò quod verum Numen nomine Idoli appellativo possit appellari, patet ex primis Ecclesiæ temporibus. in quibus & Jupiter; & Saturnus, & Apollo, & alia Idola, eodem, quo verum Christianorum Numen, Dei nomine appellabantur.

1. Quòd illa Idola appellarentur nomine Dei, liquet: nam Ovid. 1. fast.

160 *Tract. 1. cap. 3. quest. 1. De vera Dei Appellatione,*

fast. sic ait: Dicta quoque est Latium terra latente Deo. Ibi Deus sumitur pro Saturno.

Horat. 1. Epist. 11.

In quacunque Deus tibi fortunaverit horam.

Ibi Deus sumitur pro Jove.

Ovid. 6. fast.

Est Deus in nobis, agitante calescimus illo.

Ibi Deus sumitur pro Apolline. Et sic de aliis.

2. Quòd circa eadem tempora (nempe in quibus vigeant hi verus, & hæc deorum nomina) verum Christianorum Numen etiam appellaretur Deus, seu græcè Θεός, liquet etiam tum ex Evangeliiis S. Joannis & S. Lucae græcè, & S. Marci Latine scriptis: tum ex vulgata versione Latina totius novi testamenti, quæ probabiliter jam extabat ipsis Apostolorum temporibus (non enim hanc S. Hieronymus fecit, sed tantum in quibusdam locis emendavit); tum ex psalterio longè etiam ante tempora Hieronymi in græcam linguam probabiliter à S. Luciano sub Imperatore Maximiano Martyrium passio, & statim ab alio in Latinam verso; ubi verum Christianorum Numen passim Deus & Θεός appellatur v. gr. Marci 1. Appropinquavit regnum Dei. - - - Scio qui sis, Sanctus Dei, Marci 3. tu es Filius Dei. Psal. 10. non est Deus in conspectu ejus. Psal. 21. cruce à fræmea, Deus, animam meam. Vide etiam in dictis græcis Evangeliiis sæpissimè vocem Θεός sumptam pro vero Christianorum Numine, quamvis tunc omnia græcorum Idola etiam vocarentur Θεός.

3. Quod Deus sit nomen appellativum & commune, liquet tum ex dictis jam, tum ex etymologia ipsius vocis communis, quæ juxta Authores sic refertur: Deus hebraicè **אֱלֹהִים** *el*, id est fortis, & græcè juxta Damasc. Θεός derivatur vel ἀπὸ τῆ ἀϊδιότητος id est urere, vel ἀπὸ τῆ αἰῶνιότητος id est currere, vel ἀπὸ τῆ ἀθάνατου id est videre, nempe Deus ignis consumens, perennans, omnia videntis, verba utique appellativa; vel, ut ait. Suar. 1. p. lib. 2. cap. 32. quia providentiâ suâ omnia prospiciat, omnia percurrat ac moveat, & omnem iniquitatem urat & absumat.

4. Quòd *Xam Ti* sit etiam nomen appellativum & commune, liquet tum ex dictis cap. 2. quest. 2. & alibi; tum ex etymologia ipsius vocis communis; nam ista vox *Xam* id est supremus, & vox *Ti* id est Rex, Princeps, Dominus, Rector; uti habetur in Dictionario sinico (K). Et Interpretes *Tsay* agendo de tribus Imperatoribus *Fo Hi*, *Xin num*, *Hoam Ti*:
ista

ista vox *Ti*, inquit, est nomen, quo appellatur is, qui in Imperio dominatur, illudque regit; non est nomen proprium istorum trium Imperatorum, nec cognomen tum post mortem inditum, sed nomen honorarium (L.). Itaque ut uno verbo concludam; sicut apud Latinos ista vox *Deus* est nomen appellativum, & non proprium: ita apud Sinas ista bina vox *Xam Ti* est nomen appellativum, & non proprium; & sicut apud Latinos in primitiva Ecclesia latina verum Christianorum Numen poterat appellari *Deus, Dominus, Altissimus*, &c. Intonuit de cælo Dominus, & Altissimus dedit vocem suam. Psal. 17. quamvis Idololatæ sua Idola eo nomine appellarent; ita etiam & multò magis apud Sinas in primitiva hac Ecclesia Sinica, Christianorum verum Numen potest vocari *Xam Ti*, quamvis quidam Sectarum idololatæ suum Idolum, aut sua Idola eo nomine appellent; cum præcipua pars Sinarum etiam infidelium, nempe litteratorum, intelligant per binam vocem *Xam Ti* cæli Dominum ac Rectorem, non illud Idolum; eamque explicent modò per vocem *Calum*, modò per vocem *Ratio*; adeoque patet non esse nomen proprium. Imò sicut olim Ovidius lib. 1. Trist. adulando, Augustum Cæsarem appellabat *Deum*; ita & Poëta Sinicus carpendo Imperatorem tunc in vivis agentem ob nimiam gravitatem & rigorem, eum appellat *Xam Ti* (M). Ex his ergo omnibus infertur omnimodam paritatem esse inter vocem *Deus*, & binam vocem *Xam Ti*. De voce *Tien Calum*, nempe quòd fit etiam nomen appellativum, idem intellige; nam apud Sinas vox *Tien*, & vox *Xam Ti*, ordinariè idem significant, uti diximus. Deinde ipsa vocis *Tien* etymologia id etiam confirmat: juxta enim vetus dictionarium *Xue Ven*, littera 天 *Tien* derivatur seu formatur ex his duabus 一 *Ye* & 大 *Ta*. littera 天 *Tien* significat unum, aut unicum; littera 大 *Ta* significat magnum; nempe

天 *Tien Calum* est quid Unicum Magnum, seu Unitas Magna, vel Unica Magnitudo.

Obijcies 4. Olim nonnulli Philosophi accipiebant Jovem, non pro homine aut Rege antiquo ad cælum evecto, sed pro ipso cælo, vel pro aëre seu æthere; & tamen tunc Christiani nunquam ausi sunt uti isto nomine ad appellandum Deum; ergo similiter nunc in China cum *Xam Ti* accipiatur à Philosophis & Litteratis pro Cælo, aut subinde pro

X

Aurà

Aura cælesti, non possunt etiam Christiani uti isto nomine *Xam Ti* ad significandum verum Deum.

Respondeo Neg. Consequentiam. Quamvis enim daremus quòd olim *Jupiter* quandoque à Philosophis & eruditis viris acciperetur pro cælo, vel pro aëre seu æthere; tamen illi in ista acceptione per nomen *Jovis* nihil aliud sibi effingebant ac repræsentabant quàm aliquod Ens materiale, sive cælum corporeum vel aërem ætherénque materialem; illi enim Philosophi, ait Suares p. 1. lib. 1. cap. 3. nihil nisi corporeū intelligere valebant; non verò sibi proponebant aut cogitabant unum verum ac supremum Spiritum Dominatorem, Omnipotentem, Provisorum, Effectorem invisibilem, abstractum ab omni re sensibili, qualem vidimus suprà agnosci *Xam Ti* à Sinis litteratis. Deinde *Jupiter* passim à populo ut homo & Rex antiquus ad divinitatem evectus aut translatus reputabatur, & ut talis adorabatur; nullus autem in China illum *Xam Ti*, qui in libris classicis describitur, putat aut sibi fingit fuisse unquam hominem, sed ab omnibus ut Spiritus & ex nemine genitus cognoscitur & colitur. Præterea omnes isti antiqui Pagani, etiam Philosophi Jovem in aliqua erecta statua seu Idolo, in quo aliquid vel divinum vel singulare ac mysteriosum putabant residere, adorabant; aut si Philosophi nonnulli & pauci id non putarent nec crediderint, saltè ipsimet adorabant istud Idolum, in quo falsam aliquam Divinitatem totum vulgus ponebat, adeoque ad minimum erant exterius Idololatæ. Insuper Jovi fanum cum statua idololatrica erigebatur. Jam verò supremo Domino *Xam Ti*, de quo hic agimus, à nullo Sina tam plebeio quàm literato Idolum erigitur, sed Imperator solam tabellam *Xam Ti* nomine inscriptam exponit, & nihil omnino divinum aut mysteriosum in illa tabella residere agnoscitur aut creditur; nullum fanum cum statua ei extruitur, sed terræ agger erigitur, in quo ei non ut homini ad Divinitatem evecto, sed ut Spiritui supremo sub dio sacrificatur; & si quandoque sub tecto ei sacrificatum fuit; tamen coram solo ejus nomine tabellæ inscripto, non coram statua id fiebat; aut si aliquod ædificium erigatur, hoc tantum ad servandam dictam tabellam vel potius nomen *Xam Ti*, & ad splendorem ac commoditatem litantium inservit. Deinde quamvis hoc ædificium propter ipsius *Xam Ti* cultum fieret, non tamen idèò veram ejus significationem vitaret. Itaque nulla est similitudo supremi Domini *Xam Ti* cum antiquo Jove; pro qua re recolantur tantum ea quæ in præcedentibus capitibus diximus.

Obji-

Obijcies ꝑ. *Sinæ* Litterati sumunt istam binam vocem *Xam Ti* pro re inani, vaga, vana; ꝑ nomine adscititio: ergo &c.

Resp. Neg. Aff. Sed illam sumunt ꝑ re, quam ipsimet subinde aut nolunt, aut nequeunt (ut ipsimet fatentur) sat clarè explicare; unde uteam explicent, ferè recurrere solent ad nomen *Cali Rationis*, *Cali legis* &c. Sed istud *Calum*, istam *Rationem*, istam *Calilegem* ipsimet asserunt esse aliquid reale, physicum, verum, non autem rem inanem, vanam, vagam; quin imò totam suam doctrinam in reali veritate fundant; ergo non sumunt *Xam Ti* ꝑ re inani, vana, & vaga; nec istud nomen *Xam Ti* est adscititium hoc modo, quasi esset vanum, inane, & umbraticum. Sed est adscititium sic: est electum ad appellandum honorificè primum aliquod & supremum Ens, quod est Deus.

Itaque ex his omnibus liquet Deum nomine *Xam Ti* posse appellari; imò videtur Sinis istud nomen *Xam Ti* longè elegantius dictum, quàm nomen *Tien Chu*, quo solent eum appellare Christiani Sinenses; nam istud nomen *Tien Chu* in classicis Chinæ libris non habetur.

Textus Librorum.

A. 1. Dictionarium *Ta Tsu Guey* in litterâ *Chi* sic: *Chi* est locus, in quo fit ceremonia ꝑ Cælo, Terræ, & quinque *Ti* seu Imperatoribus. Imperator *Vu Ti* ex familia *Han* ipsemet in quinque locis *Chi* fecit ceremoniam ꝑ; ante ipsum tamen Regulus Regni *Çn*, id est Provinciæ *Xen Si*, in terræ tractu *su* erexit locum *Chi* ad faciendam ceremoniam ꝑ albo *Ti*; postea ejus successor *Sinen Kum*, in terræ tractu *Mie* erexit alium locum *Chi* ad faciendam ceremoniam ꝑ caruleo *Ti*; deinde alius ejus successor *Lim Kum* in terræ tractu *V Tam* erexit duplicem locum *Chi*, superiorem ad faciendam ceremoniam ꝑ flavo *Ti*, & inferiorem ad eam faciendam rubeo *Ti*. Denique *Kao Tsou* primus familiæ *Han* Imperator in boreali terræ tractu erexit alium locum *Chi* ad faciendam ceremoniam ꝑ nigro *Ti*; atque hæc sunt quinque loca *Chi*.

B. 2. Dictionarium *Chim Tsutum* in litterâ *Ti*, sic: ista vox *Ti* etiam significat quinque Imperatores *Tay hao*, *Ten Ti*, *Xao hao*, *Chuen bio*, *Hoam Ti*.

C. 3. Lib. Rit. Imperii *Cheutou*. 3. *Chun quon* artic. *Tsum pe* sic: dum fit ceremonia ꝑ priscis Imperatoribus, caro cruda apponitur, vinum aromaticum in terram effunditur, oriza præsentatur; & sic illis fit ceremonia ꝑ in quatuor singulis anni temporibus.

- D. 4. Lib. Rit. Imperii *Chen* tom. 3. *Chun quon* artic. *Tsum pe* sic: hic Præfectus curet fieri sex pretiosa vasa ritibus cæli, terræ, & quatuor orbis partium destinata; scilicet pretiosum vas *Pie* cærulei coloris pro Cæli; *Tsum* flavi, pro terræ; *quei* violacei, pro ortûs; *Cham* rubri, pro meridiei; *hu* albi, pro occasûs; *hoam* nigri, pro septentrionis ritu. Tum ibi Interpres *Chin gin sic* sic: orientalis plagæ Imperator seu *Ti*, est *Tay hao* (alio nomine *Fo bi*); vasis *quei* figura in cuspidem terminatur, ad repræsentandû nubiû exortû, ex quibus rerû productiones profluunt; ejus color est violaceus ad repræsentandas plantas. Australis plagæ Imperator est *Ten Ti*, (alio nomine *Xin num*); pars dimidia vasis *quei* vocatur *Cham*, ad repræsentandum mutuum rerum conspectum, ubertim æstate maturefcentium, quas symbolum ænigmaticum *Ly*, id est claritas significat; ejus color rubeus repræsentat ignem. Occidentalis plagæ Imperator est *Xao hao*; vas *hu* sculpitur instar Tygridis, ideoque repræsentat Tygridem, quæ est res fera simul & gravis; ejus color albus repræsentat metallum. Septentrionalis plagæ Imperator est *Chuen bio*; pars dimidia vasis *Pie* vocatur *Hoam*, repræsentâtque res in profundo terræ recessu absconditas; ejus color niger vel subniger repræsentat aquam.
- E. 5. Dictionarium *Chim Tin tum* in litterâ *Ti* sic: ista vox *Ti* etiam significat quinque cæli Imperatores *Ti*; nempe cæruleum *Ti*, qui intelligens & gravis; rubeum *Ti*, qui ardens & iratus; album *Ti*, qui advocans & expellens; flavum *Ti*, qui cardinis motor; nigrum *Ti*, qui rerum memorabilium conservator cognominatus est. Quædam autem interpretatio sic ait: illi (*Ti*) ob effecta quinque primariorum Principiorum universalium quæ producunt ac conservant in mundo res, dividuntur quidem in quinque; sed ipsi revera sunt unus, (seu unicus *Xam Ti*).
- E. 6. Lib. *Ven hien tum Kao* tom. 68. sic Doctor *Yam*: juxta hæc ergo Doctorum *Chim* & *Chu* verba, Cælum & cæli Dominus *Ti* est unicus. Cælum & cæli Dominus in libris exprimitur modò per unicam vocem, v. gr. litare *Tien* Cælo, litare *Ti* cæli Domino; modò per duas, v. gr. pervenire ad *Hoam Tien* magnum Cælum, reverenter litare *Xam Ti* supremo Domino; modò per quatuor, v. gr. *Guei Hoam Xam Ti* magnus unicus, (vel ille) supremus Dominus; *Hao Tien Xam Ti* immensæ cæli (vel immensum Cælum) supremus Dominus; *Hoam Tien Xam*

Xam Ti magni cæli (vel magnum Cælum) supremus Dominus; & alia ejusmodi habentur. Si explicetur prout est æris Dominus, tunc juxta varios temporis partiumque mundi respectus habet varia nomina, v. gr. cæruleus *Ti*, rubeus *Ti*, flavus *Ti*, albus *Ti*, niger *Ti*; sed ista omnia reipsa sunt unicum Cælum. Ante Doctorem *Chim Kam Chim* nulli priorum Interpretum libri locuti sunt unquam de istis sex cælis; post illum verò prodijt (à sectarijs & adulterinis Interpretibus, uti ibidem dicit hic citatus liber) illa sex cælorum divisio; & insuper unicuique inditum est nomen alicuius constellationis, seu figuræ cælestis, v. gr. --- sed illæ stellarum figuræ cum non sint Cælum, non potest igitur Cælum per figuras quæriri; si enim volueris Cælum per figuras quærere, numquid eris similis illi, qui sciret hominem habere corporis, externæque speciei figuram; nesciret verò habere Animum venerandæ Majestatis principem, seu habere Majestatem Animi principis?

F. 7. Liber Annal. Universalium tom. 25. agendo de Imperatore *Hoei Tsum* ex familia *Sam* sic: Nono mense Imperator profectus in Palatium *To cim ho yam*, honorarium largitus est *To Hoam* seu pretioso Principi, (Idolo Sinensi) cognomentum, magnamque per totum Imperium delictorum veniam Reis indulxit: cognomentum autem hoc fuit: excelsissimus cælum aperiens, pactum apprehendens, tempus regens, veritatem completens, viam penetrans, reconditissimi Cæli pretiosus Princeps *Xam Ti*. Insuper præcepit ut in omnibus istorum Sectariorum locis sana reficerentur aut erigerentur, & statuarum elaborarentur.

G. Tum glossator *Vam cham hoei* citans Interpretem *Kieu Kinn Xan*, ibidem sic: Familix *Tam*, inquit Doctor *Kieu Kinn Xan*, Imperator *Hiuen Tsum* in annis sui Imperii *Tien Pao*, istum *To Hoam* insignivit excelsæ cæli Rectoris dignitate; & ideò postea tremendam illam campi *Tu Tam* aduersitatem (nempe feram primarii sui Ministri *Ngan Lo Xan* rebellionem) experus est. Deinde familix *Sam* Imperator *Hoei Tsum* in annis sui Imperii *Chim Ho*, honorarium illi indidit cognomentum; & ideò postea tremendam illam campi *Heam Lum* aduersitatem (nempe captus à Tartaris Occidentalibus) expertus est. Eheu res timore ac pavore digna.

H. Idem glossator in tomo 18. Annal. Universalium cap. Imperator *Hiuen Tsum* sic habet: Imperator *Kao Tsum* in primo anno sui Imperii dicto

Kien Fum, venerabundus Idoli *Lao Kiun* fanum adiit, & illi honorarium excelssissimi, ac reconditissimi Principii magni Domini ac Rectoris cognomentum dedit.

- I. 8. Liber *Ta ke ven* Authore *Chu Tsun Yuen* sic dicit: Deus ergo erit idem, ac iste *Yo Hoam* quem colit secta *Tao*?

Resp. minimè. Iste enim *Yo Hoam* fuit homo, qui vixit sub finem Imperii familie *Han*, cognomine *Cham*, nomine *T*, sectæ *Tao* Sæctator; quia autem Imperator *Hoei Tsun* familie *Sun*, illam sectam *Tao* sequebatur, precibus ac suasu cujusdam Sæctarii dicti *Lin lim so*, contulit isti *Cham T* honorificum cognomentum reconditissimi Cæli pretiosi Principis magni Domini ac Rectoris.

- I. 9. Liber Manuscr. *Sin my pien* art. *Yo hoam* sic: quod attinet ad istum *Cham y*, quidam olim vir plebeius extitit, nec ulla virtute aut doctrinâ apud posteros commendabilis; sed tantum pravis suæ sectæ *Tao* artibus, eundem plebem irretiit ac decepit.

- K. 10. Dictionarium *To Tsu gwey* in litterâ *Ti* sic: ista vox *Ti* significat Regem, Principem, Rectorem. *Ti*, inquit, Doctor *Lin* libri *Chun Cien* Interpres, est is qui Imperium regit.

- L. 11. Interpres *Tray hin chay* in suo comm. *Su xumum yn*, ad proœmium libri scientiæ Adulterum: ista vox *Ti*, inquit, &c. ut supra in contextu.

- M. 12. Lib. Carm. tom. *Siao ya* odâ *Yuen Lien* sic: ille *Xam Ti* est terribilissimus ac perspicacissimus; non potest ad eum haberi accessus. Tum ibi Interpres *Chu hi*: ista bina vox *Xam Ti* indicat Imperatorem.

QUÆSTIO II.

An Deus apud Sinas possit appellari *Tien* seu Cælum?

Paragraphus I.

Generalis assertio de voce *Tien*, id est, Cælum.

Bræ-

PRæsuppositâ istius vocis *Tien Calum* apud antiquos & recentes Sinas significatione, quam supra fusè retuli;

Respondeo & dico: sicut apud Latinos Deus potest appellari Cælum; itâ videtur apud Sinas posse appellari *Tien*.

Prob. 1. Apud Latinos dicitur: Pater, peccavi in Cælum, & coram te. Luc. 18, pervenerunt peccata ejus usque ad Cælum. Apoc. 18. vocantur quatuor peccata in Cælum clamantia, quia vox & clamor eorum, ut dicitur in scriptura, pervenit ad Deum. Ibi vox *Calumo* pro Deo sumitur, & passimalibi. Apud Sinas dicitur: servire, litare, obedire *Tien* sive Cælo; revereri, timere, orare *Tien* sive Cælum; &c. ibi *Tien* sive *Calum*, ut supra vidimus, etiam pro Deo sumitur. Unde

Prob. 2. ex omnibus quæ attuli in toto capite 1. & cap. 2. quæst. 1. & 2. &c. ea recolere aut relegere, & satis clarè videbis *Tien* seu *Calum* pro Deo accipi.

Prob. 3. A longo usu: ex quo enim Missio Sinenfis fundata est à 100. & amplius annis, ista vox *Tien Calum* pro Deo semper recepta fuit, ut patet ex omnibus libris Christianis; nec unquam de ista voce *Tien Calum* inter Missionarios orta est controversia, sed paucissimis tantum abhinc annis unus, aut alter hanc controversiam excitavit, (qua de causa, aut occasione, mox dicam); licet de *Xam Ti* orta fuisset quæstio. Imò hunc ipsum usum probat sepulchralis lapis Illustrissimi & Reverendissimi D. Gregorij Lopez primi Nankinensium Episcopi, defuncti in urbe Nankinensi anno 1691. In hujus lapidis inscriptione præfatus Dominus vocatur *Tien hio chu Kiao*, id est Episcopus doctrinæ *Tien* Cæli; vocatur *Tien hio su to*, id est sacerdos doctrinæ seu Religionis *Tien* Cæli, nempe Dei. Dicitur *To Tien hio xu* vacasse libris doctrinæ seu Religionis *Tien* Cæli, nempe Dei; non enim agit ibi de Mathesi, aut cælo materiali. Ergo ibi ista vox *Calum* toties repetita accipitur pro Deo, seu cæli Domino; si enim acciperetur pro cælo materiali, aut ejus virtute materiali inscriptio esset falsa adeoque auferenda; vel potius ipse lapis sepulchralis effodiendus & auferendus non sine literatorum Sinensium Christianorum contradictione.

Prob. 4. Ab autoritate eorundem Sinarum, quos in quæstione præcedenti retuli; hi enim passim in libris *Tien Calum* pro Deo accipiunt; imò sæpiissime malunt uti istâ voce *Tien* quam vocibus *Tien Chu* seu cæli Domino ad Deum appellandum; quia vox *Tien* est elegantior. Præterquam quod gentiles Sinæ non satis capiunt, quid nos per istas voces *Tien Chu*

Chu intelligamus, nisi illis explicemus; quia istæ duæ voces sic junctæ non habentur in eorum libris classicis, illasque spectant ut non satis elegantes; sicuti ipsemet Imperator *Kam hi* semel interrogavit cur non alio elegantiori nomine Deum appellaremus? per vocem autem *Calum* sumptum pro cæli Domino longè faciliùs assequuntur quid nos velimus dicere, nempe summam & incomprehensibilem alicujus primi Entis & supremi Numinis excellentiam.

Probatur 5. Ab Autoritate Mahometanorum in China degentium. Certum est quòd Mahometani pro objecto sui cultûs non habeant cælum materiale seu visibile, nec quamdam cæli virtutem materialem eidem cælo insitam, sed supremum aliquem vivum ac intelligentissimum cæli, omniumque rerum creatarum Dominum. Atqui illi in China hunc explicant ac significant per vocem *Tien* & *Xam Ti*; ergo hæ voces sic sumptæ non significant apud illos cælum materiale. Minor probatur ex eorum libris dogmaticis sinicè impressis, quorum tres tantum afferro:

Primus dicitur *Chin Kiao chin chuen*, id est rectæ Religionis vera expositio. In hoc libro reperitur scriptum *Tien* Cælum simpliciter pro Deo novies; *Xam Ti* supremus Dominus pro Deo decies; *Tien Kim* Cæli Biblia quinques; *Tien Ly* Cæli ratio semel; *Tien mim* Cæli mandatum septies.

Secundus dicitur *Cim chin Kiao Kao*, id est puræ ac veræ Religionis examen. In hoc libro reperitur scriptum *Tien* Cælum simpliciter pro Deo bis & vigesies; *Xam Ti* supremus Dominus pro Deo semel; *Tien Kim* Cæli Biblia ter; *Kim Tien* colere Cælum septies; *Su Tien* servire Cælo bis; *Poy Tien* revereri Cælum ter.

Tertius dicitur *Su pien yao tao pion mun tien xue*, id est quatuor capitulorum doctrinæ valde necessariæ ad rudiorum captum explicatio. In hoc reperitur scriptum *Tien* Cælum simpliciter pro Deo semel; *Tien chi* Cæli decretum semel; *Tien mim* Cæli mandatum duodecies; *Tien Ly* Cæli ratio semel; *Tien Kim* Cæli scriptura seu Biblia ter.

Hinc igitur vides Mahometanos in China per vocem *Tien* & *Xam Ti* significare supremum ac vivum rerum omnium Dominum; Mahometanos, inquam, quorum multos & sinicarum litterarum gradibus & Magistratibus insignes, Litteratorumque Præfides videre est.

Prob. 6. Ab Autoritate Judæorum; multi enim sunt & Pekini & in Provincia *Ho nan*. De his P. Joannes Paulus Gozani Societatis JESU, in Metropoli præfatæ Provinciæ *Ho nan* dictâ *Kay sum* degens, 30. Junij anni

anni 1705. sequentia sic testatur : testor Judæorum Archisynagogum sinicè *Cham Kiao* (in ea quippe urbe Synagogam habent Judæi) hebræo nomine Phinees, cognomine sinico *Kao*, hodie coram me in meo cubiculo scripsisse nomina hebraica *Adam*, *Abraham*, *Hodoi* (nempe *Schaddai*) *Elohim*, & *Adonai* quod ultimum ipse pronuntiat *Ngetonos*. Secundò cum dixisset hæc tria Dei nomina *Hodoi*, *Elohim*, & *Adonai* à se & à suis Judæis sinicè explicari per vocem *Tien Cælum*, & *Tien Ye* cæli Dominum ; (*Tien Ye* & *Tien Chu* sinicè idem significant, nisi quod *Tien Ye* magis adhibeatur in vulgari sermone). Tertiò per vocem *Tien* & *Tien Ye* à se & à suis Judæis non intelligi cælum materiale, sed Creatorem cæli & terræ, qui Adamum primum hominem creavit, qui Abrahæ per Angelos circumcisionem præscripsit, qui dedit Legem Moyfi in monte Sinai, &c. ità præfatus Pater.

Hæc confirmant tria magna monumenta lapidea intra dictam Synagogam erecta sub diversis Imperatoribus, quæ continent compendium & elogium Legis Mosaicæ.

In primo monumento erecto sub Imperatore *Hum Chi* circa annum Christi 1487. legitur *Tien Cælum* pro Deo sexies ; *Kim Tien* colere Cælum quater.

In secundo erecto sub Imperatore *Chim Te* circa annum Christi 1511. legitur *Tien Cælum* pro Deo semel ; *Tien mim* Cæli mandatum bis.

In tertio erecto sub hoc Imperatore *Kam hi* anno Christi 1663. legitur *Xam Ti* supremus Dominus pro Deo semel ; *Tien Cælum* simpliciter pro Deo septies ; *Kim Tien* colere Cælum bis.

Deinde iidem Judæi Pekini dederunt Patribus Societatis JESU librum de sua Lege sinicè scriptum, quo domi ad instructionem utuntur, & cui titulus est *Mim Kiao Sin*, id est claræ Religionis brevis instructio. In eo libro legitur *Xam Ti* pro Deo semel ; *Tien* simpliciter pro Deo octies.

Ex his ergo patet à Judæis, quorum nonnulli & Bachelauri, & Licentiati, & Doctores, litterisque sinicis præstantes sunt, adhiberi in China vocem *Tien* & *Xam Ti* ad significandum Deum.

Probat 7. Ab Autoritate Sinarum Infidelium. Non tantum Judæi & Mahometani nunc adhibent istas voces *Tien* & *Xam Ti* ad significandum supremum Numen, sed etiam ipsi Sinae suæ sectæ litterariæ veri Zelatores idem præstant, quorum unum dumtaxat librum à paucis annis in urbe *Sum Kiam* Provinciæ Nankinensis contra nostram Religionem

editum affero. Ejus titulus est *Pie Si Yam Sie Kiao Lun*, id est prauæ Religionis Europæorum refutatio. Sic ille ait : esse unum supremum Dominum, qui in nostris libris classicis *Su Xu & I' Kim* vocetur *Tien & Xam Ti*, estne homo qui istud ignoret ? sed dicere illum incarnatum, hoc nimis rude & stupidum est. Ille est altissimus ; cùm cælum, terram, homines ipse producat, in cælis tonet, educat ventos ab extremis mundi, enimverò quomodo potuerit fieri homo, & indigna pati ?

Idem etiam probat quoddam diploma in favorem Religionis Christianæ quondam datum Patri Alphonso Vanhoni Societatis JESU Missionario à Gubernatore urbis *Kiam cheu* Provinciæ *Xan si* anno 1633 quando nondum exorta erat controversia de voce *Tien*, uti supra dixi. Ille Gubernator in suo diplomate utitur vocibus *Tien & Xam Ti* ad significandum nostræ Religionis Deum.

Recole insuper omnia quæ in præcedenti capite dixi de Authoribus modernis ; & præcipuè vide cap. 2. quæst. 3. in textibus num. 6. litterâ E. denique

Probatur 8. & ultimò. Deus potest appellari *Xam Ti*, uti jam in quæstione præcedenti probavimus & vidimus ; ergo etiam potest appellari *Tien* seu Cælum ; quia vocem *Tien & Xam Ti* sæpius pro uno & eodem solent Sinae accipere.

Nota ; dum dico : Deus potest appellari *Tien* Cælum, intelligo in modo loquendi ; id est dum dicitur ista vox *Tien* Cælum, per illam potest apud Sinas intelligi & significari Deus, sicut apud Europæos.

Atque hæc videntur sufficere ad dementrandum usum vocis *Tien & Xam Ti* pro significando vero & supremo cæli Domino, seu Deo in Chinâ hisce temporibus adhuc vigere, & Sinas alióque Chinæ Incolas per illas voces verè eum significare. Quidni ergo & Christiani in China non possint uti subinde iisdem vocibus ad eum exprimendum & significandum, præsertim cognitâ illarum tantâ utilitate, aptitudine, imò & necessitate ?

Objicies 1. Omnes libri & commentarij illorum Sinarum recentiorum sunt pleni Atheismo ; omnia enim referunt ad cælum materiale, aut ad ingentiam ejus virtutem materiale tanquam ad causam primam ; ipsique librorum classicorum commentarij ab hoc Imperatore *Kam bi* in lucem editi eodem etiam tendunt ; v. gr. in ejus commentario *Ge kiam xu kim* seu Annalium Imperialium tomo 2. cap. *Tao Tien* dicit in colendo Cælo nihil majoris momenti esse, quàm Kalendarium conficere, & cæli temporum

rum rationem habere. Ergo ista vox *Tien* Cælum, cùm pro re materiali communiter à litteratis Sinis nunc accipiat, non potest adhiberi ad significandum Deum.

Respondeo Neg. Anteced. Isti enim libri & commentarij, uti jam sæpe vidimus in capite secundo, agnoscunt pro primo rerum Principio aliquod Ens Spirituale seu Spiritum, quem modò per Causam unicam, modò per Rationem, modò per Excellentiam, modò per primum Terminum, modò per rem invisibilem & incomprehensibilem explicant, adeoque non ad cælum materiale, aut ejusdem virtutem materiale tanquàm ad causam primam omnia referunt; sive agnoscunt unum supremum Numen, quod omnia producit, regit & prospicit, quodque virtutem remunerat, ac vitia castigat. Atque isti commentarij ab hoc Imperatore *Kamhi* in lucem editi, uti alij, eò tendunt; nec ullus afferri potest textus aut locus in quo Atheismum doceat; imò frequenter varijs in locis designat claris verbis dari unum verum & supremum rerum omnium Dominum, maxime in toto decursu istius commentarij *Ge kiam xu kim*; utque etiam patet ex diversis istorum commentariorum locis jam sæpius à me citatis, & adhuc citandis.

Quod attinet ad textum in objectione citatum, hæc sunt ejus verba: cultus Cæli & regimen populi in Viro sapiente non tantum ex interiori cordis affectu procedit; sed ejus animus, quo Cælum reveretur, singulariter curat res Ephemeridum & Instrumenta pro motibus caelestibus faciendæ; ejusque animus, quo populis prospicit, singulariter curat dandam illis temporum distributionem, seu Kalendarium. Unde nil aliud ibi dicitur, quam quòd cultus Cæli & regimen populi non in solo interiori animi affectu consistat, sed etiam foras promanare debeat ad curandas res Kalendarij & motuum caelestium, atque ad dandam populis temporum distributionem.

Obijcies 2. Sinæ gentiles quando dicunt *Tien* Cælum, nihil aliud intelligunt quam vel cælum istud materiale ac cæreum, vel quandam ejus virtutem materiale.

Resp. Negando Assumptum. Sed intelligunt *Xam Ti*, Rationem, & similia quæ jam dixi non esse materialia.

Obijcies 3. Istæ voces *Xam Ti*, Ratio, & similes juxta illorum sensum sunt vanæ, & de subiecto non supponente.

Respondeo Negando Assump. Sed istæ voces supponunt pro Subjeto invisibili, spirituali, incomprehensibili, ubique existenti & omnia agenti. Vide eap. 2. quæst. 3. & alibi: postquam enim isti Sinæ recentiores omni mentis conatu in varias partes se verterunt ad explicandas illas voces *Ratio*, *Xam Ti*, *Cælum* & similes, tandem eò semper deveniunt, ut velint per illas significari aliquod primum Principium occultum, quod in recondita ac mysteriosa caligine assidue agit, omnia invisibili modo producit, omnia iustissimè regit: annon vere hoc Deus? an hoc fortè de subiecto non supponente? cælum enim materiale non est reconditum, occultum, invisibile; non est opus tantis ambagibus ad illud explicandum. Unde patet Cælum pro vero cæli Spiritu veròque cæli Domino ab illis sumi, adeoque Deum posse appellari *Tien Cælum*, seu vocem *Cælum* posse pro Deo accipi ac intelligi.

Paragraphus II.

Particularis assertio de duabus vocibus *Kim Tien*, id est revereri Cælum.

HArum duarum vocum controversarum origo hæc fuit: Imperator *Kam hi* anno sui Imperii decimo quarto, id est Christi 1675. singulari benevolentia visitans nostrum Pekinense Societatis JESU Collegium, ac Patrum cubicula; cùm esset in cubiculo Patris Ludovici Buglio, ipse arrepto penicillo has duas voces exaravit *Kim Tien*, id est revereri Cælum, easque dedit more Sinico in tabella publica exponendas. Pekinenses Patres statim eas apponi iusserunt in Ecclesia Pekinensi ad patefaciendum Imperatoris de nostra Religione animum atque existimationem. Deinde alij Patres Missionarij in alijs Provincijs degentes, easdem Pekino acceptas simili Tabellæ inscriptas appendi curârunt, alij in templi vestibulo seu potius anteriori hospitum atrio, alii intra ipsum templum. Lapsu temporis, advenientes novi Missionarii, Tabellam conspicati, ut fieri amat, nunc mirari, nunc despicere, nunc improbare eam in alijs etiam Patrum Residentiis apponi, quæ data fuisset tantùm uni Patri Ferdinando Verbieft, uti aiebant; nunc istarum duarum vocum sensum arguere, culpæ, reprobare; ac tandem eò devenit, ut diceretur
ab

donatoris benevolentia & existimatio; adeoque sunt tantum quædam dona honoraria. Sed quid vetat donum honorarium sive domi ad ornatum, sive in templo ad famam, (si nihil ad cultum pertineat) appendi? an etiam fortasse aliquis prohibebit in templo appendi capra Turcarum vexilla, vel alia dona tholis affigi? an quis arguit olim profanum S. Ignatii ensen in sacra montis Serrati Æde fuisse suspensum? quin imò ego, ut memini, vidi Namurci in Æde B. Virginis sacra antiquum parvum Idolum *Namen*, unde creditur Namurci nomen emanasse, relinqui ad memoriam intra lapideæ columnæ concavitatē. An fortè quis clamabit *abominatio desolationis in loco Sancto*? Sed hæc per auxesim dicta sint. Nam præterquam quod prædicta tabella seu inscriptio *Kim Tien* sit tantum donum honorarium, ut omnes norunt, qui Sinas norunt; & palam appendatur, non ut cultus signum exsistat, sed tantum ut doni existimatio appareat; etiam continet, uti vidimus, sensum sanctissimum & nostræ Religioni valde conformem.

Et quidem quod attinet ad locum templi, non tantum non indecens pro apponenda ista tabella, sed potius videtur quasi aptior quam quivis alius; quia iste locus templi clarius quam alius, & aliquo modo ex se indicat inscriptionem ibi appensam loqui de Deo Christianorum sat in China noto, ac præsertim ob inexistentem Christi Salvatoris imaginem; adeoque ex quacunque parte illam inscriptionem accipias, nullum apparet Idololatriæ nec vestigium nec periculum.

Denique ut magis adhuc veritas pateat, afferamus ipsiusmet Donatoris publica & authentica testimonia, quibus superius allata de vocibus *Tien* & *Xam Ti* efficaciter & comprobantur & confirmantur.

Paragraphus III.

Publica & authentica Imperatoris Tartaro-Sinici *Kam bi* Testimonia, quibus vocis *Tien* ac *Xam Ti*, & quorundam Rituum circa Defunctos contraversorum legitimus sensus declaratur.

Cum

Cum Patres Societatis JESU Pekini degentes viderent tanto ardore in China & in Europa inter Europæos controverti de vero ac legitimo quorundam Rituum ac vocum Sinicarum sensu, tandem communi consilio decreverunt supplicem libellum, qui has controversias contineret, conficere, illumque Imperatori, utpote & Legislatore & summo legum Rituumque Sinicorum Interpreti offerre, ut quis esset verus ac legitimus eorum sensus veraque ratio, declarare dignaretur. Itaque die 30. Novembris 1700. libellum supplicem in hunc modum publicè obtulerunt:

Libellus supplex, quem Præses tribunalis Matheſeos Philippus Grimaldi, Thomas Pereira, Antonius Thomas, Franciscus Gerbillon & cæteri Europæi venerabundi offerunt Imperatori, aliquid ab eo edoceri suppliciter postulantes.

Nos exteri vestræ Majestatis subditi accepimus viros Europæos qui litteras profitentur, audivisse dari in hac China ritus colendi Confucium, litandi Cælo, ac faciendi ceremoniam *Su* sive *cy* Majoribus defunctis; horum, inquit, procul dubio datur ratio ac causa; hanc singillatim addiscere exoptamus &c.

Nos Vestræ Majestatis subditi juxta id, quod angustissima nostra mens capere potest, arbitramur Confucio cultum exhiberi, non ad petenda ab eo bona, ingenium, dignitates, sed dumtaxat ob præclara, quæ ut hominum Magister reliquit, vitæ documenta. Deinde ceremoniam *cy* quæ defunctis Majoribus fit, proficisci ex intentione testandi suum erga Parentes amorem; nec juxta Sinarum, qui Virorum litteris excultorum doctrinam profitentur, ritus, illam explicari aut intelligi de postulatione alicujus auxilii, sed solum eam fieri ad explendam filialis observantiæ, quâ posteri Parentes defunctos recolunt, mentem; & quamvis erigant defunctorum Parentum tabellam, non tamen per hoc eos indicare defunctorum Parentum animas in ista lignea tabella residere, sed tantum exterius aliquod, quo posteri suis progenitoribus gratias agant, diuturnaque memoriâ illos recolant perinde ac si præsentés adestent, signum exhibere. Præterea quod attinet ad litaminis, quod Cælo fit in suburbano terræ aggere, ritus, arbitramur illud non fieri cælo cæruleo ac materiali; sed offerri primo cæli, terræ, ac omnium rerum Principio, Domino ac Rectori; illudque esse, quod Confucius sic ait: litandi Cælo ac Terræ ritus, est id, quo servitur cæli Domino ac Rectori seu *Xam Ti*, & hunc quidem

quidem modò cæli Dominum *Xam Ti*, modò Cælum *Tien* vocari, non secus ac vestram Majestatem, quæ non summus Dominus, sed modò sub *Gradibus* (id est sub Imperialis aulae gradibus ministrorum excubias agentium consuetum verbum, quo Imperatorem vocant), modò *Imperialis Aula* vocatur; quamvis nomina sint diversa, una tamen & eadem res significatur; huncque esse verum sensum istarum duarum vocum *Kim Tien* (id est revereri Cælum vel Cælum colito) quas vestra Majestas hisce annis præteritis dignata est propria manu exarare, nobisque largiri in publica tabula apponendas, existimamus. Nos igitur exteri vestræ Majestatis subditi, juxta imbecillum nostrum captum, hoc prædicto modo illis respondemus; sed cum ista pendeant ab his Chinæ moribus, non audemus particulari nostro judicio niti ac fidere; idcirco omni cum reverentia Vestræ Majestatem rogamus, ut nos edocere non dedignetur. Itaque nos exteri Vestræ Majestatis subditi summa cum veneratione ac demissione illius mandatum expectamus. *

Imperatoris *Kam hi* Anno 39. die 20. decimi mensis Lunaris, libellus in manus Imperatoris delatus, & ab ipso eadē die exceptū illius responsum his verbis: *ea que scripsistis, optimè scripta sunt, magnæque Viæ, (seu rectæ & communi omnium hominum Doctrina) penitus cobarent. Cælum colere, Principibus ac Parentibus inservire, Magistros ac Superiores revereri, ista est orbis universo communis consuetudo & sensus. Omnia, qua in hoc scripto continentur, verissima sunt; nec est, quod mutari aut emendari debeat.*

Ex hac ergo clara Imperatoris declaratione & per totum quidem Imperium divulgata, patet utrū possit adhuc Europæis relinqui controversiæ aut scrupuli locus, in sequendo rituum ac vocum Sinicarum sensu ab ipso met summo eorū Interprete, & aliis primæ notæ viris Sinis declarato; huic enim Imperatoris declarationi accesserunt Primatum ac primariorum Pekini Doctorum testimonia; nempe Fratris natu majoris ipsiusmet Imperatoris, impenso studijs & libris legendis dediti; Principis *So San*, qui decem; Principis *Mim*, qui quindecim; Magnatis *Tsan gha*, qui quatuodecim annis fuerunt primi totius Imperij Ministri seu Colai, Sinica eruditione præstantes; Doctoris & Colai *Cham Ym*, qui Imperatoris & filiorum ejus per multos annos extitit Magister; Doctoris *Han* Præsidis Collegij Doctorum Regionum sive *Han lin yuen*; ceteros omitto. Hi omnes non tantum ea, quæ in præfato libello suplice approbaverat Imperator, approbaverunt; sed etiam fusiori sermone & distin-

Chori-

Etioribus verbis tum significationem vocis *Tien* & *Xam Ti* usurpari pro Deo, tum Defunctorum cultum Sinensem nihil nisi politicam observantiam continere testati sunt. Illorum testimonia, quæ Pekini in Archivo Collegij Societatis JESU cum præfata Imperatoris declaratione asseruantur, hic singillatim recensere supervacaneum duco; quia cum jam sæpius typis excusa fuerint, facile est cuilibet ea videre.

Sed veniamus ad alia adhuc clariora Imperatoris testimonia circa vocis *Tien* significationem, adeoque & *Xam Ti*, quia *Tien* & *Xam Ti* solent ordinariè sumi à Sinis pro uno & eodem: quæ testimonia & Romæ habentur sigillis munita, & in Pekinensi ipsius Imperatoris Archivo asservantur.

Anno 1706. die 22. Julij. misit duos Aulicos *Hesken*, (alio nomine *Hen Kama*) & *Chao cham* ad Illustrissimum D. Patriarcham Antiochenum tunc Pekini versantem, (nunc Eminentissimum S. Rom. Ecclesiæ Cardinalem) jussitque per eos hæc illi dici: Vestræ Christianæ Legis homines dicunt *Kim Tien Chu* colere seu colito cæli Dominum, & Sinæ dicunt *Kim Tien* colere Cælum; diversæ quidem sunt voces; at sensus unus idemque est.

Insuper per eisdem hæc jussit dici dirigendo sermonem ad Dominum Appiani Interpretem Illustrissimi Domini Patriarchæ: Tu verò *Pi Tien Siam*, (Dominus Appiani sic in China vocabatur), tibi hoc nomen assumpsisti, quod sonat idem ac *Cæli similitudo*. Quid causæ est cur non voluisti nominari *Pi Tien Chu sim*, id est cæli Domini similitudo? (indicando quod ipsemet Dominus Appiani per vocem *Tien* in suo nomine intelligeret cæli Dominum, non cælum materiale; quandoquidem non vellet dici cæli materialis similitudo, sed cæli Domini seu Dei); sua est nimirum cuilibet regno consuetudo imponendi rebus nomina; nec dici potest propter nomina & voces diversam esse rationem & doctrinam. Deinde cum Illustrissimus Dominus Patriarcha per suum Interpretem respondisset, Europæos in China non uti vocibus *Tien Chu* nisi bene explicatis: & nos etiam, inquirunt, non utimur voce *Tien*, nisi pariter bene explicatâ jam à multis sæculis. Noster autem modus loquendi est longe latior quàm vester; quia vos eum tantum vocatis Dominum cæli; Nos autem Dominum cæli, terræ, animalium, plantarum, omnium denique viventium & non-viventium.

Postea die 2. Augusti ejusdem anni 1706. in colloquio quod habuit Imperator cum Illustrissimo D. Episcopo Cononensi in Tartaria, quò

L

cum

eum advocaverat, rursus idem testatus est coram suis Aulicis, multisque præsentibus Missionarijs tum sæcularibus tum Religiosis Societatis JESU sic: nonne tibi jam dixi, (alloquendo D. Episcopum Cononensem) *Tien* significare ipsum Dominum cæli, & esse longè pulchrius hoc Dei nomen, quam *Tien Chu*, aut *Tien ti uan ne chi Chu*, prout vos in China Deum appellatis? nam primū (nempe *Tien Chu*) non significat nisi Dominum cæli; secundum (nempe *Tien ti uan ne chi Chu*) Dominum cæli, terræ, & decem millium rerum. Sed vox *Tien* significat Dominum cæli, terræ, & universorum. Dic mihi, cur me compellant populi *Van sui* (id est decem millia annorum); hoc fieri nequit secundum vestram Religionem, quia ego non habeo decem mille annos. Hoc fit, respondit Dominus Cononensis, ad denotandum desiderium, quo optant ut Vestræ Majestati vitæ quàm longissimè extendatur. Cui Imperator: rectè dicis; hinc ergo discite in nostra China verba & ritus non esse intelligenda, ut merè sonant aut secundum speciem quam foris ostendunt.

Deinde sub finem ejusdem colloquij rursus sic: Jam pridem dixi *Tien* & *Tien Chu* (id est Cælum & cæli Dominum,) idem significare.

Imperator non contentus vivâ voce hanc vocis *Tien* significationem palàm & authenticè declarâsse; insuper eadem die 2. Augusti jussit scripto per dictos Aulicos *Hesken* & *Chao cham* juridicè intimari eidem Domino Cononensi. In hoc scripto sic ait alloquendo Dominum Cononensem: Ego Imperator ut viam tibi aperirem, dixi tibi *Kim Tien* colere Cælum, id ipsum esse quod in vestra Lege dicitis *Kim Tien Chu* colere cæli Dominum.

Præterea hoc scriptum jussit etiam juridicè intimari ac tradi Illustrissimo Domino Patriarchæ Antiocheno; cuique die 11. Augusti præfatus Aulicus *Hesken* tradidit.

Quid, quæso, potest aut magis clarè declarari, aut magis authenticè affirmari, aut magis juridicè intimari? Potestne adhuc superesse aliquis dubitandi locus de significatione istius vocis *Tien*? habentne Judices fortiores, efficaciores, evidentiores ac magis authenticas probationes, dum in civilibus & criminalibus causis ferunt sententiam? an fortasse aliquis malevolus aut Missionis Sinicæ obstinatus impugnator dicet hæc testimonia ab Imperatore extorta ac data ad placendum Patribus Societatis JESU? Enimverò Imperator volet coram tota sua Curia dare responsa absorta, absurda, falsa, scriptoque ea intimare, imò & in suo interiori Ar-

Archivo asservare, ut non solum nunc existentibus suis Sinis, sed & futuris appareat ignorans, adulator, ridiculus. Egregia sanè obiectio. De alijs ejusdem Imperatoris responsis ac testimonijs idem ser judicium.

Nihil igitur videtur posse his addi ad clariùs probandum ac demonstrandum id quod assumptimus, nempe istorum vocum *Tien* & *Xam* Ti significationem apud Sinas pro Deo sumi.

Deinde cum Testimonium Imperatoris, & aliorum de libello supplice suprarelato datum complectatur etiam ritus ac ceremonias, quas ad colendos Progenitores defunctos ac Magistrum suum Confucium adhibent Sinæ, apertèque declaret illas adhiberi ac fieri eo modo, ex quo manifestè infertur nihil nisi veram observantiam civilem continere, nihilque superstitiosum in eis latere; certè viderer sequentem, quem proposui Tractatum de ceremonijs Sinarum erga Defunctos, posse omittere, & hincalamum sistere; quia tamen proum est homini cupere scire, quid ipsimet libri Sinici de ijs dicant, quid præscribant, quamnam loca ambigua aut obscura contineant, quatinus difficultates pariant, idèò illum hinc subnecto.



154



TRACTATUS II. De Ceremoniis Sinarum erga Defunctos.

PROOEMIUM.

Immensus foret hic tractatus, si vellem omnia referre ac discutere, quæ libri Sinici præscribunt aut Sinæ faciunt ad colendos suos Parentes defunctos, ac Benefactores; si quis velit videre ex multis pauca, videat historicam Notitiam Rituum ac Ceremoniarum Sinicarum in colendis Parentibus, ac Benefactoribus defunctis; unde nè cogar hîc varia repetere, quæ illic dixi, ac tædio esse, ad illam remitto Lectorem. Hîc ergo tantum seligam præcipua quæ majorem controversiam pariunt eaque reduco ad tria Capita; 1. aget de lignea Tabella quam Sinæ Defunctis erigunt. 2. de parentali Edificio quod Sinæ Defunctis exstruunt. 3. de parentali Ceremonia quæ quam Sinæ Defunctis faciunt. Controvertitur autem an in illis aliqua superstitio reperiatur? itaque

A

CA.

CAPUT I.

De lignea Tabella, quam Sinæ Defunctis erigunt.

QUÆSTIO I.

An lignea Tabella, quam Sinæ Defunctis erigunt, sit superstitiosa ex fine suo intrinseco aut extrinseco, seu ex fine operationis aut operantis?

Paragraphus I.

Quædam generalia principia præsupponuntur.

PRæsuppono 1. cum superstitio juxta S. Th. 2. 2. q. 92. art. 1. sit vitium Religioni oppositum secundum excessum, prius statuendum esse quid sit Religio, & cultus religiosus, ut inde deducatur quid sit superstitio, & cultus superstitiosus, ejus nempe oppositum. Religio communiter definitur virtus infusa quæ DEO ut primo rerum omnium Principio debitus cultus exhibetur. Hinc ejus objectum materiale est debitus DEI cultus, nempe actiones DEO propter summam ejus excellentiam convenientes; formale objectum proximum est honestas in illis relucens; formale remotum, summa DEI excellentia; objectum cui ipse DEUS. Religiosus ergo cultus est actus à voluntate imperatus, v. g. adoratio, oratio &c. DEO conveniens propter summam ejus excellentiam. Hinc collige cultum creaturæ v. g. alicui Sancto exhibitum, non esse propriè actum Religionis, sed alterius speciei, nempe Dulix; non enim immediatè, & formaliter attingit summam DEI excellentiam, sed excellentiam creatam, seu sanctitatem per gratiam, quæ formaliter & immediatè reddit dignam honore & cultu personam, cui inest; hæc tamen creata Sancti excellentia, cum nihil sit aliud, quàm quædam participatio divinæ naturæ ex se ad DEUM tendens, ideò cultus, qui Sancto datur propter hanc sanctitatem, seu excellentiam supernaturalem, totus mediatè in DEUM refertur ac refunditur; estque perfectior, ac specie distinctus à cultu & honore Civili, qui alicui datur propter dignitatem, vel potestatem humanam. Suar. lib. 1. de Virtute Relig. cap. 8. & lib. 3. c. 5. & in 3. p. D. Th. tom. 1. q. 25. Disp. 52. sect. 2. & 3. Cultus ergo qui
nec

nec immediatè propter excellentiam increatam, nec mediatè propter excellentiam creatam supernaturalem ad DEUM refertur, sed tantum propter excellentiam, seu dignitatem creaturæ naturalem datur, est tantum Civilis.

Præsuppono 2. ex hac Religionis definitione, Superstitionem, utpote ejus oppositum, definiri vitium, quo DEO, ut primo rerum omnium Principio indebitus cultus exhibetur. Hinc ejus objectum materiale est indebitus DEI cultus, nempe actiones DEO propter summam ejus excellentiam disconvenientes vel ratione modi indebiti, cum DEUS colitur modo indebito, vel ratione rei cultæ, cum Creatura colitur cultu, qui est DEO debitus. Formale objectum, est disconvenientia cum summa DEI excellentia in istis actionibus relucens. Superstitiosus ergo cultus, est actus à voluntate imperatus DEO disconveniens propter summam ejus excellentiam.

Hinc collige cultum Creaturæ exhibitum, ut sit superstitiosus, debere esse talem, qualis DEO disconveniat propter summam ejus excellentiam v. g. petendo à Creatura auxilium, instructionem, directionem, quæ à solo DEO haberi potest; aut eam colendo, tanquam DEUM; similes enim cultus actus soli DEO conveniunt propter summam ejus excellentiam vehementissimèque illi disconveniunt seu adversantur, dum Creaturæ exhibentur; alioqui si ille cultus Creaturæ datus nullum ad DEUM habeat respectum, propter quem disconveniat summæ ejus excellentiæ, non erit superstitiosus.

Præsuppono 3. Bonitatem aut malitiam moralem actus humani, seu actus liberè exerciti specificari ab objecto. Vel enim objectum materiale est in se honestum aut turpe, seu conveniens aut disconveniens naturæ rationali quæ tali; & tunc objectum formale est illius honestas aut turpitudine intellectui repræsentata, & ab objecto ita repræsentato specificatur istius actus bonitas, aut malitia moralis; vel objectum materiale est indifferens ad honestatem & turpitudinem, seu ad bonitatem & malitiam; v. g. datio pecuniæ indifferens ad bonitatem eleemosynæ, & ad malitiam usuræ; Imaginis expositio indifferens ad bonitatem simplicis repræsentationis & ad malitiam Idoli; & tunc objectum formale est motivum essentiale, aut finis principalis, qui hoc objectum materiale determinat ad hanc, vel illam bonitatem aut malitiam in specie; atque etiam ab objecto ita repræsentato specificatur istius actus humani bonitas, aut malitia moralis.

Deinde nota, dum in hoc Tractatu discussio prædictas Controversias

4 *Tract. II. De Ceremoniis Sinarum erga Defunctos.*

Sinicas, me loqui de re licita in rigore Scholastico, non autem de communi praxi; multa enim ex iis, quæ hic refero, & retuli in historica Notitia Rituum ac Cereemoniarum Sinicarum, Sinenſes Chriſtiani in praxim non deducunt nec etiam ipſi Ethnici; imò nonnulla exoleverunt. Tantùm ergò diſcutio Ritus in Sinarum libris, qui paſſim ab iis teruntur, præſcriptos; inquirò, quæ utrùm ij ex ſe ſint liciti an illiciti? honeſti an turpes? civiles an ſuperſtitioſi? adeòque an data occasione vel neceſſitate poſſint Chriſtianis permitti necne! occasio enim, vel neceſſitas permit-
tendi aliquid extraordinarium Chriſtianis Neophytis inter Infideles ſæpiſſimè recurrit. Itaque

Paragraphus II.

Reſolutio Quæſtionis.

CUm hæc Tabella lignea ſit objectum indifferens ad bonitatem, & malitiam, debet ad hanc vel illam determinari ab objecto formali, ſeu à motivo & fine principali, vel alia ſimili circumſtantia, quæ ingrediatur rationem objecti formalis. Finis principalis aſſignatur duplex; alius intrinſecus ſeu operationis, eſtque ille quem ex ſe ſpectat Tabella; ſicuti finis operationis, quem domus ex ſe ſpectat, eſt habitatio. Alius extrinſecus ſeu operantis, eſtque ille quem ſpectat is, qui iſtâ Tabellâ utitur; ſicuti finis extrinſecus domûs eſt ille, quem ſpectat is, qui iſtam domum incolit. His poſitis

Dico 1. Non videtur illa Tabella lignea Sinicè *Mo chu*, eſſe ſuperſtitioſa ex fine ſuo intrinſeco. Probatur: finis illius Tabellæ intrinſecus ſeu actionis, ut vocant, eſt ille, quem Tabella ſpectat ex ſua primæva institutione; atqui hic non videtur eſſe ſuperſtitioſus; ex ſua enim primæva institutione ſpectat, ut ſit repræſentatio rei veræ, ſeu imago aut ſimilitudo rei veræ, nempe hominis defuncti.

Sed ſimilitudo rei veræ non eſt ſuperſtitioſa, ſeu idololatræ, quia Idolum ab Imagine in hoc diſtinguitur, quod Idolum ſit ſimilitudo rei falſæ, & Imago ſit ſimilitudo rei veræ; Bellarm. Lib. 2. de Imagini. Cap. 5. ergo non eſt ſuperſtitioſa ex ſua primæva institutione. Probatur verò, quòd ſit ſimilitudo, ſeu repræſentatio rei veræ: Olim aſſumebatur aliquis puellus, vel nepos, vel alius conſanguineus Defuncti (A) qui ut actor perſonatus hujus Defuncti Spiritum, ſeu ipſum Defunctum
refer-

referret: & Filius parentans eum colebat ceu Patrem defunctum (B); sed sicut tunc ille puellus actor, erat Defuncti imago, ita etiam Tabella lignea; nam hæc, & ille idem significabant, seu eundem repræsentabant (C) diverso modo; Puellus vivo, Tabella mortuo modo. Puellus tantum transcurter tempore Ceremoniæ cy, Tabella permanenter in parentali ædificio posita; faciendo enim Ceremoniam cy & Puellus & Tabella lignea simul adhibebantur (D). Sed sicut tunc Puellus actor non erat aliquid superstitiosum; utpote viva imago rei veræ; ita nec Tabella lignea. Jam verò cum non adhibeatur amplius ille Puellus actor (E), sed sola Tabella; non est ergo etiam superstitiosa; non enim mutavit suam primævam institutionem, ut patet ex recentibus antiquorum librorum Interpretibus; tantumque id habet amplius, quod nunc etiam pro illo Puella actore simul ponatur; ille autem Puellus actor ponebatur, ut signum aliquod visibile, in quo figi ac hære posset Parentantis animus; ita & lignea Tabella (F). Adeoque nihil ex sua institutione superstitiosum habet.

Hinc insuper infertur, quod nec illa Tabella paulò altior, quæ statim à morte erigitur apud sandapilam, sit superstitiosa. Quia sequitur eandem legem, ac hæc prædicta Tabella paulò brevior ac humilior, quæ tantum post sepultum cadaver erigitur, & domi aut in parentali ædificio collocatur (G). Nec ista serica animæ Fascia, ut vocant, quæ apud sandapilam Defuncti apponitur ab aliquibus Gentilibus, erit superstitiosa, quia significat idem ac hæc Tabella altior jam explicata (H). Imò ex sua exteriori figura repræsentat hominem (I), atque ita est solummodo quædam Defuncti imago, seu repræsentatio; sed sola defuncti imago, seu repræsentatio ibi sistendo, non est superstitiosa, ergo &c.

Dico 2. nec videtur illa Tabella lignea esse superstitiosa ex suo fine extrinseco, seu sine operantis. Probat: finis quem spectat utens illa Tabella, seu erigens illam Tabellam, est præcipue triplex: 1. ut super illa Tabella scribat parentis aut alterius Defuncti nomen, cognomen, magistratum, honorarium cognomentum, & sic ipse ac Nepotes diuturno tempore, illius Defuncti possint recordari (K). 2. ut habeat aliquod objectum, seu signum visibile, in quo figat animum, dum vult Parentum defunctorum recordari, illisque filialem observantiam, ac cultum parentalem præstare (L). 3. ut illi visibili signo reverentiam tum internam, tum externam exhibeat eo modo, quo communi Imagini exhiberi solet; ea

quæ dicuntur de religioso Imaginum cultu, proportionatè accommodando civili hujus parentalis Signi cultui; nimirum quamvis tota ratio & motivum reverendi sit dignitas prototypi, v. g. Patris; reverentia tamen tum in ipsum Signum parentale, tum in ipsum prototypum tanquam suum terminum fertur, sed diverso cultûs genere; inferiori, & respectivo, prout tendit in Signum parentale seu Tabellam ligneam; superiori & absoluto, prout tendit in personam Patris. Jam verò, cum iste Signi parentalis, seu ligneæ Tabellæ cultus nec sit actus religiosus; non enim immediatè in DEUM tendit propter summam ejus excellentiam; nec sit actus Dulix, quia mediatè in DEUM non refunditur propter communicatam aliquam excellentiam supernaturalem; nec sit actus superstitionis, quia in sola, & tali detuncti hominis reverentia sistitur qualis DEO non advertatur, aut disconvenit propter summam ejus excellentiam, ut infra patebit; restat igitur ut sit tantum actus civilis observantiæ. Itaque ex hoc triplici operantis fine Tabella ligneæ nullam contrahit superstitionem. Quod attinet ad originem hujus Tabellæ, eam esse antiquissimam patet ex libro Rituum, ubi ipsemet Confucius, qui vivebat ante Christum 500. & amplius annis, asserit priscos Imperatores jam illà usos fuisse (M); atque ita verisimile est eam esse coævam parentalibus Domibus, de quibus infra.

Textus Librorum.

- A. 1. Lib. Rit. tom. 4. Cap. 7. *Cem. isv uen* sic Confucius: post sepulturam peractam, oportet adhiberi Spiritum personatum; hunc Spiritum personatum debet agere nepos; si valde fuerit parvulus, jubeatur inter brachia gestari. Si nullus fuerit nepos, tunc potest assumi aliquis alius confanguineus; si quis autem in infanti, aut puerili ætate obierit, dum ei sit Ceremonia 77, non adhibetur Spiritus personatus, quia hominis adulti perfectam formam assecutus non fuit. Tum ibi Interpretes *chin hao*: pro homine adulto, qui perfectum exterioris formæ decus vivens assecutus est, oportet adhiberi Spiritum personatum, ut hanc perfectam Defuncti formam repræsentet; pro Parvulo autem defuncto non adhibetur Spiritus personatus ad faciendam ei ceremoniam 77, quia cum ob suam infantilem aut puerilem ætatem, perfectum exterioris formæ viri decus non assecutus fuerit, non habet quo repræsentetur; idcirco non adhibetur Spiritus personatus.

A. 2.

- A. 2. Lib. Rit. tom. 1. Cap. *Kio Li xam*. Parentans, inquit antiquus ritus, non filium, sed nepotem inter brachia assuxit; nempe ut sit Spiritus personatus.
- B. 3. Lib. Rit. tom. 8. Cap. 25. *Cy tum*: Parentalis ceremonie *cy* ratio exigit, ut defuncti Imperatoris pronepos, personatum ejus Spiritum agat. Ibidem Interpres *Chin hao* paulò antè sic: ille, qui personatum defuncti Imperatoris Spiritum agit, ex se est Imperatoris successoris subditus. Sed quia dum istam personam agit, repræsentat defunctum Imperatorem, idèò tanquam Imperatoris successoris pater colitur. Dum parentale palatium nondum ingressus est, tunc Imperator successor cum adhuc spectat ceu subditum (utpote nepotem); ubi verò ingressus est parentale palatium, tunc totam defuncti Imperatoris Majestatem prorsus repræsentat. Unde Imperator successor faciendo ceremoniam *cy* eum, ut defunctum Imperatorem ac Patrem veneratur, omnesque Subditi ac Filii partes adimplet.
- B. 4. Lib. Rit. tom. 1. Cap. 1. *Kio li Xam*, sic interpres *Chin hao*: olim in parentalibus ceremoniis *cy* omninò adhibebant personam, Spiritus seu Defuncti vices gerentem; ista autem persona erat Spiritus seu Defuncti imago, ac repræsentatio. Idcirco ceremoniæ *cy* præses, illi inserviebat, sicut Filius Patri.
- B. 5. Lib. Rit. tom. 5. Cap. 11. *Kiao te sem*: olim personatus Spiritus (nempe sub Imperio *Hia*) ubi nihil agebat, stabat; ubi aliquid agebat (v.g. bibebat, edebat &c.), tunc sedebat; iste Spiritus personatus seu Puer erat Defuncti imago ac repræsentatio. Præfectus *Cho* dictus, erat mandati delator, seu internuntius. Tum interpres *chin hao*: quum primùm Spiritus personatus ad stoream humi stratam accesserat vini scyphum præ manibus tenens; statim præfectus *cho* admonebat Parentantem, ut reverentiam illi exhiberet ad tranquillandum sedentis animum. Paulò pòst sic: quia ille Spiritus personatus repræsentabat eum, cui fiebat ceremonia *cy*; idèò dicebatur Spiritus seu Defuncti imago; quia autem iste præfectus *Cho* primò deferabat Parentantis verba ad Spiritum, & postea Spiritus (nempe personati) apprecatoria verba ad Parentantem, idèò dicebatur mandati delator, sive internuntius.
- C. 6. Lib. Rit. tom. 5. Cap. 11. *Xiao te sem* sic: ista vox *Xi* seu Spiritus personatus, significat *exponere* aut *instruere*. tum Interpres *Chin hao*: cum

8. *Traët. II. De Ceremoniis Sinarum erga Defunctos.*

cùm *Xi* seu Spiritus personatus sit Spiritus vel Defuncti imago, debet significare idem quod significat Tabella lignea; dum igitur liber Rituum hic vocem illam *Xi* explicat per vocem *exponere* aut *instruere*, est error.

- D. 7. Lib. Rit. tom. 9. Cap. 30. *Fam Ki*: in ceremonia *cy*, inquit Confucius, personatus Spiritus; in parentali domo, Tabella lignea habetur ad ostendendum populis, quod habeant cui cultum & obsequium præstent. Unde cultus & obsequium quod præstatur in componenda parentali Majorum defunctorum domo & in seruanda ceremoniæ *cy* reverentia, fit, ut populi edoceantur filialem diuturnæ memoriæ erga Parentes defunctos observantiam. Sed quamvis hoc freno ac lege coerceantur, etiam sic tamen defunctos Parentes adhuc oblivioni tradunt.

Dein interpres *Chin hao*: loco Parentum, inquit Doctor *Fam*, qui mortui erant, adhibebatur personatus Actor, qui illos viventes repræsentaret; loco Spiritus, qui delierat seu perierat, adhibebatur lignea Tabella quæ illum subsistentem adumbraret juxta id, quod libri antiqui & clausi i Sapientum dicunt: *ad ostendendum populis, quod habeant cui cultum & obsequium præstent.*

- E 8. Lib. Rit. tom. Cap. 7. *Cem tsu nen* sic interpres *Chin hao*: In Ceremonia *cy* ordinaria, postquam Parentans omnes inferuendi personato Spiritui ritus peregerat; tunc egrediebatur, & stabat extra portam; moxque Præfectus ceremoniarum seu lector, versa ad ortum facie, annunciando totum alimationis opus esse absolutum, foras deducebat Personatum Spiritum. Jam verò cùm non adhibeatur amplius Spiritus personatus, hic ritus exolevit.

- F. 9. Lib. Rit. tom. 2. Cap. 4. *Tan Kum hia*: ad faciendam ceremoniam *yu* sive tranquillitatis ipso sepulturæ die, constituitur Spiritus personatus, fultrixque mensula cum duplici storea exponitur. Et paulò antè sic sepulto cadavere, dum Parentans præsentat munera ad sepulturam, statim Ceremoniarum Præfectus *Cho* domum regressus reverenter excipit Puellum personatum, cui tranquillitatis ceremonia facienda est. Dein interpres *chin hao* sic sepulturâ peractâ excipiendo Spiritum (nempe personatum) domum redibat, scilicet Præfectus *Cho*; & meridiè in domus aula, in qua feretrum prius jacuerat, ei fiebat ceremonia *yu* ad illum tranquillandum (nempe à Filio parentante), si Defunctus

functus fuisset vir, vir agebat personatum Spiritum; si femina, femina. Personatus autem ille Spiritus, si velimus explicare quid esset, est idem ac Tabella lignea *Chu*; cum enim non cerneretur amplius parentis facies ac corpus, animus nihil habebat, in quo hæreret, & suum scopum figeret; idcirco constituebatur Spiritus personatus, & jubebatur Defuncti vestes induere, ut Filii obsequentis animus haberet aliquid, in quo hæreret, & suum scopum figeret.

G. 10. Lib. Rit. tom. 2. Cap. 4. *Tan kum hia*: hæc Tabella altior servat eandem legem, ac illa Tabella brevior quæ post sepulturam erigitur. Tum interpret *Chin hao*: pro viro litterato, inquit interpretatio Rituum, fit Tabella alta tribus cubitis: hæc statim à morte erigitur ad fulciendum seu repræsentandum Spiritum, vel Defunctum; quamvis autem non sit illa Tabella, quæ mox à sepultura erigitur, eandem tamen ac illa legem servat, eandemque rationem continet.

H. 11. Lib. Rit. domestic. tom. 4. de exponenda animæ Fascia sic: nunc ista animæ Fascia ex longo serici albi volumine conficitur instar cinguli in nodum collecti, quod vulgò vocant ejusdem cordis nexum. A parte superiori promicat caput; à duobus lateribus erumpunt aures; à parte inferiori reliqua dependent ad constituendos duos pedes; cum ergo habeat aliquam cum hominis figura similitudinem, videtur posse adhiberi, ut per illam fulciatur seu repræsentetur Defunctus vel Spiritus.

Deinde paulò infra: ubi primùm quis mortuus est, statim fit Tabella paulò altior ad fulciendum seu repræsentandum Spiritum, vel Defunctum; quamvis non sit illa alia Tabella brevior, quæ post sepulturam constituitur, eandem tamen ac illa legem servat, eandemque rationem continet.

Doctör *Lion kum* in suo libro de Ritibus existimat istam sericam animæ Fasciam adhiberi loco hujus altioris Tabellæ jam dictæ; Doctör autem *Chu hi* asserit eam accommodari temporum circumstantiis, nec nimis antiquitati inhærendum.

I. 12. vide hinc supra nom. 11. litterâ H.

K. 13. Lib. Rit. domestic. tom. 5. sic: Cadavere in sepulchrum illato, mox famuli mensam collocant ante Spiritûs, seu mortualem thronum, Sinicè *Lam Tso*. Lector seu Ceremoniarum Præfectus & scriba lavent manus; ille ex arcu educat ligneam Tabellam, illamque super mensam recli-

B

net;

net; hic in excavata interiori bifidæ Tabellæ facie scribat hæc verba: Imperante familia N. defuncti Præfecti N. cognomine N. vulgari nomine N. honorario nomine N. primogeniti (vel 2. 3. geniti) Filii Spiritûs vel defuncti Signum. Deinde super exteriorem bifidæ Tabellæ faciem hæc scribat: Præclari Patris Præfecti N. à morte cognominati N. domûs seu familiæ domini Spiritûs, seu defuncti Signum. Postea in finitro latere ad calcem hæc subscribat: obsequiosus Filius N. ad parentandum offerebat vel apponebat. Vide etiam hic infra num. 14. litterâ L.

Nota: apud plebeios passim hæc Tabella non est bifida, sed simplex, cum sola æra, cognomine, & nomine &c.

L. 14. Lib. *Pe hu tum*, seu communis Præfectorum litteratorum sensus apud libr. *Ven hientum kao* sic: ratio cur habeatur Signum parentale, seu Tabella, est quia Spiritus nullâ re nititur (nempè sensibili, seu est expert rei, quæ possit sensu percipi); hinc Filius obsequiosus animum suum isti Signo affigit. Tabella ex ligno constituitur; quia cum lignum habeat initium & finem vitæ, aliquam habet cum homine similitudinem. In illa scribitur Defuncti cognomen, nomen, cognomentum &c. quia volumus, ut postmodum ille dignosci possit.

L. 15. Lib. Rit. tom. 4. Cap. 3. *Cem tsu nen* sic: Cum ergo, inquit discipulus *Cem tsu*, prisci Imperatores in bellum proficiscentes non transferrent secum ligneam Tabellam, in quo, quæso, animum suum figebant? in iussu, reponit Confucius. Quid, precor, hoc significat, subjicit *Cem tsu*? Imperator, inquit Confucius, aut Regulus in bellum profecturus, assumpto serici volumine & pellitâ honoris tesserâ, in parentali palatio de sua protectione defunctos Avos admonebat; dein collocatis hoc volumine & tesserâ in aureo curuli, iter aggregabatur. In singulis refectionibus, epulas ante illa apponebat. Domum reversus, statim Avos defunctos de suo reditu admonebat, & epulas apponebat. Denique collectum sericum volumen ac tesseram, binarum inter scalarum gradus defodiebat, & tunc abibat. Ad eò magni faciebat Avorum iussu.

M. 16. Lib. Rit. tom. 4. Cap. 7. *Cem tsu nen* sic: Olim, subjungit discipulus *Cem tsu*, Reges in bellum proficiscentes, secumne transferbant parentalis domûs Tabellam ligneam? cui Confucius: Imperator visitans Regulorum Regna, in aureo curuli secum transferebat

bat antiquioris Avi Tabellam; quia nimirum ea in re avitam normam venerabatur.

QUÆSTIO II.

An lignea Defunctorum Tabella sit superstitiosa ex
fine cui?

Paragraphus I. Resolutio quæstionis.

Hic voco finem *cui* Defuncti Spiritum, cui erigitur illa Tabella. Quæritur an Sinæ illam Tabellam erigant, ut Defuncti Spiritus seu anima in illa resideat?

R. & dico: non videntur Sinæ litterati, de quibus est quæstio, erigere illam Tabellam ligneam, ut Defuncti Spiritus seu anima in illa resideat, adeoque illa est tantum signum defunctorum Parentum memorativum, non Spiritus receptivum. Probatur: vel defuncti Spiritus in illa *semper* resideret, vel tantum *aliquando*. *Primum* non potest dici; quia dum quis moritur, vitalis animæ aura in Cælum redire, corporis figura, seu materialis compositio in terram reverti dicitur (A). Imperator *Yao & Xun* morientes dicuntur in Cælum subisse; imò quotiescumque Imperator moritur, dicitur aut in Cælum aut longè ascendere (B); ergò tunc non residet in Tabella altiore, quæ statim à morte erigitur ad fulciendum Spiritum, id est ad representandum; adeoque nec in alia breviori quæ post sepulturam erigitur; quia utraque sequitur eandem legem, sicut jam dictum est. Deinde dicitur defuncti Principis *Ven nam* Spiritus esse in Cælo, & semper aditare cæli Domino (C); uti & de pluribus aliis dicitur (D); cum ergò Spiritus sit in Cælo, non residet in Tabella; naturaliter enim repugnat esse in duobus locis.

Nec dicas per vocem *Cælum* intelligi totum aëris spatium, in quo spatio etiam existit Tabella, adeoque & Spiritus; hoc enim dici non potest; quia dum Imperator moritur, dicitur ejus Spiritus ascendisse & abuisse valde longè, unde non reditur (E). Ergò si longè, nec illinc redeatur, non est in Tabella. Hinc sequitur, quòd nec etiam *secundum* dici possit, quia si Spiritus aliquando in Tabella resideret; maximè resideret, dum

illi fit Ceremonia *cy*; sed dum illi fit Ceremonia *cy*, non residet in Tabella, Probat: Parentans faciendo istam Ceremoniam, quærit, ubi existat Spiritus, nec scit ubi existat; & coram Tabella in diversis locis ei facit dictam Ceremoniam; quia nescit, ubinam sit (F). & finis hujus Ceremoniæ sic faciendæ intentus ab Institutore, est, quia nescitur Spiritus locus (G). Ergo dum fit Ceremonia *cy*, Spiritus non residet in Tabella; quia si resideret, sciretur ejus locus nec tantis ceremoniis quæreretur. Deinde postquam antiqui illi Sinæ Ceremoniam *cy* fecerant defuncti Principis *Uen nam* Spiritui existenti in Cælo, statim currebant ad ligneam ejus Tabellam exstantem in parentali ædificio (H). Ergo si Spiritus erat in Cælo, non erat in lignea Tabellâ, diverso nempe loco; nisi dicas eum statim cucurrisse ab uno loco ad alium; quod certè absurdum est. Sed de hoc rursus infra.

His adde testimonium Imperatoris *Kambi* & aliorum Primatum ac Doctorum Sinenfium in fine primi Tractatus supra relatum, asserentium Sinas non credere animas Defunctorum residere in Tabellis. Unde patet Tabellam istam ligneam non esse Spiritus Defuncti locum, sed solummodò signum repræsentativum.

Nota: non mirum videri debet Sinas non scivisse quo in loco essent Animæ post mortem; cum tanta fuerit apud ipsos uet. Christianos etiam longò post Christum tempore, hac de re contentio; ut patet ex his verbis Bullæ Benedicti XII, quæ incipit Benedictus DEUS: *quod cum esset magna concertatio de hac re* (scilicet de loco & statu Animæ Justorum post mortem) & Joannes XXII. ad decisionem controversiarum hujusmodi se pararet &c. *Morte præventus perficere non potuit. Et præcipuus*, ait P. Thomas à JESU tom. 1. Lib. 6. Cap. 6. *Græcorum aliorumque Schismaticorum error, ut ex Concilio Florentino, & D. Thoma opus. 3. Cap. 9. constat, ille fuit, ut assererent nec Beatorum Animas ante extremi judicii diem Beatitudine frui, nec Impiorum inferni igne puniri.* Sic etiam Lessius de summo bono Lib. 3. Cap. 1. *Quidam, inquit, ex Veteribus putarunt beatitudinem Animarum differi usque ad tempus Resurrectionis, & in terra eas detineri in abditis quibusdam receptaculis ac promptuariis, donec resumptis corporibus simul Coronam accipiant, ut in Cælum transferantur.* Postea verò præfatus Benedictus XII. Anno Christi 1336. hanc rem tandem definivit in citata Bulla, scilicet Animas Justorum esse in Cælo, ac videre Deum post mortem ante corporum Resurrectionem; & deinde Concilium Florentinum ac Tridentinum condemnans Græcorum errorē, idem definivit, Quid

Quid igitur mirum, si tunc Sinæ tam anxie perquirerent, quoniam in loco forent isti Defunctorum Parentum suorum Spiritus sive Animæ, ut adhuc aliquod externum suæ Filialis observantiæ argumentum possent dare?

Paragraphus II.

Solvuntur objectiones.

Obicies 1. sæpissimè dicitur illa Tabella tum altior, tum humilior erigi ad fulciendum Spiritum (I.) ergò Spiritus eâ fulcitur, & in ea residet.

Resp. 1. Neg. Antec. Quamvis enim ista vox Sinica y, supra quam fundatur objectio, subinde significet *fulcire*, & *inniti*; tamen significat etiam *repræsentare*, *referre speciem*, *per similitudinem aliquid indicare*, uti Dictionarium Sinicum expresse habet his verbis: *ista vox y significat fulcire aut inniti; significat etiam repræsentare, aut speciem referre; insuper significat per similitudinem aliquid indicare* (K). Cum ergo vox y ista omnia significet, potest hîc sumi pro *repræsentare*, & non pro *fulcire*; imò & fortè debet juxta mentem Sinarum, & finem intentum Rituum Parentalium; adeoque Libri Sinici per istam vocem y, aut similem, in hac materia nihil aliud videntur realiter significare quàm aliquam repræsentationem.

Resp: 2. Dist. Ant. Ad fulciendum Spiritum realiter existentem Nego; intentionaliter existentem, id est, ad eum in mente repræsentandum Concedo. Ille ergo modus loquendi videtur posse sumi dupliciter:

1. pro Parentantis objecto sensibili, Spiritûs insensibilis repræsentativo, quasi illum Spiritum fulciret, sustentaret, aut sensibilem redderet seu repræsentaret, ita ut Parentantis animus habeat aliquem scopum sensibilem, in quem tendat, in quo hæreat, & cui suos cultus respectivè exhibeat (L). Unde ille Spiritus personatus, de quo supra, dicebatur etiam constitui ad fulciendum Spiritum, id est ad repræsentandum modo jam dicto; ideoque induebatur Defuncti vestes, & ut magis repræsentaret Defuncti speciem, ordinariè assumebatur ejus Nepos, qui *quasi*, inquit, illum fulciret sive illum repræsentaret, nempe Nepos Avum sæpius habens aliquam naturalem cum illo similitudinem; adeoque non realiter existentem repræsentans (M). Nec ullo modo est credibile eos putasse Defuncti Spiritum in illo Puella actore residere; dicunt enim, quòd ille
Puer

Puer juberetur indui vestes Defuncti, non tantùm ad fulciendum seu repræsentandum Spiritum vel Defunctum; sed etiam ad figendam mentem, non secus ac si illic Spiritus seu Defunctus adfuisset; & ad tenendam illam sinceritatem ac veritatem, perinde ac si illic adfuisset (N). cùm dicant *perinde ac si adfuisset*, non ergo illic aderat, adeoque ab illo Puerò realiter non fulciebatur, sed tantùm repræsentabatur. Præterea ille Puer actor adhibebatur ad repræsentandam perfectam viri adulti speciem ac formam quam Defunctus in vita habebat, ideoque faciendo Ceremoniam *cy* Defuncto parvulo, qui in vita non affectus fuerat perfectam viri formam, non adhibebatur Puer actor (O). Cùm igitur faciendo Ceremoniam *cy* Defuncto parvulo, tunc Spiritus non fulciretur Puerò actore, (nullus enim adhibebatur) clarum est ab Antiquis non assumptum fuisse illum Puerum actorem ad fulciendum realiter Spiritum, sed solum ad referendam perfectam viventis speciem; adeoque nec nunc ligneam Tabellam istius Pueri personati, ut suprà dixi, vicariam, ad id adhiberi. Deinde ad quid tantis vicibus inter Parentandum quærere Spiritum, si putassent innixum fuisse isti Puerò actori? (P).

2. Potest sumi pro repræsentatione mensulæ fultricis, seu humilis & parvæ mensæ, cui sedendo & comedendo innitebantur Sinæ, olim humi super storeas sedentes (Q). Cum enim in Defunctorum Ceremoniis *cy* adhiberent Puerum actorem, illique stoream ac mensulam fultricem, cui innitebatur, cum cibo ac potu apponerent, perinde ac si foret Pater adhuc vivus (R); cùmque nunc nec Puer actor, nec mensula fultrix ampliùs adhibeatur, sed solum Tabella lignea utriusque vicaria; ideo modus iste loquendi translatus esse videtur ad hanc Tabellam. De epulis, quæ quotidie manè & vespere ante Defuncti sandapilam apponuntur, sic dicitur: quia Spiritus figurâ & formâ sensibili carent, ideo illæ epulæ apponuntur ad eos fulciendos seu repræsentandos (S). Scilicet ad exhibendum aliquod objectum sensibile, in quo illi repræsententur, tanquam si forent adhuc in hac vita mortali mensæ accubentes. Unde vides per istas voces *T Xin fulcire Spiritum*, uti Europæi vertunt, Authores Sinicos nihil aliud realiter significare aut indicare, quàm aliquam sensibilem rei insensibilis imaginem, ac repræsentationem; non verò reale & physicum fulcimen.

Objicies 2. Quando larvata quædam turba veniebat ad effundendos

gandos Spiritus morbiferos, ut habet Liber Rituum, Confucius aulicâ veste indutus in orientalibus domesticæ scalæ gradibus stans se prodebat, servando aut tranquillando Parentalis conclavis Spiritus, seu Defunctos; & juxta interpretationem *Chin hao*, verebatur enim, ne Parentalis conclavis Defuncti seu Spiritus terrerentur; ideoque aulica veste indutus stabat ad eos servandos aut tranquillandos, efficiendo ut hi sibi inniterentur ac tranquillarentur (T); ergo Defunctorum Spiritus residebant realiter in Parentali conclavi, nempe in Tabella illic posita.

Resp. 1. Doct̃or *Chu bi* asserit istius larvæ turbæ circumcurſationem redoluisse actionem histrionicam; Confucium autem aulicâ veste indutum tunc se videndum præbuisse, ut ostenderet ubique se veram servare reverentiam (T). Deinde quotidiana Imperatoris *Kam bi* explicatio ad eundem textum sic etiam habet: quamvis iste Ritus esset antiquus; valde tamen similis erat actioni histrionicæ. Confucius autem domi degens, dum occurrebat illi sui loci turbæ agenti istam expellendorum morbiferorum Spirituum Ceremoniam, ipse ad reverendum Principis jussum seu legem (nempe priscum Ritum in antiquo Rituali Imperii *Chen* præscriptum), induebat vestem aulicam, & stabat ad orientales gradus scalæ, ut servaret domestici Heri statam urbanitatem, dum illi larvati homines in suam domum veniebant (X). Adeoque nihil ibi ad realem Spirituum in lignea Tabella existentiam.

Resp. 2. Liber Sententiarum, qui continet etiam istum Libri Rituum textum, non habet hæc ultima verba, *Servando aut tranquillando Parentalis conclavis Spiritus* (Z); Liber autem Sententiarum longè pluris fit à Sinis, quàm iste Liber Rituum, quem variis falsis ritibus ac mendis immixtum ipsimet affirmant (W). Deinde quid per istam Ceremoniam antiquissimi illi homines intelligerent, quis potest scire?

Resp. 3. quoad illam interpretationem: *verebatur enim, ne Parentalis conclavis Spiritus, seu Defuncti terrerentur*, ipsemet Interpretes *Chin hao* ait illam esse veterem, nempe imperfectam aut exoletam explicationem, eamque non ut suam affert. Idem dic de Interprete *Cham kiu chim*, qui ista etiam habet, Ceterum fortasse dici posset Confucium illo modo agendi voluisse defunctis Parentibus observantiam deferre, sicut vivis detulisset; si enim in vivis tunc egissent, nè fortè ab illa tumultuosa & larvata turba territi, aliquem morbum aut anxietatem contraxissent; ipse suam aulicam vestem tanquam auctoritatem habens, assumpsisset ad confirmandum aut tran-

tranquillandum Parentum animum. Denique potest valde dubitari de hujus tacti veritate, ut in China audiui.

Objicies 3. Dictionarium dicit illam Tabellam erigi, ut Spiritus in ea colligatur aut resideat (Y).

Resp. 1. Negan-to haberi ista duo verba in ea.

Resp. 2. Dist. Aff. Dicit illud juxta mentem Sinarum literatorum Nego. Juxta mentem Sectariorum idololatrarum, qui tres animas fingunt, unam scilicet quæ metempsychosim subit, alteram quæ sepulchrum custodit, tertiam quæ domi in Tabella aut ad Tabellam remanet, Transeat. Non esse autem eam Sinarum literatorum mentem, inde infero, quia in nullis libris classicis istam explicationem reperire est.

Dixi *Transeat*: quia iste locus non significat, ut Spiritus colligatur, aut resideat in Tabella; sed ut colligatur aut resideat in mente Parentantis; uti habetur clarè in libro infra citato (AA).

Objicies 4. Ceremoniæ *cy* die, inquit Liber Rituum, quum primùm Filius parentans ingressus est parentale conclave, statim Parens tanquam effigie expressus se prodit in Spiritûs Signo, seu in Tabella lignea (BB); ergò faciendo Ceremoniam *cy*, ibi existit Spiritus.

Resp. Dist. Ant. Se prodit per imaginationem Parentantis Concedo. se prodit per realem sui existentiam Nego. Idcirco Interpres ibidem sic ait: *se prodit in Spiritûs Signo*, id est, tanquam videret Filius suum Parentem in Spiritûs Signo existentem (CC). Id ergo tantum fit per imaginationem Filii sibi Patrem velut præsentem representantis, ut patet ex textu antecedenti, & consequenti. Sed de hoc rursus infra in Cap. 3. quaest. 4.

Objicies 5. Illa Tabella inscribitur *Xin goei*; atqui illa vox *goei* significat *sedem* aut *Thronum*, nempe Spiritûs seu Animæ Defuncti *Xin*; ergo aliquando in ea residet Anima.

Resp. Neg. Minorem. Ista enim vox *goey* non significat sedem, sed signum seu objectum erectum. sic clare Dictionarium Sinicum: ista vox *goey*, inquit, significat directionem, dispositionem, regimen; & quicquid erigi, aut stare debet, dicitur *goey* (DD). Similiter una storea supra alteram disposita olim vocabatur *goey*, seu objectum dispositum vel locus designatus (EE). Unde loca quæ unicuique in aliquo congressu designantur, vocantur *goey*, nempe loca designata (FF).

(FF). Et passim in istis Parentalibus ritibus, dum dicitur accipiat suum locum, redeat ad suum locum, ponatur in suo loco, &c. Istud nomen *locus* exprimitur semper per vocem *goei*. Denique vox *goey* significat etiam Personam. Non ergo *goei* significat sedem; sedes enim Sinice dicitur *y*, seu *y isu*.

Hinc x, collige: dum dicitur Spiritus signum seu objectum representativum, non intelligitur Spiritus ibi existens, sed Spiritus ibi representati Signum. Interpres *Fam* agens de Spiritus Signo seu objecto representativo, Sinice *goey*, ut jam dixi, quod à Regulo erigitur, sic ait: Spiritus caret loco; cum autem careat loco, etiam caret Signo. Quod igitur dicitur Spiritus Signum, est tantum illud quod homines ei attribuunt; idcirco dicitur illud constitui, seu erigi; ubi erectum est, tunc id habetur (GG). Unde patet illud Spiritus Signum sumi intentionaliter pro Spiritu ibi representato, non pro Spiritu ibi existente.

2. Collige: five ergo in Tabella lignea post Defuncti nomen & cognomen, scribatur *Xin guei*, id est, Spiritus vel Defuncti Signum; five scribatur tantum *guei*, id est, Signum seu objectum erectum, utrumque ad idem redit; nec illa vox *Xin*, quæ significat Spiritum aut Defunctum (HH), aliave similis adjuncta voci *guei* immutat Tabellæ essentiam, vel aliam illi indit significationem, ita ut propter illam vocem supradictam reddatur Tabella vitiosa, ac superstitiosa; satius est tamen Christianis (ut, quantum possunt, nullâ omnino sectariis Idololatriæ dent occasionem cogitandi animam illic residere) illam vocem *Xin* aut similem omittere, sed tantum scribere vocem *guey*, vel potius vocem *chu*. Illa enim vox *guey*, agendo de Defunctis, vix reperitur in libris antiquis & classicis; sed fere semper reperitur vox *chu*, quæ, ut dixi, significat sensibilem animi scopum, seu signum visibile, in quo animus figitur (II).

Objicies 6. Ista lignea Tabella quandoque vocatur *Xin isô*; atqui vox *Xin* significat Spiritum, ut dictum est; & vox *isô* significat thronum; ergo illa Tabella significat Spiritus thronum, adeoque indicat Spiritum illic residere.

Respondeo Neg. Majorem. Nunquam enim illa Tabella vocatur *Xin isô*; sed locus, in quo Tabella collocatur aut apponitur, vocatur *isô* seu thronus; & hoc clarè habetur in libro *Ta mim boei sien* his verbis: Imperator accipiens ligneam Spiritus seu Defuncti Tabellam *chu*, eam deponit in throno *isô*; & idem liber alibi describens dispositionem quatuor Parentalium thronorum pro quatuor generationibus

nibus Imperatorum, sic ait : in quolibet throno, Sinicè *tsò*, exponitur tantum vestitus, & corona (nempe Imperialis); non verò apponitur lignea Tabella (KK).

Id etiam clarè dicit liber *Ka li* tom. 6, his verbis in Ceremonia *cy*: Ceremoniarum Præfectus extrahat è throno, Sinicè *tsò*, ligneam Spiritus seu Defuncti Tabellam. Ex paulò post ibidem in Ceremonia *Fu*, sic: eatur in Parentalem vel Ceremonialem aulam, Sinicè *Tsu tam*; extrahatur Spiritus seu Defuncti Tabella, ac deponatur in throno *Tsò*. Unde enormis est hallucinatio accipere illam Defunctorum Tabellam pro ejus loco, sive pro loco, in quo ipsa ponitur.

Nota 1. Etsi Sinae existimarent animam in lignea Tabella residere; non idè tamen præcisè, abstrahendo ab illius cultu, de quo postea, dicendi essent superstitiosi, sed errantes in Fide; error in Fide sive infidelitas opponitur virtuti Theologicæ, non morali; id est opponitur Fidei, non Religioni; sicut Calvinista existimans Christi Corpus non residere realiter in sacra Hostia, non dicitur superstitiosus, sed hæreticus; ita Sina existimans Defuncti Animam residere realiter in lignea Tabella, non est dicendus superstitiosus, sed Ethnicus; atque ita ex illo tantum capite nulla oritur superstitio, nec ista Tabella sub isto respectu infidelitatis potest dici superstitiosa; sed tantum sub respectu cultus indebiti vel debiti, quo illa afficitur, contrahit superstitionis, vel non superstitionis notam. De hoc autem cultu agetur in Cap. 4. inquisivimus tamen hinc, utrum ex ista parte esset superstitiosa; quia illa sic representata, facile potest esse objectum cultus superstitiosi.

Jam verò utrum Ethnicus, qui errore quidem crederet animam Patris v. g. in lignea Tabella residere, sed nullum alium ei cultum exhiberet, quàm illum, quem Christianus Patris sui Ethnici animæ, credens eam in Inferis residere, exhibet propter meram Patris dignitatem & excellentiam, nullam in ea potestatem agnoscendo, nisi humanam; nihil ab ea petendo, postulando, sperando; sed merè ei inserviando, sicut ei inserviebat in hac vita mortali; utrum, inquam, ejusmodi Ethnicus committeret superstitionem? speculativè loquendo, videtur nec vel sic commissurus superstitionem. Quia ut aliquis actus sit superstitiosus, debet disconvenire DEO propter summam ejus excellentiam, vel ratione modi indebiti, quo DEUS ipse colitur, vel ratione rei cultæ eo cultu, qui sit DEO debitus; sed ille Ethnicus nec colit DEUM modo indebito,

bito, cùm suum cultum nullo modo ad DEUM referat; nec colit Creaturam eo cultu, qui DEO debeatur; tantùm enim animam Patris colit, sicut Patrem colebat in hac vita; cultus autem, quo Pater colitur in hac vitâ, non est ille, qui Deo debetur, vel qui disconveniat Deo propter summam ejus excellentiam; ergo iste Ethnicus sic colens patrem defunctum, non committit superstitionem. Lignea Tabella prout subflaret tali conceptui, esset quidem imago, seu repræsentatio rei quoad locum falsæ, sed non rei quoad naturam falsæ, quam tantùm humanam agnoscit ille Ethnicus, adeoque nec esset falsi Numinis imago, seu Idolum. Locus enim extrinsecus non immutat naturam rei, in quam tendit ille cultus. Sed hæc pauca indicasse sufficiat; nam ipsi Sinæ Gentiles, qui Litteratorum virorum doctrinam profitentur, ut vidimus, non admittunt Defuncti animam in lignea Tabella residere, atque ita ex omni parte non videtur illa aliquid superstitionis continere.

Nota 2. me hic locutum fuisse in hypothesi, in qua supponuntur Sinæ credere Animas post mortem adhuc subsistere; an verò credant animas post mortem adhuc subsistere, nec statim perire, id videbimus in Cap. 3. quia si credant Animas cum corpore perire, nec amplius subsistere, tunc frustra quæritur, an in lignea Tabella resideant? an illi innitantur? quod enim non est neque subsistit, non potest in ea residere nec illi inniti. Sed de hoc vide adhuc in Cap. 4. quæst. 4.

Textus Librorum.

- A. 1. Lib. Rit. tom. 5. Cap. 11. *Kiao te sem* sic: Animæ æter, seu vitalis Animæ aura in cælum, & corporis figura seu materialis compositio in terram revertitur.
- B. 2. Lib. Annal. Imper. tom. 1. Cap. *Xuntien* sic: Imperator *Yao* 28 annis post commissam Principi *Xuntotius* Imperii administrationem, tandem obiit, sinicè *Tsu lo*, annos scilicet natus jii. Tum Interpres *Tsay xin* sic: quia dum quis moritur, vitalis animæ aura redit in Cælum, ideò dicitur *Tsu*; & quia corporis compositio seu substantia in terram revertitur, ideò dicitur *Lo*, id est *cadere*. In eodem Capite de Imperatore *Xun* moriente sic refertur: moriens subiit longè. Tum Interpres *Tsay xin*, quotiescumque, inquit, aliquis Imperator moritur, dicitur *subiit*, id est, in Cælum subiit.
- C. 3. Lib. Carm. tom. *Ta ja*, odâ *Ven nam* sic Interpres *Chu hi*: hæc oda

20 *Traët. II. De Ceremoniis Sinarum erga Defunctos.*

dicit, quòd postquam Princeps *Ven nam* obiit, ejus Spiritus existat sursum; & clarissimè in Cælo resplendeat. Et paulò post: cùm Principis *Ven nam* Spiritus in Cælo existat, idcirco sive ascendat, sive descendat, est semper à dextris & à sinistris cæli Domini, seu *Xam ti*.

D. 4. Lib. Carm. tom. *Ta ja*, odâ *Hia Vu*: tres Principes (nempe *Tay nam*, *Ky nam*, *Ven nam*), existunt in Cælo.

D. 5. Lib. Annal. Imper. tom. 5. Cap. *Chao kao* sic: complures istius Imperii *ym* Imperatores, olim sapientiâ inclyti, in Cælo existunt.

E. 6. Lib. Rit. tom. 1. Cap. 2. *Kia tsia* sic: in denuntianda Imperatoris morte, adhibetur hæc verborum formula: Imperii Rector ascendit *Kia*. Quid autem ista vox *Kia* significet, sic ibi ait Interpres *Chin hao*: putat Interpres *Lin* legendum esse *Ke*, non *Kia*; id est, appellere, pertinere, penetrare; uti in libro mutat. ac product. Symbolo *Tsui* dicitur: Imperator (nempe vivens) appellit, seu venit ad Parentale ædificium. Et in libro Carm. tom. *Xam Tsun*, odâ *kia tsu* dicitur Spiritus defuncti Imperatoris *Chim tam* appellere; & omnes Reguli (nempe viventes) dicuntur etiam appellere, pervenire, parentare; atque ita dicit subtilissimum defuncti Imperatoris Spiritum ascendendo appellere usque ad Cælum. Ego autem puto legendum esse *hia*, id est, *procul*, *remotè longè*; vultque dicere, quòd locus ille, ad quem ascendit, sit valdè altus & remotus; sicut id, quod libri Imperii *Han* vocant *magnum iter*; nempe iter quod successivè initur, vocatur autem magnum iter, quia qui illud semel adiit, non ampliùs redit.

F. 7. Lib. Rit. tom. 5. Cap. 11. *Kiao te sem* sic: dum præsentatur cocta pecudis caro, Lector seu Ceremoniarum Præfectus, præsentantis verba defert ad ligneam Tabellam *Chu*; dùmque fit Ceremonia *cy* ad conquirendum Spiritum, idem Lector seu Ceremoniarum Præfectus etiam facit Ceremoniam *cy* vel intra vel extra portam Parentalis Aulæ; nescitur enim ubinam sit Spiritus, illicne an hic? an procul ab hominibus recesserit? & certè faciendo sic Ceremoniam *cy* intra aut extra portam Parentalis aulæ, numquid quasi dicitur, quòd ille in loco remoto conquiratur? Illa Ceremonia *cy* intra vel extra portam, significat *procul*, seu *conquirere Spiritum procul*.

Dein ibi Interpres *Chin hao* sic: dum præsentatur pecudis caro cocta, Lector seu Ceremoniarum præfectus præsentantis verba defert ad Spiritus seu hominis Defuncti Signum dicendo v. g. *hoc statum anni obsequium Avo Præfeto N. cognomento N. exhibet*, nem-

pe pronepos. Deinde dum fit Ceremonia *cy* ad conquirendum Spiritum, idem Ceremoniarum Præfectus eam etiam facit ad portam Parentalis aulæ; quod fit duplici modo: 1. ipsâ die, quâ præsentata pecudis cocta caro, in media aula exponitur, ille etiam conquirat Spiritum intra portam, ac ei facit Ceremoniam *cy*, ut dicitur in libro Carm. tom. *Siao ya*, odâ *Tsu tsu*. 2. die sequenti continuat Ceremoniam, eamque facit extra portam. Dum enim dicitur: *illie ne an hic?* significat, Spiritus existitne in conclavi? an in hac aula? Dum dicitur: *an procul ab hominibus recessit?* significat, an procul ab hominibus discessit, & in Parentali ædificio non existit?

F. In dicto autem Libro Carminum tom. *Siao*, odâ *Tsu tsu*, sic Interpres *Chu chi* ait: Filius obsequiosus (nempe dum facit Ceremoniam *cy*) nescit Spiritus locum; idcirco jubet Lectorem, seu Ceremoniarum Præfectum, ut amplo modo eum conquirat intra portam in loco, ubi hospites excipiuntur.

F. 8. Lib. Rit. tom. 5. Cap. 10. *Li Ki* sic: statim atque pecus adhuc viva, in exteriorem Parentalis ædificii aulam seu atrium adducta est; tunc assumpto serici voluminis munere, ibi fit denunciatio Spiritui. Postquam mactata est pecus; tunc assumpto ejus sanguine ac pilis, fit denunciatio Spiritui in interiori conclavi. Ubi cocta est pecudis caro; tunc in media aula fit denunciatio Spiritui; ter autem in tribus locis ac Signis fit denunciatio Spiritui, quia eum querimus, inquit, & nondum invenire potuimus.

G. 9. Lib. Rit. tom. 4. Cap. 7. *Cem tsu ven* sic: dum Filius qui non est primogenitus, supplet vices primogeniti, non facit Ceremoniam *cy* satietatis. Tum Interpres *Chin hao*: Ceremonia satietatis duplex est: alia occulta; alia manifesta; occulta est, dum, priusquam excipiat Spiritus personatus, Lector apposito vino & epulis, defert Parentantis verba ad Spiritum, rogans ut gratum habeat obsequium. Et quia tunc in secreto cubiculo & obscuro loco existit, ideo dicitur occulta. Manifesta autem est, dum, postquam exceptus & domum introductus est Spiritus personatus, ei mensa cum epulis apponitur; & quia hæc mensa in loco claro apud boreo occidentiam fenestram apponitur, ideo dicitur manifesta. Cum enim nesciatur ubi sit Spiritus, hinc an illic? hujus ritus finis ab Institutore intentus, spectat ut Spiritus istam Ceremoniam seu obsequium quasi excipiat gratumque habeat ac satietur.

C 3

H. 10.

- H. 10. Lib. Carm. tom. *Chen isum*, odâ *Cim miao*, Interpres *Chu chi* agens de Principe *Chen Kum* faciente Ceremoniam *cy* patri suo *Ven nam* defuncto, cum Regulis ac Proceribus, sic ait: Postquam venerabundi illius Spiritui in Cælo existenti cultum præbuere, tum celerimè properant ad ligneam illius Tabellam in Parentali Palatio erectam.
- I. 11. Lib. Rit. tom. 1. Cap. 2. *Kio Li bia*, sic Interpres *Chin hao*: ubi primùm quis obiit, mox sculpitur lignum, & ex eo construitur Tabella paulò altior, Sinicè *Chum*, ad fulciendum seu repræsentandum Spiritum. Sed post Ceremoniam *cy*, quæ ipso sepulturæ die fit, illa defoditur; & tunc fit alia brevior seu humilior *Chu*, ad fulciendum seu repræsentandum Spiritum.
- I. 12. Lib. Rit. Domestic. tom. 5. Verborum formulam, quâ possit uti filius Parentans in erigenda illa Tabella lignea breviori, Sinicè *Chu*, sic præscribit: hoc Imperatoris anno N. mense N. die N. orbus Filius N. palàm audet hæc dicere Præfecto N. à morte cognominato N. Domus seu Familiæ Domino; Cùm cadavere in locum sepulturæ illato, & Spiritu (nempe alludendo ad illum Spiritum antiquum personatum, qui tunc domum reducebatur, eique fiebat Ceremonia *yu*. Vide præc. quæst. num. 9. litterâ F.) in domus aulam reverso, sit confectum Spiritûs seu Defuncti Signum; humiliter exopto, ut Mens veneranda, vetere relicto (nempe Signo Sinicè *Chum*), se novo accommodet; istud est repræsentatio, istud est fulcimen.
- K. 13. Dictionarium *Chim isum* in littera *y* sic: ista vox *y* &c. ut suprà in contextu.
- L. 14. Lib. dictus, specialis in 5. libros classicos discursus Auhore *Hin Xin*, sic ait: modus faciendi Tabellam ligneam *Chu* hic est: in medio quatuor laterum scalpitur lignum, correspondens quatuor mundi partibus; pro Imperatore fit altum cubito uno & duobus digitis; pro Regulis, cubito uno. In ejus dorso sculpitur cognomen à morte datum. Hæc autem Tabella lignea est imago seu repræsentatio Spiritûs, aut potiùs Defuncti. Sepulturâ enim peractâ, quia Filius parentans non habet ampliùs, in quo animum figat, nec quo fulciatur ac nitatur; ideò ad faciendam Ceremoniam *yu*, ipso die sepulturæ peractæ, erigit ligneam Tabellam, ut suam ei observantiam ac cultum præstet.

M. 15.

- M. 15. Lib. *T li*, seu urbanitatum & Rituum. tom. 15. *Te sem quey che li*, sic vetus interpres *chim*: Spiritus personatus honorario nomine vocatur *Pater*, & proprio nomine *Xi*, seu imago Defuncti; significando per hæc duo simul iuncta, quod *quasi* fulciat ac repræsentet suos Parentes. Quia *Pater* & *Filius*, addit paulò infrà Interpres *Kia*, sunt ejusdem speciei seu stirpis.
- M. 16. Lib. Rit. tom. 8 Cap. 25. *Cyium* sic: faciendo Ceremoniam *cy*, in Parentali aula storea super stoream sternitur; & pro viro ac uxore simul, una eademque mensula ad fulciendum Spiritum (scilicet personatum) seu ad repræsentandum Defunctum apponitur. Lector seu Præfectus Ceremoniarum suo servitio Spiritum personatum admonet in conclavi; postea die sequenti, extra portam Parentalis aulae, rursus ei facit Ceremoniam *cy*; atque hæc est recta cum Spiritu intelligente agendi ratio.
- Vide etiam hic infrà numerum sequentem 17. litterâ N.
- N. 17. Lib. Immut. Medii art. 19. Interpres *Cham Kiu chim* tom. 2. sic: quod attinet ad vestes à præteritis Imperatoribus relictas, tunc exponuntur ad eas personato Spiritui tradendas; non tantum ut Spiritus habeat quo nitatur seu repræsentetur, sed etiam ad figendam Parentantis mentem ac cogitationem, perinde ac si illic Spiritus adesset; & ad tenendam (addit quotidiana quatuor librorum explicatio in eumdem textum) illam sinceritatē ac veritatem non secus ac sic illic Spiritus adesset.
- O. 18. vide quæst. præc. num. 1. litterâ A.
- P. 19. vide hic suprâ num. 7. litterâ F. ac num. 8. eadem litterâ F.
- Q. 20. Lib. Rit. tom. 1. Cap. *Kio Li Xam*, sic Interpres *Chin hao*: Mensula fultrix, est illa, cui viri honorati innituntur ad comedendum, & quiescendum.
- R. 21. Lib. Rit. tom. 2. Cap. 4. *Tan Kum bia*, Interpres *Chin hao* explicans illam humilem mensam & stoream ad sedendum, sic ait: mensula fultrix est id, cui innititur Spiritus; storea ad sedendum est illa duplex, in qua sedet Spiritus (scilicet personatus).
- R. 22. Lib. antiquus *T li* tom. 17. seu ultimo sic: herus (sive filius parentans) suæ vestis limbo abstergit mensulam fultricem, eamque Spiritui personato, Sinicè *Xi*, ante stoream tradit.
- S. 23. Lib. Rit. Domest. tom. 4. circa finem: quia Spiritus, inquit Interpres *chim*, figurâ ac specie sensibili carent; ideo vespere, ac mane epula: ad illos fulciendos seu repræsentandos apponuntur. T. 24

24 *Traët. II. De Ceremoniis Sinarum erga Defunctos.*

- T. 24. Lib. Rit. tom. 5. Cap. 11. *Kiao te sem* sic: quando larvata illa turba veniebat &c. Ut suprà in contextu. Tum ibi Interpretes *Chin hao*: quia Confucius, inquit vetus interpretatio, verebatur, nè Parentalis conclavis Spiritus, seu Defuncti terrentur, ideò aulicà veste indutus stabat in orientalibus domesticæ scalæ gradibus ad eos servandos, efficiendo ut hi sibi inniterentur ac tranquillarentur. Ritus enim præscribit ut primarius Præfectus, dum facit Ceremoniam *cy*, induat aulicas vestes; idcirco Ceremoniæ *cy* vestibus ad fulciendos Spiritus utebatur.
- V. 25. Lib. Sentent. art. 10. Interpretes *Chu hi* sic: quamvis istius larvæ turbæ circumcursatio esset antiquus Ritus; multum tamen redolebat rem histrionicam. Confucius autem veste aulicà indutus ad illam accedebat, ut ostenderet se veram ubique servare reverentiam.
- X. 26. Lib. quotidiana 4. librorum explicatio tom. 7. ad eundem art. 10. Libri Sentent. sic: quamvis iste Ritus &c. Ut suprà in contextu.
- Z. 27. Lib. Sent. art. 10. sic: Quando veniebat larvata illa turba ad effugandos è domibus morbiferos Spiritus, Confucius aulicà veste indutus in orientalibus domesticæ scalæ gradibus stans se prodebat.
- W. 28. Lib. Rit. tom. 1. Sic Interpretes *Chin hao* in suo proœmio: Cùm libri Sapientum sub 4. primis Imperiis (scilicet *Tu* seu *Xam, hia, Xam, Chen*) quæ Ritibus modò aliqua addiderunt, modò dempserunt, conscripti, longo temporis lapsu exciderint ac perierint, ideò illorum Ritus non possunt nunc rectè sciri. Remanserunt liber urbanitatum ac Rituum, in 17. Capita diuisus, & liber Rituum Authore *Tay* in 49. Capita, ex quo præteriti Doctores Caput *Immutabile Medium*, & Caput *scientiam Adulorum*, ut essent omnibus sæculis rectæ doctrinæ fons ac principium, excerpserunt; quamvis autem in reliquis 47. Capitibus, varia sint bona & mala, seu pura & mixta; illa tamen à se invicem distinguere non est facile.
- D. 29. Dictionarium *Ta tsu guey* in littera *Chu* sic: ista vox *Chu* etiam significat ligneam Spiritus seu Defuncti Tabellam, quæ in funebri ædificio erigitur, ut Mens seu Spiritus resideat aut colligatur.
- AA. 30. Lib. *Kum Miao ly jo kao*, in proœmio sic: postquam erectum est Parentale ædificium, in eo apponitur Tabella, ut Spiritus colligatur aut resideat. Dein in tom. 1. sic: Quamvis ego existimem istam faciendæ Tabellæ normam (de qua antè locutus fuerat) fuisse adhibitam,

tam, ut Spiritus colligeretur, aut resideret in corde, (id est, Parentantis); non videtur tamen sufferri posse, ut ista lignea Tabella hominem referens, discindatur ac dividatur.

BB. 31. Lib. Rit. tom. 8. Cap. 24. *Cy sic*: Ceremoniæ *cy* die, quum primum Filius Parentans &c. ut supra in contextu.

CC. 32. Ad hunc locum libri Rituum Interpres *Chin hao* sic: *se prodis in Spiritus Signo*, id est, tamquam videret Filius suum Parentem in Spiritus Signo existentem.

DD. 33. Dictionarium *Ta tsu gney* in littera *guei* sic: ista vox *guey* significat directionem, dispositionem, regimen, & quidquid erigi aut stare debet, dicitur *guey*. Alia dictionaria Sinica dicunt idem, aut similia.

EE. 34. Lib. Rit. Imperii *Chen* tom. 3. *Chun quon* art. *Su Ki yen* sic: quia rudior stœra infra sternitur, & desuper altera subtilior additur, idè dicitur *guey* seu objectum erectum, vel locus designatus.

FF. 35. Dictionarium *Chim tsu tum* in littera *guey* sic: distribuere dextra & sinistra loca in medio aulae, id vocatur *guey*.

GG. 36. Lib. Rit. tom. 8. Cap. *Cy y*, sic: Regulus dum erigit regni Spiritus Signum, Sinicè *guey*, ad dexteram constituit terræ & frugum Spiritus suggestum; ad laevam parentale Majorum ædificium. Tum ibi Interpres *Chin hao*: Spiritus caret loco, inquit Doctor *Tam*, (nempe circumscriptivo); cum ergo careat loco, etiam caret Signo &c. ut supra in contextu.

HH. 37. Lib. *To to sum ki*, seu historia Imperialis Familiae *Sum*, Authore *To to*, tom. 124. Epitaphium, in quo Defuncti vita & virtutes breviter referuntur, vocat *Xin chi*, id est, Defuncti Epitaphium; non potest enim dici *Spiritus* Epitaphium; adeoque ibi vox *Xin* clarè significat Defunctum.

II. 38. Vide in Quæstione præced. num. 9. litterâ F. & in hac Quæst. num. 14. litterâ L. & alibi.

KK. 39. Lib. *Ta mim hoei tien* tom. 87. agens de Imperatorum Presentationibus, sic ait: Imperator accipiens &c. Ut supra in contextu.

Idem *Libertom*, 86. sic ait: In quolibet throno &c. Ut supra in contextu.

CAPUT II.

De Parentali ædificio, quod Sinæ Defunctis ex-
struunt.

DUplex est Parentale ædificium, de quo controversitur: Alterum, quod suis Parentibus defunctis; alterum, quod suo prisco Magistro Confucio exstruunt Sinæ; hoc, Parentalem palæstram, illud Parentalem domum seu aulam vocabo; horum nominum ratio ex dicendis patebit.

Quæritur ergo de utroque, an sit superstitiosum, seu objectum superstitionis? Cum illud utrumque ædificium sit objectum materiale indifferens ad bonitatem & malitiam moralem, seu ad bonitatem civilis observantiæ, vel ad malitiam superstitionis; debet determinari ad hanc vel illam in specie ab objecto formali, nempe à motivo, aut fine principali. Triplex finis, aut motivum principale potest assignari. 1. motivum primævæ institutionis, quod habuerunt primi Institutores istius utriusque ædificii. 2. Motivum subsequens, quod sibi proposuerunt primi, tum subsequentes illius Constructores. 3. Motivum usus ad quem illud adhibuerunt, & nunc adhibent Sinæ. Si hoc triplex motivum fuerit honestum, & ex civili tantum observantia deductum, istud utrumque ædificium dicendum est bonum, & civilis observantiæ objectum, adeoque ex se licitum; si turpe, & ex sola tantum superstitione profluens; utrumque dicendum erit malum, & superstitionis objectum, adeoque illicitum. Si partim honestum, partim turpe, rejiciendum quod turpe, amplectendum quod honestum est; primario tamen, principali ac essentiali prævalere debente. itaque

QUÆSTIO I.

An Parentalis Domus, quam suis Parentibus Defunctis exstruunt Sinæ, sit superstitiosa?

Para-

Paragraphus I.

An sit superstitiosa ex motivo, seu fine suæ primæ Institutionis?

Resp. & dico: non videtur illa Parentalis domus esse superstitiosa ex motivo suæ primæ institutionis. Probat: hoc motivum debet inquiri à motivo, quo prima, aut primæ illæ Parentales domus in China erectæ sunt; nulla autem in Annalibus Sinicis reperitur prior illâ, quæ mortuo Imperatori *Hoam Ti* exstructa est; duobus scilicet, & ampliùs annorum millibus ante Christum natum. De hac nihil aliud refertur, quàm quòd primus totius imperii Minister eâ exstructâ, assumptis defuncti Imperatoris vestibus, coronâ, mensula fultrice ac seipione, Viventem recolens, illi fecerit Cereemoniam, seu Parentalia; & statis anni temporibus, omnes Regulos ac Magistratus ad salutandum, ut in vita, defunctum Imperatorem adduxerit (A); Jam verò nullum aliud ibi apparet motivum, quàm pia defuncti Imperatoris memoria, & prius erga suum Principem vel Parentem reverentia; nullum cujusvis postulationis, aut spei signum; nullum verbum, quo rogetur, ut apud cæli Dominum seu *Xam Ti* agat intercessorem. Ille ergo cultus, seu motivum extruendi illius ædificii, erat tantum observantia Civilis, & honor Parentalis, ab omni superstitione immunis. Dicitur autem, non Imperatoris *Hoam Ti* filius successor *hsuen hiao*, sed primus totius Imperii Minister *Tso che* hæc facere; quia olim triennalis luctus tempore, defuncti Imperatoris Filius heres ab omni regiminis cura abstinebat, primusque Imperii Minister ejus nomine omnes res administrabat; faciebat Parentales Ceremonias; omnes proceres, ac Magistratus dirigebat (B).

Deinde Imperantibus *Hoam Ti*, *Chim tam*, *Tay Kia*, cùm jam habebantur istæ domus Parentales (C), nondum tunc legitur introducta fuisse in Chinam aliqua Secta idololatrica; ergo illæ domus nihil habebant commune cum Idolorum fanis, utpote quæ supponuntur nullatunc fuisse; nec etiam cum templis DEI, seu cæli Domini; qui ista vox Sinica *Miao*, seu domus Parentalis, dicitur ut quid oppositum *ve ci Kia*, seu loco suburbano, in quo sub dio litabatur cæli Domino, seu *Xam Ti*; uti etiam sub dio fiebant Ceremoniæ, & aliis montium, fluminum, aliarumque rerum Spiritibus. Prisci enim Imperatores, ut ostenderent cæ-

li Dominum seu *Xam Ti*, & alios Spiritus non esse corporeos, adeoque non egere domibus ad habitandum, illis oblationes faciebant sub dio in erecto glææ aggere. Ut autem ostenderent Parentes suos defunctos fuisse homines seu corporeos, ideoque eguisse domibus ad habitandum, illis Ceremonias *cy* faciebant in domo Parentali (D). Hinc illa vox sinica *Miao*, seu domus Parentalis, significat alicujus speciem (F); Domusque Parentalis est id, quo hominis defuncti species repræsentatur (F). Hoc nimirum nomine, & modo volebant ostendere illas domos Parentales nihil habere commune cum locis, in quibus litabatur supremo cæli Domino (G), nec cum iis, in quibus fiebant oblationes aliis Spiritibus. Imò quamvis sub tecto subinde litarent supremo cæli Domino; nimirum ut ostenderent, sicut unaquæque domus habet suum particularem domûs Dominum, ita totum orbem habere suum vniuersalem orbis Dominum (H); tamen nec vel tunc iste locus sub tecto vocabatur *Miao*, sed vel *Mim tam*, id est, distinctionis aula (I); vel *Ho Kum*, id est, unionis Palatium (K), aliòve simili nomine.

Lapidum monumentum antiquorum Christianorum Sinensium, in Provincia *Xen si* repertum, de quo jam in Traëtatu primo, vocat etiam *Ho Kum* Dei templa. Jam verò si illæ domus Parentales à sua institutione, nec cum locis ad DEO, aliisque tutelariis Spiritibus seruiendum dicatis, nec cum fanis quidquam commune habent, sunt ergo dumtaxat Civiles quædam erga Defunctos honoris & amoris demonstrationes, uti olim in Ægypto pyramides Regibus, in Italia statux Consulibus sine Apotheosi erectæ.

Nec dicas fana Idolorum nunc vocari *Miao* eodem nomine, quo vocantur Parentales illæ domus, adeoque has esse Idololatricas; alioquin eodem jure dicerem Templum veri DEI etiam esse Idololatricum, cum fana Idolorum etiam vocentur Templum, ut patet ex Scriptura, quæ passim & Templum veri DEI, & fana Idolorum vocat Templum: Intravit JESUS in Templum DEI. *Matth.* 21. Apertum est Templum DEI. *Apoc.* 11. Intulerunt eam (nempe Arcam DEI) in Templum Dagon. 1. *Regum.* 5. Posuerunt arma ejus (nempe Saulis occisi) in Templo Astharoth. 1. *Regum.* 31. Ingressi sunt Templum Baal. 4. *Regum.* 10. Unde patet nominis identitatem nihil hic facere. Imò videntur ista Idolorum Sinicorum fana nomen suum *Miao* desumpsisse a domibus Parentalibus, non Parentales domus à fanis, utpote his longè

longè priores. Et hæc videtur fuisse ratio: quia ista Idola, quæ nunc adorant Sinæ, olim fuerunt homines; idè ad appellanda eorum Fana, iudicantur posse Parentalium domuum nomen adsciscere.

Insuper hoc ulteriùs probatur ex vi istius nominis *Miao*. Parentalis domûs pars anterior dicitur *Miao*, posterior *Cin* (L). *Miao* est locus regendi & gubernandi; *Cin* est locus comedendi & dormiendi (M); hinc ille locus *Miao* Defuncto erigitur ad repræsentandum, quod ille olim in vita haberet aulam, in qua regimen exercebat; locus *Cin* ad repræsentandum, quod olim in vita haberet habitaculum, in quo comedebat & dormiebat (N). Soli enim Viri in magna potestate constituti possunt juxta Ritus, habere Parentales domos dictas *Miao*; plebei autem tantùm possunt domi suis Parentibus defunctis cultum exhibere (O). Idè Doctör *Cbu hi* præcipuus Author Libri Rituum domesticorum, cupiens ut Viri dignitate carentes, qui aliquem è suis Parentibus, Magistratu, aliove litterarum gradu illustrem habuissent, etiam possent illi, illiusque Posteris Parentalem domum erigere pro tota ejusdem cognominis Familia communem, instituit ab aliquot sæculis aliud nomen, ad hanc domum appellandam; vocavitque *Tsu tam* seu Ceremonialem aulam, mutando nomen *Ym tam* sive adumbrationis aulam, quod nomen quidam alius Doctör jam priùs instituerat (P); Imò nunc omnes illæ Parentales domus, nisi sint Regum, Principum, aut primariæ Regni dignitate illustrium Magistratum, passim non vocantur *Miao*, sed *Tsu tam*; sic nempe quasi verentur Sinæ, nè illud altioris ordinis & dignitatis nomen *Miao*, malè sibi vindicent. Sed nec ista nominis immutatio aliquid immutat in Parentalium domuum natura, aut in institutione; quin imò penè magis illas remouet ab Idololatriæ suspitione, cum jam Idolorum fana passim vocentur *Miao*, non *Tsu tam*; & insuper eadem voce *Tsu*, quæ vocantur Parentales Defunctorum domus, etiam appellentur illæ, quæ viventibus adhuc Mandarinis ob sua in Populum merita eriguntur; vocantur enim *Sem Tsu*, seu Ceremoniales Vivorum domus, quæ certè apud Sinas nec Fana, nec Tempa aut Cappellæ censentur. Ex nulla igitur parte domus Parentales videntur esse supersticiosæ ob suæ institutionis motivum.

Textus Librorum.

A. 1. Lib. Annal. Universalium tom. 1. sic: post octavi mensis lu-

30. *Traët. II. De Ceremoniis Sinarum erga Defunctos.*

naris plenihunium, peractis fufilibus vafis cupreis vel æreis, Imperator *Houm Ti* obiit. Thronum tenuit annis 100. Vixit 111. Sepultus in monte *Kiao* (fito in territorio urbis *Ten ngan*, Provinciæ *Xenfi*). Deinde primus ejus Minifter *Tfo che*, exftructâ Parentali domo, assumptis defuncti Imperatoris veflibus, coronâ, menfûlâ fultrice ac fcipione, viventem recolens, illi fecit Ceremoniam ex & ftatit anni temporibus omnes Regulos, Proceres, ac Magiftratus, ad eum, ut in vita, falutandum adducebat. Poftcâ Defuncti filius *Huen hiao*, Imperator creatus eft, dictus *Xao hao*, ex Familia feu cognonine *Kin tien*.

- B. 2. Lib. Annal. Imper. Cap. *T kiun* fic: primus Imperii Minifter *Tyn*, defuncto Imperatore, (nempe *Chim tam*), præfentatis muneribus, fecit denuntiationem. Deinde Interpres *Tfay Xin* fic: olim dum Imperator obierat, primus totius Imperii Minifter, nomine Parentantis filii, faciebat illius mortis denuntiationem in Parentali domo, ejusdémque nomine, omnes Magiftratus regebat.
- B. 3. Lib. Sentent. art. 14. Interpres *Cham Kin chim* tom. 9. fic: olim Defuncto Imperatore, Princeps heres, juxta Ritus præfcriptos, tuguriolum ex ligneis fulcris & arundinibus contextum, extra fecundam Palatii portam ad orientalem partem erigebat; ubi feponitâ omni regiminis curâ, funebrem luctum fervebat; omnes Magiftratus, reſento ſuo officio, parebant primo totius Imperii Miniſtro; idque totos tres annos durabat.
- B. 4. Lib. 1. Memorii Cap. 5. *Tan nen kum xam*, fic idem Interpres *Cham Kin Chim* tom. 17. Ipſo Imperatoris morientis die, inquit Confucius referens antiquum Ritus, quia tunc omnes Magiftratus regebantur à primo Aulæ Miniſtro, filius heres ad funerale tuguriolum, in quo Patris mortem lugebat, pergebat.
- C. 5. Lib. Annal. Imperial. tom. 3. Cap. *Tay Kia*: Prædeceſſor tuus Imperator (*Chim tam*) ſingulari proſus reverentiâ ac honore locum ad hauriendum terræ ac frugum Spiritui deſtinatum, & Parentales Majorum defunctorum domos proſequebatur.
- D. 6. Lib. Inmutab. Medii art. 19. Interpres *Tfay hin chay* in ſuo libro dicto *Su xa mun yn* tom. 4. fic: Petes: Cæſiſtamen ecur dicitur *Kiao*, ſeu ſuburbanus ſub dio locus? Reſp. Ille ſuburbanus ſub dio locus *Kiao* dicitur prout opponitur Parentali domui *Miao*. Domus Parentalis

Miao

Miao est quid spectans ad hominum Defunctorum animas; homo enim dum vivit, in aliqua domo habitat (nempe publicâ, si sit Magistratus); idcirco postquam obiit, ad præstandam in vitæ loco, seu in loco, in quo vixit, filialis observantiæ alimoniam, illa accipitur & efficitur domus Parentalis seu repræsentativa, Sinicè *Miao*. Quod autem attinet ad Cæli ac terræ Spiritum, ille non habet domum; idcirco illi terræ agger sub dio erigitur.

- E. 7. Lib. Carm. tom. *Chen Tsum*, odâ *cim miao*, sic compendiosa Interpretet. compilatio: ista vox *Miao*, seu Parentalis domus significat alicujus speciem, seu repræsentare ac referre alicujus speciem. Quia autem Defunctus spectari amplius non potest, idcirco extruitur domus ad repræsentandam illius speciem. Vide etiam hinc sequentem num. 8. litterâ F.
- F. 8. Dictionarium *Ta tsu gney* in littera *Miao* sic: ista vox *Miao*, ut omnes antiqui, & recentes interpretantur, significat alicujus speciem, seu repræsentare ac referre alicujus speciem; est autem id, quo hominis defuncti species repræsentatur ac refertur.
- G. 9. Lib. mutat. ac product. Symbolo *Huon*, sic Interpretet *Chu chi*: Imperatores erigebant terræ aggerem ad litandum cæli Domino, & Parentales domos pro Parentibus defunctis.
- G. 10. Lib. Immutab. Medii art. 19. sic: ille Ritus litandi Cælo ac terræ, Sinicè *Kiao Xe*, inquit Confucius, est id, quo servitur cæli Domino; & ille Parentalium Domuum, Sinicè *Miao*, Ritus, est id, quo servitur Majoribus defunctis.
- H. 11. Lib. Carm. tom. *Chen Tsum*, odâ *Ngo ciam*, sic compendiosa Interpretet. compilatio: quia fit terreus agger sub dio rotundus (nempe figura Cæli), in eoque litatur; idcirco dicitur Cælum, seu litari Cælo; litando autem sub tecto, quia litatur ut cæli ac terræ Spiritui, idcirco dicitur cæli Dominus, seu litari cæli Domino. Et paulò post:
- I. Imperator *Vu nam*, inquit Lib. Rituum Cap. *To Ki*, devicto hoste *Chen*, litavit in Imperiali Palatii aula, dicta *Mim tam*. Sic & nova explicatio ait: Imperator *Xin Nam* litabat in Imperiali Palatii aula *Mim tam* sub tecto; at erat in quatuor mundi partes aperta. Liber *Tum tien* sic: Imperator *Hoam Ti* summa cum reverentia litabat cæli Domino in Imperiali Palatii aula *Mim tam*, sive aula distinctionis.
- I. 12. Lib. Rit. Cap. 14. *Mim tam*, sic: distinctionis aula, Sinicè *Mim*

32 *Tract. II. De Ceremoniis Sinarum erga Defunctos.*

Mim tam, est illa, in qua Regulorum superior & inferior, nobilior & ignobilior gradus ac ordo distinguebatur.

K. 13. Lib. *Annal. Universal.* tom. 1. sic: Imperator *Hoam Ti* post traditam ubique ædificiorum normam, ipse construxit unionis Palatium, Sinicè *Ho Kum*, in quo litabat Cali Domino, omnes Proceres ac populos excipiebat, rectè vivendi ac regendi disciplinam tradebat.

L. 14. Vide hic num. sequentem, litterà M.

M. 15. Lib. *Kum miao ty yo kao* tom. 1. sic: Domus, inquit liber *Lb ya*, habens ab Oriente & Occidente cubicula lateralìa, dicitur *Miao*; non habens hæc cubicula, tantum domus dicitur *Cin*. Et paulò post sic: *Cin* est locus comedendi & quiescendi; *Miao* est locus regendi & gubernandi. Iterum paulò post sic: Doctor *Chim Kam chim* dicit partem anteriorem istius Parentalis domus vocari *Miao*, posteriorem vocari *Cin*.

N. 16. Liber *Ven bien tum kao* tom. 61, sic: *Miao*, inquit Doctor *Chim* in suo Libro Rituum, est ad repræsentandum, quòd Defunctus olim in vita haberet aulam; *Cin*, est ad repræsentandum, quòd haberet *Cin*, id est, habitaculum pro mensa, & lecto. Idem liber tom. 92, sic: quod attinet ad priscorum Imperatorum normam, in anteriori parte exstruebant *Miao*, ad repræsentandum, quòd Defunctus olim in vita haberet aulam; in posteriori exstruebant *Cin*, ad repræsentandum, quòd haberet *cin*, seu habitaculum ad comedendum & dormiendum.

O. 17. Lib. *Rit.* tom. 2. Cap. 5. *Fam chi*, sic: Imperator habet septem Parentales domos; tres à dextris, tres à sinistris, & in harum medio alteram pro Imperialis Familiæ Conditore; Regulus quinque; duas à dextris, & duas à sinistris, ac in medio earum aliam pro Familiæ suæ Conditore. Toparcha, seu primarius Præfectus tres, scilicet unam à dextris, alteram à sinistris, & in medio tertiam pro suæ Familiæ Conditore. Vir aliquà dignitate, aut altiori litterarum gradu donatus, unam. Vir autem plebeius nullam; sed domi suæ Parentibus defunctis cultum exhibet.

P. 18. Lib. *Rit. Domestic.* tom. 1. sic: Vir sapiens honorariam domum medians construere, ad orientalem anterioris aulae partem prius exstruit Ceremonialem aulam, Sinicè *Tsu tam*. Interpres *Lieu Kay Sun* sic: olim, inquit Doctor *Chim* ex pago *T chuen*, viri plebei domi suæ; viri altiori litterarum gradu, & Magistratu donati, in Parentali domo mu-

nera

nera præsentabant Parentibus defunctis. Cum ergo viris plebeis non liceat habere domos dictas *Miao*, possunt erigere Adumbrationis aulam Sinicè *Tm tam*. Nunc verò Doctor *Chu hi* eam vocat Ceremonialem aulam; quia nempe non judicat posse, juxta mentem Doctoris *Chim*, in statis faciendæ Ceremoniæ et temporibus, servire illam Adumbrationis aulam: idè loco Adumbrationis aulae, posuit Ceremonialem aulam, seu *Tsu tam*.

Paragraphus II.

An Parentalis Progenitorum domus sit superstitiosa ex motivo, seu fine primævam suam institutionem consequente?

R Esp. & dico: Parentalis Progenitorum domus non videtur esse superstitiosa ex motivo, seu fine primævam suâ institutionem consequente. Probat: hoc motivum, seu finis, quem habuerunt aut habent Sinæ in extruenda domo Parentali, potest assignari quintuplex:

Primum: Extruitur domus Parentalis, ut Liberi ac Nepotes, dum volunt defunctos Parentes recolere, habeant aliquod objectum, quod illos repræsentet (A). Quia, sicut Parentes dum vivebant, habitabant in domo publica; (Nota: Magistratus Sinenses non in propria domo, sed in publica, exceptis paucis, habitant; nec extruuntur illæ domus Parentales, nisi pro iis, qui in aliquo Magistratûs, aut dignitatis gradu constituti fuerint) ita post mortem illis extruitur domus Parentalis, sejuncta à propriis ædibus, ut eos viventes repræsentet (B); unde quando volunt explicare quid sit istud ædificium Parentale, dicunt: est *defunctorum Parentum domus*, est *palatium*, est *aula*, sunt *ades cum collateralium cubiculorum serie* (C); adeoque à quibusdam Europæis malè *templum* vocatur.

Secundum: Extruitur domus Parentalis, ut Consanguinei à non Consanguineis distinguantur; & ut inter Consanguineos, remotioris ac propinquioris consanguinitatis gradus dignoscantur (D). Hinc in illa domo lignæ Tabellæ, suo quæque ordine cum nominibus Patris & Matris, Avi &

E

Aviæ

34 *Tract. II. De Ceremoniis Sinarum erga Defunctos.*

Aviæ usque ad quartum consanguinitatis gradum, imò & cum aliis in linea consanguinitatis transversa disponuntur (E).

Tertium, Ut Posterii sciant præteritam Parentum, aut Majorum defunctorum conditionem, dignitatem, nobilitatem, Magistratum. Unde Imperatori 7., Regulis 5., Toparchis seu primariis Præfectis 3., aliis inferioribus Præfectis unam tantum licebat Parentalem domum exstruere (F). Deinde unicuique Tabellæ, ut dixi, inscribitur Defuncti præteritus Magistratus, dignitas, honorarium cognomentum.

Quartum, ut doceantur Populi recordari sui Principii, nec eos, ex quibus geniti sunt, oblivisci (G).

Quintum, ut habeatur locus fixus, in quo Posterii suam erga defunctos Parentes observantiam & obsequia præstare possint (H).

Jam verò nullum ex his omnibus motivis, quæ sibi proponunt Sinae in exstruenda domo Parentali, ibi sistendo, (de ceteris enim rebus ordine inquireretur) quidpiam superstitionis, aut indebiti cultûs involvit, nec alia motiva in illorum libris classicis & Ritualibus reperiuntur; ergo illa domus non est supersticiosa ex motivo primævam suam institutionem consequente.

Nota: Liber Rituum asserit eum, qui præscriptis Parentalis domûs legibus adversatur, Filium inobsequentem & paternæ observantiæ prævaricatorem esse; Filio autem inobsequenti & paternæ observantiæ prævaricatori, debere Imperatorem transmissam à Patre dignitatem auferre (I).

Textus Librorum.

- A. 1. Interpres *Chiu* ex urbecula *Cham lo* sic: quod attinet ad Defunctos; iis ritibus, quibus in vita tractabantur, illos semper tractantur prisci Imperatores. Vir aliqua dignitate donatus, dum vivit, habitat in diversa domo: ideò postquam obiit, illi erigitur Parentalis domus. Vir autem plebeius dum vivit, non habitat in diversa domo; ideò postquam obiit, tantum ei fit Ceremonia in sua propria domo.
- B. 2. Interpres *Tuyen* sic: Olim prisci Imperatores alternantibus volentis anni tempestatibus excitati ad revocandam defunctorum Parentum memoriam, Parentales eis domos exstruxerunt, easque vocarunt venerabiles *Miao*: vox *Miao* significat alicujus speciem; istæ ergo venerabiles *Miao*, sunt defunctorum Avorum venerabilis species.

C. 3.

- C. 3. Lib. Rit. tom. 2. Cap. 4. *Tan kum bia* sic: Si defunctorum Majorum domus incendio periërit, tribus diebus fiat funebrius luctus ac ploratus; ideôque, ut refert liber *Ver* & *Autumnus*, cum novum palatium (nempe defuncti Reguli *Siu en kum* Parentale ædificium) incendio periisset, etiam tribus diebus ploratum fuit.
- C. 4. Lib. Rit. tom. 2. Cap. 3. *Tan kum xam*, sic Interpres *Chin bao* agens de Parentali domo: pars anterior, inquit Doctor *Chim*, vocatur *Miao*: posterior vocatur *Cin*. Si domus habeat orientalem & occidentalem collateralium cubiculorum seriem, vocatur *Miao*; si non habeat, domus vocatur *Cin*.
- C. 5. Lib. Carm. tom. *Lu isum*, odâ *pie kum* sic: secretissimum palatium mira quiete gaudet. Tum Interpres *Chu bi*: secretissimum Palatium, id est, Parentalis Domus *Miao*. Vide etiam in præcedenti paragrapho, num. 7. litterâ F. & hic infra num. 9. litterâ G.
- D. 6. Lib. Rit. tom. 8. Cap. 23. *Cyfa* sic: Imperator dum terras dividit, tunc regna erigit, & urbes regias cum suis subjacentibus urbibus constituit. Dum autem Parentalium domuum normas cum suis adjacentibus terræ aggeribus ac scrobibus, ad faciendas Ceremonias, præscribit; tunc id facit habitatum propinquioris ac remotioris consanguinitatis, tum plurium ac pauciorum Parentalium istarum domuum, quæ uniuscujusque conditioni competunt, ratione.
- E. 7. Lib. Rit. Domestic. tom. 1. sic: in illa Ceremoniali aula, Sinicè *Tsu tam*, sculpuntur quatuor lignea loculamenta ad apponenda præteritarum generationum Spirituum, seu Defunctorum signa. Tum glossator *Yam xin* sic: Abavus, Proavus, Avus, Pater, quatuor generationes, suum quisque continet loculamentum, (nempe unâ cum matre, Avia, Proavia, Abavia); in tabulæ concavo, seu loculamento apponitur oblonga theca, & in theca recluditur lignea Tabella. Ante sculptæ tabulæ loculamenta appenditur diaphanum velum, & extenditur una longa mensa omnibus communis. Superior lignearum Tabellarum ordo incipit à parte occidentali. Præterea alia suffitûs mensa etiam omnibus communis exponitur, supra quam vas odorum, suffitûs capsula, ac similia apponuntur. Tum ibi idem liber sic pergit: collaterales autem Consanguinei Posteris carentes, ad latus eorum, ad quorum seriem pertinent, apponuntur.

F. 8. Vide præc. paragraphum num. 17. litterâ O.

G. 9. Liber Rit. tom. 8. Cap. 24. *Cy* sic: Sapientes illi Imperatores necdum his contenti, insuper extruxerunt varias Parentales domos ad distinguendos propinquiores ac remotioris consanguinitatis gradus; ad discernendos Propinquos à non Propinquis; ad docendos populos antiquitatem recolere, ac sui Principii recordari; nec eos, ex quibus progeniti essent, oblivisci.

H. 10. Lib. Rit. tom. 1. Cap. 2. *Kio li hia*: Princeps meditans sibi Palatium construere, prius Parentalem Majorum domum extruendam curat. Tum Interpretes *Chin hao*: Parentalis Majorum domus est id, quod servit ad reddendum defunctis Parentibus honorem; idcirco prius extruenda curatur.

I. 11. Lib. Rit. tom. 3. Cap. 5. *Vam chi* sic: qui præscriptas Parentalis domûs leges transgreditur, hic inobsequens & paternæ observantiæ prævaricator Filius habendus est; Filio autem inobsequenti, & paternæ observantiæ prævaricatori debet Princeps suam dignitatem auferre.

Paragraphus III.

An Parentalis Progenitorum domus sit superstitiosa ex motivo seu fine sui usûs?

Resp. & dico: nec videtur illa domus Parentalis Progenitorum esse superstitiosa ex motivo sui usûs. Probatur: Ejus usus duplex est: alius activus, alius passivus. Activus, sunt illi ritus & actiones, quas homo exercet in ista domo Parentali, & de hoc agemus in Capite 3. Passivus, sunt ea, quæ tanquam materia & dispositiones prærequiruntur ad istum usum activum. Et hunc in triplicem divido. *Primus*, est lignea Tabella, quæ in illa exponitur. De hujus motivo jam dictum est suprâ, atque ita de ea hic nihil restat dicendum.

Secundus, est tota suppellex necessaria ad faciendâ Ceremoniam *Cy* Parentibus defunctis, nimirum sedes, mensæ lancee, scutellæ, scyphi, vini poculum, vini amphora aut hydria, gestatoria epularum vehicula, pelvis, man-

tile,

tile, vascula potûs Sinici *Cha*, paxilli comestorii, ceteraque ad convivandum instrumenta requisita. Insuper suffitûs mensa, vas ad ponenda odora menta, odoramentorum capsula, candelabra, herbarum *Mao* fasciculi arenâ mixti, tabula ad affigendam Ceremoniæ *cy* formulam.

Locorum distributio: mortuarius lectus. In unoquoque loco exponuntur duæ sedes iunctæ, (nempe pro Patre & Matre, pro Avo & Avia, aliisque Defunctis) ac una mensa. Olim Defuncti vestes etiam exponebantur (A).

Horum autem motivum non videtur aliud esse, quàm præparatio eorum, quæ sunt necessaria ad repræsentationem convivii ac festivitatis convivalis; sed hoc motivum non est superstitiosum; ergo &c. Quod attinet ad istos herbarum *Mao* fasciculos, an sint superstitiosi, necnè ex intentione utentis; & an sint nunc in usu, dicitur in Cap. 3. Quoad reliqua, de quibus posset aliqua dubitatio occurrere, dicitur infra in Objectionibus.

Tertius, est collecta omnium rerum, quæ Defunctis præsentantur, multitudo; ut sunt vinum aut mustum, fructus, bellaria, legumina, accitum, farina aut paniculi, oriza, potus Sinicus *Cha*, pisces, caro falsa & siccata, pulmentarium, sal; & subinde pecus occisa, nempe capra, vel porcus depilatus & crudus; vel gallina, anser, anas deplumes & crudi (B).

Sed horum motivum non videtur aliud esse, quàm scenicus quidam convivii ac festivitatis convivalis apparatus, ut infra magis patebit, quod non est superstitiosum; ergo domus Parentalis non est superstitiosa ex motivo sui usus passivi.

Nec tota illa variarum rerum comestibilium & potabilium turba, quæ subinde primo aspectu Europæis statim ingerit tacitas aliqujus superstitionis & idololatriæ suspiciones, aut umbratiles nescio cujus dæmoniaci cultûs species, quidquam aliud in se continet, quàm ceremoniale filialis honoris, amoris, ac desiderii erga Parentes defunctos testimonium, in convivali luxu theatraliter repræsentatum.

Objicies 1. ista pecus occisa est quid superstitiosum.

Resp. Diff. Ass. Si sumatur, ut species vana, exterior, & non vera repræsentat, Transcat. Si sumatur, ut res significata denotat, & ut primitivus institutionis finis indicat, Nego. Itaque ista pecus ad convivii repræsentationem destinata, quæ malè à quibusdam victima appellatur,

tur, sic olim maſtabatur: ſummo mane, ipſo die Ceremoniæ *cy*, adducebatur ad anteriorem Parentalis ædificii aulam ſeu veſtibulum, & de ea maſtanda fiebat denuntiatio ad ligneam Tabellam (*C*); nimirum filius parentans, uti patre vivente faciebat, adhuc ab eo quali petebat facultatem ad maſtandam iſtam pecudem; uti etiam nunc præſcribitur pro publico & ceremoniali civium convivio ſic: ſub auroram præſcriptæ diei, Miniſtri maſtent pecudes, (Sinicè *Sem* dictas; nempe eodem nomine quo vocantur illæ, quæ maſtantur pro Progenitoribus defunctis, & Confucio) ac præparent epulas (*D*).

Deinde abſcindebantur laterales auriſ pili ad eos apponendos ante Defuncti Tabellam ligneam. Per iſtos pilos fiebat denuntiatio Patri defuncto de pecudis perfectione, de integritate, de interiori bonitate ac decore. Per aurem, quæ eſt organum auditûs, optabat filius, ut quali à Patre defuncto audiretur (*E*); deſiderio nempe inefficaci, ſibi proponens Patrem, ut in vita adhuc agentem. Deinde inferebatur & apponebatur maſtata: pecudis ſanguis, tum ut annuntiaretur eſſe occiſa, ſeu parata ad convivium; tum ut viſo ſanguine, pateret interior pecudis bonitas, & ex vitalium ſpirituum abundantia non fuiſſe morbida aut corrupta agnoſceretur (*F*). Poſtea hæc pecus in duas partes dividebatur; dextra pars integra relinquebatur: reliqua cum inteſtinis & aliis in undecim fercula diſtribuebatur. Horum quædam, uti & illa dextra pars, cruda apponebantur; alia ſemicocta, alia cocta, alia aſſata præſentabantur ſeu apponebantur cum variis aliis cibi, & potûs terculis (*G*). Inſuper aquam limpida, quam Vinum cæruleum vocabant, præſentabant (*H*).

Jam verò motivum, quod habebant ad præſentandam aquam, ſanguinem, pilos, & carnem crudam, erat ad imitandum & recolendum antiquiſſimi temporis Ritus, quando Sina carentes uſu ignis ad coquendum, veſcebantur plantarum & arborum fructibus; crudasque volucrum ac pecudum carnes comedebant, eorum ſanguinem potabant, pilosque carni in hærentes, utpote qui extrahi penitus non poterant, unâ deglutiebant. Unde ſanguis, pili, & carnes crudæ, ſunt appoſitio eſcarum, quibus homines antiquitus veſcebantur; carnes verò coctæ, ſunt appoſitio eſcarum, quibus homines nunc veſcuntur. Deinde motivum, quod habebant ad præſentandam aut apponendam carnem ſemicoctam, toſtam, aſſatam, muſtum; ad ſternendas ſtoreas, ad induendas veſtes colore tinctas, erat ad imitandum & recolendum mediæ antiquitatis Ritus, quando Sina hæ-

buerunt Imperatores scientiâ & virtute inclytos, qui ignis usum, vestes texendi, domos exstruendi, vasa conficiendi artes invenerunt, ac Ritus instituerunt (I). Sed tunc hæc omnia motiva nihil superstitionis continebant; atqui nunc sunt adhuc eadem, cum illa motiva referantur ab ipsiſ recentibus Interpretibus, quos nunc sequuntur Sinæ, & quorum libros passim terunt; ergo nec nunc sunt supersticioſa.

Deinde quamvis subinde integra, nec dissecta, v. g. in solemnibus Regum ac Principum Ceremoniis, ista pecus, aut potiùs istæ pecudes nunc apponantur (K); idem tamen videtur esse motivum, adeoque hoc nihil immutat in re. Imò hodieque mos viget in China, ut in solemnibus conviviis, præter mensam, cui accumbit hospes convivans, alia ante ipsum apponatur, in quâ omnis generis ciborum crudorum fercula, v. g. anates, anseres, nefrendes crudi, eviscerati, sicci, integri; petasones, pisces sicuti seu salſi, plurimæque bellaria exponuntur. Insuper anates & anseres recenter occisi, deplumes, ac integri, aliæque carnes crudæ, præter varias figuras, v. g. leonis, elephantis, cervicis serico confectas, coram ipso apponuntur. Hæc omnia post convivium ad ejus domum deferuntur; ut videre est maximè singulis trienniis in convivio, quod datur post examen novorum Licentiatorum (L).

Vide hujus convivii modum hic infrâ num. 18. in textibus, litterâ L.

Hinc vides istam pecudem occisam integrâque, etiam cum iis, quæ nunc inter homines convivas sunt, habere similitudinem; & quamvis primo aspectu videatur aliquam cultûs indecentiam præferre: tamen in se & ex sua institutione ac fine bene perpensam, nihil aliud significare, quàm escarium ferculum, vel dapſile munus ad implendam ceremonialis convivii scenam ac pompam appositum, adeoque à parte rei nihil veræ superstitionis continere.

Objicies 2. in ista Parentali Ceremoniarum aula habetur ara, & suffitûs mensa; apponuntur candelabra, candelæ, suffitûs vas; ergo est Templum; adeoque ista aula est supersticioſa & idololatræ.

Resp. Negando haberi aram; sed dico haberi mensam, ut eam libri passim vocant (M); & talem quidem, ut ea, quæ vel ad excipiendos vivos hospites convivas, vel patri in vita serviebat ad edendum, possit adhiberi (N). Imò si adhibeatur illa, quæ ad excipiendos convivio hospites solet adhiberi, suis communium epularum ferculis instructa, sic filius Parentans penè videbitur suam prodere mentem servien-

di Parentibus defunctis, sicut vivis serviebat (O). Unde nihil ibi cum ara & cum Templo commune est.

Quod attinet ad suffitûs mensam, odorum vas, candelas, &c. hæc apud Sinas non tantum ad mortuos, sed etiam ad vivos colendos adhibentur; ut dum quotannis Magistratus in fine anni Sinici, Imperiale sui officii sigillum in cistula publicè claudunt, & in principio extrahunt; item dum in solstitio hiemali Imperatoris nomen, tabulæ affixum, proni venerantur; tunc candelæ, suffitus, odores adhibentur. Sic hisce præteritis annis dum Imperator visitabat provinciam Nankinensem, passim in plateis ad eum excipiendum mensæ erectæ cum candelis, suffitu, floribus, &c. visebantur. Imò dum supremus Inspector duarum Provinciarum ad aliquem locum appellit, id etiam quandoque fit. Item dum Regulus mittit libellum ad Imperatorem, aut ejus scriptum accipit; & dum Mandarinii ad eum mittunt pro novo anno, aut pro die natalitio libellum gratulatorium, apponitur mensa suffitûs; repetitæ sunt genuflexiones, corporis prostrationes, libellus processionaliter in thesa deferretur, & aliæ multæ ceremoniæ (P).

Sed ut ex uno alia colligi possint, hic lubet ponere ad longum Ritus pro Mandarinis, qui in solstitio hiberno, in principio anni novi, in die natali Imperatoris debent ad eum mittere libellum gratulatorium aut apprecatorium, præscriptos. Sic ergo liber *Ta mim boei tien tomò* 75. præscribit:

Quicumque Præfectus extra Curiam, degens (v. g. Pro-Rex), mittit libellum gratulatorium, seu apprecatorium, pridie curet communem aulam, ac plateam sericis voluminibus, fasciis, aliisque apparatu exornari. Omnes Mandarinii tum civilis tum militaris disciplinæ, præmittant solitam rerum præscriptarum abstinentiam; (quidam Europei hanc malè vocant *jejunium*, ut infra dicam) corpus lavent, pernoctent in suo proprio tribunali, (id est, separati ab uxore). Die præfixo, summo mane in medio anterioris aulæ præparetur thesa imperialis. In duobus suggestis extra portam, hinc & hinc extent cymbalistæ, aliique instrumentorum pulsatores. Ante thesam imperialem ponatur libelli gratulatorii mensa, & ante hanc alia mensa suffitûs. Locus Latoris, sive Mandarinii, qui portaturus est in Curiam libellum, designetur ad orientale latus thesæ. Omnes Mandarinii ad primum tympani pulsus se vestiant; ad secundum, primus Mandarinus, id est, mit-

tens

tens libellum apprecatorium, se vestiat, & accedat ante mensam suffitûs, (dirigente semper aliquo ceremoniarum Magistro); sigillo nitidè terfo muniat libellum cum suo sacculo, ponâtque eum super mensam. Tunc retro siparium secedat. Ad tertium tympani pulsûm omnes Mandarinî se disponant in suo ordine, & simul reverentiam exhibeant; edatur Musica, ac quater profundiorẽ corporis inclinationem faciant. Cessante Musicâ, primus Mandarinus per orientales scalc gradus ascendat, & accedens ante mensam suffitûs genua flectat, omnibus aliis Mandarinis etiam in genua procidentibus. Unus Ministrorum flexis genibus tradat libellum gratulatorium primo Mandarinò; & hic flexis etiam genibus eum tradat Mandarinò Latori, qui pariter flexis genibus eum excipiat, ac deponat in thesa imperiali seu gestatorio ferculo; omnesque Mandarinî se prosternant. Dein surgant. Primus Mandarinus redeat ad locum, & leviorẽ exhibeat reverentiam. Edatur Musica, omnesque Mandarinî quater profundiorẽ corporis inclinationem præstent. Fiat ter tripudii saltus, & ter fausta ac festiva acclamatio. Rursus se prosternant Mandarinî; surgant; edatur Musica; quater profundiorẽ corporis inclinationem faciant. Cessante Musicâ, cymbalistæ, tympanistæ, aliique instrumentorum pulsatores ac omnes Mandarinî suis vestibus induti, præeuntes viam monitrent. Post thesam imperialem (in qua nempe deportatur libellus gratulatorius) parumper ad latus orientale sequatur Mandarinus libelli lator, id est, is qui illum debet ad Imperatorem deferre. Dum venit ad Urbis suburbium sive extra Urbem, deponatur thesa ad meridiem vergens, (scilicet Sinicorum Regum, Principum, ac Magistratuum more) omnibusque instrumentorum pulsatoribus ac Mandarinis in suo ordine dispositis, primus Mandarinus accipiat libellum, (id est, ex thesa) & tradat Mandarinò latori. Hic consensu equo, illum excipiat, statimque viam arripiat, omnibus Mandarinis ordine recedentibus. Hactenus prædictus liber.

Hic in ceremoniis merè politicis, non tantum vides suffitum ac suffitûs mensam, & tales cultus, quales siquis ignarus Christianus Europæus videret, ratus fortè non posse fieri majores in supplicatione Sacrarum Reliquiarum, statim ob hanc causam illos superstitionis ac idololatriæ condemnaret; cum tamen manifestè ad cultum & observantiã merè civilem pertineant.

Huc etiam per transfenniam revocare licet cultum illum, quem Sinæ erga ligneam tum defunctorum Parentum, tum Benefactorum suorum Tabellam similibus, ac penè iisdem ceremoniis adhibent, ut inde colligas eum pari modo esse dumtaxat civilem, non religiosum. Sed redeo ad suffitûs mensam & candelas.

Insuper Sinæ pro dono genethliaco inter alia ad gratulandum offerunt candelas, & ipso natalis die inter epulandum apponitur particularis mensa cum suffitu, lignis aromaticis, candelis, florum fasciculis. Nihil ergo illa suffitûs Mensa, Candelæ, Candelabra habent ad superstitionem spectans; cum enim ea passim in China adhibeantur ad colendos vivos, multò magis possunt adhiberi ad colendos mortuos; imò dum adhibentur pro mortuis, est ad imitandum viventium Rituum ac morem; unde patet quàm malè nomenclatura *Templi* illi Parentali domui affigatur.

Objicies 3. ubi primùm confectum est Parentale ædificium, inquit liber Rituum, pecudis occisæ sanguine illinitur, uti & omnia celebriora ejus vasa (Q); sed hoc est superstitiosum; ergo &c.

Resp. Istam Cereemoniam non haberi in libro Rituum domestico-rum; atque ita, uti sæpius interrogando audiui, illa nunc non sit; nec videtur unquam adhibita fuisse, nisi in Parentalibus Imperatorum aut Regulorum Domibus; nam ibi liber Rituum citatus, agit tantùm de Parentali Imperatoris Palatio; additque Interpres *Chin hao*, ideò illiniri, ut suos erga intelligentis Spiritûs seu Defuncti Domum honor ac veneratio demonstretur (R). Jam verò an alius sinister ac superstitiosus finis ac motivum illam domum sic illinendi fuerit, non potest sat sciri. In libro Memcii, nova campana ad usum Palatii Regii recens fusa, jubetur etiam ovis sanguine illiniri (S); uti & nunc novæ Campanæ porcino, aut alio sanguine passim illinuntur, ut parvæ rimæ obturentur, atque fractionis periculo occurratur. Si hic ergo aut similibus fuit finis ac motivum illinendi illud Parentale ædificium & ejus vasa, v. gr. ad cerussam superaddendam, ad concavitates obturandas, ad augendam firmitatem, &c. tunc certè nihil ibi superstitionis.

Diffinitionum quidem *Ta tsu* quæ agendo de ista voce *Hin*, quæ hic adhibetur ad significandum istum illitum, inter alias multas significationes, (significat enim *oblinc, obturare, altercare, foramen, motum, peccatum, signum*) hanc primo loco ponit sic: pecudis occisæ sanguine aliquod vas illinire, vocatur *Hin*. Sanguis est quid ad obscu-
rita-

ritatem, & quietem spectans; adhibere autem sanguinem ad illinendum, est id, quo insoliti casus aut mutationes reprimuntur, & ominosa rimæ teguntur (T). Et liber Rituum tom. 3. Cap. *Tue lim*, præscribit, ut secundo hiemis mense, primus Annalium Præfectus illinat testudinem assatam, & herbarum *Xicalamos*. Ad hunc autem libri Rituum locum sic Interpres *Chin hao*: olim, inquit Doctor *Fum*, postquam vasa erant confecta, sanguine illinebantur ad expellenda seu avertenda infortunia (V). Deinde alius liber sic: quando equi unà diu stabulantur: contrahunt morbos contagiosos; ideò equi occisi sanguine illinitur equile ad expellendum pravum aërem (X). Itaque si illi Prisci in illinendo Parentali ædificio, (nam Dictionarium & citati libri de illo ibi non agunt in particulari), habuerint intentionem effugandi aut avertendi malignorum Spirituum infestationes ac damna, non autem fractionis aut corruptionis mala, tunc ille illitus erat superstitiosus; cum supponatur DEUS non promississe, vel dedisse illi ad hunc effectum virtutem, uti olim dederat fumo incensi jecoris piscis, quem Raphael Angelus jussit Tobiam apprehendere. Sed quamvis ille illitus ex malo illinentis motivo ac intentione esset superstitiosus, non tamen sequitur, quòd Parentale ædificium ex eo ita esset factum superstitiosum, ut postea non posset servire ad finem bonum, nec eo quis posset uti ad honestum cultum. Quemadmodum si quis gladium, quo alium læsit, oleo illinat, ut læsus longè absens recuperet sanitatem; licet ille illitus seu unctio sit superstitiosa, non tamen sequitur, quòd iste gladius sit ita effectus superstitiosus, ut non possit homini esse usui ad bonum, & ordinarium ejus finem. Ita in nostro casu. Sed quidquid sit de illius illitus intentione ac motivo, cum nunc non fiat, parum aut nihil facit ad nostrum propositum. Imò quocumque motivo tunc fieret, non tamen efficiebat, ut istud Parentale ædificium inde evaderet in se superstitiosum, & honestus illius usus proscriberetur; atque ita ex omni parte non est in se superstitiosum. Sive ergo consideres primam Parentalis ædificii institutionem, sive illius motiva subsequentiæ, sive illius usum passivum, nihil habet nec cum Fanis idolorum, nec cum Templis DEI, nec cum Sacellis aut Cappellis, nec cum Aris commune; adeoque videtur ab omni superstitione aut idololatria liberum: ex nullo enim motivo refertur ad cultum, qui DEO adversatur vel disconvieniat propter summam ejus excellentiam.

Textus Librorum.

A. 1. Lib. Rit. Domestic. tom. 7. sic: Catalogus omnium instrumentorum ad Parentalem Ceremoniam *cy* necessariorum: sedes, mensæ, lances, scutellæ, crateres, scyphî, vini pocula, vini amphoræ, vini cærulei seu aquæ amphora, gestatoria dapum fulcra seu vehicula, paxilli comestorii, potûs *Cha* cyathus & vas, gestatorium pecudis occisæ, (si adhibeatur) fulcrum, focus juscult, vasa cum suis fulcris, pelvis, mantile, velum (si non sit porta), suffitûs mensa, vas ad ponenda odora menta cum suo cochleari, odoramentorum capsula, candelabra cum sua pelvi, herbarum *Mao* fasciculi arenæ immixti; scilicet unus ad unamquamque quatuor generationum mensam & suffitûs mensam, atque ita univèrsim quinque fasciculi; tabella ad affigendam Ceremoniæ *cy* formulam.

Paulò post sic: die Ceremoniæ *cy* præcedente disponantur loca; in unoquoque loco exponantur duæ sedes cum una mensa. Paulò infrà sic: exponantur etiam fercula, & ad horum partem orientalem mortuarius lectus.

B. 2. Lib. Rit. Domestic. tom. 7. sic: catalogus rerum apponendarum: Pecus, scilicet vel capra, vel ovis, vel porcus, vel gallina, anser, anas; mustum vel vinum, bellaria, legumina, condimenta, acetum, frumenti & orizæ farina, potûs *Cha* vascula, pisces, caro salsa ac siccata, pulmentarium.

C. 3. Lib. Rit. Imperii *Cheu* tom. 1. *Tien quon*, art. *Ta tsay* sic Interpretæ *Chin*: ipsa Ceremoniæ *cy* die, summo mane adducitur pecus, & de eo mactanda fit denuntiatio, nempe Defuncti Tabellæ; postea culinæ Præfecto traditur.

C. 4. Lib. Rit. tom. 8. Cap. 24. *Cy y* sic: Ceremoniæ *cy* die, ipse Rex seu Imperator fune trahit pecudem, ejus filio unâ simul ad latus trahente. Primarii Aulæ Ministri, in suo quique ordine sequuntur. Postquam pecus Parentali ædificii portæ successit, alligatur ad foramen lapidæ columellæ. Unus ex Primariis Aulæ Ministris vestem exteriorem exuit, & istius bovis pilos auris abscindit; quodque magni fit, est auris. Deinde cultro, ex quo tintinnabulum ad consonantiam dependet, iugulatur, accipiûrque intestinorum adeps. Tum
ad bre-

ad breve tempus receditur. Postea præsentatur istius bovis caro cruda, & caro semicocta, atque abitur. Hæcque est summæ venerationis demonstratio.

D. 5. Lib. *Ta mim boei tien* tom. 19. sic ait : sub auroram &c. ut in contextu.

E. 6. Lib. Rit. tom. 8. Cap. *Cy y* Interpres *Chin hao* sic : ubi jam jam mactanda est pecus, accipiuntur laterales auri pili ad eos coram Spiritûs seu Defuncti Tabella præsentandos ; & pili quidem, ut fiat denuntiatio Spiritui seu defuncto de pecudis integritate ; per aurem verò, quæ est organum auditûs, Parentans exoptat, ut Spiritus seu Defunctus audiat.

E. 7. Lib. Carm. tom. *Siao ya*, odâ *sin nan Xan*, sic compendiosa Interpretum compilatio : ipsemet filius Parentans arripit cultrum tinnabulo instructum ad abscidendos istius pecudis pilos auri, ut faciat denuntiationem Spiritui seu Defuncto, (id est, ad ejus Tabellam) de ejus perfectione. Accipit ejus sanguinem, & in vase apponit, ut faciat denuntiationem de ejus occisione ; sive ut denuntiet eam non ex morbo esse mortuam. Deinde accipit ejus adipem, & eam cum herba odorifera *Siao* comburit, ut suavem suffitum ac bonum odorem præbeat.

E. 8. Lib. Rit. Tom. 3. Cap. 6. *Yue lim* sic : hoc mense Imperator jubet armenti Præfectum cum Præfecto *Cho* seu Ceremoniæ *cy* Lectore, lustrare omnes pecudes, Ceremoniis *cy* destinatas, & inspicere, utrùm sint integræ ac bene dispositæ. Ad quem locum sic Interpres *Chin hao* : Præfectus *Cho*, id est, is, qui facit denuntiationem Spiritui aut Defuncto. *Integra*, id est, impermixti & boni coloris. *Bene disposita*, id est, nulla corporis parte læsæ aut imminuæ.

E. 9. Lib. Rit. tom. 5. Cap. 11. *Kiao te sem* : pili & sanguis accipiuntur ad faciendam denuntiationem Defuncto, seu Spiritui de pecudis obscuritate seu interioritate, & integritate ; facere autem denuntiationem de pecudis obscuritate, & integritate, est modus magnificiendi totalem alicujus rei perfectionem. Ad quem locum sic Interpret *Chin hao* : dum pecus mactatur, prius ejus pilis, ac sanguine fit denuntiatio Defuncto seu Spiritui ; quia sanguis est aliquid intrinsecum, ideo dicitur cum eo fieri denuntiatio Defuncto seu Spiritui de pecudis obscuritate ; quia autem pili sunt aliquid extrinsecum,

ideò dicitur cum illis fieri denuntiatio de pecudis integritate; magnificere autem totalem alicujus rei perfectionem, est spectare, ut illa intus & foris sit omninò bona, ac perfecta.

- F. 10. Lib. Rit. tom. 5. Cap. 11. *Kiao te sem* sic: præsentatur sanguis ad patefaciendam vitalis auræ, quam pecus habebat, abundantiam, seu vitalium spirituum abundantiam. Tum Interpres *Chin hao*: illa res, quæ & sanguinem, & vitalem auram habet, dicitur vivens. Sanguis ex vitali aura succrescit; ubi res aliqua moritur, mox vitalis aura perit, sanguisque simul arefcit. Quocirca præsentatur sanguis ad demonstrandam istorum vitalium spirituum abundantiam.

Vide etiam hic suprâ num. 7. & 9. litterâ E.

- G. 11. Lib. Rit. Domestic. tom. 7. glossator *Tam* in Ceremonia *cy* pro antiquioribus ultra quartam generationem Avis, quæ, ut ibidem dicitur, vel nunc non fit, vel raro, sic: pridie sub vespèram, (scilicet nunc; olim ipso die mane, suprâ), occiditur pecus. Sed priùs illam inspecturus Pater-familias, seu primogenitus parentans it ad ejus locum; illâ inspectâ & occisâ, cum pilis abscissis & sanguine componit unum ferculum; aliud cum capite & corde, aliud cum pulmone ac jecore, aliud cum adipe & attrita herba *Hao*, aliter dictâ *Siao* benè siccata, vel cum attrito ligno aromatico simul mixtis; duo alia parva cum minuti jecoris, & alia duo similia cum minuti pulmonis. Præterea adhibetur simplex carnis jusculum, & aliud jusculum leguminibus mixtum, utrumque in scutellas infusum, non tamen omninò coctum. Mactata pecus in suo magno disco ponitur. Dum propria libri Rituum domesticorum interpretatio præscribit totius pecudis sinistram partem, relictâ dextrâ parte integrâ, (hæc olim ante personatæ Spiritum apponebatur) partiendam esse in duas partes seu fercula, hæc in re priscum Ritum sequitur. Sed cum iste liber Rituum domesticorum in Ceremonia *cy* adhibeat vulgaria præsentis temporis vasa, ut sumptibus parcatur, etiam in ista pecude & similibus mihi videtur nihil obitare, quominus priscus Ritus non adeò exactè servetur. Certè in solemnibus Regni Ceremoniis *cy*, quæ fiunt viris Principibus, nunc pecus integra adhibetur; in inferioribus autem, & secundariis, ad singulas ligneas Tabelas, pars unicuique divisa apponitur; & nunc sic morem esse mutatum arbitror.

H. 12. Lib. Rit. tom. 4. Cap. 9. *Ly yun* sic Interpres *Chin hao*: cum antiquitus nullus vini usus adhuc esset; utebantur aquâ ad præsentandi Ritus peragendum; idcirco posteriores Imperatores in honorem Antiquitatis, eam nomine honorario appellârunt vinum cæruleum.

I. 13. Lib. Rit. tom. 4. Cap. 9. *Ly yun* sic: adhibere vinum cæruleum in Ceremonia *cy*, nempe aquam limpidam; præsentare seu apponere pecudis sanguinem cum pilis, ac ferculum carnis crudæ; deinde coquere carnem aquâ, sternere stercora subtiliores ac rudiores, uti cannabino poculi operculo, induere vestes colore tinctas, conficere mustum & vinum subalbidum pro dicta Ceremonia, apponere carnem tostam & assatam, Rege & Regina alternatim præsentante, ad corpus & animam Defuncti magnificandam: hoc vocatur aliquam mentis conjunctionem in profunda ac mysteriosa caligine habere. Postea ad brevem moram recedere, carnes crudas cum prioribus semicoctis bene coquere ac condire, partiri carnes eaninas, porcinas, bovinas, ovinas, aut caprinas in varia fercula, implere oriza ac milio vasa lignea & cannea, præparare tum simplex, tum permixtum leguminibus carnis jusculum, ceremoniarum Præfectum *Cho* seu Lectorem obsequiosa Parentantis filii verba deferre ad Spiritûs seu Defuncti Tabellam, & apprecatoria Spiritûs (nempe personati) verba deferre ad filium Parentantem, hoc vocatur magna probitas ac honestas.

Ad hunc locum sic Interpres *Chin hao*: illa verba *præsentare seu apponere pecudis sanguinem cum pilis*, significant: dum mactatur pecus, accipiuntur ejus sanguis ac pili, deferunturque ad faciendam denuntiationem in conclavi ad Spiritûs seu Defuncti Tabellam. *Apponere autem ferculum carnis crudæ*, hæc significant, postquam mactata est pecus, infertur ferculum carnis crudæ, & apponitur ante personatum Spiritum. Itaque hæc tria: præsentare vinum cæruleum seu aquam, apponere sanguinem cum pilis, & apponere ferculum carnis crudæ, fiunt ad imitandum antiquissimi temporis ritum. Quæ sequuntur autem, nempe *coquere carnem aquâ* &c. hæc sunt mediæ antiquitatis Ritus. Denique *ad moram brevem recedere*, & reliqua usque ad finem sunt consueti recentioris temporis Ritus.

Ibidem idem Interpretes sic: proprium personati Spiritus ferculum, est illa dextra pecudis occisæ dimidia pars. Reliquæ carnes in hac non comprehensæ, uti & sinistra istius pecudis dimidia pars, & similia, etiam in magno lebetè coquantur, benèque condiuntur.

- I. 14. Lib. Rit. tom. 4. Cap. 9. *Lyym* sic: Prisci olim Imperatores cum nullus adhuc esset palatiorum & domuum usus, hieme habitabant in effosis terræ cavernis; æstate mapalia ex ramorum & lignorum fragmentis confecta incolebant; cumque nullus etiam adhuc esset ignis usus ad coquendum; vefcebantur plantarum & arborum fructibus, crudasque volucrum ac pecudum carnes comedebant, earum sanguinem potabant, pilosque carni inhærentes, utpote qui extrahi penitus non poterant, unâ deglutiebant. Insuper quia nullus adhuc erat cannabis & serici usus, ideò avium plumis pecorumque pellibus vestiebantur. Postea verò cum Principes virtute, & scientiâ inclyti eurrexissent; tunc habita est sua ex igne utilitas; luteorum & metallicorum vasorum formæ inventæ ad extruenda solaria, turres, domos, portas, fenestras, ad carnes coquendas, assandas, condiendas, torrendas; ad conficiendum vinum, & acetum. Dein inventus modus curandi cannabæ & sericum ad telas tendendas. Quæ ergo nunc fiunt ad suppeditanda Vivis alimenta, ad persolvenda Defunctis iusta, ad præstandum Spiritui destruenti & producenti cæli Domino *Xam Ti* seu Spiritibus & cæli Domino cultum; hæc omnia ab istis principiis suam normam acceperunt.

- I. 15. Lib. *Ven hien tum kao* tom. 94. sic: præteriti Doctores existimant appositionem sanguinis, pilorum, ac carniarum crudarum, esse appositionem escarum, quibus in antiquissimis temporibus homines vefcebantur. Appositionem verò carnis caninæ, porcinae, bovinæ, ovinae, cum aliis prioribus semicocctis bene coctæ, quæ post modicam moram fit, esse appositionem escarum, quibus in præsentì tempore homines vefcuntur:

K. 16. Vide hic suprà numerum 11. litterâ (G).

- L. 17. Hæc à peritis actualium urbanitatum sui Regni Sinis accepta, sic: in solemnibus conviviis præter epulas ad esum convivantium necessarias, ante invitatum hospitem nunc apponuntur aliæ mensæ, supra quas exponuntur varia marina bellaria cruda, salsæ ac siccatæ carnes crudæ, volucris crudæ, pecudum recens mactatarum carnes crudæ, ex farina & sac-

& saccharo confecta bellaria, ludricæ aulae & portæ patulae ex serico erectæ; hominum, aliarumque rerum figuræ, v. g. leonis, cervi, elephantis, ciconiæ &c. ex saccharo, ceterisque adjunctis confectæ. Hæc autem omnia exponuntur eodem modo, quo in Parentalibus Ceremoniis; illaque mensa, vel mensæ vocantur *aspectus mensa*, sive ad aspectum. Post convivium illa omnia deferuntur in domum hospitii. Jam verò si homini in hac vita degenti ista exhibeantur & offerantur omni cum sinceritate ac reverentiâ, occur igitur potiori jure Defunctis ad explendam suam sinceritatem, ac reverentiam exhiberi, præsentarique non possint? ita illi.

L. 18. item hæc quæ infra singillatim recensito ac numero, accepi ab ipsomet Mandarinum Ministro, qui singulis trienniis curat ea emi. Sic ergo:

Dum singulis trienniis in urbe *Nancham*, Metropoli Provinciæ *Kiam si*, (idem ferè judicium de aliis regni Metropolitibus) politicæ disciplinæ & ærarii Præfectus Provincialis, binos Pekino missos Præfectos sive Examinatores ut præsideant Bacchalaureorum ad licentiatus gradum promovendorum examini; insuper & pro-Regem, Militiæ Magistrum, aliisque Magistratus, ac novos licentiatos seu recens in hoc examine, licentiatus laureâ donatos, sumptibus Regiis convivio excipit; præter mensas, quibus accumbitur ad edendum, sextuplex aliarum mensarum ordo apponitur; coram istis duobus delegatis Examinatoribus, pro-Rege, ac Militiæ Magistro; (hujus mensa apponitur, licet ipse non veniat); coram autem aliis Præfectis, juxta cujusque Magistratus gradum, pauciores mensæ apponuntur. Hæc mensæ vocantur, ut jam dixi, *Mensa ad aspectum*. Itaque ante cujusque Examinatoris regii mensam, in qua ipse comedit, (idem est de Pro-Rege, & aliis) hoc ordine sex aliæ mensæ apponuntur:

Prima mensa ad aspectum, instructa est quinque fructuum, maximè aqueorum, generibus.

Secunda, instructa est duobus grandibus discis, & in singulis discis sunt quatuor serica volumina.

Tertia, instructa est quinque grandibus discis, in quibus hominum, aliarumque rerum figuræ ex saccharo confectæ, & intus vacuæ prostant.

Quarta, habet turriculam serico, & variis coloribus ornatam.

Quinta, instructa est quatuor discis, in quorum 1. est anser deplu-

mis præter caudam, insufflatus, integer, crudus, recens. In 2. est anas, & gallina deplumes, &c. ut anser, in 3. recens armus porci crudus. In 4. recens armus capræ, vel ovis crudus.

Sexta, cui antipendium sericum ac florigerum appenditur, est instructa quatuor discis; in quorum 1. est anser evisceratus, falsus, siccus, crudus. In 2. anas & gallina eviscerati &c. ut anser. In 3. perna porcina, non cocta. In 4. perna caprina, vel ovina non cocta.

M. 19. vide hic suprà num. 1. litterâ (A).

N. 20. Lib. Rit. Domestic. tom. 7. agendo de ferculis pro Cere-
monia *cy* Parentum defunctorum requisitis, sic glossator *Yam*: quod
quidem attinet ad Ritus inserviendi Mortuis sicut *Vivis*, inservien-
di non subsistentibus sicut subsistentibus, illa omnia fercula quæ
præscribit liber Rituum domesticorum, non sunt etiam illi præsci
ante & sub tribus Imperiis *Kia*, *Xam*, *Cheu* præscripti Ritus; sed
tantum sunt ii, qui communiter & vulgò adhibentur. Unde si quis
velit parcere sumptibus, illas ipsas mensas, quæ nunc in conviviis solent
passim adhiberi, aut illas, quibus Parentes in vita uti consueverant,
etiam potest adhibere.

O. & paulò infrà sic: si mensæ juxta communes præsentium tempo-
rum urbanitates adhibeantur; maturè super illas, suo ordine lances
disponantur, coquatur oriza, condiantur juscula, calefiat vinum;
quotiescumque vinum præsentatur & apponitur, illa jusculorum ori-
zæque fercula inferantur, non secus ac in ordinariis sæcularium con-
viviorum Ceremoniis; hoc modo mihi etiam videtur quasi signifi-
cari mens inserviendi Mortuis, sicut *Vivis*. Ibidem sic: si adsit pe-
cus occisa, his mensis alia præponatur ad imponendum istius pe-
cudis ferculum; si non adsit, illa mensa omittatur.

P. 21. Lib. *Ta mim boei tien* tom. 58. agens de Regulo missuro Præ-
fectum, qui libellum supplicem ad Imperatorem deferat, hæc præ-
scribit: palatium Reguli, urbis plateæ, compita priùs ornentur ap-
pensis seriis voluminibus, tapetibus, & alio apparatu. In medio
Palatii erigatur Imperialis Aulæ vestibulum; antè hoc ponatur
mensa libelli supplicis, & ante hanc mensa suffitûs, ad cujus utrum-
que latus duo sint præfecti pro gerenda suffitûs cura. In medio
Aulæ sit locus Reguli pro exhibendis reverentiis. Post hanc locus
Procerum; & uterque vergat ad Boream. A dextris & à sinistris
quo

duo Magistri Ceremoniarum, transverso ad se invicem vultu. Locus Latoris libelli, ante mensam suffitûs ad Ortum; & duo Ministri ante eandem ad Occasum, alter tenens libellum, alter libelli sacculum seu involucrium. Im medio ad Austrum Palatii, stet thensa Imperialis; ante hanc Musicorum Chorus, & instrumentorum Pulsatores. Isto die summo mane Præfecti, qui Sigilli Regii curam habent, illud exponant supra mensam in medio Palatii positam, & ritè tergant ad eo muniendum & libellum & illius sacculum, utrumque super mensam appositum. Tum Regulus coronâ & veste regia indutus, cum suis Proceribus ac Præfectis etiam aulicè vestitis, post appositum sigillum, flavo libellum, & rubro sacculum operculo involvens, utrumque thecæ includat; & utrumque cum sua theca unus Præfectorum supra mensam deponat. Deinde ipse Regulus & Lator capiant suum locum. Tum Regulus ac Præfecti, dirigente & acclamante Ceremoniarum Magistro vel Magistris, accedant ad locum; in quo reverentiæ sunt exhibendæ. Edatur Musica. Binam reverentiam exhibeant. Cessante Musicâ, Regulus accedat ad mensam suffitûs, flectat genua simul cum omnibus Præfectis, tæque suffitum offerat, (nempe coram libello); quo peracto aliquis Præfectus libellum accipiens, versâ ad Ortum facie, sive à parte occidentali, flexis genibus eum tradat Regulo; Regulus acceptum tradat Latori; Lator flexis genibus, versâ ad Occasum facie, sive à parte orientali, illum accipiat, & surgens eum deponat super mensam. Regulus surgens & ad locum suum redux, profundam faciat reverentiam. Edatur Musica. Regulus simul cum omnibus Præfectis profundam quater exhibeat reverentiam. Cessante Musicâ, prædictus Præfectus accipiens libellum cum suo sacculo præeat, ac eum imponat intra Thensam Imperialem, seu gestatorium ferculum. Præcedentes Tympanistæ, & alii instrumentorum Pulsatores viam monstrant; Regulus comitetur usque ad portam Palatii; Proceres ac Præfecti usque ad urbis portam; & tunc Lator suum iter aggrediatur.

Item in eodem tomo §8. libri *Tamim boes tien* præscribitur modus, quo Regulus debeat excipere Imperiale scriptû, denuntians vel acceptam Imperii possessionem, vel factam Principis Heredis institutionem, vel collatam Reguli dignitatem, sic: in publico hospitio extra urbem erigitur tabernaculum, & adornatur sescis voluminibus, splendo-

que cultu, uti & urbis plateæ. Ibidem præparatur Imperialis thessa, seu gellatorium ferculum cum suffitûs mensâ. Procul ab urbe exiit istud scriptum aliquis Præfectus, qui delatum ad præfatum hospitium imponit thessa Imperiali; & postquam illuc advenit Regulus, corona & veste regia indutus unâ cum suis omnibus Proceribus ac Præfectis, quiesque ei profundam corporis inclinationem exhibuit, processionaliter in thessa, resonantibus cymbalis & musicis instrumentis, deferitur ad medium palatii Reguli; & ibi Regulus flexis genibus acceptum à Præfecto etiam flexo suffitum, ter offert coram scripto Imperiali, reliquis omnibus præfectis pariter in genua provolutis: deinde omnes ante & post illius lectionem seu promulgationem sæpius se prosternunt. Quo lecto, fit repetita acclamatio *Uan sui*, id est, fausta multorum annorum ac longævæ apprecatio, concomitante tripudio, ac musicis instrumentis.

Q. 22. Lib. Rit. tom. 7. Cap. 21. *Tsa ki hia* sic: ubi primùm confectum est Parentale palatium, statim oblinatur, vel ejus rimæ obturentur. Paulò post: omnia Parentalis palatii vasa speciali nomine insigniâ, ubi confecta sunt, sanguine porcino oblinantur, vel eorum rimæ obturentur.

R. ibid. Interpres *Chin hao* sic: ubi primùm confectum est Parentale ædificium, mox pecudis sanguine illinitur, ut suus erga intelligentis Spiritûs seu Defuncti domum honor, ac veneratio demonstretur.

S. 23. Lib. 1. Memcii Cap. 1. *Leam boei uam* sic: Regulus *Sinen uam* cum fortè vidisset tremiscentem trahi bovem, interrogavit quò ille trahe-retur? responderunt trahi ad mortem, ut ejus sanguine rimulæ recentis campanæ oblinerentur; (in Palatio regio vel ad mensam, vel ad assatum, vel ad alia tangi solebat campana). Tum Regulus: illum, inquit, dimittite liberum &c. & cum ove permutate.

T. 24. Dictionarium *Ta tsu guei* in littera *Hin* sic: pecudis occisæ sanguine aliquod vas illinire, dicitur *Hin*. Sanguis est quid ad ob-scuritatem & quietem spectans. Adhibere autem sanguinem ad illi-nendum, est id, quo insoliti casus aut mutationes reprimuntur, & ominosæ rimæ teguntur &c. Insuper significat quaecumque sangui-nis appositionem, rimam, foramen, altercationem, motum, pecca-tum, signum prævium, illitum; uti liber Rituum Imperii *Chen* (sci-licet tom. 3. *Chun quon* art. *Cham gin*) sic ait: *Postea cadaver vino*

aroma-

aromatico illinatur; vult dicere, in solemnī viri illustris funere, postquam cadaver aquā lotum fuit, postea vino aromatico oblinitur ad gratum odorem efflandum.

V. 25. Lib. Rit. tom. 3. Cap. 6. *Tue sim* sic: hoc secundo hiemis mense, jubeatur primus Annalium Praefectus illi iuretestudinem assatam &c. ut suprà in contextu.

X. 26. Lib. Rit. Imperii *Chen* tom. 4. *Hia quon* art. *Tu fa* sic Interpretes *Chin gin se*: quando equi unā diu stabulantur, contrahunt &c. ut suprà in contextu.

QUÆSTIO II.

An Parentalis Palæstra, quam antiquo suo Magistro Confucio Sine exstruunt, sit superstitiosa?

Paragraphus I.

An sit superstitiosa ex motivo, seu fine suæ primæ institutionis?

R Esp. & dico non videtur hæc Palæstra esse superstitiosa ex motivo suæ primæ institutionis. Probatur: hoc motivum non tantum debet inquiri à motivo, quo prima Confucii Parentalis Palæstra erecta est; sed etiam & maxime à motivo, quo primæ in China Palæstræ, Confucianam longè antecedentes; in quibus, ut in Confuciana, fiebat Cereemonia 77 priscis Sapientibus, antiquitūs erectæ fuerunt; cū ad harum similitudinem Confuciana sit erecta. Itaque Sinicarum palæstrarum communium simul & Parentalium origo, institutio, progressus hic est: Antiquitūs viginti quinque domus in aliqua platea aut vico vocabantur. *Liu*; in capite plateæ aut vici erat porta; ad latus portæ erat parva schola dicta *Xo*, in qua electus ex illo vico,

54 *Tract. II. De Ceremoniis Sinarum erga Defunctos.*

vel platea vir, doctrinâ & virtute præstans, Magistrum agebat. Quingentesima domus vocabantur *Tam*; ubi habebatur alia schola dicta *Ciam*, ad quam ascendebant ii, qui in vici schola *Xo* satis profecerant. Deinde bis mille & quingentesima domus vocabantur *Chen*; ubi rursus habebatur alia schola superior dicta *Siu*, ad quam ascendebant ii, qui in schola *Ciam* satis profecerant.

Deinde in ipsa urbe regia habebatur suprema schola, in qua filii Imperatoris, Regulorum, Præfectorum, & ii qui in schola *Siu* magnum sui ingenii specimen dederant, studebant: hæc vocabatur *Kiao*. Vici vel plateæ schola erat Parvulorum; tres reliquæ Adultorum (A).

Schola autem Adultorum, temporibus Imperatorum *Fo hi*, *Xin num*, *Hoan ti*, *Chuen bio*, *Xao hao*, vocabatur *Chinkium*, id est, perfectæ æquitas seu Medii institutio (B). Nulla, ut puto, prior hac potest assignari, cum Princeps *Fo hi* sit Sinarum Conditor; illius autem scholæ motivum patet ex ipso ejus nomine, quo dicitur illa erecta fuisse ad docendum virtutis Medium seu perfectam æquitatem (C). Sed ad docendum hoc medium, quosnam Ritus in schola Imperatores sanciverint ac servarint, videamus. Imperator *Xun*, uti & sequentes Imperatores, in schola trium Primorum Imperiorum *Hia*, *Xam*, *Chen* dabant alimenta senibus (D). Hæc Ceremonia sic fiebat: sub finem Veris (E), Imperator adibat primò scholam dictam *Tu ciam*, extra urbem Imperialem ad Occidentem positam (F); & ibi jubebat litterarum Præfectos juxta præscriptos Ritus facere Ceremoniam *cy* priscis Magistris, & priscis Sapientibus (G). Sequenti die ipse in alia schola dicta *Tum ciam*, ad orientalem sui palatii partem sitâ, priscis Senibus defunctis, de Republica olim bene meritis, munera apponebat, sive præsentabat; deinde quibusdam senibus vivis escas & vinum offerebat solemni cum musica, & apparatu in corona suorum Procerum, ac Regulorum, quos postea in sua regna remittebat, hunc Ritus servare jussos, ut sic suam pietatem per omnia loca extenderet (H).

Jam verò motivum in schola peragendi istam alendorum Senum Ceremoniam, in qua defunctis Senibus bene meritis, uti & priscis Magistris, priscisve Sapientibus Parentales Ceremoniæ *cy* fiebant (I), hoc fuit: quia schola est locus docendi, clarèque explicandi filialem erga Parentes observantiam, debitam juniorum erga seniores reverentiam, vitæ

vitæ honestatem, & actionum æquitatem, idè in illa fiebat dicta Cere-
monia (K). In alendis enim Senibus debita filiorum erga Paren-
tes observantia, ac sustentatio demonstratur (L). Unde patet
principale instituendi istarum primarum scholarum, (quæ, prout servi-
ebant ad Parentandum priscis Magistris ac priscis Sapientibus, nuncu-
pari possunt Parentales,) motivum fuisse, ut haberetur locus, in quo
doceretur, clarèque explicaretur filialis erga Parentes observantia, de-
bita juniorum erga seniores reverentia, vitæ honestas, actionum æqui-
tas; idcirco quotiescumque Imperator creabat novum Regulum; sta-
tim eum jubebat in concessio Regno palæstram erigere, priscisque Ma-
gistris ac priscis Sapientibus sericum volumen, vel potius serica volumina
præsentare (M); munus nempe ordinarium, quo viventes utuntur, dum
se invicem invisiunt, ut passim videre est in libro *T'ly*, id est, urbanita-
tum & Rituum. Imò quotiescumque nova palæstra erigebatur, sta-
tim sericum volumen priscis Magistris, ac priscis Sapientibus præsentabatur;
ac deinde quædam legumina (N). Nimirum quia olim discipuli,
dum suum Magistrum invisebant, ei pro munere legumina offerebant
(O). Jam verò in hoc institutionis motivo, non tantum nulla super-
stitiosa, sed nec ulla turpitudine apparet; imò contrà illud spectat
moralis virtutis honestatem, ac instructionem.

Postea volventibus sæculis in singulis Chinæ urbibus, intra sep-
ta publicæ domûs litterarum Præfecti, quæ domus etiam dicitur urbis
schola, erecta est Confucio Parentalis palæstra. Voco *palestram*; quia
in suo frontispicio gerit hanc inscriptionem: *Sien su miao*, id est, *prisci
Magistri* (non proto-Magistri, ut quidam Europæi malè verterunt)
representatio. Nam ista vox *Miao*, ut vidimus suprà, significat *repræ-
sentare, referre alicujus speciem, indicare aliquid per similitudinem*; nimi-
rum est repræsentatio Confucianæ palæstræ, vel potius prisci Magistri
Confucii in Palæstra docentis. Unde in versuum strophis, quæ, dum
fit solemnitas Cereemonia *cy* Confucio, decantantur, illa vocatur *Hu kum*,
id est, scholæ aula, & alibi vocatur primaria schola (P). Adcoque
palæstra potest dici, non Templum aut Fanum. Hæc palæstra septi-
medium occupat, & ad ejus latus intra septum stant ædes urbis littera-
rum Præfecti, non provincialis, sive non illius qui Studiosos examinat
ad gradum Bæchalaureatûs.

Jam verò cùm hæc palæstra Confuciana sit erecta ad similitudinem illarum antiquarum, in quibus dona præsentabantur priscis Magistris ac priscis Sapientibus; ergo motivum eam erigendi fuit etiam idem, ac motivum, quo illæ antiquæ erectæ sunt; sed in motivo erigendi seu instituendi illas antiquas nulla apparet superstitio; ergo nec in motivo instituendi hanc Confucianam. Quod etiam fuerit idem motivum, hinc patet: illæ antiquæ palæstræ, in quibus fiebant Parentales Ceremoniæ priscis Magistris ac priscis Sapientibus, erectæ fuerunt ad docendam, clarèque explicandam filialem erga Parentes observantiam, debitam juniorum erga seniores reverentiam, vitæ honestatem, actionum urbanitatem, ut jam vidimus; atqui ratio cur ab Imperio *Han* huc usque specialiter Confucio, ut prisco Magistro, erecta sit Parentalis palæstra, illique munera in ea præsententur, vel fiat Ceremonia *cy*, est, quia libros antiquorum Sapientum ac classicos concinnavit, dilucidavit, ordinavit; insuper ipse librum *Chun ciu* seu *Ver & Autumnum*, ac libellum de filiali observantia, aliòsque composuit ad Sinarum institutionem (*Q*); Docendo nempe illos filialem erga Parentes observantiam, debitam juniorum erga seniores reverentiam, vitæ honestatem, actionum æquitatem; ergo idem motivum. Sed hoc motivum est honestum, nec in hoc ulla relucet turpitudine aut superstitio; adeoque ista Parentalis palæstra ex motivo ac fine suæ primævæ institutionis non videtur superstitiosa. Et verisimile est in illis antiquis palæstris fuisse etiam locum specialem, seu aulam, in qua istis priscis Magistris ac Sapientibus fiebat Ceremonia *cy*. Quod attinet ad motivum faciendi illis istam Ceremoniam *cy*, mox dicetur in paragrapho sequenti.

Textus Librorum.

- A. 1. Doctrina seu schola Parvulorum Cap. 1. *Nuy pien* art. 1. rectæ disciplinæ institutio sic: Antiquitus 25. domus &c. ut suprâ in contextu.
- B. 1. Lib. Rit. tom. 4. Cap. 8. *Uen nam Xi Tsfu*, sic Interpret *Chin hao*: ista bina vox *Chun kium*, est nomen, quo Adulorum schola sub quinque priscis Imperatoribus vocabatur.

- C. 3. Lib. Rit. Imperii *Chen* tom. 3. *Chun quon* art. *Ta su yo* sic: hic Præfectus præsit scholæ *Chim kiun*. Tum Interpres *Chin gen* sic: summus Musicæ Præfectus, est is, qui præest reliquis Musicæ Præfectis. Ista bina vox *Chim kiun*, est nomen, quo sub quinque priscis Imperatoribus schola vocabatur; vocabatur autem *Chim kiun*, id est, Médii instructio; quia quod in homine deerat, perficiebat, & omnem seu excessum seu defectum ad æquitatem reducebat.
- D. 4. Lib. Rit. tom. 3. Cap. 5. *Uam chi*: Imperator *Xun* nobilibus Senibus in superiori schola, plebeis Senibus in inferiori schola alimenta præbebat. Ad quem locum sic Interpres *Chin hao*: Ritus præbendi alimenta Senibus, in schola fiebat; quia illa erat locus, in quo docetur ac clarè explicatur filialis erga Parentes observantia, debita juniorum erga seniores reverentia, vitæ honestas, actionum æquitas. Nobiles Senes, sunt emeriti senes, magistratu, dignitate ac virtute nobiles; plebei Senes, sunt e plebe Senes, & ii, quorum filii aut nepotes pro Patria occubuerunt. Superior schola, seu Aduktorum schola, tunc ad occidentalem regiæ urbis partem in suburbio sita erat. Inferior schola, id est, Parvulorum schola, tunc ad orientalem regii palatii partem intra urbem sita.
- Lib. Rit. ibidem sic: Imperatores trium Familiarum *Hia, Tn, Chen* nobilibus Senibus in Aduktorum schola; plebeis Senibus in Parvulorum schola alimenta præbebant. (Sed, ut ibi ait, sub Imperatoribus familiæ *Hia* & *Chen*, Aduktorum schola erat intra urbem ad orientalem regii palatii partem, dicta sub *Hia* familia *Tum sin*; & sub *Chen* familia *Tum kao*;) Imperator *Xun*, testus coronâ dictâ *Hoam*, faciebat Ceremoniam *cy* (scilicet vel priscis Senibus, vel priscis Magistris ac Sapientibus); sed indutus alba veste vivis Senibus alimenta præbebat. Imperatores Familiæ *Hia*, testis coronâ dictâ *Xeu*; Familiæ *Tn*, coronâ *Hin*; Familiæ *Chen*, coronâ ordinariâ, illis faciebant Ceremoniam *cy*; verum Imperatores Familiæ *Hia*, nigra; *Tn*, albâ veste induti, vivis Senibus alimenta præbebant.
- E. 5. Lib. Rit. tom. 3. Cap. 5. *Vam chi* sic Interpres *Chin hao*: præterea sub finem Veris, solemniissimâ musicâ ac pompâ Imperator post visitatam scholam, etiam Senibus alimenta præbebat.

58 *Traët. II. De Ceremoniis Sinarum erga Defunctos.*

F. 6. Lib. Rit. tom. 4. Cap. 8. *Ven nam xi* *ifu* sic: Imperator dum visitat scholam *Tu ciam*, summo mane tympani sonitu discipuli convocantur, ut illo excit, statim omnes adveniant; postquam omnes advenerunt, tunc Imperator appellit, jubetque litterarum Præfectos suo fungi officio; Ritus consuetos peragere, priscis Magistris ac priscis Sapientibus Ceremoniam *cy* facere. His peractis, à litterarum Præfectis fit certior Imperator de mandati executione; & si tunc nova sit schola, quæ erigatur, præsentantur etiam alimenta: nimirum Imperator adit scholam *Tum ciam*, priscisque Senibus dona apponit seu præsentat. Deinde trium Senum nominatorum, & aliorum quinque abdicato Magistratu illustrium, reliquorumque Senum celebrium storem ipse sternit, id est, illorum locum præparat.

Ad quem locum Interpres *Chin hao* sic: Imperator visitatâ scholâ *Tu ciam*, in urbem redit; dein sequenti die adit scholam *Tum ciam*, & Senibus alimenta præbet. Si non sit nova schola recens erecta, non apponuntur seu non præsentantur dona priscis Senibus.

Idem Liber Rituum ibidem sic pergit: postea Imperator vadit ad locum, in quo præparata sunt epularum fercula; vinum, mustum, omnésque ad alendos Senes inspicit dapes. Quo facto pergit ad excipiendos tres Senes, & quinque emeritis Magistratus: & dum portam jam jam ingressuri sunt, jubet totum musicum concentum solemni pompâ & apparatu resonare; ingressus ipsemet, non nihil retrocedens, vinum infundit ac offert; atque ita in alendis Senibus debitam filiorum erga Parentes observantiam, ac Parentum sustentationem suo exemplo edocet. Tum Sene unoquoque in suum aulae locum appulso, jubet Musicos decantare odam libri Carminum dictam *Gim miao*, quæ Principis *Ven nam* laudes ac virtutes continet. Hac decantatâ, omnes inter se colloquuntur ad imponendam liberali Imperatoris operi coronidem. Colloquuntur autem de debito inter Patrem ac filium amore, de debita inter Regem & Subditum æquitate, de debita inter Seniorem & Juniorem subordinatione. Paucisque interjectis, tandem Præfectis monentibus totam Musicam esse absolutam, tunc Imperator conversus ad Regulos, Dynastas, & omnes Legatos: in Patriam, inquit, nunc redite, & in

& in schola *Tum su* vos etiam Senibus alimenta præbeto: Atque ita ab uno loco ad alia omnia suam pietatem extendebat.

H. 7. Lib. Rit. tom. 7. Cap. 19. *To hi* sic: dum Imperator tribus Senibus, & quinque emeritis Magistratibus alimenta in Adultorum schola præbet, ipsemet veste exteriori exuta dissecat pecudem occisam, ciborum condimenta accipit: & vivis Senibus offert, vini craterem apprehendit, & illud ad abluendum os eis præbet; gestat diadema, ac umbonem manu præfert; atque hæc facit, ut Regulos ac Proceres debitam Juniorum erga Seniores reverentiam edocent.

Vide etiam hic suprà num. 6. litterà F & G.

I. 8. Vide hic suprà num. 6. litterà F & G.

K. 9. Vide hic suprà num. 4. litterà D.

L. 10. Vide hic suprà num. 6. litterà F & G.

M. 11. Lib. Rit. tom. 4. Cap. 8. *Ven nam xi tsu*: quotiescumque nova palæstra erigitur, oportet dona apponere seu præsentare priscis Sapientibus ac priscis Magistris; & hæc dona debent esse serica volumina vel sericum volumen. Deinde ibidem sic Interpretæ *Chin hao*: dum novus Regulus sui regni possessionem accipit, jubetur ab Imperatore suos populos docere; ideòque statim scholam erigit.

N. 12. Lib. Rit. tom. 8. *Ven nam xi tsu*: quando nova palæstra erigitur, illis ejus vasis, sericum volumen seu volumina præsentantur vel apponuntur. Postea apponuntur seu præsentantur legumina. ad hunc locum sic Interpretæ *Chin hao*: dum nova erigitur palæstra, nondum habentur vasa ac instrumenta ad Musicam, Ritumque præscriptos requisita; illis autem confectis ac illitis, tunc priscis Sapientibus, ac priscis Magistris præsentatur seu apponitur sericum volumen ad denuntiandum peractam eorum confectioem; postea offeruntur etiam legumina ad denuntiandum præparatum eorum usum.

O. 13. Lib. *Ven hien tum kao*, id est, universale examen & librorum & Doctorum priscorum tom. 43. sic: olim discipuli Magistrum invisentes, legumina eis offerebant. Idem in eodem tom. sic: Ritus præsentandi priscis Magistris legumina, significat munus, quod quis offert, dum aliquem primum invisit.

- P. 14. in strophis versuum, qui, dum fit Confucio Ceremonia *cy*, decantantur, & de quibus infra, sic: proh! veneranda scholæ aula, sinicè *Hio kum!* ex omni parte ad illam colendam advenitur.
- P. 15. Lib. *Ven buen tum kao*, tom. 43. sic: præterea statutum fuit, ut Doctoribus *Ifo kien mim*, *yen hoet*, & aliis 21. unâ cum Confucio fieret Ceremonia *cy* in primaria seu Regia schola, sinicè *t'ay bio*.
- P. 16. Lib. *Ta mim Hoi tien* tom. 91. sic: delegati Præfecti faciant Ceremoniam *cy* in Regni schola, sinicè *Que bio*.
- Q. 17. Lib. farrago variarum rerum ad scientias spectantium, tom. 32. art. *Xe tien*, Doctor *Fan kien* imperante Familia *Cin*, in suo libro, sic Doctorem *Fum hoai* interrogat: ecce inquit, ab Imperio Familix *Han* usque ad hæc tempora munus priscis Magistris apponi seu præsentari solitum, uni tantum Confucio præsentatur, non autem Principi *Chen kum*? Enimvero, reponit Doctor *Fum*, juxta id, quod dicis non tantum Princeps *Chen kum*, sed etiam Principes *Tao*, *Xau*, *Ven nam*, *Vu nam*, proponendi forent.
- Q. 18. Lib. *Ven bien tum kao*, tom. 43. sic: quia Confucius librum *Chun sien*, id est, *Ver* & *Autumnus*, aliudque de filiali observantia composuit, supplementum seu appendicem libro classico *Te kum* adjecit, ac eum dilucidavit, omniâque in aliis libris classicis debito ordine disposuit, ideò specialiter erecta est illi Parentalis palæstra.

Paragraphus II.

An Parentalis palæstra Confucii sit superstitiosa
ex motivo, seu fine primævam suam in-
stitutionem consequente?

R Esp. & dico: non videtur Parentalis Confucii palæstra esse superstitiosa ex motivo seu fine primævam suam institutionem consequente. Probatur: Motivum seu finis consequens, quem sibi proposuerunt olim Sinæ in exstruendis Parentalibus palæstris, fuit ad faci-

endam Ceremonialem aliquam munerum exhibitionem priscis Magistris ac priscis Sapientibus; (de priscis Senioribus jam dictum est, nec ampliùs illis fit ista antiqua Ceremonia (A)); sed hoc motivum non est superstitiosum. Illis enim fiebat ista Ceremonialis munerum exhibitio: *Primò*, ut Discipuli docerentur liberales disciplinas, ac litterarum scientias plurimi facere & venerari (B). *Secundò*, ut erga Magistros honos exhiberetur (C). *Tertiò*, ut Reguli sapientiam ac virtutem docerentur (D). *Quartò*, ut ob præclara vivendi ac regendi præcepta ab iis transmissa, gratitudo præberetur (E). Atqui hæc motiva non sunt superstitiosa; nec ullum indebitum cultum involvunt; ergo illæ antiquæ Parentales palæstræ non erant superstitiosæ ex motivo seu sine primævam institutionem consequente. Jam verò motivum, quod nunc sibi proponunt Sine in extruenda Confucii Parentali palæstra, est idem, ac illud, quod olim sibi proponebant; sit enim ista Ceremonialis munerum exhibitio, sive Ceremonia *cy* Confucio ut prisco Magistro ac prisco Sapienti (F); idè enim Imperator *Vu ti* Familiæ *Leam*, Parentalem Confucio palæstram erexit, ut ostenderet, quòd illum veneraretur ut Magistrum (G); & quia eum agnoscebat ut Imperatorum Magistrum, ante Parentalem ejus aulam se prostravit Imperator *Tay tsou* (H). Præterea Imperator *Kia cim* Familiæ *Ta Mim*, iussit, ut omnes Confucii palæstræ præferrent in frontispicio scriptum hunc titulum *Sien su miao*, id est, prisci Magistri repræsentatio, seu repræsentativa palæstra (I). Nec ullum aliud afferunt motivum sive Ceremoniam *cy* illi faciendi, sive Parentalem palæstram illi erigendi, nisi quòd sit priscus regni Magister; motivum autem istud non est superstitiosum; ergo nec Parentalis palæstra illi ex isto motivo erecta est superstitiosa.

Textus Librorum.

- A. 1. Lib. *Ven bien tum kao* tom. 41. sic: Ritus alimenta Senibus præbendi abhinc Imperio Familiæ *Han* in defectudinem abiit.
 B. 2. Lib. Rit. tom. 6. Cap. 18. *Hio ki*: quando discipuli Adul-
 torum scholam primùm adeunt, litterarum Præfectus confectum

ex cervina pelle pileum gerens, præsentat legumina, ut illis ostendat venerationem, quam erga scientias habere debeant. Tum ibi Interpres, *Chin hao*: præsentat, inquit, priscis Magistris aquaticarum herbarum *pim* & *Tsao* legumina, ut discipulis ostendat venerationem & existimationem, quam erga scientias & liberales artes habere debeant.

- C. 3. Lib. Rit. tom. 4. Cap. 8. *Ven uam xi tsu* sic: in qualibet palæstra litterarii vernæ & æstivæ tempestatis Præfecti quæ præsentant priscis Magistris, ea tantum apponunt seu coram deponunt; litterarii hibernæ & autumnalis tempestatis Præfecti, etiam eodem modo faciunt. Dein Interpres *Chin hao* sic ait: ea, quæ præsentant, tantum coram apponunt; nullus ibi habetur personatus Spiritus; non comeditur, non bibitur, non sibi invicem propinatur, &c. Sic autem agunt, quia id quod maxime spectant, est exhibere illum honoris ritum, non merita pensare. Prisci Magistri dicuntur ii, qui præteritis olim temporibus hæc in re exercitati claruerunt.
- D. 4. Lib. Rit. tom. 8. Cap. 24. *Cy*, sic: Imperator in Adultorum schola tribus nominatis Sibus, ac quinque emeritis Magistratibus alimenta ideò præbet, ut Regulos debitam Juniorum erga Seniores reverentiam; in Parvulorum schola priscis Sapientibus ideò facit Cereemoniam *cy*, ut eosdem sapientiam ac virtutem edoceat.
- E. 5. Lib. Rit. tom. 8. Cap. 23. *Cy fa*, sic: Sapientes illi Imperatores sic faciendæ Ceremoniæ *cy* Ritus ac leges instituerunt, ut iis, qui olim præclara vivendi ac regendi præcepta populis tradidissent, fieret Cereemonia *cy*; quique pro defendenda adjuvandæve Patria occubuissent, iis etiam fieret Cereemonia *cy*, &c. Deinde ibi enumerat plures Imperatores, scilicet *Xin num*, *Hoam Ti*, *Chuen hio*, *Ti ko*, *Yao*, & plures Principes, scilicet *Ki*, *fo* &c. ejusmodi in populum beneficiis celebres. Deinde Interpres *Chin hao* sic: incipiendo ab Imperatore *Xin num*, & Principe *Ki*, usque ad Imperatorem *Yao*; & ab Imperatore *Hoam Ti* usque ad Principem *Sie*, hi sunt, qui præclara vivendi ac regendi præcepta populis tradiderunt.
- E. 6. Lib. *Ta mim hoi tien*, tom. 91. sic: hæc apponenda sunt ante ligneam Confucii prisci Magistri Tabellam, &c.

- G. 7. Lib. *Ven hien tum kao* tom. 41. Imperator *Vu Ti* &c. ut supra in contextu.
- H. 8. Lib. *Ven hien tum kao* tom. 43. sic: Imperator *Tay isou* posterioris Familiae *Chen*, anno Imperii sui *Quam xum*, visitans Parentalem Confucii aulam, cum vellet coram Confucio se prosternere; monitus fuit ab Aulicis, ne id faceret; quia non decebat, inquit, Subditum à Domino sic coli. Quibus ille: Princeps ac Coryphaeus rei litterariae, inquit, infinitorumque Imperatorum Magister non meretur, ut profundissimam reverentiam colatur? his dictis, statim ante Parentalem Confucii Aulam se prostravit, & dona obtulit.
- I. 9. Lib. *Ta mim boei tien*, tom. 91. sic: Imperator *Kia cim* anno sui Imperii nono, ad ordinandas ac rite componendas Ceremoniarumque leges, iussit, ut Confucio non statua, sed ut lignea Tabella erigeretur, & in ea inscriberetur hic titulus: *summè excellentis prisce Magistri Confucii Spiritus*, seu *Defuncti Tabella*; cumque prius supra Confucianae frontispicium palæstrae esset scriptus hic titulus: *magni concentus musci Imperialis aula*, iussit ut ille mutaretur, & poneretur: *prisce Magistri representatio*, seu *representativa palæstra*.

Paragraphus III.

An Parentalis palæstra Confucii sit superstitiosa
ex motivo, seu fine sui usus?

Respondeo & dico: nec videtur Parentalis Confucii palæstra esse superstitiosa ex motivo sui usus. Probatur Primo de usu passivo.

Primus usus passivus sunt Tabellae lignae hoc ordine dispositae: Medium ac superiorem palæstrae seu aulae locum occupat lignea Confucii cubitalis Tabella, erecta intra oblongum ligneum loculamentum; supra Tabellam haec scripta: *Chi xim sien su kum tsu xin gnei*, id est, *summè excellentis* (nempe in moribus & doctrina) *prisce Magistri* (non proto-Magistri) *Confucii Spiritus* seu *Defuncti obiectum erectum*, seu *Signum representativum*, id est, *Tabella lignea* (A).

De

64 Traët. II. De Ceremoniis Sinarum erga Defunctos.

De his vocibus *Xin guei* jam dixi suprà Cap. 1. quest. 2. §. 2.

In loco paulò inferiori hinc & hinc prostant duo alia tabularia Loculamenta, in quibus exstant lignæ Tabellæ Discipulorum Confucii, seu Doctorum *Ten tsu*, *Cem tsu*, *Su tsu*, *Mem tsu*, cum inscriptis eorum nominibus (B); nimirum duæ à dextris & duæ à sinistris; præterea in ejusdem aulae loco paulò adhuc inferiori & sejunctori, hinc & hinc prostant alia duo loculamenta, in quorum singulis quinque lignæ aliorum Confucii Discipulorum Tabellæ exstant cum inscriptis eorum nominibus. In medio propè summum tabulatum appensa est grandis & exornata tabula, in qua digitalibus litteris scriptum *omnium saculorum Magistrorum exemplar* (C). Præter hæc nihil aliud in illa aula habetur; nulla effigies, nulla statua; sed tantum quædam representatio Magistri & Discipulorum suo ordine in schola sedentium, per illarum lignearum Tabellarum dispositionem adumbrata.

Ideò extra magnam Aulam, in lateralibus cubieulis hinc & hinc atrium spectantibus & patentibus, exstant aliæ circiter centum lignæ Tabellæ aliorum inferiorum Discipulorum, aut insigniorum Doctorum, qui ad summam illam sublimioris doctrinæ palæstram Confucianam subire non potuerunt. In illa Parentali palæstra subinde olim erecta est Confucii statua; sed Imperator *Kia cim* anno sui Imperii nono, Christi circiter 1531. jussit decreto universali omnes Confucii Statuas dejici, & illarum loco ligneam Confucii Tabellam apponi (D); uti jam prius sub initium Imperii Familix *Ta min* dictæ, fieri cœperat (E). Parentalem Confucii palæstram, quæ in hac urbe *Nan cham* extat, eo, quo jam descripsi modo, constructam ipse adivi & diligenter inspexi; cumque eadem in singulis urbibus, jussu Imperatoris, erecta sit, Sinæque in ejusmodi ædificiis publicis soleant omnimodam amare uniformitatem, suppono reliquas aliarum urbium, huic jam descriptæ esse similes, aut penè similes,

Jam verò motivum erigendi illas lignæ Confucii Tabellas, est idem ac illud, quod suprà vidimus carere superstitione, agendo de lignea Defunctorum Parentum Tabella; ergo etiam hoc caret superstitione.

Secundus usus passivus sunt tum vasa & instrumenta ad faciendam Ceremoniam, & Confucio requisita, tum res, quæ ei præsentantur: sed hæc omnia ex se sunt indifferentia, & ex se exhibent tantum scenicum

con-

conviviū apparatus; aut si quid aliud contrahunt, id pendet ex motivo usūs activi, de quo jam agam; ergo motivum præparandi & apponendi ista passiva præcisè, non est superstitiosum; adeoque illa Parentalis Confucii palæstra non est superstitiosa ex motivo sui usūs passivi.

Probatur secundò de usu activo.

Primus usus activus. In unoquoque triennio binum fit examen ad gradum Baccalaureatūs, in quo certus Studioforum numerus ex singulis urbibus, & urbeculis promovetur. His ad gradum recens promotis, propriæ urbis aut urbeculæ Præfectus indicit diem, quo omnes conveniant. Postquam convenerunt, illos deducit ad Parentalem Confucii palæstram, in qua quater profundam reverentiam lignæ Confucii Tabellæ exhibent. Deinde litterarum Præfecto, ut Magistro, committuntur. Hæc Cereemonia lege statuta est.

Hujus autem motivum sic: urbis Præfectus, seu Parens filios, ducit novos Baccalaureos ad scholam; hos litterarum Præfectus, seu Magister, recipit; ideoque dicuntur tunc scholam ingredi. Antequam enim essent Baccalaurei, nondum censebantur ingressi scholam Confucii. Confucio autem, ut Magistrorum Magistro, ingrediendo scholam reverentiam exhibent coram lignea ejus Tabella (F). Atqui hoc motivum nullam superstitionem, sed solam urbanitatem & debitam discipulorum observantiam continet, ergo &c.

Secundus. Novi disciplinæ civilis (non militaris) Præfecti, triduo post aditam sui officii dignitatem, adeunt Parentalem Confucii palæstram, ubi excipiuntur à Baccalaureis (non Licentiatīs nec Doctoribus, ad quos hoc nihil attinet); quaterque coram ejus Tabella profundam reverentiam exhibent, ac quandoque odorarios bacillos incendunt ac præsentant, & nihil aliud. Postea in posteriori aula, Baccalaurei coram illis aliquot suorum librorum classicorum sententias aut articulos explicant; deinde disceditur. Hæc Cereemonia etiam lege statuta est.

Hujus autem motivum sic: cū Baccalaurei sint dignitatum ac Magistratum Candidati; ideò eorum ingenium, doctrina, mores diligenter inspiciuntur, ut obtentis dignitatibus possint & alios bene regere & illis bono exemplo esse; priusque sit Confucio reverentia

tamquam præcipuo rectæ disciplinæ & boni regiminis Magistro (G). sed in hoc nihil superstitionis; ergo.

Tertius. Urbium Præfecti (non militæ, nec alii,) 1. & 15. cujusque mensis die cum solis suis Officialibus, non cum Baccalaureis, præter duos Ceremoniarum Præfectos qui sunt Baccalaurei, adeunt Confucii palæstram, & quater, ut supra, reverentiam exhibent.

Hujus Ceremoniæ motivum sic: Sinici Præfecti inferiores unoquoque quinto, & unoquoque decimo cujusque mensis die adeunt publicam suorum Superiorum domum, tum hogoris, tum jussu capessendi ergo; uti & aulici Præfecti Imperiale Palatium. Hinc isti Præfecti, velut discipuli, ad patefaciendam suam erga Confucium rectæ disciplinæ ac boni regiminis Magistrum observantiam, adeunt ejus aulam (H). Sed in hoc nihil superstitionis; ergo.

Quartus. Liber *Ta mim boei sien* tom. 77. præscribit, ut triduo post obtentum Doctoratus gradum, primus Doctorum, sinicè *Cham yuen*, alios omnes Doctores ducat ad offerendum Imperatori libellum pro gratiarum actione, & sequenti die eosdem ducat ad visitandam Parentalem prisici Magistri (scilicet Confucii) palæstram, præsentandorum seu apponendorum leguminum Ritus peragendo.

Sed *hujus Ritus motivum* non videtur diversum à præcedenti; ergo &c. Insuper hujus Ritus motivum jam distinctè supra attuli in hoc Capite, Quæst. 2. §. 1. num. 12. litterâ N. Et num. 13. litterâ O. Item §. 2. num. 2. & 3. litterâ B & C.

Quintus. Vere & Autumno, urbis Gubernator cum aliis Subpræfectis; in provinciarum autem metropolibus, provincialis disciplinæ politicæ & ærarii Præfectus, cum aliis Subpræfectis, & nonnullis Baccalaureis designatis, (non omnibus), facit solemnem Confucio & ejus Discipulis Ceremoniam cy, Ritu infra descripto. Vide infra in textibus.

Jam verò quodnam sit faciendi *Confucio hanc Ceremoniam cy motivum*, quis finis, quæ Operantis intentio, clarè ostendit præscripta Ceremoniæ cy formulâ, palam recitari solita. Illa sic se habet: Sub hoc Imperio *Ta cim*, id est, magnæ limpiditudo, Imperatoris *Kam hianno* N., secundo Veris (vel Autumni) mense, die N. disciplinæ politicæ & ærarii in provincia v. gr. *Kiam si* Præfectus, (vel urbis N. Gubernator) ceterique, hæc palam audent summè excellenti prisico Magistro

gistro Confucio dicere: Tua virtus, Magister, cælo terræque æquatur; tua doctrina omnibus novis & antiquis (id est, Sinensibus) præcellit; in sex libris classicis expurgandis & explicandis omnia futura sæcula illustrasti. Ideirco hoc secundo Veris (vel Autumni) mense, adhibendo istas pecudes, ista serica volumina, istud vinum, istas dapes, ista omnia ferculorum genera, omni cum reverentia juxta veterem normam ordinatim tibi apponimus mundam muneris exhibitionem, tibi que comites adjungimus Discipulum *Yen tsu* verum Magistri exemplar, Discipulum *Tsem tsu* genuinum Magistri interpretem, nepotem *Tsu su Tsu* studiosum Avi doctrinæ propagatorem, & *Mem tsu*, alterum à Te *Xim* seu Sapientem. Id penè gratum habebis, vel id penè spectabis (K).

Ex hac formula, quæ est unica & ubique in praxi, satis patet quodnam sit motivum, quisnam finis istius Ceremoniæ, quænam Operantis intentio. Cum autem ista Ceremonia *cy*, seu omnes illius actiones, v. gr. appositio animalium pridie occisorum, dispositio epularum, præbitio vini & sericorum voluminum, suffitus odoramentorum super mensam cum candelis accensis, genuflexiones &c. sint objectum materiale indifferens ad bonitatem vel malitiam moralem, debent determinari ad hanc vel illam ab objecto formali, nempe à motivo, & intentione Operantis, quæ, ut liquet ex dicta formula, est quia Confucius fuit Sinici Regni Magister summè excellens, excellentem doctrinam transmisit, libros priscorum Sapientum dilucidavit ac emendavit, & nihil aliud: sed hoc motivum & intentio Operantis est honesta; est enim actus gratitudinis erga Benefactorem; ergo ab hoc honesto motivo & intentione, omnes istius Ceremoniæ *cy* actiones ad bonitatem moralem determinantur, adeoque honesta Ceremonia nec superstitiosa; nulla siquidem in illa formula est postulatio, nulla præcatio, nulla agnitio potestatis supra humanam; atque ita nullus cultus indebitus intervenit.

Deinde motivum & ratio cur Imperator jubeat suos Præfectos exhibere istum honorem solemnem Confucio, est quia Confucius in suo libro *Vere & Autumno* magnam regendi artem perspicuam reddidit, ritè ordinavit, futuris Imperatoribus transmisit; hinc Imperator ad remunerandam ejus virtutem & merita inexhausta, vel

ipse illi exhibet, vel exhiberi jubet Ceremoniam *cy* (L). Insuper ista Ceremonia *cy* fit ad docendos populos gratitudinem erga Magistrum, ad obsecundandum intentioni Litteratos honorandi, & illorum doctrinam magni faciendi (M). Sed hoc motivum est etiam honestum, utpote gratitudinis & benevolentiae; ergo etiam inde ista Ceremonia *cy* est honesta nec superstitiosa.

Itaque sive usum passivum, sive activum istius Parentalis palæstræ spectemus, nec hujus nec illius motivum apparet esse superstitiosum, adeoque nec palæstra inde ullam contrahit superstitionem; quod distinctius adhuc patebit ex solutione omnium Objectionum sequentium.

Vide etiam infra Cap. 3. Quæst. 3. paragraph. 3. ubi ostenditur in facienda Confucio Ceremonia *cy*, nihil ab eo peti nec sperari.

Solvuntur objectiones.

Obijcies 1. dicitur Confucius *Chi xim*, id est, summè sanctus. seu sanctissimus. Sed hoc est superstitiosum. Ergo &c.

Respondeo Distin. Majorem. Dicitur summè sanctus sanctitate gratiæ & gloriæ, seu supernaturali, Nego. Sanctitate honestatis morales & intelligentiæ, seu naturali & improprie dictâ, Concedo. Ista ergo vox sinica *Xim*, quam Europei sæpè vertunt per vocem *Sanctus*, multa significat apud Sinas:

Primò significat virum valde intelligentem, omniumque rerum peritum, seu Sapientem. (N) 2. Virum virtute aliquâ morali & naturali perfectum. Ideò quicumque summam alicujus virtutis naturalis perfectionem assecutus est, dicitur *Xim*; qui autem totam naturalem rectæ vitæ perfectionem adeptus est, dicitur *Chi xim*, id est, summè excellens. (O) 3. Virum quacumque excellentiori virtutis perfectione præstantem, Prisci vocabant *Xim*. (P). Unde ista vox *Xim* ex se & propriè nil aliud significat, quàm hominem excellentem in naturali vel virtute vel scientia.

Jam verò Confucius vocatur summè excellens, tum quia summè intelligens, sive scientiarum & rerum Sinicarum peritissimus fuit;

(Q)

(Q) tum quia plures morales virtutes naturales præcedentium Sapientum Sinicorum divisas, in se uno collegit, ac juxta hominum judicium summam vitæ aequitatem tenuit. (R). Itaque ita vox *Xim* juxta Sinarum sensum, nec gloriæ nec gratiæ sanctitatem significat, & accommodatio tantum sensu Christiani illam ad significandos in Cælo Sanctos applicuerunt; applicatur enim ad multas alias res significandas; v. gr. Imperator Sinenſis vocatur *Xim chu*, id est, excellens Dominus; ejus decreta vocantur *Xim chu*; ejus Imperium, *Xim chao*; ejus jussa, *Xim ju*; ejus curulis, *Xim kia*; ejus beneficium, *Xim ngen*; ejus vita, *Xim xeu*; ejus virtus, *Xim te*; ejus doctrina, *Xim tao*; ejus vultus, *Xim yen*; ejus filius, *Xim ſu* &c. Imperatricis natalis dies, *Xim tan*. (S).

Deinde Rex Tumkinensis in libellis supplicibus vocatur *Xim Ti*, id est, excellens Dominator. Quid ergo mirum, aut quid superstitiosum, si Sinæ suum Magistrum Confucium vocent *Xim*, cum adhuc in vita degentem jam sic vocarent (T)? An fortè omnes illos præteritos Doctores, quibus unà cum Confucio faciunt Ceremoniam *cy*, putabunt etiam esse Sanctos?

Objicies 2. Die præcedente solemnem Ceremoniam *cy*, quæ Vere & Autumno fit Confucio, adducuntur animalia in atrium Confucianæ palæstræ, inspiciuntur, & ibi occiduntur. Sed hoc est superstitiosum; ergo &c.

Respondet Dissing. Minorem. Hoc est superstitiosum, si illa animalia occidantur cum intentione exhibendi indebitum cultum, Concedo. Si occidantur cum intentione exhibendi humanæ conversationis urbanitatem, Nego. Olim dum Imperator Hospitem, v. gr. Regulum, Legatum &c. solemniter excipiebat, animalia etiam adducebantur, & extra portam seu in atrio Parentalis Majorum aulæ, in qua ista honorifica solemnitas celebrabatur, occidebantur; & reliqua fiebant sicut in Parentalibus Ceremoniis *cy*. (V).

Item dum Regulus excipiebat alterius Reguli Legatum, jubebat per primarium Ministrum illi apparari in publico hospitio solempne convivium, penè sicut Imperator Sinenſis per suos Præfectos in Parentali palæstra jubet apparari Confucio Ceremonialium epularum scenam, non sacrificium; apponebantur enim animalia integra occisa,

non coctæ; animalium carnes crudæ & coctæ cum vario ferculorum & ollarum ordine, & multis vasis vino, orizâ, milio plenis. Adducebantur etiam animalia viva, offerebantur serica volumina, &c. Vide textum infra (X).

Insuper *Regulus* vel per se, vel per alium eidem Legato exhibebat solemnem appositæ carnis gingibere cum cinnamo conditæ, & præsentati vini odoriferi honorem (Z).

Pari modo quando *Regulus* primum Præfectum convivio excipiebat; jubebat apponi unum bovem, unam ovem, & unum porcum, qui post convivium deferabantur in domum hospitis invitati; istaque apposita animalia vocabantur *Sem*, eâdem voce, quâ vocantur animalia Parentalium Ceremoniarum *cy*, adeoque animalia istarum Parentalium Ceremoniarum *cy*, sinicè dicta *Sem*, malè fuerunt traducta à quibusdam Europæis per vocem *victimæ*, & malè sub hoc nomine exhibita. Item apponebantur vasa milio, orizâ, aliisque ejusmodi rebus plena, & inter epulas serica volumina offerebantur. (W). Unde vides ea, quæ nunc sunt Confucio mortuo, olim fieri primariis regni Præfectis ac Legatis vivis. Reliqua quæ spectant ad horum animalium occisionem, vide suprà Cap. 2. Quæst. 1. §. 3. *Objicies primò*, & infra Cap. 3. Quæst. 2. §. 1. & §. 2. Punct. 5.

Dum ergo isti Mandarinum seu Præfecti Sineses nomine Imperatoris faciunt solemnem Ceremoniam *cy* Confucio ut Magistro, illum colunt ut magnum & illustrem Hospitem, & ista animalia tamquam dapale munus pro convivio occiduntur, atque ita non est quid superstitiosum.

Non ergo occiduntur in agnitionem alicujus supremi domini, habentis jus vitæ & necis, aut potestatis humanâ majoris, ita ut ipsa occisio tendat ad testandam talem agnitionem, sicut in veteris legis Sacrificiis; sed occiduntur in existimationem alicujus excellentiæ merè humanæ, ita ut ista occisio tantum tendat ad exhibendum rei honorificæ ac gratæ usum, quem Defunctus percipere posset, si adhuc in hac vita mortali superstes esset.

Simili modo in publico civium convivio, sub auroram istius diei adducuntur animalia, & occiduntur, eodémque nomine, quo in Parentali Confucii & Progenitorum Ceremonia *cy*, vocantur *Sem* (Y). An fortè aliquis hoc vocabit *immolare victimas*?

Objici-

Objicies 3. Illa animalia feliguntur per infusionem calidi vini in aures. Atqui hoc est superstitiosum; ergo.

Resp. Neg. Majorem. Id enim non fit in solemnī Confucii Cereemonia *cy*, uti à pluribus oculatis testibus didici; nec id habetur in hujus solemnitatīs Ritibus, quos liber *Ta mim hœi tien*, & alii præscribunt; sed fit dumtaxat, ut audivi, aliquid simile in oblatione, quam boreales Sinæ Idolo *Quan yn* faciunt, Deinde ista vini infusio probabiliter fit, ut Sinæ probent utrū animalia sint vivida; utrū non sint morbida, languida, &c. adeoque nec ista intentio quidquam superstitionis continet.

Objicies 4. Antequam ista Animalia occidantur, exhibetur illis reverentia.

Resp. Neg. Assumptum. Reverentia enim exhibetur verso non ad animalia, sed ad Parentalem Confucii palæstram *corpore* (AA); deinde licet verso ad illa corpore reverentia exhiberetur, quid ibi foret mali juxta Sinarum morem & mentem? Legatus enim muneribus Reguli quem adit, ad se missis, ipsisque animalibus occisis & vivis, profunda capitis usque ad terram demissione reverentiam exhibet (BB). Confucius primarii Præfecti *Kam* pharmaco ad se missis, profundam exhibuit reverentiam, antequam illud reciperet (CC). hæc nempe est antiqua Sinarum urbanitas, quā colendo dantis munera, colunt ipsum dantem; & munera magnificiendo, dantem magnificiunt (D); quia ista reverentia si exhibeatur versus animalia, non illis exhibetur quatenus animalia, sed quatenus sunt munera, in quibus Donatoris affectus, benevolentia, beneficium, liberalitas ex motivo & virtute gratitudinis colitur.

Objicies 5. Pili & sanguis animalium non præsentantur vivis hominibus, live in mensa vivis hominibus non apponuntur; atqui in solemnī Cereemonia *cy* apponuntur Confucio; ergo illi redolent aliquid superstitionis.

Resp. Diss. Majorem. Non apponuntur nunc in China, Concedo. Olim, Nego. Olim enim Imperatores Sineses dum nullus adhuc erat ignis usus, animalium sanguinem potabant, pilosque unā cum carne, seu carni adhærentes, utpote qui extrahi non poterant, comedebant (EE); adeoque illis in mensa apponebantur pili & sanguis.

Nunc

Resp. Hæc omnia videntur fieri non alio motivo, quàm urbanitatis & reverentiæ erga res Confucio appositæ ac præsentatas, vel potius erga ipsummet Confucium demonstrandæ; uti olim sericum volumen & quamdam tesseram, quæ Parentum defunctorum cultui inservierat, defodiebant, nè viderentur ea contemptui habere (LL); nec vendere, nec commodare vasa, nec vestes (Mandari in Ceremonia cy Confucii utuntur vestibus suis aulicis ordinariis) quæ ad faciendam Parentalem Defunctis Ceremoniam cy inservierant, induere; nec arbores, quæ in sepulchrali eorum colle satæ erant, refecare audebant, veriti, nè illo usu eos vilipenderent (MM). Quin imò libris & scyphis, quibus Parentes in vita utebantur, uti reformidabant (NN). Insuper præscribitur, ut filii non ausing, dum adhuc Parentes vivunt, eorum scutellis, ollis, poculis, aliisque vasis uti, nisi ad comedendum & bibendum eorum reliquias (OO). Præscribitur etiam, ut si Magistri cithara vel liber in via occurrat, caveat Discipulus, nè gradiendo ea inurbaniter transiliat, sed flexis genibus ea recipiat, aliòque transferat (PP). Unde non mirum est prædicta ista comburi aut in terra defodi, ut nimirum suam erga res Confucio præsentatas, adeoque erga ipsum Confucium reverentiam patefaciant. Sic etiam olim attritæ Ceremoniæ cy vestes comburebantur, & attrita vasa defodiebantur (QQ). Quia tunc præscriptæ erant quædam vestes pro istis Ceremoniis cy. Nè putes tamen, quia olim erant præscriptæ vestes, eas fuisse benedictas; alioquin omnes vestes Sinicæ fuissent benedictæ; nam pro quavis Ceremonia aut solemnitate, pro quovis hominum genere aut conditione, pro quovis dignitatis gradu speciales vestes tunc, uti & nunc, erant præscriptæ. Et vestes præscriptæ pro Ceremoniis cy, sunt eæ ipsæ, quæ debent indui in variis aliis merè civilibus solemnitatibus, v. gr. in die Natalis Imperatoris, in die primo anni, in solstitio hiberno dum Imperatori fausta apprecantur Mandari ni, in promulgatione regii decreti, &c. Vide Tract. 3. de Ethica Sinenfi, Part. 2. Cap. 2. sect. 2. num. 8. 9. 10. 11. litterâ H in textibus; adeoque nihil speciale est præscribi vestes pro Ceremoniis cy.

Sed redeo ad Objectionem. Quid ergo superstitionis in ista combustione ac projectione latere potest? ecquis, quæso, ibi cultus indebitus vel mediate vel immediate ad DEUM relatus? imò Ritus pro ipsorum

K

Plebe-

74 Tract. II. De Ceremoniis Sinarum erga Defunctos.

Plebeiorum funeribus præscribunt, ut & aquam quo ad lavandum Defuncti cadaver, & linteam quo ad illud abstergendum, & pectinem quo ad colligendum in nodum ejus capillos usi sunt, projiciant in scrobem ac defodiant (RR). Num fortè hoc etiam superstitionis damnabitur? an potius singulare excultæ honestatis, & officiosæ reverentisq; urbanitatis erga Parentis defuncti cadaver, indicium mirandum est? Idem esto judicium de aliis Ritibus similibus, in quibus Sinæ nè per umbram quidem cogitant de aliqua excellentia habente respectum ad DEUM, & quæ sit humanâ major.

Textus Librorum.

- A. 1. Liber *Ta mim boei tien* tom. 91. præscribit titulum, ut suprà in contextu.
- B. 2. Lignæ Tabellæ quatuor Doctorum, seu Confucii Discipulorum *Yen Tsfu, Tsem Tsfu, Tsfu Su Tsfu, Mem Tsfu* sic sunt inscriptæ: prima sic: Confucii veri exemplaris *Yen tsu* Spiritûs seu Defuncti Signum repræsentativum, Sinicè *Xin guei*, nempe lignea Tabella. Secunda sic: Confucii genuini Interpretis *Tsem tsu* Spiritûs seu Defuncti Signum repræsentativum. Tertia sic: Confucii doctrinæ propagatoris *Tsfu Su Tsfu* Spiritûs seu Defuncti Signum repræsentativum. Quarta sic: alterius à Confucio *Xim*, sive Sapientis *Mem Tsfu* Spiritûs seu Defuncti Signum repræsentativum.

Has easdem inscriptiones etiam præscribit Liber *Ta mim boei tien* tom. 91. nisi quòd omittat istam vocem *Xin* sive Spiritûs vel Defuncti. Et ibidem alias aliorum Confucii Discipulorum, ac celebriorum Sapientum, vel præteritorum Doctorum ligneas Tabellas intra & extra Parentalem Confucii aulam apponendas præscribit ac recenset.

- C. 3. Tabella in medio aulæ appensa sic inscribitur: omnium sæculorum Magistrorum exemplar.
- D. 4. Liber *Hoam mim tsu chi tum ki*, seu universales Annales ad regimen Imperialis Familix *Ta mim* spectantes tom. 26. sic: Imperator *Kia cim* anno sui Imperii nono, cum perspicuè animadvertisset multorum sæculorum errorem, singulari sua intelligentiâ perspi-

perspicaciâ ductus fortiter iussit per totum Imperium in omnibus Confucii Parentalibus palæstris statuas dejici, & loco earum ligneam Tabellam apponi.

- E. 5. Idem liber *Hoam mim tsu chi tum ki tom*, 8. sic: anno Imperatoris *Tien xun* sexto, mense lunari tertio, cum quidam Confucii statuam, quæ in Parentali urbis *Su chen* palæstra jam pridem labefacta stabat, proponeret restaurandam; ejusdem urbis Gubernator *Lin hiao*: non decet, inquit, Confucio statuam elaborare; hujusce enim imperantis Familiæ Conditor in magna ipsius Imperialis urbis palæstra olim illam cum lignea Tabella commutavit; jam à centum annis barbara consuetudo sublata est. Quamvis tunc ista Confucii statua non foret labefacta, censuerunt tamen destruendam. Nunc cum feliciter repererim hanc labefactam, quidni possim eam cum lignea Tabella commutare? annon fortè, objecit quidam, tibi culpæ vertetur, quòd viri & virtute & sapientiâ inclyti effigiem destruxeris? enimverò, reposuit Gubernator, quomodo istud fìtile lutum sit vir & virtute & sapientiâ inclytus? antequam Secta *Fæ* Chinam introisset, vixit Confucius. Qui sanè novit quid sit lutea effigies? his dictis istam statuam sustulit, & ejus loco Tabellam ligneam posuit. Deinde primus Imperii Minister *Kien jui* sic etiam dixit: Olim China statuis carebat; postquam Secta *Fæ* Chinam intravit, tunc tandem eas habere cœpit. Sub tribus primis Imperiis & in sequentibus sæculis eæ non habebantur, nec fiebant. Quo autem tempore ad faciendam Ceremoniam *cy* Confucio cœperint statuæ elaborari, ignoro. Summus Tribunalis Præses *Tao sui* hanc legem olim edidit: si quis ausit luteas aut cupreas hominum statuas conficere, morte plectatur. Conficere ergo hominis statuam ad faciendam Confucio Ceremoniam *cy*, non est nostri Sinenfis regni forma & norma.

- F. 6. Hæc accepta a Sinis suarum consuetudinum ac legum peritis: Novi Baccalaurei sunt ii, qui à provinciali litterarum Præfecto, factâ compositione, eliguntur ad ingrediendam vel urbis, Sinicæ *Fu*, vel urbiculæ, Sinicæ *Hien*, palæstram; (in quacumque enim Sinenfis urbe & urbicula, est publica domus destinata pro urbeo litterarum Mandarinorum seu Præfecto, quæ vocatur schola, & in qua existat Parentalis Confucii palæstra.) Novos igitur Baccalaureos electos ad ingrediendam urbiculæ palæstram, die assignato eos illuc de-

ducit cum instrumentis musicis ejusdem urbeculæ Gubernator & urbicus litterarum Præfectus; quò appulsi, Parentalem Confucii palæstram ingrediuntur; quater profundam eorum ejus Tabella reverentiam exhibent, duobus Ceremoniarum Magistris eos dirigentibus. Postcà pergitur in posteriorem aulam, dictam *Mim lun tam*, seu aulam in qua quintuplex humanæ conditionis ordo explicatur; ibique urbeculæ Gubernator ac urbicus litterarum Præfectus post mutuam urbanitatis reverentiam mensæ accumbunt, epulantur, inter epulandum fit comœdia, ac tandem unusquisque domum redit.

Pro iis, qui urbiq palæstram ingrediuntur, sunt iidem Ritus; nisi quòd urbis Gubernator, non urbeculæ, illos deducat.

Hujus autem Ceremonia motuum juxta eosdem Sinas sic: ista Ceremonia duendi novos Baccalaureos ad Scholam, similis est ei, quâ filii ducuntur à Parentibus ad scholam. Urbicus enim Gubernator est velut Parens, & urbicus litterarum Præfectus est velut Magister. Hi postquam scholam ingressi sunt, censentur Baccalaurei. Ratio autem exhibendi Confucio reverentiam, est, quia Confucius habetur omnium sæculorum Magistrorum exemplar. Eccui sanè Discipulo scholam ingredienti non conveniat revereri sui Magistri Magistrum? nec ulla ibi mens quærendi aliquod auxilium intervenit.

Hæc Ceremonia pridem à Tribunali Rituum statuta est. Postquam Baccalaurei ad Licenciatus gradum promoti sunt, præfatus palæstræ Ritus non ampliùs ad illos spectat. Ita illi scripto.

G. 7. Item hæc ab iisdem Sinis eodem modo accepta:

Omnes novi Magistratus civiles, triduo post susceptam sui officii dignitatem, adeunt Parentalem Confucii Palæstram idque vulgò vocant *presentare suffitum*, Sinicè *Xam biam*; & ibi quater profundam exhibent reverentiam, dirigentibus duobus Ceremoniarum Magistris. Quo facto eunt ad posteriorem aulam, ubi Baccalaurei coram illis sedentibus explicant tres tuorum librorum classicorum articulos. Postcà disceditur.

Hujus Ceremonia motuum juxta eosdem sic: Quod spectat hæc Ceremonia, est morum instructio. Imperator in constituen-
dis

dis Magistratibus ad regendos populos, maximè spectat cordis directionem; ad obtinendam autem cordis directionem, oportet priùs dirigere virorum litteratorum mores, utpote qui sunt in populo præcipui, scientiis dediti, intelligentiâ præditi. Hi enim, qui nunc sunt Baccalaurei, postea ad Magistratus forsan subibunt. Debent ergo in omnibus suis verbis ac factis esse populi exemplar.

Idcirco præfecti, votis Imperatoris obsecundantes, morum compositionem plurimi faciunt. Hæc Ceremonia, post susceptam dignitatem, adeundi Parentalem Confucii palæstram, pridem à Tribunali Officiorum & Rituum statuta est, mósque Chinæ vetustissimus. Ita etiam illi.

He 8. Iterùm hæc ab iisdem Sinis eodem modo accepta : Quod attinet ad primum & decimum cujusque mensis diem, tunc urbici tantùm Præfecti cum suis Ministris adeunt Parentalem Confucii palæstram, & cum solis duobus Ceremoniarum Magistris qui sunt Baccalaurei. Hæc Ceremonia nihil ad reliquos Baccalaureos spectat. (Quamvis in libro *Ta mim boei tien* tom. 78. etiam præscribatur, ut tunc adsint Baccalaurei congregati in præfata posteriori aula *Mim lui tam*, & ibi explicent aliquid ex libris suis classicis. Fortasse sic olim).

Hujus Ceremonia motum juxta eosdem sic: primo & decimo quinto cujusque mensis die, præfati Mandarinii adeunt Confucii palæstram ad patefaciendam suam erga Magistrum reverentiam, sicuti Præfecti inferiores tunc adeunt publicam suorum Superiorum domum; & Curie Magistratus, Imperiale Palatium. Ita illi.

I. 9. *Descriptio solemnæ Ceremoniæ cy, quæ fit Confucio in urbe Nancham metropoli Provincia Kiam si, scripto habita ab ipso Ceremoniarum Magistro sic:*

Singulis annis Vere, secundo anni Sinici mense lunari; & Autumno, octavo mense ejusdem anni, die dicto *Tim*, fit Confucio Ceremonia *cy* sic: Cervus, lepus, porcus, capra, milium, loba, oriza, legumina, fructus, bellaria, &c. priùs præparantur. Si desit cervus, potest capra eum supplere. Huic Ceremoniæ præest

est Provincialis disciplinæ politicæ & ærarii Præfectus, Sinicè *Pu-chim fu*. Aliquot antè diebus, ex hujus urbis schola viginti aut triginta Baccalaureorum nomina palam affiguntur, ut in hac Ceremonia adsint ad fungendum aliquo officio; v. g. ad habendam curam sericorum voluminum, poculorum, cyathorum, &c. Reliqui Baccalaurei non interfunt. Die Ceremoniam præcedenti, pro-Rex adit Parentalem Confucii palæstram, & quater profundam ejus Tabellæ reverentiam exhibet; probat musicam ac tripudia, seu Musicos gesticulatores qui adesse debent. Tum redit domum. Postea in primo atrio palæstræ erigitur leve tabernaculum, (alicubi *tsò dio*, sine tabernaculo) in quo apponitur odoramentorum mensa. Illuc advenit Præfectorum unus, v. gr. Provincialis, vel urbis litterarum Præfectus, vel Gubernator; & adducuntur cervus, lepus, porcus, capra, quibus inspectis seu approbatis, converso ad tabernaculum sive ad Parentalem Confucii palæstram vultu, triplicem facit reverentiam, statimque istæ pecudes jugulantur; quibus jugulatis rursus convertens vultum ad tabernaculum seu ad palæstram, vnicam facit reverentiam. Deinde scutella pecudis occisæ sanguine impletur cum aliquot ejus pilis, & apponitur supra odoramentorum mensam in Confucii palæstra seu aula. Tum disceditur.

In sequentibus Ritibus habentur Ceremoniarum Præfecti, qui ad singulos actus monent altâ voce quid fieri debeat. Itaque die dicto *Tim*, paulò ante diluculum, assignati Baccalaurei suam quique rem curandam capeffunt. Pulsatores instrumentorum, Musici gesticulatores, Mandarinî comites tam militares quàm civiles & Adjutores, ipse Ceremoniæ præses, suum quique locum accipiunt. Post iteratum terciò tympani sonitum, sanguis cum pilis, qui pridie in scutella supra odoramentorum mensam appositus fuerat, recipitur, & in scrobem projicitur.

In hoc Ceremoniæ *cy* apparatu sunt viginti circiter, aut amplius ferculorum genera, nimirum cervus, lepus, porcus, capra depilati & integri, variæ carnes, legumina, bellaria, &c. hinc & hinc supra mensas in discis ordinatim apposita. Utrunque ad aulæ latera sunt etiam alia fercula apposita ante Tabellas ligneas qua-

quatuor Confucii comitum seu primariorum Discipulorum; & alia ante aliorum decem ejus Discipulorum Tabellas. Item extra aulam alia pro præteritis Doctoribus & Magistris, quorum præscriptæ Tabellæ exstant in lateralibus cubiculis; sed numero ferculorum semper decrefcente.

* Deinde dicitur excipi Spiritus, & Musica *Tien ho*, id est, plena ac omnimoda concordia, à Musicis gesticulatoribus & instrumentorum Pulsatoribus decantatur; scilicet hæc versuum strophæ: proh! quanta excellentis Doctoris præstantia! doctrina veneranda; virtus sublimis. Regum verum regimen inde normam accipit, & populi ejus documenta venerantur. Ritus & Ceremoniæ suas statas habent leges. Mundities ac bonitas paricurâ servata est. Adveniente Spiritu, proh! quàm splendet excellens species!

Hæc strophâ decantatâ, quater profundam omnes exhibent reverentiam, & supra mensam apponuntur quinque serica volumina. Deinde dum vini primâ vice præsentandi Ritus peragendus est, cantatur hæc musica, seu versuum strophæ, dicta *Nim ho*, id est, tranquilla concordia: Equis ab omni ævo (nempe in China) ejus perfectionem potuit attingere? clara illa Magistri nostri mens ac intelligentia omnes præteritos Sapientes (Sinice *Xim*, id est, excellentes, ut suprâ dixi.) superavit. Dapum fercula & serica munera exstant perfecta; & illis Ritus decórque correspondet. Milium quidem odore caret (id est, non est sicut vinum odoriferum, quod bonum odorem exhalat); sed Spiritus intelligit.

Hæc strophâ decantatâ, Præfecti lavant manus; Ceremoniæ Præses it ad locum, ubi est vini amphora, cujus cannabinum operculum aufert Minister, & in scyphum infundit vinum; accedit ante Confucii Tabellam, flectit genua, præsentat serica volumina, deinde vini scyphum. Surgit, & reverentiam exhibet; vadit ad locum lectoris, ubi iterum flectit genua, uti & omnes alii Præfecti, interea dum à Lectore, hæc Ceremoniæ formula recitatur: Tua virtus, Magister, cælo terræque &c. ut suprâ in contextu. Quæ lectâ, surgit & alii omnes; reverentiam exhibet; redit ad suum locum, ubi rursus cum aliis omnibus reverentiam exhibet.

Postea

Posteà alii Præfecti, Ceremoniæ adjutores, accedunt ante quatuor Doctorem *Yen tsu*, *Isen tsu*, *Tsu su tsu*, *Mem tsu* Tabellas, flexisque genibus præsentant quatuor serica volumina, & vini scyphum; surgunt, reverentiam exhibent, ac suum locum repetunt.

Deinde cum jam secunda vice vinum præsentandum est, decantatur hæc versuum strophæ, seu Musica, dicta *Ngan lo*, id est, pacifica concordia: ô quanta Sapientis Magistri excellentia! verè à Cælo genita est ista virtus. Ad eam celebrandam composita Musica; statis temporibus sine fastidio Parentalis Ritus celebratur; limpidum vinum optimè fragrat; præstantes pecudes suam perfectam & magnitudinem & pinguedinem habent. Omnia ista præparata munera claro Spiritui ita præsentantur, quasi ipse manifestè adveniret.

Cantatâ hac strophâ, Minister infundit vinum in scyphum; Præses Ceremoniæ accedit ante Confucii Tabellam, flectit genua, præsentat vini scyphum, surgit, reverentiam exhibet, & cetera eodem modo quo prima vice vinum præsentavit, nisi quòd hac vice nec serica volumina præsententur, nec ampliùs ulla verborum formula recitetur.

Deinde alii Mandarinii, Ceremoniæ adjutores, accedunt ante illas quinque ab Oriente, & quinque ab Occidente intra aulam positas priscorum Sapientum, id est, Confucii Discipulorum Tabellas; flectunt genua, præsentant serica volumina, & vini scyphum. Alii Præfecti idem eodem tempore faciunt extra Confucii aulam ante præteritorum Doctorem Tabellas, quæ sunt in cubiculis lateralibus, utrimque atrium spectantibus.

Denique cum jam 3. & ultima vice vinum præsentandum est, (nempe uti in conviviorum Sinensium principio ter propinatur) hæc Musica, dicta *Kim ho*, id est, præcellens concordia, decantatur: ô Coryphæe cunctorum Imperatorum Magister! ô omnium populorum ac rerum norma! num spectatis, ut magnifica illius species diffundatur? ut Spiritus quietè sistat? vinum vasi aureo infusum, ô quantam & claritatem, & saporem exhibet! vino ter præsentato ascendendo (nempe ad Tabellam), ô quàm benè Ritus erit peractus!

Hac

Hæc strophâ cantatâ, pocillator infundit vinum in scyphum. Ceremoniæ præses iterum it ante Confucii Tabellam; flectit genua, præsentat vini scyphum, surgit, reverentiam exhibet, & cetera eodem modo, quo secunda vice vinum præsentavit, nisi quòd in hac 2. vice nihil fiat ampliùs ad Tabellas decem supradictorum Confucii Discipulorum intra aulam, nec ad aliorum Doctorum extra aulam politas.

Notâ. Aliqui Mandarinî istis tribus vicibus non tantùm vini scyphum præsentant, sed etiâ ter tantillum effundunt in subjectam pelvim; alii tantùm præsentant, non effundunt. Et certè Liber *Ta mim boei tien* tom. 91. præscribit tantùm *præsentare*, sinicè *hien*; non effundere.

His peractis bibitur vinum faustitatis, & excipitur carnis appositæ ferculum sic: Ceremoniæ præses accedit ad locum, in quo est vini scyphus; flectit genua; ter infunditur vinum in scyphum, & ter degustat, seu potius ter ad labia dumtaxat admo- vet. Deinde excipit porcinum armum. Quo factò surgit, reverentiam exhibet, redit ad suum locum. Tum omnes hinc & hinc bino ordine binam reverentiam exhibent.

Posteâ colliguntur fercula, & cantatur hæc strophâ seu Musica, dicta *Hien ho*, id est, plena & omnimoda concordia: Cùm fuerint in primo ordine, vini amphoræ, bovinam & elephantinam figuram referentes, ad præsentandum: omnia dapum vasa in sua quæque serie ritè ordinata ad apponendum: illud bene fragrans, hæc bene munda; Ritus exactè servati; Musica perfectâ; homo pacatus; Spiritus oblectatus; ergo Ceremoniâ ex excipitur felicitas (nempe operis perfectio, ut alibi dictum est), sequendæque rectæ rationis sine transgressione via ostenditur.

Deinde dicitur deduci Spiritus, & cantatur hæc Musica, dicta, ut suprâ, *Hien ho*: ô quàm veneranda est scholæ aula! ad illam colendam ex omni parte advenitur. Parentale opus & interiori reverentiâ & exteriori modestia peractum est. Id quod gratum habetur, est tantùm odor, (nempe virtutis). Aurigans redit Spiritus. Absolutâ igitur mundâ honoris exhibitione, omnes excipiunt innumeram felicitatem.

De hac felicitatis appreciatione, vide hic suprâ in loco citato.

L

Hac

Hac strophâ cantatâ, quater reverentiam exhibent. Dein Ministri præsentata serica volumina, & Lector recitatam verborum formulam accipiunt & eunt ad foveam, supra quam illa cremant; postquam cremata sunt, semel reverentiam exhibent, repetunt suum locum, in quo alteram exhibent reverentiam; atque ita tota Ceremonia peracta est.

- I. 10. Liber *Ta mim hoei sien* tom. 91. prædictas versuum strophas, verborum formulam, & suprà descriptos Ritus, quos summatim tantùm recenset, etiam continet. Et hæc omnia, sive eorum versionem vide in historica Notitia Rituum ac Ceremoniarum Sinicarum Capite 8. Quæres 4.

Illæ versuum strophæ in grandioribus tantùm urbibus decantantur; in parvis urbibus omittuntur, uti asserit Liber *Kum miao ly jo kao* tom. 3. Et ego idem à Sinis accepi.

Nota: ipsa die, qua Ceremonia *cy* fit Confucio, provincialis litterarum Præfectus in provinciæ metropoli; in urbe autem ordinaria, urbicus litterarum Præfectus sub quartam noctis vigiliam seu summo mane, priùs facit Ceremoniam *cy* Patri Confucii in speciali aliquo conclavi; hoc conclave ferè solet adjacere Parentali Confucii palæstræ ad partem boreo-occiduam. In medio exstat lignea Tabella Patris Confucii, & in ejus lateribus, lignæ Tabellæ aliorum quatuor virorum jam nominandorum. Vinum ter præsentatur, uti in Confucii Ceremonia *cy*; sed nec Musica nec tripudia adhibentur. Verborum formula, quæ in ista Ceremonia adhibetur, hæc est: Tua, Princeps, merita ac virtus in gignendo filio summè-excellente, omnium cujusvis temporis Magistro, clarissimè eluxerunt; idcirco ista apposita ad tuam, Princeps, Tabellam munera præsentamus, tibi que comites adjungimus præfatos Sapientes *Ten, Tsem, Kum, Mem sun*, (id est, Patres Confucii Discipulorum aut Doctorem *Ten, Tsem, Kum, Mem sun* ejusdem cognominis cum suis Patribus, sive *Ten hoei, Tsem sie, Tfu su, & Memcii*) & præfatos Doctores *Chim hiam, Ttay yuen tim, Chu sum, Cbeu fu chim*; nempe Patres Doctorem ejusdem cognominis

K. 11. Vide hic suprà num. 9. litterâ I. & num. 10. etiam litterâ I.

L. 12. Lib. Naturæ & Rationis brevis expositio tom. 1. art. *Kum fsu xam* sic: Confucii liber, dictus *Per & Autumnus*, rectam imperan-

di

di viam dirigit, ac magnam regiminis artem perspicuam reddit. Hanc pro futuris Imperatoribus, elaboravit Confucius; perduelles Praefecti ac praedones, qui dignis olim affecti suppliciis referuntur, metum venturis incutiunt. Praeclarum sanè opus, perenni aëvo dignissimum! idcirco Imperatores ad compensandam Confucii virtutem & merita inexhausta, ei faciunt Ceremoniam *cy*.

M 33. Lib. Mens Gubernatoris urbiculæ *Yum hien*, tom. 6. brevis declaratio scopi Rituum, sic: Una ex rebus summi ponderis, quæ ad regnum spectant, sunt Ceremoniæ *cy*; hæ omnes ferè sunt pro populo: fit enim Ceremonia *cy* priscis Sapientibus (nempe Confucio & similibus) ad docendum populum; fit Spiritibus vel Spiritui cœli & terræ, ad eum protegendum.

M. 14. Lib. *Kum miao hyo kao* tom. 1. refert Imperatorem *Chim tsu nen* seu *Yum lo* sic loquentem: Ego probè scio Imperatores esse populorum Dominos; sed Confucius ipse est Imperatorum Magister; triplicem enim illum naturalem ordinem inter Patrem & filium, inter Regem & subditum, inter maritum & uxorem; quinque illas virtutes omnibus communes, pietatem, æquitatem, honestatem, intelligentiam, veritatem; magnas illas ac universales boni regiminis leges ad omnium sæculorum institutionem, dilucidè explanavit. Idèò me decet adire Regiam Scholam, (Nota vocari *Scholam*, sinicè *Hio*, non Templum, Capellam &c.) ut prisco Magistro appositionum Ceremoniam faciam, ad obsecrandum intentioni Litteratos honorandi, & illorum doctrinam magni faciendi.

N. 15. Lib. Annalium Imperialium tom. 4. Cap. *Hum san* sic ait: subtilitas producit *Xim*, nempe intelligentiam. Tum Interpres *Tsay xim* sic: subtilis est ille, qui in res subtiles penetrat; *Xim* autem est is, qui in omnia penetrat, omniâque intelligit.

N. 16. Dictionarium Sinicum *Ta tsu guei* in littera *Xim* sic: Ista vox *Xim* significat summum, quem homo vivendo attingere potest, apicem. Significat virum subtilem; significat virum penetrantem, seu intelligentem. Hinc Authoris *Kum* commentarium sic ait: qui in rerum naturis omnia nescit ac penetrat, hic dicitur *Xim*.

O. 17. Liber *Su xu che kway*, seu Interpres *Cham kun chim* tom. 8.

in Libr. 2. Memc. Cap. 4. *Kum sun cheu bia* sic: quicumque summam aliquam perfectionem assecutus est, hic potest dici *Xim*, nempe excellens; sed nisi totam rectæ viæ perfectionem attrigerit, non potest dici *Chi xim* seu summè excellens. Et paulò pòst sic: *Xim*, id est, acquisita virtutis perfectio.

- O. 18. Lib. 2. Memc. Cap. 8. *Cin sin bia* sic: Vir virtute magnus, qui pòst diurnam & assiduam exercitationem facillimè & quasi naturali impulsu honestatem sectatur, tunc dicitur *Xim*, nempe excellens.

Vide etià hìc infrà num. 21. litterà R.

- P. 19. Lib. Naturæ & Rationis brevis expositio tom. 3. artic. *Xim bien* sic: Viri quidem, dicti *Xim*, virtus plena est perfectione; prisci tamen eum vocabant *Xim*, qui perfectione adhuc excellentiore præstabat: excellentior autem perfectio in iis, quæ quotidie occurrunt, apparet.

- Q. 20. Lib. Sententiarum art. 9. primarius regni *Ou* Minister sic Confucii Discipulum *Tsu kum* interrogavit: numquid Magister vester potest reverà dici *Xim*? alioquin quomodo tot tantæque artium ac scientiarum facultates in eo elucerent? Tum paulò pòst Interpres *Chu hi* sic ait: *Xim* est is, qui omnia intelligit, & omnia mente penetrat.

- R. 21. Lib. 2. Memc. Cap. 4. *Kum sun cheu bia* sic: Princeps *Pe j*, fuit integritatis *Xim*; primus Imperatoris Minister *Tyn*, magnanimitatis *Xim*; primarius Præfectus *Lieu bia boei*, affabilitatis *Xim*; Confucius, temporis *Xim*, seu prudentiæ, quâ se aptare tempori noverat; (id est, viri excellentes in iis virtutibus, absolutumque earum exemplar fuerunt). Illi tres, unius, Confucius, octo instrumentorum musicorum perfectio concentui & harmoniæ comparari potest: Unius tantum Instrumenti Musica, dicitur parva harmonia; octo autem instrumentorum, dicitur magna harmonia seu plenus concentus. In hac magnâ harmonia æneum Instrumentum dat principium, lapideum, finem. Illud omnes sonos diffundit, hoc colligit; illud eos inchoat, hoc terminat; utrumque totius Musici concentus vena ac nervus. Jam verò illud Instrumentum, quod dat harmonicam Musicæ principium, potest dici imago intelligentiæ, quâ Confucius rerum omnium rationes penetrabat; hoc, quod dat harmonicam Musicæ finem, potest dici imago excellentiæ, Sinicè *Xim*, quâ rerum omnium æquitatem complebat.

S. 22. Lib. *Tseu fou* compellat Imperatorem Sinensem, & illius res iis nominibus, quæ sunt supra in contextu.

Item Liber *Ta mim boei tien* tom. 73. iisdem utitur ad compellandum aut laudandum eundem Imperatorem, & illius res in odis, quæ dum convivatur, decantantur.

Idem Liber *Ta mim boei tien* tom. 43. vocat Imperatricis Natalem, ut supra in contextu.

T. 23. Lib. *Su xu che kias*, seu recta quatuor librorum classicorum explicatio tom. 6. in Libr. Sentent. artic. 7. sic: Confucius cum sciret se à multis vocari *Xim* seu excellentem, nempe vel in virtute, vel in scientia, vel in utraque simul naturali, & *Gin* seu pium vel omnimoda cordis rectitudine præditum, sic ait: Quod spectat ad ista honorifica *Xim* & *Gin* nomina, qui ausim ego ea admittere aut tolerare? quod fortè de me dici potest, hoc unum est: ego scientiæ & virtuti acquirendæ sine fastidio vaco, alios sine lassitudine doceo.

Interpres *Chao* in ejusdem Libri Sententiarum artic. 7. sic etiam ait: Tunc temporis aliqui Confucium vocabant *Xim*, nempe excellentem vel Sapientem, & *Gin* nempe pium vel rectum. Idcirco Confucius ista honorifica nomina admittere recusabat.

V. 24. Lib. Rit. Imperii *Chen* tom. 3. *Chun quon* artic. *Ta fu yo* sic: Dum Imperator solemniter hospitum excipit (scilicet in Parentali suorum Majorum aulâ, in qua ista solemnitas fiebat ad majorem honorem & amorem, uti habetur in Libro *T ly*, seu urbanitatum & Rituum tom. 8.) animalia non intrant portam; reliqua sunt ut in Ceremonia *cy*. Tum ibi Interpres *Chin gin fie* sic: dum solemniter Hospes excipitur, animalia occiduntur extra portam Parentalis Aedificii; deinde statim conducuntur. Quia ergo non intrant portam, idcirco non editur Musica, dicta *Chao hia*.

X. 25. Lib. Rit tom. 10. Cap. 48, *Pum y*, Interpres *Chin hao* agendo de Legato solemniter excipiendo, sic ait: Postquam suæ legationis negotium declaravit Legatus, & suis particularibus muneribus Regulum Regem coram donavit; tum ipse cum suis comitibus in publicum hospitium vadit. Deinde Rex jubet statim primum Aulæ Ministrum, animalium & occisorum & vivorum munera illuc ad eum deferre.

X. 26. Lib. 17, seu urbanitatum & Rituum, tom. 8. agens de Legationis Ritibus, sic: Regulus primarium Ministrum mittit solemni veste indutum, qui quinque boves, quinque oves, quinque porcos, partim vivos, partim occisos & crudos, partim coctos praesentari curet (nempe appulso alterius Reguli Legato.) Primus Legati comes aduentantem, quid velit, interrogat. Cognita veniendi causa, Legatus aulicam vestem induit, jubetque tantum honorem recitari. Interim viri cum primario Reguli Ministro missi intrant hospitium Legati; allata disponunt atque apponunt sic:

Primo, Animalia cocta, unum bovem, unam ovem vel capram, unum porcum; & sunt novem ollae, seu fercula. Apponuntur ante occidentales anterioris aulae gradus. Ollae concomitantes correspondent interioris scalae gradibus Orientem versus in serie boreali, & superius ad Austrum conversae correspondent saepe columellae, (quae nempe in medio posita, indicabat cursum solis). Bos, ovis, porcus, piscis siccus, viscera, stomachus simul existant cum ollis seu ferculis minutalis, recentis piscis, recentis carnis. Apponitur lebetum vectis, & velum ad cooperiendum tres ollas jusculi carnis bovinæ, ovinae, porcinae, quae bovem, ovem & porcum comitantur, seu illis associantur.

Secundo, Animalia occisa & cruda seu non cocta, duos boves, duas oves, duos porcos; fitque duplex ordo septem ollarum, seu ferculorum; non enim habetur ferculum recentis piscis, & recentis carnis. Apponuntur ante orientales anterioris aulae gradus, uti ollae escarum coctarum, in duplici ordine.

In ipsa aula ad Occidentem fenestram, apponuntur octo fercula, vergentia ad Occidentem sub duplici ordine; in superiori ordine sunt fercula porcorum, & aliorum leguminum; & habent ad Austrum jusecula carni ac frugum. Haec subsequuntur octo vasa milio & lobâ plena: milium ad Boream; lobâ ad Austrum. Deinde sex lebetes jusculo pleni Ad lateralia Occidentis cubacula versus Septentrionem, apponitur duplex ordo poculorum vini, vergentium ad Austrum Pari modo ad latus orientale, apponuntur dapum fercula, &c.

Tertio, Animalia viva, duos boves, duas oves, duos porcos; apponuntur ad occidentale portae latus, vergentes ad Septentrionem.

Unus

Unus bos in Oriente habet ad suum occidentale latus unam ovem, & porcum; porcus habet ad suum latus occidentale alterum bovem, ovem, & porcum. Centum modii orizæ, decenâ serie in inferiori aula apponuntur, &c.

Ubi hæc omnia sunt apposita, Legatus aulico pileo tectus it obviam primario Ministrio extra portam, binamque usque ad terram ei exhibet reverentiam, quam ille veluti recusans, nullam restituit. Iteratâ mutuâ reverentiâ, veniunt ad portam Parentalis Aulae (nempe hospitii, in quo Legati solebant diversari); Legatus reverenter invitat primum Ministrum, ut prior intret; hic sericum volumen vel volumina manibus præferens, post ternam levem inclinationem prior intrat; & post alteram ascendit primum scalæ gradum; ponè eum ascendit Legatus, & in gradibus superioribus verso ad Septentrionem vultu subsistit ut Reguli iussa seu verba, quibus primarius Minister, vultum vertens ad Ortum, munera ipsi offert, excipiat. Finito sermone descendit Legatus per gradus occidentales, binamque profundâ capitis usque ad terram demissione reverentiam exhibet Reguli verbis ac muneribus, eodémque etiam modo eam exhibet adductis vivis Animalibus, (ut ostendat, inquit ibi Interpret *Chim*, se magni facere Principis munera. Et alius Interpret ibidem sic: Postquam Legatus exhibuit reverentiam Animalibus occisis, aliisque muneribus in aula expositis: dum insuper deducitur ad reverentiam sex vivis Animalibus, orizæ, segetum manipulis exhibendam extra portam, singulari honore illa colendo, colit ipsum Dominum Regulum, quia ejus munera sic magni facit). Primarius Minister id honoris refugiens, ascendit ad aulam, & suos urbanitatis Ritus absolvit. Legatus in medio Aulae, parùm ad latus occidentum recedens, facie ad Boream versâ, excipit sericum volumen vel volumina; & primarius Minister descendens, se recipit, &c.

- Z. 27. Idem Liber *Y h*, eodem tom. 8. paulò infrâ sic: Regulus solemnem convivii apparatus semel; bis autem Ceremonialem apponendæ carnis gingibere cum cinnamo conditæ & præsentandi vini odoriferi seu aromatici honorem exhibet Legato Hospiti Si per se ipsum Regulus hanc Ceremoniam non præstet, (v. gr. ob mor-

88 *Tract. II. De Ceremoniis Sinarum erga Defunctos.*

morbum, aut aliam causam, inquit Interpres) deleget primum aliquem Ministrum ut eum præstet.

Vide hunc honoris Ritus infra descriptum in variis textibus Cap. 3. Quæst. 2. §. 2. punct. 6. num. 2. 3. & seq.

- W. 28. Lib. *Ty* seu urbanitatum & Rituum tom. 9. *Kum su ta fu ly*, id est, Ritus quibus Regulus Ceremoniali convivio excipere debet primum Reguli Præfectum, sic ait: Ministri apponunt ad partis australis latus occidentale in suis ferculis vel discis unum bovem, unam ovem, & unum porcum. Piscis existit ad latus australe bovis. Exin sequitur caro siccata, exta, stomachus Aulæ Præfectus apponit sex vasa milio & lobâ plena, in duplici ordine, ad Occidentem priorum ferculorum Hospes invitatus, præsentatum sibi ex tribus Animalibus, Sinicè *sem* (scilicet bove, ove, & porco) ferculum, assurgendo excipit, & flexis genibus facit Ceremoniam *cy*, id est, in aliqua destinata lance, vel humi supra stercem deponit.

Ibidem paulo infra sic: hospes post binam & unam profundioris corporis inclinationem à Regulo excipit (nempe in suo convivio) serica volumina, id est, decem, ut ibidem notatur.

Deinde peracto convivio, & egresso Hospite invitato, sic ibidem ait: Aliquis à Ministris curat recipi & colligi tria Animalia, Sinicè *sem*, ac deferri in domum Hospitis, qui sequenti die aulica veste indutus vadit ad portam Palatii Reguli reverentiam exhibiturus pro epulis, & sericis voluminibus ad epulandum exhortatoriis.

- Y. 29. Lib. *Ta mim boei tien* tom. 79. in præscribendo publico civium convivio, sic ait: Sub auroram præscripti diei, Ministri occidunt Animalia, Sinicè *sem*, (scilicet in gymnasio in quo fit istud convivium Ceremoniale) & præparant epulas.

AA. 30. Vide hic supra num. 9. litterâ I. in principio.

BB. 31. Vide hic supra num. 16. litterâ X. circa finem.

- CC. 32. Lib. *Su xu che kray* tom. 7. in Libr. Sentent. artic. 10. sic: Primarius regni *Lu* Præfectus *Kam* dono miserat ad Confucium pharmacum. Ipse præmissâ pharmacum versus reverentiâ, illud recepit, ne videretur datorem spernere; sed mox latiori dixit: cui malo curando hoc profit pharmacum, ignoro; idcirco non aulam illud degustare.

DD. 33.

- DD. 33. Vide hîc suprà num. 26. litterâ X. in fine.
- EE. 34. Lib. Rit. tom. 4. Cap. 9. *Ly jun* sic: Olim prisci Imperatores Dum nullus adhuc extabat ignis usus ad cibos coquendos, vesciebantur plantarum & arborum fructibus, crudôsq; volucrum ac pecudum carnes comedebant, earum sanguinem potabant, earum pilos manducabant, seu unâ cum carne deglutiebant, utpote qui a carne abstrahi non poterant.
- FF. 35. Lib. *Ven hien tum kao* tom. 94. sic: Præteriti Doctores asserunt istam sanguinis, pilorum, & carnis crudæ appositionem, esse appositionem escarum, quibus homines in antiquissimis temporibus vesciebantur.
- GG. 36. Lib. Rit. tom. 4. Cap. 9. *Ly jun* sic Interpretes *Chin hao*: Præsentare vinum cæruleum, (id est, aquam limpidam) ac sanguinem cum pilis, & apponere carnem crudam, hæc tria sunt ad imitandum antiquissimi temporis Ritus, (nimirum quando Sinæ bibebant aquam ac sanguinem, comedebantque carnem cum pilis, &c. ut jam dixi).
- HH. 37. Lib. Rit. tom. 4. Cap. 11. *Kiao te sem*: præsentatur sanguis ad patefaciendam &c. ut in contextu.
- II. 38. Vide hîc suprà num. 10. litterâ I.
- KK. 39. Lib. *Ven hien tum kao* tom. 96. sic: In principio Ceremoniæ, quia videtur *quasi* venire Spiritus, ideo fit Musica; & in fine quia videtur *quasi* abire, fit planctus.
- Vide etiam hîc suprà num 9. litterâ I. in strophâ quæ decantatur dum vinum secundâ vice est præsentandum.
- LL. 40. Lib. Rit. tom. 3. Cap. 7. *Cem isu, nen* sic: Cùm ergo, inquit Discipulus *Cem isu*, prisci Imperatores in bellum proficiscentes non transferrent secum ligneam Tabellam, in quo, quæso, animum suum figebant? In iussu, reponit Confucius. Quid, precor, hoc significat, subjicit *Cem isu*? Imperator, inquit Confucius, aut Regulus in bellum profecturus, assumpto serici volumine, & pellitâ honoris tesserâ, in Parentali Palatio de sua protectione defunctos Avos admonebat.

Ad hunc locum sic Interpretes *Chin hao*: postquam de sua protectione, assumpto serici volumine, & pellitâ reverentiæ tesserâ fecerant denuntiationem Defunctis Avis in Parentali eorum palatio;

M

tunc

92 *Tract. II. De Ceremoniis Sinarum erga Defunctos.*

tunc accipiebant istud serici volumen, & pellicam reverentiæ tes-
seram non secus atque Avorum iussu; idcirco dicitur: *In iussu*
animum suum figebant. In singulis autem refectionibus ante illa,
repræsentando sibi Avos Defunctos, epulas apponebant. Domum rever-
si, appositis rursus epulis ad faciendam eis denuntiationem de suo
reditu, demum illa defodiebant ac sepeliebant, non ausi siquidem
eos contemptui habere.

MM. 41. Lib. Rit. tom. 1. Cap. 2. *Kio ty hia* sic: filius sapiens
quamvis paupertate prematur, non tamen vasa, quæ ad facien-
dam defunctis Progenitoribus Ceremoniam *cy* inservierunt, ven-
dere; & quamvis frigore contremiscat, non tamen vestes, quæ ad eam-
dem inservierunt, induere; nec ad extruendam sibi domum, ar-
bores quæ in sepulchrali eorum colle satæ sunt, rescicare audet.
Tum Interpres *Chin hao* sic: sepulchralis collis arbores, inquit
Doctor *Liu*, sunt id, quo adumbratur sepulturæ septum; illas re-
secare ad extruendam sibi domum, est vilipendere suos Majores,
& particulare suum emolumentum quærere.

MM. 42. Lib. Rit. tom. 3, Cap. 5. *Vam chi*, sic: Primarius Re-
gni Præfectus seu Toparcha, vasa quæ ad faciendam Parentibus
defunctis Ceremoniam *cy* inserviunt, aliis non commodet; nec
priusquam hæc confecerit, alia quæ vulgaribus epulis inserviunt,
facienda jubeat. Olim nempe erant particularia pro illis vasa,
nunc autem sunt communia.

NN. 43. Lib. *Siao bio*, seu Parvulorum Doctrina, Cap. 2. quin-
tuplex humanæ conditionis ordo, §. 1. debitus inter Patrem &
Filium amor, sic: Filius, inquit Liber Rituum, nec Patris defuncti li-
bris, quia paternæ manûs vestigia; nec Matris defunctæ scyphis, quia
materni oris halitus in iis remanent, uti ausit.

OO. 44. Idem Lib. *Siao bio* eod. Cap. 2. §. 1. debitus inter Patrem
& Filium amor, sic: Filii nec Parentum scipionem & calceos tere-
re, nec eorum scutellis, ollis, poculis, cupediarum valculis, nisi
ad comedendum id, quod in illis superfuerit, nec eorum cibo &
potu, nisi fuerint reliquæ, uti audeant.

PP. 45. Idem Lib. *Siao bio* Cap. 2. §. 4. debita inter Seniore &
Juniorem subordinatio, sic: si Magistri cithara aut liber in via oc-
currant, mox flexis genibus ea remove; cave ne gradiendo ea in-
urbaniter transilias.

QQ 46.

QQ. 46. Lib. Rit. tom. 1. Cap. 1. *Kio ly xam* sic; attritæ vestes (quæ scilicet Parentum defunctorum parentationibus inserviebant) comburantur; attrita vasa defodiantur. Tum Interpres *Cbin hao* sic: quæ ad hominum usum, inquit Doctor *Lin*, inservierunt, comburantur; combustio enim est quid spectans ad motum *Tam*, seu ad Viventes; quæ ad usum Spirituum seu Defunctorum inservierunt, defodiuntur; quia defossio est quid spectans ad quietem *Tu* sive ad Mortuos. Videtur tamen istius Doctoris Sinici explicatio parum dissona, aut claudicare.

RR. 47. Lib. *Ta mim boei tien* tom. 100. De plebis funeribus & exequiis hæc præscribit: Famuli cadaveris capillos abluant, pectant, linteo siccant, in nodos colligant; cadaver linteamine cooperiant, lavent, linteo tergant; resectos ungues & reliquum aquæ, qua ad lavandum usi sunt, cum pectine & linteo projiciant in scrobem atque defodiant.

CAPUT III.

De Parentali Ceremonia cy, quam Sinæ Defunctis faciunt.

QUÆSTIO I.

Quis sensus vocis Sinicæ cy, quâ sæpe utuntur Sinæ ad significandam Parentalem Ceremoniam?

QUod hic voco *Parentalem Ceremoniam*, id Sinæ vocant *cy*; quæritur ergo quid propriè significet ista vox *cy*, & an fortè significet idem, quod vox Latina *sacrificium* vel *sacrificare*, adeoque an sit superstitiosa, dum applicatur Defunctorum Parentationibus, sive ad significandas Defunctorum Parentationes? vel potius an Defunctorum Parentationes sint superstitiosæ & sacrificia; eò quòd Sinæ illas vocent *cy*?

M2

Resp.

Resp. & dico 1. ista vox *cy* propriè significat *examinando pertingere*. Idem enim significat ac vox *Cha*; & vox *Cha* primò significat *pertingere*, id est, hominis actio pertingit ad Spiritum aut Defunctum (A). deinde hæc vox *Cha* significat etiam *examinare discutere*, *nosse*; & componitur ex voce *Mien*, id est, *examinare*, & ex voce *cy*, de qua est quæstio; quia faciendo Ceremoniam *cy* adhibetur examen, discussio, cognitio (B).

Item ista vox *cy* significat *cien*, id est, *presentare*; significat *Su*, synonymum cum voce *cy*; significat *Chi* *pervenire*; significat *Cha* *examinare*; significat *Hiam* *spectare, præsentare* &c. (C).

Præterea ista vox *cy* significat *habere aliquam communicationem*, nempe homo cum Spiritu aut Defuncto habet communicationem (D).

Unde istius vocis *cy* significatio est vastissima, & sensus amplissimus. Quocirca Sinae sive faciant litamen supremo Cæli Domino, id est, *Xam Ti*; sive Ritu inferiori offerant munera montium, fluminum, & aliarum rerum Spiritibus; sive gratitudinis ergo, Ceremoniales celebrent Parentationes priscis Magistris, priscis Sapientibus, priscis Patriæ Defensoribus, priscis condiendi cibi & potûs Inventoribus, suis Progenitoribus ac Majoribus Defunctis, generatim dicunt *cy* (E).

Quin imò dum Mandarinis adhuc in hac vita degentibus coram Tabella lignea, eorum nomine inscriptâ, præsentant munera. uti fit erga Mortuos, id etiam interdum vocant *Cy* & *Su*; (vox *Su* est synonyma vocis *cy*). Sinae enim Mandarinis adhuc viventibus, ob præclarum populum merita, non rarò erigunt Ceremoniales aulas, Sinicè *Sem tsu*, id est, Ceremoniales Vivorum aulas, in quibus lignea eorum Tabella exponitur, & coram illâ præsentant munera, licet Mortuis (F). Itaque

Dico 2. vox *cy* generatim sumpta, non significat idem ac *sacrificium* aut *sacrificare*. Probatur: Sacrificium propriè sumptum juxta Theologos, est oblatio externa substantiæ sensibilis per realem immutationem in agnitionem supremi Domini in omnes res, & maxime respectu vitæ ac necis. Sive (juxta Lessium libr. 2. Cap. 38. de Sacrif. Dub. 1. num. 5.) Sacrificiû est oblatio rei sensibilis à legitimo Ministro facta DEO per realem immutationem ad testandum supremum illius Dominium & nostram subjectionem. Jam verò clarum est, quòd hæc

hæc definitio sacrificii non conveniat omnibus Ceremoniis cy; dum enim faciunt Ceremoniam cy Parentibus defunctis, certum est non in iis agnoscere supremum Dominium; alioqui tot essent suprema dominia, quot Parentum capita; nempe suprema & non suprema. Deinde dum Ritu inferiori offerunt munera fluviorum aut aliarum rerum Spiritibus, nec etiam in iis agnoscunt supremum Dominium; sunt enim dignitate minores, & dominio inferiores (G); & tamen ubique dicunt cy, seu istas actiones vocant cy; ergo ista vox cy non significat *sacrificium*, aut *sacrificare*. Deinde dum coram lignea Mandarinorum adhuc viventium Tabella præsentant gratitudinis munera & id vocant cy, ut jam dixi, est etiam certum quod in illis nullam omnino, ne per somnium quidem, supremi Domini aut Divinitatis umbram, nec ullam potestatem humanâ & ordinariâ majorem agnoscant; adeoque illa vox cy ex se non significat *sacrificium* aut *sacrificare*.

Præterea sæpissimè Sinæ dicunt cy, ubi nulla rei oblata vel præsentatæ immutatio realis invenitur, in quo tamen differt verum sacrificium ab oblationibus simplicibus; (ideò enim olim dum aurum & hominum primogenita DEO offerebantur, id non sacrificium, sed oblatio vocabatur, quia nulla rei oblata immutatio realis interveniebat) v. gr. antiqui Sinæ inter comedendum ad singula mentæ fercula tantillum cibi è catino defuniebant, illudque in vacuo vase super mensam posito deponebant ad grates primis condiendarum epularum Authoribus persolvendas. In hac actione nulla rei præsentatæ vel appositæ immutatio realis invenitur, & tamen eam vocabant cy (H).

Pari modo in conviviis solemnibus, postquam Herus hospitali escarum ferculum obtulerat, statim hospes illud supra stercam lumini deponebat, ut suam erga offerentis munus venerationem atque existimationem ostenderet, & hoc vocabant etiam cy escas, sive præsentare & deponere humi escas (I). Nulla etiam ibi immutatio realis.

Item dum solemnî Ritu primus pileus imponitur capiti Adolescentis, hic excipit à præside Ceremoniarum escæ ferculum, & humi deponit; dein excipit vini scyphum, & humi tantillum effundit; (fortè olim illum humi tantummodò deponebat, ut dicitur infra; simul vide hic infra in textibus num. 11. & 12. litterâ I) &

hoc vocatur *cy* escam, *cy* vinum (K). Quin imò quidam Sina Christianus eruditus, in suis manuscriptis præter alia dicit pisces à lutra, aves ab accipitre capi, id etiam vocari *cy* (L). Itaque ista vox *cy*, longè universaliorem habet significationem, quàm vox *sacrificium* aut *sacrificare*; idcirco potest modò verum sacrificium significare, dum nempe significat litamen quod sit supremo cæli Domino seu *Xam Ti*, juxta dicta in primo Tractatu; modò simplicem tantum oblationem dum significat munus exhibitionem, quæ inferioribus mundi Spiritibus offeruntur; modò Ceremonialem filialis observantiæ honorem, dum significat Parentationem, quæ Defunctis Parentibus aut Majoribus perfolvitur; modò aliud. Atque ita hic Ceremonialis observantiæ filialis & gratitudinis honor non erit inde supersticiosus eò quòd significetur per vocem *cy*; cum hæc vox tam diversam habere possit significationem, & ex se sit indifferens ad tam varia significata.

Imò ipsi Sinae hanc significationis *cy* diversitatem videntur subinde indicare diversis illis nominibus, quibus diversas Ceremoniæ *cy* species exprimunt; ut enim significant Ceremoniam *cy*, quæ sit supremo cæli Domino seu *Xam Ti*, utuntur vocibus *Lay*, *Kiao*, *Chay*, &c. (M). Ut significant Ceremoniam *cy*, quæ sit montium ac fluminum Spiritibus, utuntur voce *Uam*; & quæ sit Spirituum inferiorum multitudini, voce *Pien* (N). Ut significant Ceremoniam *cy*, quæ sit Parentibus defunctis, utuntur voce vel *To*, vel *Ti*, vel *Cham*, vel *Chim* juxta singulas quatuor anni tempestates (O). Unde patet istud genus *cy* subinde per diversa tantum nomina contrahi ad suas species.

Sed cum diversitas Ceremoniæ *cy* maximè à fine Institutionis & intentione Operantis petatur; sitque finis & intentio, quæ externæ actioni bonitatem vel malitiam moralem, observantiam civilem vel superstitionem afferat, idè de illis agendum.

Textus Librorum.

A. 1. Dictionarium *Ta tsu guei* in littera *cy* sic habet: Ista vox *cy*, inquit, magnum libri Annual. Imperial. commentarium, idem significat.

gnificat ac vox *Cha*; vox *Cha* autem significat *pertingere*; id est, hominis res seu servitium pertingit ad Spiritum.

- B. 2. Idem Dictionarium in littera *Cha*: ista vox *Cha* significat *inspicere*, *discutere*, *nosse*, *pertingere*, *examinare*, *inquirere*, *perpendere*. Paulò post: Vox *cy*, inquit magnum libri Annal. Imperial. commentarium, idem significat ac vox *Cha*; vox *Cha* autem significat *pertingere*; quando hominis res seu servitium *pertingit*, tunc dicitur *cy*. Rursus paulò infra: vox *Fen*, inquit Dictionarium *Xuenn*, significat *examinare*. Vox *Cha* componitur ex voce *cy* & ex voce *Mun*; & vox *Mien* juxta Doctorem *Siu*, est idem ac *Fen* seu *examinare*: Conjungendo ergo utriusque vocis sensum, quia, dum fit Ceremonia *cy* adhibetur sincera discussio, cognitio, examen, idè ex voce *cy* partim componitur.
- C. 3. Item Dictionarium *Pien hay* tom. 19. in littera *cy* sic habet: vox *cy* significat *Cien* &c. ut suprà in contextu.
- D. 4. Magnum Dictionarium *Chim isu tum* in littera *cy* sic: Insuper ista vox *cy*, (inquit Interpres *Chim* in capitulum libri filialis observantiae dictum *Su*), significat habere aliquam communicationem, nempe homo cum Spiritu habet communicationem.
- E. 5. Paulus *Ten* Baccalaureus in manuscriptis sic: quod attinet ad significationem istius vocis *cy*, significat *pertingere*; quotiescumque animus noster ad aliquid pertingit, potest dici *cy*. Idcirco ista vox *cy* pro superiori & inferiori promiscuè usurpari potest, èstque amplissima ejus significatio. Itaque juxta antiquos libros primò dicitur *cy* cæli Domino, *cy* Cælo in rotundo aggere sub dio. Secundò dicitur *cy* agrorum, frugum, montium, fluminum, cæterarumque rerum Spiritibus. Tertiò dicitur *cy* Majoribus Defunctis, priscis Sapientibus, priscis Magistris, primariis Præfectis defunctis, qui Posteris carent, pueris ante adultam ætatem Defunctis. Insuper sublevare senes agricolas, aliasque res emeritas & annosas; imò pisces à lustra, aves ab accipitre capi, etiam dicitur *cy*. Idè dixi ejus significationem esse amplissimam. Jam verò cum id, ad quod interius noster actus, & externus Ritus pertingit, sit sæpe diversum; ita etiam illius nomen ac ratio est diversa, nec potest pro libitu immutari aut temerè confundi; v. gr. *cy* cæli Domino, vocatur *Luy*, vocatur *Kiao*: cequis sanè audeat pro alio istud nomen

Luy

Luy & *Kiao* usurpare? sic agrorum, frugum, fluminum, montium, ceterarumque rerum Spiritibus juxta cujusque nomen fit *cy* seu Ceremonia *cy*, & juxta id, quod unicuique competit, dumtaxat collitur. Quocirca supremo inter omnes Spiritui cæli Domino fit *cy*, ad roganda bona, ad gratias agendas, ad expellenda mala; & dum liber Rituum ait esse triplicem Ceremoniæ *cy* speciem, aliam ad roganda bona, aliam ad gratias agendas, aliam ad mala expellenda; hanc indicat, ut patet ex libris, quos citat ibi Interpres. Quod verò attinet ad Majorum defunctorum Ceremoniam *cy*, profectò est longè diversa, nec ullum omninò aliquid petendi bonæque querendi sensum, intentionem, vel apparentem speciem continet.

- F. 6. Liber *Ym him pu* &c. seu historia expeditionis bellicæ Ducis *Kum mim*, prope finem sic: Australes illi populi, (nempe provinciæ *Yun nan*) beneficiis & virtutibus Ducis *Kum mim* exstimulati, Ceremonialem Vivorum domum seu aulam, Sinicè *Sem tsu*, illi erexerunt; & singulis quatuor anni temporibus Ceremoniam *cy* illi facientes, Sinicè *Hien cy*, vocantesque eum pium Parentem, assumebant aurum, uniones, pretiosas merces, medicinales herbas, boves, equos, & ei ad exercitûs usum reverenter offerebant seu mittebant.
- F. 7. Lib. *Ven him Tsuy chao* tom. 3. sic: Cùm totus populus ægerimè ferret suum sibi Gubernatorem (nempe *Xao pao*) mutari, confestim magno concursu ac clamore voluit viam abeunti intercludere, dolens verò suum tandem Parentem ac Magistrum abiisse, Ceremonialem domum seu aulam, Sinicè *Tsu*, ei erexit, & Ceremoniam *Su* fecit.
- G. 8. Lib. Rit. tom. 8. Cap. 32. *Piao ki* sic Interpres *Chin hao*: In rebus magnis fit Ceremonia *cy* majori Spiritui; in parvis, minori.
- G. 9. Lib. Rit. tom. 4. Cap. 9. *ly yun* sic: Idcirco in peragendo Ritu litaminis quod fit Cælo sub dio, omnes Spiritus suum demandatum munus servant.
- H. 10. Lib. Rit. tom. 1. Cap. 1. *Kio li xam* sic: Herus inducit hospitem ad faciendam Ceremoniam *cy*; sic autem fit: quod priùs infertur, de eo priùs fit Ceremonia *cy*; juxta successivum ferculorum ordinem peragitur Ceremonia. Tum ibi Interpres *Chin hao*: Priùs

Prisci, inquit, ut principium, à quo res inceperunt, non obliviscerentur; in quavis refectione ad singula escaram fercula desumebant tantillum cibi, & illud in vacuo vase super mensam posito deponebant, ad grates primis condiendarum epularum Authoribus persolvendas; & hoc vocabant *cy*.

Prisci, inquit Doctor *Chu bi*, præsentabant, Sinicè *cy*, vinum in terra, & escas in catino; ideò lignea aderat, quam replebant, lanx, & expletis epulis illa auferebatur.

- I. 11. Lib. Rit. tom. 10. Cap. 45. *Hiamyn*, sic: præsentare, vel humi deponere escam ab Hero oblatam & vinum ab eodem oblatum, istud est magnificere offerentis munus; admovere pulmonem dentibus, istud est degustare offerentis munus; admovere vinum ori, istud est consummare offerentis munus. Tum ibi Interpres *Chin bao: Cy*, inquit Doctor *Chim*, escam ab Hero oblatam; id est, Herus eam offert Hospiti; mox Hospes accedens ad storem, oblatum carnis conditæ ferculum super eam humi deponit; *cy* vinum, id est, ubi Hospes humi deposuit escam, etiam deponit & vinum. Paulò post: hic autem Ritus est id, quo Hospes magni facit ac reveretur offerentis Heri munus.

Dein paucis interjectis: *Cy vinum*, est quædam vocis appellatio, qua significat homo se illud non bibisse; idcirco istæ voces *cy vinum*, & *cy escam*, simul in textu junguntur, ut demonstraretur quanti Hospes Heri offerentis munus ac rem æstimet, quantumque eam colat.

- I. 12. Lib. *Ta mim boei tien*, seu collectio Rituum ac Statutorum imperialis Familiæ *Ta mim*, tom. 79. de Ritu *Hiamyn*, seu de publico alicujus loci convivio, sic: Minister infundit vinum in scyphum ad eum Hero præbendum; Herus excipit scyphum; vadit ante Hospitem, & scyphum supra storem humi deponit.
- K. 13. Lib. Rituum domesticæ, tom. 2. agens de solemnitate conviviali, quâ primus pileus Adolescenti imponitur, sic: Pileatus Adolefcent accedit, seu accedat ante storem, flexisque genibus oblatum conditæ carnis ferculum dextra manu *cy* seu præsentet, illud humi deponendo; & sinistra *cy* vinum, tantillum illius in terram effundendo.

98 *Traët. II. De Ceremoniis Sinarum erga Defunctos.*

- L. 14. Vide hic suprà num. 5. litterâ E.
M. 15. Lib. Rit. tom. 5. Cap. 11. *Kiao te sem*, sic: In litamine Cœli sub dio, Sinicè *Kiao*, adhibetur unicnm & singulare Animal.
M. 16. Lib. Annal. universal. tom. 2. sic: Imperator *Vu nam* tunc *Chay* seu litavit cœli Domino, totum animal comburendo, (Vox *Chay*, id est, *combustio*,) & *Vam* seu fecit oblationem montium, ac fluminum Spiritibus: (Vox *Vam*, id est, *prospeilus*,)
N. 17. Lib. Annal. Imperial. tom. 1. Cap. *Xun tien*, sic Interpres *Tsay xin*: Ceremonia *cy*, quæ fit cœli Domino, ob specialem causam dicitur *Luy*, id est, *specificatio*; quæ fit aëris seu temporis & astrorum sex venerandis Spiritibus, dicitur *Tn*, id est, *interior animi sensus*; quæ fit montium ac fluminum Spiritibus, dicitur *Vam*, id est, *prospeilus*; quæ fit reliquorum Spirituum multitudini, dicitur *Pien*, id est, *universitas*.
O. 18. Lib. Rit. tom. 3. Cap. 5. *Uam chi* sic: Imperator & Reguli in Parentali Majorum palatio, quadruplicem faciunt Ceremoniam *cy*; primam Vere, quæ dicitur *Yo*, id est, teneritudo aut paucitas; secundam Æstate, quæ dicitur *Ti*, id est, ordo; tertiam Autumno, quæ dicitur *Cham*, id est, degustatio; quartam Hieme, quæ dicitur *Chim*, id est, multitudo.
O. 19. Lib. Rit. tom. 8. Cap. 25. *Cy tum* sic: Pro quatuor anni tempestatibus, habetur quadruplex Ceremonia *cy*: Verna dicitur *Yo*; æstiva *Ti*, autumnalis *Cham*, hiemalis *Chim*. Tum Interpres *Chin hao*: sub Imperio *Chen* verna Majorum Defunctorum Ceremonia dicta fuit *Tsu*, æstiva *Yo*, autumnalis *Cham*, hiemalis *Chim*; hinc Interpres *Chin* æstimat recensita textûs nomina esse ea, quæ sub imperiis *Hia* & *Tn* vigeant.

QUÆSTIO II.

An Parentalis Ceremonia *cy*, quam Sinæ Defunctis faciunt, sit superstitiosa ex motivo ipsius cultûs exhibitî?

Para-

Paragraphus I.

Quædam prænotantur.

NOta 1. Cultus alius internus, alius externus. Cultus internus est submissio interna voluntatis alicui tamquam superiori; externus est voluntatis submissio per actus externos manifestata; v. gr. genuflexione, incurvatione, prostratione, &c.

Nota 2. Cultus externus est per se adiaphorus, seu indifferens, ita ut possit tam DEO, quam Creaturis exhiberi; idem enim externus cultus, v. gr. adoratio, juxta diversam adorantis intentionem aut motivum, modò DEO, modò Angelis, modò hominibus viventibus competit. V. gr. *Et proci dens adoravit eum*, (scilicet Christum) Joan. 9. *Cecidit Josue pronus in terram, & adorans* (scilicet Angelum) ait. Josue 5. *Et adoravit eum* (scilicet Davidem viventem) *pronus in terram*. 1. Paral. 21. Quod autem talis, vel talis cultûs species per hæc vel illa signa deferatur, id pendet à Colentis intentione; si quis enim externis illis submissionis signis intendat se alteri submittere tamquam DEO & testari ejus Divinitatem, erit cultus Latriæ; si ut amico DEI, erit Dulæ; si ut viro sapienti, potenti, dignitatem tenenti, erit observantiæ politicæ. Itaque quemadmodum idem actus externus potest successivè procedere à diversa intentione aut motivo, & accipi ut signum tum diversæ excellentiæ ac dignitatis in honorato, tum diversæ æstimationis, reverentiæ & submissionis in honorante; ita potest successivè esse actus Latriæ, Dulæ & observantiæ politicæ. Lessi, Suar. Trull. apud Leandr. Tract. 7. Disp. 1. num. 3. & 4.

Sed asseramus ipsa Lessii verba: Sic Libr. 2. Cap. 38. de Sacr. Dub. 1. num. 5. ait: *Notandum est etiam, omnem externam adorationem secundum se esse adiaphoram, & posse tam Creatura, quam DEO exhiberi; nam genuflexio & totius corporis in terram prostratio, (qua summa videntur adorationes) etiam hominibus exhiberi solent, ut ex scripturis patet. Itaque à sola intentione pendet, quòd per hæc, ista vel illa honoris species deferatur. Si enim externâ illâ submissionis notâ, intendas te alteri submittere tamquam DEO & testari ejus Divinitatem,*

tem, erit cultus *Latria*; si ut *Amico DEI*, erit *Dulia*; si ut viro sapienti, potenti, erit *obseruantia politica*. It. Lessius.

Sic etiam Suarez in 3. part. quæst. 25. artic. 1. & 2. disput. 51. sect. 3. dicit: *Quâ in re notanda est differentia inter actus internos, & externos. Interni enim, quoniam DEUM ipsum ut proprium suum obiectum attingunt vel representant, idcirco ex se & naturâ suâ tales esse possunt, ut ad solius DEI cultum referri valeant; huiusmodi sunt actus fidei divina, actus spei, charitatis, penitentiae, & alii similes. Actus vero exteriores non sunt ita ex se determinati; quia tam ad venerandum DEUM, quàm ad honorandam Creaturam exerceri possunt, quod notavit Augustinus Quo fit ut distinctio Latria soli DEO debita, ab adoratione Creatura, in his externis actibus potissimum ex interiori intentione pendeat.* Ita Suarez

Nota 3. Sicut voces sunt signa ad placitum, & possunt determinari ad significandum tale obiectum; v. gr. vox *DEUS* ad significandum divinum obiectum; ita actiones externæ sunt etiam signa ad placitum, & possunt determinari ad significandum ac representandum talem cultum. Unde præter intentionem *Operantis*, attendenda est etiam interdum intentio *Operis*; sed hæc intentio *Operis* non habetur ex se & ex natura rei, sed per publicam impositionem; & hæc publica impositio potest tantum fieri ab eo qui habet sufficientem auctoritatem & potestatem; v. gr. Sacrificium, quod est actio quædam, per quam recognoscitur supremum DEI Dominium occisione vel consecratione alicuius rei, habet hanc significationem à sua institutione: sic Suarez ibidem: *Hanc verò significationem, (ut bene August. notavit) ab impositione habet (id est, Sacrificium), non à natura; occisio enim vituli de se non significat DEUM esse Authorem vitæ & mortis; unde remotâ impositione non continet divinum cultum.* Et hoc certè etiamnum patet; quoties enim occiditur vitulus in honorem hospitis & ad eum honorifice tractandum, & tamen nulla ibi umbra Sacrificiî dicetne aliquis illum Patremfamilias in Evangelio Luc. 15. fecisse Sacrificium, quando ob reditum Filii sui prodigi iussit occidi vitulum saginatum?

Et idem in 3. part. quæst. 83. art. 1. disp. 73. sect. 1. sic: *hinc colligitur primò Sacrificium esse signum ad placitum & ex institutione, qualia ferè sunt omnia signa, quibus homo exprimit rationalem mentem suam. Patet quia huiusmodi significatio non est naturalis tali acti-*
oni

oni exteriori, secundum se considerata, v. gr. occisioni vituli, aut alteri simili, oportet ergo ut ex impositione illi conveniat..... Et diximus etiam in priori Tomo in materia de adoratione, alius exteriores de se esse indifferentes ad cultum prabendum.

Nota 4. hæc Sacrificiorum institutio quamvis ex natura rei possit fieri à genere humano in quocumque viæ statu, uti ibidem probat Suarez; siue quamvis Respublica, vel Princeps vicem ejus gerens, quantum est ex natura rei, possit instituere Sacrificia suo statui accommodata, quibus DEUM colat; sæpè tamen hanc Sacrificiorum institutionem in aliqua Republica sibi DEUS reservavit. Et quoad usum quidem, certum est in Lege nova CHRISTUM Dominum usum esse hac potestate, instituendo ita unicum Eucharistiæ Sacrificium, ut noluerit cum illo aliud multiplicari aut misceri; idemque censendum est de statu veteris Legis, ut ipse usus satis probavit; nulla enim in populo Hebræo legitima ac vera Sacrificia introducta sunt, præter ea, quæ in Lege sunt à DEO tradita. Et hoc DEUS fecit præsertim ex speciali erga talem populum dilectione; idè in principio, inquit Suarez, in 3. part. quæst. 83. art. 1. disp. 73. sect. 3. in Lege natura quando tam fides, quàm alia dona supernaturalia minùs liberaliter hominibus communicabantur, nulla talis lex (nempe talis & talis actionis inagnitionem Divinitatis) hominibus imposita est, sed determinatio Sacrificiorum hominum arbitrio est relicta, paucis fortasse exceptis, quibus ex speciali gratia DEUS interdum definita dedit Sacrificia. In Lege autem veteri, quando DEUS specialem populum sibi specialiter dilectum elegit, caperunt etiam Sacrificia specialiter divinâ lege definiri. Et infra sect. 4. sic: fortasse Abel & Cain ita (id est, propriâ autoritate) coluerint DEUM; alius ex fructibus terra, alius ex primogenitis Animalium, unusquisque suo arbitrio & voluntate. Dicere enim divinâ vel paternâ autoritate id fecisse, voluntarium est; quia nec ulla autoritate, nec necessaria ratione fundatur. Ergo in Lege naturæ ista determinativa divini cultûs signa relicta sunt hominis arbitrio, adeoque asserere quòd DEUS in Lege naturæ per secretam inspirationem primis mundi Patriarchis factam, constituerit Animalium occisionem, sanguinis effusionem, fufitum, &c. in esse aut statu Ceremoniæ Religioſæ, id sine autoritate & ratione necessaria dicitur. Deinde quamvis in Lege scripta fuerint à DEO definita ac instituta pro populo Judaico determina-

tiva quædam divini cultûs signa; ceteræ tamen Gentes, quæ ad illas populi Judaici Ceremoniales leges non tenebantur, multò minùs nunc possent illarum abolitionem per Evangelium, potuerunt instituere diversa alia signa, sive divinum, sive humanum cultum testantia. *Et ita videmus,* (inquit Suarez in 3. p. q. 83. art. 1. disp. 73. sect. 4.). *Inter Gentes in diversis rebus publicis seu nationibus, sicut diversa sunt leges, ita etiam esse diversos Sacrificiorum Ritus; & in populo DEI, quandocumque facta est Legis mutatio, vel à statu Legis natura ad statum Legis scriptæ, vel ab hoc in statum Legis gratiæ, semper cum Lege mutatus est Sacrificiorum usus.* Unde multa divini aut Religiosi cultûs signa, quæ pro populo Judaico per Moysen DEUS imposuit, non fuerunt pro omnibus aliis Gentibus imposita, ut clarum est. An fortè Sina abstinendo à carne porcina propter medicinæ causam, faceret actum Religiosum? Lex enim Mosaica hanc prohibet. Idem de multis aliis actibus externis in Lege veteri præscriptis dici posset. Denique

Nota 5. postquam ejusmodi signa, (inquit idem Suarez, in 3. p. q. 25. art. 1. & 2. disp. 51. sect. 4.) *sufficienti auctoritate & potestate ad significandum DEUM & cultum ejus sunt imposita, solum ad divinum cultum usurpari possunt, & si Creaturis communicetur talis cultus, erit idololatria saltem exterior, si non ex animo, neque ex falsa estimatione fiat.* Facta igitur hac publica impositione, quamvis postea aliquis privatus utendo istis signis, vellet alio suam particularem intentionem detorquere, non tamen hæc sufficeret ad tollendam aut mutandam illorum significationem; idcirco antiqui illi Philosophi qui nullam fortè in idolis Jovis, Bacchi, & similibus phantasmatum, Divinitatem agnoscabant, licet, dum illa adorarent, habuissent civilem tantùm & politicam intentionem, v. gr. intentionem servandi ista tamquam legibus jussa, non tamquam Diis grata, & credendo istum cultum magis ad morem, quàm ad rem pertinere, ut ait S. Augustinus Lib. 1. de civit. DEI cap. 10.; erant tamen idololatræ, exteriori saltem idololatria; quia ista externa signa publicâ impositione & dispositione erant instituta ad cultum divinum.

His prænotatis, nunc ad quæstionem nostram veniamus. Cùm igitur isti Ritus Sinici, seu istæ actiones externæ, quibus Sinæ utuntur in Parentali Ceremonia ejus ad colendos Defunctos, non à DEO, sed ab ipsius Sinis sint institutæ, uti patet ex eorum libris sæpius citatis,

tatis & adhuc infrà citandis, duo nunc inquirenda sunt: primum quodnam sit motivum illorum Institutionis, seu finis *Operis*? secundum, quænam sit intentio istis signis vel Ritibus hic & nunc utentium, seu *Operantis*; ex hoc enim fine seu intentione hic & nunc *Operantis* intelligitur, utrùm adhuc subsistat idem primævæ Institutionis motivum.

Itaque omnis ille cultus externus, quem Sinæ hominibus defunctis in Parentalibus Ceremoniis *cy* deferunt, accipit suam speciem vel superstitionis, vel observantiæ politicæ ab intentione operantium, & à motivo instituentium. Si enim per actum istum externum nullam intendant in Defunctis agnoscere excellentiam & dignitatē humanā majorem, erit observantia seu cultus politicus; si majorem humanā, erit supersticiosus, aut cultus duliæ; idè enim cultus, quo Sancti in cælo degentes coluntur, est cultus duliæ, quia excellentia & dignitas, quæ in illis agnoscitur, est major qualibet humanā & politicā, nempe excellentia & dignitas Amicorum DEI. Suar. & alii apud Leandr. Tract. 7. disp. 2. Videamus ergo utrùm illa excellentia & dignitas, quam Sinæ in Defunctis agnoscunt, sit major humanā.

Primò si agamus de Defunctis non multò post diluvium universale, aut aliis longè ante CHRISTUM natum, DEI notitiā, vitæ honestate ac virtute, quantum licet colligere, instructis; quamvis tunc in iis colendis agnovissent excellentiam & dignitatem humanā majorem, nempe dignitatem Amicorum DEI in limbo degentium, non tamen continuo cultus ille dicendus fuisset supersticiosus, sed potius potuisset fortasse dici cultus duliæ; fortè enim antiqui Sinæ poterant prudenter judicare illos Defunctos in statu Amicorum DEI degere. Si autem talis cultus adhuc subsisteret, num dicendus foret cultus duliæ, an supersticiosus? id penderet ex Cultoris intentione: quia si ille Cultor nunc eandem ac isti Prisci, haberet DEI notitiā, (suppono veram fuisse in Priscis DEI notitiā) & solam Amicorum DEI excellentiam in istis antiquissimis viris agnosceret, adeoque nullum verum sacrificium; sed quædam tantum dona more patriæ, ad patefaciendam suam erga eos reverentiam præstaret, ejusmodi cultus etiam nunc fortè posset dici duliæ, non superstitionis. Vide Leandr. Tract. 7. disp. 3. Sed hæc speculativè. Nam de istis Antiquissimis non est quæritio; nec id facit ad Confucium, licet utcumque antiquum; nam Sinæ, ut jam vidimus & adhuc infrà videbimus, in eo colen-

colendo, nullam agnoscunt dignitatem humanâ majorem; adeoque ejus cultus nec dulciæ nec superstitionis, sed civilis obſervantiæ dicendus est.

Agimus ergo de recentibus Sinis in infidelitate, ut ſupponitur, defunctis; & quærimus quodnam ſit motivum & intentio eos colendi ſive ab Inſtitutione, ſive ab actuali uſu? hæc intentio & motivum maximè ex libris, qui nunc ſunt in uſu, nempe ex antiquis & clafficis, in quibus habetur motivum Inſtitutionis; & ex modernis Interpretibus, librisque recentibus, in quibus declaratur intentio nunc Operantium, atque ex ipſiſmet verbis, quibus nunc Sinæ in iis colendis uti ſolent, poteſt colligi & ſciri.

Itaque videamus quid hi libri antiqui & recentes dicant tam de motivo Inſtitutionis quam de fine Operantium. Hoc motivum & finis poteſt eſſe tum particularis circa ſingulos externos iſtius parentalis cultûs actus, tum univerſalis circa totum illius aggregatum. Si ſinguli actus externi, prout exercentur, nitantur motivo Inſtitutionis & fine Operantis merè civili, certò ſequitur quòd totus iſte cultus ſit merè civilis; v. gr. ſi ſingulæ partes Miſſæ, prout exercentur, nitantur motivo Inſtitutionis & fine Operantis merè Religioſo, certum eſt totam Miſſam eſſe cultum merè Religioſum. Pari ratione, ſi ſingulæ Ceremoniæ convivii, prout exercentur, nitantur motivo Inſtitutionis & fine Operantis merè politico, certum eſt totam convivii Ceremoniam eſſe merè politicam; ita de cultu Parentali. Prætereà ſi univerſale motivum Inſtitutionis, & univerſalis finis Operantis verſans circa iſtorum omnium actuum externorum aggregatum, ſit etiam merè civilis & politicus, evidenter quoque ſequitur totum illud actuum aggregatum eſſe merè politicum & civile. Si autem inter actus particulares merè politicos, inveniatur unus aut alter ſuperſtitioſus qui non ſit de eſſentia totius cultûs & omitti poſſit, dummodò hic omittatur aut tollatur, certum eſt remanere adhuc totum reſiduum cultum merè politicum.

His ergo ſuppoſitis, examinemus nunc omnia, quæ ſpectant ad motivum Inſtitutionis, & ad finem Operantis quoad omnes actus cultûs parentalis tum ſingillatim, tum generatim ſumptos. In ſequenti primo ſagemus de actibus ſingillatim ſumptis. In altero de iſſdem generatim ſumptis. Itaque ſit

Para-

Paragraphus II.

An cultus Parentalis sit superstitiosus ex motivo
suz Institutionis, aut ex fine Operan-
tis quoad ejus actus singillatim
sumptos?

Resp. & dico: Cùm sint penè innumera, quæ huc spectant, seligam tantùm magis præcipua, & ea singillatim discutiam per varia puncta. Alia minutiora vel sub his, vel sub universali istorum actuum Parentalium motivo & fine, de quo in §. 3., comprehenduntur. Sed nota multa ex iis, quæ infrà discutiam, in præxim non deduci, vel non servari cum tot minutis ceremoniis, vel nunc in usu non esse; uti etiam interdum annotabo.

PUNCTUM I.

De escarum ferculis ad Sandapilam.

Ubi primùm quis obiit, usque ad diem sepulturæ, quæ apud Sinas juxta Ritus differtur ad plures menses, coram feretro, (aut simul coram Tabella altiore, de qua suprà) filius Parentans quotidie manè & vespere curat apponi mensam, cibis & potu instructam, cum aliis utensilibus ad vitæ usum requisitis (A). Deinde ante & post sepulturam rursus dapes apponuntur (B.)

Jam verò *motivum Institutionis & intentio Operantis* sic est:

Ista convivalia fercula vespere & manè apponuntur ad repræsentandam matutinam & vespertinam refectionem, quam filius Patri in vita apponebat; filius enim obsequiosus, sicut viventi deferrebat, ita defuncto Parenti obsequium deferret (C). Ista etiam sunt ad cogitandum de Parentibus (D). Deinde illæ dapes, quæ ante sepulturam apponuntur, sunt velut ad valedicendum (E); et hæ, quæ in loco sepulturæ, seu post sepulturam apponuntur, quamvis reapse

res sint inutiles, sunt tamen ad patefaciendum animi sui affectum, qui non patitur Parentem mortuum tractari ut mortuum (F). Idem intellige de ceteris escis præsentatis aut appositis; cum sit par ratio. Atqui tota ista intentio ac motivum nullam superstitionem involvit; nec alius ibi cultus, quam filii servientis Patri defuncto tamquam vivo; ergo nec indebitus, nec superstitiosus. Eas verò escas apponi, ut Defuncti comedant, dici non potest; alioquin non essent res inutiles, contra id, quod Doctor *Chu hi* asserit (G). Sed de hoc rursus infra.

Textus Librorum.

- A. 1. Lib. Rit. Domestic. tom 5. *matutina appositiones*, sic: Omnia quibus in vita utebatur Defunctus, apponuntur. Dein famuli super mensam ante mortualem thronum apponunt legumina, fructus, carnes siccatas, suo condimento temperatas, jusculum, orizam, potum *Cha*, vinum, & paxillos comestorios.

Et paulò pòst: *Vespertina appositiones*, sic: Famuli manè appositas dapes auferunt, & novas (scilicet vespere,) uti supra, (nempe uti manè,) apponunt. Has matutinas & vespertinas appositiones fusiùs explicatas ibidem vide.

- A. 2. Lib. Rit. tom 2. Cap. 3. *Tan kum xam* sic: Ubi primùm quis obiit, inquit *Tsem tsu* Confucii Discipulus, statim ei escæ apponuntur; videlicet illæ, quæ ei in penu superfuerunt.
- B. 3. Lib. Rit Domestic. tom. 5. *ultima ante discessum appositiones*, sic: sequenti die, nempe ipso die sepulturæ, sandapila in currum seu fulcra gestatoria transfertur. Tum mensa cum escis & potu apponitur. Et paulò pòst: His, quæ Lector recitat, verbis, valedicit sic: Cum funeralis currus jam sit aptatus; vade igitur in domum tenebrosam; cumque ultimum pro discessu munus jam sit appositum, in æternum vale.
- C. 4. Lib. Rit. tom. 2. Cap. 3. *Tan kum xam* sic: Manè ad solis ortum, & vespere ad occasum mensa cum ferculis apponatur, scilicet pro Defuncto. Tum Interpres *Chin hao*: Manè, inquit Doctor *Fam*, fercula apponuntur, ad repræsentandam matutinam refectiorem,

Rionem , vespere ad repræsentandam vespertinam, quam vivens sumebat ; quia filius obsequiosus inservit defunctis Parentibus, sicut vivis inserviebat.

D. 5. Lib. Rit. Domestic. tom. 5. sic: Quia manè & vespere quies *Tam* & motus *Tam*, seu dies & nox se invicem excipiunt ; ideò istæ matutinæ & vespertinæ appositiones fiunt ad cogitandum de Parentibus.

E. 6. Vide hic suprâ num. 3. litterâ B.

F. 7. Lib. Rit. Domestic. tom. 5. Glossator *Tam xin* agens de escais , quæ in loco sepulturæ apponuntur & relinquuntur , sic : Quamvis , ut ait Doctor *Chu hi*, prisce illas escas apponerent ad demonstrandum se non posse pati, ut mortui sui Parentes à se traherentur ceu mortui ; attamen sunt reverà res inutiles ; imò cùm caro statim corrumpatur , putrescat , generet vermes , est quid adhuc magis incongruum. Ceterùm ut ista possent congruere , existimarem esse imminuenda , & ex singulis speciebus tantillum dumtaxat apponendum ; v. gr. si aliquot tantùm grana ex singulis frugum speciebus, & aliquot tantùm frustula ex carne siccata ac condita relinquuntur , ita ut antiquus Ritus penè conservetur , id certe mihi videtur rationi non repugnare.

G. 8. Vide hic suprâ num. 7. litterâ F.

PUNCTUM II.

De Ceremonia cy Spiritui terræ facienda.

Liber Rituum Domesticorum , designato sepulchralis loci sepulchro, & illato in fossam cadavere , præscribit Ceremoniam cy Spiritui terræ faciendam (A) ; deinde dum dapes apponuntur ad Defuncti sepulchrum , adhuc eandem præscribit (B).

Morum Institutionis & intentio Operantis sic :

Cùm Glossator hujus Libri dicat istum terræ Spiritum , seu istius loci Spiritum assumi pro Spiritu ex quadam familia orto, & tantùm agere de eo incepisse modernos Ritus Imperialis Familæ *Tam* ; est ergo falsus ac fictitius Spiritus (C) ; cùmque in Ceremonia cy

formulis ille rogetur ut protegat ac servet sepulturam (D), ejus ergò cultus est superstitiosus & idololatricus, adeoque nec Christianis, nec aliis licitus.

Textus Librorum.

- A. 1. Lib. Rit. Domestic. tom. 5. Cap. *Sam tsam* sic: Eleſto die effoditur & designatur ſepulturæ ſeptum; dein fit Ceremonia *cy* Spiritui terræ. Ibidem paulò poſt: Statim atque ventum eſt ad ſepulturæ locum, demittitur ſandapila in foſſam, & fit Ceremonia *cy* Spiritui terræ.
- B. 2. Lib. Rit. Domestic. tom. 7. Ceremonia *cy* ad ſepulturam. Paulò infrà ſic: Deinde fit Ceremonia *cy* terræ Spiritui; extenditur ſtorea, & apponuntur dapum ſercula.
- C. 3. Lib. Rit. Domestic. tom. 5. Cap. *Sam tsam*, Gloſſator *Tam xin* ſic: Quamvis habeatur antiquus Ritus, qui præſcribit ſepulto cadavere apponi munera ad dextram ſepulturæ, (ſcilicet Lib. Rit. tom 2. Cap. 4. *Tan kum bia*), nullibi tamen fit mentio de Spiritu terræ ex tali familia orto, Sinicè *Hen tu xi*; ſolummodò Imperialis familiæ *Tam* Ritus ſub Imperatore *Huen tsim*, in ſerie annorum ſui Imperii dicta *Kay yuen* conſcripti, illum continent, Quos Doctòris *Su ma nen kum* liber, dictus *Xu y*, habet, ſunt iſti *Kay yuen* Ritus; & Ritus domeſtici ſunt iſti libri *Xu y* Ritus. Illi in funerum Ritibus dicunt: Dum designatur ſepulturæ ſeptum, & demittitur in foſſam cadaver; & dum fit Ceremonia *cy* ad ſepulchrum; tunc etiam fit Ceremonia *cy* terræ Spiritui, Sinicè *Hen tu*, ſeu Dominatori terræ; ſed iſtud Spiritus terræ, ſeu Dominatoris terræ nomen eſt correlativum magni Cæli, ſeu Dominatoris cæli; ideoque viri litterati ac plebei Ritus Imperialem ſibi uſurpare videbuntur. In magno Doctòris *Chen hi* commentario reperitur Ritus faciendæ Ceremoniæ *cy* Spiritui *Tu ti*, id eſt, alicujus particularis agri aut loci terræ Spiritui. arbitror igitur iſtum terræ Spiritum ex tali Familiâ ortum nunc ſumi pro hoc particulari loci Spiritu, ſeu *Tu ti*. Ita ille.

Nota: Hic Spiritus *Tu ti*, paſſim in agris, vel ad radices montium ac collium reperitur humanâ effigie efformatus, vix pede altus

altus, & in exiguae maceriae cavo collocatus, crediturque istius loci præses ac cultos.

D. 4. Ceremoniæ cy formulas pro hoc fictitio terræ Spiritu *Tu ii*, quibus rogatur ad tutelam &c. vide infra, Quæst. 3. §. 3.

PUNCTUM III.

De fortium jactione ad determinandum Parentalis Ceremoniæ cy diem.

Liber Rituum Domesticorum præscribit Ritum, quo fors jacitur ad examinandum, utrùm electus Parentalis Ceremoniæ dies sit faustus nec ne? sic: Mense, in quo facienda est Parentalis Ceremonia, divisio in tres decades, eligitur intra quamlibet decadem unus dies, qui sic examinatur: Vas bifidum, seu tubulus canneus bifariam divisus, ante quem priùs incenditur suffitus, jacitur in discum. Si tubuli altera facies cadat aperta sursum, & altera deorsum; censetur faustus dies intra primam decadem electus, & hic assumitur; si autem utraque sursum vel utraque deorsum aperta cadat, examinatur, ut priùs, alter dies intra secundam decadem electus; si fors necdum succedat, tunc sine ulteriori fortis jactione assumitur dies intra tertiam decadem electus (A).

Motivum Instiutionis & intentio Operantis sic:

Sortes aliæ sunt divinatoriæ, quæ sunt semper illicitæ; aliæ consultoriæ (nempè de voluntate DEI), quæ subinde sunt licitæ, & in praxim olim deductæ, sed rarò; aliæ divisioriæ, quibus eligitur unum ex multis, & quæ sunt licitæ, nisi in casibus à jure positivo exceptis. Jam verò in hoc casu quamvis ista tubuli bifidi jactio partim ad divisiorias sortes pertineat; cùm tamen videatur maximè inquiri faustusne sit ille dies, an non? ideò potiùs ad divinatorias spectat, adeoque illicita & supersticiosa. Insuper ista suffitus incensio, quæ præcipuè videtur referri ad bifidum tubulum, ante quem fit, videtur aliam involvere superstitionem. Dixi, in hoc casu; quia si ageretur de fortibus antiquis Sinicis, multa afferri possent pro & contra. Sed ista non sunt hujus loci. Quod attinet ad casum præsentem; cùm idem Li-

O;

ber

ber Rituum Domestic. ibidem dicat illum Rituum posse omitti, & assumi dies æquinoctiorum ac solstitiorum, omisâ istâ Ceremoniâ (B) ; nihil ergo difficultatis parit pro praxi.

Textus Librorum.

A. 1. Lib. Rit. Domesticorum, tom. 7. *Cy li*, seu Ceremoniæ *cy* Ritus, sic : In quatuor anni tempestatibus ad faciendam Ceremoniam *cy* (nempe Majoribus defunctis) assumitur secundus cujusque tempestatis mensis. In principio ultimæ decadis mensis, qui Ceremoniam *cy* præcedit, sorte eligitur dies vel eliguntur dies, hoc modo: Primo die, inquit Glossator *Yam xin*, ultimæ decadis primi mensis, qui Ceremoniam *cy* præcedit, assumitur in singulis secundi, seu proximè sequentis mensis decadibus unus dies, vel *Tim*, vel *Hay* (sunt nomina dierum), & eodem die exponitur suffitûs mensa præ Parentalis domûs foribus ad Occidentem, vas odoramentorum, suffitûs capsula, vas bifidum, seu tubulus canneus bifariam divisus, pelvis. Tum filius Parentans seu Paterfamilias cum suis liberis ac nepotibus in suo ordine dispositis honestiori veste indutus, stans ad odoramentorum mensam, incendit suffitum ante tubulum bifidum; & Lector recitat hanc verborum formulam: N. meditans consuetum anni obsequiû, sequentis mensis die N. exhibere, accedit ad suos Majores; id penè gratum habebitis. His dictis tubulus bifidus in discum jacitur; si tubuli facies altera cadat aperta sursum, & altera aperta deorsum, censetur faustus dies intra primam mensis decadem assumptus; si aliter cadat, infausus; tuncque simili sorte examinatur alter dies intra secundam mensis decadem assumptus; si fors necdum succedat, non ampliùs jacitur; sed dies intratertiam mensis decadem assumptus reservatur.

B. Paucis interjectis sic: Si fors non jaciatur, superioris Ritûs articulus potest omitti.

B. 2. Lib. Rit. Domestic. ibidem, idem Glossator *Yam xin*, sic: Dum dies sorte electus, inquit Doctor *Chu bi*, non determinatur, animus non est à sollicitudine liber. Doctor autem *Su ma nen kum*: Possunt etiam, inquit, tantùm assumi dies æquinoctii & solstitii;

Ritii; nunc ergo si tantum assumantur dies æquinoctiorum & solstitiorum, iudico expedire, ut mense præcedente Paterfamilias prius eat in Parentalem domum, & præfixam Ceremonia cy diem denuntiet.

PUNCTUM IV.

De abstinentia servanda ante Parentalem Ceremoniam.

L Ib. Rituum Domesticorum tom. 7. Cy li, sic: Ante præfixum Parentalis Ceremonia cy diem, servantur tres abstinentia interna & externa dies (A).

Motivum Institutionis & intentio Operantis sic:

Abstinentia Sinica generatim sumpta, Sinicè *Chay*, quam quidam improprie vocant *jejunium*, nihil est aliud quam aliquid ordinare ac componere, seu id quod inordinatum est, reducere ad ordinationem (B). Dividitur in duas species; in internam & externam. Interna eodem Sinico nomine dicta *Chay*, est qua res internæ componuntur, seu qua animus colligitur ab omnibus vanis cogitationibus ad cogitandum tantum de Parentibus defunctis, recolendo eorum habitationem, risum, verba, desideria. Externa, dicta *Kiay*, est quæ res externæ præcaventur, seu quæ ab immodico vino abstinetur, ab esu leguminum male olentium, ab actione causarum criminalium, ab auditione musica seu comædiæ, à funeris comitatu, à cohabitatione cum uxore, & similibus (C). Interna servatur ad componendum animum, externa ad componendum corpus; utraque ad afferendam veram in parentali Ceremonia sinceritatem & reverentiam (D); & ad ritè præparandum omnia necessaria (E). Denique scopus totius istius abstinentia ad hoc tendit: Parentaturus, inquit Liber *Sim li ta cimen* tom. 11., unice animum applicat ad cogitandum de facienda bene Parentali Ceremonia cy. Jam verò tota hæc intentio, & omnia hæc motiva sunt honesta, solumque spectant in rebus magni momenti agendis cautelam, vigilantiam, reverentiam (F). Et hoc evidenter patet ex eo, quod Sinæ eandem omnino abstinentiam internam & externam antè actiones purè civiles inter vivos etiam præmittant; v. gr. præscribitur, ut Præfectus antequam Regem adeat, servet abstinentiam internam *Chay*,
& ex-

& externam *Kiay*; pernoctet in anteriori aula, separatus nempe ab uxore; corpus lavet (G). Legatus idem scribat ante Regis assatum (H). vir litteratus volens Doctorem Memcium convenire, præmittit eandem abstinenciam (I). Item præscribitur, ut omnes urbium Præfecti, dum in primo die anni, in solstitio hiberno, in Natali Imperatoris faustos & multos annos illi sollemniter apprecantur, præmittant abstinenciam prædictam (K). Idem iisdem præscribitur, quando pro hisce tribus diebus debent in Curiam mittere libellum gratulatorium aut apprecatorium (L).

Deinde illa abstinencia Sinica longè diversa est ab Ecclesiastico jejunio. Jejunium Ecclesiasticum juxta multos Doctores constituitur in abstinencia ab esu carnum; & juxta omnes, in unica refectioe; abstinencia verò Sinica nec esum carnum prohibet, (vide hic infra num. 5. litterà C.) sed solam aliquam vini immoderantiam, & quædam alia quæ possunt in negotiis mentem perturbare, aut quæ redolent in hominum societate aliquam indecentiam, v. gr. malum oris halitum ex cibis malè olentibus proveniente, &c. (M). Nec unicam refectioem præscribit; sed potest quis, servando prædictam Sinicam abstinenciam, quoties & quantum vult, comedere. Nihil ergo habet commune cum essentia jejunii Ecclesiastici, ac proinde vocatur improprie jejunium, cui nihil est commune cum jejuno. In worte autem Patris aut Matris, toto tempore quo durat triennalis luctus, tunc præscribitur quidem abstinencia à carne, vino, & aliis; sed vix servatur (N); & hoc ad testandum suum dolorem de illorum morte. Itaque cum abstinencia Sinica spectet tantum solitam inter vivos urbanitatem ac reverentiam, perfectamque mentis claritatem ac cautelam in rebus alicujus momenti peragendis (O), ejus ergo generale motivum ac intentio sive Institutionis, sive Operantis est honesta, nec ullam videtur superstitionis umbram continere. Quando autem eandem abstinenciam præmittunt Sinæ vel ante Cæli ac terræ Sacrificia, vel ante aliorum Spirituum Ceremonias: Siquid tunc aut Religionis aut superstitionis involvant, id non ex ipsa abstinencia Sinicæ essentia provenit, sed ex ulteriori & particulari, non universali, sine Operantis, illam ad tale objectum particulare vel Religionis vel superstitionis referentis; sicut potest quamlibet aliam actionem ex se honestam etiam referre.

Textus

Textus Librorum.

- A. 1. Lib. Rit. Domestic, tom. 7. *Cy li* sic: antè præfixum &c. ut suprà in contextu.
- B. 2. Lib. Rituum tom. 8. Cap. 25. *Cy tum*, sic: Quando instat Ceremoniæ *cy* tempus, vir Sapiens abstinentiam servat; abstinentiam servare, id est, ordinare ac componere, seu id quod inordinatum est, ad ordinationem perducere.
- C. 3. Lib. Rituum tom. 6. cap. 13. *To tso* sic: Præfectus antequam Regem adeat, servet abstinentiam *Chay kiay*; pridie pernoctet in anteriori aula, corpus lavet, &c.

Ad quem locum sic commentarius *Li ki hiam y*: Dicitur *Chay*: Nempe ad ordinandas & componendas res internas; dicitur *Kiay*: Nempe ad præcavendas & arcendas res externas.

- C. 4. Lib. *Siao bio*, seu Parvulorum doctrina, Cap. 2. §. 2. sic: Parentaturus, inquit Liber Rituum tom. 8. Cap. 24. *Cy y*, diffusam abstinentiam in exteriori, absolutam in interiori servat. Intra hos abstinentiæ dies recolit defunctorum Parentum habitationem, risum, verba, voluntatem & mentem; recolit id, quo delectabantur, & id quod appetebant; atque ita post tres abstinentiæ dies, ii, propter quos abstinentiam præmisit, videntur esse sibi spectabiles ac præsentibus.

Tum Interpres *Chin gin* sic; *Servare absolutam abstinentiam in interiori*, id est, v. gr. abstinere à vini potu, & leguminum male olentium esu, & similibus. servando hanc utramque abstinentiam cum prædicta Parentum recordatione, accumulatur vera sinceritas ad tractandum, aut ad tenendum cum Spiritu intelligenti sive Defuncto commercium.

- C. 5. Lib. *Sim li ta ciuen* tom. 21. agens de Parentalibus quatuor temporum Ceremoniis, sic: Præmittantur tres dies abstinentiæ *Chay Kiay*, sive internæ & externæ. Deinde sic id fusiùs explicat: Tribus diebus ante præfixum tempus, Paterfamilias cum suis generis aut liberis in exteriori, Materfamilias cum suis nuribus aut filiabus in interiori parte domûs servant abstinentiam *Chay*, corpus lavent, vestes mutent; bibendo vinum, non liceat ad mentis usque perturbationem pertinere; comedendo carnes, non liceat legumina

P

malè

malè olentia (nempe hæc quinque : cepas , allia , porra *Kien* , legumina *Hiap* , legumina *Him kine* , vel gingiber) sumere. Non liceat ad funus ire, nec audire Musicam , seu comœdiæ interesse; denique nullis rebus mœstis, nullis immundis liceat animum suum applicare. Idem habetur in libro *Ta mim hoey sien* tom. 95.

- D. 6. Lib. Immutab., Medii artic. 16. sic Interpres *Cham kin chim* tom. 2. sic: Spiritus possunt efficere, ut omnes tum nobiles & ignobiles, tum superiores & inferiores, nullo excepto, abstinentiam & munditiam servant ad se interiùs, & speciosas vestes induant ad se exteriùs componendos; atque ita internam & externam reverentiam afferant ad faciendam Ceremoniam *cy*. Vide etiam suprà num. 4. litterâ C.
- D. 7. Lib. Quotidiana quatuor librorum explicatio tom. 2. ad eundem artic. 16. Immutab. Medii, sic: Spiritûs intelligentia potest efficere, ut omnes abstinentiam & munditiam servant ad componendum suum animum, & speciosas vestes induant ad componendum suum corpus; atque ita reverentiam ad faciendam Ceremoniam *cy* afferant.
- E. 8. Lib. Rit. tom. 8. Cap. 24. *Cy y*, sic: Filius obsequiosus Parentibus defunctis Ceremoniam *cy* facturus, debet abstinentiâ componere suum cor ad opus suum meditandum, ad vestes aliâsq; res præparandas, ad domum ornandam, ad omnia & singula dirigenda.
- F. 9. Lib. Rit. tom. 8. Cap. 25. *Cy tum*, sic: Idcirco vir Sapiens, nisi adsit magna causa, resque reverentiâ externâ & internâ digna, abstinentiam non servat. Si tunc autem abstinentiam non servaret, debitam in rebus agendis cautelam ac vigilantiam non adhiberet, cupiditatesque ac passionem non coërceret: ubi enim abstinentiam suscipit, res pravæ præcavet, cupiditates & affectiones pacat, aures musicæ seu comœdiæ audiendæ non præbet. Ob hanc causam Liber idem Rituum, tom. 8. Cap. 24.: qui abstinentiam servat, inquit, musicâ abstinet, nec verbis mentem suam dissipare audet. Si animus vanis cogitationibus non agitur, tunc viæ seu rectæ agendi normæ adhæret; si manus ac pedes immodeste non moveantur, tunc honestati & urbanitati sunt conformes. Ideo vir Sapiens

ens in abſtinentia ſervanda unicè ſtudet acquirendæ perfectæ claritatis virtuti ; hinc ad eam ſtabiliendam , ſeptem diebus ſervat diffuſam in exteriori abſtinentiam ; & ad eam ordinandam, tribus diebus abſolutam in interiori. Illam ſtabilire , dicitur abſtinentiam ſervare. Abſtinentia *Chay*, eſt perfectæ claritatis acquiſitio , quâ acquiſitâ tunc poteſt quis tractare cum Spiritu intelligente , ſeu Deſuncto.

G. 10. Vide hîc ſuprà num. 3. litterâ C.

H. 11. Lib. *T li*, ſeu Urbanit. & Rituum tom. 8. de legatione, ſic: Te rogo, inquit legatus, ut mihi liceat modicam moram ante Regis aſſatum habere ; nempe , ibi addit vetus Interpres *Chim*, ut poſſit corpus lavare, & præſcriptam abſtinentiam ſervare.

I. 12. Lib. 1. Memcii, Cap. 4. *Kum ſun cheu hia*, ſic: Ego, inquit hoſpes alloquens Memcium, antequam ad te, Domine, accederem, abſtinentiam præmiſi. Jam verò obdormiſcis, nec audis ?

K. 13. Lib. *Ta mim hœi tien*, tom. 43. ſic: Quotieſcumque recurrit primus dies anni, ſolſtitium hibernum, natalis dies Imperatoris, omnes urbium majorum & minorum Præfecti ſervent abſtinentiam *Chay*, corpus lavent, induant veſtes aulicas, & Ritum peragant; nempe quo apprecantur Imperatori mille & mille annos proſperitatis.

L. 14. Lib. *Ta mim hœi tien*, tom. 75. hæc præſcribit Præfectis, dum pro anno novo, pro ſolſtitio hiberno, pro Imperatoris Natali, & ſimilibus mittunt ad Imperatorem libellum apprecatorium aut gratulatorium, ſic: Quicumque Præfectus extra Curiam, (v. gr. pro-Rex) mittit libellum gratulatorium aut apprecatorium, pridie communem aulam tapetibus ſeu ſericis exornet & plateam; omnes Præfecti tam civiles, quàm militares abſtinentiam *Chay* ſervent, corpus lavent, pernoſcent in ſuo proprio tribunali, ſcilicet ſeparati ab uxoribus &c.

M. 15. Lib. *Ta mim hœi tien*, tom. 81. ante Cæli & terræ litamen, ſic: Mandarinus *Tay cham* ſu ſequenti die offert Imperatori libellum ſupplicem; & reſponſo accepto indicit tres abſtinentiæ *Chay* dies. Altero die ſubalternus Præfectus Mandarinis tam civilibus, quàm militaribus promulgat præſcriptam ab Imperatore abſtinentiam *Chay kiay*. Deinde immediatè poſt, quid ſit iſta abſtinen-

stinentia, sic explicat: non bibere vinum, non comedere cepas, nec porra *Kien* (nempe malè olentia), nec allia; non inquirere de morbo ægri, non ire ad funus, non audire Musicam seu comœdiam, non agere causas criminales, non cohabitare eum uxore, aut concubina.

Vide etiam hic suprà num. 5. litterâ C.

N. 16. Lib. *Siao hio*, Cap. 5. §. 2. sic Doct̃or *Sn ma uen kum*: Olim in Patris aut matris morte, postquam cadaver sandapilæ impositum erat, tunc filius incipiebat comedere liquidam orizam, seu insipidum cum pura aqua confectū orizæ jusculum, (nil nempe prius comēdebat, nisi forrè aliquid pauxillum à vicinis subministratum). Veste lugubri confectâ, incipiebat comedere vilem orizam & bibere aquam, abstinendo à leguminibus & fructibus. Peractis post sepulturam Ceremoniis *Tu* seu tranquillitatis, & terminatæ funeralis tugurioli plantâ, vilem adhuc & inspidam tantū orizam comēdebat, solam aquam bibebat, abstinēbat à leguminibus & fructibus. Post primum anniversarium obitûs diem, comēdebat legumina & fructus; post secundum anniversarium, addebat acetum & leve condimentum; post vigesimum septimum ab obitu mensem, deposita veste lugubri, incipiebat vinum, sed simplex, bibere; edere carnem, sed siccata, &c. Nunc verò, ô dolor! luctûs tempore non aliter ac aliis temporibus & carnes comedunt, & vinum bibunt, & mutua convivia absque ullo pudore frequentant, &c. Dein paulò infrâ sic: Quisquis ob Patris vel Matris mortem gerit luctum, antequam vestem lugubrem post duos & ampliùs annos ab eorum obitu deponat, non potest carnem comedere, nec vinum bibere; id Ritus exigit. Si ægrotarit, tantisper potest & illam comedere, & hoc bibere, sed recuperatâ valetudine, debet ad pristinum victûs modum redire.

N. 17. Lib. *Ta mim hœi tien* tom 10. sic: Filii omnes, (scilicet à morte Patris & Matris) & propinqui, qui ad novem mensem luctum tenentur, tribus diebus non comedant; duobus autem diebus ii, qui ad quinq̃ue aut trium mensem luctum tenentur. Nempe culina domi suæ cesset, vicinis aliquid levis alimonix subministrantibus.

O. 18. Vide hîc suprà num. 9. litterâ F.

PUNCTUM V.

De inspectione & occisione Pecudum, ac de
ferculorum præparatione.

De Ceremoniam cy præcedente inspiciuntur & occiduntur pecudes, ac præparantur dapum fercula (A).

Motivum Institutionis, & intentio Operantis, sic:

Quoad istam inspectionem & occisionem animalium, jam multa diximus suprâ Cap. 2. Quæst. 1. §. 3. Insuper & maxime eodem Cap. 2. Quæst. 2. §. 3. Obijcies 2. 3. 4. & Cap. 3. Quæst. 2. §. 1. ubi probavimus & ostendimus nihil superstitionis in his apparere. Nihilominus hæc adhuc pauca addo: Primò ista animalium inspectio tantùm spectat morem ordinarium, quem hospes invitans alios ad convivium servat, providendo & curando ut animalia occidenda, si domita fuerint; vel eorum carnes, si debeant aliunde comparari aut emi, sint selectæ, bonæ, sanæ, pingues; adeoque nihil in hac re superstitionis. Deinde filius Parentans seu Paterfamilias non ipse propriis manibus illa animalia occidit, sed præest occisioni, sive curat illa occidi (B). Olim quidem Imperator pro magna ac solemnitate Majorum, tum Cæli Ceremonia cy, ostensus quodnam velle, ut acciperetur & occideretur animal, illud jaculabatur; & idem Reguli pro Parentali suorum Majorum Ceremonia cy faciebant; sed nulli alii, quamvis Præfecti, id audebant facere, seque illis æquiparare (C). Deinde quamvis ipsemet filius istud animal jugularet eâ intentione servicendi Patri, quâ ei in vita serviebat, dum ipsemet simile animal jugulabat ad parandum ei convivium, quid ibi foret mali? Ceterum in ordinariis Parentum Ceremoniis cy nunc rarò pecus integra adhibetur; sed tantùm communia vulgarium carniū, & aliarum rerum fercula apponuntur, quasi ut sit in communibus viventium conviviiis (D). Et de his loquere, ut suprâ in Puncto primo, & infrâ in §. 3. Denique nec ista vasa antiqua, quæ olim ex certa figura & materia constabant, nunc solent adhiberi; sed tantùm vasa illa ordinaria, quibus aliquis consuevit uti ad comedendum & bibendum, sufficiunt (E). Cur autem pecudis caput quandoque apponatur, dicetur in Puncto sequenti. Deinde cur olim pulmones, jecur, cor apponerentur? ratio

tio est, quia in illis partibus maximè resident Spiritus vitales (F), seu maximè ab illis vita dependet; ideoque apponebantur seu præsentabantur, ut bonitas rei præsentatæ aut appositæ indicaretur; nempe rei, quæ vivebat, seu morbida non erat. Jam verò hæc omnia motiva sunt merè civilia, nullamque superstitionem includunt; ergo &c.

Textus Librorum.

- A. 1. Lib. Rit. Domestic. tom. 7. *Cy ly* sic: die Ceremoniam *cy* præcedente Paterfamilias ducens secum suos generos aut liberos pergit ad locum, in quo inspiciuntur aut examinantur animalia; nempe illorum occisioni præest, seu curat occidi, Sinicè *Li xa*. Illa examinat, & postquam examinata sunt, Materfamilias cum suis nuribus lavat vasa, &c.
- B. 2. Lib. *Ta mim hoei tien* tom. 95. de Parentali quatuor temporum Ceremonia *cy*, sic: Parentans die Ceremoniam *cy* præcedente ducit secum omnes suos generos aut liberos ad examinanda animalia, (nempe utrùm sint bona, nec-ne?), curat occidi, sive præest eorum occisioni, Sinicè *Li xa*.
- B. 3. Lib. *Sim li ta cimen* tom. 21. de eadem Ceremonia sic etiam: Paterfamilias ducit secum omnes suos generos aut liberos honestè vestitos ad examinanda animalia, & præest eorum occisioni, Sinicè *Li xa*.
- C. 4. Lib. *Y li*, tom. 15. *Te sem quei che li*, de Parentali Ceremonia *cy* Progenitorum, sic: summo mane (nempe ipso die Ceremoniæ) surgens Herus, indutus uti in principio, (id est, aulicis vestibus, sicut priùs dicitur) stat extra portam apud latus orientale versà ad meridiem facie, & occidit unum animal. Ad quem locum vetus Interpres *Kia* sic ibidem: Idem liber in Cap. *Xao lao* hæc dicit: Herus (nempe primarius Præfectus) accedit ad suum locum extra Parentalis ædificii portam, & minister equilis occidit ovem, ac dissecat; Minister autem famulitii occidit porcum ac suspendit. Ergo Herus non ipse occidit. In libro verò *Tsu yn* dicitur: Regulus dum Parentalis ædificii rem peragit, ipse utique jaculatur illius animal, dissecat ovem, suspendit porcum. Et in Cap.

Su kum xi dicitur: in omni Ceremonia Cy *Su* ille jaculatur animal: Et interpretatio ait: Illa locutio *jaculatur animal*, indicat quòd ipsemet illud occidat: verumtamen *occidere animal*, istud non est quòd Princeps ipsemet occidat, sed jaculatur pro convenientia. Rursus in libro *Que Yu* dicitur: In magna Parentalis Ceremoniæ Ty, & in sacrificii Cœli *Kiao* solemnitate ipsemet Imperator jaculatur animal: Quod autem dicit Cap. *Yo tsao* libri Rituum sic: *Ubi cumque intervenit aliquid vivens, vir Sapiens non ipsemet illud interficit*, intelligendum est de more ordinario, non de Cœli sacrificio, in quo Imperator excelsæ Majestatis Dominus, animal jaculatur. Cùm Regulus Imperatorem ordine dignitatis proximè sequatur, ideò etiam ipse pro Parentalis aulæ Ceremonia animal occidit. Præfatus autem non audet se Principi æquiparare; ideò inspicit quidem & examinat animal, sed non ipsemet illud occidit. Ita antiquus ille Interpres de rebus præcis, aut more antiquo.

- D. 5. Lib. *Sim li ta ciuen* tom. 21. de pecudum inspectione & occisione, ac ferculorum præparatione, sic: Nunc pauci adhibent animal seu pecudem integram, sed tantùm apponunt aliquot esca- rum fercula.

Et paulò infrà sic: juxta Ritus antiquos pecudum inspectio, & Parentalium vasorum expositio præscribitur; sed nunc Parentantes suis Progenitoribus defunctis, sive facientes eis Ceremoniam cy, non semper occidunt pecudem. Doctor quidem *Su ma nen kum* sic ait: In Ceremoniæ cy Ritibus adhibeantur quinque leguminum & fructuum isto tempore crescentium fercula; id est, minutalis, carnis assæ, coctæ & siccæ, jusculorum, paniculorum &c. fercula non excedant numerum 15. Ast ego vereor nè ista omnia fercula, quæ hic Doctor præscribit, in promptu haberi possint: maxime si domus paupertate laboret; ideò juxta ea, quæ quisque in suo pago aut urbe reperit, aliquot tantùm, v. gr. leguminum, fructuum, carnis, farinæ, orizæ fercula possunt etiam adhiberi.

- E. Quod verò attinet ad mundanda Ceremoniæ cy vasa, dicta *Fu quey, Pien tau, Tim luy*; (ex quadam nempe determinata & figura & materia olim constantia), enimverò ubinam illa habere queat domus privata? abluit tantùm bene illa vasa ordinaria, quibus consuevit uti ad comedendum, & bibendum, iisque suam filialis ob-

servan-

servantiæ ac reverentiæ officium ex animo expleat, & hoc sufficit.
F. 6. Lib. Rituum tom 5. Cap. 11, *Kiao te sem*: Præsentatur autem, seu apponitur pulmo, jecur & cor, quia magni fit id, in quo vita præcipuè residet.

Dein Interpretes *Chin hao* sic: Pulmo, jecur & cor sunt præcipua spirituum vitalium receptacula; ideò textus dicit: *In quo vita præcipuè residet.*

PUNCTUM VI.

De Ritu præsentandi seu apponendi vinum & escas.

QUoad Ritu præsentandi seu apponendi vinum & escas, hæc præscribit idem Liber Rituum domesticorum: Post iteratam quater profundam corporis demissionem, cremantur odoramenta. Dein scyphi vinum in fasciculorum herbarum *Mao*, arenæ immixtum, totum effunditur, & hoc vocatur *Kiam xin*, seu *demittere Spiritum*. Postea apponuntur escarum fercula, & ter vini scyphus præsentatur seu apponitur coram ligneis Parentum Tabellis, concomitante semper aliqua carne assa; ante singulas tamen scyphi appositiones, hujus vini tantillum in eundem fasciculum herbarum *Mao*, arenæ immixtum, effunditur (A).

Motivum Institutionis & intentio Operantis sic:

Olim dum Imperator excipiebat solemniter Regulum, aut Regulus excipiebat alium Regulum, accipiebat vinum confectum ex milio nigro, & ex succis quarundam herbarum odoriferarum, venientique præsentabat, seu ante eum apponebat, vel fortè etiam in terram effundebat (B); ut isto vini odore hospitis animum recrearet, aut malè olentem locum purgaret (C). Atque hæc erat maxima benevolentiae ac reverentiæ testificatio, quæ erga aliquem exhiberi poterat. Unde in excipiendo honorificè quovis alio illustri hospite, id etiam præstatur (D). Insuper bene odoriferum carnis cum cinnamo & gingibere conditæ ferculum præsentabatur (E).

Præterea olim dum mensæ accumbebatur, tantillum vini vel in terra deponebatur, nempe scyphus, vel in terram effundebatur
ad de-

monstrandum erga primos vini & epularum Inventores memorem animum (F); quamvis autem videatur satis probabile olim istud vinum sive in excipiendis hospitibus, sive in recolendis vini & epularum Inventoribus in terram non effusum, sed in terra tantum depositum fuisse vini scyphum (G); nihil tamen hoc facit ad rei substantiam; quovis enim modo fieret, eodem certè modo tam erga vivos, quam erga mortuos fiebat; imò erga mortuos fiebat, ut referretur Ritus, quo vivi colebantur (H).

Jam verò prima illa totius vini effusio, quæ in colendis Defunctis adhibetur, fit ad imitandum illum antiquum Ritus, quo hospites honorificè excipiebantur (I), totumque effunditur, quia nempe illud vinum odoriferum, quod hospitibus offerebatur, non bibebatur (K). Quòd istud vinum odoriferum præsentetur seu apponatur ad imitandum Vivorum Ritus, id apertè declarat de Confucio Author *Kin* sic: *Dum Imperator honorificè Regulum seu hospitem excipit, illi vinum odoriferum præsentat vel apponit (Sinicè quon); Reguli dum se invicem excipiunt, etiam vinum istud odoriferum præsentant; insuper Imperator ad remunerandos Regulos de Imperio bene meritos, etiam vinum odoriferum adhibet. An igitur dumtaxat erga Confucium id posse fieri fortè dubitabis (L)?*

Deinde altera illa modici vini effusio, quæ postea adhibetur, fit ad imitandum etiam antiquum illum Ritus, quo gratitudo animi erga primos vini & epularum Inventores exhibebatur (M), tantumque modica illius pars effunditur; quia nempe olim vini, quod in mensa bibebatur, modica tantum pars assumebatur ad testandam illam animi gratitudinem.

Hæc modica vini effusio cum deberet fieri à Parentibus, qui jam defuncti eam præstare non amplius possunt, ideò Parentantes filii, vice Parentum illam præstant (N); ut vel sic promptum & cupidum inserviendi Parentibus animum monstrent, & eorum nomine vicariam gratitudinem erga Benefactores exhibeant. Hinc patet istam vini duplici modo effundendi intentionem tantum spectare solitum inter vivos honoris cultum, & honorariam animi erga Benefactores gratitudinem; adeoque virtutis moralis, non superstitionis opus.

Nec opponas ejusmodi vini effusionem esse aliquid divini cultus proprium; nam litando cæli ac terræ Spiritui illa non adhibetur (O);

tur (O); ad-ôque potest potius dici esse aliquid non divini, sed humani cultûs proprium, utpote ieni convivalem spectans; unde sive effundatur in terram, sive apponatur tantum in terra ille vini scyphus, hoc non mutat intentionem, nec rem.

Deinde appositis escarum fereulis, ter vini scyphus praesentatur, seu apponitur coram ligneis Parentum Tabellis: Quia, dum olim puer perfunctus Defunctû repræsentans adhibebatur, ter illi propinabatur; nempe filius Parentans unum, ejus uxor unum, & omnes invitati Hospites simul unum vini haustum ei præbebant (P), ac tamquam Parenti viventi, quem repræsentabat, in mensa serviebant, epulasque tum coctas tum assas ministrabant (Q). Sed hoc motivum & intentio spectat etiam merè humanum & naturalem filii erga Parentem cultum, solitamque in conviviis apud Sinas urbanitatem, quæ sæpius, numero propinandi gaudet ternario; ac proinde nihil illie superstitionis.

Si fortè objicias Sinas sibi imaginari, quod Defunctorum Animæ seu Spiritus illuc descendant ad olfaciendum istum vini aliarumque rerum odorem aut suffitum, ideòque istum Ritum vocari *demittere Spiritum*, Sinicè *Kiam xin*.

Hoc dici non potest: Primò quia, ut jam dixi Cap. 1. & infra rursus dicam, juxta Sinas Defunctorum Spiritus seu Animæ ad Ceremoniam *cy* Phyticè ac realiter non adveniunt; adeòque, nisi daretur actio in distans, quod repugnat, istum odorem aut suffitum non olfaciunt, & Spiritus juxta eoldem, ut vidimus in primo Tractatu de cognitione primi Entis, sunt incorporei, ac proinde non habent nares ad olfaciendum. Secundo quia iste modus loquendi *Kiam xin* seu *demittere Spiritum*, (licet improprius, nec olim usitatus; olim enim vocabatur *Quin*, de quo jam supra) videtur fuisse adhibitus non ad significandum aut indicandum realem Spiritûs descensum, sed ad distinguendum Ritum, quo Parentum & corpori & animæ grates persolvuntur, seu corpori quatenus olim viventi vitâ sensuum, & animæ quatenus olim viventi vitâ rationis (R). Quia enim, inquit, Defuncti corpus in terram revertens, est quid spectans ad *Tn* seu quietem, ideò per illam vini effusionem tamquam aliquid spectans ad *Tn* seu quietem, grates Patris defuncti corpori, quatenus olim viventi vitâ sensuum, persolvuntur. Deinde quia anima in Cælum rediens, est quid spectans ad *Tam* seu motum, ideò pecudis occisæ

adepts

adepti cum milio & herbâ odoriferâ permixta olim concremabatur, ut latè sursum ascendens suffitus suavè olentem vaporem expiraret; simulque pecudis caput tamquam præcipua pars ad motum seu *Yam* spectans, inferebatur; atque ita per res spectantes ad *Yam* seu *Yam* tum, Patris animæ quatenus olim viventi vitâ rationis, grates persolvuntur (S). Nunc cum ista adipis, milii, & herbæ odoriferæ concrematio non ampliùs adhibeatur, nisi fortè in raris quibusdam Ceremoniis cy, ejus locum supplet communis odoramentorum incensio (T); quæ passim, ut dixi, nunc pro vivis adhibetur. Olim autem adhibebatur illa odorifera combustio; quia tunc Sinæ nondum habebant modum conficiendi odoramenta artificialia, quæ nunc adhibent.

Liber quidem Rituum Imperii *Chen* refert aliquos Præfectos *Fu*, seu *Su vu*, qui dicebantur in exequiis præesse demittendo Spiritui; sed præter quàm quòd de veritate illius textûs valde dubitetur à Sinis (V), isti Præfecti *Fu* non interveniebant in Ceremonia cy, quæ fit in Parentali domo, & de qua hic agimus (X); adeoque iste Parentalis domûs Ritus *quon* non vocabatur *Kiam xin*. Deinde ille modus loquendi *Kiam xin* nihil aliud videtur hic significare, quàm per attentam mentis considerationem, & internam pacem ac reverentiam Spiritum demittere, seu in mente tamquam præsentem sibi repræsentare; non sicut faciunt isti recentiores Sectarii *Fu*, seu quidam Sectæ *Tao fu* Idololatæ, qui per sua pacta & schedulas magicas Spiritus advocant (Z):

Denique quoad herbarum *Mao* fasciculos arenæ immixtos, quamvis videantur ideò adhiberi, ut obviùs usus indicat, nempe ad excipiendum vinum dum effunditur, & ad impediendum, quo minùs suâ per pavementum diffusionem inhonorè calcetur; (olim enim cùm vellet aliquid securè & absque cadendi periculo collocare, illud herbis *Mao* involvebant (W); & ad colandum Ceremoniæ cy vinum, ut magis mundum ac defæcatius fieret, herbis *Mao* illud etiam involvebant (Y); tamen quia Liber Rituum Imperii *Chen*, seu potius quidam Interpres dicit animas vagas Posteris carentes, adhibito illarum herbarum *Mao* fasciculo advocari (AA), eorum usus sat dubius paret; dici quidem potest has animas Posteris carentes, de quibus infrâ, non comprehendi in lege communi, & de his Sinas satis variè & incertè loqui, præterquàm quòd iste Liber Rituum Imperii *Chen* in multis sit

dubie fidei, nec alii Libri classici, quantum investigare potui, agant de isto herbarum *Mao* fasciculo in Ceremonia *cy* ad istum finem. Ceterum cum nunc isti herbarum *Mao* fasciculi non adhibeantur in Ceremonia *cy* Confucii, ut diligenter & expresse inquisivi, nec id Ritualia ullibi præscribant; nec etiam in aliis Parentum Ceremoniis *cy* soleant adhiberi, uti & sæpius ab interrogatis Sinis didici; qualescumque illi sint, nullam aut ferè nullam pro quæstione ac pro praxi pariunt difficultatem. Quare Ritus iste suprâ explicatus de præsentando seu apponendo vino & escis, non ad superstitionem, sed ad politicam observantiam, ut patet, videtur spectare.

Textus Librorum.

- A. 1. Lib. Rituum Domestic. tom. 7. *Cy li* sic: Post unam levio-rem & quatuor profundiores corporis inclinationes, demittitur Spiritus, Sinicè *Kiam xin*; id est, Parentans seu Paterfamilias lavat manus, accedit ad mensam odorum, flectit genua, incendit odora-menta; unus è liberis vel consanguineis flectit genua à sinistra parte, scyphum orbiculo impositum ei offert, & alter à dextra, etiam flexis genibus, vinum infundit in scyphum. Paterfamilias lævâ tenens orbiculum, & dextrâ scyphum, effundit totum vinum in fasciculum herbarum *Mao*, arenæ immixtum, binâmq; Tabel- lis profundiore reverentiam exhibet. Dein Pater & Materfami-lias è manibus famulorum accepta fercula piscium & carnum, edulia, orizam, paniculos, &c. apponunt in secundo mensæ ordine vacuo ante ligneas Abavi & Abaviæ, Proavi & Proaviæ, Avi & Avix, Patris & Matris Tabellas; & ceteri Consanguinei ante collateralium Consanguineorum Tabellas. Postea Paterfamilias prima vice præ- sentat vinum; id est, ante unamquamque Abavi & Abaviæ, Pro- avi & Proaviæ, Avi & Avix, Patris & Matris Tabellam è scy- pho effundit tantillum vini in supraddictum fasciculum herbarum *Mao*, & famulus receptum vini scyphum ante eandem apponit, &c.

Paulò infrâ in Ceremoniæ continuatione præscribitur ap- ponendum aliquid carnis assæ, vinumque secunda & tertia vice præ- sentandum cum aliqua adhuc carne assâ, uti prima vice.

B 2. Lib.

B. 2. Lib. Rit. tom. 3. Cap. 5. *Uam chi* sic: Imperatores familiæ *Hia* solebant uti Ritu *Hiam*. Ritus *Hiam*, inquit Interpres *Chin hao*, est ille, in quo præsentatur carnis ferculum, sed illa non comeditur: Impletur scyphus vino, sed non bibitur: statur, & non sedetur; juxta variam personæ nobilioris aut ignobilioris conditionem majori aut minori Ceremoniæ iteratæ numero Ritus absolvitur. Verumtamen hic Ritus dumtaxat erga quadruplex hominum genus observabatur: 1. Erga Regulos ad Curiam Imperialem accedentes. 2. Erga Imperatoris Consanguineos, & Regulorum Legatos. 3. Erga exteriorum Principum Legatos. 4. Erga prætorianorum Militum Duces, senes & orphanos. Sed hi ad satietatem usque, vino recreabantur, inquit Liber *Cien chim*.

B. 3. Lib. Rit. tom. 5. Cap. 10 *Li ki*, sic: Reguli dum se invicem invisabant, vinum odoriferum ex herbis *To* & *Cham* confectum offerebant, sed absque escæ ferculo. Dein Interpres *Chin hao*: Reguli dum se invicem invisabant, sic præsentandi Ritus peragebant: Regulus qui invisabatur, vinum ex odoriferis herbis *To* & *Cham* confectum infundebat in scyphum ad offerendum Regulo hospiti; sed non offerebat escæ ferculum; quia Reguli dum se invicem excipiebant, virtutis odorem ac fragrantiam, non cupidiarum ac dapum saporem spectabant.

Vide etiam hic infrâ num. 6. litterâ D. & num. 7. littera E.

C. 4. Lib. Rit. Imperii *Chen* tom. 3. *Chun quon* art. *Cham gin*, sic Interpres *Chi gin* sic: Dum Imperator aut Rex venit Parentatum, seu venit domum ad reverendum hominis cadaver, unus è Ministris coram illo apponit vinum odoriferum ad expellendum pravam aërem.

C. 5. Lib. Annal. Imperial. tom. 5. Cap. *Lo kao*, sic Princeps *Chen kum* loquitur: Imperator (nempe *Chim nam*) venire jussit, qui mandata sua populo exponeret, simulque jussit ad recreandos meos labores, duabus vini ex milio nigro & herba fragrantissima *Cham* confecti amphoris me donari, dicendo: *Hoc est mundi cordis munus honorificum*, Sinicè *Tu*; reverenter illud excipe. Tum Interpres *Tsay xim*: Ita vox *Tu*, id est, honor; nimirum eo Ritu, quo Spiritus seu Defuncti colluntur, voluit Imperator colere Principem *Chen kum*. Vinum, inquit Doctor *Su*, ex nigro milio confectum, herbisque odoriferis *To*

Q 3

& *Cham*

& *Cham* commixtum, seu illarum succo temperatum, est id, quo fit Ceremonia *Quon*; & inter omnes qui in Parentali Majorum Au'a sunt Ritus, nullus est celebrior ac honoratior, quam illius vni Ceremonia, Sinicè *Quon*. Ratio autem cur Imperator venire iusserit, qui mandata sua populo præteritæ Familiæ Imperialis *Tn* exponeret, & duabus vini odoriferi amphoris labores Principis *Chen kum* recrearet, dicendo: *Hoc est mundi cordis munus honorificum; reverenter illud excipe*, fuit, quia eo Ritu, quo Spiritus Intelligentes seu Defuncti Parentes coluntur, voluit Principem *Chsu kum* colere.

Prisci enim dum habebant hospitem omni exceptione majorem, hoc præsentandi, Sinicè *Quon*, Ritu eum colebant; vinum D. purum aut clarum præsentabatur; sed quamvis homo sitiret, illud non bibebat; dein caro exsiccata præsentabatur; sed quamvis homo esuriret, non illam comedebat; idcirco in isto præsentandi seu *Quon* Ritu, etiam aderat carni ferculi munus. Ecquæ sanè major veneratio exhiberi possit? numquid igitur iste Ritus est sicut Parentalis Ceremonia *cy*?

D. 6. Lib. Rit. Imperii *Chen*, tom. 1. *Tien quon* art. *Siao chay*, sic: Quotiescumque hospes excipiebatur (scilicet ab Imperatore), quidam Ceremoniarum Præfatus præsentabat vinum odoriferum. Interpres *Chin gin se* sic: præsentabat vinum hospiti, quia nempe eo honore hospitem, quo Spiritus seu Defunctos Parentes, colebat.

Item vide num. 7. sequentem, litterâ E.

E. 7. Lib. Rit. tom. 5. Capit. 11. *Kiao te sem*: Dum aliquis Regulus invisens Imperatorem, tractabatur ut hospes; Imperator vinum ex nigro milio & ex herbis odoriferis *Yo* & *Cham* (alio nomine *Kin biam*) confectum ei præsentabat; quod autem in hoc vino præsentando spectabatur, erat ille odorifer suffitus. Dein in magno præsentandi Ritu, quod maximi fiebat, erat illud carni ferculum cum gingibere & cinnamo conditæ. Tum Interpres *Chin hao*: Postquam in Parentali domo ternus præsentandi Ritus peractus erat, tunc Imperator vinum ex fragrantissimis herbis *Yo* & *Cham* confectum Regulo hospiti offerebat. Reguli se invicem invisentes, idem etiam præsentabant. Unde patet id quod maximi fiebat, fuisse istum suffitum. Paucis interjectis sic: Mignus præsentandi Ritus, erat ille quo Imperator

perator tractabat Regulos ; dum peragebatur , quamvis apponeretur bovis integri ferculum , prius tamen ante stercem humi apponebatur ferculum carnis cinnamo & gingibere conditæ. Hinc patet istum Ritus non factum fuisse ad sapores & cupedias degustandas.

- F. 8. Lib. Rit. tom. 1. Cap. 1. *Kio li xam* sic: Herus inducit Hospitem ad faciendam Ceremoniam cy. Sic autem fit: Quod prius inferitur, de eo prius fit Ceremonia cy; juxta successivum ferculorum ordinem peragitur Ceremonia. Tum ibi Interpres *Chin hao*: Prisci, inquit, ut principium, à quo res inceperunt, non obliviscerentur, in quavis refectioe ad singula escarum fercula desumebant tantillum cibi, & illud in vase vacuo super mensam posito deponebant, ad grates primis condiendarum epularum Authoribus persolvendas; & hoc vocabant cy. Prisci, inquit Doctor *Chu hi*, præsentabant, Sinicè cy, vinum in terra, & escas in catino.

Vide etiam hic infrà num. 19. litterà M.

- G. 9. Lib. *Ta mim hoai tien*, seu collectio Rituum ac Statutorum Imperialis Familiæ *Ta mim*, tom 79. de Ritu *Hiamyn* sic: Minister infundit vinum in scyphum, &c. Vide suprà Cap. 3. quæst. 1. in textibus num. 11. & 12. litterà I.

- G. 10. Lib. Rit. Imperii *Chen* tom. 1. *Tien quon* artic. *Siao chay*, sic: Hic Præfectus, quotiescumque fit Ceremonia cy, adjuvet Imperatorem in rebus, quæ spectant ad serica volumina, ad scyphos, ad vinum præsentandum. Dein Interpres sic: Infundere vinum ex herbis *Ya* & *Cham* confectum ad præsentandum Spiritui personato, id dicebatur *Quon*. Paret ergo illud non bibi, sed quod spectabatur, erat facere istum præsentandi Ritus. Iste vini odoriferi præsentati Ritus, Sinicè *Quon*, tantum inter homines (nempe vivos), & in Parentali Majorum domo adhibebatur; pro magno autem Cæli ac terræ Spiritu non adhibebatur. Hoc vinum adhibebatur ad præsentandum Spiritui personato. Spiritus personatus illud excipiebat, faciebat Ceremoniam cy seu humi deponebat, ori admovebat, ac ibi reponebat. Faciebat Ceremoniam cy; id est, primis potus & cibi condiendi Authoribus eam faciebat; dein illud ori admovebat, ac ibi reponebat; non bibebat.

H. 11.

- H. 11. Lib. Rit. Imperii *Chen* tom 3. *Chun*, quon art. *Tien xui*: Hic Prefectus pretioso vase *Quei tsan* utatur ad pecudis ferculum, quod apponitur priscis Imperatoribus, & ad vinum quod præsentatur Hospitibus.
- H. 12. Lib. Rit. tom. 8. Cap. 25. *Cy tum*, sic: Ipsemet Imperator accipit vas pretiosum *Quei tsan* ad præsentandum Spiritui personato prima vice vinum; dein primus ejus Minister accipit pretiosum vas *Cham tsan* ad eisdem præsentandum secunda vice.
- H. 13. Lib. Rit. tom. 6. Cap. 14. *Mim tam guei*, sic Interpres *Chin hao*: Hic ista vox *Quon*, significat infundere vinum ex odoriferis herbis *To* & *Cham* confectum ad præsentandum Spiritui personato.
- H. 14. *Yen* Paulus in Manuscriptis sic: Hinc vides istam vini odoriferi præsentandi Ceremoniam non pro solis Spiritibus aut Defunctis adhibitam fuisse; imò patet, dum adhibetur pro Spiritibus aut Defunctis, id fieri ad imitandum illum Ritum, quo homo in vita colebatur. Hujus Ceremoniæ motivum ac intentio non alia est, quam fragrantis istius vini odore patefacere suæ reverentiæ fragrantiam, non verò potum spectat.
Vide etiam hic suprâ num. 5. litterâ C. & num. 6. litterâ D.
- I. 15. Lib. Rit. Domest. tom 7. agens de hujus vini odoriferi præsentandi Ritu ex herba *Cham*, cui succus herbæ *To* immiscebatur, confecti, (ut dicitur infrâ num. 25. litterâ R.) sic Glossator *Yam xin*: Atque illud est, quod postea vocârunt *Luy cien*, *kiam xin*, id est, effundere in terram vinum & demittere Spiritum.
Deinde ibidem referendo illam herbæ *Siao*, mixtæ cum pecudis adipe & milio concremationem, (ut dicitur etiam infrâ num. 25. litterâ R.) sic idem Glossator *Yam xin*: Atque illud est, quod postea vocârunt *Fuen hiam cy xin*, id est, cremare odorem, dum fit Spiritui Ceremonia *cy*.
Vide etiam hic infrâ num. 19. litterâ M.
- K. 16. Vide hic suprâ num. 5. litterâ C. & num. 7. litterâ E. item num. 10. litterâ G.
- K. 17. Lib. *Ta mim hoei tien*, seu collectio Rituum ac Statutorum Imperialis Familiæ *Ta mim*, tom. 79. de Ritu *Hiam yn* in verborum formula sic: Veneremur Imperatorem, quia juxta priscam normam, sollicitè curando Ritus ac disciplinam, jussit hanc conviva-

lem

lem civium solemnitatem celebrari non ad comedendum & bibendum, sed ut juniores & seniores ad honestatem se invicem omnes exstimulent.

L. 18. Lib. *Kum miao hyo kao*, tom. 3. sic: Dum Imperator honorificè &c. ut suprà in contextu.

M. 19. Lib. Rit. Domestic. tom. 1. sic: Ritus *Luy*, inquit Doctor *Chu bi*, seu Ritus vini in terram effundendi, duplex est explicatio: Prima est, vinum ex odoriferis herbis *To* & *Cham* temperatum in terram effundere ad demittendum Spiritum; qui Ritus Imperatoris ac Regulorum proprius est. Secunda est, facere Ceremoniam *cy*. Prisci enim inter comedendum & bibendum, illam semper faciebant. Jam verò quia Defuncti non possunt amplius eam facere, ideò fit illorum nomine.

N. 20. Lib. Rit. Domestic. tom. 7. *Cy li* circa finem, sic Doctor *Chu bi*: Præsentare, Sinicè *cy*, vinum; id est, Paterfamilias prima vice illud præsentat; si ille non adsit, supplet Materfamilias. Secundâ vice illud præsentat Patrisfamilias frater natus minor, & hujus vxor ultima seu tertia vice. Effundere vinum, rursus inquit Doctor *Yam*, supra herbarum *Mao* fasciculum, est pro Spiritu seu Defuncto facere Ceremoniam *cy*. Dum ter præsentatur vinum, ad singulas vices illud effunditur supra herbas *Mao*.

Vide etiam hic suprà num. 19. litterâ M.

O. 21. Dictionarium *Ta tsu quey* in littera *Quon* sic: Hæc littera significat in Ceremonia *cy* vinum scypho infundere ad effundendum in terram. In Capitulo libri *Annal. Imperial.* dicto *Lo kao*, inquit Doctor *Yen*, dum dicitur: Imperator (nempe *Chin nam*) ingressus Parentale Majorum conclave, fecit *Quon*; id est, accipiens vas pretiosum *Quei tsan* infudit vinum in craterem, ut illud Spiritui personato offerret. Spiritus personatus acceptum vinum non bibit, sed in terram effundit; idcirco dicitur *Quon*. Hic Ritus *Quon* in Parentali Principum palatio adhibetur, sed pro magno cæli ac terræ Spiritu non adhibetur.

Vide etiam hic suprà num. 10. litterâ G.

P. 22. Lib. Rit. tom. 9. Cap. 30. *Fam ki*, sic Interpres *Chin hao*: Puer personatus bibit ter; id est, filius Parentans, nurus Parentans & omnes invitati hospites, singuli tenet unum vini haustum offerunt Puero personato.

R

Q23.

- Q. 23. Lib. Rit. tom. 6. Cap. 15. *San fo ſiao ki*, ſic Interpres *Chin hao*: Ad faciendam Ceremoniam *cy* adhibere illos Ritus, qui erga vivos adhibebantur, iſtad eſt adimplere verum filii munus. Hinc Spiritus perſonatus, ut Defuncti Spiritum repræſentaret, ipſius Defuncti veſtes induebat.
- Q. 24. Lib. Rit. tom. 8. Cap. 25. *Cy tum*, ſic Interpres *Chin hao*: Poſtea dum in lance præſentabatur caro & cruda & condita, tunc tantum incipiebat comedere, & bibere Spiritus perſonatus.
- R. 25. Lib. Rit. tom. 5. Cap. 11. *Kiao te ſem* ſic: Imperatores Familix *Chen* quod maximè ſpectabant & plurimi faciebant, erat ſuffitus. Ideò ad faciendam Ceremoniam *Quon* utebantur bene fragranti vini ex herbis *Cham* conſecti odore ſeu ſuffitu; iſtique vino odoriferæ herbæ *Yo* ſuccum immiſcebant aut ſupperaddebant, ut iſte vini odor pertinens ad quietem *Yn* ſeu ad Defuncti corpus, penetraret in imos terræ reſceſſus. Ad faciendam huius vini Ceremoniam utebantur pretioſo vaſe *Quei cham*; at quod ſpectabatur, erat ille pretioſi vaſis fragrans odor. Abſolutâ huius vini Ceremoniâ *Quon*, tunc demum ibant ad excipiendam pecudem ſeu pecudes; quia volebant priùs fragrantè illo vini odore, rem ad quietem *Yn* pertinentem, nempe Defuncti cadaver, colere.

Poſtea odoriferam herbam *Siao* cum milio miſcebant ut fragrans ejus odor pertinens ad motum *Yan*, ſeu ad Defuncti animam, ſurſum penetraret inter muros ac cubicula. Idcirco appoſito coſtæ carnis fereulo, tunc demum iſta odorifera herbæ *Siao* concrematio fiebat. In omni Ceremonia *cy* id diligentiffimè ſatagebant. Nam quia vitalis animæ aura in Cælum, & organizata corporis forma in terram revertitur (ſcilicet dum homo moritur), ideò Ceremonia *cy* eſt quædam ratio conquirendæ rei ad quietem *Yn* & ad motum *Yan* ſpectantis. Haſtenus textus. Dein Interpres *Chin hao* ſic: Imperatores Familix *Chen* maximi faciebant ſuffitum; & in Ceremonia *cy* primùm rem ad quietem *Yn* pertinentem conquirebant; idcirco antequam pecudes maſtarentur, vinum odoriferum ſcypho infundebant & in terram effundebant ad conquirendum Spiritum ſeu Defunctum. Utebantur autem illâ herbâ *Cham*, quia

quia est optimi odoris: propterea dicitur: *utabantur bene fragranti vini ex herbis Cham confecti odore.* Insuper huic vino immiscebant herbæ *To*, aliter *Kin biam* dictæ, succum, ut uberiorem optimi odoris copiam exhalaret. Paulo infra sic: vinum ex herbis *Cham* confectum, inquit *De flor Xe leam nam*, in terram effundere, est suffire seu odore prosequi rem ad quietem *In* pertinentem, nempe Defuncti corpus; & herbæ *Siao*, aliter dictæ *Hiam kao* (nempe immixtæ cum adipe pecudis & milio) concrematione suffitum sursum emittere, est suffire, seu odore prosequi rem ad motum *Tam* pertinentem, nempe Defuncti Animam.

Deinde paulo post: Hic Ritus non spectabat ad primarios Praefectos & Litteratos, sed tantum ad Imperatorem & Regulos. Vide etiam hic infra num. 26. & 27. litterâ S.

- S. 26. Lib. Rit. tom. 5. Cap. 15. *Kiao se sem*, sic Interpres *Chin hao*: Dum visibilis Majorum Defunctorum species seu organizatum corpus in terram revertitur, id dicitur res ad quietem *In* pertinens. Pulmo comparatus cum quinque primariis principiis universalibus (scilicet terra, igne, aqua, ligno, metallo), spectat ad metallum; metallum & aqua sunt etiam quid pertinens ad quietem *In*; idcirco in Ceremonia *cy* additur pulmo & aqua munda, ut cum rebus ad quietem *In* pertinentibus grates persolvantur Intelligentiæ rei ad quietem *In* pertinentis, (nempe animæ quatenus olim corpus vivificanti; vel potius, corpori quatenus olim viventi vitâ sensitivâ). Deinde adeps in vase focario incenditur; dumque præsentatur caro cocta, tunc herba *Siao* cum milio mixta concrematur. Milium est quid pertinens ad motum *Tam*, pecudisque caput est etiam pars ad *Tam* pertinens. Jam verò quia animæ aura vitalis dum in Cælum revertitur, dicitur res pertinens ad motum *Tam*, idcirco cum rebus ad motum *Tam* pertinentibus grates persolvuntur Intelligentiæ rei ad motum *Tam* pertinentis, (nimirum animæ, quatenus olim viventi vitâ rationali).

- S. 27. Lib. Rit. tom. 8. Cap. 24. *cy* sic: Positis igitur his duobus rebus, (scilicet hominis corpore & Anima), instituti sunt duo Ritus. Primus, est matutinum opus, quo pecudis adeps mixta cum odorifera herba *Siao* comburebatur ad gratias agendas vitali Auræ, seu Defuncti Animæ. Hoc enim modo instruebantur po-

puli recolere suam originem, ex qua nati erant. Secundus, est post matutinum opus, quo præsentabantur milium, jecur, pulmo, caput, cor, cum duabus vini novi amphoris; & insuper in terram effundebatur, vel præsentabatur vinum ex odoriferis herbis *To & Cham* confectum, ad gratias agendas Defuncti corpori.

Ad hunc locum sic Interpres *Hoam* in suo commentario *Liky kiam y*, id est, interpretatio Libri *Ly ki*: Id quod per istam & adipis & herbarum odoriferarum *Siao* vel *Hao* combustionem intendebatur, erat suavis exhalatio & bonus odor. Odor & exhalatio cum sit quid ad motum *Tam* pertinens, erat id, quo Spiritui producenti (nempe Animæ) serviebatur, & vitali Auræ olim viventi gratiæ agebantur; atque ita docebantur populi suam originem recolere. Appositio milii, jecoris, pulmonis, capitis, cordis cum duabus vini novi amphoris; & odoriferi vini in terram effusio, vel humi depositio in principio Ceremoniæ adhibita, sunt quid spectans ad gustum & saporem. Gustus autem & sapor cum sit quid spectans ad quietem *Tu*, erat id, quo serviebatur Spiritui destructi seu abeunti, & corpori olim viventi gratiæ agebantur.

T. 28. Vide hic suprâ num. 15. litterâ I.

V. 29. Lib. Rit. Imperii *Chen* tom. 3. *Chun quon*, art. *Su vu*, sic: Præfectus *Vu* seu *Su vu* in quovis funere curet servari Ritus demittendi Spiritûs. Tum Interpres *Ching in se* sic: Dum homo moritur, corpus in terram, anima in Cælum revertitur; idcirco in agendis funeribus Præfectus *Su vu* præest demittendo illius Spiritui.

Forſitan dices, ut inquit Doctör *Ho*: Sub priscis Imperatoribus, dum recta vivendi ratio ac doctrina vigeant, pravæque dogmata aberant, ubinam sanè habebantur ista officia Præfectorum qui præcrant demittendis Spiritibus, & pro vindicta invocandis? si Princeps *Chen kum* illa præscripsit, ad quid servit ista cura? ita ille. Ego tamen arbitror aliter rem se habere; cum enim in Libro Annalium Imperialium (scilicet tom. 4. Cap. *Kin tem*) dicatur Præfectus Annalium accepisse Libri formulam; cumque in Libro productionum ac mutationum (scilicet parte *Xue qua*, art. 11.) Præfectus *Vu* quasi mixtim inter alia appareat; hinc infero Præfectos *Su vu* olim fuisse; sed prisci demittendis Spiritibus Præfecti

æti

Si non erant, ut isti moderni. Liber *Chun cien que yu* sic: Cum hominis, inquit, mens est attenta nec distrahitur, internámque pacem ac reverentiam servat, tunc ejus intellectus potest ritè res superiores & inferiores inter se componere; ejus perspicacitas longè latèque se diffundere; ejus claritas radiare; ejus intelligentia intelligere, atque ita Spiritum demittere. Quidnam igitur hic simile est cum istis pravis artibus, quas falsi demittendis Spiritibus Præfecti ac Sectarii (scilicet Sectæ *Tao su*) cum suis patris, schedulis, chi-rographis, cùmque sua aqua ad eos superandos, postea introduxerunt?

X. 30. Liber *Ven bien tum kao* tom. 92. sic: Isti Præfecti *Vu*, vel *Su vu* præsidebant tantùm Ceremoniæ cy Spirituum caeli ac terræ, non Ceremoniæ cy, quæ in Parentali Majorum Defunctorum domo fit.

Z. 31. Vide hic suprà num. 29. circa finem, litterâ V.

W. 32. Lib. product. ac mutat. part. *Xam chuen*, art. 8. sic: si res, inquit Confucius, humi deponatur, potest esse secunda; si insuper herbis *Mao* involvatur, quid mali tunc potest timeri? hæc enim maxima, quæ adhiberi potest, cura est. Ista herba *Mao* licet sit quid valde tenue ac leve, ejus tamen usus magni faciendus. Unde ejus artem diligenter attende. Nam Sapiens, qui in agendo eâ utitur, (nempe qui utitur vigilantia & cautela) potest à culpa se immunem reddere.

Ad quem locum recta hujus libri explicatio sic: Vasa in loco secundo posita non periclitantur; contra in loco non secundo. Si autem aliqua res humi deponatur, potest esse secunda; multò magis si insuper herbis *Mao* quasi calathò involvatur, ecquod tunc labendi periculum? sic rem involvendo, non tantùm quælibet cura, sed & summa cura ostenditur. Quamvis ista herba *Mao* sit quid tenuissimum & levissimum, dum quis tamen eâ utitur ad rem involvendam, tunc res potest à labendi periculo esse secunda, & sua erga eam vigilantia, cura, ex-istimatio ostenditur. Idcirco ejus usus est magni faciendus.

Y. 33. Lib. Rit. tom 5. Cap. 11. *Kiao te sem*, sic: ad colandum Ceremoniæ cy vinum, herbis *Mao* illud involvatur.

AA. 34. Liber, Rituum Imperii *Chen* tom. 3. *Chun quon* artic. *Su vu*, agens de subalterno præfecto *Vu* sic: Undequaque advocet, adhibito her-

barum *Mao* fasciculo. Dein Interpres *Chin gin sie* : Vagæ animæ carentes Posteris, possunt debacchari & damna asferre; idcirco adhibito herbarum *Mao* orientalium (in istis partibus orientalibus inveniuntur) fasciculo advocantur, & eis fit Ceremonia *cy*.

Sed nota : Hic Interpres fortè loquitur juxta mentem Sedariorum *Tao su*.

PUNCTUM VII.

De Invitatione seu exhortatione ad epulas.

PRæsentato seu apposito vino & escis, uti jam dictum est in præced. Puncto, idem Liber Rituum domesticorum sic pergit, & hunc Ritum, quem vocat invitationem seu exhortationem ad epulas, præscribit : Paterfamilias seu filius Parentans ante omnes Tabellas implet vino scyphum ; Materfamilias seu nurus Parentans infigit cochlear in scutellas orizæ, ante easdem Tabellas appositæ. Deinde binâ exhibitâ reverentiâ omnes egrediuntur, portâque clausâ, vel vimineo velo demisso, tantisper quiescunt. Lector seu quidam Ceremoniarum Præfatus tussienti similis, ter lugubrem oris sonitum edit, Sincè *T bin*, (*T*, est vox suspirantis ; & *Hin*, est vox significans desiderium, quo optaretur, ut Spiritus seu Defunctus res præsentatas spectaret aut gratas haberet) ; aperitur porta, & Parentantes ante omnes Tabellas deferunt potum *Cha* (A).

Motivum Institutionis & intentio Operantis sic :

Si animæ Defunctorum, juxta Sinarum mentem, nec Ceremoniæ *cy* intersint, nec ad illam veniant, ut jam partim vidimus, & expressius adhuc postea videbimus, liquet id non fieri, ut illæ comedant ac bibant res appositas, sed esse simplex desiderium defunctis Parentibus alimenta præbendi, sicut vivis præbent. Hanc autem Ceremoniam ortam esse arbitror, ex eo quòd antiquitus Parentantes, primò filius, dein nurus, postea Consanguinei personato Puero Patrem defunctum representanti, vinum ter præsentarent, & epulas ei apponderent (C). Deinde Lector, Parentantis Patrisfamilias nomine eum hortabatur & excitabat ad fruendum epulis (D) ; idque Parentans præstabat ad explendum suæ filialis observantiæ munus (E). Jam verò cum pridem non adhibeatur amplius ille Puer personatus, reman-

fit

sit similis hic Ritus, quo Parentans coram Tabella lignea monstrat suum erga Patrem affectum, sicut olim coram Puero personato (F); & quemadmodum olim dum comedebat Puer personatus, Defuncti non comedebant; ita nec nunc. Deinde dum Interpres explicat vocem *Hin* eo modo, quo jam dixi, originalis libri textus ibi agit de serico volumine quod Imperatori defuncto præsentabatur (G); atque adeo præsentans ibi non cupiebat, ut rei præsentatæ, id est, serici voluminis, vaporem comederet. Hujus ergo Ritûs motivum & intentio ad politicam tantum observantiam etiam spectare videtur.

Eodem modo explicandæ, vel intelligendæ variæ locutiones, quibus Parentantes alloquuntur Tabellam ligneam tamquam Defuncti Spiritum, seu potius Defunctum; vel certe illas explicata de Parentum defunctorum Spiritu, quem ut præsentem sibi in mente proponunt, sicut infra dicam.

Textus Librorum.

- A. 1. Lib. Rit. Domestic. tom. 7. *Cyli* sic: Fit invitatio seu exhortatio ad epulas, &c. ut suprâ in contextu.
- B. 2. Lib. Rit. tom. 4. Cap. 7. *Cem tsu uen* sic: Discipulus *Cem* interrogans Magistrum suum Confucium: Si Imperatore, inquit, moriente, nascatur filius heres, quid faciendum? vicario Imperii Administratore, reponit Confucius, cum aliis Præfectis stante apud occidentalis scalæ gradus facie ad boream versa, primus Ceremoniæ cy formularum Præfectus seu Lector solemnî habitu indutus accipiat sericum volumen, & à parte occidentali ascendat ad ultimum usque scalæ gradum; aulam tamen (nempe in qua depositum est Defuncti feretrum) non subeat; ibique jubeat non plorandum. Dein ternum oris sonitum edendo faciat denuntiationem Imperatori defuncto sic: Filius Imperatricis N. natus est: Id tibi nuntiare audeo. Quibus dictis, præsentatum sericum volumen deponat super mensulam fultricem ad partem sandapilæ orientalem.

Ad hunc locum sic Interpres *Chin bao*: Postquam Lector ter vocem *Y bin* edidit ad excitandum Spiritum seu Defunctum, ut audiat, tunc ei facit denuntiationem, (nempe nati filii). Ista vox *Y* est

est vox suspirantis & dolentis, & vox *Hin* significat desiderium, quo Parentans optat, ut Spiritus seu Defunctus præsentatum munus spectet, aut gratum habeat, Sinicè *Hiam*.

- C. 3. Lib. Rit. tom. 9. Cap. 30: *Fam ki* sic: Puer personatus bibit ter, & omnes invitati hospites semel, * ad ostendendum discrimen superiorem inter & inferiorem. Dein Interpretes *Chin hao* sic: *Puer personatus bibit ter*, id est, filius Parentans, nurus Parentans, & omnes invitati hospites, singuli semel unum vini haustum præbent Pueri personato; postea filius Parentans omnibus invitatis hospitibus unum haustum offert, seu illis semel propinat; atque ita dicuntur omnes invitati hospites semel bibere.
- D. 4. Lib. Rit. tom. 5. Cap. 11. *Kiao te sem*, sic Interpretes *Chin hao*: Parentantis adjutor, est ille, qui admonet exhortando, nempe Puerum personatum. Cur autem admoneat exhortando Puerum personatum, est quia exoptat, ut hæc præsentata seu apposita fercula excipiat, grata habeat, gustet.
- D. 5. Lib. Carm. tom. *Siao ya*, odâ *Tsu tsu*, sic compendiosa Interpretum compilatio: Excipitur Spiritus personatus in conclave, & illi fit reverentia ad eum tranquillandum. Deinde apponuntur epulæ, & Lector Parentantis nomine illum excitat, hortaturque ad comedendum: Id est, sic olim fiebat.
- E. 6. Lib. Carm. tom. *Siao ya*, odâ *Sin nan xan*, sic eadem compendiosa Interpretum compilatio: Illud vinum & illam escam nostro personato Spiritui Defunctum repræsentanti dabo, eum omninò tranquillabo, eum hortabor ad edendum, ut meum filialis observantiæ munus expleam. Postquam autem ter vini haustus illi præsentatus fuerit, tunc nostris invitatis hospitibus Ceremoniæ adjutoribus ea etiam dabo, propinandi ac respondendi Ritum servabo, ut meam reverentiam exactè exhibeant.
- F. 7. Lib. *Sim li ta ciuen* tom. 21, Doctor *Fam* sic ait: Dum non adhibetur Puer personatus Defunctum repræsentans Sinicè *Xi*, inquit Libri *I li* Capitulum *Su yu li*, (v. gr. in morte pueri); Ceremoniarum Praefectus *Cho* claudit portam & fenestram, non aliter ac dum Puer personatus *Xi* brevem accipit refectionem. Deinde rursus sic ait: Praefectus *Cho* ternum edens vocis sonitum *I hin*, aperit portam.

Jam

Jam verò cùm in Ceremonia cy non adhibeatur ampliùs puer iste personatus Xi, idèò istius Ri.ùs articulum proponi necesse fuit.
G. 8. Vide hìc suprà num. 2. litterà B.

PUNCTUM VIII.

De bibendo faustitatis vino & excipiendo escæ ferculo.

Peractis iis, quæ in superioribus punctis recensuimus, tunc ut habet idem liber Rituum Domesticorum, epotatur felicitas, & presentatæ rei ferculum excipitur sic: Famuli stercam sternunt ante mensam odoramentorum, ubi Paterfamilias seu filius parentans facie ad boream versâ, flexis genibus plenum è manu Lectoris scyphum vini, qui ante Abavi Tabellam priùs exstabat, accipit; facit Ceremoniam cy, id est vini tantillum in terram effundit, & tantillum degustat. Idem Lector acceptæ in catino tantillum orizæ, quæ ante ligneas Parentum Tabellas priùs etiam exstabat, deferat ad latus lævum Patrisfamilias, ubi legit hanc apprecatoriam verborum formulam: Avi defuncti jubent me internuncium tibi nepoti obsequioso, quam communices tuis nepotibus obsequiosis, felicitatem sine termino deferre, ita ut à Cælo Magistratum seu Magistratûs stipendia accipias, optimam ex agris messem colligas, & longissimam vitam ducas. Vide nè hunc Parentalem Rituum negligas, sed cum Posteris tuis transfunde. His dictis Paterfamilias deponit humi scyphum vini ante stercam, factisque solitis corporis inflexionibus, rursus genua flectit, & orizæ ferculum è manu Lectoris excipit, & tantillum degustat (A).

Motivum Institutionis & intentio Operantis sic:

Primò quod attinet ad istud vinum faustitatis & orizam; filius Parentans illud bibit, & hanc comedit tamquam paterni epuli reliquias, peracto convivio (B); uti in vita facit filius bene morigeratus. Illius enim vini & orizæ ante ligneas defunctorum Parentum Tabellas appositio, repræsentat communis mensæ inter vivos appositionem. Unde & reliqui consanguinei atque Posteris collecta appositura

rum epularum fercula etiam comedunt ac vinum bibunt ut reliquias (C); nec tantum ut reliquias, sed etiam ut quoddam liberalitatis ac beneficentiae munus (D). Atque ita dum Præfectus in fine Ceremoniæ *cy* Confucii excipit vini scyphum & carnis ferculum, illa excipit ceu quoddam liberalitatis ac beneficentiae à Magistro profectum munus. Quocirca nihil cum Idolothyto commune. Idque clare colligitur ex eo quod dicitur: Si vinum aut escæ in Parentali Progenitorum Ceremonia appositæ non sufficiant ad distribuendum iis, qui interfuerunt, Parentans seu Paterfamilias aliud vinum & aliam carnem curet addi (E). Certè hæc caro addita & vinum, quæ in Ceremonia *cy* non fuerunt appositæ, non possunt dici Idolothyta. An fortè aliquis volet istud vinum, & carnem cum aliis misceri, ut evadant Idolothyta? id sanè curant Sinæ. Nec obstant voces illæ: *Eporatur faustitas* seu *felicitas*, cùm non vox, sed intentio vocis in communi sensu acceptæ rem in sua specie constituat; per illam autem vocem *felicitas* in Ceremoniis *cy*, Sinæ intelligunt operis perfectionem, reſtitutionem, &c. (F), ut dicam infra. Jam verò quod attinet ad præfatam apprecatoriæ verborum formulam; olim personatus Puer jubebat Lectorem tamquam Internuncium illam recitare (G); nunc cùm non adhibeatur amplius Puer personatus, Lector Defunctorum nomine tamquam Internuntius illam legit. nimirum sicut Pater aut Avus in vita multam apprecabatur felicitatem filio, aut nepoti obsequenti ac bene agenti; ita nunc iste internuntius Lector, induens Patris aut Avi defuncti benevolam animam, illam filio ac nepotibus eorum nomine apprecatur, ita ut non sit Parentans, qui illam petat.

Esse autem hunc sensum colligitur ex eo quod immediatè sequitur: Parentali enim Ceremonia *cy* peractâ, mox Pater & Materfamilias, ut habetur in eodem libro & tomo Rituum Domesticorum, sedent in medio aulæ; liberi, nurus, nepotes, aliique Posterii ac consanguinei eisdem, quas Defunctis exhibuerunt, corporis inflexiones eis exhibens. Dein illorum unus matu grandior accipit vini scyphum & flexis genibus cum illis præsentat, intercæ dum Lector hanc verborum formulam recitat: quandoquidem Parentalis Ritûs opus sit peractum, Majorisque defuncti gratum munus habuerint, submissè exoptamus, Parentes venerandi, ut quintuplicem felicitatem perfecte reci-

diatis

piatis, (scilicet longam vitam, divitiâs, sanitatem, virtutem, finem optimum), totâmq; nostram familiam protegetis, ac rectè componatis. His lectis, vini scyphum tradit famulo, & famulus cum apponit ante venerandos Parentes, moxque ipse surgens factâ leviori reverentiâ reedit ad locum, ubi cum aliis omnibus consanguineis unam leviozem, & quatuor alias corporis inclinationes profundiores eis exhibet, nempe omninò ut sit Defunctis. Tum Paterfamilias: Quandoquidem, inquit, Parentalis Ritûs opus sit peractum, quintuplicis felicitatis bonum vobis omnibus commune facio. Quo dicto, rursus iteratæ corporis inflexiones. Dein viri in exteriori, mulieres in interiori aula præsentatas dapes, sive peracti convivii reliquias edunt & bibunt (H).

Hic vides & ipsam Lectorem Parentibus, & ipsos Parentes suis Liberis ac Nepotibus etiam bene apprecari. Sic etiam in Ceremonia, in qua primus pileus solemniter imponitur Adolescentis capiti, invitatus hospes & Ceremoniarum Præfectus illi recitat apprecatoriam verborum formulam (I). Præterea ejusmodi faustæ appreciationes inter epulas in laudem convivarum illustrium olim à Musicis sæpe decantabantur (K). Unde hoc non est quid particulare in Parentali Ceremonia cy, nec superstitiosum; dummodò Parentantes à Parentibus nihil aut petant aut sperent, de quo infra.

Sed quidquid sit de hac apprecatoria verborum formula, nunc saltem exolevit, nec ampliùs adhibetur (L). Et quamvis in Ceremonia cy Confucii etiamnum epotetur felicitatis vinum, & carnis ferculum excipiat, ut supra vidimus; nulla tamen recitatur apprecatoria verborum formula; quia nempe tractatur ut Magister, non ut Parens. In Parentû Ceremoniis cy etiam ipse epotandæ felicitatis & orizæ excipiendæ Ritus jam pridem exolevit, nec ampliùs fit. (M); sed peractâ Ceremoniâ cy, inter eos, qui illi interfuerunt, dumtaxat distribuuntur res in Parentali aula appositæ. Non est ergo opus de relati Ritûs intentione ac motivo ulteriùs inquirere. Imò ex dictis sat patet illum ad meram observantiam politicam, & obsequiosam urbanitatem referri.

Textus Librorum.

A. 1. Lib. Rit. Domest. tom 7. Cy si sic: Epotatur felicitas, &c. ut supra in contextu.

S 2

B. 2, Lib.

- B. 2. Lib. Rit. tom. 8. Cap. 25. *Cy tum* sic: in Parentali Ceremonia *cy* habentur reliquiae; hæ reliquiae sunt ultimum Ceremoniae *cy* opus, adeoque earum notitia negligi non potest. Unde antiquo proverbio dicitur: ut principium, sic finem ritè ac bene perfice. Hoc proverbium reliquiarum edendarum Ritui aptissime convenit. Quocirca olim viri sapientes dicebant: Ipsemet personatus Spiritus etiam Spiritus reliquias comedit ac bibit. Cum verò hic reliquiarum comedendarum ac bibendarum Ritus sit quoddam liberalitatis ac beneficentiae genus; ideo ritè regendi ratio potest inde spectari. Postquam igitur Spiritus personatus à mensa surrexit, tunc Princeps cum suis quatuor primariis Ministris illius reliquias comedit ac bibit. Postquam hi surrexere, tunc sex primarii Præfecti comedunt ac bibunt reliquias; id est, subditi reliquias sui Principis. Postquam hi sex Præfecti surrexere, tunc litterati viri octo comedunt ac bibunt reliquias; id est, Ignobiles reliquias Nobilium. Paucisque interjectis sic pergit: Ceremonia *cy* est beneficiorum maximum. Dum ergo Princeps præstat beneficium maximum, aliquid ex eo in suos subditos transfundat necesse est. Dein ibi sic Interpres *Chin hao*; ubi mactata est pecus, præsentabatur Spiritui sanguis & caro cruda; postea dum in lance præsentabatur caro & cruda & condita, tunc tantum incipiebat bibere ac comedere Spiritus personatus, ideoque dicebatur comedere ac bibere Spiritus reliquias.
- C. 3. Lib. Rit. Domest. tom. 7. *Cy li* sic: Comeduntur ac bibuntur Ceremoniae *cy* reliquiae. Tum Glossator *Xin yam*: Hoc Ceremoniae *cy* die, Paterfamilias inspicit illius reliquias, tum consanguineis & amicis, tum Ceremoniarum Præfectis distribuendas. Si hæ non sufficiant, aliud vinum & carnem superaddat.
- D. 4. Vide hic suprà num. 2. litterâ B.
- E. 5. Vide hic suprà num. 3. litterâ C.
- F. 6. Lib. Rit. tom. 8. Cap. 25. *Cy tum* sic: Dum dicitur: *Sapientis Ceremonia cy suam haud dubiè recipit felicitatem*, non intelligitur illa, quam Mundus vocat felicitatem. Hæc felicitas, perfectio est. Perfectio, est omnimodæ obsequentiae ac morigerationis vocabulû.
- F. 7. Lib. Rit. tom. 4. Cap. 9. *Ly jun* sic: Communem illam & antiquam verborum normam, seu formulam, qua Lector nomine Parentantis in principio Ceremoniae *cy* facit denuntiationem Spiritui seu

seu Defuncti Tabellæ; & nomine Spiritûs (scilicet personati) in fine bene apprecatur Parentanti, non audere immutare, id dicitur magna felicitas. Tum Interpres *Chin hao* sic: *Magna felicitas idem significat ac id, quod in superiori articulo magna prosperitas dicitur.* (In dicto autem articulo *magna prosperitas*, inquit idem Interpres, idem est ac *restituendo, probitas, bonitas.* Vide etiam infra in hoc eodem Capite, Quæst. 3. §. 4. n. 6. littera C.) Vult ergo dicere: Qui servat Ritus ex se naturaliter servandum, hic naturaliter habet felicitatem. Hæc felicitas profectò magna est.

G. 8. Lib. Rit. tom. 4. Cap. 7. *Cem tsu uen*, sic Interpres *Chin hao*: Postquam undecim fercula Spiritui personato apposita fuerunt, Parentans seu Paterfamilias illi offert vinū ad osablendum, & Spiritus personatus Patrifamilias propinat. Quo facto, jubet Lectorem Patrifamilias bene apprecari his verbis: Imperialis Spiritus personatus jubet me internuncium tibi nepoti obsequioso, quam tuis communices nepotibus obsequiosis, felicitatem sine termino deferre seu nuntiare, ita ut è Cælo Magistratûs stipendia seu Magistratum accipias, optimam ex agris messem colligas, longissimam vitam ducas. Vidè nè hunc Parentalem Ritus negligas, sed cum Posteris tuis transfunde. His dictis, binâ profundâ usque ad terram capitis demissione Spiritum personatum reveretur Paterfamilias. Quemadmodum verò olim dum quis vice alterius faciebat Ceremoniam cy, non audebat illam felicitatis appreciationem admittere, nec tunc illa adhibebatur; ita nunc, quia in Ceremonia cy fugitur Præsidis titulus, illa felicitatis apprecatio non adhibetur.

H. 9. Lib. Rit. Domesticæ. tom. 7. *Cy li* sic: Comestio & epotatio reliquiarum in hunc modum fit: Ceremoniâ cy peractâ, Pater & Materfamilias sedent in medio aulæ facie ad austrum versâ; omnes liberi ac nurus ad gradus aulæ in suo quique ordine dispositi quater profundam usque ad terram capitis & corporis demissionem illis exhibent. Deinde unus ex iis natu grandior accipit vini scyphum; accedit ad Patrem & Matremfamilias inter utriusque sedem, ac flectit genua. Si hic sit filius aut nepos, sedendo excipitur; si autem frater natu minor, stando excipitur. Interim Lector hanc verborum formulam recitat: Quandoquidem &c. ut suprâ in contextu.

- I. 10. Lib. Rit. Domestic. tom. 2. *Quon ly*, five in Ceremonia, qua primus pilcus solemniter imponitur Adolescentis capiti, vel Puellæ ornatus capitis, Lector seu invitatus Cereemoniarum Præfectus hanc illi apprecatoriam verborum formulam recitat: Hujus felicitis mensis optimo die, indue tandem primum Adultorum habitum; puerilis ætatis mentem ac sensa exue; virtutis tuæ perfectioni obsequenter & prosperè stude; longissimam vitam feliciter age, ad magnam & excellentem felicitatem, Et paulò post idem sic rursus: Hujus felicitis mensis optimâ horâ tuam tandem vestem tibi impono; omni diligentia tuam gravitatem ac modestiam serva; sedulam tuâ virili virtuti operam nava, florenti ætate mille & mille annos vive, longâque ac magna felicitate perfruere.
- K. 11. Lib. Carm. tom. *Siao ya*, odâ *Nan xan*, sic Princeps hospiti Principi inter epulas apprecatur, nempe musici canentes: Virtutis amans, Princeps, in æternum vive, in æternum vive.
- K. 12. Lib. Carm. tom. *Ta ya*, odâ *Him guei*, Confanguvinei peractâ Majorum suorum Ceremoniâ, simul convivantes sic sibi invicem fausta apprecantur: magno cratere propinetur ad longâ vitam sperandam; longa vita vigeat ad reciprocum virtutis profectû. Prospera veniat senectus ad magnam & excellentem felicitatem.
- K. 13. Lib. Carm. tom. *Ya*, odâ *Ki tsui*, sic convivæ fausta apprecant Imperatori convivium danti: Cùm simus tuo vino satiati, tua virtute repleti, mille annos, Princeps, vive; magna felicitate perfrue. Et paulò post: Cælo tibi Posteris dante, hi excipiant tuam dignitatem; magna Cæli lex mille annis tibi, Princeps, Imperium continuet.
- L. 14. Vide hîc suprà num. 8. litterâ G.
- M. 15. Interpres *Lieu cham* in Libro *Sim li ta ciuen* tom. 21. sic ait: epotandæ felicitatis, (inquit Doctor *Han guei* in suo libro dicto *Kum kia cy*,) & carnis excipiendæ Ritus jam pridem exolevit, nec in praxim deducitur. Nunc ergo sufficit, ut residuas Parentationis efesus ac virtum inter consanguineos seniores & juniores ad edendum & bibendum tantum distribui jubeat Parentans.

PUNCTUM IX.

De sensu vocum *Xam biam*, quibus Parentalium Ceremoniarum formulæ solent terminari.

UT istis minutim enumeratis Defunctorum Ritibus finem imponam, hæc pauca adhuc addo de duabus vocibus *Xam biam*, quibus ferè omnes Parentalium Ceremoniarum formulæ solent terminari. Ista vox *Xam* significat *quasi, vix, penè* (A); est vox optantis, non sperantis (B); est etiam vox submissionis (C). Vox autem *Hiam* primò significat Ritum convivalis solemnitatis, ab incolis unius loci celebrandæ ad publicam bonæ disciplinæ instructionem, in quo Ritu sine esu & haustu offertur esca & potus (D); licet tunc post hunc Ritum peractum, parumper & bibatur, & edatur. De hac solemnitate vide etiam suprà Cap. 3. Quæst. 1. num. 11. & 12. litterâ I.) Significat etiam consimilem Ritum, in quo ad excipiendum nobilem hospitem præsentatur esca, sed non comeditur; præsentatur vinum, sed non bibitur (E). De hoc Ritu etiam vide suprà puncto 6. num. 2. litterâ B. Quod in hoc Ritu maximè spectabatur, & plurimi fiebat, erat ille vini bene fragrantis odor, Sinice *Ki*; ibidem. Unde dum subinde dicuntur Spiritus seu Defuncti *Hiam ki*, *Hin ki*, &c. *gratum habere odorem*, nempe exhibitæ Ceremoniæ, *illum excipere, illo delectari*; vel *utinam gratum habeant odorem, illum excipiant, illo delectentur*! &c. ista & similia debent intelligi per respectum ad præfatum Ritum, & juxta humanum loquendi modum. Vox ergo *Hiam* aut *bin* ex se non significat comedere, aut bibere res appositæ, vel earum odore seu vapore frui. Et patet; quia de cæli Domino, Sinicè *Xam Ti*, de montium ac fluminum Spiritibus dicitur etiam *Hiam* (F); cum tamen nec comedant nec bibant, ut habetur Tract. 1. Cap. 2. Quæst. 5. num. 20. litterâ T. Imò de serico volumine præsentato dicitur *Hiam* vel *bin* (G); & dum Spiritus dicuntur gratam habere alicujus virtutem vel illâ delectari, id etiam vocatur *Hiam* (H). Clarum est, quod vox *Hiam* ibi non significet comedere

144 *Traët. II. De Ceremoniis Sinarum erga Defunctos.*

dere aut bibere. Insuper vox *Hiam* significat *spectare* (I). Denique vox *Hiam* juxta dictionarium significat Ritum unius loci convivalem, & gratum habere exhibitæ Ceremoniæ odorem, uti jam dixi; significat *gaudere, delectari, optare, appetere, præsentare, præbere, excipere, pertingere*; significat Ceremonialis convivii honorarias exhibitiones, & conjuncta cum voce *Ten* ipsum reale convivium (K).

Itaque cum vox *Xam* significet *quasi*, & *Hiam* significet *spectare, gratum habere*, & similia; idè huc usque istas duas voces *Xam hiam* simul junctas, quibus Parentales verborum Formulæ finiuntur, semper explicui aut verti, ac deinceps explicabo aut vertam per has: *Penè* vel *quasi* id *gratum habebitis*; nimirum Parentans exoptat, ut Defuncti, non secus ac si adhuc viverent, *quasi* aut *penè* respiciant & gratum habeant id, quod præsentatur aut apponitur (L). Quare nullum veræ postulationis vel spei indicium, sed purum dumtaxat demonstrandæ suæ gratitudinis, amoris, obsequii desiderium videtur contineri.

Itaque hæc sufficiant de motivo Institutionis, & de intentione Operantis quoad omnes actus Parentalis cultûs singillatim sumptos; in quibus patet, ut vidimus, excepto uno aut altero accidentali supra relato, nihil superstitionis ex illa parte contineri; sed solam civilis cultûs observantiam reperiiri; adeoque totam illorum actuum Parentalium collectionem, sublati vel omitti illis paucis, qui videntur aliquid superstitionis redolere, ex se esse honestam concludere possumus. Sed ut hæc conclusio magis adhuc dilucida reddatur, inspicimus universale motivum & Institutionis & Operantis quoad omnes istos actus Parentales generatim sumptos. Itaque sit sequens Paragraphus.

Textus Librorum.

- A. 1. Lib. Rit. tom. 5. Cap. 11. *ki. so se sem*, sic Interpres *Chin bao*:
Ista vox *Xam*, significat *Xu ki*, id est, *vix, penè*, aut *quasi*, sic:
Dum fit Ceremonia *cy* ad portam Parentalis ædificii, annon *penè*
quæri potest Spiritus in loco remoto? vide etiam dictionarium Sincicum *Ta tsu guei*.

A. 2.

- A. 2. Lib. Rit. tom. 2. Cap. 3. *Tan kum xam*, Discipulus Confucii *Tsu yen* confpicatus aliquem Principis delegatum, licet tardè ad funus Ducis *Uen tsu* appulsum, appositè tamen juxta funerales Ritus ab ejus Filio exceptum fuisse, sic ait: *Iste Filius Ducis Uen tsu* numquid *penè* (Sinicè *Xu ki*) vero Ritu virum sine Ritu venientem excepit? certè illius actio prudens & rationi consentanea fuit. Deinde Interpres *Chin hao* sic: *Ista bina vox Xu ki*, idem est ac *propè* aut *penè*.
- B. 3. Lib. Carm. tom. *Chen tsun*, odà *Chin lu* sic: Dum illic versantur, carent odio; dum hic existunt, carent fastidio; atque ita illorum laudes *penè* (Sinicè *Xu xi*) possunt de die in diem continuo perennare. Tum compendiosa Interpr. compilatio: *Ista vox bina Xu ki*, est vox optantis, non sperantis; seu significat desiderium, non spem.
- C. 4. Dictionarium *Ta tsu guei* in littera *Xam*, præter alia multa significata, sic: *Ista vox Xam & Chim* sunt nomina, quibus Inferiores erga Superiores utuntur. Nimirum vox *Xam*, id est, magni æstimo aut veneror; vox *Chim*, id est, excipio aut capeffo.
- D. 5. Dictionarium *Ta tsu guei* in littera *Hiam* sic: Hæc vox *Hiam*, est eadem ac alia vox *Hiam* (aliter nempe formata, de qua jam dicam); significat convivalis solemnitatis Ritus, ab unius loci incolis in schola publica celebrari solitum; (hic Ritus describitur in Libro Rituum tom 10. Cap. 45.) significat etiam idem ac vox *Hin*. Vox *Hin* in eodem dictionario significat Ceremoniæ cy fufitum gratum haberi à Spiritu, gaudere, delectari, optare, appetere. Vox verò *Hiam* aliter formata in eodem dictionario significat præbere vel præsentare, facere Ceremoniam cy; idem ac vox *Hin* jam dicta, excipere, pertingere. Significat Ceremonialis convivii honorarias exhibitiones; & juncta cum voce *Yen*, ipsum etiam reale convivium.

Deinde idem Dictionarium ibidem sic pergit: *Istæ honorariæ*, inquit Doctor *Tu yu*, Ceremonialis convivii exhibitiones ex multis honoris signis ac urbanitatibus componuntur: Exponitur fultrix parva mensa, sed illi non incumbitur; vini scyphus impletur, sed illud non bibitur; carnis siccata ferculum apponitur, sed illa non

T

come-

comeditur. Atque hæc sunt ad docendam reverentiam, urbanitatem, temperantiam.

E. 6. Vide hic suprà præcedentem num. 5. litterâ D.

F. 7. Lib. Rit. tom. 3. Cap. 6. *Tue lim* sic: Pecus his quinque conditionibus ritè præparata, dum offeretur; haud dubiè supremus cæli Dominus *Xam Ti* excipiet & gratam habebit, Sinice *Hiam*, vel *Hin biam*. Quantò magis addit Interpres *Chin hao*, cetera Spirituum turba?

G. 8. Vide hic suprà punct. 7. num. 2. litterâ B. & num. 7. litterâ F.

H. 9. Lib. Rit. tom. 5. Cap. 10. *Liki* sic: Qui Ritus servat, hujus virtutem gratam habent Spiritus; qui eos negligit, gratam non habent, Sinicè *Hiam*. Dein Interpres *Chin hao*: Viri sapientis pietati seu reſtitudini omnes ultrò se subdunt, & ejus virtute Spiritus delectantur, Sinicè *Hin*.

I. 10. Lib. Rit. tom. 8. Cap. 24. *Cy y* sic: Solus vir sapiens ac virtute præstans potest ritè *Hiam* cæli Domino; & solus filius obediens, observantiâque pollens potest ritè *Hiam* Parentibus defunctis. *Hiam*, id est, *ſpectare*; qui ſpectat, is poſtea potest ritè *Hiam*. Vide etiam hic suprà num. 5. litterâ D.

K. 11. Vide hic suprà num. 5. litterâ D.

L. 12. Lib. Rit. Domestic. tom. 8. circa finem, in quadam Ceremoniæ *cy* formula ad ſepulturam ſic: Te, ſimpliciſſima Intelligen-tiæ ſpecies, non aliter ac ſi adhuc ſubſiſteres, *penè* ut reſpicias & hoc gratum habeas, rogo.

Paragraphus III.

An cultus Parentalis ſit ſuperſtitioſus ex uni-verſali motivo ſuæ Inſtitutionis, aut ex uni-verſali ſine Operantis quoad ejus actus generatim ſumptos?

R Espondeo & Dico 1. Univerſale Inſtitutionis Motivum, ſeu Originalis ſinis ac primitiva intentio horum omnium Rituum atque actuum Parentalium fuit, ut impedirentur liberi, aliique, quominus ſuos Parentes, ſtatim atque mortui eſſent, ſaſtidi-
rent,

rent, contemptui haberent, inhonorè projicerent. Ideò varia instituta sunt ornamenta ad involvendum cadaver, ad decorandum ferculum, ad honestandas exequias (A). Hoc autem motivum est honestum, intentio pia, nihil superstitiosum; ergo &c.

Dico 2. alius primarius ac universalis istorum omnium Rituum & actuum Parentalium finis ac motivum tum quoad Institutionem, tum quoad Operantem est, ut animi gratitudo erga suos Progenitores aut Benefactores defunctos demonstraretur, illis grates persolverantur, externæ & internæ reverentiæ cultu recolantur. Ideò varia instituta sunt cibi & potùs fercula, sericorum munerum præbitiones, multæ corporis inflexiones ac prostrationes, magnus Cereemoniarum apparatus (B). Sed & hoc motivum est honestum, nec superstitiosum.

Dico 3. alter finis huic assimilis est, ut Vivi suum ostendant desiderium adhuc inserviendi Mortuis, sicut iis vivis inserviebant; & eos post mortem reverendi, sicut eos in vita reverebantur (C); ita ut dicant deesse debito amoris eum filium, qui Parenti mortuo tamquam mortuo persolvit exequias (D). Unde illa elcarum fercula, potùsque munera non iis exhibentur ad usum, sed ad honorem; sive non exhibentur ad comedendum & bibendum, sed ad repræsentandum modum, quo ista iis in vita offerebant; aut rursus ea lubenter præberent, si adhuc in vita subsisterent (E). Nec obstat quod in vita dum illis inserviebant aut illos reverebantur, non uterentur voce Cy; quia vox diversa non immutat naturam rei & essentiam cultûs, si ipsa vocis significatio, & loquentis intentio non sit diversa essentialiter. Illa autem vox Cy, (præter alia, quæ jam diximus suprâ) sumpta pro Parentali Cereemonia, tantum significat id, quo recordamur alimentorum, quæ non possumus amplius dare Parentibus; & id, quo continuamus filiale obsequium nondum priùs perfectè expletum (F). Sic etiam varia sunt ornamenta, vestes, vasa, instrumenta, quæ tantum serviunt ad præstandum cultum Patri mortuo, non viventi (G); nimirum, ut indicetur cultum reddi Patris animæ separatæ, nec unitæ cum suo corpore (H). Jam verò nec in hoc motivo ulla superstitionis species intervenit, sed tantum vehemens inserviendi Parentibus desiderium & amor, qui ut sic honestate non caret; modò nihil aut Divinitatis aut relationis ad Divinitatem illi admisceatur. Unde

T 2

Dico 4.

148 Tract. II. De Ceremoniis Sinarum erga Defunctos.

Dico 4. finis, quo coluntur defuncti Parentes aut Benefactores, longè diversus est à fine, quo colitur supremus cæli Dominus seu *Xam Ti*. Primò enim quod attinet ad Parentes; specificum Parentalis Ceremoniæ nomen, est diversum à specifico nomine litaminis *Xam Ti*, ut dixi suprà Cap. 3. quæst. 1. num. 16. 17. 18. 19. Deinde pecus, quæ apponi debet, est diversa & magnitudine & alendi curâ; idque fit, ut ostendatur diversitas cultûs quo colitur *Xam Ti*, & quo homines Defuncti coluntur; uti expressis verbis dicit liber Rituum (1). Deinde modus peragendi utramque Ceremoniam est diversus (K); apparatus ac pompa diversa. Denique finis litandi Cælo seu cæli Domino, est summæ venerationis testimonium; Parentandi Parentibus defunctis, summæ pietatis (L). Ex his, ut alia multa omittam, satis patet utriusque Ceremoniæ aut solemnitatis specifica diversitas; & imprimis certum est, quòd Sinae in celebrandis istis Parentalibus honoribus, non pro supremo cæli Domino *Xam Ti* suos defunctos Parentes agnoscant. An verò motivum aut finis, quo eos colunt, habeat aliquam affinitatem cum fine, quo Sancti coluntur; sive an aliquid ab iis petant aut sperent, dicetur in Quæstione sequenti.

De fine, quo defuncti Benefactores coluntur, jam dictum est suprà, tum in Tractatu 1. Cap. 2. quæst. 4. num. 33. 34. 35. 36. tum in hoc Tract. Cap. 2. quæst. 2. §. 1. 2. & 3. agendo de Priscis Magistris & Sapientibus, ac maxime de Confucio, de quo adhuc agemus in Quæstione sequenti, §. 3. circa finem.

Quare ex dictis per totum hujus Quæstionis decursum patet, quòd in omnibus istis Parentalis cultûs actionibus, universale & particulare motivum sive Institutionis sive Operantis, dumtaxat spectet civilem observantiam & naturalem grati animi memoriam; ac proinde istæ actiones sint à superstitione aut Idololatria immunes.

Textus Librorum.

- A. 1. Lib. Rit. tom. 2. Cap. 4. *Tan kum hia*: sic: Olim, inquit Confucii discipulus *Tsem tsu*, ubi quis obierat, statim fastidio, & horrierat; cum enim omni vi & potentia destitutus esset; ideò contemptim projiciebatur ac dereliquebatur. Ob hanc causam
prisci

prisci sapientes Imperatores sancivere varia linteaminum involucria, & tabulas instar ventilabri efformatas exposuere ad efficiendum, ut vivi mortuos fastidio, & horrore non haberent. Quare statim atque aliquis obierat, exsiccatae & conditae carnis fercula ei apponebantur. Ubi ad sepulchrum deferendus erat, dapum munus ad valedicendum praesentabatur. Post sepulturam fiebat ei alimentorum appositio; neminem tamen huc usque reperies, qui unquam viderit mortuum ista apposita seu praesentata excipere, vel delibare. Ceterum ab omni retrò antiquitate numquam haec omissa fuerunt; quia nempe Ritus volunt efficere, ut Vivi Mortuos contemptim non projiciant, nec derelinquant.

Dein Interpres *Chin hao*: Quandoquidem sic dicat *Tsem tsu*: Ubi quis obierat, statim fastidio & horrore erat; cum enim omni vi & potentia destitutus esset, ideo contemptim projiciebatur ac derelinquebatur, ego arbitror antiquitus, dum nulli adhuc habebantur Ritus, complures sic egisse. Hinc conjicio primam praeorum Sapientum, qui Ritus instituerunt, mentem, hanc dumtaxat fuisse, ut vivos compellerent ad mortuos fastidio & horrore non habendos, nec eos contemptim projicerent ac derelinquerent. Et paulò post: Equis sanè unquam vidit mortuos praesentata excipere, aut delibare? verùm ex quo primùm Ritus olim instituti fuerunt, numquam audiui ista aliquando neglecta, aut omissa fuisse. Haec igitur servant homines, ut habeant cogitationem, suae vitae origini grates persolvendi, & suum principium recolendi, non valendo aliter facere, & affectum suum reprimere.

- B. 2. Lib. Rit. tom. 5. Cap. 10. *Li ki* sic: Ritus sunt id, quo recordamur eorum, ex quibus nati sumus. Deinde Interpres *Chin hao*: Omnes res suam à Caelo trahunt originem, homines suam ab Avis. Quod Ritus spectant, est grates nostrae origini persolvere, nostrum principium recoler, nec unquam oblivisci eorum, ex quibus nati sumus.
- B. 3. Lib. Rit. tom. 8. Cap. 25. *Cy tum* sic: Ceremonia *Cy* est id, quo pristina alendorum Parentum cura recolitur, & filialis in eos observantia continuatur. Continuare filialem observantiam, est defunctos Parentes mente fovere; sequi autem dictamen rectae rationis, nec naturali humanae conditionis ordini (hic est quintuplex, & primus quidem est ordo amoris inter Patrem & filium) adversari, est mente

illos fovere. Ideirco triplex est modus ac norma, quâ filius obsequiosus Parentibus inservit. Dum vivunt, eos alit; dum obierunt, eis iusta persolvit, post iusta persoluta eis facit Ceremoniam *cy*. In eis alendis suam morigerationem, in iustis persolvendis suum luctum, in facienda Ceremonia *cy* suam reverentiam, & hanc quidem statis cujusque anni temporibus patefacit. Hæc tria accurate adimplendo, filii obsequiosi munus adimplet.

Dein Interpres *Chun hao*: *status cujusque anni temporibus*, id est, stato quoque anni tempore illos cogitare ac recolere.

- B. 4. Lib. Rit. tom. 2. Cap. 4. *Tan kum hia* sic: Ante sepulturam in apponendis epularum ferculis adhibentur vasa omni ornatu experta; quia Parentans gerit intimum animi dolorem omni ornatu expertem. Triennali autem luctu peracto, dum Ceremoniam *cy* peragit, tunc omni cum ornatu omnes sui muneris partes explet; sed quamvis sic agat; qui sanè sciat, quidnam gratum habeat Spiritus, seu Defunctus? hoc ergo Parentans etiam facit, ut intimum suæ aequitatis & reverentiæ animum demonstret. *Ad patefaciendum*, inquit ibidem Interpres *Chun hao*, *suum animum & nihil aliud*.
- B. 5. Lib. Rit. tom. 8. Cap. 24. *Cy* sic: Vir sapiens antiquitatis memor, & gratus erga suum principium, non potest oblivisci eorum, ex quibus vitam accepit; ideirco quam potest maximam, affert reverentiam; omnem animi sui affectum prodit, totas suas vires in quavis re ritè peragenda exerit. Ut enim grates Parentibus persolvat, omnes sui muneris partes non implere non audeat.
- C. 6. Lib. Rit. tom. 2. Cap. 24. *Cy* sic: Dum Princeps *Ven vum* faciebat Ceremoniam *cy*, (scilicet Parentibus defunctis); inserviebat mortuis, sicut vivis inservisset; cogitabat mortuos perinde ac si non optasset ipse vivere, illisque commori desiderasset. Anniversario obitus die intimum suum dolorem singulariter demonstrabat, & ita Parentum defunctorum nomen proferbat, quasi eos vidisset. Adco vera & sincera erat ejus Parentantis observantia.
- C. 7. Lib. Rit. tom. 6. Cap. 15. *Sam fo Siao ki*, sic Interpres *Chun hao*: Ad faciendam Ceremoniam *cy* adhibere illos Ritus, qui erga vivos adhibebantur, istud est adimplere verum filii munus. Hinc Spiritus personatus, ut Defuncti Spiritum repræsentaret, utebatur ipsi

ipsis Defuncti vestibus. Et lib. *Uen bien tum kao* tom. 91. sic: Spiritus personatus debebat induere exteriores Defuncti vestes ad representandum eum, uti in vita erat.

Vide etiam hic infra num. 17. littera L.

D. 8. Lib. Rit. tom. 2. Cap. 3. *Tan kum xam* sic: Qui funus persolvit, inquit Confucius, & Defunctum tractat ut Defunctum, seu Defuncti Ritibus, hic pietate caret, & amoris deest; ideoque id non decet fieri. Contrà, qui funus persolvit, & Defunctum tractat ut viventem, seu viventis Ritibus, hic intelligentiâ caret, & prudentiæ deest; ideoque nec id decet fieri. Ob hanc causam vasa cannea (nempe pro funere persolvendo) non sunt curiosè elaborata, vasa fictilia non sunt cerussata. Hæc autem dicuntur intelligentiæ vasa, quia spiritus, seu intellectus hominis ea adhibet pro Spiritu seu Defuncto. Vocantur intelligentiæ vasa, addit Interpretes *Chin hao*, quia tractatur Defunctus ut Spiritus intelligens, sive ut anima à corpore separata.

E. 9. Lib. Rit. tom. 7. Cap. 19. *Yoki*, sic: Quocircâ florida illa Musicæ symphonia non fit ad suavem vocum sonum audiendum; nec illa æstivæ Ceremoniæ (qua omnibus Imperatoris Avis defunctis in Parentalis Familiæ Conditoris aula epulæ simul apponebantur) solemnitas fit ad degustandos ciborum saporos.

E. 10. Lib. Rit. tom. 5. Cap. 11. *Kiao te sem* sic: Ea, quæ in vasis canneis & ligneis præsentantur, sunt tum aquatiles, tum terrestres fructus; sed absit, ut escae vulgares, & vilis saporis assumantur; imò & illarum copia magni fit. Porro ratio, cur communicatio cum Spiritibus intelligentibus, aut Defunctis habeatur, non est ad comedendas dapes.

Vide hic suprâ num. 1. litterâ A. num. 3. litterâ B. num. 4. litterâ B. Et infra num. 16. litterâ K.

F. 11. Vide hic suprâ num. 3. litterâ B.

G. 12. Vide hic suprâ num. 8. litterâ D.

H. 13. Vide hic suprâ num. 8. litterâ D.

I. 14. Lib. Rit. tom. 3. Cap. 5. *Uum chi* sic: Vitulus destinatus ad offerendum Cælo ac terræ, habeat cornua instar bombycini glomeris, aut castaneæ, (nempe sit vitulus parvulus); destinatus autem

autem Avis defunctis, habeat cornua quatuor digitis alta; destinatus hospitibus, habeat cornua pede uno alta.

- I. 15. Lib. Rit. tom. 5. Cap. 11. *Kiao te sem* sic: Vitulus destinatus ad offerendum cæli Domino, debet per trimestre spatium in mundo caulæ loco ali; vitulus autem pro defuncto Principe *Heu cie*, quilibet obuius adhiberi potest; atque id fit, ut distinguatur cultus quo servitur cæli Spiritui, à cultu quo servitur Homini defuncto.
- K. 16. Lib. Rit. tom. 5. Cap. 11. *Kiao te sem*: In litamine Cæli sub dio, primò sanguis, dein caro cruda, postea caro semicocta, denique caro penitus cocta offertur. In Parentatione, quæ plurimis Avis simul fit, primò sanguis & caro simul præsentatur Spiritui personato; deinde caro semicocta; postea penitus cocta.

Et paulò post: Dum summa reverentia exhibetur, escarum sapes non deguttantur vel non excipiuntur; sed tantum odorifer, ac bene fragrans suffitus spectatur & æstimatur. Alia vide in eodem Capite ejusdem libri. Item Traët. 1. de Cognitione primi Entis, Cap. 2. Quæst. 5. num. 3. litterâ B. & alibi.

- L. 17. Lib. Rit. tom. 5. Cap. 10. *Li ki* sic: facere litamen cæli Domino sub dio in suburbano terræ aggere, istud est summæ venerationis; parentare Majoribus defunctis in Parentali eorum Aula, est summæ pietatis; Defunctis exequias juxta Ritus persolvere, est summæ fidelitatis testimonium. Tum Interpres *Chin hao*: Quia Ritus litandi, Cælo sunt paucissimi, simplices, summè venerabiles, absque ornatu; ideò dicuntur esse summæ venerationis testimonium. Vera pietas, est inservire Parentibus. Quia autem illis non subsistentibus inservitur, sicut subsistentibus inserviebatur, ideò hoc dicitur esse summæ pietatis testimonium.

QUÆSTIO III.

An Parentalis Ceremonia *cy*, quam Sinæ Defunctis faciunt, sit superstitiosa ex motivo alicujus circumstantiæ?

PER circumstantiam hîc intelligo aliquod auxilium aut favorem à Defunctis petatum aut speratum. Quæritur ergo, an Sinæ faciendo

faciendo Defunctis Parentalem Ceremoniam cy aliquid auxilii ac beneficii ab iis rogent, petant, aut sperent? ut quæstio clariùs & distinctiùs solvatur, agam primò de Ceremonia cy in genere, & non Parentali. Secundò de Parentali antiqua. Tertiò de Parentali moderna; videbimusque, an in his tribus Ceremoniarum cy speciebus interveniant preces? Quartò de Ceremoniæ cy felicitate.

Paragraphus I.

De Ceremonia cy in genere, & non Parentali.

Resp. & dico 1. Ceremonia cy in genere ex se nullas continet preces (A); adeoque non tantum non est Ceremoniæ cy essentialis & intrinseca, sed nec ordinaria quidem postulatio; quin imò illæ oblationes, in quibus aliquid rogatur, parvæ Ceremoniæ cy solent vocari (B).

Dico 2. quando aliqua particularis subest causa, Ceremonia cy potest habere secum annexam postulationem (C). Unde datur Ceremonia cy, quâ rogatur frugum ubertas à cæli Domino *Xam Ti* (D); & olim erant duo Præfecti sibi invicem subalterni, qui inter alia præstabant precationum formulis (E). Deinde liber Rituum, ut dixi, refert tres Ceremoniæ cy species, quarum altera est ad roganda bona, altera ad expellenda mala, altera & ordinaria ad gratias agendas (F). Sed juxta libros quos ibi citat Interpretes *Chin hao*, non agit de Parentum Defunctorum Ceremonia cy; liber enim Rituum Imperii *Chen*, quem citat, agit de officio istorum duorum Præfectorum qui præstabant precationum formulis; & hæc formulæ, ut colligitur, referuntur ad cæli Dominum, & ad tutelares Spiritus (G). Deinde alibi agit de primo agriculturæ Authore, à quo petitur anni ubertas (H). De hoc etiam liber Carminum agit, uti & ibidem agit de quinque aliis viris, qui olim promovendæ agrorum fertilitati operam navarunt; quique, dum tutelariis terrarum Spiritibus fiebat Ceremonia cy, eos concomitabantur; id est, concomitanter fiebat etiam eis aliqua Ceremonia (I). Sed hæc Ceremonia vel fiebat tantum pro gratiarum acti-

U

one

one; uti in eodem libro Carminum dicitur cæli Dominus, ſeu *Xam Ti* juſſiſſe Principem *Heu cie* colendorum agrorum artem tradere Poſteris; & huic Principi *Heu cie* debere populi acceptum referre, quod haberent, unde vivant (L): vel pro interceſſione apud *Xam Ti*; uti poſſet intelligi, dum dicitur Princeps *Xin num*, ſeu ſpiritalis Agricola rogari frugum ubertatem. Vel fortè dubitari poſſet, utrum Sinæ per illum ſpiritualem Agricola, de quo hic, intelligerent aut intelligant priſcum Imperatorem Sinenſem, dictum *Xin num*; an potiùs cæli Dominum, primum Agriculturæ Authorem? quia liber *Ta mim boei tien* tom. 92. dum præſcribit Ceremoniam *cy* faciendam antiquo Agriculturæ Auctori, Sinicè *Sien num*, jubet eam fieri in terræ aggere, uti nempe ſolet fieri Spiritibus cæli; & jubet, ut ſericum volumen quod præſentatur, ſit cærulei coloris, ejuſdem nempe coloris cum ſericis voluminibus, quæ pro Cæli litamine præſcribuntur. Dein in odâ, dum præſentatur iſtud ſericum volumen, dicitur: cæli Dominus, (id eſt, *Xam Ti*) exiit in actum à ſymbolo *Chin* ſeu motus, & Cælum rei agrariæ proſperitatem protulit, ſeu inchoavit. Sed quidquid per hoc intelligatur, parum refert; quia ſaltem nec in hoc, nec in aliis omnibus ſupradictis locis agitur de Parentali Ceremonia *cy*, in qua aut deſuncti Parentes, aut Confucius aliquid rogetur. Et de hac eſt tantum quæſtio.

Textus Librorum.

- A. 1. Lib. Rit. tom. 5. Cap. 10. *Li ki* ſic: Ceremonia *cy*, inquit vir ſapiens, caret poſtulatione & precibus. Dein Interpres *Chin hao*: Ceremonia *cy* habet ſuos ordinarios & ſtatos Ritum; non fit ad rogandam particularem aliquam felicitatem ſeu bonum. Quod ergo præſcribit Liber Rituum Imperii *Chew* hiſ verbis: *Primus Praefectus Cho præſiſſet præcationum ſpeciebus; ſecundus Praefectus Cho teneat formulas ad præcandam felicitatem ac proſperitatem*; hoc utrumque intelligitur, dum cauſa particularis ſubeſt; nec iſtud in ordinariis ac communibus Ceremoniæ *cy* legibus comprehenditur.
- B. 2. Lib. Rit. tom. 3. Cap. 6. *Tue lim* ſic: Hoc ſecundo Veris menſe in Ceremonia *cy* non adhibetur pecus. Non adhibetur pecus, inquit

inquit Interpres *Chin bao* ; quia nempe est parva Ceremonia cy, quæ sit ad aliquid rogandum.

C. 3. Vide hic suprà num. 1. litterâ A.

D. 4. Lib. Rit. tom. 3. Cap. 6. *Tue lim* sic : Hoc primo Veris mense, prima die dicta *Sim*, Imperator rogat cæli Dominum pro frugibus.

E. 5. Lib. Rit. Imperii *Chen* tom. 3. *Chun quon* artic. *ta cho* sic : Primarius Præfæctus *Cho* præsit sex verborum formulis ad serviendum cæli ac terræ Spiritibus, vel Spiritui, (Sinæ enim carent numeri pluralis & singularis notâ distinctivâ) rogando felicitatem ac prosperitatem, postulandoque assiduam vitæ rectitudinem. Dein Interpres *Chin gin sie* ; Ista vox *Cho*, id est Præfæctus, qui præest verborum formulis. Verborum formulæ, quibus fit denuntiatio Spiritibus, vocantur *Cho*. Cæli auxilium vocatur felicitas ; & id quod producit felicitas, vocatur prosperitas.

E. 6. Lib. Rit. Imperii *Chen* tom. 3. *Chun quon* art. *Siao cho* sic : Secundarius Præfæctus *Cho* præsit parvis Ceremoniis cy, & vocabulis formularum, quæ adhibendæ sunt ad vicinam felicitatem, & maiorum expulsionem rogandam ante rei eventum, ad gratias agendas post rei adventum, ad rogandam felicitatem & prosperitatem.

F. 7. Liber Rit. tom. 5. Cap. 11. *Kiao te sem* sic : Ceremonia cy, alia ad faciendam precationem, alia ad gratias agendas, alia ad expellenda mala. Dein Interpres *Chin bao* sic : explicando Ceremoniæ cy Ritus hoc diffusiori modo, dantur insuper istæ tres species ; uti id, quod dicitur in libro Rituum Imperii *Chen* : Deprecari felicitatem ac prosperitatem ; postulare assiduam vitæ rectitudinem, rogare anni fertilitatem à primo agriculturæ Authore ; uti & quod dicit liber Carminum : Vere & Æstate facere deprecationem pro frugibus. Hæc & similia sunt ad faciendam precationem.

Nota : Citatus ab hoc Interprete Sinico liber Rituum Imperii *Chen* & liber Carminum, sunt loca quæ hic cito num. 5. 6. 9. 10. 11.

G. 8. Vide hic suprà num. 5. litterâ E.

H. 9. Lib. Rit. Imperii *Chen* tom. 3. *Chun quon* art. *To cham* sic : In quolibet Regno rogetur primus agriculturæ Author anni ubertatem. Tum Interpres *Chin gin sie* : Primus agriculturæ Author est *Xin num*, seu spiritualis Agricola,

156 Tract. II. De Ceremoniis Sinarum erga Defunctos.

- I. 10. Lib. Carm. tom. *Siao ya*, odâ *fu tien* : tunc, inquit noster Princeps, istam mundam orizam, & unicolorem agnum offeram quintuplicis terræ Spiritibus vel Spiritui, & quinque Præfectorum quatuor terræ plagarum Spiritibus. Copiosa enim illa agrorum messis, est agricolarum faustitas. Postea cum lyris, cltharis & tympanis excipiam primum agriculturæ Authorem ad rogandam dulcem pluviam. Ad hunc locum compendiosa Interpretum compilatio sic : Dum fiebat Ceremonia *cy* terræ Spiritibus vel Spiritui, prisci homines magnis meritis eximii, illi adungebantur; & simul fiebat eis Ceremonia. Sic, quia Principis *Kum kum* filius dictus *Ken lum*, pro officio habuit agris præsidere; idè dum fiebat Ceremonia *cy* terræ Spiritui, illi adungebatur, istique *Ken lum* etiam fiebat Ceremonia. Dum fiebat Ceremonia *cy* quatuor plagarum terræ Spiritibus, Præfectus *Ken nam* erat in Oriente, (nempe lignea ejus Tabella, vel aliud signum in parte orientali positum); *Cbo yum* in Austro, *Jo xeu* in Occidente; *Huen mim* in Septentrione. Juxta capitulum *Kroli* libri Rituum, unicuique illorum solebat fieri Ceremonia *cy* in singulis quatuor anni tempestatibus. Hic tota messe collecta in Autumno, illis (nempe quinque) generaliter simul fiebat Ceremonia *cy*; idè quatuor terræ plagæ simul nominantur. Quintuplex autem terra, id est terra vel montibus, vel rivis, vel collibus, vel scabrosis altitudinibus, vel humidis declivitatibus scatens; unde hic facere Ceremoniam *cy* terræ Spiritibus, est eam facere harum quinque rerum Spiritibus; non magnæ terræ Spiritui, seu *Hew tu*. Primus agriculturæ Author, inquit Interpres *Chin*, est is, qui primus cœpit docere agriculturam, in initio dictus primus Sator, postea spiritualis Agricola, Sinicè *Xin num*; diversum quidem nomen, sed una & eadem res.
- I. 11. Lib. Carm. tom. *Que sum*, Cap. *Pin sum*, odâ *Cie yue* sic : quarta mensis die, manè Princeps præsentabat agnum, & quamdam porrorum speciem, Sinice *Kien*. Præsentabat agnum, inquit compendiosa Interp. compilatio, & legumina *Kien*; quia nempe faciebat Ceremoniam *cy* Spiritui frigoris; id est, Præfecto *Huen mim*. Id intellige, ut suprâ.
- L. 12. Lib. Carm. tom. *Cheu tsun* odâ *Su nen* sic: Certè vasta Principis

cipis *Hen cie* virtus potest Cælo æquiparari. Quod enim omnes illi nostri populi habeant quo alantur, illi acceptum referre debent. Cæli Dominus iussit illum nobis frumenti & hordei sementem transnittere, ut sic omnes ali possemus. Tum compendiosa Interp. compilatio sic: Cùm ergo adeò valla ejus virtus fuerit; dum Cælo litatur, nisi simul ei etiam fiat respectivè Ceremonia cy, qui sanè possint debitæ illi grates persolvere? dum dicitur Cælo æquiparari, non intelligitur, quòd illa sit æquè magna, ac Cælum; sed quia antequam existisset Princeps *Hen cie*, omnes agri erant inculti ac steriles. Postquam verò ille exurrexit, tunc perspecta rectè vivendi disciplina cœpit florere, ita ut videatur Cælum quasi non potuisse non sibi habere Principem *Hen cie*; illoque habito, tunc contentum fuisse; idèò dicitur potuisse illi æquiparari.

Paragraphus II.

De antiqua Parentali Ceremonia cy.

Dico 1. antiqua Parentalis Ceremonia cy nullas ex se continebat preces. Sequitur ex prima præcedentis paragraphi assertione; & probatur ex ipso libro Rituum, qui dicit: Filius dum facit Ceremoniam cy Parentibus Defunctis, non quærit *propter quid*; id est, non quærit aut petit bona (A). Patet etiam ex dictis, & rursus ex dicendis patebit, ubi nulla postulatio, nullæ preces inveniuntur.

Dico 2. In Parentali antiqua Ceremonia cy, liber Rituum tam pro privatis, quàm pro publicis Imperii necessitatibus nullas preces peragendas præscribit. Probatur, quia id in nullo loco asseritur, uti ex objectionum solutione patebit; imò è contrario dicitur filius obsequiosus in faciendi Parentali Ceremonia cy nihil quærere; nullam quærendi alicujus Boni mentem habere; uti jam diximus. Ergo &c. sed videamus objectiones, quæ contra hanc assertionem possunt fieri.

Objicies 1. Liber Rituum tom. 3. Cap. 6. *Iue lim* præscribit, u. Imperator ultimo Veris mense, quasdam flavas vestes præseis Imperato-

U;

ribus

ribus (putà, iis, qui olim plantarum virtutes, & bombycum opera ad hominum vestium & victum aptandi artem invenerunt; uti *Xin num*, *Hoam Ti*, &c.) præsentet. Et ibi Interpres *Chin haa* addit: Ad rogandum pro felici bombycum successu (B).

Idem liber in eodem Cap. præscribit, ut Imperator jubeat omnes suæ Imperialis ditionis Præfectos, præteritis Regulis, Principibus ac Magistratibus defunctis, qui olim de populo bene meriti sunt, facere suspiriosam Ceremoniam, Sinice *Tu*, ad rogandum pro frugum maturitate (C). Ergo in antiqua Parentali Ceremonia *cy* preces præscribuntur.

Resp. 1. ibi non agi de Parentali Parentum Ceremonia *cy*; illi enim, de quibus ibi agitur; non erant Parentes.

Resp. 2. ista debere intelligi non de petitione, sed de gratiarum actione, sic: Quando litabatur cæli Domino ad eum rogandum pro frugum maturitate & bonis terræ (D), fiebat etiam istis Defunctis Ceremonia *Tu* vel *Cy* ad grates pro antiquis suis meritis persolvendas; id quod videtur indicare ibidem Liber Rituum: immediate enim ante illam suspiriosam Ceremoniam *Tu*, de qua in objectione, sic dicit: in magna suspiriosa Ceremonia *Tu*, quæ fit cæli Domino Sinice *Xam Ti*, florens ac plena Musica adhibenda est (E). Nisi quis forsan velit illos antiquissimos Heroas habitos à Sinis ut sanctos, & rogatos, ut intercessores apud *Xam Ti* seu cæli Dominum agerent, juxta id, quod dixi suprà cap. 3. quæst. 2. §. 1. Sed hoc nil facit ad communes Parentum defunctorum Ceremonias *cy*, pro quibus nullibi præscriptas preces reperire est.

Objectiones 2. in eodem Cap. *Tue lim* libri Rituum, dicitur Imperator præsidere captandis piscibus *Quei*, ad eos præsentandos Parentibus defunctis in Parentali eorum aula; tunc enim pro frumenti maturitate orat (F).

Item ibidem Imperator jubet ab omnibus aliquid conferri ad faciendam Ceremoniam *cy* supremo cæli Domino *Xam Ti*, ceterisque Spiritibus, ac Majoribus defunctis, ad roganda pro populis bona (G). Ubi vides, ad roganda pro populis bona, Majores defunctos cum supremo cæli Domino, & aliis Spiritibus etiam poni. Ergo præscribuntur preces pro Parentum defunctorum Ceremoniis *cy*.

Resp.

Resp. Neg. consequentiam. Ista enim de præmonitione, non de oratione ad Parentes facienda intelligi debent, sic: Dum Imperator volebat facere Ceremoniam cy cæli Domino ad eum rogandum sive pro frumenti maturitate, sive pro alia re, prius adibat Parentalem Majorum defunctorum aulam, eisque Ceremoniam cy faciebat ad suam eis voluntatem declarandam, & quasi facultatem ab iis petendam perinde ac dum vivebant; nihil ausus ex suo proprio arbitrio agere. Et id videtur clarè dici in libro *Ven hien tum kao* sic: Reges Regni *La* quotiescumque debebant litare *Xam Ti* seu cæli Domino, prius faciebant hujus rei denuntiationem suæ Familix Conditori *Hensie* in Parentali aula *Puon kum*, ut iussu ejus capefferent (H). Unde præmonitio, non oratio ad Parentes, ut vides, fiebat. Et adhuc clariùs id habetur in libro *Ta mim hui tien* his verbis: Nepos obsequiosus Imperator N. cum nunc exeat pernoctaturus in suburbio ad reverenter servandum magnæ gratiarum actionis Ritum (nempe litando cæli Domino in suburbano aggere); ideò reverenter accedit ante omnium Majorum suorum, excellentium Imperatorum defunctorum seu Spirituum Tabellas, ut prius omni cum reverentia eis faciat denuntiationem (I). Vel etiam ista & similia intelligi possunt de præmonitione, quam Imperatores fortè faciebant vel Familix Conditori, vel alicui ex antiquioribus suis *Avis*, dum volebant ligneam ejus Tabellam concomitanter apponere cum Tabella *Xam Ti* in suburbano Cæli limine, uti habetur in eodem libro sic: Obsequiosus filius Imperator N. audeo palam dicere augusto Avo defuncto, cognomento *pia*, perfectò Imperatori, quòd primo mensis die N. venerabundè similitatus supremo cæli Domino, & magno terræ Spiritui in magnarum Ceremoniarum cy aula. Reverenter te rogo, auguste Ave, ut Spiritum concomiteris, (nempe in convivali Ceremonia); hoc, quæso, scias; reverenter præmonco (K). Id est, alloquitur ligneam Tabellam.

Deinde animadvertet istud capitulum *Tue lim* ab ipsis Sinicis Interpretibus non magni fieri, & judicari valde refarcitum ac permixtum (L).

Objicies 3. Lib. Rit. tom. 8. Cap. 23. *Cyfa* præscribit pro Imperatorum *Avis* in octavo gradu generationis, dum illis sit Ceremonia cy, erigendum esse terræ aggerem; & in nono gradu effodiendam scrobem, nec illis facien-

faciendam esse Cereemoniam *cy*, nisi alicujus precationis occasione (M). ergo preces præscribuntur, &c.

Resp. 1. ut suprà id intelligendum de prævia parentum denuntiatione, antequam oraretur *Xam Ti*, non de oratione ad illos fundenda.

Resp. 2. ibidem dici ab Interprete *Chin hao*, quòd præteriti Doctores numquam meminerint istius aggeris, & scrobis (N); adeoque id videtur esse quid fabulosum. Idem Interpres alibi dicit non esse adhibendam valde magnam fidem iis, quæ præscribuntur in isto capite *cy fa* (O).

Objicies 4. Lib. Rit. Imperii *Chen*, ut dictum est in præcedenti §. num. 5. litterâ E, assignat duos Præfectos, ut prælint verborum formulis ad rogandam felicitatem ac bona. Ergo &c.

Resp. ut ibidem dixi, non agi ibi de Parentalibus Parentum Cereemoniis, sed de Cereemoniis *cy*, quæ sunt cæli ac terræ Spiritibus &c.

Deinde iste liber, juxta ipsosmet Sinas, multa habet exotica, & classicis Libris dissona, ita ut nunc proscriptus sit è numero sex librorum classicorum.

Objicies 5. In libro *Xu kim*, seu Annalium Imperialium referitur Princeps *Chen kum*, cum graviter ægrotaret ejus frater natus major *Vu vam* Imperator, rogasse suum Patrem *Ven vam*, suum Avum *Uam ki*, suum Proavum *Tay nam* defunctos, ut pro recuperanda fratris valetudine apud Cælum intercederent; imò offerendo se ipsum pro illo ad mortem (P). Ergo rogantur defuncti Parentes.

Resp. nullam ibi fieri mentionem de Parentali Cereemonia *cy*, sed tantum dicitur Princeps *Chen kum* crexisse tres aggeres ad repræsentandos defunctos Patrem, Avum, & Proavum; atque ipse in opposito apgere consuetam honoris tesseram in manu tenens, illos precatoriâ verborum formulâ admonuisse de intercedendo apud Cælum pro fratris salute (Q). Hoc autem factum particulare non indicat fuisse præscriptas preces pro communibus defunctorum Parentum Cereemoniis *cy*; imò quasi indicat contrarium, cum ipse Princeps *Chen kum* noluerit ire in Parentalem Majorum domum, in qua solent fieri illæ Cereemoniæ *cy*, uti ibidem dicitur. Jam verò sic illos oravit, quia

fortè

fortè eos, ut Sanctos, habebat, & ob suam sapientiam ac virtutem apud cæli Dominum posse intercedere arbitrabatur. Illos in vita fuisse sapientiâ & virtute inelytos refert liber immutabilis Medii, & liber Carminum (R). Imò hic dicit illos tres in Cælo existere (S).

Objicies 6. In publicis calamitatibus, isti antiqui Sinæ non tantùm ad cæli Dominum, sed etiam ad Parentes & alios Defunctos confugiebant; uti in libro Carminum, postquam conquesti sunt se à cæli Domino non sublevari, conqueruntur etiam de suis Majoribus, & de priscis Sapientibus defunctis, quòd se non adjuvent, sequè tantis malis opprimi patiantur (T); & in libro Annalium Imperialium, Imperator *Puon kem* minatur suos Proceres ac populum, si suo jussui non obsecuti fuerint, à Parentibus & Majoribus defunctis puniendos (V). Ergo &c.

Respondeo 1. rursus ut suprà, non ibi agi de communibus defunctorum Parentum Ceremoniis cy. Quamvis enim liber dicat à loco suburbano, ubi litatur cæli Domino, iri ad Parentalem Principis *Heu cie* domum; non tamen dicit fusas fuisse preces Principi *Heu cie*; contrà, dicit cæli Dominum posse istas ærumnas tollere, sed Principem *Heu cie*, licèt vellet, non posse (X). Si hic autem non poterat, multò minùs alios Defunctos posse judicabant; adeoque posset dici itum dumtaxat fuisse in Parentalem Principis *Heu cie* domum, ut fieret ei solita denuntiatio; vel ut peteretur facultas rursus litandi cæli Domino, ut suprà; maximè cùm Interpres explicans hæc verba: *Nullus est Spiritus qui non colatur*, ea applicet tantùm cæli Domino, aliisque cæli ac terræ Spiritibus, non autem defunctis Parentibus, nec Principi *Heu cie* (Z). Sic Imperator peracto Cæli litamine, rursus adit Parentalem Majorum aulam, ut id denuntiet (W). Deinde si tunc fortè in ista occasione rogârint Principem *Heu cie* & alios Defunctos, idem dic ac suprà, de tribus Principis *Chen kum* Majoribus.

Resp. 2. ista libri Carminum verba esse tantùm poëticas hominum afflictorum, gementiùmque figuratas locutiones, quibus alloquuntur Defunctos, non secus ac si adhuc in vita superstites essent.

Simili modo intelligenda sunt verba Imperatoris *Puon kem*; id est, de solis minis, quibus suos proceres ac populum terrebat, dicendo ipsorum Parentes, ac Majores defunctos iis succensere, non secus nempe ac si illi adhuc in vita fuissent. Olim enim, inquit In-

terpres, semper mos fuit servire Mortuis sicut Vivis, & non subsistentibus, sicut subsistentibus; & quia tunc sub Imperio Familiae *Xam*, magis quam prioribus temporibus, Defunctorum cultui dediti erant; ideo Imperator *Puon kem* dicit se vehementer à præteritis Imperatoribus, & à populi procerumque Parentibus, ac Majoribus defunctis argui peccati, minasque intentari, ut sic eos in suam voluntatem attraheret (Y). Et quamvis dicat se illis Defunctis fecisse Ceremoniam *cy*, non tamen dicit se illis preces fudisse. Idem fortè dici posset de Principe *Chen kum*, quod orasset tantum illos suos Majores Defunctos, tamquam si vivos allocutus fuisset; monens eos debere intercedere apud Cælum pro recuperanda fratris sanitate; quia scilicet, more loquendi Sinico, Imperatores Sinici censentur filii Cæli; & horum est tantum solemni Ritu venerari & orare Cælum. Sed de his satis.

Nullas itaque in istis libris classicis reperire est præscriptas preces pro communibus Defunctorum parentum Ceremoniis *cy*.

Quod attinet ad priscorum Magistrorum & Confucii Ceremonias *cy*; multò minùs, ullas in iis præscriptas preces invenias; numquam enim isti libri classici vel minimum verbum de precatìone loquuntur, quando præscribunt Ceremoniam *cy*, priscis Magistris ac priscis Sapientibus faciendam. Sed veniamus ad modernas Parentum ac Benefactorum defunctorum Ceremonias *cy*; de quibus est tantum quæstio ac difficultas, non de antiquis. Licet enim reperirentur casus particulares, in quibus antiqui aliqui rogassent Parentes defunctos; id tamen non facit legem pro modernis Ceremoniis *cy*, ac pro praxi præsentì, de qua esto sequens Paragraphus.

Textus Librorum.

- A. 1. Lib. Rit. tom. 8. Cap. 25. *Cy sum* sic: Quod in facienda Ceremonia *cy* filii obsequiosi animus spectat, est non quærere *propter quid*. Tum Interpret *Chin hao*: non quærere propter quid, inquit Doctor *Ym*, id est, non habere intentionem quærendi felicitatem, seu aliquod bonum; atque hoc est, quod alibi idem liber Rituum dicit: Ceremonia *cy* caret postulatione & precibus.
- B. 2. Lib. Rit. tom. 3. Cap. 6 *Tue lim* sic: Hoc mense Imperator præsentat flavas velles priscis Imperatoribus. Prisci Imperatores, inquit Interpret *Chin hao*, sunt præteritorum sæculorum Imperato-

peratores, qui virtute clari, plantarum & arborum usum promoverunt; præsentat autem istas vestes ad Spiritum seu Defunctorum thronum, ut roget pro bombycum operibus.

Nota: *Thronus*, id est loculamentum, in quo erant Imperatorum Tabellæ.

- C. 3. Lib. Rit. tom. 3. Cap. 6. *Tue lim* sic: In magna suspiriosa Ceremonia, Sinice *Tu*, (ista vox *Tu* significat suspirium) quæ sit cæli Domino, florens ac plena musica adhibenda est. Tunc Imperator jubet omnes suæ Imperialis ditionis Præfectos præteritis Principibus ac Magistratibus defunctis, qui olim de populo bene meriti fuerunt, facere suspiriosam Ceremoniam *Tu*, ad rogandum pro frugum maturitate.
- D. 4. Lib. Rit. tom. 3. Cap. 6. *Tue lim* sic: Tunc Imperator, primo die occurrente dicto *Sin*, orat *Xam Ti*, seu supremum cæli Dominum, pro frugibus terræ.
- E. 5. Vide hic supra num. 3. litterâ C.
- F. 6. 6. Lib. Rit. tom. 3. Cap. 6. *Tue lim* sic: Tunc Imperator ascendens navim prælidet captandis piscibus *Guei*, ad eos præsentandos Parentibus defunctis in Parentali eorum domo, tunc enim pro frumenti maturitate orat.
- G. 7. Lib. Rit. tom. 3. Cap. 6. *Tue lim* sic: Hoc mense Imperator præcipit, ut Præfecti montium, lacuum, sylvarum, & fluminum unâ cum aliis omnibus suæ Imperialis ditionis Præfectis, præscriptum curent pabulum ad alendas pro Ceremoniis pecudes; utque omnes populi, pro suis quisque viribus, aliquid conferant ad colendum supremum vastissimi cæli Dominum ac Rectorem, celebriumque montium, magnorum fluminum, & quatuor orbis partium Spiritus, ad faciendam Ceremoniam *cy* Majoribus suis defunctis in Parentali ipsorum palatio, agrorumque ac frugum Spiritibus, ad rogandam pro populis felicitatem ac bona.
- H. 8. Lib. *Ven hien tum kao* tom. 71. Doctor *Tam* sic: Quod attinet ad hunc textum: *Dies luandæ Calo, sorte eligitur; in Parentali Avi aula jussu capeffitur, seu licentia accipitur; in Parentali Patris aula testudo inspicitur*, Doctor *Kia* citans istum libri Rit. Cap. *Li ki* locum: ad eum probandum sic ait: Reges Regni *Lu* quando debebant cultum præstare cæli Domino, prius præstabant suum cultum in Parentali

¶ 64 Traſſ. II. De Ceremoniis Sinarum erga Defunctos.

tali aula *Poon kum*. Quem locum ulteriùs explicans Doct̃or *Ghim* ſic: Cùm Reges, inquit, Regni *Lu* propter Principem *Chen kum* ſuum fundatorem, habuiſſent licentiam litandi cœli Domino; ideir- cò priùs præſtabant ſuum cultum in Parentali aula *Poon kum*; id eſt, faciebant denuntiationem Principi *Heu cie*, ſeu mentem ſuam ei de- clarabant. *Suum cultum præſtabant*; id eſt, mentem ſuam decla- rando, faciebant ei Ceremoniam *cy*. Cœli litamen erat quid honora- biliſſimum; & ideò ad honorandum ſuum Avum, dum Cœlo lita- bant, etiam ei Ceremoniam *cy* faciebant; ideòque priùs ei ſuam mentem declarabant, & ejus juſſum capeſcebant. Poſtea forte eli- gebant diem in Parentali Patris aula. Idem vide tom. 69. ejuſdem libri.

I. 9. Lib. *Ta mim boei tien* tom. 82. ſic: Imperator optimo habitu indutus facit præmonitionem in Parentali Majorum aula, eo modo, quo dum inſpicit litaminis Pecudes. præmonitionis verba, ſunt hæc: Nepos obſequioſus &c. ut ſuprà in contextu.

K. 10. Lib. *Ta mim boei tien* tom. 81. ſic: *Præmonitio in Majorum Pa- rentali aula*: Duobus diebus ante ipſam Ceremoniam *cy*, accipi- untur vinum & fructus cum verborum formula, ad ea deferenda in priſcòrum Imperatorũ aulam, ut præmoneatur Avus cognomento pius, in ſuburbano litamine comitaturus ſupremum cœli Dominum & ma- gnum terræ Spiritum. Verborum formula eſt hæc; Anno N. menſe N. die N. obſequioſus filius, Imperator N. &c. ut ſuprà in contextu.

L. 11. Lib. Rit. tom. 3. Cap. 6. *Yue lim*, ſic Interpres *Chin hao*: In hoc capitulo (ſcilicet *Yue lim*) etiam multa ſunt, quæ non vi- dentur Ritibus, & clafficis Sapientum libris ſatis cohærere, &c.

M. 12. Lib. Rit. tom. 8. Cap. 23. *Cy fa*, ſic: Pro Imperatoribus defunctis in oſtavo conſanguinitatis gradu ad faciendam iis Cere- moniam *cy*, erigitur glebæ agger; in nono effoditur ſcrobis. In hoc aggere & ſcrobe, dum occurrit aliqua deprecatio, fit iis Cere- monia *cy*; dum non occurrit, non fit. Deinde Interpres *Chin hao* hoc reſellens, ſic: Præteritorum Doct̃orum, qui Parentalis ædificii leges ac Ritus accuratè ſingillatimque explicuerunt, ne- mo umquam de iſto aggere ac ſcrobe locutus eſt; illi enim tres ag- geres, ac ſcrobis, quam princeps *Chen kum* ſuis Majoribus Defun-

ctis

Etis erexit (Lib. Annal. Imperial, Cap. *Kin tem*), non habent hunc sensum, &c.

N. 13. Vide hic suprà præcedentem numerum 12. litterâ M.

O. 14. Lib. Rit. tom. 3. Cap. 5. *Uam chi*, Interpres *Chin hao* agens de septem Ceremoniæ cy speciebus, quæ præscribuntur in Cap. *Cy fa* sic: Quæ dicuntur in isto Cap. *Cy fa*, non est iis adhibenda valde magna fides.

O. 15. Lib. Rit. tom. 8. Cap. 23. *Cy fa*, in quo præscribuntur septem species Ceremoniæ cy pro Imperatore; quinque pro Regulo; tres pro primario Præfecto; duæ pro viro litterato; una pro plebeio; (in his speciebus una est pro Defunctis, qui Posteris carent); sic de hoc agens Interpres *Chin hao*: Ista expositio septem, quinque, trium, duorum, & unius Ceremoniæ cy, omninò in dubium revocanda est.

P. 16. Lib. Annal. Imperial. tom. 4. Cap. *Kin tem* sic: tunc Princeps *Chou kum* ratus se ex officio teneri, erexit tres terræ aggeres cum una scrobe ad insignenda repræsentativa defunctorum Parentum signa; & ex opposita australi parte alium terræ aggerem pro se erexit, in quo ipse itans facie ad Boream versâ, & depositâ humi Principum onychinâ tesserâ, aliam manu tenens, Proavo suo *Tay uam*; Avo *Uam ki*, Patri *Ven uam* suum animum declaravit hac verborum formulâ, quam in Annales referre historiographum iussit: Cùm nunc vester nepos Imperii successor N. (scilicet Princeps *Vu uam*) vehementi morbo laboret; vos tres Principes prædecessores (*Tay uam*, *Vam ki*, *Ven uam*), debetis apud Cælum intercedere, ut suo filio, id est, Imperatori, adsit; ego autem *Tan* (est nomen Principis *Chou kum*) lubens pro illo moriar. Dein ibi Interpres *Chin hao*: Cùm Imperator *Vu uam* sit cæli Filius, id est, Imperatoris dignitatem gerat, tres Prædecessores teneatur pro ejus protectione & conservatione, apud Cælum intercedere, ut non jubeat illum mori; si autem velit illum mori, rogent, ut ego *Tan* pro isto fratre meo *Vu uam* moriar. Postea ideam Interpres, sic addit: Infra hæc verba: *suo filio* seu Imperatori *adsit*, ego opinor aliquid in textu deesse.

Q. 17. Vide hic præcedentem numerum 16. litterâ P.

R. 18. Lib. Immutab. Medii, art. 18. sic quotidiana quatuor libro-

X;

rum

rum explicatio, tom. 2.: Princeps *Vam ki* Pater Principis *Ven vam*, fuit *sapiens*; Princeps *Vu vam* filius Principis *Ven vam* fuit *Xim*, id est, virtute & doctrinâ excellens. Princeps *Vam ki*, upote Pater *sapiens*, prius jecit Monarchiæ Familiæ *Cheu* fundamenta; postea Princeps *Vu vam*, utpote filius *Xim*, hæc subsecutus, universam monarchiam complevit: uterque prius & posterius virtute eximius; idcirco Princeps *Ven vam*, & hinc & inde contentus, non habet quod ipsi doleat.

- R. 19. Lib. Carm. tom. *Ta ya*, odâ *Mien mien* sic: Quamvis Princeps *Tay nam* (Proavus Principis *Vu vam*) non potuerit effugere exterarum gentium vicinarum iram; nihil tamen inde de sua fama amisit. Dein compendiosa Interpretum compilatio sic: In principio hujus odæ, dicitur Princeps *Tay nam*, quamvis non potuerit sibi subdere illas externas gentes, nihil tamen de sua fama amisisse; in ejus autem fine dicuntur istæ externæ gentes se ultrò subdidisse Principi *Ven vam*; quia nempe ejus virtus singulariter effulgebat; atque ita intra principium ac finem ejusdem odæ, Avus *Xim* seu virtute & sapientiâ eximius, & Nepos *Spirituâlis* seu virtute interiori & occultiori singularis, sibi invicem verè correspondent, & se mirificè referunt.
- R. 20. Lib. Carm. tom. *Ta ya*, odâ *Hoam y* sic: Cæli Dominus Principem virtute conspicuum transtulit in istum locum. *Principem virtute conspicuum*, inquit Interpretes *Chu hi*, id est, Principem *Tay nam*. Et ibidem paulò post memoratur etiam sapientia ac virtus Principis *Vam ki*, qui istius Principis *Tay nam* filius fuit.
- S. 21. Lib. Carm. *Ta ya*, odâ *Hia vu* sic: Tres Principes existunt in Cælo. *Tres Principes*, inquit interpretes *Chu hi*, id est, Princeps *Tay nam*, *Vam ki*, *Ven vam*. *Existunt in Cælo*, id est, postquam obierunt, subtilissimus illorum Spiritus ascendens, Cælo se junxit.
- T 22. Lib. Carm. tom. *Ta ya*, odâ *Tun ban*, tempore publicæ calamitatis, sic: A loco suburbano (ubi nempe litatur Cælo) curritur in Parentale Palatium; sive sursum offerendo, sive deorsum defodiendo (nempe rem oblatam), nullus est Spiritus, qui non colatur. Princeps *Hien cie* non potest, (scilicet nobis succurrere). Cæli Dominus non advenit, seu non nos excipit. Et paulò post: Non est quò oculos, & vota vertamus. Turba illa priscorum Principum
ac Præ-

ac Præfectorum, qui olim de populo bene meriti sunt, non nos adjuvat; quin imò Parentes ac Majores nostri quomodo sanè nos ita premi sinunt? Dein ibi compendiosa Interp. Compilatio sic: In Parentali palatio nullus est venerabilior Spiritus seu Defunctus Principe *Heu cie*; hic quidem nos excipit ac cogitat, sed vires illi non suppetunt ad expellendas calamitates. In suburbano terræ aggere nullus est venerabilior Spiritus cæli Domino; huic vires ad expellendas calamitates suppetunt, sed non vult nos excipere & cogitare. Paulò pòst: Nostri autem Parentes ac Majores sunt adhuc nobis magis conjuncti, & in nos affecti, utpote unum corpus & una vitalis aura; quomodo ergo patiuntur nos istis malis premi, nec nobis opitulantur?

Ibidem paulò pòst sic: In libro Rituum Imperii *Chen* habetur Præfectus *Ta tsun pe* ad litandum cæli Domino in magnis necessitatibus; Præfectus *Siao tsun pe*, qui in magnis calamitatibus curat, ut cæli ac terræ inferioribus Spiritibus fiat Ceremonia cy; Præfectus *Ta cho*, qui magnis calamitatibus & in immissis cælitus malis, pro horum expulsione facit Ceremoniam cy regionis ac frugum Spiritui; Præfectus *Siao cho*, qui præest verborum formulis, quibus utendum est in precatoriis Ceremoniis cy vel imminente felicitate, vel premente calamitate, ad excipiendam pluviam congruam, aut aëris siccitatem sistendam. Deinde Interpres *Tso chuen*: Tempore, inquit, nimiae aut pluviae, aut siccitatis, aut morborum contagiosorum, colendi sunt Spiritus montium aut fluminum; tempore nivis, pruinae, tempestatis, pluviae incongruae, colendi Spiritus solis, lunæ, stellarum. Hæc autem omnia explicant quid sit: *Nullus est Spiritus, qui non colatur.*

- V. 23. Lib. Annal. Imperial. tom. 3. Cap. *Pnon kem* sic: Imperator *Pnon kem* in oratione, in qua exhortatur suos, ut secum aliò transmigrent, sic: Jam verò ego meis prædecessoribus Imperatoribus magnum præsentandi Ritum peregi, simul & vestris Majoribus. Sive ergo attulero bona, sive mala; nullam certè vobis injustitiam inferre ausim. Dein in sequenti articulo idem sic: Jam pridem hic bonum regimen periiit. Abavus meus *Tam* vehementer me peccati arguit. Quare, inquit, in meos populos sævis? vos autem omnes vix vivere potestis; idem ergo mecum sentite. Alii mei prædeces-

decessores Imperatores etiam vos vehementer peccati arguunt. Quare, inquit, unanimes parvulum meum nepotem non sequimini, & idem cum illo non sentitis? Idcirco vos inique agitis. Si ex alto illi vos puniant, vos non potestis pœnam effugere. Quia olim mei Prædecessores Imperatores fatigârunt vestros Avos & Parentes; idè vos omnes simul effecti estis populi, quos alo; si quod malum in corde versatis, mei Prædecessores Imperatores in mentem revocant vestros Avos & Parentes; hi certè vos abicient, nec vos à morte servabunt. Jam verò si ii, qui mecum gubernant, vestras opes corradant; vestri Avi ac Parentes acriter meum Abavum admonebunt, ut me suum nepotem graviter castiget; atque ita inducent meum Abavum ad immitendas maximas adversitates, seu pœnas.:

Deinde ad hunc locum Interpret *Tsay xin* sic: Ab Imperio *Cben*, & antè, semper servitum est mortuis sicut vivis, & non subsistentibus sicut subsistentibus; hinc solebant homines magnam diligentiam in colendis Spiritibus, seu Defunctis adhibere. Sub Imperio autem *Xam*, ut ex libris classicis cognosci potest, majorem adhuc, quàm aliis sæculis, adhibebant diligentiam. Idcirco Imperator *Pnon kem* ad suos admonendos proceres ac populum, consultò dicit vehementer peccati argui à Prædecessoribus Imperatoribus, & à populi & procerum Avis ac Parentibus, ut sic eos juxta bonum morem dirigeret, & in suam voluntatem pertraheret.

X. 24. Vide hic suprà num. 22. litterà T.

Z. 25. Vide hic suprà num. 22. litterà T. sub finem.

W. 26. *Ta mim buci tien* tom. 82. de Cæli sacrificio in aggere, Sinicè *Hoam kieu*; quo peracto, hoc præscribit: Imperator ad Parentalem Majorum aulam, ut universalem reverentiam quater exhibeat, vadit eodem modo, quo priùs pro inspiciendis litaminis animalibus iteratò ivit. Deinde sic verborum formulam præscribit: Obsequiosus Abnepos, Imperator N. peracto magnæ gratiarum actionis erga Cælum Ritu, omni cum veneratione accedo ante omnium Majorum defunctorum sapientium Imperatorum Tabellas, universalem seu communem quater submisisse exhibiturus reverentiam.

Y. Vide hic suprà num. 23. litterà V. sub finem.

Para-

Paragraphus III.

De moderna Parentali Ceremonia cy.

DE hac tantum moderna Parentali Ceremonia cy, & quæ nunc in usu est, propriè controversia movetur. Quidquid enim olim, aliisve temporibus actum fuerit, si nunc Sinæ nihil orent Defunctos, & nihil ab eis sperent, omnia ista præterita aut antiqua acta particularia nullam pro praxi præsentis pariunt difficultatem. Quæritur ergo, utrum hisce temporibus Sinæ facientes Ceremoniam cy Parentibus defunctis aut Confucio, aliquid ab iis petant, aut sperent? videamus id primò de Parentibus; postea de Confucio. Itaque

Resp. & Dico 1. Sinæ moderni dum statis anni temporibus Ceremoniam cy faciunt Parentibus defunctis, vel aliis Ceremoniis illos colunt, nihil ab iis petunt, aut sperant.

Probat 1. ex formulis verborum, quibus Sinæ declarant suam mentem seu intentionem, quæ faciunt illis Ceremoniam cy, aliumve cultum exhibent; ex formulis, inquam, libri Rituum domesticorum, Sinicè *Kia li*, qui nunc sat Sinis communis est; ita ut alium ejusdem nominis in pluribus Chinæ provinciis apud bibliopolas invenire non potuerim; non tamen omnes omnino ejus Ritus, utpote nimium diffusos aut exoletos Sinæ sequuntur, & in praxim deducunt; sed sæpius compendio utuntur. Ex hoc igitur libro excerptas præcipuarum Ceremoniarum Parentalium formulas ordine & strictim hic infra appono, in quibus nullum omnino aut postulationis, aut precum, aut spei vestigium apparet. itaque sic se habent istæ verborum formulæ:

Primò, dum quis longè abiturus est, sic: Obsequiosus nepos N. procul in locum N. profecturus, audet (vel audeo) annuntiare (nempe meum discessum). Reversus autem sic: Dic N. ex loco N. reversus audeo me coram sistere (A).

Secundò, accepto Magistratu sic: Cum Imperator singulari beneficio mihi Magistratum N. contulerit, cumque obsequendo pristinis vestris documentis, eam dignitatem velut vestræ reliquæ prosperitatis appendicem consecutus fuerim; incredibili impulsus studio ad pro-

dendam meam reverentiam, hoc vini ac fructuum munere id vobis annuntio (B).

Parent solempniter impositurus filio primum pileum, vel eum in matrimonium collocaturus, quoad ultima verba, eandem penè formulam adhibet. Ibidem.

Tertiò, genito primo filio aut nepote, sic Parent: cùm uxor N. filium N. genuerit, audeo hic coram vobis me sistere. (C).

Quartò, amicus, seu consanguineus veniendo in domum Defuncti, & præsentando munera, sic: Indignus consanguineus N. hoc mundum vinum, & hæc vulgare fercula reverenter appono ad faciendam Ceremoniam, & mei consanguinei sandapilæ, seu cadaveri in sandapila posito. Id penè gratum habebis, Sinicè *Xam hi-am* (D).

Quintò, ipso die sepulturæ peractæ, Parentans domum reversus, coram lignea Defuncti Tabella, sic: Filius orphanus audeat defuncti Patris (vel matris) Spiritui, seu defuncto Patri hæc palam nuntiare: Diebus ac mensibus assidue currentibus, tandem advenit tempus primæ tranquillitatis Ritum peragendi. Manè surgendo, & vespere quiescendo præ tui mœrore ac desiderio quietus esse non potui. Nunc reverenter cum hac munda capra, cum his farinæ atque orizæ ferculis, cum hoc mundo vino, solatii obsequium tibi gemebundus exhibeo. Id penè gratum habebis (E).

Sextò, dum filius Parentans ligneam defuncti Parentis Tabellam ad latus lignæ Avi & Avix Tabellæ apponit, sic: Obsequens pronepos reverenter cum hac ove (vel capra) munda, & cum hoc orizæ, farinæ ac puri vini munere accedens, ad tuum latus, præclare Proave, familiæ domine, (vel Proavia) nepotem defero. Id penè gratum habebis (F).

In anniversario obitus die, penè eadem formula, paucissimis verbis mutatis, adhibetur. Ibidem. Deinde post secundum anniversarium obitus diem, dum mutantur inscriptiones lignearum Tabellarum, auferendo è domo Parentali Tabellam Abavi, ad introducendam Tabellam Patris recens defuncti, (in Parentali enim domo ponuntur tantum lignæ Tabellæ pro quatuor generationibus, scilicet pro Abavo, Proavo, Avo, Patre; atque ita dum infertur nova Patris recens defuncti Tabella, auferitur Tabella Abavi, & mutantur inscriptiones, id est

inscriptio Proavi in Abavum, Avi in Proavum, & Patris in Avum mutatur), sic habet formula: Cùm tempus transferendæ Patris defuncti Tabellæ in Parentalem domum juxta Ritus jam advenerit, Abavique defuncti extra quatuor generationum numerum nunc positi Tabella auferenda sit, & Proavi Spiritus seu defuncti Tabella mutanda in Abavi Tabellam, Avi in Proavi, Patris in Avi; ob has sibi invicem succedentes generationum vicissitudines, incredibili affectus mœrore, cum hoc vino & fructibus ad parefaciendam meam submissionem, vobis reverenter id nuntio. Id penè gratum habebitis (G).

Deinde dum lignea Tabella ablata debet humo infodi, sic: Prisci Imperatores ita Ritus instituerunt, ut solis Parentibus intra quatuor generationes conclusis fieret Ceremonia cy. Quamvis igitur animi affectus sit inexhaustus; leges tamen suos habent limites; ideòque cùm nunc vestra (nempe Abave, & Abavia) Tabella sit è domo Parentali auferenda, incredibili mœrore afficior. Itaque hoc vini, & fructuum munere vos revereor, vobisque valedico. Id penè gratum habebitis (H).

In die, qua funebris vestis deponitur, penè eadem formula habetur (I). Ibidem. Postea Glossator *Tam xin* pro translatione sepulturæ, quam translationem ipsemet fatetur non haberi in libro Riturum domesticorum Doctoris *Chu hi*, sequentes formulas inserit: Pro annuntiando die translationis, sic: Ne fortè inopinato casu commoveatur Spiritus ob incongruam cadaveris Patris N. (vel Matris N.) sepulturam; ideò incredibili affectus mœrore, cùm forte elegerim mensis N. diem N. ad illud transferendum in locum N., audeo nunc id præmonere. Deinde in die translationis sic: Cùm cadaver jam à tot annis in isto loco sepultum non potuerit esse quietum, nunc mutaturus sepulturam, humiliter opto, ut venerandus Spiritus non tremat, nec paveat (K). Iste Glossator vel hic loquitur juxta mentem Sæculariorum, qui putant unam ex tribus animabus residere ad sepulchrum; vel juxta id, quod dicam in Quæstione sequenti.

Septimò, in Ceremonia cy ordinaria, quæ statis quatuor anni temporibus fit, sic: Obsequiosus Abnepos palam audet Majoribus defunctis hæc dicere: Anni ordo suas assidue mutat vices. Nunc verum tempus (vel æstivum, autumnale, &c.) advenit. Dilabentis

ergo anni tempore excitatus ad recordationem, diuturno & vehementi vestrum desiderio teneor. Idcirco omni reverentiâ cum hac munda pecude, ovis, vel capra, vel porco, cum hisce farinæ atque orizæ ceterarumque rerum ferculis, cum hoc puro vino consuetum annui obsequii munus submissè vobis exhibeo, uti & consanguineo N. vel consanguineis N. N. quos vobis mensæ comites adjungo. Id penè gratum habebitis (L).

Oïlavè, in Ceremonia *cy*, quæ priscis ultra quatuor generationes Majoribus aliquando, sed rarò fit, (imò juxta librum *Sin ti ta sien*, nunc non fit, tom. 21.) sub Veris initium, sic: Obsequiosus Nepos palam audet prisco Avo N. & priscæ Avix N. hæc dicere: Cùm nunc Ver, nascentium rerum principium, incipiat, diuturna vestri memoriâ commotus ad grates nostræ origini persolvendas, statos Ritus omittere non ausim. Idèò omni cum reverentia istum mundum poreum, istam limpidam aquam, istud vinum defæcatum, annui obsequii munus, submissè vobis appono. Omnes nostri Majores huc adveniant. Id penè gratum habebitis (M).

Liber *Sin ti ta sien* tom. 21. in quo insertus est iste Doctoris *Chu hi* liber Rituum domesticorum, hujus Ceremoniæ *cy* formulam sic habet: Obsequiosus Nepos N. prisco Avo, & priscæ Avix audet hæc palam dicere: Cùm jam Ver, nascentium rerum principium, incipiat, non ausim statos Ritus ad persolvendas nostræ origini grates oblivisci. Idcirco omni cum reverentia istam mundam pecudem, ovem vel capram, ista farinæ & orizæ fercula, istud defæcatum vinum, annui obsequii munus, submissè vobis appono. Id penè gratum habebitis.

Eandem formulam idem liber ibidem habet pro Ceremonia *cy* dicta *Xi chu*, vel *Tson*, id est, quæ fit in solstitio hiberno primis Familiæ Progenitoribus, vel primis Avibus, quam etiâ dicit nunc non fieri. Sunt enim eadem verba, nisi quòd pro *Verè* dicatur *Solstitium*, & pro *prisco Avo* & *priscæ Avia* dicatur *primus Avus* & *prima Avia*. In ista igitur utraque formula non habentur hæc verba: *Omnes nostri Majores huc adveniant*. Deinde prædictus liber dicit ibi hanc utramque Ceremoniam *sen chu* & *xi chu*, sive *Sien tson* & *Xi tson* nunc non fieri, Sinicè *Kiay pu kan cy*. Et utraque hæc Ceremonia *cy* fuit tantùm novum inventum Doctoris *Chim*, uti ibidem habetur; nec nunc usu receptum.

Nunum.

Nondè, in Ceremonia cy, quæ Patri ac Matri defunctæ fit sub finem Autumni, sic: Nunc Autumni finem, quando omnes res incipiunt esse maturæ ac perfectæ, instare videns, commoveor ad vestri recordationem ac desiderium. Vastissimum Cælum caret limitibus (N); (ita nimirum Parentum beneficia). Reliqua, ut in præcedenti formula.

Decimò, in annuo obitûs die, sic: Anni ordo assiduè suas mutat vices; nunc cum recurat obitûs tui dies, hic me ad diuturnam tui recordationem excitat. Vastissimum Cælum caret limitibus. Omni igitur cum reverentia hanc pecudem, & vinum ad prodendum meum affectum tibi appono. Id penè gratum habebis (O).

Undecimò, in Ceremonia cy, quæ verno tempore fit ad sepulturam, sic: Anni ordo suas assiduè mutat vices. Cùm ros ac pluvia terram irrigârint, idèò visitavi sepulturæ vestræ septum, ut illud purgarem, ac verrerem. Hæc autem sepultura incredibile vestri desiderium in me excitavit. Quare istam mundam pecudem, istud defæctum vinum, annui obsequii munus, vobis submisissè appono vel præsentò. Id penè gratum habebitis (P).

Vides, lector, in omnibus istis Parentalium Ceremoniarum formulis, quæ nunc in usu sunt, nullum omninò orationis, aut postulationis, aut spei vestigium apparere; adeoque nunc Sinæ faciendo Ceremoniam cy Parentibus defunctis, nihil ab eis petunt, aut sperant.

Probatum 2. Ex verborum formulis, quas idem liber Rituum domesticorum affert ad faciendam Ceremoniam cy Spiritui terræ, de quo suprâ. Hæ formulæ elaris & expressis verbis orationem, ac postulationem continent, sic: Tu, Spiritus, hanc sepulturam protege, adjuva, tuere, ita ut illa nullum malum aut damnum incurrat (Q). Deinde rursus sic: Semper autem hanc sepulturam protege, adjuva, tuere, tuo, Spiritus, favori reapse innitor, &c. Pater ergo magna diversitas, quam iste liber ponit inter formulas pro Parentibus defunctis, & pro terræ Spiritui, nimirum in illis nihil, in his aliquid petitur. Et hoc concordat cum eo, quod suprâ. Cap. 2. Quæst. 2. §. 3. num. 13. litterâ M. dixi de Confucio, scilicet quòd fiat Ceremonia cy Confucio ad populi instructionem; cæli autem ac terræ Spiritibus vel spiritui ad populi protectionem.

Nec opponas quòd Doctor *Chu hi*, Author hujus libri Ritu-um domesticorum, in appendice, faciendo denuntiationem Parentibus suis defunctis de abdicando suo Magistratu, dicat: Submissè exopto, ut Avi protegant, adjuvent, respiciant, gaudeant usque & usque sine ullo umquam tædio; hoc ego summopere cupio, atque ardeo (R). Vel enim ibi in sua particulari verborum formula loquitur juxta sensum ac mentem sectariorum Idololatrarum; vel juxta id, quod dicam in Quæstione sequenti; nempe tamquam si alloqueretur Patrem adhuc in vita degentem, ac præsentem. Unde in subsequenti formula sic matrem suam defunctam alloquitur: submissè exopto, ut tu, Intelligentia benefactrix seu Mens benefactrix, *tamquam si existeres*, hunc verum ac sincerum animi mei dolorem respicias; tum sanè me fortunatissimum judicabo; atque id omni cum reverentia tibi annuntio (S). Cùm ergo dicat, *tamquam si existeres*, non judicabat illam Matris Intelligentiam existere; utpote qui judicat Animas post mortem dissolvi ac perire, adeoque nihil verè ab ea petere poterat. Simile judicium fer de aliis aliorum librorum formulis, si quid fortè in illis subinde videatur peti à Parentibus defunctis; aut certè dic illas exoletas. Deinde illæ formulæ dictæ appendicis, sunt istius Doctoris *Chu chi* particulares, non communes ab eodem præscriptæ, qui videtur, dum esset junior, aliquo modo fuisse additus doctrinæ Sectæ Fæ.

Probat 3. dum Imperator adit Parentale ædificium, inquit quotidiana Imperatoris *Kam hi* libri *Te kim* explicatio, non est ad petendam aut quærendam felicitatem, seu bona (T); dùmque illud adit, oportet, ut suos Majores veneretur; sed cavere debet à faciendâ Cereemonia *cy* ad quærendam felicitatem seu bona (V). Et formula, quam in communi quatuor temporum Cereemonia *cy* pro Imperatorum Avis præscribit liber *Ta mim hœi tien*, hæc est: Hoc Imperatoris *Hum Vu* anno N. mense N. die N. abnepos Imperator N. audeat palam hæc Abavo & Abaviæ, Proavo & Proaviæ, Avo & Aviæ, Patri & Matri defunctis nuntiare: Cùm nunc Ver, (Æstas, Autumnus, Hiems) advenerit; Ritus rigidè exigunt, ut vobis fiat Cereemonia *cy*. Omni igitur cum reverentia istas pecudes, istud vinum, ista omnia dapum fercula ad patefaciendum meæ diuturnæ recordationis, & desiderii

derii affectum, vobis appono. Id penè gratum habebitis (X). Patet ergo ex omnibus istis formulis, quibus nunc Sinæ in facienda parentali Ceremonia cy utuntur ad declarandam suam mentem ac intentionem, nihil prorsus peti à Parentibus defunctis; nullum omninò in iis indicium aut orationis aut spei reperiri. Et sic verificatur, quòd Sinæ parentando nihil petant, aut sperent à Parentibus defunctis. Sed nunc probemus idem de Confucio.

Dico ergo 2. Sinæ, ut infrà jam videbimus, in facienda Confucio Ceremonia cy, nihil ab eo petunt aut sperant.

Probatursimò, insolemni Confucii Ceremonia nihil ab eo peti, aut sperari, patet ex verborum formula, quam suprà retuli Cap. 2. Quæst. 2. §. 3. & quæ nunc in usu est; hancque unicam præscribit liber *Ta mim boei tien tom. 91.* penè eisdem verbis, sic: Hoc Imperatoris *Hum* vi anno N. mense N. die N, ipse Imperator misit Præfectos N. N. ad faciendam Ceremoniam cy prisco Magistro Confucio, & quatuor ejus comitibus seu Discipulis, hæc dicendo: Tua virtus, Magister, Cælo terræque æquatur. Tua doctrina omnibus novis & antiquis (nempe Sinicis) præcellit. In sex libris classicis expurgandis & explicandis omnia futura sæcula illustrasti. Idcirco adhibendo istas pecudes, ista serica volumina, istud vinum, istas dapes, ista omnia ferculorum genera, magna cum reverentia juxta veterem normam ordinatim tibi appono mundam muneris exhibitionem, tibi que comites adjungo Discipulum *Yen tsu*, verum Magistri exemplar; Discipulum *Tsfam tsu*, genuinum Magistri interpretem; Nepotem *Tsu tsu*, studiosum doctrinæ Avi propagatorem; & *Mem tsu*, alterum a Te *Xim*, seu Sapientem. Id Penè gratum habebis.

Aliam quidem idem liber in eodem tomo continet præscriptam formulam ab Imperatore *Kia tim*, seu *Xi tsun so*, in qua primo aspectu quædam verba videntur parum dubia; sed si bene perpendantur, videbis non à Defunctis, sed à Cælo aliquid sperari. Deinde hæc formula non pro solempni ac consueta Confucii Ceremonia cy præscripta fuit; sed pro Ceremonia particulari undecim priscorum Sapientum ac Magistrorum, scilicet *Fo hi, Xin num, Hoam Ti, Yao, Xun*, &c. & ultimo loco ponitur etiam Confucius: Sic autem habet: Imperator N. omnibus excel-

excellentibus seu sapientibus (Sinicè *Xim*) Magistris reverenter hæc dicit: adminiculum, quo debeam uti ad proficiendum in litteris, & ad mores componendos, ego vestrorum discipulorum ultimus, Viri excellentes, arbitror esse libros illos, quos posteritati transmisistis. Cum igitur crastina die schola aperiatur, submisit cogito spiritualem vim motricem (nempe Cæli, non istorum Sapientum) occulto modo agentem mihi vestrorum discipulorum ultimo intellectum aperturam, ut sincerum meum studium ac opus non irritum fiat; utque ultima pacifici regiminis perfectio possit haberi; & ut populi excellentis vestræ doctrinæ fructum perpetuò percipiant. Ideò ista specialiter ad id vobis nuntiandum appono. Cogito vos, excellentes Magistri, hoc spectaturos. Omni cum reverentia id annuntio (Z).

Vides igitur, Lector, à Cælo, non à Defunctis aliquid sperari. Præterea dici potest, quòd ille Imperator *Kia cim* ibi loquatur juxta mentem Sectariorum, multum ipse Sectariis deditus, & ideò fortè nonnullæ Ceremoniæ *cy*, quas ipse in eodem libro præscripsit, postea rejectæ sunt, ut ibidem habetur tom. 86. Deinde ista formula erat tantum formula particularis pro ipso Imperatore, non pro aliis. Denique illa in communi Confucii Ceremonia *cy*, de qua est quæstio, non adhibetur.

Secundò. id etiam patet ex libro *Yen hien tum kao*, sub finem Imperialis Familiæ *Tuen* in lucem edito, & sub sequenti Familia *Tamim* rursus impresso. Hic etiam describit totam solemnem Confucii Ceremoniam *cy*, nec ullas omninò preces refert aut apponit isti Ceremoniæ *cy*. Formula, quam affert, jam pridem præscripta ab Imperatore *Himen tsun* Imperialis Familiæ *Tam* in annis sui Imperii dictis *Kay yuen*, sic habet: vastam, Magister, intelligendi facultatem, naturalémque notitiam, liberalissimè Cælum Tibi donavit; hinc Ritus & Musicam bellissimo ordine disposuisti; liberales artes, honestamque vivendi rationem perspicuè tradidisti; aliæque præclara gesta ac mores transmissi, qui etiam nunc post tot sæcula suspiciuntur, faciunt, ut ego tuorum Discipulorum ultimus, honestati & litteris acquirendis possim vacare. Idcirco omni cum reverentia, ac diligentia adhibendo ista serica volumina, istas pecudes, istud vinum, ista omnia dapum fercula juxta priscam normam, ordinatim mundam muneris exhibitionem tibi appono, priscumque Magistrum *Yen tsu*, & reliquos tibi comites adjungo. Id penè gratum habebis (W).

Iterum

Iterum vides in ista formula nihil præcum, nihil orationis, nullum omninò spei indicium haberi. Unde idem liber sic ait: Dum dicitur virorum virtute & sapientiâ excellentium (Sinice *Xim bien*). intelligentia esse in Cælo, id certè non est sicut Secta *Fæ & Lao*, quæ innumeris Spiritibus facit Ceremonias cy vel spe bonorum; vel metu malorum (Y).

Tertiò. Baccalaureus Christianus *Li kieu kum* in suo Tractatu dicit Confucii Ceremoniam cy nullo modo fieri ad rogandam ullam felicitatem aut bona, sed tantùm ad gratias pro meritis persolvendas (AA). Alius Baccalaureus Christianus *Ten*, nomine Paulus, in suo Tractatu idem dicit (BB). Item alius Christianus Baccalaureus Mathias *Hia* etiam idem dicit; nimirum nec in Confucii, nec in Parentum Ceremonia cy quidquam rogari (CC).

Quartò. His omnibus adde testimonium ejusdem Imperatoris *Kam hi*, aliorumque Procerum, ac Doctorum Sinensium, qui asserunt Sinas faciendo Ceremoniam cy Parentibus Defunctis ac Confucio, nihil ab iis petere; uti retuli in fine Tractatûs primi de Cognitione primi Entis.

Insuper his etiam adde maximam Christianorum litteratorum Sinensium multitudinem, qui interrogati, idem jurejurando, missòque ad summum Pontificem suo juramento, affirmârunt; præter alios multos Ethnicos Sinas; qui idem etiam suâ syngrophâ confirmârunt, ut alibi in authenticis Actis impressis videre est.

Quare liquet nunc Sinas faciendo Ceremoniam cy sive Parentibus defunctis, sive Confucio, nihil ab iis petere, aut sperare. Si fortè subinde sperent, vel erit unius alteriusvè particularis error, vel erit tantùm illa felicitas, quam referam in sequenti paragrapho, nimirum omnia naturali Cælestis Providentiæ cursu bene sibi successura propter ritè adimpletum Filii obsequentis erga Parentes defunctos munus. Unde

Dico 3. Nullam nunc Sinæ in Defunctis agnoscunt potestatem (DD) cùm enim putent hominum Animas post mortem dissipari aut perire, inesse aliquid in iis potestatis ac virium existimare nequeunt. Sed nunc de hoc. Itaque

Textus Librorum.

- A. 1. Lib. Rit. Domestic. tom. 1. sic : Abeundo domo , & domum redeundo fiat denuntiatio (nempe Parentibus defunctis) sic : Paterfamilias stans ad gradus scalæ , binâ usque ad terram exhibitâ reverentiâ , accedat ad odorum mensam , genua flectat , odoramenta incendat , dicaturque : Obsequiosus nepos N. &c. ut suprà in contextu.
- B. 2. Lib. Rit. Domestic. tom. 1. sic : obtento Magistratu , nuntietur &c. formula verborum sic : Hoc anno N. mense N. obsequiosus abnepos palam audet nuntiare præclaris Abavo & Abaviæ , Proavo & Proaviæ , Avo & Aviæ , Patri & Matri , illis Præfectis N. N. his cognominatis N. N. sic : Cùm Imperator anno N. die N. singulari beneficio mihi Magistratum N. &c. ut suprà in contextu.
- C. 3. Lib. Rit. Domestic. tom. 1. sic : Genito filio Parentale ædificium invisatur Paterfamilias flectat genua , & dicatur : Cùm uxor N. cognomine N. anno N. mense N. die N. horâ N. genuerit filium primogenitum , vel secundogenitum N. ego audeo vel N. audet hic coram vobis se sistere. Deinde corporis inclinationes &c.
- D. 4. Lib. Rit. Domestic. tom. 5. de exequiis , & sepultura sic : Ceremoniæ , formula hæc est : hoc anno N. &c. indignus consanguineus Præfectus N. cognomine N. &c. hoc mundum vinum &c. ut suprà in contextu.
- E. 5. Lib. Rit. Domestic. tom. 5. de Parentali Ceremonia ꝓ , verborum formula sic : Hoc anno N. &c. filius orphanus N. audet defuncti Patris &c. ut suprà in contextu.
- F. 6. Lib. Rit. Domestic. tom. 6. de exequiarum Ceremoniis. Verborum formula pro apponente Patrem apud Avum &c. sic : Hoc anno N. &c. obsequiosus pronepos reverenter cum hac &c. ut suprà in contextu.
- G. 7. Lib. Rit. Domestic. tom. 6. de exequiarum Ceremoniis. Post secundum anniversarium obitus diem verborum formula sic : Hoc anno N. mense N. &c. Nepos obsequens N. palam audet Præfecto N. &c.

N. & dominæ N. cognomento N. &c. hæc dicere : Cum tempus transferendæ &c. ut supra in contextu.

- H. 8. Lib. Rit. Domest. tom. 6. de exequiarum Ceremoniis. Pro infodienda lignea Tabella verborum formula sic : Hoc anno N. &c. obsequiosus Abnepos N. palam audet Abavo N. Præfecto N. & Abaviæ N. cognomento N. hæc dicere : Prisci Imperatores &c. ut supra in contextu.
- I. 9. Lib. Rit. Domest. tom. 6. de exequiarum Ceremoniis. Pro deponenda lugubri veste verborum formula sic : Hoc anno &c. orphanus Filius N. palam audet hæc præclari Patris, Præfecti N. domûs Domini defuncti Tabellæ dicere : Funebri quidem habitûs gestatio habet suum præscriptum temporis spatium ; sed diuturna Parentum defunctorum recordatio caret termino. Nunc ergo omni cum reverentia hoc vinum purû, & has cõmunes eficas submisit tibi præfento pro vestis funebri deponendæ munere. Id penè gratum habebis.
- K. 10. Lib. Rit. Domest. tom. 6. de exequiarum Ceremoniis. Pro sepulturæ mutatione verborum formula sic : Ne fortè inopinato casu &c. ut supra in contextu.
- K. 11. Lib. Rit. Domest. tom. 6. de exequiarum Ceremoniis. Pro sepultura aperienda verborum formula sic : Cum cadaver Præfecti N. nomine N. jam à tot annis &c. ut supra in contextu.
- L. 12. Lib. Rit Domest. tom. 7. Ceremoniæ cy Ritus. Ceremoniæ cy formula sic : Hoc anno N. mense &c. obsequiosus abnepos Præfectus N. cognomine N. nomine N. palam audet præclaris Abavo, Proavo, Avo, Patri, Præfectis N. N. domûs Dominis ; & præclaris Abaviæ, Proaviæ, Aviæ, Matri, cognominatis N. N. cognomine N. N. hæc dicere : Anni ordo assidue suas &c. ut supra in contextu.
- M. 13. Lib. Rit. Domest. tom. 7. Ceremoniæ cy Ritus. Sub initium Veris pro priscis Avis, Ceremoniæ cy formula sic : Hoc anno &c. obsequiosus Nepos N. palam audet prisco Avo N. Præfecto N. domûs Domino ; & priscæ Aviæ N. cognomento N. cognomine N. hæc dicere &c. ut supra in contextu.
- N. 14. Lib. Rit Domest. tom. 7. Ceremoniæ cy Ritus. Sub finem Autumni, pro Patre ac Matre defunctis, Ceremoniæ cy formula sic : Hoc anno &c. obsequiosus filius N. palam audet præclaro Patri, Præfecto N. domûs Domino ; & præclaræ Matri, cognomento N. co-

- gnomine N. hæc dicere: Nunc Autumni finem &c. ut suprà in contextu.
- O. 15. Lib. Rit. Domest. tom. 7. Ceremoniæ *cy* Ritus. In annuo obitûs die Ceremoniæ *cy* formula sic: Hoc anno &c. obsequiosus filius N. (vel nepos, pronepos &c.) palam audet Parenti N. Præfecto N. domûs Domino hæc dicere: Anni ordo &c. ut suprà in contextu.
- P. 16. Lib. Rit. Domest. tom. 7. Ceremoniæ *cy* Ritus. Ad sepulturam, Ceremoniæ *cy* formula sic: Hoc anno &c. obsequiosus filius N. (vel nepos, pronepos &c.) palam audet Parentis N. Præfecti N. domûs seu familiæ Domini sepulchro hæc dicere: Anni ordo &c. ut suprà in contextu.
- Q. 17. Lib. Rit. Domest. tom. 5. de exequiis, & sepultura. Pro Spiritu terræ, Ceremoniæ *cy* formula sic: Hoc anno &c. Præfectus N. cognomine N. nomine N. palam audet hujus loci Spiritui hæc dicere: Quia nunc meditor Patri N. Præfecto N. &c. (vel Matri &c.) sepulturam hic constituere; tu, Spiritus, illam protege, tuere, adjuva, ita ut nullum malum, aut damnum incurrat. Idcirco omnium reverentia hoc purum vinum, & hanc carnem exsiccata ac conditam, submisit tibi, Spiritus, præfento. Id penè gratum habebis.
- Q. 18. Lib. Rit. Domest. tom. 7. Ceremoniæ *cy* Ritus. Postquam facta est Ceremonia *cy* Parentibus ad sepulturam, statim etiam fit Ceremonia *cy* istius loci terræ Spiritui. Extenditur storea, & ciborum fercula apponuntur. Hujus Ceremoniæ *cy* formula sic: Hoc anno, mense, die, horâ, Præfectus N. cognomine N. nomine N. audet palam hujus loci terræ Spiritui hæc palam dicere: Cùm ego annum debiti obsequii & obfervantiæ opus ad Parentis vel consanguinei N. Præfecti N. domûs Domini sepulturam compleverim; tu hanc semper protege, tuere, adjuva; tu, Spiritus, favori verè innitor. Audeo igitur ad te, Spiritus, colendum, hoc vinum & has escas apponere, tibi que offerre. Id penè gratum habebis.
- R. 19. Lib. Rit. Domest. tom. 8. diversæ Ceremoniæ. In formula qua Doctor *Chu hi* facit denuntiationem Parentibus suis defunctis de

de abdicando magistratu, sic ait: submissè exopto, ut Avi &c. ut suprà in contextu.

- S. Ibidem idem Matrem defunctam sic alloquitur: Submissè exopto, ut tu, Mens benefactrix, &c. ut suprà in contextu.
- T. 20. Lib. mutat. ac product. symbolo *Tsui*, quotidiana hujus libri explicatio tom. 10. sic: Dum textus dicit: *Imperator adit Parentale Majorum Palatium*, istud non agit, ut petat aut quærat felicitatem ac bona. Ista Parentalium palatiorum erectio, rectam colendi Parentes normam continet. Imperator enim illa adeundo, verà totius sui cordis filialem observantiam affert, ut omnem præsentandi rationem expleat.
- V. 21. Lib. mutat. ac product. symbolo *Huon*, quotidiana hujus libri explicatio tom. 13. sic: Adire Parentale palatium modo non recto, istud est Spiritibus seu Defunctis adulari; quapropter illud adeundo, oportet veram Avis ac Majoribus venerationem præstare, nec audere Ceremoniam cy facere ad quærendam felicitatem, seu bona. Transire flumen modo non recto, istud est se periculo exponere; quapropter illud transeundo, oportet Cælo obsecundare, & hominibus obsequi; nec audere temeraria consilia moliri. Hæc duo dum recto modo fiunt, tunc emolumento sunt; alioquin nec Spiritus seu Defuncti gratum habebunt munus, nec hominum corda devinciuntur. Quomodo ergo dispersio possit sortiri suum collectionis effectum? Itaque hæc dispersio seu hoc dispersionis symbolum duplicem continet sensum; alterum, quo populi dispersi colliguntur seu uniuntur, & illud est *adire Parentale palatium*; alterum, quo publicæ in Imperio calamitates disperguntur, & istud est *transire flumen*.
- X. 22. Lib. *Ta mim hoeitien*, tom. 86. artic. *Xibiam*, Ceremoniæ cy formula sic: Hoc Imperatoris *Hum un* &c. ut suprà in contextu.
- Z. 23. Lib. *Ta mim hoeitien*, tom. 91. artic. *Sien xim sien su*, Ceremoniæ cy formula sic: Hoc anno, mense, die, Imperator N. &c. ut suprà in contextu.
- W. 24. Lib. *Ven bien tum kao* tom. 44. de Ceremonia cy Confucii. artic. *Tam kay yuen li* &c. formula Ceremoniæ cy sic habet: Hoc anno, mense, die Præfectus N. nomine N. missus ab Imperatore ad vinū præsentandū audet palam prisco excellenti Doctore Confucio hæc dicere: Vastam, Magister, &c. ut suprà in contextu. Eadem ibidem formula præscripta habetur pro ipso Imperatoris filio, Imperii herede.

182 *Tract. II. De Ceremoniis Sinarum erga Defunctos.*

Y. 25. Lib. *Ven bien tum kao* tom. 43. in fine sic: Sed dum dicitur virorum virtute ac sapientiâ excellentium (Sinicè *Xim bien*) intelligentia esse in Cælo, id certè non est sicut *Fu & Lao* , quæ innumeris Spiritibus facit Ceremoniam *cy* vel spe bonorum, vel metu malorum, dementâtque rude vulgus dicendo illos esse Spiritus; quia nimirum optat illorum sana amplificare.

AA. 26. Baccalaureus *Li kien kum* in suo Tractatu *Li so mimp ien*, sic: Petes: Dum fit Ceremonia *cy* Confucio, aut Parentibus defunctis, rogantur ab illis aliqua bona, an non? Resp. A principio trium primarum Familiarum Imperialium, & ante, in China omnes Litterati nôrunt servire Cælo, &c. ideò dum loquuntur de doctrina, mox dicunt eam suum trahere à Cælo principium: Dum loquuntur de bonis aut malis, mox ea referunt ad Cælum &c. nondum sanè auidi potestatem immittendi bona aut mala, attribui Confucio & Parentibus defunctis &c. dum ergo Ceremoniam *cy* Confucio faciunt, eam tantùm faciunt ad venerandam ejus doctrinam, & ad gratias pro meritis persolvendas. Similiter dum faciunt Ceremoniam *cy* Parentibus defunctis, verè eam tantùm faciunt ad recordationem alimentorum, quæ non possunt ampliùs eis subministrare, & ad gratias pro generationis beneficio persolvendas; non verò ad rogandam felicitatem ac bona.

Idem in suo Tractatu *Chim li tsui*, sic: Itaque ex his omnibus patet illam Confucii Ceremoniam *cy* nullo modo fieri ad rogandam aliquam felicitatem, aut bona; sed tantùm ad gratias pro meritis persolvendas; uti nec eam fieri defunctis Parentibus ad postulanda bona; sed &c.

BB. 27. Baccalaureus Paulus *Yen* in suo Tractatu *Tiao nen cie ta*, sic: Fit Ceremonia *cy* Spiritibus, quia nobis præsunt; Parentibus defunctis, quia nos genuerunt; Confucio, quia nos docuit. Confucio Ceremoniam *cy* semper fecerunt Sinae ad ostendendam dumtaxat suam reverentiam & honorem; nec unquam ulla rogandæ felicitatis, aut bonorum mens fuit.

CC. 28. Baccalaureus Mathias *Hia* in suis scriptis responsionibus ad Patrem Gabiani S. J. sic: Petes: In Ceremoniis *cy* Confucii ac Parentum defunctorum rogantur ab illis aliqua felicitas ac bona? Resp. Nec

Nec in his nec in illis rogari ullam felicitatem ac bona &c. ex illarum Ceremoniarum cy formulis sat potest cognosci Sinarum mens & intentio.

DD. 29. Lib. Carm. tom. *Ta ya*, odâ *Uen vam* sic: Qui assidua cogitatione cæli legi adhæret, ipse sibi multam quærit & accersit felicitatem, ac bona. Deinde compendiosa Interp. compilatio sic: *Quære felicitatem*, dumtaxat consistit in adhærendo Cæli legi. Dum ergo dicitur: *Ipse sibi quærit*, clarè patet magnum Cælum (vel potius cæli Dominatorem) carere omni affectione particulari, & Majores defunctos omni potestate.

Paragraphus IV.

De felicitate Ceremoniæ cy.

Respondeo & Dico: Quod attinet ad illam felicitatem Ceremoniæ cy, vel sunt tantum verba benè apprecatoria, quæ olim Lector, vel quidam Internuncius nomine Spiritus personati, seu Pueri Actoris Parentem defunctum representantis, deferbat ad filium Parentantem, uti suprà diximus in Cap. 3. Quæst. 2. §. 2. punct. 8.; vel sunt tantum quædam festivæ versuum strophæ, quæ à Musicis decantantur tempore Ceremoniæ cy, sicuti & similes sæpius decantantur tempore convivorum, prout videre est in classico libro Carminum (A). Unde istæ strophæ non sunt Parentantis oratio, quæ sibi istam felicitatem aut petat, aut speret à Parentibus defunctis; sed sunt faustæ acclamationes & vota vel canentium Musicorum, vel aliorum (B).

Deinde Ceremoniæ cy felicitas, non est illa quam mundus vocat felicitatem, ut jam suprà dixi; sed est operis perfectio, morum rectitudo, vitæ honestas, ex qua naturaliter bonatum virtutis, tum fortunæ sequuntur (C). Quasi diceretur: Quia in faciendâ Parentibus defunctis Ceremonia cy, filialis observantiæ tribus accuratè adimplevisti; idcirco manet tibi magna felicitas tum virtutis, tum bonorum temporalium, quæ solent ex accurata sui muneris adimplerione sequi. Atque ita ista felicitas, quam olim prisci Parentanti exoptabant, non à Parentibus, sed à Cælo sperabatur (D).

Discri-

Discrimen, inquit Interpres Sinicus, inter Ceremoniæ *cy*, & mundi felicitatem, est hoc: Felicitas, quam Sapiens recipit (nempe parentando), est quid jam habitum ante Ceremoniam *cy*; id verò, quod mundus vocat felicitatem, est quid respondens post Ceremoniam *cy* (E). Ita ille. Unde olim dicebat Confucius: Dum milito, vinco; dum facio Ceremoniam *cy*, recipio felicitatem, quia rectum teneo istorum operum modum, seu viam (F). Quare ista vox *felicitas*, & aliæ similes in Ceremonia *cy*, vel faustas quasdam acclamationes & vota, vel ipsius operis, quod exercetur, honestatem ac perfectionem significare seu indicare tantum videntur.

Textus Librorum.

- A. 1. Lib. Carm. tom. *Chen tsun*, odâ *Cien* sic: Omnes illi pisces, (nempe *Chen, yue, tiao, cham, yen, li*) sunt ad Parentandum, ad præsentandum, ad magnam felicitatem.
- A. 2. Lib. Carm. tom. *Siao ya*, odâ *Tien pao*, conviva hospes suo Principi sic apprecatur: Dum facies Parentalem Ceremoniam *cy*, Spiritus adveniens multam tibi felicitatem relinquat; sint, inquam, populi tui sinceri ac recti.
- A. 3. Lib. Carm. tom. *Siao ya*, odâ *Tsu tsu*, sic: Dum meæ lobæ, ac milii messis uberrima fuerit, horreæque penitus plena; tunc esca, & vinum habebitur ad Parentandum, ad præsentandum (scilicet Majoribus Defunctis), ad pacandum (scilicet Spiritum personatum), ut securè & tranquille fideat; ad eum hortandum ut ampliùs comedat; ad magnam felicitatem. Dein paulò post: Ceremoniæ *cy* opere exactè peracto, tunc Majores Defuncti instar Principum magni, seu augusti videbuntur; pacatus Spiritus personatus gaudebit, Nepos obsequiosus felicitate potietur, eritque merces ad magnam felicitatem; mille & mille vitæ anni sine termino, seu vita longissima. Rursus paulò post sic: Tunc Lector, Spiritus (nempe personati) verba deferendo, ibit apprecaturus Nepoti obsequioso sic: Cum tuum filialis observantiæ munus fuerit mundissimum ac fragrantissimum, Spiritus tuo cibo ac potu valde oblectatus est; hinc omne felicitatis genus tibi dat, ita ut promptissimè & ordinatissi-

natissimè veniat; cùmque tua Rituum & cultûs observantia fuerit concinnata, prompta, recta, modesta, *summam* ubique & temper *perfectionem* tibi dat, & usque & usque copiosior. Rursus paulo post idem Lector sic: Quandoquidem jam omnes Spiritus sint vino satiati, & Augustus Spiritus personatus ad exeundum surrexerit; tympana, & campanulæ ad eum deducendum consonent. Idem paulo infra: Cùm omnes consanguinei epulis fuerint saturati, parvi & magni demisso in terram capite dicant: Quandoquidem Spiritus tuo vino & cibo sint delectati, te faciant longissimam vitam ducere.

Deinde Interpres *Chubi* sic: Spiritus carent corpore ac figurâ, dum ergo dicuntur vino satiati rediisse, istud est summa veræ ac sinceræ reverentiæ perfectio, quasi parentans illos videret. Ibidem compendiosa Interpr. compilatio sic: Quamvis dum Lector facit Ceremoniam cy ad Parentalis ædificii portam, dicatur quæri verè Spiritus, & optare ut ille res præsentatas excipiat, aut gratas habeat; istud tamen est tantùm aliquid, quo honor & reverentia demonstratur. Vnde dum eadem compilatio ibidem sic ait: *Spiritus personatus pro sua agendi regula assumit personam Spiritûs, seu Defuncti; idcirco quando Spiritus est vino satiatus, ipse surgit ad exeundum: & Spiritus pro sua representatione seu fulcimen assumit Spiritum personatum; idcirco quando Spiritus personatus deducitur, ipse redit;* Vel ibi iste Author juxta hanc externam reverentiæ demonstrationem loquitur, vel juxta mentem Sectariorum Idololatrarum, uti jam sæpius dixi; vel potiùs sicut in theatro persona representata nititur Actore representante, & Actor representans pro sua agendi regula sibi proponit personam representatam, ita ut v. gr. Actore subsistente, dicatur Imperator subsistere, abeunte abire; ita olim ille puer Actor Spiritum seu Defunctum representans, dum abibat, dicebatur Spiritus abire. Nunc ille non ampliùs adhibetur.

Deinde eadem compilatio ibidem rursus sic: Non dicitur, *felicitem tibi dat*; sed dicitur *summam perfectionem tibi dat*; quia Poëta seu liber Carminum dum principi felicitatem apprecatur, magna ex parte loquitur de deferenda felicitatis radice ac principio; vir enim Princeps, qui potest se in summa perfectione stabilire. mox quin-

186 *Traff. II. De Ceremoniis Sinarum erga Defunctos.*

tuplex felicitatis genus sibi adsciscit: Et dum dicitur *tibi dat*, est sicut diceretur: *Calum tibi cor aperiat*. Hinc

- A. 4. Lib. Carm. tom. *Siao ya*, odâ *Sin nan xan* sic: In agrorum marginibus serantur cucumeres. Hi bene dissecti & conditi præsentabuntur augustis seu magnis Avis defunctis. Pronepos longissimos annos vivet, Cælique auxilium ac felicitatem excipiet; vel dic: Vivat, excipiat. Paulò infra sic: Ceremoniæ *cy* opere exactè peractò, tunc Avi instar Principum Augusti erunt; magnæ felicitatis merces dabitur, mille & mille anni sine terminò; vel dic: derur.
- A. 5. Lib. Carm. tom. *Lu tsun*, odâ *Pi kum*, Regulum *Hi kum* ob reædificatum Parentale Majorum suorum ædificium, quod collapsum fuerat, sic laudat Poëta: Vere igitur & Autumno facere Ceremoniam *cy* non negligas, & cave ne illam faciendo aberres. Maximus cæli Dominus ac Rector præsideat; maximus tuus Avus *Heu Cie* illi comès adjungatur. Si præsentès rubram pecudem, est id quod gratum est, est id quod æquum est. Postquam autem multa felicitas descenderit, Princeps *Chen kum*, alique præteriti Reguli te etiam beent. (Nota: Ille color ruber tunc erat in usu, antea alius.)
- B. Deinde Interpres *Chu bi* sic ait: Hic & sequens Articulus recenset summam Reguli *Hi kum* reverentiam in suburbano Cæli litamine, & in Parentali Majorum palatio renitentem; quod autem spectat ad felicitatem, quam Spiritus inmittit, eam sic illi exoptat populus. Et paulò post, compend. Interpretum compilatio sic: Quod spectat ad obtinendam Ceremoniæ *cy* in Parentali ædificio exhibitæ felicitatem, eam nos omnes sic illi exoptamus, utpote qui istud Parentale ædificium restauravit.
- C. 6. Lib. Rit. tom. 8. Cap. 25. *Cy tum* sic: Dum dicitur: Sapientis Ceremonia *cy* suam haud dubiè recipit felicitatem, non intelligitur illa, quam mundus vocat felicitatem; hæc felicitas, perfectio est. Perfectio est omnimodæ morigerationis & obsequentiæ vocabulum; quia qui in omni re se morigerum, & rationi obsequentem præstat, hic perfectus vocatur; id est, qui intus, omnes sui cordis partes prorsus explet; foris uni rectè agendi viæ diligentissimè adhæret; fideliter Regi, obedienter Parentibus inserviendi, unum & idem credit esse principiū. Denique qui sursum Spiritibus, extra domum
- Regi

Regi ac Magistratibus, domi Parentibus accuratè obsequitur atque obtemperat, hic perfectus vocatur. Jam verò solus vir sapiens potest sic esse perfectus; qui autem potest sic perfectus esse, hic demum potest facere Ceremoniam cy. Ideirco Sapientis Ceremonia cy perfectam veritatem, sinceritatem, rectitudinem, reverentiam includit. Suam ipse facit Ceremoniam cum debitis rebus, dirigit cum præscriptis Ritibus, temperat cum recta Musica, distinguit cum diverso tempore; mundo denique ac perfecto corde illam facit, & nihil aliud. Quod enim spectat filii obsequiosi animus, est *non querere propter quid*. Tum Interpres *Chin hao*: *Non querere propter quid*, inquit Doctor *Im*, id est non habere intentionem querendi felicitatem, seu aliquid bonum; atque hoc est quod idem liber alibi dicit: Ceremonia cy caret postulatione & precibus.

- D. 7. Vide hic suprà num. 3. litterà A in fine; & num. 4. litterà A.
 E. 8. Lib. *Li ki kiam y* seu Interpretatio sensus libri Rituum tom. 16. in ejusdem libr. Rituum textum, jam præced. num. 6. litterà C. alatum, sic ait: Felicitas, quam Sapiens &c. ut suprà in contextu.
 F. 9. Lib. Rit. tom. 5. Cap. 10. *Li ki*, sic olim dicebat Confucius: Dum milito, &c. ut suprà in contextu.

QUÆSTIO IV.

An Parentalis Ceremonia cy quam Sinæ Defunctis faciunt, sit superstitiosa ex motivo ipsius objecti culti?

Paragraphus I. Quædam prænotantur.

Objectum materiale hujus cultus, est anima Defuncti, seu potius ipsemet Defunctus, v. gr. Pater representatus ut adhuc in vita degens, uti jam dicam; ac proinde dignitas & excellentia

lencia v. gr. Patris repræsentati ut adhuc in vita degentis, est objectum formale, sub quo filius Parentans colit Patrem sic repræsentatum. Jam verò quæritur, utrùm Parentalis cultus quatenus tendit in illud objectum, includat aliquam superstitionem? sive utrùm tendat in Animam Defuncti velut realiter præsentem, ita ut putata præsentia realitas verè in ipsum cultum influat; nam si se habeat tantùm per modum loci extrinseci, nullo modo in cultum influentis, jam de hoc dictum est suprà Cap. 1. Quæst. 2. tuncque videretur quasi frustra moveri hic proposita Quæstio; cùm juxta ibi dicta id reduceretur ad infidelitatem, non ad superstitionem. Quomodo verò ista putata Animæ præsentia possit in cultum influere; an v. gr. per modum motivi, quo cultor credat diversam à vita mortali inesse defuncti Animæ potestatem illic existentem, vel quo credat ei inesse potestatem illuc adveniendi, dum eo Ritu colitur; vel alio quocumque modo, non hîc discussio; sed tantùm quæro, utrùm reverà Sinæ nunc putent Defunctorum Animas ad Ceremoniam convenire, illivè interesse, quomodocumque fingant id fieri? prius tamen dicendum aut præsupponendum est quid communiter Sinæ de Animæ statu post mortem sentiant. Itaque

Paragraphus II.

De Animæ statu post mortem juxta Sinas.

REsp. & dico 1. Sinæ antiqui videntur agnovisse ac credidisse Animæ nostræ immortalitatem. Antiqui enim & classici eorum libri dicunt multos Principes Imperialis Familiae *In & Cben* post mortem in cælo existere (A); defunctum Principem *Ven van* aditare semper supremo cæli Domino (B); hominem moriendo longè ascendere, & iter inire, ex quo nunquam reditur (C); & multa alia similia. Ergo sibi persuadebant post mortem, Animam adhuc perseverare, seu immortalem esse; idque potest etiam confirmari ex hoc, quòd nihil dicant de ejus interitu aut extinctione. Sed licet isti libri referant de aliquibus Defunctis, (ut jam vidimus,) quòd in cælo

cælo exsistant ; videntur tamen Sinæ antiqui nescivisse certum Animæ è corpore egressæ locum , cùm dicant , parentando illis , se nescire ubinam sit Spiritus seu Anima Defuncti , prout ostendi supra Cap. 1. Quæst. 2.

Dico 2. Sinæ moderni , circa Animæ nostræ immortalitatem , videntur , saltem ex parte , aliter sentire quàm Antiqui , Gbique quasi persuadere Animam cum corpore perire ; aut potius vim illam vivificativam quatenus prius vivificabat corpus , unâ cum corpore interire ; Nam quoad Rationem , (seu facultatem rationalem juxta Sinas à Cælo homini infusam) quæ , ut aiunt , est aliquid subtile , unum per se , nec per coagulationem nec per dissipationem explicari potest , non videntur dicere eam interire , aut destrui (D).

Itaque sic hi videntur sentire : Dum aliquis obit , caro cum ossibus in terram , sanguis cum humoribus in aquam convertitur ; Spiritus autem , seu vis vivificans vel natura vivificans sursum ascendens , destruitur , seu in vitalem auram abit. Unde sicut terra & aqua , in quas hominis defuncti corpus redigitur , non est hominis corpus ; ita vitalis Aura , in quam hominis defuncti Spiritus abit aut revertitur , non est hominis Spiritus seu Anima , adeoque hæc extincta perit. Jam verò quid sit ista vitalis Aura , prout accipitur pro primo omnium rerum Principio (E) , jam dixi in Tract. 1. de Cognitione primi Entis ; nimirum vel est Divina potentia , vel ipse DEUS in quantum est Principium vitale , primum Movens , prima Causa efficiens , &c. Diverso igitur modo juxta illos corpus & Spiritus hominis revertitur in suam causam ; corpus in causam materialem , nempe in terram & aquam ; Spiritus in causam efficientem , neque in vitale primum Principium (F). Cùmque hoc vitale primum Principium , quod semper existit , nunc Cælum , nunc Ratio , &c. ab illis etiam vocetur ; ideo fortasse dicunt hominis Rationem cælitis infusam , quæ nec per coagulationem nec per dissipationem explicari potest , non interire , semper persistere , in Cælum redire. Aut potius quoad nostræ Animæ immortalitatem , multi ex istis litteratis Sinensibus , utpote fidei luce destituti , videntur palpare in tenebris , nec satis certo scire quid ipsimet debeant sentire ; quamvis affirmant illam perire , à Cælo venire , in

Cælum redire, &c. Num fortè aliquid simile ei, quod olim Lucretius, ipsi sentiunt? hic enim dicebat hominis Animam interire, sic:

Quapropter fateare necesse est, quod fuit antè,
Interiisse, & quæ nunc est, nunc esse creatam.

Lucretius lib. 3. de rerum natura.

Præterea idem dicebat illam è Cælo venire, & in Cælum redire, sic:

Cedit enim retrò de terra, quòd fuit antè
In terra; sed quod missum est ex ætheris oris,
Id rursus cæli fulgentia templa receptat.

Ego autem arbitror istos recentiores Sinas, qui vident suos libros antiquos tam claris verbis asserere aliquos Defunctos in cælo existerè, voluisse servare eundem modum loquendi, sed cum intelligendo aut explicando juxta suam opinionem; & videtur Idololatræ Sectæ Fæ sensum per totam Chinam propagata, dedisse illis occasionem tam malè ac perplexè sentiendi de Animæ nostræ immortalitate. Hæc enim Secta, uti olim græci ac latini Poëtæ, describit & proponit fabulosos Inferos cum suis pœnis, & fabulosum Paradisum cum suis gaudiis. Sinæ cum istas fabulosas Inferorum pœnas, & fictilia Paradisi gaudia aut præmia explodere cœpissent nec credere voluissent, hinc probabiliter ceperunt occasionem dicendi Animam Hominis post mortem destrui, perire, ac proinde esse subiectum incapax tum illas pœnas, tum hæc gaudia recipiendi (G). Quare cum juxta illos Anima pereat, non ergo post mortem convertitur in tenuissimum aërem materialem (H). Deinde cum dicant illas Inferorum pœnas non habere, in quid possint agere post mortem (I); si Anima converteretur in istum tenuissimum aërem, saltem illæ pœnæ possent adhuc vel sic in eum agere, utpote subiectum capax, si non doloris, saltem alicujus mutationis recipiendæ. Præterea, ut dicam in Traëtatu sequenti de Ethica Sinenfi, Anima dum jungitur corpori, non est quid materiale ac sensibile; ergo post separationem non potest converti in aliquid materiale ac sensibile. Unde dum dicuntur Spiritus quæri, & nullum locum non adire (K): vel sunt modi loquendi antiquorum Sinarum nescientium in quo loco foret Anima, credentium vè in quovis loco coli posse; vel patefacientium suum desiderium eam colendi, Defunctoque inserviendi in quocumque loco, perinde ac dum vivebat. Pari ratione dum Capitulum cy fa libri Rituum præscribit faciendam

Cere.

Cereemoniam cy Defunctis, qui nullos Posteror reliquerunt, (imò videtur etiamnum in aliquibus locis fieri), dùmque ibidem citatus liber *Tso chuen* dicit illas Animas, quia non habent ad quem spectent seu quo nitantur, damna hominibus fortè afferre (L): vel dic istum librum *Tso chuen* esse unum ex antiquis, utpotè longè ante Christi natiuitatem compositum, & loqui iuxta sententiam antiquorum credentium Animas immortales; vel potius dic ea, quæ referuntur in isto Capitulo *Cy fa*, esse extraordinaria, vana, nec libris classicis coherencia (M); vel insolita & monstrosa (N). Unde hoc ad communes ac præfentes Defunctorum leges nihil facit, cùm id passim non credant Sinae, istasque Defunctorum Animas *Ly*, id est, qui Posteris carent, vocent fuitiles, sine fundamento excogitatas, & à Sectariis seu Idololatriis inventas (O). Itaque Defuncti, quos libri quandoque vocant *Quei xin*, generali scilicet Spiritus nomine, dicuntur *Quei* in quantum corpus in terra putrefactum perit, & dicuntur *Xin* in quantum Anima in Cælum seu in vitalem Auram reuertitur, abit, aut extinguitur iuxta recentes Sinae (P). In quantum *Quei*, sunt quid spectans ad quietem *Tn*, seu habent quamdam relationem ad quietem; in quantum *Xin*, sunt quid spectans ad motum *Tam*, seu habent quamdam relationem ad motum (Q); sic tamen ut à parte rei nihil sint aliud, quàm præterita Parentum Anima spectata sub respectu ad motum *Tam*, & præteritum corpus spectatum sub respectu ad quietem *Tn*; atque ita ad corpus & animam sub isto duplici respectu aut relatione simul spectata atque unita, omnes Parentales Ritus ac cultus diriguntur (R); non verò ad istas relationes *Tn* & *Tam*. Denique corpori & Animæ conjunctim representatis debitus honor ac gratiæ persolvuntur. Et in hoc tota filialis observantiæ perfectio consistit. Filialis autem observantia, aiunt, est rectæ disciplinæ radix, ac summa veræ doctrinæ perfectio (S).

Textus Librorum.

- A. 1. Lib. Carm. tom. *Ta ya*, odâ *Hia vu* sic: Tres Principes (scilicet *Tay nam*, *Ki nam*, *Fen nam*) existunt in cælo.
 A. 2. Lib. Annal. Imperial. tom. 5. Cap. *Chao kao* sic: Complures Defuncti istius Imperii *Tn* Imperatores, intelligentiâ ac prudentiâ inclyti, existunt in cælo.

B. 3.

192 *Traët. II. De Ceremoniis Sinarum erga Defunctos.*

- B. 3. Lib. *Carin.* tom *Ta ya*, odâ *Ven vam*, agens de defuncto Principe *Ven vam*, sic ait: existens sursum Princeps *Ven vam*, proh! quàm fulgidè in cælo resplendet! Et paulò pòst loquendo de eodem, sic: sive ascendat, sive descendat, semper est à dextris aut à sinistris cæli Domini *Xam Ti*.
- C. 4. Lib. *Annal. Imperial.* tom. 1. Cap. 1. *Kio li hia*, sic Interpretæ *Chin hao*: Ego autem puto legendum esse *Hia*, id est, *procul, remotè, longè*; vultque dicere, quòd locus ille, ad quem ascendit (scilicet defunctus Imperator), sit valde altus & remotus; sicut id, quod libri Imperii *Han* vocant *magnum iter*; id est, iter, quod successivè initur. Vocatur autem *magnum iter*, quia qui illud semel adiit, non ampliùs redit.
- D. 5. Lib. *Sim li ta cuen* tom. 28. art. 2. sic Doctor *Chim*: Anima, Siniticè *boen*, est illa quæ per generationem habetur; sive est hominis generati vitæ; hæc autem moritur, seu exinguitur. Dum dicitur hæc Anima in Cælum redire, id significat eam destrui seu dissipari. Ibidem sic Doctor *Chu bi*: Dum homo moritur, calidus aër seu aura vivificans sursum exit, estque id quod dicitur: *Anima ascendit*. Pars inferior paulatim frigescit, estque id quod dicitur: *Cadaver descendit*. Hanc ob causam dicitur: vivens debet mori, & incipiens debet desinere. Attamen quod coalescit & dissipatur, est aër seu aura vivificans; quod enim spectat ad Rationem, ipsa est aliquid subtile in vitali seu vivificante aura movens, nec ullo modo aliquid coalescens; ipsa est unum per se; totum illud, quod in hominis officio seu natura conjungitur naturali æquitati, illud est Ratio; nec per coagulationem, nec per dissipationem ea explicari potest.
- E. 6. Magnum Dictionarium *Chim tsu tum* in littera *Ki* sic Doctor *Chim*: Inexhaustus rerum Effector, est vitalis Aura.
- F. 7. Lib. brevis expositio naturæ & rationis tom. 3. art. *Cy sa*, Doctor *Hoam* sic: post multos à morte annos quamvis Avorum aut Majorum aër, seu vitalis aura sit destructa; causa tamen Avorum vitalis auræ, numquam cessat agere cælum inter ac terram, sive in mundo. Deinde quamvis perfecta Avorum vitæ species non ampliùs persistat, illa tamen perfecta vitæ species, quam ego accepi, est perfecta Avorum vitæ forma ac species. Jam verò quando ego utens illa perfecta vitæ specie, quam accepi tracto cum causa
- Avo-

Avorum vitalis auræ ac Spiritûs; tunc ex utroque illo vitalis auræ concursu Majores defuncti fiunt magnifica specie velut spectabiles.

G. 8. Lib. Doctrinæ Parvulorum pars extrinseca Cap. 5. §. 2. sic Doctor *Su ma nen kum*: Mundani isti homines, qui pellacibus Scetæ *Fæ* mendaciis dant fidem, dum exequias persolvunt, nihil aliud curant, quàm ut munera idolo *Fæ*, cibumque ejus ministris offerant; qui enim hoc agunt, inquit, Defunctorum peccata delent, eosque ad adipiscendam felicitatem adjuvant, ut in Cæli aula, nempe paradiso, omne voluptatis genus recipere possint. Qui autem hoc non agunt, procul dubio isti Defuncti terræ carcerem, nempe Inferos, incunt, cultris, igne, pistillis petris, molaribus excrucianti, omniq; tormentorum & dolorum genere afficiendi. Enimverò post mortem quando corpus putredine destructum est, & Spiritus, venti instar, etiam disperiit: illi non attendunt, quamvis adsint cultri, ignis, pistilli, petræ molares, nihil tamen amplius superesse, in quo istæ res vim suam exerant.

H. 9. Lib. *Su xu mum yn* tom. 5. Libr. Sentent. artic. 3. sic: Si ille dissipatus aër, quando fit Parentalis Ceremonia cy, statim colligeretur; ergo Defunctorum aër seu vitalis aura adhuc occultè in mundo degeret; & qui in mundo assidue itque reditque, esset tantum ille modicus ac tenuissimus aër; adeoque nostri Doctores non deberent Scetam *Fæ* falsitatis omnino condemnare. Et paulò infra sic: Denique si intimè ac profundè res discutiatur, defunctorum Majorum aër seu vitalis aura vel Spiritus, Sinice *Ki*, reipsa omnino desit ac periit.

H. 10. Lib. Product. ac mutat. tom. 17. part. *Chnen xam* art. 3. sic recta hujus libri explanatio: Dum homo nascitur, inquit Doctor *Cham*, vitalis Spiritûs aura à non esse transit ad esse; dum moritur, Anima discedens ab esse transit ad non esse, &c.

I. 11. Vide hîc suprà num. 8. litterâ G.

K. 12. Lib. Rit. tom. 2. Cap. 4. *Tan kum bia*, sic Princeps *Ki*: quòd corpus in terram revertatur, istud est vitæ humanæ status; quod autem ad vitalem Animæ auram spectat, nullus est locus, quem non adeat.

L. 13. Lib. Rit. tom. 8. Cap. 23. *Cy fa*, sic Interpres *Chin hao*: Prisci Imperatores sine Posteris defuncti, dicuntur *Tay ly*; prisci Regu-

li sine Posteris Defuncti, dicuntur *Kum ly*; priſci primarii Præſecti, ſeu Toparchæ ſine Posteris Defuncti, dicuntur *Tſo ly*. Defuncti (inquit liber *Tſo chuen*, ſeu interpretatio Authoris *Tſo* in librum *Chuen cien*) habentes ad quem ſpectent, aut quo nitantur, non ſunt malefici, ſeu damna aut mala non afferunt; quia autem illi, qui non habent ad quem ſpectent, aut quo nitantur, hominibus damna aut mala fortè afferrent; ideo iis fit Ceremonia *cy*.

M. 14. Lib. Rit. tom. 1. Cap. 2. *Kio li hia*, ſic Interpres *Chin bao*: Dum capitulum *Cy fa*, inquit Doct̃or *Liu*, præſcribit pro Imperatore ſeptem Ceremoniæ *cy* ſpecies, inter quas ponit Ceremoniam *cy* pro Præſide vitæ, & pro Imperatoribus qui Posteris caruerunt; pro Regulis quinque Ceremoniæ *cy* ſpecies, inter quas ponit etiam Ceremoniam *cy* pro Præſide vitæ, & pro Regulis qui Posteris caruerunt, abſque Ceremonia *cy* Spiritus portæ, ac foci; pro primariis Præſectis aut Toparchis tres Ceremoniæ *cy* ſpecies, inter quas ponit Ceremoniā *cy* pro Toparchis, qui Posteris caruerunt, abſque Ceremoniæ *cy* Spiritûs meditullii domûs; pro viris litterarum laurea ac Magiſtratu donatis duas ſpecies, nempe Ceremoniam *cy* Spiritûs portæ, ac vitæ: hæc omnia clafficis Sapientum libris non cohærent. Et paucis interjectis ſic: quæ dicuntur in iſto capitulo *Cy fa*, ſunt extraordinaria, vana, nec clafficis libris conformia; uti & id, quod erigendorum Parentalium ædificiorum normam vocat, etiam libris clafficis non cohæret.

M. 15. Lib. Rit. tom. 4. Cap. 7. *Tſem tſu nen*, ſic Interpres *Chin bao*: Capitulum quidem *Cy fa* recenſet ſeptem Ceremoniæ *cy* ſpecies pro Imperatore; ſed præteriti Doct̃ores jam pridem dixerunt iſtud capitulum *Cy fa* non poſſe facere authoritatem.

N. 16. Lib. *Su xu mum yn*, tom. 5. in libr. ſentent. artic. 3. ſic: Quod ad hominem attinet, cûm moriendo ejus anima in Cælum, & corpus in terram revertatur, poſt deſtructionem omninò perit ac deſinit; ſi quæ enim anima adeò firmiter conjungatur, ut non deſtruatur, portentum réſque monſtroſa, aut malefici lemures, aliquidve extra curſum ordinarium, id eſſe cenſetur.

O. 17. Lib. *Ven hien tum kao* tom. 86. ſic: Olim, inquit Doct̃or *To*, erant ſeptem Ceremoniæ *cy* ſpecies. Imperatoribus, Regulis, primariis Præſectis, qui obierant ſine Posteris, fiebat Ceremonia *cy*. Iſti

Impe-

Imperatores vocabantur *Tay Ly*; Reguli, *Kum Ly*; primarii Præfecti, *Tso Ly*. Nunc autem ista Cereemonia cy exolevit, nec amplius fit. Certè cum ejusmodi Defunctorum Animæ sint futiles, sine fundamento excogitatæ, & à Sectariis seu Idololâtris inventæ, annon penè mirandum est eas haberi in libri Rituum Capitulo cy fa?

- P. 18. Lib. Rit. tom. 8. Cap. 24. cy 3, sic Confucius: Quicumque vivit, debet mori; mortuus in terram revertitur, & dicitur *Quei*, nempe destructus. Mortuum corpus humo tumulatum convertitur in terram agrestem. Illius autem vitalis aura sursum se prodens, resplendet, metumque ac reverentiam ingerit. Ibi Confucius probabiliter loquitur juxta mentem antiquorum Sinarum.

Interpres *Tsay hin chay* in suo libro *Su xu mun yn* tom. 3. art. 16. Immutab. Medii, ad hunc locum sic: Hæc significant cadaver esse *Quei*, nempe destructum; & illius Spiritum, qui movetur metumque ac reverentiam ingerit, esse *Xin*; nempe quid invisibiliter agens vel in sua causa, vel in mente repræsentantis.

- P. 19. Lib. Serm. domestic. Confucii art. 17. *Ngay kum nen chim*, sic discipulus *Tsay ngo* Magistrum suum Confucium interrogat: Ego, inquit, sæpius audivi nomen *Quei xin*, sed needum scivi, quid significet; id ex te ausim quærere. Cui Confucius: Homo dum vivit, habet ærem seu vitalem auram, & habet animam. Vitalis aura est Spiritus amplificatio, seu est id quo Spiritus se amplificat vel extendit, & suas operationes exercit. Homo qui vivit, utique debet mori, mortuus autem in terram revertitur, & hoc dicitur *Quei*, (id est juxta Interpretem, quia mortuus in terra sepelitur, idè dicitur *Quei*). Vitalis autem Animæ aura in Cælum revertitur, & hoc dicitur *Xin* seu Spiritus. Conjungere *Quei*, id est corpus, cum *Xin*, id est Animâ, & utrique Cereemoniam cy facere, istud est rectæ doctrinæ summa perfectio; (id est, juxta Interpretem, conjungere *Quei* & *Xin*, ac utrique servire seu cultus obsequiumque exhibere, istud est tota filialis observantiæ ac muneris perfectio; filialis autem observantia, est id, unde recta disciplina nascitur). Idcirco eriguntur Parentales propinquiorum & remotiorum Avorum domus, Verèque & Autumno iis fit Cereemonia cy ad distinguendos suos consanguineos ab extraneis, & ad docendos populos antiquitatem recolere, suæque

origini grates peragere, ita ut numquam audeant oblivisci eos, ex quibus vitam hauserunt.

Q. 20. Lib. brevis Naturæ, ac Rationis expositio tom. 3. art. Cy, sic Doctor *Chin*: Vita hominis nūc est aliud, quàm unio rei *Cim* cum re *Ky*, nempe unio vel materiæ generativæ cum vitali aura seu anima, vel spiritus seu animæ cum aëre materiali, id est, formæ cum materia. Homine mortuo, anima scandit in Cælum ad sequendum motum *Tam*; corpus descendit in terram ad sequendam quietem *Tn*; & hoc est quod dicitur: unumquodque suam sequitur speciem. Idcirco prisci Imperatores, Parentalis Ceremoniæ *cy* ritus instituerunt, ut liberi ac nepotes, tota sinceritate ac reverentia milium & adipem cremando cum herba odorifera *Siao* permixtam, illam (nempe animam) quærent in motu *Tam*; & præsentando vinum ex fragranti herba temperatum, illam quærent in quiete *Tn*, (nempe quatenus olim animantem corpus). Postquam hujusmodi inquisitio suum scopum attingit, quamvis anima & corpus sint separata, possunt tamen ad conjunctionem reduci (nempe per mentem); ideo liber Rituum dicit conjungere *Qui* & *Xin*, seu animam & corpus Defuncti, est summa rectæ doctrinæ perfectio.

R. 21. Vide hic supra num. 16. litterâ P. & num. 20. litterâ Q.

S. 22. Vide hic supra num. 19. litterâ P. & num. 20. litterâ Q.

Paragraphus III.

De præsentia Animæ dum fit Parentalis Ceremonia *cy*

R Esp. & Dico: Sinae, qui Litteratorum doctrinam sectantur, dum Defunctis faciunt Parentalem Ceremoniam *cy*, non credunt eorum Animas ibi præsentem existere, ac Ceremoniæ interesse. Sequitur ex conclusione præcedentis Paragraphi, in quo diximus recentiores Sinae Litteratos, quantum ex ipsorum libris potest colligi, existimare Animas post hominis mortem perire ac destrui: Ac proinde id, quod non est amplius, non potest ibi adeste. Deinde sic ulterius probatur:

Sinae

Sinæ dum Defunctis faciunt Ceremoniam cy, ita sincerè illos reverentur non secus ac si adessent, non secus ac si fursum, dextrorsum, finistrorsum adstarent (A). Cùm autem dicant *non secus ac si adessent*, ergo illic non adsunt; imò & dicunt verè non adesse: Spiritus, inquirunt, seu Animæ figura, corpore, voce expertes, illic verè non adsunt; sed id quod vera Parentantis sinceritas ac reverentia attingit, est similitudo gemitûs (nempe Parentum) qui videtur audiri, & vultûs qui videtur videri; quæ similitudo naturaliter sic se prodit (B). Nec fortè fingas illic eos adesse præsentia invisibili, de qua nullibi mentionem faciunt Sinæ agendo de Defunctis; cùm enim dicant *verè non adesse*; ergo nec præsentia invisibili adsunt; alioqui verè adessent, saltem invisibiliter. Solùm itaque illos sibi repræsentant tamquam præsentés.

Et hic mos erat priscorum Imperatorum. Illi in exhibenda filiali observantia, defunctorum Parentum vultum à suis oculis, vocem ab auribus, mentem, affectionem, desideria à suis cordibus non amovebant. Et verò qui Defunctos parentes toto corde diligit, hi tamquam adhuc viventes ac subsistentes se ei sistunt (scilicet in mente); quique illos toto corde reveretur, hi tamquam spectabiles se ei reddunt. Quiautem defunctos Parentes tamquam viventes, subsistentes ac spectabiles in corde habet, quomodo sanè possit debitam illis reverentiam non præstare (C)? sola ergo Defunctorum perfecta intelligentia, ac Spiritûs species se menti Parentantis prodit, & eum ad reverentiam ac timorem non secus ac si ipsi illic existerent, impellit (D). Unde dum dicitur Cælum seu cæli Dominus descendit, & adstat à dextris pecudis; Id est, offerens tota mente verè pertingit ad cæli Dominum, quasi ipse penè descenderet, & à dextris pecudis adstaret. Uti & dum dicitur: Princeps *Ven Vam* à dextris adstat ad excipiendum munus Ceremoniæ cy; id est, Parentans ita tota mente præsentat Principi *Ven vam* munus, quasi ipse penè descenderet, illud exciperet, ac quasi cerneretur omnino ita esse (E).

Quare dum litando cæli Domino dicitur cæli Spiritus appellere, & faciendo Parentalem Ceremoniam Majoribus defunctis, dicuntur hominum Spiritus illam excipere, seu gratam habere; id totum ex nobis ipsis ad illos attingendos provenit. Si enim adsit cordis sinceritas ac veritas, adest Spiritus (nempe menti objectus); si non adsit,

non adest (F). Quia id quod existit, est Posterorum Spiritus, qui facit Majorum Spiritum persistere (scilicet in mente) (G). Pluribus superiëdeo; ex his enim sat patet istos litteratos Sinas non credere quòd Animæ Defunctorum, dum illis faciunt Parentalem Ceremoniam *cy*, sint physicè ac realiter ibi præsentés, reveràque Ceremoniæ interfint. Dúmque dicitur: *Descendit aut adstat*; ista verba non sunt strictè, & ut sonant, accipienda (H). Hinc ulteriùs sequitur, quòd dicemus in Paragrapho sequenti.

Textus Librorum.

- A. 1. Lib. sentent. art. 3. quotidiana quatuor librorum explicatio tom. 4. sic: Confucius faciendo Ceremoniam *cy* suis Majoribus defunctis, tantam filialis animi observantiam & attentionem adhibebat, perinde omninò ac si Majorum Animæ illis fursum adstitissent; similiter eam faciendo aliis externis Spiritibus, tantam etiam animi reverentiam & attentionem afferebat, perinde omninò ac si intelligentes Spiritus illic fursum adstitissent. Spiritus & Animæ figurâ, corpore, voce expertes, illic *verè non* adsunt; sed id quod vera Parentantis sinceritas ac reverentia attingit, est similitudo gemitûs qui videtur audiri; & vultûs qui videtur videri; quæ similitudo ultrò sic se prodit.
- A. 2. Lib. Sentent. art. 19. eadem quotidiana 4. librorum explicatio, tom. 12. uti & Interpres *Cham kin chim* etiam tom 12. sic: qui in facienda Parentali Ceremonia *cy* spectat reverentiam ad extendendam longè suam memoriam, & ad tenendam illam sinceritatem ac veritatem non secus ac si adessent Spiritus seu Animæ, hic potest dici litterarum Alumnus.
- Vide etiam hîc infrâ num. 5. litterâ D.
- B. 3. Vide hîc suprâ num. 1. litterâ A.
- Vide etiam hîc infrâ num. 5. litterâ D.
- C. 4. Lib. Doctrinæ Parvulorum Cap. 2. §. 2. sic: Parentaturus, inquit liber Rit. (Cap. 24. *Cy y*), internam & externam abstinentiam servat; intra hos abstinentiæ dies recolit defunctorum Parentum habitationem, risum, verba, voluntatem, mentem; recolit id, quo delectabantur & quod appetebant; atque ita post tres abstinentiæ dies,

dies, ii, propter quos abstinentiam præmisit, videntur esse sibi spectabiles ac præsentés, (id est, inquit liber *Sim li ta ciuen* tom. 21. unice animum applicat ad cogitandum de faciendâ Parentali Ceremonia cy). Ipso Parentalis Ceremoniæ cy die, statim atque Parentale conclave ingressus est, tamquam effigie expressum sibi videtur videre Parentem in suo signo, seu Tabella lignea exstantem. Dum ad portam circumit, tamquam gravitate verendi sibi videtur audire Parentis sese moventis strepitum. Dum portâ egressus auscultat, tamquam singultu oppressi sibi videtur audire Parentis profundè gementis vocem. Quocirca prisci Imperatores in præstanda filiali observantia, defunctorum Parentum speciem à suis oculis, vocem ab auribus, mentem, affectionem, desideria à suis cordibus non removebant. Et verò &c. ut suprà in contextu.

D. 5. Lib. Immutab. Medii art. 16. Interpres *Cham kin chim* tom. 2. sic: Illo Ceremoniæ cy tempore dumtaxat repræsentatur illa Spirituum perfectâ intelligentia ac species, totum quasi spatium complens ac commovens; ita ut si sursum, illos quasi sursum; si dextrorsum aut sinistrorsum aspicias, illos quasi dextrorsum aut sinistrorsum existere putares. Enimverò Spiritus figurâ, corpore, voce expertes, qui reverâ aut suprà, aut à dextris aut à sinistris existant? sola illorum perfectâ intelligentia ac species se prodens, potest hominibus reverentiam ac timorem tam fortiter incutere, non secus ac si illic existerent.

Licet hic Author loquatur generaliter de Spiritibus, videtur tamen isto modo loquendi agere potius de Spiritibus hominum defunctorum quàm de aliis Spiritibus. Contrâ verò, quotidiana quatuor librorum explicatio tom. 2. ad eundem locum videtur tantum agere de Spiritu destruyente ac producente. Unde sic dicit: Tunc tantum animadvertis subtiliter illam ac perfectâ *Quey xin*, nempe Spiritus destruentis ac producentis speciem, totum spatium complentem ac commoventem, perinde omnino ac si suprà adesset; quique suprà adest, est *Quey xin*, seu Spiritus destruens ac producens perinde omnino ac si à dextris & à sinistris adesset; quique à dextris & à sinistris adest, est Spiritus destruens ac producens *Quey xin*. Si enim non ageret hic de hoc solo Spiritu destruyente ac producente, sibi ipsi contradiceret; quia numero 1. litterâ A suprà in hoc Paragrapho, agens de Spiritibus hominum defunctorum, dicit quod verè aut realiter illic non adsint, dum illis sit Parentalis Ceremonia cy, sic: *Illic verè non adsunt*. Vide suprà

E. 6.

E. 6. Lib. Carm. tom. *Chen isum*, odâ *Ngo ciam* : Hanc capram (vel ovem) ac vitulum affero & offero. Illud autem Cælum ad ejus dextram adstat, (id est, inquit Interpres *Chu hi*, annon penè Cælum descendit, & ad hujus vituli ovisque dextram adstat? non enim audet id certò asserere). Transmissas à Parente *Ven nam* regiminis leges sequor atque imitor, ut totum Imperium quotidiana pace ac tranquillitate impleam. Hoc autem beat Parentem *Ven nam*, & ad dexteram existens munus gratum habet. Id est, inquit idem Interpres *Chu hi*, dum ego sequor atque imitor Parentis mei *Ven nam* leges ac Ritus ad pacandum totum Imperium, hoc potest beare Parentem *Ven nam*. Dum dicitur : *descendit, & hic ad dexteram existens gratum munus habet*, istud est quasi cerneretur omninò ita esse.

Ibidem compendiosa Interp. compilatio sic: Nunc sub finem Autumni hanc ovem (vel agnum), & hunc vitulum affero ac præsentò. Verè ego tota mente ad te, cæli Domine, pertingens hæc deferò, ut patefaciam erga superiorem, meam submissionem. Annon tu, Cælum, quasi descendens ad dexteram hujus ovis adstas? hic est enim ingens meorum votorum ardor. Paucisque interjectis sic: Transmissas ad Posteròs à Parente meo *Ven nam* regiminis leges ac normam ego sequor & imitor; nec ausim illas transgredi aut oblivisci. Ut ergo ego imiter Parentis mei *Ven nam* leges, omnesque Imperii populos assidue tranquillem, verè tota mente hæc præsentò, iterumque aliàs præsentabo. Hoc autem cum possit beare Parentem *Ven nam*, annon penè descendit, & hic ad dexteram existit, ut gratum munus habeat? hæc est ingens meorum gaudiorum summa. Et paulò post: Dum Interpres ait: (nempe *Chu hi* hic suprâ) *non audet id certò asserere, & istud est quasi cerneretur omninò ita esse*, vult dicere istius odæ verba hac in re non esse strictè, & ut sonant, accipienda, sive non opus ira accipi.

F. 7. Lib. Sentent. art. 3. sic Interpres *Chu hi*, citans Doctorem *Fan*: Dum dicitur: postquam vir Sapiens, qui Majoribus Defunctis meditatur facere Ceremoniam *cy*, præmisit septem dies diffusæ in exteriori abstinentiæ, & tres absolutæ in interiori, tunc ii, quibus facturus est Ceremoniam *cy*, se velut spectabiles reddunt: id significat summam illius sinceritatem ac veritatem. Quocircà dum litando Cælo seu cæli

cæli Domino, dicitur cæli Spiritus appellere ; & faciendo Parentalem Ceremoniam cy Majoribus defunctis, dicuntur hominum Spiritus illam excipere, seu gratam habere, id totum ex nobis ipsis ad illos attingendos provenit ; si enim adsit cordis sinceritas ac veritas, adest Spiritus : Si non adsit, non adest. Numquid ergo id attentè & diligenter agendum est ? nempe actus intellectûs hominis istud opus agentis adest, vel non adest.

G. 8. Lib. Immutab. Medii art. 16. Interpres *Tsay hin chay* in suo libro *Su xu mum yn* tom. 3. sic: Petes : Postquam à multo tempore Majores obierunt, quamvis Posterì totum suum spiritum, omnèsque animi sui vires exhauriant ; enimverò quì fieri possit, ut illi veniant & appellent ?

Respondeo. Quamvis Majores tui non ampliùs existant, tu tamen adhuc existis ; hinc ergo Majorum tuorum Spiritus planè existit. Et eadem est ratio pro aliis externis Spiritibus, dum illis sit Ceremonia cy, generatim enim est unus tantùm spiritualis aura, & hujus auræ principium est etiam tantùm una ratio, quæ dum juxta suam quæque speciem distribuitur (nempe ratio divina prout creaturis participatur), animus mutuam habet cum hac connexionem ; dumque animus mutuam cum hac veritatem habet, Spiritus mutuò appellit (nempe Spiritus repræsentatus & repræsentans). Plantis inest radix ; homo pro radice habet animum. Dum facio Ceremoniam cy Majoribus defunctis, non liquet illos verè eam gratam habere seu accipere ; sed si hominis radix abscindatur, fieri non potest, ut tunc homo diu conservetur ac persistat ; alioquin erit tantùm vanus & inanis homo, ac frustra vivens. Idcirco Rex, qui Ceremonias cy parvi pendit, certo discrimini suum Regnum exponit.

H. 9. Vide hic suprà num. 6. litterâ E. in fine.

Paragraphus IV.

De Advocatione & appulsu Spiritûs.

Respondeo & dico : Dum Sinæ faciendo Parentales Ceremonias rogant Spiritum, ut descendat in lineam Tabellam ; dum
Cc dicunt

dicunt: Excipere Spiritum, deducere Spiritum, Musicæ concentum edere cogitando de Spiritûs adventu, Spiritum venire, appellere, munus excipere, &c. (A), hæc & similia verba videntur significare potiùs solam quamdam affectûs interni, & reverentiæ externæ demonstrationem, quàm veram volendi rationem, & realem Spiritûs appulsum.

Probat. Iste modus loquendi *Spiritus venit, advenit, appellit, &c.* idem est juxta Sinas ac dicere: *Efformare illum hominem* (nempe Defunctum) *quem mente recolo ac cogito*; sive, ut habet textus originalis, *efformare conceptum*, (B). Ergo non realem, sed intentionalem Spiritûs appulsum intelligunt; videlicet ita sincere ac vividè sibi repræsentant Defunctum, ut claram ejus imaginem in mente efformant; hocque vocant Spiritûs appulsum. Unde dum Musicæ concentu faciunt denuntiationem cogitando Spiritûs adventum, dicunt: Ita ut istum sonitum *penè* audiat, veniat, appellat, munus gratum habeat, aut excipiat (C). Istud adverbium *penè* satis indicat eos non credere quòd Spiritus *verè* sonitum audiat, *verè* veniat, appellat, munus excipiat. Pari modo dum Parentans dicit: *Respice, ô Ave, istam Parentationem*; his verbis, inquit, enixe commendat suum affectum, ut Spiritus seu Defunctus id, quod præsentat, *penè* respiciat (D). Non ergo Spiritus physicè appellit; sed Parentans recolit tantùm Parentum habitationem, verba, risum, vota, desideria; eos sibi in mente repræsentat, perinde ac si illos adhuc videret & audiret; sed quod videt & audit, inquit, non existit, seu non adest; id enim ex solo conceptu proficiscitur (E). Sed si istud ex solo conceptu proficiscatur, producit ergo tantùm actus intellectûs, quo Defunctus repræsentatur; ac proinde Defunctus non physicè, sed intentionaliter tantùm advenit. Nec potest etiam dici advenire præsentia invisibili physicâ; alioquin falsum esset efformari tantùm conceptum, aut id, quod non adest, ex solo conceptu proficisci.

Deinde ut adhuc clariùs pateat ejusmodi verba esse solos modos loquendi Rhetoricos vel Poëticos, etiam lineam Defuncti Tabellam rogant, ut dignetur exire, & venire ad medium Aulæ pro Ceremonia ei exhibenda (F); sic & Defuncti sepulchro verba faciunt, illique suam mentem annuntiant (G); eùm tamèn probè sciant nec Tabellam posse ex se venire, nec sepulchrum audire.

Itaque

Itaque videtur ex his satis colligi prædictos modos loquendi non ad physicam Spiritus præsentiam, sed ad mentalem ejus repræsentationem tantum referendos; præsertim cum ea, quæ obijciuntur pro ista præsentia vel appulsu Spirituum seu Defunctorum, serè sint vel versus libri Carminum, vel alii, qui olim & nunc quandoque decantantur à Musicis, dum fit Ceremonia cy. In ejusmodi versibus, vel phrasibus, ut quisque novit, major est dicendi licentia.

Textus Librorum.

- A. 1. Lib. Rit. domest. tom. 7. in Ceremonia cy, quam glossator *Tam* sub Veris initium posse fieri priscis ultra quatuor generationes Avis asserit, (quamvis alius Author ibidem id negat), sic lector: Nepos obsequiosus N. cum velit priscis Avis N. N. obsequia deferre, audet rogare venerandam Mentem, ut descendens sit in Spiritus seu Defuncti signo ad exhibendam ei reverentiam, & munus præbendum. Vide de hac Ceremonia cy in præced. Quæst. 3. §. 3. num. 8. ubi refertur eam non fieri, & ibi habetur ejus formula.
- A. 2. Lib. Annal. Imperial. tom. 1. Cap. *Te cie*, Regius Minister *Quei* sic: In ipsa aula ita pulsandum est instrumentum musicum *Mim kien*, ut cum cithara ac cymbalo consonet ad concentum perficiendum, cogitando Majorum Defunctorum adventum.
- B. 3. Lib. Carm. tom. *Xam esum*, odâ *Na*, agendo de Parentali Ceremonia, quæ Imperatori *Chim Tam* fiebat, sic: Ego Imperatoris *Tam* Nepos ter iterato Musicæ concentu accedo ad Avum, atque efformato conceptu ille me tranquillat. Rursus in sequenti oda de efformando conceptu, idem repetitur.
- Tum ibi compendiosa Interp. compilatio sic: Parentans hoc Musicæ concentu vult facere vociferationem & denuntiationem cælum inter & terram, ut cum *pene* audiat, veniat, appellat, munus gratum habeat aut excipiat (nempe Spiritus.) Ibidem Interpres *Chu bi* sic: *mibi pacem ac tranquillitatem*, inquit Doctor *Chim*, *asserre*, efformato illo homine quem mente recolo seu cogito, est id, quod dicitur: *intelligens Spiritus venis, advenit, appellat*; uti, liber Rituum habet

his verbis: Parentatûrus intra dies abstinentiæ quam præmittit, recolit defunctorum Parentum habitationem, risum, verba, voluntatem, mentem; recolit id, quo delectabantur, quodque appetebant; atque ita post tres abstinentiæ dies, ii, propter quos abstinentiam præmisit, videntur sibi esse spectabiles atque præsentés, ipso Ceremoniæ 7 die, statim atque Parentale conclave ingressus est, tamquam effigie expressum sibi videtur Parentem in suo Signo, seu in Tabella lignea extantem videre. Dum ad portam circumit, videtur sibi audire Parentis tamquam gravitate verendi ac sese moventis sîtepitum. Dum portâ egressus auscultat, videtur sibi audire Parentis tamquam singultu oppressi ac profundè gementis vocem. Hæc significant *conceptum efformare*. Deinde Doctör *Su* ait: Id quod Parentans videt & audit, non existit; à solo conceptu id progignitur. Hæ duæ explicationes (pergit Doctör *Chu hi*) mihi videntur verisimiles; quia dum in faciendâ abstinentia cogitatur seu mente recolitur is, cui faciendâ sunt Parentalia; dùmque ei ita fiunt, non secus ac si ipse videretur & audiretur, tunc certè efformatur homo, nempe in mente, non realiter. Item in fine ejusdem odæ *Nâ*, sic: Respice istam, (nempe hiemalem vel autumnalem) quam tuus Nepos, ô Ave *Tam*, tibi facit Parentationem. Ad quem locum sic Interpres *Chu hi*: Imperatoris *Tam* Nepos his verbis enixè commendat suum affectum, ut Spiritus seu Defunctus *penè* id, quod præsentat, respiciat.

B. 4. Lib. Carm. tom. *Xam tsun*, odâ *Lie tsu* sic: Eheu! ob tuam præclaram tum virtutem, tum gesta adeptus Imperium, habuisti, Noster Ave, hanc perennem, quam Posteris in perpetuum potuisti transmittere, sceptri felicitatem; ideòque nunc ad hunc tuæ Parentalis domûs locum licet accedere. Hoc mundum vinum scypho infusum mihi dat *efformare eum, quem mente recolo, hominem*. Ex paulò post: Cùm ego tam vastum exceperim Imperium, & insuper Cælum uberrimâ anni prosperitate me donârit, (ut possim nempe tibi Ceremoniam 7 facere), te veniente & munus gratum habente, erit mihi transmissa sine fine felicitas.

C. 5. Vide hic suprà num. 3. litterâ B. circa medium.

D. 6. Vide hic suprà num. 3. litterâ B. in fine.

- E. 7. Vide hic suprà num. 3. litterà B. paulò ante finem.
- F. 8. Lib. Rit. Domest. tom. 6. in deponenda triennalis luctus veste, sic Lector: Obsequiosus filius N. reverenter Ceremoniam cy facturus ad deponendam lugubrem vestem, audet rogare Patris defuncti Tabellam, ut exeat & veniat ad medium aulae. Quibus dictis, accipitur & defertur ista lignea Tabella.
- F. 9. Lib. Rit Domest. tom. 7. in ordinaria quatuor anni tempestatum Ceremonia cy, uti & in aliis, sic dicitur: Obsequiosus filius N. nunc hoc Vere, (Ætate, Autumno &c.) cum velit defunctis Majoribus consuetum obsequium præstare; audet rogare Spiritûs seu Defuncti Tabellam ut exeat (nempe ex arcula, in qua reconditur), & veniat in medium aulae ad reverentiam ei exhibendam, munusque præbendum.
- G. 10. Lib. Rit. Domest. tom. 7. ad sepulturam, Ceremonia cy formula, sic: Hoc anno &c. obsequiosus filius N. (vel nepos, pronepos &c.) palam audet Parentis N. Præfeti N. domûs seu Familiæ Domini sepulchro hæc dicere: anni ordo &c. Vide suprà præced. Quæst 3. §. 3. num. 16. littera P.

Paragraphus V.

De collectione Spiritûs dissipati, seu vitæ dissipatæ.

Respondeo & dico: Cum juxta recentes Sinas in morte hominis pereat & esse desinat Anima, vel potius vitalis aura seu vis vivificans, uti suprà dixi in hac Quæst. 4. §. 2. quasi videtur frustra hic quæri, utrùm adhuc illa colligatur, reuniatur, & redeat ad Parentalem Ceremoniam cy; Quod enim jam est destructum & desit, quomodo potest naturaliter reuni ri, ac reviviscere? hocque clarè negat quidam Author Sinicus sic: *Postquam vitalis Parentum vel Avorum aura semel destructa est, seu vita dissipata est, hæc posse adhuc aliquando colligi, omnino repugnat (A).* Et alius sic: *Cum Parentantes sint istorum (Defunctorum) nepotes, certè sunt unius idemque Spiritum, seu unam eandemque vitalis auræ cum vis, (id est,*

habent eandem vitam ab illis in se propagatam,) ideoque datur communis motus; sed id, quod dissipatum est, non denuò colligitur aut reunitur (B).

Si autem dicas Animam quidem, seu vitalem auram perire ac desinere in morte hominis; sed pereundo resolui in aërem tenuissimum materialem, & hunc postea motione Sympathica, quæ inter Parentantem & Defuncti aërem seu Spiritum intercedit, rursus colligi, reuniri, & ad Parentalem Cereemoniam, & reipsa accedere:

Ad hoc sic Respondeo: præterquàm quòd ista ridicula sympathica morio sit figmentum & phantasma Europæum, de qua nihil in libris Sinicis, dico primò jam probatum fuisse suprà in hac Quæst. 4. §. 2. Animam post mortem juxta Sinas non converti aut resolvi in aërem tenuissimum materialem. Deinde dico secundo, Sinas non sympathiam, sed relationem ponere inter Parentantem & Defunctum, sive inter vitalem Posterorum viventium auram vel vitam quæ persistit, & inter vitalem Parentum defunctorum auram vel vitam quæ desit. Dúmque Posterii colligunt suam vitalem auram sive vitales suos Spiritus à Progenitoribus acceptos, & in mente sibi repræsentant vitalem Parentum defunctorum auram seu vitam quæ desit, dicuntur habere communicationem cum vitali Parentum defunctorum aura, vel potius (ut suprà dixi in hac Quæst. 4. §. 2. num. 7. litterâ F.) cum causa vitalis Parentum auræ; tuncque dicitur vitalis Parentum defunctorum aura colligi; id est, uno verbo, Posterii ejusdem stirpis simul congregantur, colligunt suum animum, & in mente sibi repræsentant Parentes defunctos (C).

Ille modus loquendi, *colligere Spiritum dissipatum*, videtur dumtaxat fundari in duobus symbolis ænigmaticis libri classici *Te kim*, altero dicto *Tsy*, id est, *colligere, collectio, unio*; & altero dicto *Huon*, id est, *dissipari, divisio, dissipatio*. Jam verò Sinæ omnia istius libri *Te kim* symbola ænigmatica reducunt ad sensum allegoricum, ac proinde ea, quæ dicuntur de colligendo Parentum defunctorum Spiritu, videntur reduci ad talem sensum, seu ad solam mentalem Parentantis operationem, non ad realem Spiritûs, vel aëris collectionem.

Probatur ex ipso loquendi modo quem tenent Sinæ in suis libris; sic enim dicunt: Imperator ubi totum suum spiritum ac mentem collegit, tunc potest adire Parentale ædificium, ut dissipatum Majorum

rum Spiritum animi motu revocet ac reuniat (D); (nempe illum sibi in mente repræsentando velut pristino corpori reunitum) & ut illorum virtutes ac gesta celebret, atque coram illis se ipsum sistat, perinde ac si illic adessent (ergo non adsunt); atque ita illorum Spiritus habet quo nitatur seu repræsentetur, nec eò devenit, ut omnino dissipetur (E). Item illud adit, ut colligendo totum suum spiritum ac mentem habeat cum Defunctorum Spiritu communicationem, quasi sursum aut deorsum, dextrorsum aut sinistrorsum illos videret magnifica specie spectabiles (F). Unde ut ostendat suam sinceritatem, verum sui animi affectum, rei præsentatæ æquitatem, pro Parentatione specialis magnitudinis animal assumit (F). Cùmque vita seu vitalis aura liberorum ac nepotum à Parentibus transmissa, sit ejusdem speciei cum vitali defunctorum Parentum aura: mutuam ergo habet communicationem, ideoque dicitur Spiritus munus excipere (G). Sicutem Parentans non colligat suum animum, eccui rei immitetur ad explendum suis defunctis Avis cultum, & ad explendam totam suæ filialis observantiæ mentem (H)? Quia Vivorum ac Mortuorum diversa est conditio & status, ideo eriguntur Parentalia ædificia ad colendos Defunctos, ut sic Mortui, ac Vivi mutuam inter se habeant communicationem, & illorum divisio seu separatio uniatur; ad faciendam autem hanc divisionis seu separationis unionem, homo animum suum colligit. Facere enim divisionis seu separationis unionem, consistit in animo hominis colligendo; colligere verò hominis animum, consistit in efficiendo, ut cognoscat à quo res suum trahant principium. Mundi res à Cælo, homines ab Avis suum trahunt principium. Homo cognoscendo Cælum, tunc ob reverentiam quam animo gerit, non audet inferior offendere superiorem; cognoscendo Avos, tunc ob amorem, quem animo gerit, non sustinet mortuos fastidire, derelinquere, atque eos, ex quibus vitam hausit, oblivisci. Atque hæc est maxima ac præcipua pars spiritualis viæ, quam vir sapiens in proponenda ritè vivendi atque regendi disciplina tenere debet (I).

Hæc pauca fatis ostendunt quidd' colligere defunctorum Parentum Spiritum, non sit colligere aliquem tenuem materialem ætherem in quem antea ille resolutus ac dissipatus fuerat; sed sit mente colligere præteritam illam vitalem auram qua olim Parentes vivebant, & quæ
nunc

208 *Traçt. II. De Ceremoniis Sinarum erga Defunctos.*

nunc dissipata est ; seu Parentum animam , quæ juxta illos interit , sibi in mente objicere tamquam rursus suo corpori unitam, atque ita utrumque colere.

Textus Librorum.

- A. Lib. *Su xu mun yu* tom. 5. in Libr. sentent. artic. 3. sic : Postquam vitalis &c. ut supra in contextu.
- B. 2. Lib. *Sin li ta cinen* tom. 28. sic Doctor *Chu hi* : Cum Parentes sint &c. ut supra in contextu.
- C. 3. Lib. *Kia li*, seu Rituum Domestic. recens impressus anno 1701. tom. 7. de Parentationis Ritibus erga priscos Avos sic : si fieret Ceremonia *cy* in diversis locis, (scilicet si aliqui Posterius aut Nepotes in uno loco, alii in alio eam facerent), tunc difficulter colligerentur seu unirentur hominum corda in ratione filialis observantiæ, & Parentalium munerum.

Ibidem paulò infrà sic : Dum tota Parentela simul facit suis Majoribus defunctis Ceremoniam *cy*, est id, quo Viventes simul colliguntur, aut adunantur.

Vide etiam hic infrà num. 6. litterâ F.

- D. 4. Lib. mutat. ac product. in symbolo *Tsy*, vera hujus libri explicatio tom. 12. sic : Imperator ubi prius totum suum spiritum ac mentem collegit, tunc potest adire Parentale palatium ad faciendam Ceremoniam *cy*, ut vitalem Majorum defunctorum auram dissipatam animi motu revocet ac reuniat ; scilicet actu intellectûs revocat in memoriam &c.
- E. 5. Lib. mutat. ac product. in symbolo *Huon*, quotidiana explicatio tom. 13. sic : Tempore dissipationis seu divisionis, quia novem Parentalia (tot nempe habebant Imperatores) tremunt ac pavent ; Imperator debet illa adire, filiali observantia munera præsentando, ad colligendum perfectum defunctorum Majorum Spiritum, ita ut dissipati spiritûs intelligentia suam tranquillitatem recipiat. Et paulò post : Hæc dissipatio duplicem continet sensum : Primus est ; quia populi sunt dissipati, ac mente divisi, ideo Imperator, ut ostendat quod velit eos colligere, adit Parentale ædificium ; &c.

Nota

Nota : hinc videtur colligi cur. ista Parentalia palatia dicantur tremere ac pavere ; nempe nè intestinis populorum tumultibus evertantur , ac totum Imperium ruat. Quando huic malo occurratur, Majores defuncti in suis Posteris , vel potius ipse Posterorum spiritus suam tranquillitatem recuperat.

Deinde ibidem sic paulò post : Dum textus ait : *Imperator adit Parentale palatium* ; istud non fit ad vanum splendorem ac pompam ; sed illo divisionis tempore cùm perfectus Majorum Spiritus sit dissipatus ac perditus , Imperator totum suum perfectum spiritum ac mentem colligit ; & ad Parentale Majorum palatium veniens, dum hinc extollit præclaram illorum regiminis rectæque disciplinæ normam, illinc ostendit pristinum illorum erga suos populos affectum, ita coram illis se sistit *perinde ac si illic adessent* ; atque hoc modo perfectus Majorum defunctorum Spiritus habet quonitatur, nec eò devenit, ut omninò dissipetur.

F. 6. Lib. mutat. ac product. in symbolo *Isuy*, quotidiana explicatio tom. 10, sic: Imperator collectionis tempore, utique Parentale suorum Majorum Palatium adit; (nempe colligendo suum spiritum ac mentem); colligere totum suum perfectum spiritum ac mentem ad habendam cum perfecto Majorum defunctorum Spiritu communicationem, ita ut sursum & deorsum, dextrorsum & sinistrorsum quasi illos videret magnifica specie velut spectabiles, istud est debita diligendi Parentes norma. Et paulò post : Adeundi Parentalis palatii scopus, est ad habendam cum Spiritu communicationem ; sed si Ritus accuratè non servantur , Spiritus id gratum non habebit. Idcirco adhibendum est animal specialis magnitudinis, explendo tum sui animi affectum, tum præsentatæ rei æquitatem ad prodendam suam sinceritatem ; atque id est , quo Spiritus adventus attingitur.

G. 7. Lib. Carm. tom. *Xam isum* , odà *Na*, sic compendiosa Interpret. compilatio : Illa eadem inter Avos ac Nepotes vitalis aura intercedens mutuam habet communicationem. Qui sanè Spiritus munus non excipiat, quasi non esset ejusdem speciei, ac conditionis?

210 *Tract. II. De Ceremoniis Sinarum erga Defunctos.*

- H. 8. Lib. mutat. ac producit. in symbolo *Tsy* vera hujus Libri explicatio tom. 12. sic: Si Imperator accedens ad Parentale palatium non collegerit suum spiritum ac mentem, eccui rei innitetur ad præbendum suis Avis servitium ac cultum? Deinde ibidem sic: Dum textus dicit, *Imperator adit Parentale palatium*, id significat, quod Imperator ante Ceremoniam *cy* suum perfectum spiritum ac mentem colligat; idcirco adeundo Parentale palatium ad peragendum Parentationis Ritus, est id, quo suam filialis observantiæ mentem ac recordationem prodit.
- I. 9. Lib. mutat. ac producit. in symbolo *Huan*, vera hujus Libri explicatio tom. 12. sic: Prisci Imperatores Mundi res à Cælo, homines ab Avis suum trahere principium asserebant. Hoc autem & vir pius, & filius obsequiosus magni faciunt. Diversum tum Cæli, tum hominis est officium; & hoc vocatur eorum divisio, seu separatio. Dum suburbanus terræ agger aditur ad litandum cæli Domino, tunc Cælum & homo mutuam inter se habent communicationem; & sic eorum divisio seu separatio venit ad unionem, seu illi divisi uniuntur. Deinde mortuorum & vivorum via, status, conditio est etiam diversa; & hoc vocatur eorum separatio, seu divisio. Dum Parentalia ædificia eriguntur ad præbenda Defunctis obsequia, tunc mortui & vivi mutuam inter se habent communicationem; & sic eorum divisio seu separatio venit ad unionem, seu illi divisi uniuntur, atque in his consistit præcipuum componendæ divisionis seu separationis munus. Dein sic: Libare cæli Domino sequæ cæli Spiritui unire, sicuti & erigere Parentalia ædificia. mutuamque cum Defunctis Majoribus habere communicationem, est id, quo homo suum spiritum ac mentem colligit ad uniendas res divisas, seu ad faciendam divisionis ac separationis unionem. Divisionis tempore hominis cor est dissipatum; libare autem cæli Domino, & erigere Parentalia ædificia, ad ostendendum in Imperio haberi Dominum, est verè id, quod dat homini maximam colligendi sui cordis occasionem. Rursus paulò infra sic: Facere divisionis seu separationis unionem, consistit in animo hominis colligendo &c. ut supra in contextu.

Para-

Paragraphus VI.

De viva Defunctorum recordatione
ac repræsentatione-

EX iis, quæ in hac Quæstione dicta sunt, colligitur totam illam Parentalium Rituum pompam penè in hoc tantummodò consistere, videlicet ut filius Parentans ita suum erga defunctos Parentes affectum, reverentiam, sinceritatem expleat quasi essent præsentes & quasi præsentia illorum jussa deberet capeßere (A); in quo enim tota Parentalis Ceremonia cy fundatur, sunt hæc quatuor virtutes, veritas, sinceritas, rectitudo, reverentia (B). His quatuor virtutibus suam longe recordationem extendit Parentans (C), totamque suam cogitationem ac mentem explet (D). Atque ita omnia ista Parentalia obsequia ad vivam Defunctorum recordationem referuntur.

Textus Librorum.

- A 1. Lib. Rit. tom. 8. Cap. 24. Cy ꝑ sic: Filius obsequiosus dum Parentalem facit Ceremoniam cy, ita omnem cordis sui affectum intendit, ut etiam se foris prodatur; & ita omnem internam suam sinceritatem ac reverentiam explet, ut simul exterius reluceat. Omnes Ritus absque ulla transgressione servat; sive accedat, sive recedat, semper ita se reverentem præstat, perinde ac si ipse esset auditurus Parentum jussa, aut fortè illi aliquid sibi essent præcepturi.
- B. 2. Lib. Rit. tom. 8. cap. 25. Cy tum sic Interpret *Chin hao*: Veritas, sinceritas, fidelitas, reverentia, hæc quatuor virtutes sunt id, in quo fundatur Parentalis Ceremonia cy.
- C. 3. Lib. Sentent. art. 20. sic: Quæ autem Imperator *Puam* maximè cordi habuit pro suis populis, sunt hæc tria: Alimenta, funera, Parentales Ceremoniæ cy. Alimenta, inquit quotidiana quatuor librorum explicatio tom. 12., uti & Interpret *Cham kin chin* eodem

tomo, sunt ad alendos vivos; funera ad sepeliendos mortuos; Parentales Ceremoniæ et ad extendendam longè suam recordationem.

D. 4. Lib. ferm. domest. art. 8. *Chi su*, sic Confucius: Quod attinet ad filialem mei discipuli *Ten* (alio nomine *Tsu lu*) erga suos Parentes observantiam, dici potest vivis inserviando, omnes suas vires, mortuis inserviando, omnem suam mentem seu cogitationem explevisse. Dein Interpres sic: Laudat, inquit, filialem ejus observantiam.

Paragraphus VII.

Celebris Doctoris *Tsay hiu chay* sententia circa hos defunctorum Parentum Ritus.

Circa has Parentales defunctorum Parentum Ceremonias controversas, juvat hic apponere ad longum sententiam cujusdam Doctoris Sinici, libris, famæ & Magistratu in China celebris, cognomine *Tsay*, nomine *Hiu chay*. Hic jam ab annis 190. circiter, quo tempore vivebat, penè totam istam controversiam resolvit in interpretatione libri Sententiarum, ad locum in quo dicitur Confucius solitus facere Ceremoniam et Defunctis, tamquam si adfuissent. In suo ergo libro, dicto *Su xu mun yn* tom. 5. sic ait: Quæres: dum quis vero ac sincero filialis animi affectu facit Ceremoniam et Majoribus suis defunctis; verène illuc Avi adveniunt, ac munus gratum habent?

Respondeo: res difficilis explicatu. Videntur præteriti Doctores id singillatim discussisse. Quod autem ad me attinet, judico istud maxime consistere in sola filiorum ac nepotum, affectum suum reprimere non valentium cogitatione ac mente. Vitalis quidem cæli, terræ, montium, fluminum, agrorum, frugum aura, Sinicè *Ki*, quæ nunquam ab omni ævo destruitur (nempe vivens Spiritus), dum dicitur Ceremoniam et quæ ei fit, mox gratam habere, hoc sanè verum est; sed quod ad hominem attinet, cum moriendo ejus anima in Cælum, & corpus in terram revertatur, post destructionem omninò perit ac desinit.

definit. Siqua enim anima adeò firmiter jungatur, ut non destruat, portentum résq; monstrofa, aut malefici lemures, aut aliquid extra cursum ordinarium id eſſe cenſetur. Dubitari quidem non poteſt, quin vitalis Parentum aura, in liberorum ac Nepotum corporibus tranſufa, etiam poſt mille annos, adhuc continuetur; ſed poſtquam vitalis Parentum & Avorum aura ſemel deſtructa eſt, tunc poſſe adhuc aliquando colligi, omninò repugnat. Quod dicitur: *præteritum abiit, & futurum continetur*, hoc intelligitur de cæli ac terræ Cauſa efficiente. Si enim ille diſſipatus aër, quando fit Parentalis Ceremonia cy, ſtatim colligeretur; ergo Defunctorum aër ſeu vitalis aura adhuc occultè in mundo degeret; & qui in mundo aſſiduè itque reditque, eſſet tantum ille modicus ac tenuiſſimus aër; adeoque noſtri Doctores non deberent ſectam Fæ falſitatis omninò condemnare. Porro id, pèr quod homo conſtituitur in eſſe hominis, eſt quia ejus animus à beſtiis eſt diverſus. Jam verò ſi vel ipſi Lupi ac Lutræ nôrunt grati eſſe erga ſuos Authores; an fortè homo non debeat omni tempore ſuos Majores mente recolere? dum autem illos mente recolit, mox vero affectu perinde ac ſi exiſterent aut adſtarent, eos proſequitur; & illa Parentalium domuum erectio, illæ Ceremoniæ cy leges, illi abſtinentiæ Ritus tantum ex hoc affectu ſeſe cohibere non valente provenerunt. Quis ſanè poſſit efficere, ut reverà illi veniant & gratam habeant Ceremoniam cy, vel non? Priſci quidem dicunt: Parentalis domus Ceremoniam cy gratam habent aut excipiunt Spiritus ſeu Defuncti; præteriti Imperatores libabant cæli Domino, & erigebant Parentales domos ad colligendum id quod eſt diſſipatum; & multa alia ejusmodi, quæ certè in aliqua ratione fundantur. Sed ſi iſta bene perpendantur ac profundè diſcutiantur, eſt id, quod dixi, & illorum primitiva inſtitutio fuit fortè tatis æquitati conſentanea.

Hæc tamen ſolis viris rectis, ac filiis obſequioſis, non illis avaris mundi ſequacibus communicanda cenſebam, veritus, nè fortè Priſcos offenderem; (nempe dum iſti avari hinc occaſionem arriperent defunctos Parentes non ampliùs colendi). Poſtea tamen à plurimis gravibus ac peritis viris, qui varias mihi difficultates objecerunt, requiſitus, hanc tandem meam ſententiam, donec aliquid rectius afferatur, expromendam judicavi. Denique ſi intimè ac profundè res diſcutiatur, defunctorum Majorum aër aut vitalis aura re ipſa omninò deſiit,

sit ac perit; quòd illi non moriantur, id tantùm facit tum viri recti, tum filii obsequiosi mens seu animus, nempe intellectûs repræsentatio. Et verò numquid id asserunt præteriti Doctores, dum dicunt: si adsit animi veritas ac sinceritas, adest spiritus; si non adsit, non adest? id ipsum sanè est. Sed dices: si quis suum cor dumtaxat conservet, filiali affectu Parentes recordetur, sectandæ virtuti verè se applicet ut illos probro non afficiat; hæc sufficient ad veram filialis observantiæ essentiam; ad quid igitur necesse est istum vanum futilémque Rituum, ac Ceremoniarum apparatus adhibere?

Respondeo id fieri ob Parentantis affectum sese cohibere non valentem. Si quis enim commiserationis sensu caret, hic jam non est homo; cùm ergo homo habeat naturalem illum commiserantis animi affectum, oportet ut externos illos Ritus servet; alioquin non præstaret lupis ac lutrīs. Deinde cùm viri sapientes sint populis perfectionis exemplar, ac disciplinæ norma: quomodo possunt permittere, ut hominis agendi modus sit idem cum bove & equo? imò non tantùm defunctorum hominum Parentales Ceremoniæ juvant ad patefaciendum interiorem animi affectum; sed etiam illæ, quæ Spiritui cæli, terræ, montium, fluminum fiunt, etiam hunc sensum magna ex parte continent. Ad litandum enim Cælo, unicus tantùm tener vitulus adhibetur; si igitur cæli Spiritus verè veniat & libamen excipiat, quī sanè sufficiat unicuique tener vitulus ad cæli Spiritûs mensam? an non potiùs illud etiam sit ad patefaciendum verum animi sui affectum? qui hæc scit, facile potest de ceteris Ritibus ferre judicium.

Itaque ex hujus Doctoris sententia, sequentia collige:

Primò, Defunctorum Spiritus seu Animæ, utpote quæ evanuerunt, interierunt aut jam esse desierunt, verè & realiter ad Parentalem Ceremoniam *cy* non adveniunt.

Secundò, Defunctorum Spiritus seu vitalis aura, postquam semel perit, seu destructa aut dissipata est, non potest amplius postea colligi aut coadunari, dum sit illis Parentalis Ceremonia *cy*.

Tertio, isti Parentales Ritus servantur ad patefaciendum interiorem animi sui affectum, & innatum commiserationis sensum homini proprium, referunturque ad intentionalem mentis operationem, non ad realem Animarum præsentiam.

Quarto denique, omnes istæ Parentales leges sancitæ sunt, ut hominis agendi modus non sit idem cum bestiis, quæ nesciunt filiali affectu mortuos Parentes recolere,

Unde vides hunc Doctorem non pauca, quæ in aliis Authoribus interdum paulò obscuriora reperiuntur, ita claris & apertis verbis explicuisse, ut possint validè ea, quæ variis rationibus & librorum textibus jam supra stabilivimus, omninò confirmare. Sed quemadmodum Sinenfis Imperatoris *Kamhi* nunc regnantis, qui non tantum est rei litterariæ Caput, legum suarum Judex, Rituum Interpretes, sed etiam plures sui Imperii libros classicos vel ipse interpretatus est, vel saltem eorum interpretationem à peritissimis Magistris excepit, authentico testimonio primum Tractatum finivimus, ita etiam hunc secundum ejusdem verbis, declarationibus, decretis juridicè intimatis concludamus. Itaque

Paragraphus VIII.

Authentica Imperatoris Tartaro-Sinici & quorundam aliorum Testimonia circa parentales Defunctorum Ritus.

QUAMVIS Imperator Sinenfis in decreto anni 1700. quod suprà retuli & ad calcem primi Tractatûs apposui, jam authenticè declaravisset hæc sequentia Rituum capita, quæ maxime in controversiam vocabantur: *Primo*, cultum exhiberi Confucio non ad perenda ab eo bona, ingenium, dignitates, sed dumtaxat ob præclara, quæ ut Sinarum Magister reliquit, vitæ documenta; *Secundò*, Parentalem Ceremoniam ejus, quæ fit defunctis Majoribus, non intelligi de postulatione alicujus auxilii, sed solum eam fieri ad testandam filialis observantiæ, quâ Posterii Parentes defunctos recolunt, mentem; *Tertiò*, defunctorum Parentum Animas in lignea Tabella, quæ illis erigitur, non residere, sed illam Tabellam esse tantum signum exterius exhibitum, quo Posterii suis Progenitoribus gratias agere, illòsq; diuturnâ memoriâ perinde ac si præsentibus adessent, recolere possint: Tamen

216 *Traſt. II. De Ceremoniis Sinarum erga Deſunctos.*

Tamen occasione Illuſtriſſimi ac Reverendiſſimi Domini Patriarchæ Antiocheni in Chinam appuſi, ruruſus voluit iſta majori energia, claritate, extenſione aſſerere, explicare, publica facere, ut jam patebit ex ejus verbis ac decretis, quæ hic appono, & quorûm Acta authentica tum Romæ habentur ſigillis munita, tum in Pekinenſi ipſius Imperatoris Archivò aſſervantur. Sic ergo:

Primò, Imperator Sinenſis anno 1706. juſſit deferri ac intimari per Aulicum *Chao cham* Illuſtriſſimo & Reverendiſſimo Domino Patriarchæ Antiocheno hoc Ediſtum, eiſque intimatum fuit die 5. Julii ejusdem anni 1706. coram D. Epifcopo Cononenſi & pluribus aliis, ſic: *Mos Sinenſis venerandi Tabellas* (ſcilicet Parentum deſunctorum & Confucii) *non eſt ad petendam coram illis felicitatem, ſed præciſè ad implendam ſincera reverentia intentionem. Et mos iſte in Siniſ eſt ſummi momenti. Exempli gratiâ, ſi ego Imperator Tibi, Chao cham, darem meas veteres crepidas, illas reverenter collocares aliùs, quàm pileum tuum; (nempe juxta morem Sinicum, quo palam in alto loco appenduntur ejusmodi dona); An fortè licebit tibi coram crepidis meis petere felicitatem? Aliud ſu exemplum: Nunc Patriarcha Antiochenus, quas ipſi dedi res, cum reverentia portabit. Quando pervenerit in Europam, certè eas reverenter attollet, dicens: Hæc ſunt, quæ dedi mihi Imperator. Patriarcha honorando iſtas res, petènt ab illis felicitatem? ſed cogitando res iſtas, ſponte ſua naſcitur in corde talis reverentia. Ex his ſtatim apparet radix reverentiarum & honorum.*

Posteà Imperator præcepit præſato D. Patriarchæ, ut hoc ſuum ediſtum ad ſummum Pontificem Romam mitteret.

Secundò, idem Imperator proprio ore, die 2. Auguſti ejusdem anni 1706. coram Illuſtriſſimo & Reverendiſſimo D. Epifcopo Cononenſi, & pluribus aliis hæc iterum declaravit ſic: *Jam pridem dixi, Tien & Tien chu, Cælum & cæli Dominus, idem ſignificare. Nos honoramus Confucium tamquam noſtrum Magiſtrum, unicè ad exhibendam ei debitam gratitudinem ratione doctrina, quam nobis reliquit. Coram Tabellis nec honor nec felicitas petitur. Ecce tria puncta, quæ in diſputationem vocaſti: Si vobis hæc diſplaceant, cogitetis oportet de his terris deferendis; ſiquè illi, qui veſtram Religionem amplexi ſunt, viderint vos inter vos non agere niſi diſſenſantes & diſputationes, de ea dubitabunt; multò minùs verò alii de illa amplectenda cogitabunt.*

Tertiò,

Tertio, non contentus Imperator hæc palam voce, declarasse; insuper eadem in suo Edicto, quod jussit eodem die 2. Augusti 1706. intimari præfato D. Episcopo Cononensi, distinctioribus adhuc verbis sic repetit: *Præterea cum homines, qui in vestram Legem ingressi sunt, habeant usum vocis Kim Tien, Confucium venerandi, coram Tabellis caput tundant, & ad sepulchra faciant actionem cy, &c. Ego Imperator, ut viam tibi aperirem, dixi tibi Kim Tien, (cole Calum), id ipsum esse, ac quando in Lege vestra dicitis, Kim tien Chu, cole cali Dominum; Nos Confucium venerari, quia fuit noster antiquus Magister; coram Tabellis caput tundere, & in sepulchris facere actionem cy, non esse ad petendam felicitatem: sed hoc totum esse ad revocandum in memoriam Defunctos, & ad implendam legem venerationis, & obedientia filialis, &c.*

Itaque visis tam claris, tam juridicis, tam authenticis ejusmodi auctoritatis testimoniis, potestne adhuc aliquis dubitare, an aliter istæ res controversæ se habeant?

Omitto hic alia ejusdem Imperatoris post hanc declarationem edita decreta, quibus severè prohibet, nè Missionarii & Sinæ Christiani audeant istis Ritibus adversari, aut quidquam illis contrarium moliri sub pœna expulsiōis, exilii, & ipsius mortis. Nec vana fuerunt hæc Edicta, aut panicus terror ac minæ, cum multa jam fuerint executioni mandata, atque etiamnum mandentur; uti satis probavit multorum Missionariorum, atque ipsiusmet Patriarchæ Antiocheni à China expulsio. Horum omnium Acta authentica, ut jam dixi, Romæ & in China asservantur.

Nec mirum videri debet Imperatorem tam rigidè ista prohibere; sunt enim Ceremoniæ antiquissimis Imperii legibus sancitæ, & universali consuetudine semper receptæ: In magno legum codice, Capite Cien xe &c. sic habetur: *Quicumque projicit aut destruit Progenitorum Defunctorum Tabellas, non secus ac juxta legem latam in eum, qui projicit aut destruit patris vel matris cadaver, capite plectatur.*

Unde vides quanta benignitate & prudentiâ isti Ritus, modò non sint superstitiosi & illiciti, à Christianis tolerandi videantur. Quin imò ipsi Judæi, qui tantoperè abhorreere solent à superstitione seu idololatria, istos Ritus erga suos Progenitores defunctos in China non tantum tolerant, sed etiam adhibendos positivè asserunt in lapideo monumento, compendium & elogium Mosaicæ legis continente, quod sub Imperatore *Hum chi* circa annum Christi 1487. intra Synagogam urbis *Kay sum*, metropolis provinciæ *Ho nan*, erectum fuit: in eo enim

Ec

sculpta

sculpta habentur hæc verba : *Eheu ! revereri Calum, & Avorum honorem omittere, non est id, quo Defunctis parentandum est. Vere & Autumno fiant Avis seu Progenitoribus defunctis Parentales Cereemonia cy; inserviat Mortuis sicut inserviretur Vivis; inserviat non existentibus sicut existentibus. Ex bos & capra, stata istius temporis alimenta, presententur; nec quia Avi defuncti jam præterierunt, illorum honor ac reverentia omitatur.*

Non repeto hic authentica, quæ de istis Defunctorum Ritibus, Imperatoris frater natu major, Principes, Magnates ac Doctores *So San, Mim, I san gba, Cham ym, Han* dederunt testimonia. Ea habes ad calcem primi Tractatus summatim relata, & alibi typis excusa in libello, cui titulus: *Brevis relatio eorum, qua spectant ad declarationem Sinarum Imperatoris Kam hi circa Celi, Confucii, & Avorum cultum, datam anno 1700. Accedunt Primatum, doctissimorumque virorum & antiquissima traditionis testimonia.*

Insuper innumera aliorum Sinarum litteratorum, qui hac fuper re interrogati, unanimi voce & consensu asseruerunt nihil peti aut sperari à Defunctis sive Parentibus, sive Confucio; nec credi eorum animas in ligneis Tabellis residere, & alia ejusmodi controverfa tum circa hos Ritus, tum circa significationem vocis *Tien Cæli, & Xam Ti* supremi Domini, possem afferre testimonia; sed ea etiam videri possunt in impresso *Summario novissimorum testimoniorum Sinensium*; ubi ex urbe Pekinensi quadraginta, quorum octodecim sunt Tribunalis Mathefos Mandarinii; ex urbe Nankinensi novemdecim, ex urbe *Sum kiam & Kia tum* triginta tres, ex urbe *Su chen* triginta duo, ex urbe *Cham xo* quinquaginta, ex urbe *Tay isam* quinquaginta sex, ex urbe *Xam hay* tredecim cum multis aliis generatim relatis, ex urbe *Nan cham* quindecim, ex urbe *Kan chen* decem, ex provincia *Hu quam* decem, omnes hi Christiani & periti, inter quos nonnulli Doctores, Licentiatii ac plurimi Baccalaurei, jurejurando missique Romam ad summum pontificem suo juramento præfata asserunt. Ibidem etiam eadem scripto testantur litterati Gentiles centum & amplius; & ex illis quidem quadraginta & unus, Litteratorum gradibus insignis, singillatim juxta civilem observantiam expositas Confucii Cereemonias, unanimiter comprobant.

Post tantam ergo Testium turbam, post tot testimoniorum authenticorum conformium multitudinem, post tot rationes & librorum classi-

classicorum textus hæcenus allatos, non videtur prudenti judicio posse dubitari, quin isti Ritus Parentales per totum hujus secundi Tractatus decursum explanati, sint verè politici & civiles; atque pro suo fine & objecto solum humanæ observantiæ cultum contineant.

Sed nunc ad tertium Tractatum de Ethica Sinensi transeamus.



APPENDIX

De scopo Rituum Sinensium Controverforum.

SEU

Brevis Analogia Rituum Sinensium erga Mortuos
cum Ritibus Sinensibus erga Vivos usitatis.



Ulm Rituum Sinensium erga Parentes defunctos & Confucium controverforum difficultas præsertim dependeat à sciendo scopo & intentione, qua illi olim instituti fuerint, & nunc exercentur; ideò ut iste scopus rursus clarè appareat, hanc brevem Rituum Sinicorum erga Mortuos cum Ritibus erga Vivos analogiam appono. Inde enim patebit non alia intentione ista omnia fieri erga Parentes & Confucium, quàm ut exhibeantur Mortuis ii honores civiles, qui Vivis exhiberentur, juxta id quod sæpissimè libri Sinici dicunt: serviendum Mortuis, sicut Vivis.

Contexemus igitur duas Rituum columnas sibi invicem respondentes; alteram Rituum erga Mortuos, alteram Rituum erga Vivos. In prima erunt Ritus erga Mortuos excerpti ex libris, quos jam sæpiùs citavi. Unde illos hîc non ampliùs citabo. In secunda erunt Ritus erga Vivos, excerpti ex libris, quos singillatim hîc infrà apponam. Ex concursu utriusque columnæ, statim apparebit mortuales istos Ritus esse tantùm imitationem aut continuationem eorum Rituum, qui pro Vivis exercentur; ideòque sicut Ritus, qui pro

Vivis exercentur, nullam continere superstitionem vel

Idololatriam censentur; ita nec ullam continebunt

Ritus pro Mortuis. Itaque

Ritus

Ritus erga Mortuos.

Ritus erga Mortuos desumpti
ex libris Rituum jam sæpè
citatis.

1. Erigitur domus Parentalis pro Magistratibus defunctis. Plebei defuncti in propria domo coluntur. Regum, Principum, Proregum, & similium virorum illustriū Parentales domus vocantur *Miao*; aliorum verò vocantur *Tsu tam. Tam*, id est, aula; *Tsu*, id est, Parentalis vel ceremonialis.

2. In istis domibus exponitur Tabella lignea, cui inscribitur nomen & cognomen Defuncti, &

Ec 3

Ritus erga Vivos. 221

Ritus erga Vivos desumpti ex
libris, quos infrà appo-
no.

1. Magistratus in publica domo habitant, non in propria; plebei in propria, non in publica.

Homines in domibus habitant; Spiritus verò nequaquam.

Ideo domus Parentales interdū vocantur *Miao*, quia repræsentat hominem olim in domo habitantem. *Miao*, id est, repræsentatio alicujus speciei. Lib. *Su xu muu yn* tom. 4. in Lib. *Chun yun*.

- * Lib. *Xi kim* tom. *Chen Tsum*.

Domus habens ab Oriente & Occidēte cubicula lateralīa, dicitur *Miao*; non habens hæc cubicula, domus dicitur *Cin. Cin*, est locus convivendi & quiescendi. *Miao*, est locus regendi & gubernandi. Lib. *Uen hien tum Kao* tom. 94. Lib. *Kum miao Ly yo kao* tom. 1.

Sinæ viris benè meritis, dum adhuc vivunt, honorarias erigunt aulas seu domos, in quibus expositum viventis nomen venerantur; nec ullam aliam in eo agnoscunt potestatem aut dignitatem præter humanam ordinariam; sive illam, quam ipse vivens habet. Praxis communis.

2. In Solstitio hiemali, Imperatoris viventis nomen, Tabellæ inscriptum proni venerantur Magistra.

coram illa suos cultus Defun-
ctis præbent Posteri cum cande-
lis & odoramentis.

3. Præscribitur in libro *Kia ly*, et-
si hoc multi non servant, ut in
ingressu & egressu domûs, initio
aûi novi, Solstitio hiberno, primo
& decimo quinto die mensis, an-
te quodlibet opus magni mo-
menti, v. gr. ante Magistratum
ineundum, & ante matrimonium
contrahendum, fiat istius rei de-
claratio ante tabellam Parentum

gistratus cum candelis accensis,
suffitu, odoramentis. Id etiam
præstant coram Imperiali sigillo,
dum in fine anni Sinici illud re-
cludunt in cistula, & in prin-
cipio extrahunt. Praxis com-
munis.

Imperatori provincias visitan-
ti eriguntur mensæ in plateis
cum candelis accensis, suffitu,
floribus. Et cuilibet natalitium
diem celebranti, in propria domo
erigitur mensa cum ejusmodi
candelis, suffitu, floribus. Praxis
communis.

Dum Sinæ olim humi super
floreâ sedebant, filii Parentibus
apponi curabant humilem par-
vam mensam ad incumbendum.
Lib. *Siao hio* cap. 2.

Item dum Regulus honorifi-
cè excipiebat Legatum, eandem
illi mensam apponi jubebat. Inde
videtur traxisse originem Tabe-
la Defunctorum. Lib. *T ly* tom.
8.

3. Filius dum domo exit, Parentes
præmoneat; dum redit, coram
illis se sistat. Lib. *Siao hio* cap. 2.

Lib. *Sim, li ta cimen* tom. 19. sic
Doct. *Su ma uen kum*: In Sol-
stitio hiberno, & 1. die anni no-
vi, dum Liberi & famuli fausta Pa-
rentibus & Heris apprecantur,
exhibeant illis sex corporis incli-
nationes, primo & decimo quinto
die

defunctorum, sicut fieret Vivis.

4. Ad feregrum Defuncti, filius Parentans apponit manè & vespere mensam, cibo & potu instructam, cum aliis utensilibus.

die cujusque mensis exhibeant quatuor. Si autem Parentes aut Heri non tot admittant, vel prorsus omnes recusent, statim parent. Dum domus seu Familia nostra erat valde numerosa; in Solstitio hiberno, & 1. ac 15. mensis die omnes simul conveniebant ad aulam domesticam, ubi omnes simul, viri à sinistris ad Occidentem, mulieres à dextris ad Orientem, in una serie juxta ætatis ordinem dispositi, facie Septentrionem spectante, istas corporis inclinationes Patrifamilias exhibebant. Quo facto, fratres, sorores ac juniores fratribus ac sororibus senioribus eisdem ordine præstabant. Deinde mariti & uxores eas etiam excipiebant à suis filiis & famulis.

4. Jubetur, ut filii & nurus ad galli cantum surgant, adeant Parentes, offerant pelvim ad lavandum, & alia utensilia; rogent quid cupiant, quid comedere velint; apponant mensam, deferant cibum & potum, ac postea ipsi comedant. Vespere lectum sternendum curent; in singulis refectionibus necessaria apponi sollicitè satagant. Lib. *Sicæ* hic cap. 2. & 3.

Vnde illa matutina, & vespertina Parentum defunctorum fercula repræsentant matutinam & vesp-

5. Præscribitur, ut ante Parentalem Ceremoniam *ey* præmittatur abstinencia à variis rebus.

Maritus luctis tempore vadit in vile cubiculum antierius, separatus ab uxore; rudi cannabe vestitur, duro lecto indormit, luteum frustum pro cervicali adhibet, cingulum non exuit. Uxor etiam in aliquo cubiculo separato degit, lecti siparia, culcitram, & alia ornamenta aufert, &c.

& vespertinam viventium Parentum refectionem. Lib. *Li ki* cap.

3.

5. Præfectus antequam Regem adeat, præmittit abstinenciam internam qua animum colligit, & externam qua abstinet à variis rebus. Habitat in anteriori aula, separatus ab uxore; corpus abluit. Lib. *Li ki* cap. 13.

Legatus idem servat antequam Regem alloquatur. Lib. *Ty* tom. 8.

Vir litteratus volens convenire Doctorem Memcium, præmittit similem abstinenciam. Lib. Memc. tom. 1.

Urbiū Præfecti dum in primo die anni, in Solstitio hiberno, in Natali Imperatoris solemniter illi apprecantur faustos & multos vitæ annos, debent abstinenciam præmittere. Lib. *Ta mun boei tien*, tom 75.

- Die Parentalem Ceremoniam *ey* præcedente, veritur locus, præ-
6. Die solemne civium convivium quod pro singulis urbibus præscribi-

parantur mensæ, & sedes, vasa omnia ordine disponuntur.

Pro solemnī autem Confucii Ceremonia in urbibus, ubi residet Prorex, ipsemet pridie probat tripudiantes, seu gesticulatores muscos, qui adesse debent. Pridie etiam in anterieus Confucii aulae atrium adducuntur pecudes; fit reverentia non versus pecudes, sed versus aulam, & tunc occiduntur. Nota tamen: illæ pecudes non seliguntur fuso in earum auriculas liquore, seu vino calido. Videatur liber *Ta mim boei tien*. Lib. *Kum miao ly yo kao*. Lib. *li ki*. Lib. *Ven hien tum kao*, & alii, in quibus nihil omnino de hac re habetur; quod etiam ipsa praxis probat.

scribitur, præcedente, mensas & sedes disponunt Ministri in posteriori gymnasi aula, sumptus ad epulas suppeditat urbis Gubernator. Sub auroram adducuntur pecudes & occiduntur; epulæ præparantur. Illæ pecudes eodem nomine, quo in Parentali Confucii vel Progenitorum Ceremoniæ, vocantur *Som*, id est, pecudes destinatæ ad aliquam solemnitatem; quod aliqui malè verterunt per nomen victimæ.

Die istud convivium præcedente, assessor Præsidis convivii etiam exercet & probat Ceremoniarum Ministros. Lib. *Ta mim boei tien* tom. 79.

Deinde dum Imperator solemnī Ritu excipiebat hospitem, ad aulae, in qua excipiebatur, portam seu atrium, pecudes adducebantur, ibique occidebantur, & reliqua fiebant sicut in Parentalibus Ceremoniis *cy*. Lib. *Cheu ly art*. *Ta su yo*.

Illam aulam jubebat prius emundari. Lib. *Ty ly* tom. 8.

Quin hodieque in China Tartari volentes hospiti facere convivium, adducunt ad illum pecudes vivas, & postea occidunt.

Legatus muneribus Regis quem adit, ad se missis, inter quæ sunt pecudes non solum mortuæ, sed etiam vivæ, re-

veren-

7. Ad retinendam antiquissimarū escarum memoriam, sanguis pecudis occisæ cum aliquot ejus pilis ponitur in scutella, eaque dumtaxat deponitur in mensa odorum ante Tabellam Confucii intra ejus aulam; id quod tamen jam non fit in Parentum defunctorum Cereemonia *cy*.

Sanguis, pili & carnes crudæ, inquit liber *Ven bientum kao* tom. 94. sunt appositio escarum, quibus homines antiquitus vescabantur; carnes autem coctæ, scilicet porcinæ, caninæ, bovinæ, ovinæ, sunt appositio escarum, quibus nunc homines vescuntur.

8. Postquam omnes, qui Parentali Cereemoniæ *cy* interesse debent, suum quique locum acceperunt, Tabellæ extrahuntur ex suis capsulis cum multa reverentia, vel relinquuntur, ut jam erant expositæ, sicuti fit in Confucii Cereemoniæ *cy*; & in hæc quidem dicitur excipi Spiritus seu Defunctus; non tamen invitatur, ut adsit, nec veniens cærtis Cereemoniis excipitur; sed tantum in majoribus urbibus cantantur versuum strophæ in ejus laudem

verentiam exhibet profunda capitis usque ad terram demissione. Lib. *Y ly* tom. 8.

7. Prisci Imperatores, cum nulus adhuc esset ignis usus ad coquendos cibos, crudas volucrum ac pecudum carnes comedebant, earum sanguinem potabant, pilosque carni inhaerentes, utpote qui extrahi penitus non poterant, unâ deglutiebant. Lib. *Li ki* cap. 9.

Unde illa appositio sanguinis & pilorum, est repræsentatio usus antiquissimi illius temporis. Sanguis apponitur, ut judicetur de bonitate interiori pecudis, significeturque occisæ, non ex morbo mortuæ, seu paratæ ad convivium; pili, ut judicetur de exteriori bonitate. Lib. *Li ki* cap. 9. Lib. *Xi kim* tom. *Siao ya*. Lib. *Y li* tom. 8. Lib. *Li ki* cap. 24.

8. Qui interfunt prædicto solemniori urbis convivio, suum quisque destinatum accipit locum; invitati hospites juxta ordinem ætatis, Præfetti juxta ordinem dignitatis. Præses convivii cum suis collegis, nempe urbis Gubernator, adventanti hospiti & ejus comitibus obviam it extra gymnasii portam, illum introducit, sedem offert cum repetitis utrimque corporum inflexionibus. Lib. *Tamim hœi sien* tom. 79.

tum cruda, tum cocta apponuntur.

unus porcus, erantque novem ollæ seu fercula. Apponebantur ante occidentales anterioris aulæ gradus.

Secundo, pecudes occisæ & non coctæ: duo boves, duæ oves vel capræ, duo porci; fiebátque duplex ordo septem ollarum seu ferculorum. Apponebantur ante orientales anterioris aulæ gradus. In ipsa autem aula multa dapum, leguminum, jusculorum fercula, vasa milio, orizâ, lobâ plena, vini pocula exponebantur.

Tertiò, pecudes vivæ: duo boves, duæ oves vel capræ, duo porci, qui ad portam exteriorem exponebantur, cum variis aliis donis. Legatus his Regis muneribus, ipsisque pecudibus vivis, profunda capitis usque ad terram demissione reverentiam exhibebat. Lib. *T/* tom. 8.

Deinde singulis trienniis in metropolibus, dum *Pu chim fu* seu Præfectus ærarii duos Examinatores Pekino missos ad præsidendum Licentiatorum examini, Proregem, militiæ Ducem, aliosque Magistratus & novos Licentiatos convivio excipit, frequentia hodieque apponi curat: Ante cujusque Examinatoris Regii mensam, in qua ipse comedit, aliæ sex mensæ, uti & ante mensam Proregis ac Ducis militiæ, hoc ordine apponuntur:

Prima

Prima mensa instructa est quinque fructuum generibus.

Secunda instructa est duobus grandibus discis, in quibus sunt octo serica volumina.

Tertia instructa est quinque discis, in quibus sunt hominum aliarumque rerum figura: ex saccharo confecta.

Quarta habet turriculam serico ornatam.

Quinta instructa est quatuor discis, in quorum primo est anser deplumis præter caudam, integer, crudus, recens. In secundo est anas & gallina deplumes, &c. ut anser. In tertio recens armus porci. In quarto recens armus capræ vel ovis.

Sexta instructa est quatuor discis, in quorum primo est anser evisceratus, siccus, non coctus. In secundo anas & gallina, ut anser. In tertio perna porcina non cocta. In quarto perna caprina vel ovina non cocta. Hic mensarum ordo in metropoli *Nancham* ab ipso emptore mihi traditus est.

In aliis solemnioribus conviviis similes mensæ, quæ vocantur *mensæ ad aspectum*, etiam apponuntur.

10. In solemnibus Ceremoniis Confucii, & Parentum defunctorum sunt Magistri Ceremo-

10. In prædicto solemnio urbis convivio sunt Ceremoniarum Magistri, qui alta voce hæc & simi-

niarum, qui ad singulos actus præmonent alta voce quid fieri debeat, perinde ac fit in solemnibus Sinarum conviviiis, aliisque solemnibus congressibus.

similia præmonent: Surgat talis, flectat genua, exhibeat reverentiam, sedeat, attollat calicem, offerat hospiti calicem, redeat ad locum, bibat, &c. Lib. *Ta mim boei tien* tom. 79. non dicunt tamen, *flectamus genua*, quia ipsi non flectunt, nec indecenter abutuntur voce *levate*, uti quidam Author in suo libro non satis appositè asseruit.

Habentur similes Magistri seu Præfecti Ceremoniarum in solemnitate, in qua primus pileus Adolescenti, & primus capitis ornatus, seu acus puellæ imponitur. Lib. *Kia ly* tom. 2. uti & in aliis passim solemnitatibus conviviiisque solemnioribus. Lib. *Ta mim boei tien* tom. 72.

11. In solemnī Confucii Ceremonia ꝑ præsentantur serica volumina.

11. Olim Rex mittendo epulas ad Legatum alterius Regis, primò per suum Præfectum illi offerebat serica volumina. Lib. *Ty* tom. 8. Et in mutuis muneribus semper serica volumina primò offeruntur.

In trienniali prædicto convivio pro Licentiatorum examine offeruntur in mensa serica volumina.

12. In Parentali Parentum & Confucii Ceremonia ꝑ, præsentatur ter scyphus vini, & ex eo tantillum in subjectam pelvim effunditur, vel in mensa tantum deponitur, Sinice *Cycien*, & liber

12. In prædicto urbis Convivio Assessors Præsidis convivii, primò attollit calicem vacuum; deinde Minister infundit vinum, & tradit calicem convivii præfidi. Hic

quidem *Ta mim boei sien* tom 91. pro Confucio præscribit tantum præsentare, Sinicè *Hien*.

In solemnibus Parentum defunctorum Ceremonia *cy*, antequam præsentetur ter vinum, ut dixi; accipitur vini scyphus, & totum vinum in terram, seu in subiectam pelvim effunditur; & hoc nunc vocant *Kiam xin*, seu demittere Spiritum; olim vocabatur *quon*, seu præsentare vel in terram vinum odoriferum effundere, aut humi scyphum istius vini odoriferi deponere. Ista Ceremonia *Kiam xin* non fit in Confucii Ritu.

Hic accepto calice, vadit ante hospitem, illumque humi super stercem deponit, & hoc vocatur *Ci sien*, id est, offerre seu deponere vini scyphum, non sacrificare, uti quidam verterunt vocem *cy*. Postea hinc & hinc multæ corporis usque ad terram inflexiones, dirigente semper omnes actus Ceremoniarum Præfector seu Magistro. Lib. *Ta mim boei sien* tom. 79. Lib. *Li ki* cap. 45. Lib. *Y hy* tom. 4.

Item dum Rex olim honorifice excipiebat Legatum, aulae Præfector infundebat vinum in calicem disco superpositum, & vinum quidem ex expressis herbarum odoriferarum succis confectum, quale adhibebatur in Parentalibus Ceremoniis *cy*. Deinde calicem Regi tradebat; Rex cum offerebat Legato. Legatus vini calicem cum disco supposito humi deponebat super stercem, idque vocabatur *Ci sien*, ut antè. Lib. *Y hy* tom. 8.

Similiter Adolescens dum primum pileum, & puella acum seu capitis ornatum solemniter accipiunt, oblatum vini calicem à Præfide Ceremoniarum humi deponunt super stercem, idque vocatur *Ci sien*. Lib. *Kia hy* tom.

2.

Reguli dum se invicem invidebant,

13. In solemnibus defunctorum Parentum Ceremonia præter fercula, quæ jam apposita sunt, alia propriis manibus præsentantur; in Confucii autem Ceremonia *cy* illa tantum prius apponuntur à Ministris, non propriis manibus præsentantur, multò minùs immolantur. Videatur Lib. *Ta mim hoet tien* tom. 21. Et praxis sic habet.

sebant, ille qui invisebatur, offerebat invisenti vinum odoriferum ex herbis bene fragrantibus confectum, & illud non bibebat; sed vel humi deponebat, vel in terram effundebat, Sinicè *Quon*. Illi in se invicem excipiendis spectabant virtutis odorem ac fragrantiam, non cupidiarum aut dapum saporem. Lib. *Li ki* cap. 10.

13. Dum Parentes vivunt, filii eis alimenta ministrant. Lib. *Li ki* cap. 25.

Reguli dum se invicem invisebant, offerebant tantum vinum odoriferum supradictum; quia in mutua illa visitatione unam spectabant virtutis fragrantiam, non escarum sapes. Lib. *Li ki* cap. 10.

Imperator tamen Regulis, Legatis, Consanguineis, Viris principibus non tantum vinum odoriferum, sed etiam bene olens carnis gingibere & cinnamo conditæ ferculum offerebat, quod accipiens hospes humi super stercem deponebat; idque etiam vocabatur *Cy*. Ista autem vini & carnis depositio super stercem fit ad ostendendum quanti hospes faciat offerentis munus. Lib. *Li ki* cap. 5. & 11.

Dum Imperator, inquit liber *Kum miao li jo kao*, honorificè Regu-

Regulum, ut hospitem excipit, illi vinum odoriferum offert, Sine *Quon*; Reguli dum se invicem excipiunt, vinum etiam istud, odoriferum offerunt. Deinde Imperator ad remunerandos Regulos de Imperio bene meritos, etiam vinum istud odoriferum adhibet. An igitur dumtaxat erga Confucium id posse fieri forte dubitabis? Lib. *Kum miao ly yo kao* tom. 3.

Adolescens dum accipit solemniter primum pileum, præses Ceremoniarum illi offert carnis siccatæ ac bene conditæ ferculum, quod accipiens, illud etiam humi super stercem deponit. Lib. *Kia ly* tom. 2.

14. In Parentali Ceremonia ex Parentum & Confucii, recitatur flexis genibus verborum formula (non oratio), qua Parentans suam mentem & intentionem significat. Pro Parentali Parentum Ceremonia hæc præscribitur in Lib. *Kia ly*: Obsequiosus abnepos N. palam audet Defunctis Majoribus hæc dicere: Anni ordo suas assidue mutat vices: nunc vernum tempus (vel æstivum, autumnale &c.) advenit. Dilabentis ergo anni tempore excitatus ad recordationem, longo vestrum desiderio teneor. Idcirco omni reverentia cum hac munda pe-

14. In solemnibus urbis convivio hæc verborum formula adhibetur: Veneremur Imperatorem, qui iuxta priscam normam sollicitè Ritus ac bonam disciplinam curando, iussit hanc convivalem civium solemnitatem celebrari. Lib. *Ta mun boei tien* tom. 79.

In solemnitate, in qua primus pileus Adolescentis capiti imponitur, Præses Ceremoniarum hanc verborum formulam recitat: Hujus felicitis mensis optimam horam tuam tandem tibi vestem impono; omni cum diligentia gravitatem ac modestiam serva; sedulam tuam virili virtuti operam nava; florenti ætate mille & mille an-

cude ove, vel capra, vel porco, cum hisce omnibus farinæ atque orizæ, ceterarumque rerum ferculis, cum hoc puro vino statim annui obsequii munus vobis submissè exhibeo, uti & consanguineis N. N. quos vobis mensæ comites adjungo. Id penè gratum habebitis.

Pro Confucii autem Ceremonia, hæc præscripta est à Tribunali Rituum, & ubique in usu: Tua virtus, Magister, cælo terræque æquatur; tua doctrina novis & antiquis (id est, Sinenfibus) præcellit; in sex libris classicis expurgandis atque explicandis omnia futura sæcula illustrasti. Idcirco hoc secundo Veris (vel Autumnus) mense, adhibendo istas pecudes, ista serica volumina, istud vinum, istas dapes, ista omnia ferculorum genera omni cum reverentia juxta veterem normam ordinatim tibi apponimus mundam muneris exhibitionem, tibi que comites adjungimus discipulum *Ten tsu*, verum Magistri exemplar; Discipulum *Tsem tsu*, genuinum Magistri interpretem; nepotem *Tsu su tsu*, studiosum Avi doctrinæ propagatorem; & *Mem tsu*, alterum à te *Xim* seu sapientem. Id penè gratum habebis.

nos vive; longaque ac magna felicitate perfrue. Tum flexis genibus pileum ipse Adolescenti imponit. Lib. *Kia ly* tom. 1.

Item in solemnitate, in qua acus seu capitis ornatus puellæ imponitur, Præses Ceremoniarum hanc etiam formulam recitat: Hujus felicis mensis optimâ die induc tandem primum tuum habitum; exue puerilis ætatis mentem ac sensa; virtutis tuæ perfectioni obsequenter & prosperè stude; longissimam vitam feliciter age; ad magnam & excellentem felicitatem. Lib. *Kia ly* tom. 2.

Dum olim fiebant convivis, mos erat decantare versuum strophas, quibus plenus est tomus 2. libri classici Carminum, Lib. *Xi kim* tom. *Siao ya*.

Impo-

Hæc formula in Parentum & in Confucii Ceremonia *cy*, est unica, in eaque nec oratio nec petitio ulla habetur. Dum autem adhibentur, ut suprà dictum est, tripudiantes, seu gesticulatores Musici in Confucii Ceremonia; tunc hi decantant aliquot versuum strophas in ejus laudem quasi esset præsens; in quibus tamen nec umbra ullius petitionis vel orationis etiam apparet. Videatur Lib. *Ta mim hoei tien*. tom. 91.

15. Dum fit Confucio Ceremonia *cy*, Confucius vocatur *Cbi xim*, id est, summè excellens sive in moribus, sive in doctrina.

15. Imperator Sinenfis vocatur *Xim chu*, id est, excellens Dominus; ejus decreta, vocantur *Xim chi*; ejus sapientia, *Xim ju*; ejus beneficia, *Xim ngen*; ejus curulis, *Xim kia*; ejus perspicacia, *Xim kien*; ejus determinatio, *Xim tsay*; ejus imperium seu regnum, *Xim chao*; ejus persona, *Xim kum*; ejus intelligentia, *Xim mim*; ejus jussum, *Xim yu*; ejus virtus, *Xim te*; ejus vita, *Xim xeu*. Lib. *Tseu fou*. Lib. *Ta mim hoei tien* tom. 73.

Imperatricis natalis dies vocatur *Xim tan*. Lib. *Ta mim hoei tien* tom. 43.

Rex Tunikinenfis vocatur *Xim Ti*, Rector seu Rex excellens.

Qui omnia ritè intelligit, vocatur

16. In Parentali Progenitorum (non Confucii) Ceremonia *cy*, postquam vini scyphus ter præsentatus est, exitur, ac paulisper quiescitur, seu expectatur; & hoc vocatur exhortatio ad epulas.

17. Sub finem Parentalis Ceremoniæ *cy* præscribitur, ut bibatur vinum faustitatis, & excipiat ferculum carnis vel alterius escæ præsentatæ; & ut Lector nomine, non merito, defunctorum Parentum bene apprecetur liberis. Sed hæc apprecatoria Lectoris formula non est amplius in usu, nec jam vinum faustitatis bibitur. Nec escæ præsentatæ ferculum excipitur, ut ait Doctor *Lieu cham*; sed vinum & escæ appositæ seu præsentatæ tantummodo distribuuntur inter consanguineos. In solemniori tamen Ceremonia *cy* Confucii, Præses hodièquæ vini scyphum ad labia admovet, & carnis ferculum accipit; sed absque ulla verborum appreciatione, ac multò minùs absque ulla oratione aut petitione; nec adstantibus, ante-

catur *Xim*. Lib. *Xu kim* tom. 4. L. b. *Lun ju* art. 9.

Qui excellentiore perfectione in iis rebus, quæ quotidie occurrunt, præstat, vocatur *Xim* &c. Lib. *Sim li piao ti* tom. 3.

16. Olim in Parentali Ceremonia *cy*, primò filius, deinde nurus, postea consanguinei vinum ter offerebant, & epulas apponebant Puero defunctum Patrem representanti; eumque exhortabantur ad comedendum. Lib. *Li ki* cap. 13.

17. Parentali Ceremoniâ *cy* peractâ filius reliquias comedit; uti & alii consanguinei. Deinde harum esus est etiam quoddam beneficentiæ ac liberalitatis genus, quod nempe filii à Parentibus, & & Præfecti litterati à Magistro suo Confucio accipiunt. Lib. *Li ki* cap. 25. Lib. *Kiaty* tom. 7.

Deinde olim Puellus, qui Parentes defunctos representabat, jubebat Lectorem illam apprecatoriam formulam recitare; jam verò cum Puellus non adhibeatur, ipse Lector eam recitat, quasi Parens filiis ac nepotibus bene apprecaretur. Lib. *Li ki* cap. 7. Lib. *Xi kim* tom. *Siao ja*. Sic & peractâ Parentali Ceremonia *cy*, Pater & Materfamilias sedent in medio aulae, atque illis filii, nurus, nepotes, alique Posteriores & Consanguinei

quam dimittantur, felicitates promittuntur. Solummodò ultima versuum strophæ, quæ interdum, ut dixi, à tripudiantibus decantatur more aliorum ejusmodi versuum in libro *Xi xim* passim occurrentium, qui inter epulas recitari solebant, exoptatur ut multam felicitatem recipiant.

sanguinei eadem exhibent, quas Defunctis exhibuerant, corporis inclinationes ac demissiones. Deinde horum unus natu grandior, flexis genibus, vini scyphum illis offert, interea dum Lector hanc verborum formulam recitat: Quandoquidem Parentalis Ritus opus sit peractum, Majorésque defuncti gratum munus habuerint, submissè exoptamus, Parentes venerandi, ut quintuplicem felicitatem perfectè recipiatis, totamque nostram familiam protegatis, ac rectè componatis. His lectis, vini scyphum tradit famulo, & famulus eum apponit ante Patrem & Matrem familias, moxque ille surgens, exhibet reverentiam, & in locum redit, ubi cum aliis omnibus Consanguineis unam leviolem, & quatuor profundiores corporis inclinationes eis exhibet, nempe omninò ut sit Defunctis. Tum Paterfamilias: Quandoquidem, inquit, parentalis Ritus opus sit peractum, quintuplicis felicitatis bonum vobis omnibus commune facio. Quo dicto, rursus iterum corporis inflexiones. Deinde viri in exteriore, mulieres in interiore aula presentatas dapes, seu peracti convivii reli-

17. In fine Ceremoniæ ꝑ Parentum defunctorum fit profunda reverentia Tabellæ, quasi valediceretur Spiritui, seu Defuncto; & postea Tabella in suam capsulam seu loculamentum reportatur, quasi ille deduceretur. Dicitur excipi Spiritus, ait liber *Ven bien tum* 440 tom. 96., quasi videretur venire, idemque dicitur deduci, quasi videretur abire.

Quoad Confucii autem Ceremoniam, nec in fine, nec in initio Tabella movetur; & quamvis dicatur deduci Spiritus, ut supra; non tamen certis verborum formulis deducitur; sed quandoque tantum, uti jam sæpius dictum est, cantatur versuum strophæ, quæ illum tamquam ab unum spectat. Videatur *Ta mim boei tien* tom. 91.

19. In principio Ceremoniæ ꝑ Confucii, supradicta scutella sanguinis cum pilis, in foveam

quias comedunt, & bibunt. Lib. *Kia ly* tom. 7.

Pari modo in solemnitate, in qua Adolescenti primus pileus, & puellæ primus capitis ornatus imponitur, Præfectus Ceremoniarum illis apprecatur longissimam vitam, maximam felicitatem, & omne prosperitatis genus. Lib. *Kia ly* tom. 2.

18. Olim peractâ Parentali Ceremonia ꝑ, Puer qui representabat Spiritum seu Defunctum, honorificè deducebatur, illique valedicebatur. Lib. *Xi kim* tom. *Siao ya*, Lib. *Y ly* cap. 17.

Item peractô solemnî urbis convivio, hospes primarius cum suis comitibus honorificè deducitur usque ad portam à Præsede convivii, & aliis. Lib. *Ta min boei tien* tom. 79.

Deinde in omnibus aliis honestis congressibus Sinicis, ista urbanitas semper servatur. Lib. *Y ly*.

19. Si Magistri cithara aut liber in via occurrant, caveat discipulus nè gradiendo ea inurbaniter

projicitur; & in fine, verborum formulæ scheda atque præsentata serica supra eandem foveam cremantur.

In Parentum defunctorum Ceremonia 27, verborum formulæ scheda etiam crematur.

niter transiliat; sed flexis genibus ea recipiat, alióque transferat.

Filii non audent uti Parentum scutellis, ollis, poculis, aliisque vasis, nisi ad comedendum & bibendum reliquias.

Deinde nec patris defuncti libris, quia paternæ manûs vestigia; nec Matris defunctæ scyphis, quia materni oris halitus in eis remanent, uti audent. Lib. *Siao hio* cap. 2.

Hinc prisci Imperatores quoddam sericum volumen cum honoraria tessera Parentibus defunctis præsentatum, quo tamquam Parentum jussu, iter agentes, utebantur, domum reversi defodiebant, ne illud contemptui haberetur, & ut ostenderent quanti facerent Parentum jussu. Lib. *Li ki* cap. 7.

Nec arbores, quibus Parentum sepulchra adumbrantur, audet filius refecare, nè videatur illos vilipendere. Lib. *Li ki* cap. 2.

20. Præfeti litterarum aliquando Præsentant quædam legumina in Confucii Parentali palæstra.

20. Olim dum discipulus Magistrum suum invisebat, pro munere ei legumina offerebat; idcirco dum quis scholam ingreditur, legumina pro munere priscis Magistris præsentat. Lib. *Yen hien tum kao* tom. 43.

Ista legumina , inquit liber
Kum miao ly yo kao , Confucio
 præsentata significant inunus ,
 quod quis offerre solet, dum ali-
 quem invisit. Lib. *Kum miao ly*
yo kao tom. 1.

Iste Confucius sic olim dice-
 bat: Quicumque ad me venit ut
 instruat , quamvis levissimum
 dumtaxat carnis exsiccatae mu-
 nus mihi afferat, nullus est, quem
 ego diligenter non instruo. Lib.
Lun yn artic. 7.

21. Novi Baccalaurei, qui singu-
 lis trienniis creantur , die assi-
 gnato deducuntur ab urbis Gu-
 bernatore cum instrumentis mu-
 sicis ad ingrediendam urbis
 scholam, sive ad Præfetti lit-
 terarum domum, ubi est Confu-
 cii Parentalis palæstra. In hac
 quater profundam reverentiam
 exhibent coram Confucii Ta-
 bella ; & traduntur littera-
 rum Præfecto ut Magistro. Id
 lege statutum est.

22. Novi disciplinæ civilis (non
 militaris) Præfetti triduo post
 aditam sui officii dignitatem eunt

21. Mos est , ut Pater deducat
 filios ad scholam , & eos tradat
 Magistro instituendos. In Chi-
 na urbis Gubernator repræsen-
 tat Patrem; exigit autem urbani-
 tas, ut Discipuli reverentiam ex-
 hibcant Magistro sui Magistri,
 id est , Confucio. Sic ab ipsis Si-
 nis acceptum.

22. Baccalaurei sunt dignitatum
 Candidati ; ideò eorum ingeni-
 um, doctrina, mores diligenter
 inspi-

etiam ad Parentalem Confucii palæstram, ubi excipiuntur à Baccalaureis (non Licentiatīs, neque à Doctoribus, ad quos hoc nihil attinet); quaterque coram ejus Tabella profundam reverentiam exhibent, & quandoque odorarios bacillos ardentes in vase cineribus pleno infigunt. Deinde in aula posteriori Baccalaurei coram illis aliquot suorum librorum classicorum sententias explicant; postea disceditur. Id lege etiam statutum est.

23. Urbium Præfecti (non militiæ, nec alii) primo, & quinto decimo die cujusque mensis cum solis suis Officialibus (non cum Baccalaureis, præter duos ceremoniarum Magistros, qui sunt Baccalaurei) adeunt Parentalem Confucii palæstram, & quater, ut supra, reverentiam exhibent. Liber tamen *Ta mim boei tien* tom. 78. etiam præscribit, ut tunc adiant Baccalaurei congregati in prædicta posteriori aula, & explicent ibi suos libros.

Fortasse sic olim.

Varii alii particulares Ritus erga Mortuos hic non referuntur, vel quia nunc in defuetudinem abiērunt, ut Ritus *Hin*, seu Ritus illinendi Parentales Regum (non aliorum) domus, & præcipua ejus vasa cum sanguine animalium; vel quia in supradictis includuntur, ut appositio ciborum ad sepulchra Parentum; vel quia in raris tantum occasionibus adhibiti fuerunt, ut Ceremonia *cy*, quam Liber *Kia ty* præscribit tum pro antiquioribus, tum pro primis Familiæ Avis, vel primis hominum Avis,

H h

Sinicè

inspiciuntur, ut adepti Magistratum possint & alios bene regere, & aliis bono exemplo esse. Fit autem prius Confucio reverentia, quia ipse habetur præcipuus & rectæ disciplinæ & boni regiminis Magister. Sic etiam ab ipsis Sinis acceptum.

23. Sinici Præfecti inferiores unoquoque quinto, & unoquoque decimo cujusque mensis die adeunt publicam suorum Superiorum domum tum honoris, tum iussu capeffendi ergo, uti & alii Præfecti Imperiale palatiū. Hinc isti urbium Præfecti, velut discipuli, ad patefaciendam suam erga Confucium rectæ disciplinæ & boni regiminis Magistrum observantiam, adeunt ejus Parentalem palæstram. Sic à Sinis acceptum; & praxis communis.


Sinicè *Xi tson & Sien tson*, vel ut alii scribunt, *Xi chu*, & *Sien chu*, in qua animalis pinguedo loco suffitus adhibetur. Nunc hanc utramque non fieri expressè ait Liber *Sim li ta tuien* tom. 21. & utraque inventa fuit à Doctore *Chim y chuen* sub Imperio *Sum*.

Deinde illi herbarum fasciculi *Mao xa*, in quos dicitur effundi vinum ad demittendum Spiritum, Sinicè *Kiam xin*, etiam passim nunc non adhibentur; imò istæ herbæ inventu difficiles; sed vinum vel in terram vel potius in pelvim suppositam tantum effunditur; vel etiam sine effusione scyphus tantummodo apponitur, seu præsentatur super mensam; uti fieri solet in Confucii solemnī Ceremonia *cy*.

Ceterum ista omnia, & alia in superiori Tractatu fusiùs examinantur ac dilucidantur, quæ propter brevitatē hîc omittuntur.

Omittitur etiam hîc jactio sortium, quarum faciendarum modus describitur in libro *Kia ly*; quia idem liber ibidem monet illam posse omitti. Idemque liber irridet eos, qui cremant monetas papyraceas ad juvandas animas.

Vestes autem, quæ & in Confucii, & in Parentum Ceremonia *cy* nunc adhibentur, sunt vel aulicæ, vel communes & honestæ. Imò olim, ut habet Liber *Ty* tom. 8. & Liber *Li ki* cap. 11. præscriptum erat, ut Præfecti primarii in Ceremoniis *cy* uterentur vestibus suis aulicis; adeoque non magis speciali Ritu fieri debebant, quàm aliæ, quarum omnium forma ac materia fusè præscribitur in Lib. *Ta mim tsei sien* tom. 60. & 61. Vide Tract. 3. de Ethica Sincensī Parag. 2. Cap. 2. Sect. 2. de possessionibus mobilibus.





TRACTATUS III.

De Ethica Sinensi.

PROOEMIUM.



Inæ, ut antiqui sapientes, absque præceptorum methodo Philosophantur; rem, non artem dicunt. Apud illos nulla Logica artificialis, sola naturalis; Physicam per sensum allegoricum sapè morali immiscent. Materia prima juxta quosdam illorum Authores, est primigenius aër, cujus pars subtilior, purior ac levior formando cælo seu rebus cælestibus; crassior, impurior, ac gravior formandæ terræ, seu rebus terrestribus inservit; (Chaos nempe informe, juxta ea quæ dixi in Tract. primo de Cognitione primi Entis Cap. 2. Quæst. 3.) Ista igitur aëris tenuissima substantia, vel ista aërea corpuscula sunt materia, ex qua rerum corpora tum animata, tum inanimata constantur (A). Substantialis rerum forma est ratio essentialis, quæ perficit materiam primam (B). Causa efficiens universalis est Cælum, de quo in eodem primo Tractatu; id est, vel Cælum immateriale seu DEUS, si agatur de Causa prima Universalis; vel cælum materiale, si agatur de causa secunda universalis; vel potius universalis Virtus supremi Domini *Xam Ti*, (nempe Divina potentia) in cælo ac terra residens, quæ per alternantem motus *Tam*, & quietis *In* vicissitudinem, ac per quinque elementariorum principiorum aquæ, ignis, ligni, metalli, terræ (hæc quinque Sinæ vocant

A

ele-

elementaria principia, eaque penè omnibus rebus etiam moralibus per tropum accommodant) producit omnes mundi res corporeas (C). Causa finalis est cujusque rei perfectio, ad cuius consecutionem naturali quadam propensione ipsa tendit (D). Atque hæc sunt juxta Sinas quatuor universalia corporis Physici Principia.

Agunt etiam de cælo, de ejus motibus, de instrumentis mathematicis ad deprehendendos motus cælestes, de constellationibus, de stellis, de 5. planetis minoribus & earum conjunctionibus, de sole, de luna, & earum eclipsibus, de variis phœnomenis, de cometis, de iride, &c. (E).

De Anima quid sentiant, infra dicemus.

Quod attinet ad Metaphysicam, videntur etiam aliquid de ea insinuare, dum omnia ultimatè reducant ad Rationem generalissime sumptam; illamque sic sumptam dicunt esse unam, esse veram, esse bonam; nempe illam generalissimam Rationem, seu illud Ens generalissimè sumptum & à materia abstractum, habere metaphysicas Entis proprietates, quæ sunt unitas, veritas, bonitas transcendentalis (E). De Ente increato, & Intelligentiis quid sentiant, jam fusè vidimus in Tract. 1. de Cognitione primi Entis Cap. 1. & 2.

Sed longior forem, si totam Sinicam vellem perlustrare Philosophiam; hæc pauca generatim indicasse sufficiat. Nunc ad Ethicam, quæ est præcipua apud Sinas scientia, pergo.

Sinæ, uti Aristoteles, suam Ethicam dividunt in *Monasticam*, quæ dirigit hominem ut privatam personam in ordine ad bonum suum privatum; in *Oeconomicam*, quæ dirigit hominem ut membrum Familiæ in ordine ad bonum domesticum; & in *Politicam*, quæ dirigit hominem ut partem regni in ordine ad bonum publicum; atque ita considerabimus Ethicam Sinicam cum respectu ad Ethicam Aristotelicam, Ethicam Sinarum Infidelium cum respectu ad Ethicam Aristotelis Infidelis. Sed magnopere

gnoperè animadvertendum est, quòd Sinae multum differant ab Aristotele in modo tradendi illas tres Ethicæ partes; Sinae enim illas tres partes sine ordine, sine methodo, & per solas sententias, dum se offert occasio, tantummodò tractant. Unde sat difficile fuit omnes istas scopas dissipatas ad hunc Aristotelicum ordinem redigere.

Textus Librorum.

A. 1. Liber *Cheu ye chin kiay*, seu vera libri mutationum ac productionum expositio tom. 22. cap. *Siu qua chuen xam* sic habet: Dum *Tay kie*, seu primus Terminus vel Natura indistinctè spectatur, (nempe in Tabula ænigmatica *otto symbolorum*, sinicè *Pa qua* Libri *Ye kim*, cujus Tabulæ Caput est *Tay kie*, velut summum prædicamenti genus) tunc non habetur cæli ac terræ divisio; cum autem hic primus Terminus causat motum, tunc producitur seu resultat modus *Yam*, (hic modus *Yam* in dicta Tabula repræsentatur per lineolam continuam sic —), modique *Yam* aer levior, purior, subtilior ascendit ac distenditur; atque hinc habetur cælum. Cum causat quietem, tunc producitur seu resultat modus *Yn*, (hic modus *Yn* repræsentatur in eadem Tabula per lineolam discretam sic —) modique *Yn* aer gravior, impurior, crassior descendit ac coalescit; atque hinc habetur terra. Postea ex subtili & arcana hujus duplicis aeris (nempe cælestis & terrestris) conjunctione ac concursu omnes causæ materiales tum insensibiles, tum sensibiles emanant; & hoc est, quod cælum ac terra dicitur omnium rerum Pater & Mater.

A. 2. Lib. *Ge kiam ye kim* tom. 18. seu ultimo sic: ex divisione *Tay kie*, id est, primi Terminii seu Naturæ, (quæ est summum genus in categoria seu Tabula ænigmatica Libri *Ye Kim*) nascuntur duæ figuræ *Y*, (id est, duæ lineolæ; altera continua repræsentans unitatem; altera discreta repræsentans binari-

A 2

tatem;)

tatem;) ex motu (scilicet *Tay Kie*) nascitur modus *Yam*, & hinc fit Cælum; ex quiete nascitur modus *Yn*, & hinc fit terra. Postea ex subtili & arcana utriusque aëris seu vitalis auræ (nempe cælestis & terrestris) conjunctione omnia generantur. Habito aëre ad formandum corpus, tunc & ratio illi inditur; atque hoc est quod cælum ac terra sit omnium rerum Pater & Mater.

- B. 3. Lib. *Su xu mum yn*, seu quatuor librorum classicorum facilis explanatio, tom. 1. in librum *Ta Hio*, in proœmio sic ait : Dum consideratur Ratio, prout opponitur auræ vitali & materiæ fundamentalis; tunc aura vitalis cum materia fundamentalis est quid plenum seu sensibile, & Ratio est quid vacuum seu insensibile; dum consideratur aura vitalis, prout opponitur materiæ fundamentalis; tunc materia fundamentalis est quid plenum seu sensibile, & aura vitalis est quid vacuum seu insensibile. Vacuum semper recipitur in pleno; Ratio enim non confunditur cum aura vitali & materia fundamentalis; nec vitalis aura multò minùs confunditur cum materia fundamentalis; sed auram vitalem ac materiam fundamentalem unit Ratio, & ipsa aura vitalis coadunat materiam fundamentalem.
- B. Item Lib. magnus Commentarius in Libr. *Xi Kim* seu Carminum tom. *Ta ya*, odâ *Chim min*, sic : Omnes isti populi à Cælo producti, & constant corpore quod est materia, & accipiunt rationem, seu naturam rationalem, quæ est forma.
- C. 4. Lib. *Su xu mum yn*, tom. 1. in Lib. *Ta hio*, in proœmio sic : Atque hoc est quod verè dicitur: Cælum per motum *Yam* & quietem *Yn*, perque primaria quinque Principia Universalis producit omnes res. Ubi aër seu aërea materia habetur ad corporis compositionem, tunc & ratio illi inditur.
- C. 5. Lib. *Sim li ta ciuen* seu de Natura & Ratione magnus Commentarius, tom. 1. cap. *Tay Kie* sic : Supremi Cæli operatio vel
res

res, voce & odore expers, sive sensu imperceptibilis, est verè omnium productionum cardo, & omnium specierum origo.

- C. 6. Lib. *Sim li piao ti*, seu brevis expositio Naturæ & Rationis, tom. 1. cap. *Tay Kie* sic: Dum *Tay Kie*, seu Natura vel primus Terminus spectatur quatenus dividitur in motum *Yam* & quietem *In*; & motus *Yam* ac quies *In*, quatenus dividuntur in quinque primaria Principia, & quinque primaria Principia quatenus dividuntur in quatuor anni tempestates, tunc indicatur *Tay Kie* quatenus est rerum Effector.

- C. 7. Lib. *Siao bio*, seu Parvulorum doctrina, cap. 1. Interpres ad hunc Libri *Chum Tum* textum: *Celi lex dicitur natura*, sic ait: Cælum per quietem *In* & motum *Yam* ac per quinque elementaria Principia efficiens & producens omnes res, utitur aëre, seu aërea vel sensibili materia ad efformandum earum corpus aut figuram visibilem, simulque eis indit rationem.

- D. 8. Lib. *Chou ye chin kiay* tom. 1. symbolo *Kien qua*, sic: Virtus primitiva seu magna, est illa, quæ res incipiunt produci; communicativa, quæ res augescunt seu crescunt; directiva, quæ res in fructum tendunt; perfectiva, quæ res fructus perfectionem acquirunt.

- E. 9. Lib. *Ven bien tum kao*, seu universalis inquisitio priscorum tum librorum tum Sapientum, tom. 278. agit de omnibus stellis, earum nominibus, locis, declinationibus, ascensionibus, &c. Tomo 279. agit de 28. constellationibus Zodiaci sinici. Tom. 280. agit de 12. signis cælestibus, quæ sol & luna percurrunt; luna uno mense, sol uno anno. Agit de via lactea; de sole, luna, & quinque minoribus planetis. Tom. 281. de variis meteoris. Tom. 282. de solis eclipsibus ab Imperio Familix *Chou* usque ad Imperium Familix *Han*. Tom. 283. de iisdem eclipsibus usque ad Imperium Familix *Sum*. Tom. 284. de variis & extraordinariis solis phœnomenis. Tom. 285. de lunæ eclipsibus & variis ejus phœnomenis. Tom. 286. de

cometis. Tom. 287. 288. 289. 290. de vario concursu, occurſu, eclipsi lunæ cum quinque planetis, & quinque planetarum inter se ab Imperio Familiæ *Cin* usque ad Imperatorem *Nim Tsun* Familiæ *Sum*. Tom. 291. & 292. de variis stellis, de stellis cadentibus, aliisque phœnomenis cæli ab Imperio Familiæ *Cheu* usque ad eundem Imperatorem *Nim Tsun*. Tom. 293. de quinque minoribus planetis, aliisque stellis quæ interdum visæ sunt; quo anno ac mense. Tom. 294. de extraordinariis apparitionibus stellarum, & Iridis.

- E. 10. Lib. *Xu Kim* seu liber Annalium Imperialium, tom. 1. cap. *Yao tien*, sic dicitur: tunc Imperator *Yao* duobus Præfectis *Hi* & *Ho* hæc injunxit: vos diligenter curate, ut ea, quæ ad soles, lunæ, planetarum & stellarum motus, & ad instrumenta pro his observandis pertinent, vasto cælo planè correspondant. Et Capite sequenti *Xun tien* sic etiam ait: Imperator *Xun* examinavit sphœram armillarem, aliâque instrumenta mathematica suis tubis instructa, ad ritè coaptandos cælo septem planetarum motus.

- F. II. Lib. *Sim li ta ciuen gwey yao*, seu selecta magni Commentarii de Natura & Ratione, tom. 8. art. *Tay Kie* sic: *Tay Kie*, inquit Doct̃or *Chu hi*, id est ratio; motus & quies, id est ær seu aura vitalis. Dum aura vitalis agit, etiam ratio agit; hæc duo sibi invicem cohererent, nec à se invicem separantur. Doct̃or autem *Chin* ex *Si xan* oriundus: unaquæque res, inquit, suam propriam habet rationem (nempe essentialem), & omnes simul ab unica origine procedunt; ideo *Tay Kie* dicitur unica omnium rerum origo. *Tay Kie* est vocabulum, quod omnium rerum rationes comprehendit *Tay Kie* non est quædam res constans ex figura & corpore seu materia; sed est summa Ratio, seu Rationis apex.

Idem Liber tom. 2. artic. *Chim xam* sic: Quod est summè verum, vanòque expers, dicitur *Chim*, hoc est vera ratio quam

quam Cælum indit, & res recipiunt; illam quidem omnes homines habent; sed cur vir sapiens ac excellens sit sapiens ac excellens, non est aliud nisi quod ipse singulariter eam perficiat. *Chim* est id, quod dicitur *Tay Kie*. quod Cælum indit, ac res seu creaturæ recipiunt, est ipsa naturalis vera ratio, sine ulla mali admixtione.

Idem Lib. tom. 8. art. *Tien Ti* sic: Cæli ac terræ virtus est Vacuum; Vacuum autem seu incorporeum est summa Bonitas. Deinde alibi istud Vacuum dicit esse Rationem. Multa similia habentur in variis ejusdem libri locis.

F. 14. Lib. *Chum Tum* seu immutabile Medium artic. 25. sic: Veritas est principium & finis omnium rerum; & res quæ veritate caret, jam non est res; (v. gr. amor, addit Interpretes *Cham kiu chim*, obedientia, fidelitas si veritate careant, jam nec amor, nec obedientia, nec fidelitas esse censentur); idcirco quod in omni re vir sapiens magni æstimat ac spectat, est veritas. Idem Liber in eodem artic. 25. uti & in 20. 21. 26. multa adhuc similia dicit de veritate.

F. 3. Lib. Rit. tom. 4. cap. 9. *Ly ynn* sic: Ritus honestatis fundantur in prima seu suprema veritate.

F. 4. Lib. *Su xu mum yn* tom. 15. sic: Hic per primum Vacuum intelligitur Ratio. Idem liber ibidem, & in aliis tomis multa differit de ratione, veritate, bonitate, &c.

PARS



PARS PRIMA.

Ethica Monastica.

Ethica Monastica versatur circa actiones humanas, quatenus homo est persona privata. Istarum igitur actionum humanarum examinabimus aut inquiremus, primò Principia finalia; secundò Principia effectiva; tertio Principia coeffectiva; quartò Proprietates; quinto Species. Itaque

CAPUT I.

De Principiis finalibus humanarum actionum.

Prinicipia finalia sunt finis & beatitudo. Finis & beatitudo sunt bonum relativum. De his ergo tribus ordine dicamus.

SECTIO I.

De Bono.

Bonum aliud absolutum, aliud relativum. Bonum relativum juxta Sinas definitur, id quod potest appeti; seu est quid appetibile ac desiderabile; Malum enim quò malum non potest appeti (A). & istud Bonum consistit in convenientia ac conformitate, quam habet cum Cæli lege, & hominis corde (B).

Bonum juxta Aristotelem Lib.1. magn. Moral. sumitur diversimodè, illudq; sic dividit: Primò in Bonum per essentiam seu Bonum bonitate ab alio non acceptà, ut Deus; & in Bonum per participationè, seu Bonum bonitate ab alio derivatà, ut omnis Creatura. Secundò in facultates seu Bona fortunæ ad bonum vel malum usum indifferentia, ut honores, divitiæ, &c. Tertio in Bona laudabilia, ut virtutes. Quartò in Bona honorabilia, seu Bona propter se tantum expetenda, ut beatitudo objectiva.

Jam verò Sinæ sic etiam diversimodè de Bono differunt.

Primò juxta illos, Cælum seu cæli Dominus est primum ac supremum

num Bonum; Cæli enim via caret omni iniquitate, estque semper rationi & æquitati conjuncta (C). proh! quàm magnum, inquit, est Cælum! ejus rectitudo, æquitas, fortitudo, constantia est longè purissima, integerrima, perfectissima (D). Deinde ab illa supremâ & absolutâ bonitate, quæ sæpe vocatur Cæli lex aut Ratio, derivatur & infunditur in homine natura rationalis, virtutum seminibus fecunda (E). Hæc natura rationalis prout infunditur aut derivatur, uti optimè probat Memcius, est bona (F); nempe habet bonitatem derivatam ac participatam.

Secundò opes, honor, fama sunt quidem Bona fortunæ; sed hæc Bona sunt tantum id, quo jubemur bene agere seu Bonum exercere; ad hunc enim finem à Cælo dantur (G).

Tertiò virtus est etiam Bonum: Virtus enim est generale Boni nomen; & Bonum, est verum virtutis opus. (H.)

Quartò denique summa perfectio, in qua animus hominis quiescit ac sistit, est ultimum Bonum. (I.)

Hæc omnia videntur satis cohærere cum Aristotelis doctrina de Bono. Nunc de fine.

Textus Librorum.

- A. 1. Lib. 2. Memcii cap. 8. *Cin sin hia* sic ait: Id quod potest appeti, dicitur Bonum. Deinde Interpres *Chu bi*; quod est bonum, inquit, communis ratio dicat id esse appetibile; quod est malum, id esse odibile.
- B. 2. Lib. *Su xa che kjay*, seu Interpres *Cham kju chim* tom. 26. ad eundem textum sic: Siquis in componendis suis moribus se conformet Cæli rationi & hominis cordi, spectando dumtaxat id quod est appetibile, & non id quod est odibile, potes inde intelligere ac scire vera cum bonitate pollere, & malitiâ carere.
- C. 3. Lib. Rituum tom. 9. cap. 32. *Piao kj*, sic Interpres *Chin hao*: Cæli via, inquit Doctor *Liu*, ab omni iniquitate immunis, semper rationi & æquitati cohæret. Princeps ad gerendum vicarium Cæli regimen, quo omnes istos populos regat, debet unam tantum Cæli rationem, & æquitatem sibi proponere. Cæli ordo, Cæli dispositio, Cæli lex, Cæli ultio, hæc omnia sunt ipsam Cælum.

B

D. 4.

- D. 4. Lib. *Ye Kim*, ſeu mutat. ac product. in ſymbolo *Kien qua* ſic: proh! quàm magnam eſt, &c. ut ſuprà in contextu.
- E. 5. Lib. *Ge kiam ſu xu*, ſeu quotidiana quatuor librorum clafficorum explicatio ab hoc Imperatore *Kam hi* in lucem edita, tom. 2. in Librum *Chum Tum* art. 1. ſic: Cælum produciens hominem, poſtquam aërem ſeu materiam ſenſibilem ei dedit ad corporis compoſitionem, tunc ei rationem infundit ad conſtituendam naturam, nempe rationalem. Idcirco Natura ſeu Ratio quatenus in Cælo exiſtit, dicitur virtus magna ſeu prima, communicativa, directiva, perfectiva; & ab hac quatuor anni tempeſtates, quinque primaria rerum naturalium Principia univerſalia, omnes rerum ſpecies, omnes rerum mutationes ac productiones profluunt. Quatenus in homine exiſtit, dicitur congenita pietas, æquitas, honeſtas, intelligentia; & in hac quadruplex naturalis affectus miſericordiæ, verecundiæ, reverentiæ, rectitudinis; quintuplex humanæ conditionis ordo, omnes hominis res & actiones concluduntur. Hujus rationis infuſio ac receptio eſt inſtar legis aut præcepti à Cælo impoſiti; atque hoc eſt, quod vocatur ratio naturæ infuſa.
- F. 6. Lib. 2. Memcii cap. 5. *Kao ſu xam* ſic Interpres *Cham kiu chim* tom. 2. 3.: Ingenita naturæ rationalis bonitas ad virtutem ſequendam, eſt ita illi propria, ſicut gravitas aquæ eſt illi propria ad currendum deorſum. Nullus eſt enim, qui ex ſuæ naturæ bonitate non ſpectet virtutem ſequi; ſicuti nulla eſt aqua, quæ ex ſuæ naturæ gravitate non ſpectet deorſum currere. Jam verò ſi aqua aut vento aut aliâ re impellatur, poteſt quidem fieri, ut elatis ſubſiliens undis caput tuum tranſcendat; quin imò ſi ejus alveus aggere coëſceatur, fieri poterit, ut ſuſum retorquens undas, ad montem uſque aſcendat, eumque cooperiat; ſed num fortè dicēs hanc eſſe naturalem aquæ propenſionem & effectum? ita etiam poteſt fieri, ut homo pravâ cupiditate abreptus in malum ruat; at ille tunc ſe habet, ut aqua aut caput tranſcendens, aut montem cooperiens; ille enim obſiſtit innato ſuæ naturæ rationalis ductui aut propenſioni; quia natura rationalis, utpote ex ſe bona, innatâ propenſione ſeu ductu in bonum tendit. Deinde paulò poſt, diſcipulus *Kum ru* ſic interrogat Magiſtrum ſuum Memcium: Natura humana haud dubiè habet

bet determinatam essentiam ; ecur igitur adeò discrepant hac in re Doctorum Sententiæ ? Discipulus enim Kao Tsi asserit naturam nec esse bonam , nec malam ; adeoque nec virtutem , nec vitium hominis ex ipsa natura oriri. Alii dicunt naturæ humanæ essentiam non esse ex se determinatam ; sed posse fieri bonam , si bonis moribus ; malam , si malis moribus imbuatur , &c. Quidam alii volunt naturam , prout producitur , aliam esse bonam , aliam malam ; aliam ita determinatam ad virtutem , ut vitiis infici ; aliam ita determinatam ad vitium , ut virtutibus exornari nequeat , &c. Tu verò , Magister , asseris nostram naturam ex se esse bonam ; ergone omnes illi errant ? cui Memcius : Naturæ , inquit , in se difficile cognoscitur ; ut autem scias illam esse bonam , innatum ejus affectum inspicere ; quod attinet ad innatum ejus affectum , non potest non dici bonus ; unam enim dumtaxat spectat rectam rationem , unam morum honestatem , unam cordis rectitudinem. Jam verò quia hic innatus affectus est bonus , idcirco ego assero naturam ipsam etiam esse bonam. Quod spectat ad illos perditos homines , qui cæcè & effrænate in scelera ruunt , id sanè non potest vitio verti naturali humani affectus facultati , culpæque in potentiam regeri ; sed ex prava cupiditate , quæ humanum cor excæcat , naturæque rectitudinem pervertit , id malum oritur.

- G. 7. Lib. *Sim li ta ciuen guei yao* tom. 2. art. *Fu quey* , sic : Viri sapientis honor in recta vivendi ratione ac sui victoria situs est ; ejus opes in corporis tranquillitate consistunt ; hinc semper vivit contentus & lætus ; coronas , aurum , gemmas , tamquam pulverem ac ferrum parvi pendit.

Item Libellus *Mim sin pao kien* , seu cordis speculum art. 5. *Chin xi* sic : Qui plus virtute quàm divitiis , sapiens ; qui plus divitiis quàm virtute affluit , insipiens dicitur.

- H. 8. Lib. *Xu Kim* tom. 3. cap. *Hien yeu ye te* , Interpres *Tsay xin* sic : Virtus est universale Boni nomen ; & Bonum , est verum virtutis opus Virtus completur omne bonum ; nisi enim spectaret Bonum , non posset illam unicam ac purissimam æquitatem ac rationem tot diversarum rerum continere ; Bonum siquidem ab unico & purissimo ente procedit.

- L. 9. Lib. *Su xu che kiy* tom. 1. in Libr. *Ta Hio* art. 1. ſic : Adulorum ac magnorum virorum doctrinæ ratio conſiſtit in his tribus : Primò in reparanda rationalis ſux facultatis primigenia claritate, &c. Secundò in renovandis populis, ſive proximo, &c. Terriò in ſiſtendo in ſumma bonitate ac perfectione inſtar viatoris, qui domum appulſus, tandem ſiſtit ac quieſcit. Vir enim ſapiens ſive ſux reparandæ, ſive alienæ renovandæ primitivæ rationalis facultatis claritati vacet, non debet niſi in adepto ultimæ & ſummæ perfectionis ac bonitatis apice ſiſtere aut quieſcere.

SECTIO II.

De fine.

Juxta Ariſtotelem *finis, eſt bonum, quod propter ſe expetitur*, vel eſt id, cui *juſu gratiæ aliquid fit*. Omne agens agit propter finem vel *materia-liter*, non cognoscendo rationem finis ac mediorum, neque proportionem mediorum cum fine: ſicut bruta, plantæ, inanimata; vel *formaliter*, cognoscendo finem & media, media ut media, finem ut finem: ſicuti homo & ſubſtantia intellectionales. Omnia enim bonum appetunt.

Deinde finis dividitur in finem agentis & actionis; in finem intermedium & ultimum; & ultimus in finem ultimum ſecundum quid & ultimum ſimpliciter. Finis ſimpliciter eſt beatitudo.

Jam verò quid Sinæ de hoc fine multiplici dicant, videamus.

Juxta illos unaquæque res habet à Cælo inditam propenſionem, ut tendat ad acquirendam debitam ſuam perfectionem; unde debita illa perfectio prout acquirenda, eſt finis cujuſque rei (A). Homo tendit ad eam acquirendam, ratiocinando; cetera ſine ratiocinio (B). Finis hominis ultimus ſimpliciter, eſt ſummum Verum, ac ſummum Bonum. Tota enim hominis vita dirigenda eſt ad acquirendam ſummam veritatem tum ſpeculationis in mente, tum affectionis in corde, tum actionis in opere. Deinde ſicut nulla res eſt, quæ non habeat in quo ſiſtat ac quieſcat; ita hominis ad ſiſtendum & quieſcendum finis ac locus, eſt ſumma bonitas atque ſumma actionis perfectio (C). Finis ultimus ſecundum quid, eſt beata omnium populorum in toto Imperio vita ac pax; intermedius eſt pium & æquum

Fa-

Familix ac Regni regimen. Finis *actionis*, quâ quis bene agit, est renovatio sui; finis *agentis* est renovatio proximi (D).

Ita de finibus agit Philosophus Sinensis.

Textus Librorum.

- A. 1. Lib. *Cheu je chin kiy* tom. 1. symbolo *Kien qua* sic: Cælum in producendis rebus non tantum dat illis initium & augmentum, seu non tantum dat illis esse & conservari, sed etiam efficit, ut unaquæque id, quod accepit, perficiat, perfectumque conservet.
- B. 2. Lib. *Sim li ta ciuen gwey yao* tom. 9. art. *Gin ne chi sim* sic: Bestiæ sunt quidem homini similes, sed non possunt ratiocinari. Sic autem illarum natura facta est, ut ingenito & ultroneo impetu agant; non opus habent discere, aut doceri, v. gr. ad faciendos suos nidos, ad alendos suos pullos, &c. Contrà verò homo quamvis intelligendi facultate polleat, continuo tamen debet animum studio fatigare. Unum est dumtaxat, quod absque discendi labore ultrò operetur; hoc nempe Matris in infantia fugere.
- C. 3. Lib. *Chum Tum* seu immutabile Medium, sic Interpret *Cham Kin chim* tom. 2. ait: Quamvis præfata novem imperandi leges cuilibet Imperatori communes, sint inter se omnino dissimiles; modus tamen, quo debet illas omnes in praxim deducere, unus atque idem est; nempe cordis & operis veritas; in corde, affectus veritas; in opere, effectus veritas. Absit omnis fucus & simultas. Porro veritas non tantum ad has novem imperandi leges, sed etiam ad alias omnes res se extendit; omnis enim res, quæ ad veritatis metam prius dirigitur, feliciter stabilitur; quæ non dirigitur, infelicitè labitur, &c. Duplex est veritas, alia speculationis, alia actionis; alia cognoscenda, alia exercendæ virtutis; illa prior, hæc posterior; ad utramque tota hominis vita, ut immutabile rectè vivendi Medium possit tenere, dirigenda atque conformanda est.

Et paulò post sic: Ad mores & vitam ita rectè componendam, ut una virtutis veritas sive in corde, sive in opere eluceat, etiam datur recta via seu modus, qui ex vera Boni cognitione procedit; nisi enim perfectam veri Boni cognitionem, sapientiæ studio adeptus fuerit, non potest quis mores ac vitam ita rectè componere,

ut unam sive in corde, sive in opere, virtutis veritatem assequatur. Itaque ad veritatem, tamquam ad primum principium seu ultimum finem, omnia referri debent.

C. 4. Lib. *Ta Hio* seu, Adulorum doctrina art. 3. sic Interpres *Cham kiu chim* tom. 1. ait: Nulla res est, quæ non habeat, in quo sistat ac quiescat. Totus ille, inquit liber Carminum, Imperialis sedis districtus, etsi amplitudine mille studia complectatur, in hoc tamen terræ spatium nemo est, qui certum, in quo permanenter consistat ac tranquillè quiescat, locum non habeat. Vide, inquit idem liber Carminum, ut subflavi isti pipientes passeruli ad nidificandum, ad sistendum, ad quiescendum bellè sibi locum eligant in quodam alto nemorosi montis angulo. Quem locum cum legeret Confucius, sic olim aiebat: quod spectat ad sistendum ac quiescendum, minuta illa animalcula bellissimè nòrunt; numquid igitur in hac arte sistendi ac quiescendi debet homo prævalere brutis passerulis? horum passerulorum ad sistendum locus, est sylva montosa; hominis autem ad sistendum scopus, est summa bonitas, atque summa actionis perfectio.

D. 5. Lib. *Ta Hio*, idem Interpres *Cham kiu chim* tom. 1. sic: Hoc habet ferè omnis res, ut unum primariò, alterum secundariò spectet, similis arbori, quæ radicem & ramos habet. Deinde omne opus ex principio & fine constituitur. Sic hoc Sapientiæ seu adulorum hominum studium primariò spectat sui ipsius restaurationem, secundariò populi renovationem. Tanti operis principium, est cognitio ejus, in quo sistendum est; finis, adeptio ejus, in quo sistitur, &c. Hinc sapientes Principes olim dum volebant efficere, ut omnes in toto Imperio populi primitivam suæ rationalis facultatis erroribus ac vitiis obscuratæ claritatem repararent, ipsi priùs enitebantur suum Regnum seu Principatum rectè gubernare; volentes autem efficere, ut totus suus Principatus rectè gubernaretur, ipsi priùs satagebant suam domum seu Familiam pulchro disciplinæ ordine, pace, concordia temperare; volentes efficere, ut tota sua domus pulchro disciplinæ ordine, pace, concordia temperaretur, ipsi priùs studebant suos mores ac vitam ritè componere, &c. Ubi quis Princeps totum suum Principatum rectè gubernat, tunc suo exemplo potest totum ipsummet

met Imperium commovere , ad virtutem allicere , componere ,
tranquillare , unicuique tranquillam ac beatam vitam procurare.

SECTIO III.

De Beatitudine.

Duplex juxta Philosophos est beatitudo ; alia objectiva , quæ nos
sui possessione beatos reddit ; alia formalis , quæ est ipsa Boni
beatifici possessio , seu actio , quâ illud possidetur. Stoici dicunt bea-
titudinem objectivam consistere in sola virtute , quam Sapientiam vo-
cant ; hæc enim sola reddit beatum , & seipsâ contenta est.

Aristoteles verò Lib. 1. Ethic. cap. 6. docet perfectionem cujus-
que rei sitam esse in propria operatione , v. gr. perfectionem oculi si-
tam esse in bene videndo ; citharædi in bene citharizando , &c. Un-
de concludit summam hominis perfectionem , quæ est beatitudo , in
ejus perfectissima operatione consistere ; ac proinde juxta illum bea-
tutudo definitur : perfectissima animæ operatio , virtute utentis , in vi-
tâ undique perfecta. Hinc idem dicit illam nec in divitiis , nec in ho-
noribus , nec in voluptatibus consistere.

Deinde Lib. ult. Ethic. cap. 7. statuit duplicem beatitudinem , al-
teram speculativam , quam in actione Sapientiæ præstantissima , seu in
DEI contemplatione constituit ; alteram practicam , quam in perfe-
ctis virtutum moralium actionibus collocat.

Denique Lib. 1. Ethic. cap. 9. docet exercitio virtutis ; & Lib. 7.
Politic. cap. 1. sapientiâ & probitate , beatitudinem comparari.

Jam verò juxta Sinas sic :

Primò beatitudo formalis seu summa hominis perfectio consistit
in perfectissima virtutis & cognitione & operatione. Prisci enim Sa-
pientes Sinæ volentes efficere , ut tota sua voluntas in vero Boni amo-
re , & in vero Mali odio firmiter stabiliretur , prius per mentis ratio-
cinium studebant assequi perfectam Boni ac Mali cognitionem (A).

Secundò divitiarum , voluptates , honores , præ virtute sunt parvi faci-
enda (B).

Tertiò Beatitudo objectiva , seu id , in quo hominis animus sistit ac
quiescit instar viatoris , qui domum suam appulsus , tandem sistit ac
quie-

quieſcit, eſt ſumma illa virtutis perfectio ac bonitas, quæ per ſui ac proximi perfectam renovationem acquiritur (C).

Quartò hæc ſumma perfectio ac bonitas, tum quoad cordis affectum, tum quoad operis effectum, ſita eſt in ſumma virtutis veritate. Veritas autem duplex eſt, altera ſpeculativa ad ritè intelligendum, altera prædica ad ritè agendum. Summa ergo virtutis veritas obtinetur, quando homo nihil prorsus intelligit, niſi quod rectum ſeu verum eſt; & nihil prorsus agit, niſi quod honeſtum ſeu bonum eſt; liber ab omni errore, & ab omni prava cupiditate (D).

Quintò denique ultima huius ſummæ veritatis perfectio obtinetur, quando homo rectam ſuam rationem cum recta Cæli ratione, & ſuam voluntatem cum Cæli voluntate perfectè unit ac fit unum cum eo; ut fuſius explicui in 1. Traët. de Cognitione primi Entis (E). Qui autem in recta vivendi via conſtanter uſque ad ſinem perfeverat, huius virtus unitur Cælo (F).

Unde beati dicendi ſunt, qui bene vivunt; qui turpes aſpectus ab oculis, turpes ſonos ab auribus, turpia verba ab ore, turpem locum à pedibus omninò proſcribunt; malos ſocios non frequentant, res injuſtas non accipiunt; accedunt ad viros ſapientes tamquam ad ſorum odores; fugiunt inſipientes, tamquam ſerpentes;

Contrà verò miſeri dicendi ſunt, qui malè vivunt; qui in verbis fucum, in opere occultas turpitudines unicè quærun, lucri avidi, virtutis ſimulatores, libidinum amatores, alienis malis gaudentes; qui bonos oderunt ſicut hoſtis inſidiatorem; qui tam facilè leges transgrediuntur, quàm famelici comedunt, & ſitibundi bibunt (G).

Ex his ſat patet, quàm in re Sina ponant hominis beatitudinem, nimirum, ut antiqui Philoſophi, omnia referentes ad ſummam virtutis aut actionis perfectionem.

Textus Librorum.

A. 1. in Lib. *Ta Hio*, ſic Interpres *Cham kiu chim* tom. 1. ait: Homo ſive ſuæ reparandæ, ſive alienæ renovandæ primitivæ rationalis facultatis claritati ſtudeat, non debet niſi in adepto ultimæ ac ſummæ perfectionis apice ſiſtere. Idem paulò pòſt ſic: Prifci Sapientes volentes efficerè, ut tota ſua voluntas in vero Boni amore, & in ve-

ro Mali odio firmiter stabiliretur, ipsi prius per mentis ratiocinium conabantur assequi perfectam Boni & Mali notitiam, quæ consistit in perscrutandis ac cognoscendis rerum omnium naturis, &c. Ubi autem nostra mens rerum omnium naturas ac rationes clarè cognoscit, tunc ultimum intelligendi apicem attingit.

Idem ibidem in 3. art. de Principe *Yu Kung* sic ait: his verbis indicat consummatam ejus virtutem ac summam perfectionem, quam ut sistendi metam, in reparanda suæ rationalis facultatis primitiva claritate acquisierat.

Nota cum hic Interpres sit satis fusus, me interdum inhærere potius ejus sensui, quam omnibus ejus verbis; vel potius ipsi sensui textus originalis, quem ille fusiori sermone deducit.

- B. 2. Lib. *Mim sin piao ky n* seu pretiosum cordis cognoscendi speculum, artic. 6. *Ngan suen* sic: id quod homines, inquit Confucius, passim appetunt, sunt honores & divitiæ; sed si habeantur viâ non suâ, eas rejicit Sapiens; contrâ, id quod homines passim aversantur, sunt paupertas & abjectio; sed si habeantur viâ non suâ, eas non rejicit Sapiens. Injustas illas divitiæ & honores, ego specto ac æstimo, ut nubes volantes.
- B. 3. in Lib. *Ta Hio* art. 10. sic Interpres *Cham kiu chim* tom. 1. ait: Primum quod maximè necessarium est ad bonum Regni regimen, utpote ejus radix, est virtus; opes sunt quiddam secundarium, veluti rami ab hoc radice emanantes. Et paulò infra sic: Præfectus *Van sun yu* in Regnum *Cin* (nunc Provinciâ *Xan si*) missus fuerat legatus. Ibi à primo Regis Ministro *Chao Kien* interrogatus quasnam res pretiosas possideret Regnum suum *Tsou*, (nunc Provincia *Hu Quam*); respondit: nullam rem pretiosam continet meum Regnum; in eo enim nec aurum, nec gemmæ nec aliæ gazæ censentur res pretiosæ; sed soli homines virtute præditi habentur pretiosi.
- C. 4. Lib. *Ta Hio*, &c. Vide hic suprâ numero 1.
- D. 5. in Lib. *Chum yun* art. 20. sic Interpres *Cham kiu chim* tom. 3. ait: Hæc veritas, est via, seu recta ratio, quam Cælum dum producit hominem, ei infundit; veritatis studium, est via, seu recta ratio, quam homo dum componit ac perficit suos mores, sequitur. Illa veritas in agendo, id quod honestum est, sine vi ac labore semper exequitur; in specu-

lando, id quod rectum est, sine studio & contentione semper assequitur; connaturali cursu medium rectæ rationis iter semper prosequitur; atque hic est vivendi modus, quem homo & scientiâ & virtute absolutus tenet. Veritatis autem studium in speculando, quod rectum est, cum studio & contentione discernit; in agendo, id quod honestum est, cum vi & labore exequitur; atque hic est vivendi modus, quem homo suæ perfectionis studiosus tenet.

Idem in art. 22. sic: Quamvis natura rationalis à cælo infusa contineat in se omnem rectæ rationis veritatem tam speculativam quàm practicam; speculativam ad ritè intelligendum; practicam ad ritè agendum; quia tamen plerique hominum vel erroribus excæcantur, vel vitiis corrumpuntur, vel cupiditatibus abripiuntur, idè sæpe nec ritè intelligere, nec ritè agere, nec naturæ suæ rationalis munus explere nōrunt; solus autem vir verâ scientiâ, & verâ virtute perfectissimus potest totum naturæ suæ rationalis munus accuratè adimplere, nihil prorsus intelligendo, nisi quod rectum est, nihil prorsus agendo, nisi quod honestum est, liber ab omni errore, & ab omni prava cupiditate.

- E. 6. Lib. *Cheu ye chin kiy* tom. 22. cap. *Xue qua* art. 1. sic: Doctrina libri Mutationum ac Productionum omnem omninò cujusvis rei rationem discutit, docetque homines, aliàsque res seu creaturas totam suam explere naturam; quia imò ad se intimè uniendum cum ipsamet rationis & naturæ origine, quæ est Cæli lex arcana ac recondito modo assiduè voluens & agens, hominem tandem redire facit; quia obtento effectu, fit unio cum ejus causâ.
- E. 7. Lib. *Xi kim xue yo cie kiy*, seu compilatio Interpretum libri Carminum tom. *Xam tsun* odâ *Cbam fa* sic: Tunc Imperatores Familiz *Hia* nondum Cæli legem abjecerant. Cùm autem ventum est ad Principem *Tam*, hic opportuno tempore natus, cœpit in perfectionis studio ita quotidie crescere, ut ejus virtus ingenti splendore ad Cælum usque pertingeret, &c. Deinde sic pergit Interpret: *Ingenti splendore ad Cælum usque pertingeret*, id est, Cæli cor sibi devinciret, uniret, & cum illo unum faceret.
- E. 8. Lib. *Sim li ta ciuen gney yao* tom. 9. artic. *sin* sic: Hominis & scientiâ & virtute absoluti cor, est unum cum Cælo.

- E. 9.** Lib. *Ge kiam xu kim*, seu quotidiana libri Annalium Imperialium explicatio ab Imperatore *Kam Hi* in lucem edita, tom. 6. cap. *Hum fan* sic ait: Hinc vides Principem, qui vult perfectè Cælum imitari, se illi conformare, summamque perfectionem attingere, eum debere in omni verbo & opere se Cælo unire; nempe habere unam & eandem voluntatem. Vide Traët. 1. de Cognitione primi Entis cap. 2. Quæst. 2. litteras V. & X.
- F. 10.** Lib. *Xu kim* seu liber Annalium Imperialium tom. 1. cap. *Xun tien* sub finem, Interpres *Tsay xin* agens de Imperatore *Xun*, quem liber ibi dicit moriendo longè ascendisse, sic ait: *ascendit*, id est, in Cælum ascendit. Juxta Ritus Imperialis Familiæ *Tu*, inquit Annales, ascendendo unitus est Cælo; id est, qui in recta vivendi via constanter usque ad mortem perseverat, illius virtus unitur Cælo.
- G. 11.** Lib. *Siao Hio* seu Parvulorum Doctrina cap. 5. artic. 1. hæc habet: Doctor *Kam cie chao* sic suos liberos ac nepotes instruebat: Triplex est hominum genus; aliud supremi ordinis, qui quamvis non doceantur, fiunt boni; aliud mediis ordinis, qui postquam edocti sunt, evadunt boni; aliud infimi ordinis, qui quantumvis edoceantur, persistant esse mali. Primi, annon sunt ii, qui comparatam à natura habent bonitatem? secundi, annon ii, qui acquisitam studio habent sapientiam? tertii, annon ii, qui subversam ignorantiam habent indolem? hinc, qui noverunt bene agere, beati; qui male, miseri vocantur. Illi autem Beati, turpes aspectus ab oculis, turpes voces ab auribus, turpia verba ab ore, turpem locum à pedibus omninò proscribunt; malos socios non frequentant, res injustas non accipiunt; accedunt ad viros sapientes tamquam ad flores odoriferos; fugiunt insipientes tamquam serpentes & scorpiones; si quis fortè hos esse beatos negaverit, ei fidem non dederò. Contrà, isti Miseri, in verbis fucum & simulationem, in opere & otio occultas turpitudines dumtaxat quærunt; lucri avidi, virtutis simulatores, libidinum amatores, alienis malis gaudentes. Bonos odierunt, sicut hostis odit insidiatorem; tam facile leges transgrediuntur, quàm famelici comedunt, & sitibundi bibunt. Levius malum, quod solent incurrere, est se cum vita perdere; gravius, est Familiam suam totam extinguere. Siquis fortè hos esse Miseros negaverit, nec ego etiam ei fidem dederò.

CAPUT II.

De Principiis effectivis humanarum Actionum.

Prinicipia effectiva humanarum Actionum, sunt Animæ facultates, nempe Intellectus, voluntas, libertas. De hijs ergo ordine agendum. Sed prius, quid sentiant Sinæ de Animæ origine, & essentia, singillarim videamus. Itaque

SECTIO I.

De Animæ origine.

Primò, Animæ origo juxta Sinas est Cælum, seu cæli Dominus; sic enim dicunt: Magni cæli Dominus infundit homini internam naturæ rectitudinem (A): clara seu intelligens hominis facultas est recta ratio, quam Cælum illi infundit, diciturque lucida seu intelligens Cæli lex (B): recta illa ratio, quam à Cælo accipimus, dicitur naturalis facultatis essentia (C): clara seu intelligens facultas est id, quod homo à Cælo accipit; est vacua seu incorporea, est spiritalis, claræque perspicax; est capax omnium rerum rationes comprehendendi, & omnibus advenientibus negotiis occurrendi seu correspondendi. *Facultas*, idem est ac *habitus*, sive id quod habetur; verè enim illa habetur & accipitur, estque lucida Cæli lex (D). Animus est totius hominis Dominus, suamque à Cælo habet rationem (E). Ita illi de Animæ origine.

Secundò, Natura rationalis infunditur corpori jam constituto; sic enim dicunt: Cælum produciens hominem, postquam aërem seu materiam sensibilem adhibuit ad corporis compositionem, tunc illi rationem ad constituendam naturam infundit; Natura seu Ratio quatenus in Cælo residet, dicitur virtus seu principium magnum, communicativum, directivum, perfectivum; quatenus in homine existit, dicitur ingenta pietas, æquitas, honestas, intelligentia; nempe harum virtutum naturale principium. Hujus infusio & acceptio est instar legis ac præcepti à Cælo impositi; ideoque natura rationalis dicitur Cæli lex (F). Quod Cælum infundit, dicitur lex; quod homo accipit, dicitur natura; in rebus & actionibus, dicitur ratio, rationis usus, est lex (G).

Tr-

Tertio, ex his patet Animam hominis non ex ejus corpore, & ex quinque Sinensium elementariorum principiorum aggregato educi. Dum igitur Authores quidam Sinici videntur dicere illam ex iis educi, intelligendi sunt vel de Animæ effectu, seu vjta secunda ab organis dependente, vel de hominis temperamento, vel de ejus ingenio; quia passim apud illos videtur est hominis naturam his tribus modis sæpe accipi (H). Vide infra in textibus.

Textus Librorum.

- A. 1. Lib. *Xu Kim* seu Annalium Imperialium tom. 2. cap. *Tan kao* sic: Magnus ille cæli Dominus infundit homini internam naturæ rectitudinem.
- B. 2. Lib. *Ge kiam su xu* tom. in Libr. *Ta hio* art. 1. sic: Lucida seu rationalis facultas est id, quod Cælum in hominis corde infundit; est summè vacua seu incorporea, ab omni re (nempe materiali) libera, summè intelligens seu spiritalis, omnis cæcitatibus expers, capax omnium rerum rationes comprehendendi, & omnibus advenientibus rebus, aut negotiis occurrendi seu correspondendi; idcirco dicitur lucida seu rationalis facultas. Quamvis autem hæc facultas ex se sit lucida seu luminosa; quia tamen in primo suo ortu ab accepto aëre seu re materiali coarctatur, & post ortum à pravis cupiditatibus excæcatur, ideò fit ut quandoque ejus claritas seu ratio offuscetur; verum propriæ substantiæ lux seu ratio semper persistit.
- C. 3. Lib. *Ge kiam su xu* tom. 3. in Libr. *Chum yun* artic. 27. sic: Illa ratio, quam nos à Cælo accipimus, dicitur facultatis natura seu essentia.
- D. 4. Lib. *Su xu mum yn* tom. 1. in Libr. *Ta Hio* sic: Clara seu intelligens facultas, &c. Ut supra in contextu.
- E. 5. Lib. *Sim li ta ciuen guey yao* tom. 10. artic. *Gin* sic: Animus est hujus corporis Dominus; & quam habet rationem, eam à Cælo accipit.
- F. 6. Lib. *Su xu che kiy* tom. 2. in Libr. *Chum yun* artic. 1. sic: Cælum producens, &c. Ut in contextu.
- G. 7. *Sim li ta ciuen guey yao* tom. 9. *Sim Mim* sic: Quod Cælum infundit, dicitur lex; quod creatura accipit, dicitur natura. Quatenus Cælum dat, vocatur lex seu præceptum; quatenus nos accipimus,

CAPUT II.

De Principiis effectivis humanarum Actionum.

Prinſipia effectiva humanarum Actionum, ſunt Animæ facultates, nempe Intellectus, voluntas, libertas. De hijs ergo ordine agendum. Sed prius, quid ſentiant Sinæ de Animæ origine, & eſſentia, ſingillatim videamus. Itaque

SECTIO I.

De Animæ origine.

Primò, Animæ origo juxta Sinas eſt Cælum, ſeu cæli Dominus; ſic enim dicunt: Magni cæli Dominus infundit homini internam naturæ rectitudinem (A): clara ſeu intelligens hominis facultas eſt recta ratio, quam Cælum illi infundit, diciturque lucida ſeu intelligens Cæli lex (B): recta illa ratio, quam à Cælo accipimus, dicitur naturalis facultatis eſſentia (C): clara ſeu intelligens facultas eſt id, quod homo à Cælo accipit; eſt vacua ſeu incorporea, eſt ſpiritualis, claræque perſpicax; eſt capax omnium rerum rationes comprehendendi, & omnibus advenientibus negotiis occurrendi ſeu correfpondendi. *Facultas*, idem eſt ac *habitus*, ſive id quod habetur; verè enim illa habetur & accipitur, eſtque lucida Cæli lex (D). Animus eſt totius hominis Dominus, ſuamque à Cælo habet rationem (E). Ita illi de Animæ origine.

Secundò, Natura rationalis infunditur corpori jam conſtituto; ſic enim dicunt: Cælum produciens hominem, poſtquam aërem ſeu materiam ſenſibilem adhibuit ad corporis compoſitionem, tunc illi rationem ad conſtituendam naturam infundit; Natura ſeu Ratio quatenus in Cælo reſidet, dicitur virtus ſeu principium magnum, communicativum, directivum, perfectivum; quatenus in homine exiſtit, dicitur ingenta pietas, æquitas, honeſtas, intelligentia; nempe harum virtutum naturale principium. Hujus infuſio & acceptio eſt inſtar legis ac præcepti à Cælo impoſiti; ideòque natura rationalis dicitur Cæli lex (F). Quod Cælum infundit, dicitur lex; quod homo accipit, dicitur natura; in rebus & actionibus, dicitur ratio, rationis uſus, eſt lex (G).

Tr-

Tertio, ex his patet Animam hominis non ex ejus corpore, & ex quinque Sinenſium elementariorum principiorum aggregato educi. Dum igitur Authores quidam Sinici videntur dicere illam ex iis educi, intelligendi ſunt vel de Animæ effectu, ſeu vjta ſecunda ab organis dependente, vel de hominis temperamento, vel de ejus ingenio; quia paſſim apud illos videre eſt hominis naturam his tribus modis ſæpe accipi (H). Vide infra in textibus.

Textus Librorum.

- A. 1. Lib. *Xu Kim* ſeu Annalium Imperialium tom. 2. cap. *Tan k'ao* ſic: Magnus ille cæli Dominus infundit homini internam naturæ rectitudinem.
- B. 2. Lib. *Ge k'iam ſu xu* tom. in Libr. *Ta hio* art. 1. ſic: Lucida ſeu rationalis facultas eſt id, quod Cælum in hominis corde infundit; eſt ſummè vacua ſeu incorporea, ab omni re (nempe materiali) libera, ſummè intelligens ſeu ſpiritualis, omnis cæcitatibus expers, capax omnium rerum rationes comprehendendi, & omnibus advenientibus rebus, aut negotiis occurrendi ſeu correfpondendi; idcirco dicitur lucida ſeu rationalis facultas. Quamvis autem hæc facultas ex ſe ſit lucida ſeu luminofa; quia tamen in primo ſuo ortu ab accepto aëre ſeu re materiali coarctatur, & poſt ortum à pravis cupiditatibus excæcatur, ideo ſit ut quandoque ejus claritas ſeu ratio offuſcetur; verum propriæ ſubſtantię lux ſeu ratio ſemper perſiſtit.
- C. 3. Lib. *Ge k'iam ſu xu* tom. 3. in Libr. *Chum yun* artic. 27. ſic: Illa ratio, quam nos à Cælo accipimus, dicitur facultatis natura ſeu eſſentia.
- D. 4. Lib. *Su xu mun yn* tom. 1. in Libr. *Ta Hio* ſic: Clara ſeu intelligens facultas, &c. Ut ſuprà in contextu.
- E. 5. Lib. *Sim li ta cimen guey yao* tom. 10. artic. *Gin* ſic: Animus eſt hujuſ corporis Dominus; & quam habet rationem, eam à Cælo accipit.
- F. 6. Lib. *Su xu che k'iam* tom. 2. in Libr. *Chum yun* artic. 1. ſic: Cælum produciens, &c. Ut in contextu.
- G. 7. *Sim li ta cimen guey yao* tom. 9. *Sim Mim* ſic: Quod Cælum infundit, dicitur lex; quod creatura accipit, dicitur natura. Quatenus Cælum dat, vocatur lex ſeu præceptum; quatenus nos accipimus,

vocatur natura; quatenus in rebus & operibus apparet, vocatur ratio. Ratio, natura, lex redeunt ad unum & idem. Qui rationem scrutando, illam omninò exhaurit, is explet naturam; & qui explet naturam, is intelligit Cæli legem.

Cæli lex, idem est etiam ac Cæli via, quæ dum explicatur ut est agens, vocatur lex; lex enim est rerum causa efficiens seu effectiva. Ex paulò infrà sic: Ratio, inquit Doct̃or *Chu hi*, est Cæli essentia vel substantia; lex, est rationis usus; natura est id, quod homo accipit; affectus, est naturæ usus.

H. 8. Lib. *sim li ta ciuen gwey yao* tom. 9. artic. *Ki che chi sim* sic: Vita, inquit Doct̃or *Chim*, dicitur natura; dum ergo dicitur natura est aër, & aër est natura, id intelligitur de vita. Nempe vita est aura vitalis seu aër vitalis.

Ibidem paulò pòst sic: Dum Doct̃or *Cham*, ex pago *Hem Kine* oriundus, explicat aëris vel vitalis auræ, (nempe vitæ) & temperamenti naturam vel essentiam; dicit etiam hominis naturam, aliam esse robustam, aliam debilem, aliam lentam, aliam præcipientem, aliam generosam, aliam ignavam, aliam hebetem, aliam perspicacem; non autem intelligit, ita esse Cæli ac Terræ naturam.

Ibidem paulò pòst sic: Dum habetur illa ratio, tunc habetur iste aër; (nempe vita seu vitalis aura); cùm enim habetur aër, oportet ut insit illa ratio; sed si aër acceptus, sit purus & clarus; tunc homo evadit & virtute & sapientià inclytus, perinde ac si in pura & clara aqua existeret pretiosa gemma. Contrà verò si sit sordidus & obscurus, tunc homo fit hebes & insipiens; perinde ac si in sordida & obscura aqua delitesceret pretiosa gemma. Quod ergo dicitur *reparare primitivam rationalis facultatis claritatem*, est accipere illam pretiosam gemmam in aqua turbida exstantem, & illam tergere.

Iterum paulò pòst sic: Si tantum accipiatur Ratio; tunc est illa interna naturæ rationalis reſtitudo, quam cæli Dominus *Xam ti* infundit; & prout hominis cor eam primò recipit, tunc certè in omnibus est eadem; sed quia illa ut in homine existit, est explicatu difficilis, ideò Memcius per suas qualitates & affectiones illam explicuit suo discipulo *Kum tu*. Plura ibidem vide his similia.

H. 9. Lib. idem *sim li*, &c. tom. 9. artic. *Ki tun chi sim* sic: Quia aër (nempe

pe hominis indoles aut temperamentum) alius rectus, alius perversus; ideo Ratio illa, quæ recipitur, alia fit recta, alia perversa juxta istam aëris diversitatem. Deinde quia etiam aër alius obscurus, alius clarus; ideo & Ratio, quæ recipitur, alia fit obscura seu hebes, alia clara seu perspicax.

Ibidem paulò post agens de natura rationali, quæ prout à Cælo producitur, est clara, sic ait: Ejus originis claritas ac puritas à Cælo est; ejus cursus obscuritas ac impuritas ab homine procedit.

Habentur ibidem multa de hebetis ingenii, & temperamenti seu aëris rudis natura.

H. 10. Idem Lib. eod. tom. 9. artic. *Tsu hia kien lun tsay*, sic: Natura à Cælo oritur; dotes (nempe hominis) ab aëre, (nempe ingenio); si aër sit purus & clarus, dotes erunt claræ; si fordidus & obscurus, dotes erunt obscuræ.

H. 11. Lib. *Xu Kim* tom. 3. cap. *Tam Kao*, Interpres *Tsay xin* sic ait: Si illa interna naturæ rationalis rectitudo explicetur prout infunditur, (nempe à cæli Domino *Xam ti*, de quo ibi agit), tunc ad nullam partem declinat, sive est recta & bona, &c. Si autem explicetur prout recipitur, tunc habetur majoris & minoris claritatis & obscuritatis, puritatis & impuritatis diversitas; ideo Magistro indiget, ut eam dirigat in viam rectam.

SECTION II.

De Animæ Essentia.

Primò, *Anima nostra Essentiam sic explicant Sine*: est Spiritus inscrutabilis, intelligens, rectam rationem continens, summè vacuus, (nempe ab omni re corporeâ liber, seu incorporeus) summè perspicax, capax omnium rerum rationes ac naturas comprehendendi, omnibûsq; advenientibus rebus, aut negotiis occurrendi ac respondendi (A). Est hominis forma (B). Est rectitudo interior à Cælo infusa, complectens pietatis, æquitatis, honestatis, intelligentiæ, veritatis rationem, nec ad unam nec ad alteram partem declinans, seu tenens mediam Honesti viam quatenus infunditur, sed quatenus recipitur, concupiscentiâ plena est. Unde hominis natura, alia perspicacior, alia hebetior, alia obscurior; ideoque indiget Rege ac Doctore, qui eam dirigat in viam rectam (C).

SECH-

Secundò, variæ de Anima effentia ſententiæ ſic referuntur apud Memcium : aliqui dicunt naturam hominis ex ſe nec eſſe bonam , nec malam ; adeoque nec hominis virtutem , nec vitium ex natura oriri. Alii dicunt naturæ humanæ ſubſtantiam non eſſe ex ſe determinatam ; ſed poſſe fieri bonam , ſi bonis moribus ; malam , ſi malis imbuatur ; bonis autem moribus imbutam , tunc dici bonam ; malis , malam ; adeoque virtutem & vitium à moribus oriri. Quidam alii volunt naturam , prout producitur , aliam eſſe bonam , aliam malam ; & illam quidem ita determinatam ad virtutem , ut vitiis infici ; hanc verò ita determinatam ad vitium , ut virtutibus exornari non poſſit. Relatis hiſce ſententiis diverſis ac reſutatis aut rejeſtis , ipſe Memcius aſſerit naturam hominis ſeu Animam prout producitur , eſſe ex ſe bonam , idque probat ex innato Animæ appetitu rationali , qui unam rationem , unam morum honeſtatem , unam cordis reſtitutionem ſpedat. Hic innatus appetitus rationalis , qui ex natura tanquam proprietates emanat , eſt bonus ; ergo & ipſa natura eſt bona. Quod verò attinet ad perditos illos homines , qui effrænate in ſcelera ruunt , id non debet vitio verti naturali rationalis appetitus facultati , culpaque in potentiam regeri ; ſed ex prava concupiſcentia , quæ hominis cor excæcat , & naturæ reſtitutionem pervertit , id malum oritur (D).

Tertiò, differentia Animæ hominis ab animabus Brutorum, aliorumque viventium. Anima hominis non diſtinguitur ab aliis viventibus per vitam genericè ſumptam , quæ eſt communis brutis & plantis ; neque per potentiam loco motivam , ſenſitivam , & cognoviſtivam , utpote quæ etiam brutis competit ; ſed per rectam rationem , quæ pietatem , æquitatem , honeſtatem , prudentiam amplexatur (E).

Quartò, Anima hominis ſpiritualitas. Noſtram Animam à Sinis credi ſpiritualem , non materiale , hinc probatur : dicunt illam eſſe Spiritum , eſſe rectam rationem ſeu habere rectam rationem , eſſe intelligentem & ratiocinii capace , ut jam ſuprà vidimus. Dicunt hominis cor ſeu animum comparatum cum aliis omnibus rebus ſenſibilibus , ſolum eſſe ſpirituale (F) : ſolum hominem habere ſuperiorem excellentiam ac ſpiritualitatem , unà cum naturali aut innato miſericordiæ , pudoris , reverentiæ , ſcientiæ affectu (G) : animi noſtri ſubſtantiam eſſe ſummè vacuum , (nempe materiæ expertem ; vacuum enim

enim juxta illos est ratio ; & ratio est ens verum ac reale , ut supra vidimus in Tract. 1. de Cognitione primi *Entis* cap. 2.) : Esse spiritua-lem ; esse naturali intelligentiâ præditam (H) : istam animi vacuitatem esse sicut speculi facièm sine imaginibus ; intelligentiam esse sicut speculi splendorem, qui res repræsentat ; eâ vacuitate posse omnium rerum rationes recipere (I). Dum igitur videntur aliquando Animam nostram cum re materiali confundere, dicendo illam esse ærem seu vitalem auram , & quid simile ; intelligendi sunt, non de ipsâ Animæ essentia , sed de ejus effectibus & operationibus , ad quas utitur sensibus & spiritibus materialibus ; vel etiam ista intellige similitudinariè & tropicè dicta, ad repræsentandas animæ perfectiones ; uti intelligendi sunt illi antiqui Philosophi, quorum alii ætherem , ut Diogenes ; alii ignem ut Democritus ; alii flammam , ut Heraclius ; alii numerum ut Plato ; alii ærem, alii harmoniam, &c. Animam esse dixerunt, ut sic nimirum illius subtilitatem, activitatem, vivacitatem, ratiocinationem, capacitatem, ordinationem adumbrare ac repræsentare possent. Sed nunc videamus quid de ejus facultatibus dicant.

Textus Librorum.

- A. 1.** Lib. *Su xu che kiy* tom. 25. in Libr. 2. Memcii cap. 7. *Cin sin xam* sic ait : Inscrutabilis ille spiritus intelligens, qui in carneo hominis corde vix digitum lato, residet, dicitur cor seu animus. Recta ratio, quæ in hoc animo continetur, dicitur natura. Hic noster animus summè vacuus seu incorporeus, summè spiritualis, capax omnium rerum rationes comprehendendi, quamvis in se sit omnino perfectus ; si tamen in perscrutandis ac cognoscendis rerum rationibus, quas ipse complectitur, diligenter non exerceatur, tunc & ratio offuscatur, & animus à pravis cupiditatibus illaqueatur.
- A. 2.** Lib. *Ge kiam su xu* tom. 25. in Libr. 2. Memcii cap. 7. *Cin sin xam* sic : Id quo homo constituitur sui totius Dominus ac Rector, est cor seu animus ; cor est hominis spiritus intelligens, omnes rerum rationes in se complectens, & omnibus advenientibus negotiis seu operibus occurrens ac respondens.
- B. 3.** Libri *Xi kim* magnus Commentarius tom. *Ta ya* cap. *Tam* odâ *Chim min*

min sic : Omnes isti populi à Cælo producti , & constant corpore quod est materia , & accipiunt rationem seu naturam rationalem quæ est forma.

- C. 4. Lib. *Xu Kim* tom. 3. cap. *Tam Kao*, Interpres *Tsay xin* sic : Interna hominis reſtitudo, eſt illa lex quam Cælum infundit, & quæ complectitur pietatis, æquitatis, honeſtatis, intelligentiæ, veritatis rationem, (nempe ſemen harum virtutum), nec ad ullam partem ſive dextram ſive ſiniſtram declinat. Id autem quod dicitur natura, eſt illa Cæli lex, quam homo recipit, complectens cordi congenitam pietatis, æquitatis, honeſtatis, intelligentiæ, veritatis rationem, ſcilicet radicem vel principium. Et paulò poſt ſic : Dum dicitur Cælum producere homines cupiditatibus plenos, id intelligitur de affectionibus ſeu paſſionibus ; dum autem dicitur cæli Dominus *Xam Ti* infundere hominibus deorſum degentibus internam reſtitutionem, id intelligitur de natura ſeu ratione.
- C. Vide præterea in textibus præcedentis Sectionis litteram ultimam (H).
- D. 5. Lib. *Su xu che kia* tom. 23. in Libr. 2. Memcii cap. 5. *Kao tſu xam*. Vide ſuprà, Cap. 1. Sect. 1. litteram F. ibi habes textum.
- D. 6. Lib. *Su xu che kia* tom. 20. in Libr. 2. Memc. cap. 2. *Li leu hia* ſic : quiſquis cupit, inquit Memcius, facilè de rerum natura diſſerere, cum hæc oculis videri nequeat, expedit ut ſtatim de ejus effectu, qui oculis patet, agat ; & inprimis quidem de effectu, qui ex natura ultrò proſluit ; ſic enim poterit ad veram occultæ naturæ notitiam devenire.
- E. 7. Libr. 2. Memcii cap. 5. *Kao tſu xam*, ſic Interpres *Chu hi* : Quod ad nie attinet, hoc modo ſentio : natura eſt recta ratio, quam homo à Cælo habet ; vita eſt aër, quem idem homo à Cælo habet ; natura eſt quid ſuperius & primarium ; aër eſt quid inferius & ſecundarium. Homines, ceteraque omnia viventia habent & naturam & aërem ; ſed quamvis quoad ad aërem ſeu vitam homo in cognoscendo, ſentiendo, loco ſe movendo quaſi non diſſerat ab aliis Animantibus ; tamen quoad rationem, quæ pietatem, æquitatem, honeſtatem, intelligentiam vel prudentiam continet, ubinam ſanè iſta Animantia eam habent perfectam ? (quia nempe habent inſtinctus

Etus quosdam naturales quasi imperfectæ rationis, sive similitudinariæ pietatis, æquitatis, &c. Vel posset fortè sic verti: ubinam sanè ista Animantia eam habent, sùntque omninò perfectà?) hinc hominis natura est ex omni parte bona, & omnes reliquas res spiritualitate ac intelligentiâ transcendit.

- E. 8. Lib. *Su xu che kiy* tom. 23. in Libr. 2. Libr. 2. Memc. cap. 5. *Kao tsu xam* sic: Ergone, reponit Memcius, natura bovis, cui inest vita, non erit diversà à natura hominis, cui etiam inest vita? si vitam tantum spectes, quà homo cognoscit, sentit, se loco movet, vix quidem à brutis discrepat; sed si rectam rationem, quâ pietatem, æquitatem, honestatem, intelligentiam seu prudentiam sequitur, spectaveris; tunc certè magnum discrimen in istis duobus reperies.
- F. 9. Lib. *Ge kiam xu kim* seu quotidiana libri Imperialium Annalium explicatio tom. 6. cap. *Tay xi* sic: Quamvis omnes res cælum inter & terram æqualiter producantur; solus tamen homo auræ vitalis decus obtinet; dum enim cum aliis omnibus rebus confertur, solum ejus cor seu animus est spiritualis ac intelligens.
- G. 10. Lib. *Xu Kim* tom. 4. cap. *Tay xi*, Interpret *Tsay xin* sic: Inter omnes res, quæ producuntur, solus homo obtinet singularem excellentiam, estque spiritualis ac intelligens, completens naturalem misericordiæ, pudoris, reverentiæ, rectitudinis affectum, capax omnium bonorum ac virtutum; ejus sciendi vis longè diversà est ab aliis Animantibus.
- H. 11. Lib. *Su xu che kiy* tom. 1. in Libr. *Ta bio* art. 1. sic: Hæ voces, *clara seu rationalis facultas*, id est humani cordis vacui seu incorporei, spiritualis, intelligentis, clari, apti ad comprehendendas omnium rerum rationes, atque ad omnibus advenientibus negotiis ac rebus occurrendum respondendumve ipsamet substantia, seu essentia.
- I. 12. Lib. *Su xu mum yn* tom. 1. in Libr. *Ta bio* art. 1. sic: Ista animi vacuitas est sicut speculi facies vacua, seu sine imaginibus; intelligentia est sicut speculi splendor, res repræsentans, &c. Ratio cur noster animus possit omnium rerum rationes complecti est, quia est vacuus.

SECTIO III.

De Animæ Intellectu.

Primò, *Intellectus definitio & actus juxta Sinas.*

Intellectus est humani cordis vis intellectiva ac facultas, quæ à natura habetur (A). Vocatur etiam cor, quod est sicut speculum. Cordis autem actus, est intellectio; sive, ut ait Doctor Sinensis: nostrum cor & substantiam & usum continet; posse complecti omnium rerum rationes, istud est ejus substantia seu essentia; correspondere & occurrere omnibus rebus ac operibus, istud est ejus usus. Esse quietum sine motu, est ejus substantia; moveri & statim penetrare seu intelligere, est ejus usus. Substantia est id, quod dicitur natura, quia exprimitur ut est quid quietum. Usus est id, quod dicitur actus, quia exprimitur ut est quid motum (B). Quod sine cura potest homo intelligere, id provenit ex ejus naturali intelligendi facultate, seu intellectu (C).

Secundò, Intellectus proprietas. Sicut auris proprietas est audire, & oculi, videre; ita intellectus proprietas est rerum rationes cognoscere ac penetrare, ut possit in rebus vel auditis vel visis honestatem à turpitudine distinguere. In bono autem ac stabili hujus intellectivæ facultatis usu maximè consistit sublimis illa virorum sapientium dignitas, quæ ab insipientibus homunculis discernuntur (D).

Tertiò, intellectus perfectio. Hæc consistit in assequenda perfecta Boni ac Mali noticia, quæ acquiritur, dum studiosè perpenduntur ac distinctè penetrantur omnes intimæ & extimæ, seu intrinsecæ & extrinsecæ, subtiliores & rudiores, altiores & humiliores rerum rationes ac naturæ, ritè distinguendo veritatem à falsitate, honestatem à turpitudine, lucem ab umbra; tunc enim intellectus noster omnimodam claritatem & suam ultimam perfectionem obtinet (E). Deinde qui rerum naturas ac rationes ritè cognoscit, etiam quid sit Cælum, seu cæli Dominus, statim intelligit (E).

Quartò, Intellectus nostri differentia à Brutorum potentia cognoscitiva. Solus, inquirunt, homo habet facultatem lucidam, seu rationem vel intelligentiam; alix res sensibiles non habent, nec sunt ejusdem cum eo speciei (G). Magnam quidem habent bruta cum homine similitudinem, sed carent ratiocinandi facultate (H). Solus homo habet diver-

sam

sam cognitionem ab aliis rebus (I). Discrimen inter hominem & bruta, est quòd homo intelligat, bruta non intelligent; quòd homo habeat rectam rationem, illa non rectam, (id est, bruta sint irrationalia); quòd homo habeat auran vitalem perfectam, bruta imperfectam. Præterea inter ipsos homines datur etiam differentia ingenii acutioris & obtusioris (I).

Ex his sat patet, quid Sinæ sentiant Sinæ de hominis intellectu; Nunc de voluntate.

Textus Librorum.

- A. 1. Lib. *Su xu mum yn* tom. 4. in Libr. *Chum yum* art. 20. sic: Vis intelligendi, vis piè seu rectè agendi, & vis fortiter agendi sunt tres facultates nobis à natura comparatæ, & nobiscum congenitæ. Idcirco nullus est homo, qui eas non habeat; habitæ autem vi intelligendi, tunc potest homo istam rem intelligere, &c. Ideò dicitur facultas intelligendi esse id, quo aliquid intelligimus. Et paulò post sic: Nisi illa vis intelligendi esset nobiscum congenita, nostræque naturæ insita, licet aliquis multo cum labore animum applicaret ad quidpiam intelligendum, non tamen posset illud assequi.
- B. 2. Lib. *Sin ls ta cineu guei yao* tom. 9. artic. *Sin* sic: Nostrum cor, inquit Doctor *Chim*, seu noster animus est unus: si accipiatur pro ejus substantia, est quid quietum sine actione; si accipiatur pro ejus usu, est id, quod ubi ab objectis movetur, statim rerum causas pervadit seu intelligit. Et paulò infra: est sicut puræ speculi facies, quæ nullam rerum speciem non admittit. Adhuc ibidem paulò post sic: Nostrum cor, inquit Doctor *Chin*, & substantiam & usum continet; posse complecti omnium rerum rationes, &c. ut supra in contextu.
- C. 3. Lib. 2. Memc. cap. 7. *Cin sin xam* sic: Quod homo, inquit Memcius, absque arte & discendi labore potest agere, id naturali ejus agendi facultati seu voluntati tribuitur; quod absque studio & meditandi cura potest intelligere, id naturali ejus intelligendi facultati seu intellectui adscribitur.
- D. 4. Lib. *Su xu che kiy* tom. 23. in Libr. 2. Memcii cap. 5. *Kao tsu xam* sic: Quandoquidem omnes homines quoad substantiam sint pares,

res, inquit discipulus *Kum tu*, videtur debere inesse in omnibus par
 paris substantiæ cura; eccur igitur alii nobiliorem & potiorẽ suã
 substantiæ partem, alii ignobiliorem & inferiorem adẽdõ dispari cu-
 rã & effectũ colunt? id ex vi intelligendi seu ex intellectu & cogni-
 tione oritur, reponit Menecius. Diligenter adverte, istud fusiũs
 explico. Auris munus, est audire; oculi, videre; sed nec ejus quod
 audit auris, nec ejus quod videt oculus, rationem cognoscit; hinc
 fit, ut oculus grato colorum, & auris blando vocum lenocinio fa-
 cile irretiatũr atque pervertatur. Pellax igitur colorum venustas
 oculos, vocum suavitas aures cognitione carentes impetens, sine
 difficultate pravam illis visionem atque auditionem ingerit. Cor-
 dis autem munus, est cognoscere, & rerum rationes penetrare.
 Si ad res auditas vel visas rectẽ utatur suã cognoscendi facultate,
 tunc absque errore illarum honestatem aut turpitudinem facile
 assequitur; si non rectẽ utatur, non assequitur. Atque ita vera
 rerum notitia & ignorantia ex corde profluit; & idcirco cor dici-
 tur nobilior & potior humanæ substantiæ pars. Hæc quidem tria,
 auris, oculus, cor nobis à Cælo donantur; sed horum maximum,
 ac primum omnis visionis & auditionis principium est cor. Hinc
 si istud maximum ac primum visionis & auditionis principium
 prius bene stabilitum atque firmatum fuerit adversus omnes re-
 rum videndarum atque audiendarum pravos incurfus, nulla turpis
 postea colorum aut vocum species poterit pravam oculo visio-
 nem, pravam auri auditionem, minoribus nempe ac secundariis
 principiis asferre. In hac autem rectẽ cognoscendi vi firmiter sta-
 bilienda adversus pravos rerum videndarum & audiendarum in-
 curfus, præcipuẽ consistit sublimissima illa magnorum Heroum ex-
 cellentia, quã à vilibus homunculis secernuntur. Illa est cælestis
 dignitas, quã illos suprã commune vulgus longẽ altius evehit.

- E. 5. Lib. *su xu che kiaj* tom. 1. in Lib. *Ta hio* art. 5. sic: Quod autem
 asserit Confucius, *modus assequendi perfectam veri Boni, & veri Mali noti-
 tiam consistit in persequendis rerum naturis ac rationibus*, significat his ver-
 bis eum, qui vult, ut sua mens perfectum intelligendi apicem con-
 sequatur atque attingat, debere in quavis re totam illius naturam
 veramque rationem persequari, atque penitus exhaustire. Nul-
 lus

lus est enim humani cordis spiritus , qui non habeat vim intelligendi , seu intellectum ; & nulla est in toto orbe res , quæ non habeat naturam. Dum quis autem nondum satis percrutatus est rerum naturas , eorūque rationes nondum plenā cognitione exhaustit ; tunc ejus intellectus seu vis intelligendi , non habet ultimam suam perfectionem , nec perfectam claritatem. Idcirco Adulorum doctrina statim in ipso suæ institutionis principio monet suos Alumnos , ut quæcumque in orbe res existant , harum omnium naturas atque rationes exquirant , magis ac magis perverstigent ac mente scrutentur , novoque semper conatu ac progressu intimam illorum essentiam rimentur , nec desistant donec ultimum perfectæ cognitionis terminum assecuti fuerint. Postquam enim longo studio & assiduâ diligentia in hanc rem incubuerint , aliquando tandem fiet , ut omnia ac singula clarè distinctèque cognoscant ; atque hoc modo omnium rerum rationes intrinsecas & extrinsecas , subtiliores & crassiores , sublimiores & humiliores perfecta cognitione assequi poterimus , nostrique cordis tota substantia , magnusque ejus usus omnimodam claritatem obtinebit. Illud , perfecta rerum notitia ac comprehensio ; hoc , summa nostri intellectus perfectio , ultimisque intelligendi apex vocatur.

F. 6. Lib. 2. Memcii cap. 7. *Cin sin xam* sic : Qui omni diligentia totam sui cordis seu mentis capacitatem explere potest , hic & suam & rerum omnium naturam cognoscit ; qui autem & suam & rerum omnium naturam cognoscit , hic quid sit Cælum , etiam cognoscit.

G. 7. Lib. *Su xu mum yn* tom. 1. in Lib. *Ta hio* art. 1. sic : Quod doctrina Adulorum hic vocat *clavam facultatem* , est id quod Liber immutabilis Medii dicit : *Celi lex , est natura* ; sed ista vox *natura* in libro immutabilis Medii simul complectitur & hominis , & aliarum rerum naturam ; sed hinc *clara facultas* indicat tantum hominem ; aliæ res eam non habent , nec sunt cum eo ejusdem speciei.

H. 8. Lib. *Sim li ta ciuen guei yao* tom. 9. artic. *Gin ue chi sin* sic : Bestiæ sunt quidem homini prorsus similes ; sed non possunt ratiocinari.

I. 9. Lib. *Xu Kim* tom. 4. cap. *Tay xi* Interpres *Tsay xin* sic : Vide ejus verba in Sectione præcedenti , litterâ G.

L. 10. Lib. *Sin li ta ciuen gney yao* tom. 9. artic. *Gin ue chi ſm* ſic : Nulla res eſt, inquit Doct̃or *Cham*, quæ non habeat naturam ; ſed quia alia eſt perſpicax, alia non perſpicax : alia aperta, alia clauſa ; hinc habetur inter homines & alias res differentia. Deinde quia natura non perſpicax, alia paulò ſubtilior, alia paulò obtuſior ; hinc rurfus oritur inter ignorantem & intelligentem diverſitas. Natura quæ eſt clauſa, non poteſt aperiri, (nempe natura brutorum quæ non poteſt uti ratiocinio, ſive eſt irrationalis) ; quæ eſt obtuſior, poteſt quidem aperiri, ſed magna cum difficultate ; quæ eſt ſubtilior, ſine difficultate poteſt aperiri. Paulò infrà ſic : Natura quatenus recipitur, alia recta, alia non recta, (nempe rationalis & irrationalis) ; hinc in ſuo eſſe conſtituuntur homines & aliæ res, nempe beſtiæ, idèoque harum natura diverſa eſt ab hominis natura per aliquid ſubtiliſſimum ; cum enim illorum natura ſit clauſa, nec aperiri poſſit ; idèò non clarè cognoscunt ſicut homines ; & cum ſit non recta, nec poſſit rectificari, idèò facultatibus aut dotibus non præſtant ſicut homines.

Ibidem paulò infrà ſic : Quod attinet, inquit Doct̃or *Chu bi*, ad illam unicam omnium rerum originem, ratio quidem eſt eadem, ſed aura vitalis (nempe vita) diverſa. Et paulò infrà : Cognoscere, ſentire, loco ſe movere, id ex vitali aura provenit ; exercere autem pietatem, æquitatem, honeſtatem, intelligentiam, id ex ratione oritur. Cognoscere, ſentire, loco ſe movere, id & beſtiæ poſſunt ; quin imò naturaliter habent quamdam pietatem, æquitatem, honeſtatem, intelligentiam ; ſed quonam pacto poſſint eas perficere ? (id eſt, habent inſtinctus quosdam naturales ſimilitudinariæ pietatis, æquitatis, &c. non verò perfectam ſeu veram pietatem, æquitatem, &c.)

Deinde paulò infrà ſic pergit : Quia autem ſolius hominis cor ſeu animus eſt ſummè ſpiritualis vel ſummè intelligens, idcirco poteſt iſtas quatuor virtutes perficere, integras reddere, & erumpere in quatuor, qui ſunt connaturales illis virtutibus, affectus miſericordiæ, verecundiæ, reverentiæ, ac ſcientiæ ; & quia Beſtiarum vitalis aura eſt non recta, eſtque mixta (nempe materiæ), atque adeò illarum cor obſcurum, clauſum ac conſuſum ; hinc non poteſt eas perficere, integrafque reddere.

SE.

SECTIO IV.

De Animæ voluntate.

Primò, *Voluntatis Definitio & actus juxta Sinas sic :*

Voluntas, est facultas volendi aliquid naturaliter, sive est naturalis hominis potentia ad agendum (A). Vocatur etiam cor. Unde cor juxta Sinas modò pro intellectu, modò pro voluntate sumitur, more nempe Sacræ Scripturæ, quæ vocem *cor* nunc pro voluntate, nunc pro intellectu usurpat. Actus voluntatis, est electio cordis productio; distinguitur à naturali cordis affectu in hoc, quod affectus procedat sine electione; actus voluntatis seu volitio cum electione (B).

Secundò, Voluntatis proprietas. Ejus proprietas est vero amore Bonum prosequi, & vero odio Malum averfari; sed ad hoc debet præcedere vera Boni, & vera Mali notitiâ per mentis ratiocinium habita (C). Hac adeptâ notitiâ, tunc voluntas potest sive in corde, sive in opere perfectam virtutis veritatem amplecti (D).

Tertiò, Voluntatis perfectio. Ejus perfectio est ita veritatem quærere ac colere, ut vitium eo modo oderit, quo homo foetorem odit; ac virtutem eo modo amet, quo homo pulchritudinem amat; & hoc dicitur seipsum satiare, vero gaudio seipsum implere; hæcque satietas ac gaudium nihil est aliud, quàm propriæ voluntatis sinceritas, ex qua oritur tota actus bonitas. Cum autem ista sinceritas nulli alii nota sit, nisi ei, in quo incst; ideò Sapiens unicè invigilat huic interiori suæ voluntatis solitudini, ut ab eâ omnem vel minimam simultatem expellat (E).

Hæc pauca sat indicant, quid Sinæ sentiant de voluntate. Quia autem ad actus moraliter bonos aut malos, nihil adeò facit ac libertas, quæ est primum actionis moralis principium; videamus nunc etiam breviter quid de illa dicant.

Textus Librorum.

A. 1. Lib. 2. Memc. cap. 7. *Cin sin xam* sic: Quod homo, inquit Memcius, absque discendi labore potest agere, id naturali ejus agendi (nempe volendi) facultati tribuitur.

A. 2. Lib. *Ge kham su xu* tom. 25. in Libr. Memc. cap. 7. *Cin sin xam*, explicans

explicans prædictum textum , ſic ait : Dum homo aliquid facit , id provenit ex arte quam didicit ; dum autem ſine ullo diſcendi labore & arte aliquid ex ſe ipſo facit , id ingeniſta noſtræ naturæ potentia efficit ; atque hæc eſt naturalis illius potentia, nempe viſ volitiva ſeu voluntas. Item dum homo aliquid cognoviſcit , id provenit ex prævio ſtudio , cui operam dedit ; dum autem ſine ullo prævio ſtudio & inquiſitione aliquid ex ſeipſo cognoviſcit , id ingeniſta noſtræ naturæ intelligentia efficit ; atque hæc eſt naturalis illius intelligentia , nempe vi� intellecſtiva ſeu intellectus.

B. 3. Lib. *ſim li ta ciuen gwey yao* tom. 9. artic. *ſim* ſic : cor eſt Dominus totius corporis ; id quo ejus ſubſtantia ſeu eſſentia conſtituitur , eſt ipſa natura ; quo autem in uſum ſeu actum exit , eſt affectus.

B. 4. Lib. *ſu xu mum yn* tom. 1. in Libr. *Ta Hio* ſic : Dum attentè conſidero quid ſit cor , eſt tantum id , quod dominium ſervat ; quod autem producit , eſt intentio. Et paulò poſt ſic : Intentio eſt id , quod ex corde oritur ; cor complectitur motum & quietem ; intentio eſt dumtaxat motus ſpecies. Hinc ſi ſpecies cor : in multa ; ſi intentionem : in pauca dividitur. Paulò infra ſic : Intentio ab affectu diſtinguitur ; intentio enim eſt volita cordis productio ; affectus eſt tantum naturæ motus ; affectus exit à natura , quæ , prout objecta ſefe offerunt , ſine intentione movetur ; intentio autem eſt id , quod noſter animus vult aut deſiderat.

C. 5. Lib. *ſu xu mum yn* tom. 1. in Libr. *Ta Hio* ibidem in principio ſic : Stabilire ſuam intentionem in veritate , eſt vero amore Bonum proſequi , & vero odio Malum fugere ; ſed niſi præcedat perfectæ Boni & Mali notiſtia , quomodo poteſt quis & illud proſequi , & hoc fugere ?

C. 6. Lib. *ſu xu che kiy* tom. 1. in Librum *Ta Hio* in principio ſic : Priſci ſapientes , aiebat Confucius , cum vellent veram totius ſui cordis rectitudinem acquirere , ipſi priùs ſuam intentionem ſeu voluntatem in vero Boni amore , & in vero Mali odio ſtabilire contendebant. volentes autem efficere , ut tota ſua intentio ſeu voluntas in vero Boni amore , & in vero Mali odio eſſet ſtabilita , ipſi priùs per mentis ratiocinium conabantur aſſequi perfectam Boni & Mali notiſ-

am

am ; modus verò assequendi perfectam Boni & Mali notitiam consistit in perscrutandis rerum naturis ac rationibus, sive in Philosophiæ studio.

D. 7. Lib. *Su xu che kiy* tom. 3. in Librum *Chum Tum* artic. 20. sic : Ad mores & vitam ita rectè componendam , ut una virtutis veritas sive in corde, sive in opere resplendeat, datur etiam rectus modus, qui ex vera Boni cognitione procedit. Nisi enim quis diligenti sapientiæ studio perfectam veri Boni cognitionem adeptus fuerit, non potest mores & vitam suam ita rectè componere, ut unam virtutis sive in corde sive in opere veritatem scèctetur.

E. 8. Lib. *Su xu che kiy* tom. 1. in Libri *Ta Hio* artic. 6. sic : Quod suprà Confucius ait *stabilendam esse in vero Boni amore, & in vero Mali odio suam intentionem seu voluntatem*, significat his verbis, non debere hominem sibi ipsi illudere, nec seipsum decipere ; sed debere ita sincero animo veritatem quærere ac colere, ut vitium eo modo, oderit ac fugiat quo scetorem ; & virtutem eo modo amet ac prosequatur, quo pulchritudinem. Et hoc dicitur seipsum satiare, seipsum summo gaudio implere, sibi ipsi facere satis. Illa sui ipsius illusio ac decedtio, nihil est aliud, quàm propriæ voluntatis simulas ; hæc vero suipsius satietas ac gaudium, nihil est aliud, quàm propriæ voluntatis sinceritas. Jam verò cùm ista interna tum simulas, tum sinceritas, ex qua tota aut veri Boni, aut veri Mali diversitas oritur, nulli alteri nota sit, quàm ei, in quo inest ; ideò Sapiens maxime ac singulariter invigilat interiori isti suæ voluntatis solitudini, quam solus ipse, & nemo alius cognoscit, ut ab ea omnem vel minimam similitatem expellat, & in ea omnem sinceritatem colligat.

SECTION V.

De Animæ libertate.

Primò, *Libertatis definitio & actus juxta Senas sic* : Libertas est facultas sui juris, ac Domina sui actus ; est facultas determinativa, in totum nostrum corpus dominans, ac fundamentum virtutis exercendæ (A). Id quod ab ea producit, dicitur actus intentus, sive intentio. Si hic actus honestati conveniat, est rectus ; si disconveniat, est pravus. Intentio distinguitur ab affectu ; nam affectus à natura erumpit ; v. gr.

amor istius rei, est affectus: sed ratio ob quam volo amare istam rem, est intentio. Affectus est instar navis aut currus: intentio est instar hominis dirigentis navim aut currum. Affectus est natura in motu tantum; intentio est tendentia in objectum determinatum; v. gr. amor & odium præcisè, est affectus; amor rei pulchræ, & odium rei deformis, est intentio; nempe actus liberè intentus, seu libera electio (B).

Secundò, Libertatis divisio. Primò libertas, alia est *contrarietatis* ad agendum bonum vel malum; duplex est enim, inquirunt, via: vel Boni vel Mali; sive duplex est via ad Bonum vel Malum: altera æquitatis, altera utilitatis. Dum facultas determinativa viam æquitatis sequitur; honestas & ratio dominatur. Contrà dum utilitatem sequitur, cupiditas & turpitudine dominium obtinet. Hinc differentia Heroum & hominulorum, sapientium, & insipientium, bonorum & malorum oritur (C).

• *Secundò, Alia est contradictionis* ad agendum & non agendum; v. gr. Rex qui omittit pietatis & clementiæ opera erga suum populum exercere, non quia non potest, ea omittit; sed quia non agit, vel quia non vult ea exercere; sicut qui iussus abscindere parvum arboris ramum, eum non abscindit; is non quia non potest, non abscindit; sed quia non agit, vel quia non vult eum abscindere (D).

Tertiò, Alia est disparitatis ad multa bona disparata; v. gr. ad actus sobrietatis, liberalitatis, clementiæ, &c. sic Rex potest amare fortitudinem & pietatem; utilitatem & æquitatem (E).

Textus Librorum.

A. 1. Lib. *Su xu che kiy* tom. 15. in Libri Memcii cap. 3. *Kum sun cheu xam* sic ait: Tunc discipulus *Kum sun cheu* rursus interrogat Magistrum Memcium: ausim Te, Magister, adhuc unum rogare: daturne etiam aliqua firmandi nostri cordis ars? cui Memcius: homo ope unius sui cordis omnes res mundi pertractat; si in corde non habeat expeditum & liberum dominium, dum illæ ex improvisò & derepente occurrent, non poterit non terri; & dum turmatim ac promiscuè advenient, non poterit non perturbari. Si autem in medio corde exstet vis dominans, quæ actum determinet; tunc efficiere

ficere poterit, ut cor nullo vel timore vel dubitatione concutiat, sitque expeditum ac firmum & ad timores vincendos, & ad dubitationes solvendas. Atque hæc est firmandi cordis ars.

A. Ibidem paulò infrà, sic: Cùm facultas determinativa in totum hominem dominetur, eum regat, ejusque vitali auræ imperet; est ergo dux ac rector vitalis auræ. Cùmque vitalis aura, quæ totum nostrum corpus implet, obediat isti facultati determinativæ, est ergo ejus discipula ac famula; adeoque quamvis utraque sit necessaria ad agendum, tamen facultas determinativa est quid primarium; vitalis autem aura, est duntaxat aliquid secundarium.

B. 2. Lib. *sim li ta ciuen gucy yao* tom. 10. artic. *Chi kè chi* y sic: Petes: quænam est differentia inter facultatem determinativam, scilicet *Chi*, & intentionem, scilicet *Y*? Respondeo facultas determinativa spectatur ut aliquid, quod dominium liberumque arbitrium tenet ac servat; id autem, quod producit hæc facultas, est intentio. Si intentio sit honestati conformis, est recta; si difformis, est prava. Et paulò infrà sic: Facultas determinativa est aliquid, quod universali modo liberum suum arbitrium in rebus agendis exercet; intentio verò est aliquid, quod particulari & occulto modo erumpit.

B. 3. Idem Lib. eod. tom. 10. artic. *Cim* y sic: Petes, quænam sit differentia inter affectum & intentionem? Respondeo. Affectus, inquit Doctor *Chu hi*, à natura erumpit; v. gr. amor istius rei, est affectus; sed ratio ob quam volo istam rem amare, est intentio. Affectus est instar navis aut currus; intentio, instar hominis dirigentis navim aut currum.

Deinde paulò infrà sic: naturalis appetitus est ipsa natura sine motu; affectus est natura in motu; intentio est tendentia in objectum determinatum, v. gr. amor & odium præcisè, est affectus; amor verò rei pulchræ, & odium rei deformis, est intentio.

C. 4. Idem Lib. eod. tom. 10. artic. *Chi kè chi* y sic: Facultas determinativa, est addivus nostri cordis usus; nostrum cor seu animus est quidem rectus; sed ejus usus seu exercituum aliud rectum, aliud pravam. Facultas determinativa est virtutis exercendæ radix, seu radicale principium..... duplex est Boni & Mali via; altera æquitatis, altera utilitatis. Dum facultas determinativa æquitatem

sequitur, tunc recta ratio & honestas dominatur; nec hanc potest prava rerum cupiditas à sede dimovere. Contrà, dum facultas determinativa utilitatem sequitur, tunc prava rerum cupiditas dominatur, nec recta ratio & honestas potest introire. Ex hoc oritur discrimen, quod est inter sapientes Imperatores *Tao* & *Xun*, & inter Insipientes *Kie* & *Che*. Numquid igitur id diligentissimè attendendum est?

D. 5. Lib. Memcii cap. 1. *Leam hoei vam xam*, sic alloquitur Memcius Regulum *Hoei vam*: Itaque cùm possis, Rex, verè imperare, & non imperes; veram imperandi artem tenere, & non teneas, hoc non provenit ex eo quòd non possis; sed quia, cùm possis, non facis. Quodnam ergo, subjungit Rex *Hoei vam*, discrimen inter non agentem, & agere non potentem? cui Memcius: en vir alteri dicit: excelsum illum *Tay xan* montem ad boreum mare trajiciendum non possum ego evellere, sub axilla accipere, & in mare projicere; hic verum loquitur; verè enim non potest id agere. Sed en alius ab Hero suo jussus parvulum arboris ramum abscindere, statim respondet: non possum ego pendulum illum arboris ramum abscindere; hic non abscindit ramum, non quia non potest; sed quia non agit. Jam verò tu, Rex, cùm verè possis pietatis & misericordiæ beneficio imperare, & non imperes; veram imperandi artem tenere, & non teneas; non es sicut ille, qui excelsum montem *Tay xan* non potest sub axilla accipere, & in mare projicere ad trajiciendum mare boreale; sed sicut hic, qui pendulum arboris ramum non potest abscindere.

E. 6. Lib. *Su xu che kiay* tom. 14. in Libr. 1. Mem. cap. 2. *Leam hoei vam his* sic: Tunc Princeps *Suen Vam*: Magna, inquit, ac sublimis est profectò illa sententia! quantum ego cuperem, modicæ virtutis vir, ejusmodi pietatem amplexari! sed me mea non sinit infirmitas; ego enim modicæ virtutis vir, nimis amo fortitudinem & excellentiam; minores me Principes non possum clementer tractare; majores me non possum patienter tolerare. Cui Memcius: ama, inquit, ut placet, Rex, fortitudinem; sed ama Heroum, non homunculorum fortitudinem..... Deinde Princeps *Suen Vam*: optimè, inquit, & præclare dixisti. Cui Memcius: si optimè & præclare

rè me dixisse, Rex, censes; ecurr ergo ea, quæ dixi, non propere amplecteris? ego quidem modicæ virtutis vir, reponit *Sinen Vam*, exoptarem ista propere amplecti & exequi; sed aliâ pravâ animi ægritudine laboro; ego sum opum & lucri amator. Nihil hoc obest, subjungit Memcius..... (id est, potes amare opes seu utilitatem, & sequi æquitatem.) Iterum reponit *Sinen Vam*: Modicæ ego virtutis vir, non tantum opum sum amator; sed aliâ rursus animi ægritudine laboro; voluptatem etiam diligo. Er hoc, inquit Memcius, nihil refert; olim Princeps *Tay Vam* etiam voluptatem amabat; suam, inquam, uxorem *Kiam* ardenti amore prosequabatur, &c.

CAPUT III.

De Principiis coëffectivis humanarum Actionum.

P Rincipia coëfectiva sunt ea, quæ simul cum potentia efficiunt actum humanum, scilicet *Habitus*. Itaque primò de *Habitibus* genericè sumptis. Secundò, de virtute in genere. Tertiò, de virtute in specie agemus.

SECTIO I.

De Habitibus genericè sumptis.

N On agimus hæc de *Habitibus* supernaturalibus, quos *DEUS* in nobis sine nobis operatur; sed de naturalibus, quos crebrâ actuum repetitione acquirimus.

Primò, Definitio Habituum juxta Sinas sic: *Habitus est acquisita per multiplicatos actus notitia.* Est prælucens acquisitæ scientiæ ductus. Est perfectio, quam ex diu continuata actuum exercitatione acquirit vitalis auræ vis, seu facultas (A). Unde ad acquirendos *Habitus*, oportet prius iterare multos actus; v. gr. ad consequendam summam viri sapientis perfectionem, oportet novo ac novo semper conatu progressum facere (B). Imò ad acquirendam perfecte aliquam virtutem in particulari, oportet omnes animi motus, qui nos ad illam impellunt, omnino explere, iterare, multiplicare (C). Denique præter rerum

rerum noticiam à natura comparatam, acquiritur etiam veritas, seu verus Habitus, arte & studio per crebram actuum repetitionem (D).

Secundò, divisio Habituum. Habitus, alii pertinent ad speculationem, nempe ad intellectum, & phantasiam; alii ad praxim, nempe ad voluntatem & appetitum sensitivum; illi serviunt ad facilius discernendum, quod rectum est; hi ad facilius agendum, quod honestum est (E).

Tertiò, subjectum Habituum. Homines alii facilius, alii difficilius istos Habitus acquirunt, prout uniuscujusque ingenium vel acutius, vel obtusius est; & prout uniuscujusque indoles vel pronior, vel repugnantior est (F).

Quartò, augmentum Habituum. Habitus possunt augeri vel extensive, v. gr. se extendendo ad nova & plura scientiæ aut virtutis objecta; vel intensive, v. gr. novam ac majorem ejusdem scientiæ aut virtutis perfectionem acquirendo (G). Crescunt autem & perficiuntur per constantem operis continuationem (H).

Quartò, decrementum Habituum. Habitus possunt etiam minui ac perdi, tum per cessationem actuum, tum per positionem actuum contrariorum. Nulla enim res est quæ non crescat, si suum habeat alimentum; nulla, quæ non pereat, si illo careat; v. gr. repullulantes denudati montis furculi crescunt, si alantur; pereunt, si quo alantur, careant. Sic revirescens bonæ mentis germen crescit, si probitate alatur; perit, si continuâ improbitate conteratur; uti olim Confucius aiebat: si apprehenderis, custodis; si dimittas, perdis (I).

Textus Librorum.

- A. 1. Liber *Su xu che kiy* tom. 3. in Libr. *Chum Tum* art. 27. sic: Quocirca Sapiens, ut vitæ perfectionem consequatur, tum naturalem rectæ rationis sibi cælitus infusæ facultatem colit, tum prælucentem acquisitæ scientiæ ductum sequitur.
- A. 2. idem Lib. eod. tom. in Libr. *Chum Tum* art. 20. sic: Harum virtutum speculatio ac praxis, licet sæpe in modo sive speculandi, sive operandi sit diversâ; acquisitus tamen tum speculationis, tum praxis finis, in omnibus unus atque idem est. Si enim speculationem spectes; alii velut à natura docti sine ullo studio; alii ingenio pollentes,

tes, cum facili studio; alii ingenio destituti, cum difficili studio has virtutes penetrant; verum sic diverso modo acquisita rerum notitia (nempe habitus pertinentes ad intellectum & phantasiam) in omnibus istis una atque eadem est. Deinde si proxim species, alii bonâ indole instructi, tranquillè & quasi naturali impulsu; alii excitato ingenio illustrati, studiosè & grandi ardore; alii obtusâ mente retardati, agrè & quasi violento conatu illas exercent; verum sic diverso modo posita earum praxis, (nempe ab habitibus pertinentibus ad voluntatem & appetitum sensitivum) in omnibus istis una atque eadem est.

- A. 3. Lib. *Su xu che kiy* tom. 15. in Libr. 1. Memen cap. 3. *Kum sun chen xam*, sic: Ista vitalis auræ vis seu facultas acquirit suum incrementum ac perfectionem ex diu continuata accumulata sensim iustitiæ exercitatione, non autem ex uno alterove ejus actu.
- B. 4. Lib. *Su xu che kiy* tom. 1. in Libr. *Ta Hio* art. 5. sic: Quocirca Adulcorum doctrina statim in ipso suâ institutionis principio movet suos Alumnos, ut quæcumque in orbe res exstant, harum omnium naturas atque rationes exquirant, magis ac magis pervestigent ac mente scrutentur, novoque semper conatu ac progressu intimam illarum essentiam rimentur, nec desistant donec ultimum perfectæ cognitionis terminum assecuti fuerint. Postquam enim longo studio & assiduâ diligentia in hanc rem incubuerint, aliquando tandem fiet, ut omnia ac singula clarè distindeque cognoscant.
- B. 5. Lib. *Su xu che kiy* tom. 1. Libr. *Ta Hio* art. 2. sic: Renovandorum populorum primum principium, est fervens sui ipsius renovatio. Idcirco Imperator *Chin Tam*, ut assiduos novæ perfectionis stimulos sibi indefinenter adderet, in pelvi quâ ad lavandam faciem ac manus utebatur, hæc verba insculpi jusserat: Si Princeps ablutis animi sordibus, verè se semel renovaverit, debet quotidie se rursus renovare; imò de die in diem majorem semper ac majorem sui renovationem procurare.
- B. 6. Lib. *Su xu che kiy* tom. 1. in Libr. *Ta Hio* art. 3. sic: Cernis, inquit Liber *Xi Kim* seu Carminum, ut ossuarius opifex materiam osseam primum ferrâ secet? deinde runcinâ dolet? cernis, ut gemmarii operis artifex, gemmam primum scilpro scindat? deinde pumice poliat?

poliat? sic est accuratissimus ac diligentissimus sapientis nostri Principis (nempe *Vu Kum*) labor. Proh! quanta in animo sedulitas & constantia! quanta in corpore gravitas ac majestas! denique omni decore ac perfectione splendet excultissimus noster Princeps, ideoque ejus memoria oblivione deleri nunquam poterit. Jam verò dum poëta dicit: *Offharius opifex materiam offeam primum ferrâ secat, deinde runcinâ dolat*, indicat his verbis constantem in addiscendis literis scientisque acquirendis istius Reguli *Vu Kum* diligentiam. Dum dicit: *gemmarius operis artifex geminam primum scalp pro scindit, deinde pumice polit*, indicat his verbis ejus accuratissimum in quærenda virtute, componendisque suis moribus studium.

C. 7. Lib. *su xu che kiay* tom. 3. in Libr. *Chum yum* artic. 23. sic: Jam verò qui maximam illam & veræ scientiæ & veræ virtutis perfectionem non possidet, adeoque nondum summam totius mundi veritatem assecutus est, quid debet facere, ut illam sibi compareret? hic debet omnes animi motus, qui ipsam ad unam particularem virtutem impellunt, accuratissimè explere, ita ut nullum illius virtutis motum in se sentiat quem non expleat. Postquam enim omnes illos animi motus, qui modò ad pietatem, modò ad æquitatem, modò ad honestatem, modò ad prudentiam ipsum impellunt, diligenti assiduitate expleverit; tum istarum omnium virtutum veritas, seu veri habitus in animo efformabuntur, qui multiplicati ultrò se prodent exteriùs, in actus externos erumpent, totamque hominis speciem cohonestabunt; deinde successu temporis magis ac magis se prodent, magnòque ubique lux claritatis radios dispergent.

D. 8. Lib. *su xu che kiay* tom. 3. in Libr. *Chum yum* artic. 21. sic: Qui ex ipsa veritate habet rerum notitiam, hic dicitur habere notitiam à natura comparatam; qui autem ex rerum notitia acquirit veritatem, hic dicitur habere veritatem seu verum habitum, studio & arte acquisitum. Sed sive quis habeat rerum notitiam à natura comparatam, sive habeat veritatem seu verum habitum studio & arte acquisitum, unus atque idem effectus est; nam & infusa veritas est notitia, & acquisita notitia est etiam veritas.

E. 9. Lib. *su xu che kiay* tom. 3. in Libr. *Chum yum* artic. 20. sic: Veritatis

ratis studium in speculando , cum contentione & studio id quod rectum est , discernit ; in operando , cum labore & vi id quod honestum est , exequitur ; atque hic est modus quem vir suæ perfectionis studiosus servat. Hic ergo vir suæ perfectionis ac veritatis studiosus debet multa non tantum moderna , sed etiam antiqua addiscere , obscura à sapiente Judice sive Magistro , sive Amico interrogare , interrogata attentè speculari , speculata clarè distinguere ; virtutem à vicio , rem ab umbra dilucidè discernere ; postea strenuè manum operi admove- re. Sed quia quorundam talis est indoles & ingenium , ut non nisi maxima cum difficultate & quæ addiscenda , addiscere ; & quæ agenda sunt , agere valeant ; ideo hi dum alicui rei student , debent ita illam addiscere , ut non desistant , donec totam omnino conceperint. Quoad istos , qui nulli rei student , nihil mihi cum illis. Deinde dum aliqua dubitatio de aliqua re iis occurrit , debent ita illam interrogare , donec totam suæ dubitationis solutionem omnino assecuti fuerint. Quoad istos qui dubitando nihil interrogant , nihil mihi cum illis. Dum interrogata speculantur , debent ita ea perpendere , ut non desistant , donec totam illorum difficultatem omnino penetrarint. Quoad istos , qui nihil speculantur , nihil mihi cum illis. Dum speculata distinguunt , debent ita singillatim ea discriminare , ut non desistant , donec unamquamque earum divisionem omnino comprehenderint. Quoad istos , qui nihil distinguunt , nihil mihi cum illis. Dum ad opus se transferunt , debent ita ei manum admove- re , ut non desistant , donec illud penitus perfecerint. Quoad istos , qui nulli unquam rei manum admovent , nihil mihi cum illis. Denique quod alii possunt uno , illi decem ; & quod alii decem , illi centum conatibus debent perficere. Porro si laboriosam hanc perfectionis viam vere , & constanter tenere potuerint , quantumvis antea fuerint & rudes , & imbecilles ; postea tamen & intelligentes , & fortes procul dubio evadent ; acquirant nempe habitus tum ad speculationem , tum ad praxim pertinentes.

E. 10. Lib. *Su xu' che k'ay* tom. 3. in Libr. *Chum yun* artic. 20. sic : Harum virtutum speculatio ac praxis , &c. Vide hic supra num. 2. litterà A.

- E. 11. Lib. *Su xu che kiaj* tom. 3. in Libr. *Chum yum* art. 22. ſic : Solus vir verâ ſcientiâ , & verâ virtute perfectiſſimus poteſt penitus naturæ ſux rationalis munus explere , nihil prorsus intelligendo , niſi quod rectum eſt ; nihil prorsus agendo , niſi quod honeſtum eſt , liber ab omni errore , & ab omni prava cupiditate.
- F. 12. Lib. *Su xu che kiaj* tom. 3. in Libr. *Chum yum* artic. 20. ſic : Veritatis ſtudio in ſpeculando , &c. Vide hîc ſuprà num. 9. litterâ E. Deinde ſic : Harum virtutum ſpeculatio ac praxis , &c. Vide etiam hîc ſuprà num. 2. litterâ A. Item vide numerum ſequent. litterâ G.
- G. 13. Lib. *Su xu che kiaj* tom. 3. in Libr. *Chum yum* artic. 20. ſic : Si vir, inquiebat Confucius , qui ingenio eſt rudis , diſcendi amator fuerit ; qui indole pravus , agendi ſtudioſus fuerit ; qui viribus infirmus , erubescendi gnarus fuerit ; quamvis fortè fieri nequeat , ut omnem omnino poſſit ; aliqualem tamen & rudis prudentiam , & pravus pietatem ſeu cordis rectitudinem , & infirmus fortitudinem conſequetur.
- G. 14. Lib. *Su xu che kiaj* tom. 3. in Libr. *Chum yum* artic. 27. ſic : Quocirca Sapiens , ut vitæ perfectionem conſequatur , tum naturalem rectæ rationis ſibi cælitus infuſæ facultatem colit , tum prælucentem acquiſitæ ſcientiæ ductum ſequitur. Ope illius naturalis facultatis , vaſtam ſui cordis capacitatem omni æquitatis ſenſu implet ; ope hujus ſcientiæ acquiſitæ , immutabilis Medii rectæ viæ adhæret. Ope illius , in iis quæ jam didicit , quotidie ſe exercet ; ope hujus , in iis quæ nondum didicit , novum quotidie ſtudio ponit. Denique ope illius , quæ jam rectè incepit , ea diligenter continuat ; ope hujus , quæ nondum rectè incepit , ea ſerventer aggreſſitur , & ubertim coacervat.
- Vide etiam ſuprà , Cap. 2. Sectione 3. in textibus num. 5. litterâ E. ſic : Quod autem aſſerit Confucius , &c.
- H. 15. Lib. *Su xu che kiaj* tom. 15. in Libr. 1. Memcii cap. 3. *Kum ſun chen xam* , ſic : Iſta vitalis auræ viſ acquiri ſuum incrementum ac perfectionem ex diu continuata ſenſim accumulata juſtitie exercitatione , non autem ex uno alterove ejus actu , qui per occaſionem tantum exercetur ad ponendum cordi exterius velamen ; ſi enim

enim fortuitum tantum iustitiæ opus quandoque ponatur exterius sine interiori veræ affectionis motu; tunc non expletur cordis satietas; non expleta cordis satietate, tunc animus velut famelicus ac vacuus remanet. Hinc vides iustitiæ sensim accumulatæ perfectionem ex corde oriri, & in corde consistere. Idcirco dicebam philosophum istum *Kao Tzu* nescivisse quid foret iustitia; assererat enim non in corde, sed in fortuito opere, quod quandoque exterius exercetur, illam consistere; ideoque ille non poterat acquirere iustitiæ perfectionem. Qui igitur poterat animum suum firmare? jam verò etsi ad acquirendam hanc vitalis auræ ultimam perfectionem, oporteat, ut quis constanti labore & sine intermissione iustitiam accumulet; non debet tamen præfigere aut præfinire sui laboris effectum tali tempore certò obtinendum; imò quamvis post longum tempus videatur nondum suorum votorum & laborum metam attigisse, non propterea debet oblivisci ac negligere inceptum accumulandæ iustitiæ opus; aut certè præpropere impetu velle procurare ejus augmentum, nihilumque præceps accelerare ejus perfectionem, imitando illum famosum regni *sum* ineam, qui cum doleret suam pullulantem segetem non satis celeriter crescere, cœpit eam vellicare, & emotâ radice in altum attollere. Deinde perturbato vultu domum festinè redux, dixit suis domesticis: hodie proh! quàm defessus sum! quanto labore nostræ segetis herbescentis incrementum hodie promovi! ejus filii ignari quid loqueretur, sequenti die in agros perrexerunt, satæque inviserunt; & ecce totam campi faciem aridam, totam orizantem exsuccam & emortuam invenerunt. Sic inter homines, qui in fovenda vitali aura, herbescentis suæ segetis incrementum præcipiti & cæco ardore non promoveant, paucos reperies; dum enim immaturè accelerando sui laboris fructum, prodesse illi volunt; tunc maxime ei nocent, & omnia perdunt.

H. 16. Lib. *Su xu che kiy* tom. 3. in Libr. *Chum yun* art. 26. sic: Itaque hæc summa virtutis veritas numquam sistit; numquam sistendo, diu perseverat, altasque interim in corde radices agit; diu perseverando, jadisque altis in corde radicibus, sese patefacit, (habitus nempe inclinant ad actus); sese patefaciendo, paulatim longè latè-

que diffunditur , omniâque orbis loca ſua amplitudine , & omnia hominum corda ſua profunditate celeriter replet ; hæc replendo , tunc tandem maximam ſui operis celſitudinem , maximûmque ſuz perfectionis ſplendorem aſſequitur.

- I. 17. Lib. *Su xi che klay* tom. 23. in Libr. 2. Mencii cap. 5. *Kao iſu xan* ſic : Sed heu ! pergit Mencius , prava rerum cupiditas aſſidue homines impetens , quàm ſæpe devaſtat totam hanc naturalem noſtri cordis rectitudinem ! venuſtiſſimus olim Regni *Cy* mons *Nieu xan* , (id eſt , mons boum) denſo latè vernans nemore , quem infeſtæ lignatorum ſecures , utpote non procul ab huius magni Regni metropoli ad ſuburbia ſitum , toties imperierunt atque attriverunt , potèſtne adhuc dici nunc priſtinum decus ac venuſtatem retinere ? quamdiu tamen truncatarum arborum radices , quæ die noctûque rore ac pluviâ aſſidue irrigabantur , non fuerunt avulſæ : conſertim ubique repullulantibus ſurculis , poterat adhuc priſtinus decor reviviſcere ac revireſcere ; ſed poſtquam repullulantes illos ſurculos novâ ſemper ſtrage pabulantes boves ac oves carpeſerunt , conculcârunt , devaſtârunt ; tunc nudum montis cacumen miſerè remanſit , ut nunc vides . Siquis autem proſpiciens ſpoliatum arboribus totum iſtum montem , continuò dicat ſic ex ſe ſterilem eſſe , nec lignorum ſeracem , nec ullum in eo olim nemus ſteſiſſe , num fortè exiſtimabis illum vera loqui , talemque eſſe iſtius montis naturam ? quemadmodum igitur in denudati montis viſceribus aſſervatur natura arborum ſerax , ita in depravato hominis animo aſſervatur natura pietatis & æquitatis ſerax ; ſed ſicut infeſtæ lignatorum ſecures omnem arborum decorem in iſto monte vernantem decuſſerunt ; ita perverſæ mundi cupiditates omnem pietatis & æquitatis honeſtatem in animo germinantem demetunt , &c. Poſtquam tamen tumultuantes illæ mundi cupiditates , die tranſacto ad quietum noctis tempus pervenerunt , tunc innata cordis pietas & æquitas rurfus incipit repullulare , manèque clareſcente , quando vitalis aura necdum rerum tumultu & imaginibus perturbata , tranquillitatem ac ſerenitatem adhuc conſervat , amor quo animus proſequitur honeſtatem , & odium quo averſatur turpitudinem , ſatis ſimile eſt communi hominum indoli . Si hæc repul-

pullulantia pietatis & æquitatis femina, (nempe habitus) noverit cor conservare & alere, poterit adhuc deperditus decor revirescere; sed si illa ira rejiciat atque extinguat, ut tandem illorum tantillum, & vix quidquam supersit; tunc improbitas, quam toto die perpetrat, longâ consuetudine fortior effecta, illud tantillum bonæ cogitationis germen diluculo emicans, captivum detinebit, ac perimet, (nempe habitus peribunt), non secus ac pascencia pecora repullulantes deciduarum arborum surculos carpunt, conculcant, perdunt, &c. Nulla itaque res est, quæ non crescat, si suum habeat alimentum; nulla, quæ non pereat, si illo careat. Sic & repullulantes denudati montis surculi crescunt, si alantur; pereunt, si quo alantur, careant. Et revirescens diluculo bonæ cognitionis germen, quantumvis exiguum, etiam crescit, si probitate redintegratâ alatur; perit, si continuatâ improbitate conteratur. Idcirco Confucius sic olim aiebat: *quod passim dicunt: si apprehendas, custodis; si dimittas, perdis; nullo non tempore intrat & exit; quò vergat, nemo scit; numquid hoc reverà de corde intelligendum est?*

- I. 18. Lib. Rituum tom. 9. cap. 32. *Piao Ki* sic: Ubi quis est moderatus, quotidie fit fortior; ubi quis dissolutus, quotidie fit languidior.

SECTIO II.

De Virtute in genere.

Primò, *Definitio virtutis juxta Sinas sic.* Virtus est habitus, ex quo omne bonum exurgit, & quæ in omni bono dominatur, (nimirum inclinans tantum ad bonum, nec potens influere in actum malum;) quatenus intus residet, dicitur virtus; quatenus foras erumpit, dicitur opus. Virtus alia intellectualis, ut intelligentia; alia moralis, ut pietas (A).

Secundò, Causa Virtutis. Virtus inchoatè à natura habetur, exercitatione completur; uti ait sacra scriptura: *Ab infantia mea crevit mecum misersatio, & de utero Matris meæ egressa est mecum.* Job. cap. 31. Omni enim homini inest quidam commiserationis, quâ miseros prosequitur; pudoris, quo res turpes averfatur; reverentiæ, quâ superiores veneratur; scientiæ, quâ veritatem à falsitate, honestatem à turpitudine discernit, ingenitus sensus; iste autem ingenitus sensus commiserati-

ſerationis, eſt pietas inchoata, ſeu pietatis ſemen; iſte ſenſus pudoris, eſt æquitas inchoata; reverentiæ, eſt honeſtas inchoata; ſcientiæ, eſt prudentia inchoata (B).

Hæ virtutes diligenti exercitatione completè acquiruntur (C); ſed diverſis modis; quoad *intellectuales*, alii quaſi à natura docti, ſine ſtudio & labore; alii ingenio pollentes, facili cum ſtudio; alii ingenio deſtituti, difficili cum ſtudio illas acquirunt. Quoad *Morales*, alii bonâ indole præditi, tranquillè; alii vivaci mente excitati, ſtudieſè; alii obtuſà mente retardati, arduè illas ſibi comparant (D). Unde Sapiens, quam inchoatam à natura habet pietatem, æquitatem, honeſtatem, prudentiam, diligenti exercitatione cani alit, efficitque, ut altas in corde radices agat (E). Itaque cauſa radicalis virtutis eſt natura, mediata eſt homo, immediata eſt exercitatio.

TERTIO, Natura Virtutis. Virtutis naturam in medio conſiſtere paſſim aiunt Philoſophi; unde Ariſtoteles 2. Ethic. cap. 6. dicit virtutem eſſe habitum electivum Boni in mediocritate conſiſtentem, juxta quem Horatius:

Est modus in rebus, ſunt certi denique fines,

Quos ultra citràque nequit conſiſtere virtus.

Ita & Confucius, ejusque nepos *Tſu Su* in libello, cujus titulis *Chum Tium* ſeu immutabile Medium, ait virtutem in medio conſiſtere. Immutabile, inquit, virtutis Medium tunc omnem ſuam perfectionem obtinet, quando nihil vel minimum, ſive per defectum, ſive per exceſſum peccatur (F). Medium eſt recta hominum vivendi via (G). Ab hac via non poteſt cor noſtrum vel uno momento recedere, quin ſtatim erret ac declinet (H).

QUARTO, Proprietates Virtutis. Proprietates virtutis ſunt multæ: *Primæ eſt triplex hominum ſtatus. Primum, Incipientium*: id eſt, qui incipiunt vitium odille, & virtutem amare; & ad hunc juvat liber Carminum. *Secundus, Proſicientium*: id eſt, qui virtutum exercitationibus ſolidè ac firmiter vacant; & ad hunc juvat liber Rituum. *Tertius, Perſectorum*: id eſt, qui in virtute conſummati ſunt, & ad hunc juvat Muſica (I). Ita Philoſophus Sinenſis, penè ſicut Ariſtoteles, qui 7. Ethicorum virtutis moralis ſtatum etiam triplicem ponit; primum *continentiæ*, in quo homo à libidinibus ad meliorem frugem converſus, crebris paſſionum motibus, quibus

quibus tamen resistit, adhuc concutitur. Secundum *temperantiam*, in quo homo non amplius ita crebris passionum motibus, quos compescit, agitur. Tertium *heroicum*, in quo homo virtutis culmen attingit, & sine difficultate virtutem operatur.

Secunda, connexio virtutum. Pietas, æquitas, honestas, prudentia non possunt à se invicem separari (L). Maxime verò veritas, in qua omnes virtutes fundantur, non potest ab iis scungi; nulla enim virtus, si veritate careat (M). Ulti Aristoteles 6. Ethic. cap. ultimo dicit virtutem non posse esse sine prudentia.

Tertia, inequalitas virtutum, tum specifica, v. gr. pietas, seu cordis reatudo, omnibus ceteris virtutibus antefertur (N); tum numerica, v. gr. alii aliis sunt excellentiores in eadem virtute; discipulus *Tsu Lu* fortitudine, discipulus *Ten Tuen* pietate suos condiscipulos antecellebat (O).

Quinta, Divisio virtutis. Virtutes, aliæ sunt cardinales, scilicet pietas, æquitas, honestas, prudentia, veritas; aliæ subordinatæ, quæ ad has cardinales instar partium reducuntur; v. gr. fortitudo, temperantia, &c. (P). Nunc de his singulis breviter agemus.

Textus Librorum.

A. 1. Lib. *Sin li ta ciuen guey yao* tom. 10. artic. 7. sic: Virtus, inquit Doctor *Chim*, est habitio, seu habitus. Oportet ut huc verè adveniat, tunc habetur. Ubi virtus est stabilita, tunc cetera omnia bona subsequuntur. Prout in corde servatur, dicitur virtus; prout foras exit, dicitur opus. Quando virtus est perfecta, spectabile est ejus opus. Et paulò infrà sic: Virtus, inquit Doctor *Cham*, omni Bono dominatur; Bonum autem ex se est purissima ac prima mundi unitas. Et infrà: Virtus, inquit Doctor *Chin*, quid est? Respondeo: est pietas, est æquitas, est honestas, est intelligentia (nempe alia moralis, ut tres primæ; & alia intellectualis, ut quarta.)

B. 2. Lib. *Su xu che kiy* tom. 23. in Lib. 2. Mem. cap. 5. *Kao tsu xam* sic Memcius: Omni homini inest quidam innatus commiserationis, qua miseros prosequitur; verecundiæ, qua res turpes averfatur; reverentiæ, quæ superiores veneratur; scientiæ, quæ veritatem à falsitate, honestatem à turpitudine discernit, sensus. Hic commiserationis

tionis ſenſus, pietas; verecundiæ, æquitas; reverentiæ, honeſtas; ſcientiæ, intelligentia dicitur. Hæ quatuor inchoatæ virtutes, pietas, æquitas, honeſtas, intelligentia ſeu prudentia, non foris, quaſi aliunde conflatæ, hominis naturæ adveniunt; ſed illi intimè conjunctæ ſunt & ingeniæ. Verùm proh! dolor! plerique illam intrinſecam naturæ ſuæ rectitudinem nec cogitant, nec curant. Hinc dicitur: qui illam quærunt, obtinent, fiuntque ſapientes; qui illam negligunt, amittunt, fiuntque inſipientes.

- B. 3. Lib. *Su xu che kjay* tom. 13. in Libr. 1. Memcii cap. 3. *Kum ſun cheu xam* ſic: Omnes quidem, inquit Memcius, piam quamdam cordis affectionem, de aliena miſeria dolentem, à natura comparatam habent; ſed plerique hominum pravis ſuis cupiditatibus ingeniſtam illam animi teneritudinem extinguunt; ſoli illi præteritorum ſæculorum ſapientiſſimi Imperatores juxta hanc teneram animi indolem potuerunt clemens, benignum, alienæ miſeriæ condolens regimen tenere..... Jam verò quid ſit, & unde dignoſcatur eſſe in omnibus hominibus illa commiſerans teneri cordis affectio, ex hoc uno experimento collige: en quis derepentè videt qualemcumque infantem, jam jam in puteum lapſurum; quicumque ſit ille vir ſpectator, protinus toto corde ad commiſerationem excitatur ac commovetur; commovetur autem, non quia cogitat aliquam amicitiaſ teſtificationem, Infantis patri aut matri exhibere; non quia à vicinis, amicis, concivibus, ſociis vult aliquam laudem expiſcari; non quia ab obtreclatoribus timeri argui inclementiæ, aut quid ſimile meditatur; ſed quia naturalis animi impetus ſic illum ſubitò excitat; in ſubitis enim caſibus, ubi non datur conſultationi locus, eſt natura quæ agit; in aliis occaſionibus poteſt aut ſiſtitio, aut ſtudioſa diſpoſitio intervenire. Hinc collige ſiquis careat illà commiſerantis animi teneritudine, cum non eſſe cenſendum hominem, utpote naturali humanæ conditionis parte deſtitutum; Idem dic de his tribus: Siquis neſciat ſuam crubeſcere, & alienam odiſſe iniquitatem; ſi neſciat inurbanitatem à ſe repellere, & urbanitatem alteri præſtare; ſi neſciat malum diſcernere, ut fugiat; bonum, ut proſequatur, hic nec eſt cenſendus homo; humano enim cordi ſunt à natura inſitæ quædam tacitæ pietatis,

tatis, æquitatis, honestatis, intelligentiæ, seu prudentiæ scintillæ vel principia. Ubi earum objecta illi proponuntur, statim in affectum erumpit. Subitus igitur ille affectus, quo hominis cor in alienæ calamitatis commiserationem erumpit, est quædam scintillans pietatis species; affectus, quo aut in verecundiam suæ, aut in aversionem alienæ iniquitatis erumpit, est quædam scintillans æquitatis species; affectus, quo aut in fugam inurbanitatis, aut in exhibitionem urbanitatis erumpit, est quædam scintillans honestatis species; denique affectus, quo in Mali aut falsitatis odium, & in Boni aut veritatis amorem erumpit, est quædam scintillans intelligentiæ, seu prudentiæ species. Hæ quatuor assidue scintillantes virtutum notæ; tam sunt omnibus hominibus connaturales, quam pedes ac manus. Unde si quis dicat se non posse illas virtutes exercere, hic animi seu cordis sui perniciem ultrò quærit; aut si quis primarius Regni Minister dicat suum Regem non posse illas exercere, idèq; omitat eum instruere, hic etiam suo Regi perniciem ultrò molitur.

- C. Si ergo homines, cum sint semper his quatuor virtutum principis à natura dotati, scirent illarum motus fideliter sequi, largè amplificare, accuratè implere; sicut ignis quando semel ingentem flammam concepit, non potest restingui, aut sicut fons, quando semel copiosa scaturigine erupit, non potest reprimi; ita eorum cor à concepto semel rectè vivendi proposito excitatum, non posset removeri aut retardari; sed majus ac majus in dies incrementum perfectionis acquireret. Idcirco qui totam pietatis, æquitatis, honestatis, prudentiæ sphæram adimplere novit, hic universum Imperium, quantumvis longè lateque extensum, potest facillimè animo complecti, dirigere ac tueri. Contrà verò, qui hæc virtutum innata principia ac semina negligit, nè suis quidem Parentibus eà, quæ decet, observantiâ potest obsequium præstare. Quamvis ergo omnibus hominibus indita sint à naturâ eadem virtutum principia, iidem cordis impulsus; prout tamen unusquisque rebus assuefcit, varios contrahit habitus ac mores..... Jam verò, pergit Memcius, quàm ardentè in harum virtutum studium incubuerint antiqui sapientiæ Alumni, potes vel ex his dumtaxat colligere: Confucii discipulus Tsjn Lu tanto suæ perfectionis

deſiderio tenebatur, ut ſiquis eum alicujus culpæ admoneret, totus ſtatim gaudio perſuſus admonentem audiret. Imperator *Yu* ſi quod rectum conſilium audiebat, mox loquenti reverentiam exhibebat, avidus illud exequendi, &c.

- D. 4. Lib. *Su xu che kia* tom. 3. in Libr. *Chum yun*, artic. 20. ſic: Harum virtutum ſpeculatio ac praxis, &c. Vide præced. Sectionem in textibus num. 2. . . iterà A.
- E. 5. Lib. *Su xu che kia* tom. 25. in Libr. 2. Memcii cap. 7. *Cin ſin xam* ſic: Sapiens, quam à natura habet pietatem, æquitatem, honeſtatem, intelligentiam, non negligit ac perdit, more inſipientium; ſed eas diligentiffimè fovet, roborat, efficitque ut altiores quotidie in corde radices agant. Sic enim firmiter in corde ſtabilix, tunc ſe foris produnt, ſpectabilem ſui ſpeciem emittunt, in ſuavi vultûs ſerenitate emicant, in modeſta humerorum gravitate reſplendent, in manuum ac pedum compoſito motu diffunduntur, in totius hominis forma relucet, ita ut omnes corporis partes earum impulſum ac imperium ſine voce ſtatim percipiant & exequantur.
- F. 6. Liber *Su xu che kia* tom. 2. in Libr. *Chum yun* art. 3. ſic: Immutabile virtutis Medium, olim aiebat Confucius, tunc omnem ſuam perfectionem ac decorem obtinet, cùm nihil vel minimum ſive per defectum, ſive exceſſum peccatur. Sed heu! qui nihil vel minimum ſive per defectum, ſive per exceſſum peccent, quàm paucos hiſce perverſis temporibus reperias!
- G. 7. Lib. *Chum yun* in Proœmio Interpres *Chim* ſic ait: Id quod nec ad lævam, nec ad dextram declinat, dicitur Medium, ſinice *Chum*; & id quod non poteſt nec licet immutare; dicitur immutabile, ſinice *Yun*. Medium eſt recta hominum via; immutabilitas, eſt fixa hominum vivendi ratio. Medium, norma; immutabilitas, uſus.
- H. 8. Lib. *Su xu che kia* tom. 2. in Libr. *Chum yun* artic. 1. ſic: Ab hac recta via non licet cordi noſtro recedere vel uno momento; quin ſtatim erret ac declinet. Et verò ſi liceret unquam cordi noſtro ab hac recedere, ita ut vel ſic non erraret ac declinaret, jam illa non foret recta ejus via. Ideò cor Sapientis ſemper eſt ſollicitum, nè umquam ab hac ſua via aberret; nec tantùm in iis quæ ſenſu percipiuntur, curam adhibet; ſed etiam maximè illa, & quæ oculus

lus non videt, cautâ diligentia examinât; & quæ auris non audit, providâ sollicitudine metuit.

- I. 9. Lib. *su xu che kiy* tom. 6. in Libr. *Lun yu*, sive Sententiarum artic. 8. sic: Sapiens, inquit Confucius, in docendo nihil aliud spectat, quàm virtutis praxim, & vitii fugam. Sed à quo incipit maxime noster animus amare virtutem & vitium odisse, est Liber *xi kum* seu Carminum. Cum enim hic liber vivis coloribus & facili stylo depingat virtutes & vitia, hinc noster animus cantando hos versus, facile in amorem virtutis, & in odium vitii erumpit. Deinde noster animus postquam viam perfectionis sic inchoavit, tunc in ea debet stabiliri ac firmari per omnium vitiolorum expulsionem, & omnium virtutum exercitationem; atque hoc haberi potest ex libro *Li Ki* seu Rituum, in quo reverentia, modestia, submissio, aliæque virtutes ad componendos nostros mores, & ad muniendum nostrum pectus contra pravas mundi illecebras requisitæ, exponuntur. Denique postquam noster animus in virtutum exercitatione, & vitiolorum expulsionem satis stabilitus est, debet ultimam summæ bonitatis, integerrimæque ac purissimæ rectitudinis perfectionem acquirere; & ad hoc juvat Musica, quæ suavi suo concentu & harmoniâ, passionum concordiam parit, perfectæque pietatis & æquitatis sensus inspirat.

- L. 10. Lib. *Sim li ta cinen guey jao* tom. 10. artic. *Gin y li chi* sic: Quando in libris classicis tantum dicitur pietas, tunc comprehenduntur quatuor virtutes pietas, æquitas, honestas, intelligentia; seu ianati & naturales earum affectus; sed quando dicitur pietas & æquitas sine honestate & prudentia; tunc pietas includit honestatem, æquitas prudentiam.

Paulò infra sic: Quamvis in hominis animo seu corde radix pietatis, æquitatis, honestatis, prudentiæ sit unica; quando tamen hæ quatuor virtutes in actum erumpunt, efficiunt veluti quatuor rivos diversos.

Et infra sic: Hæ quidem quatuor virtutes à se invicem non separantur; sed prout res occurrunt, se successivè produnt.

- M. 11. Lib. *su xu mum yu* tom. 4. in Libr. *Chum yun* artic. 20. sic: Veritas est principium & finis omnium rerum; sine enim veritate,

nulla res existit Idcirco, id quod maximè spectandum est in triplici virtute pietatis, prudentiæ, fortitudinis, & in quintuplici humanæ conditionis ordine, (de quo infra), est veritas; atque in hoc consistit Sapientum virtus, quòd ubique solidam ac integram prudentiæ, pietatis, fortitudinis veritatem in praxim deducant.

- M. 12. Lib. *Su xu mium yn* tom. 1. in Proœmium Libri *Ta Hio* sic: Hic recensentur tantùm quatuor virtutes, pietas, æquitas, honestas, prudentia; & non nominatur veritas; quia nimirum hæc in illis includitur; si enim pietas non sit vera, jam non est pietas; si æquitas non sit vera, jam non est æquitas. Idem dic de honestate & prudentia. Unde Liber *Chum yam* dicit: Solida pietatis, æquitatis & fortitudinis exercitatio ac praxis ad unum, seu ad unam veritatem reducitur.
- *N. 13. Lib. *Sim li ta ciuen gucy yao* tom. 10. artic. *Gin* sic: Pietas nihil habet sibi æquale; mundi limites excedit.

In eòd. tom. 10. artic. *Gin y li chi* sic: Idcirco pietas reliquas tres virtutes æquitatem, honestatem, prudentiam comprehendit; quia ab illa sensim exoriuntur.

- O. 14. Lib. *Lun yn* seu Sententiarum artic. 11. sic: Præfatus *Ki kam tsu* interrogavit Confucium, ecquis inter ejus discipulos, sapientiæ studium majori ardore amplecteretur? habebam, reposuit Confucius, discipulum *Yen hoi*, insignem sapientiæ amatorem; sed heu! præcoce morte ereptus est; nunc non habeo similem.

Ibidem sic: Olim dum Confucius proficiscebatur in Regnum, id est, principatum *Chin* & *Tsay*, discipuli qui eum comitabantur, erant quidem omnes egregii; sed inter hos virtute excelebant *Ten yuen*, *Mim tsu kien* & *Gen pe nien*; sacundia *Tsay ngo* & *Tsu kum*; regiminis arte *Ten yeu* & *Ki lu*; literis & artibus, seu habilitate *Tsu yeu* & *Tsu bia*.

Ibidem sic: Cùm Confucius discipulo *Yeu* non annuisset, & discipulo *Kien* annuisset, utrique eadem petenti; condiscipulus *Che* hac de re dubius requisivit causam. Cui Confucius: discipulus *Kien* est nimis pusillanimis; hinc illum excitavi ad progressum; discipulus *Yeu* (alio nomine *Tsu lu*) est nimis servidus, & magnanimitate duobus par est; hinc illum repressi.

- P. 15. Lib. *Sim li ta ciuen gucy yao* tom. 10. Articulus *Gin y chi li sin*, seu pietas,

pietas, æquitas, prudentia, honestas, veritas. Articulus *Chum sin*, seu fidelitas. Articulus *Kum Kim*, seu reverentia interior & exterior, &c.

P. 16. Lib. *Su xu che kia* tom. 3. in Libr. *Chum Yum* art. 20. sic: Communis hominum vivendi via, quinque; modus, quo hæc via conficitur, tria complectitur. Illa quinque, sunt Rex & Subditus, inter quos æquitas; Pater & filius, inter quos amor; maritus & uxor, inter quos diversitas; frater natu major & frater natu minor, inter quos subordinatio; amicus & amicus inter quos fides intercedat necesse est. Nemo est in mundo, qui in hac communi viâ non eat. Hæc autem tria, sunt prudentia ad istam viam ritè cognoscendam, pietas ad sequendam, fortitudo ad perficiendam.

Vide eundem librum in variis aliis locis, uti & librum *Sententiarum*, ubi virtutum divisiones plurimæ reperiuntur.

P. 17. Libellus *san tsu kun* pag. 8. sic: Capitales virtutes sunt tres, æquitas inter Regem & Subditum, amor inter Parentes & liberos, concordia inter maritum & uxorem. Idem pag. 15. sic: Cardinales virtutes, quæ non debent inter se confundi, sunt quinque; pietas, æquitas, honestas, prudentia, veritas.

SECTIO III.

De Virtutibus in specie.

Paragraphus Primus.

De Pietate.

Primò, *Definitio pietatis juxta Sinas* sic: Pietas est proprii cordis omnimoda virtus, seu omnimoda rectitudo; hæc omnimoda rectitudo est recta cæli ratio, quatenus incompatibilis cum pravo appetitu (A). Item pietas est recta cordis ratio, quatenus hominem in suo esse verè constituit, corporique unita totum hominem regit (B). Notum cor seu animus est velut semen, pietas est ejus fructus. Respectu cordis est rectitudo, sicut humiditas respectu aquæ, calor respectu ignis (C). Hinc pietas non procul à nobis abest; si eam volo, statim teneo (D).

Secum-

Secundò, Actus pietatis. Universalis pietatis actus, est Recti amor. Pietas est velut gratum, amor Recti, est velut fructus (E). Vel etiam est sicut radix respectu arboris, fons respectu rivi (E); pietas nempe est radix & fons; amor Recti, ardor & rivus. Hinc seipsum ac suas pravas cupiditates vincere, atque ad vitæ honestatem redire; siquid turpe audiendum, videndum, loquendum, movendum, agendum occurrat, id nolle audire, videre, loqui, movere, agere; denique quod tibi non vis fieri, alteri non facere, sunt pietatis actus (F). Particularis & primarius ejus actus, est amor hominum, inter quos obtinent primum locum Parentes (G).

Tertiò, Proprietas pietatis. Proprietas pietatis, est à principio usque ad finem sine intermissione rectæ rationi inhaerere, expulsâ omni pravâ cupiditate (H); deinde servato inæqualitatis ordine, amorem suum regere ac partiri; nimirum primo loco amare Parentes ac consanguineos; secundò, alios omnes homines; tertiò, pecudes ac plantas; quem ordinem pervertebat Sectarii *Me Tse* doctrina, volentis omnes homines æquali amore esse prosequendos (I).

Quartò, Partes integrales ac subjectivæ pietatis. Sunt hæc: gravitas seu modestia in privatis actionibus, diligentia in publicis negotiis, sinceritas in humana societate (L). Deinde mansuetudo est pietatis radix; studiositas est materia, beneficentia est opus; comitas est potestas; honestas est forma; sermo est ornatus; Musica est unio; liberalitas est ejus augmentum (M).

Textus Librorum.

- A. 1. Liber Rituum tom. 4. cap. 9. *Li jun* Interpres *Chin hao* sic: Pietas est proprii cordis omnimoda virtus; ideò est æquitatis, & omnium bonorum morum basis.
- A. 2. Lib. *Lun ju* artic. 12. Interpres *Chun hi* sic: Exercere pietatem est id, quo integram proprii cordis virtutem perficimus; integra autem nostri cordis virtus, est recta cæli ratio, quæ non potest corrumpi à pravis mundi cupiditatibus; ideò dum quis exercet pietatem, istas utique pravas passionum ac mundi cupiditates vincat oportet. Postquam omnes suas actiones ad honestatis & rectæ rationis regulam coaptavit, tunc proprii cordis virtus redit integra.

B. 3.

- B. 3. Lib. *Su xu che k'ay* tom. 25. in Libr. 2. Memcii cap. 8. *Cin sin hia* sic: Pietas, inquit Memcius, est ipsa recta ratio, quæ hominem in suo esse verè constituit; hæc autem recta ratio corpori unita, est hominis ac vitæ recta regula, quam innumeri illi illustres Heroës secuti sunt.
- C. 4. Lib. *Sim li ta ciuen guey yao* tom. 10. artic. *Gin* sic: Noster animus est velut fructus aut frugis semen; pietas est illa ratio seu natura quam producit; dum hæc in actum erumpit, tunc dicitur affectus. Pietatis ratio generatim, est etiam tantum cordis rectitudo; quamvis hæc rectitudo sit pietatis ratio, non potest tamen benè vocari pietas; sed ista rectitudo constituit pietatem; idcirco exercere pietatem, est exercere rectitudinem; exercendo rectitudinem, tunc nosmetipsos cum aliis metimur. Hinc pietas est id, quo nosmetipsos cum aliis metimur, & quo alios amamus; alios metiri, est pietatis objectum; alios amare, est pietatis actus.

Et paulò infrà sic: Pietas, inquit Doctor *Chu hi*, dicitur cordis virtus, sicut vis humefactiva dicitur virtus aquæ; & vis calefacti-

- E. va dicitur virtus ignis. Et dum vocatur amandi ratio, est sicut radix respectu arboris, & fons respectu rivi vel aquæ.
- D. 5. Lib. *Lun yu* artic. 7. sic: Enimverò pietas non procul abest à nobis; si eam volo, statim teneo.
- E. 6. Lib. *Sim li ta ciuen guey yao* tom. 10. artic. *Gin* seu pietas, sic: idèò Cæli cor est summè pium, quia est rectum; si homo rectitudinem verè amplectatur, mox pius fit. Et infrà sic: Pietas est ratio amandi; hæc ratio, est radix; amor est fructus; pietatis amor, est sicut sacchari dulcedo, & aceti acrimonia; amor enim est ille sapor qui è pietate profluit; cum ergo pietas sit radix, & amor fructus; hinc non potest fructus, (nempe actus) dici radix; sed ostenditur ac determinatur ex qua radice hic fructus procedat; nempe amor, ut actus pietatis est.
- F. 7. Lib. *Lun yu* seu Sententiarum artic. 12. sic: Discipulus *Ten yuen* interrogavit Magistrum suum Confucium, quid agendum sit ad pietatem exercendam? vince teipsum, reposuit Confucius, & redi ad vitæ honestatem, mox pietatem exercueris. Deinde iterum interrogavit quænam essent præcipua rerum & actionum capita ad id

neceſſaria ? ſiquid occurrat videndum honeſtati contrarium , reſpondit Confucius , noli videre ; ſiquid audiendum , noli audire ; ſiquid loquendum , noli loqui ; ſiquid agendum , noli agere ; ſiquis motus rationi diſſonus exurgat , noli ei obſecundare.

Ibidem paulò infrà ſic ; Diſcipulus *Chum Kum* interrogavit Confucium , quomodo exercenda foret pietas ? cui Confucius : Dum foras exis , ita te gravem ac modèſtum præſta , perinde ac ſi magnum ac illuſtrem quendam hoſpitem inviſeres. Dum populo aliquid præcipis , ita te gravem ac modèſtum præſta , perinde ac ſi magnam aliquam ac ſolemnnem Ceremoniam & Spiritibus faceres. Denique quod tibi non velles fieri , vide , nè alteri facias.

Q. 8. Lib. *Su xu mun yn* tom. 4. in Libr. *Chum Yum* artic. 20. ſic : Dum rurfus conjunctim dicitur : Pietas eſt vitæ noſtræ via ; tunc illa explicatur tantum quatenus eſt ratio amandi. Cumque illa includat naturalem vivendi rationem , idcirco ſic explicata miſericordiam & amorem complectitur. Dein rurfus dicitur : amor autem , quo Parentes ac propinquos diligimus , primum locum tenet.

G. 9. Lib. *Su xu che kiy* tom. 7. in Libr. *Lun yn* artic. 12. ſic : Diſcipulus *Fan chi* interrogavit Confucium in quo conſiſteret pietas ? pietas , reſpouit Confucius , primario amore ſpectat ; qui ergo debitum ac proportionatum erga homines amorem , nempe majorem erga conſanguineos , minorem erga non conſanguineos exhibet , hic pietatem habet.

H. 10. Lib. *Sim li ta cinen guay yao* tom. 10. art. *Gin* ſic : Homo eſt ſicut ſpeculum ; pietas eſt ſicuti ſpeculi ſplendor. Dum ſpeculum eſt immune ab omni pulvere , ſplendorem habet ; & dum homo eſt immunis ab omni prava cupiditate , pietatem tenet..... Idcirco dum homo nullam pravam habet cupiditatem , activus ejus cordis uſus vaſtè ad omnia ſe extendit , & nullo non tempore pietatem ſectatur ; hinc poteſt alios amare , & alios ex ſeipſo metiri.

H. 11. Lib. *Lun yn* artic. 4. ſic : Pietatis cultor in quocumque ſive adverſæ , ſive proſperæ fortunæ ſtatu verſetur , ſequendo pietatem , ſeu rectam ſui cordis rationem ſemper tranquillè vivit.

I. 12. Lib. *Su xu che kiy* tom. 21. in Libr. 2. Memc. cap. 3. *Van cham xam* ſic :

fic: Vir Sapiens, inquit Memcius, plantas quidem & bruta etiam diligit; sed non misericordiæ affectu erga illa fertur. Quoad illam autem communem hominum multitudinem, misericordiæ affectu erga illam fertur, sed non eo amore quo Parentes prosequitur; novit enim debitum amoris ordinem servare; primum videlicet tenero amore Parentes, deinde piâ misericordiâ omnes homines; Denique communi dilectione plantas & bruta prosequitur.

- I. 13. Lib. *Su xu che kiay* tom. 3. in Lib. *Chun Tum* artic. 20. sic: Adimplere naturalem sui cordis pietatem est id, quo aliquis verè est & constituitur homo; hac pietate nullum non diligit: amor tamen, quo Parentes ac propinquos diligit, primum locum tenet.
- L. 14. Lib. *Lun yu* artic. 13. sic: Discipulus *Fan chi* interrogavit in quibus rebus consisteret pietas? in his, reposuit Confucius: servare gravitatem seu modestiam in privatis actionibus; diligentiam in publicis negotiis; sinceritatem in humana societate.
- M. 15. Lib. *Rituum*, tom. 10. cap. *Ju Hun* sic: Mansuetudo est pietatis, &c. Ut suprà in contextu.

Paragraphus Secundus.

De Æquitate.

Primò, *Definitio Æquitatis juxta Sinas* sic: Æquitas est immutabilis cuiusque rei convenientia (A.) Est cordis norma & debita rerum congruitas, seu convenientia; est interior turpitudinis pudor; est ratio rerum ordinativa (B.) Est recta agendi via, quam homo sequi debet. Æquitas est tota homini intrinseca, quamvis jus, quod dicitur unicuique esse tribuendum, sit extrinsecum (C.)

Secundò, Alium æquitarum. Universalis æquitatis actus est congrua cuiusque rei distributio (D.) Particularis ac primarius est veneratio virorum sapientium (E.)

Tertiò, Proprietas æquitatis: Æquitatis proprietas, est omnia debito ordine disponere ac tranquillare (F.) Est omnia justè distribuere, pudere rem turpem committere (G.), justiciam utilitati præferre (H.), imò eam pluris facere quàm ipsam vitam, potiusque mortis periculum ac ipsam mortem subire, quàm iniquitatem perpetrare (I.)

Quarè, *Partes integrales ac subjectiva æquitatis*. Sunt hæ decem: debita in Patre misericordia seu dilectio, in filio observantia seu obedientia, in fratre seniore benevolentia, in fratre juniore reverentia, in marito dominatio, in uxore subiectio, in superiore beneficium, in inferiore morigeratio, in Rege benignitas, in cliente seu vasallo fidelitas (L).

Textus Librorum.

- A. 1. Lib. *Chum Yum* artic. 20. sic: *Æquitas*, est rei convenientia seu naturalis exigentiæ conformitas.
- B. 2. Lib. *Su xu che k'ay* tom. 1. in Libr. *Ta Hio* Proœmium, sic: Nunc Doctores ad explicandum quid sit pietas, referunt Doctorem *Chu Hi* dicentem: Pietas est cordis virtus, & amandi ratio; æquitas est cordis norma, & debita rerum convenientia. Et paulò infrà sic: *Æquitas*, juxta Memcium, est interior turpitudinis pudor Certè æquitas est ratio erubescendi turpitudinem in corde sita.
- Et paulò infrà adhuc sic: *Æquitas* est ratio rerum ordinativa.
- C. 3. Lib. *Su xu che k'ay* tom. 23. in Libr. 2. Memcii cap. 9. *Kao tsu xam* sic Memcius: Pietatis & æquitatis radix est ipsa ratio; ratio in animo residet; quomodo ergo tu asseris pietatem quidem esse homini intrinsecam, sed æquitatem esse extrinsecam? cui discipulus *Kao Tsu*: Præcipua, inquit, æquitatis species est debita unius erga alterum reverentia. Potissima autem reverentia est ea, quæ senioribus debetur. Jam verò en quis senior se mihi offert; ego, quia est me adultior, ob istam ætatem adultiorem in illo exstantem eum ut seniorem revereor. Priusquam in illo conciperem istam ætatem adultiorem, nullus in me fuit eum reverendi, ut seniorem sensus; quemadmodum ubi homo albus se offert; ego, quia ille est albus, ob illam albedinem in illo extantem dico eum esse album; priusquam autem conciperem in illo albedinem, nullus in me fuit dicendi eum esse album sensus. Sed ista albedo & ista adulta ætas in alio residet, non in me; idcirco censeo tum æquitatem, qua illum revereor ob suam ætatem adultiorem, tum albedinem, qua hunc denomino album ob suam albedinem, esse homini extrinsecam. Tum sic Memcius: Fateor quidem denominare equum album ob suam albedi-

bedinem , & denominare hominem album ob suam etiam albedinem , non esse quid diversum ; sed nescio utrum fortè sis arbitraturus , suspicere equum senem ob suam senectutem , & suspicere hominem senem ob suam senectutem , non fore quid diversum ? dic , quæso : qua in re ponis residere ac sitam esse reverentiæ erga seniores æquitatem ? in adultiori seniorum ætate ? an potius in interiori animi sensu , quo seniores ob suam adultiorem ætatem coluntur ? si in interiori animi sensu ponis æquitatem consistere , ergo est homini intrinseca . Sed opponit rursum discipulus *Kao Tsu* En duo senes se mihi offerunt , alter ex mea cognatione , alter ex aliena provincia oriundus ; ego tam illum quàm hunc veneror ut senem , quia nimirum eadem in utroque senilis ætas ; idemque reverentiæ jus , in quo æquitas consistit , meum trahit affectum . Sed quia illa senibus ætas , illudque reverentiæ jus in me non residet , ideò dico æquitatem esse homini extrinsecam . Tum Memcius retorquendo argumentum sic ait : Ecce duo carnis assæ fercula mihi offeruntur ; hæc assata fuit à viro alienæ provinciæ , ista à me ; ego non minus istam à viro alienæ provinciæ , quàm hanc à me ipso assatam appeto ; quia idem sapor in utraque situs meum æquè trahit appetitum ; sed quia iste sapor in utraque carne residens , est mihi extrinsecus , forsannè etiam dices meum carnis appetitum , quem tu amorem vocas , esse homini extrinsecum ? Què , quæso , id explicat Memcius , inquit *Mem Ki* ? sic illi reposuit condiscipulus *Kum tu* : ut veneratio deferatur viro aut virtute prædito , aut ætate grandævo , certè id æquitas exigit ; æquitas igitur spectat venerationem ; sed quamvis ista alterius virtus & ætas sit mihi extrinseca ; cognitio tamen , quæ cognosco tum virtutem , tum ætatem in eo esse venerandam ; atque ex hac cognitione nascens in meo corde venerationis affectus , ipsæque venerationis actus , quem pono , omnia hæc sunt homini intrinseca ; idcirco dicitur æquitas esse homini intrinseca .

- D. 4. Lib. *su xu mum yn* tom. 4. in Libr. *Chum Tum* artic. 20. sic : Æquitas est convenientia ; dicitur convenientia , prout hominem spectat . Cùm sit enim aliquid quod unicuique rei convenit , ideò homo juxta rectam rationem , id quod unicuique convenit , ac con-

gruum est, distribuit; & hinc dicitur quòd æquitatis sit distribuere unicuique rei quod suum est, seu quod illi convenit. Ista distributio hominem spectat; v. gr. homini venerabili convenit ut colatur; homo ob eam convenientiam cum colit; & alia ejusmodi Alioqui æquitas esset homini extrinseca.

E. 5. Lib. *Su xu che k'ay* tom. 3. in Libr. *Chum Tum* artic. 20. sic: Qui pietate præstat, is etiam æquitate præditus est; æquitas est cujusque rei convenientia. Qui hæc præditus est, quamvis omnes colat, particulari tamen ac præcipuo honore Sapientes prosequitur, usque primum venerationis locum deferret. Præterea sicut amor, quo Parentes ac propinqui diligendi sunt, suam diversitatem patitur; alius enim in patrem & matrem amor, alius in ceteros consanguineos deferendus est; sic & honor, quo Sapientes colendi sunt, suos habet præstantiæ gradus; alius enim sapientioribus, alius minus sapientibus exhibendus est honor. Atque hoc utrumque ex naturali rectæ rationis cælitus infuse lumine profluit.

F. 6. Lib. *Su xu che k'ay* tom. 1. in Libr. *Ta hio* artic. 10. sic: Quod suprà ait Confucius: *Ubi quis Regnum seu principatum suum rectè gubernat, potest suo exempla totum ipsum imperium ad virtutem allicere, componere, tranquillare*, id est regula, quæ sapiens Princeps uti debet ad regendum, est ipse suus animus. Ex suo enim animo potest omnium aliorum animos metiri. Deinde paulò infrà sic: Si hæc animos metiendi normà accuratè utatur, totum faciliè imperium componet ac tranquillabit. Deinde sub finem sic: Atque hoc dicitur, non suam utilitatem quærere, sed publicam æquitatem sibi utilitati ducere.

G. 7. Vide hinc suprà num. 3. litterà B. & num. 4. litterà D.

H. 8. Lib. *Su xu che k'ay* tom. 13. in Libr. 1. Memcii cap. 1. *Leam hoc i yan xam*, sic: quid est opus loqui utilitatem & lucrum, reponit Memcius Principi *Leam hoc i yan*? pietatem potius, & æquitatem, Princeps, loquere; hoc enim abundè ad bonum regimen sufficit. Cum enim omnis Princeps sit suorum subditorum exemplar quod solent imitari; si Princeps dicat: ecquæ hinc utilitas, ecquod lucrum pro meo Regno? mox etiam Magistratus dicent: ecquæ hinc utilitas, ecquod lucrum pro mea Familia? deinde litterati & plebei dicent: ecquæ

ecquæ hinc utilitas, ecquod lucrum pro me ipso? quum autem hinc superiores, illinc inferiores unum lucrum, & unam utilitatem quærent, publicumque emolumentum sibi invicem surripient; tunc certè publica Regni salus vehementer periclitabitur.

- I. 9. Lib. *Su xu che ky* tom. 23. in Libr. 2. Memcii cap. 5. *Kao tsu xam*, sic: eheu! nunc plerique hominum inverso naturæ ordine, uni voluptati ac utilitati student, sive unum Bonum jucundum ac utile quærunt, æquitatēque ac honestatem negligunt; & tamen nihil æquitate ac honestate præstantius, nihil pretiosius invenitur. Quid enim plus illā exoptari & amari possit? imò nè vel ipsa vita tanti est, ut illi præferatur. V.gr. ecce mihi offertur piscis, & perna ursina; cerè utrumque appeto; sed si utrumq; simul obtinere nequeam, utrum duorum eligam? profectò perna ursina sapore & pretio longè superat piscem. Mitto igitur piscem, & pernam ursinam arripio. Ita naturali affectu & vitam & æquitatem magnoperè diligo; sed ecce hic & nunc utramque servare nequeo; quid factò opus? utra potius eligenda? certè projicio vitam, & servo æquitatem. Quamvis enim vitam vehementer amem; æquitas tamen est aliquid, quod amorì vitæ præponderat. Idcirco judico vitam non esse iniquitate & turpitudine conservandam. Pari modo quamvis mortem summoperè oderim; æquitas tamen est aliquid, quod huic mortis odio præponderat. Idcirco mortis malum judico non esse iniquitate & turpitudine vitandum. Si enim nihil magis amandum foret quàm vita; mox per fas & nefas, quidquid ad eam conservandam juvare posset, effrænate omnes molirentur; ecquis tunc pro justitia vitam periculis exponere vellet? pari modo si nihil magis abhorrendum foret quàm mors; mox per fas & nefas, quidquid ad eam vitandam juvare posset, effrænate omnes quærent. Ecquis tunc pro justitiæ difficultates, pericula, damna subire vellet? sed quia homo id habet à natura comparatum, ut videat æquitatem plus vitæ amandam, iniquitatem plus morte fugiendam; ideò, licèt possit damna aut mortem ipsam iniquitate effugere, refugit tamen hanc perpetrare.
- L. 10. Lib. *Li Ki* seu Rituum tom. 4. cap. 9. *Ly jun*, sic: Quod est illud quod vocatur hominis æquitas? Respondeo hæc decem: debita in patre misericordia, &c. Ut suprà in contextu.

Pa-

Paragraphus Tertius.

De Honestate.

Primò, *Definitio honestatis juxta Sinas sic* : Honestas est interior & exterior reverentia ; est rectæ rationis ordinatus decor , humanarumque actionum compositio ; est præscripta humani affectûs regula (A).

Interior honestas est ipsa rectæ rationis ordinatio (B).

Interior honestas est urbanitatis Ritus in vera æquitate fundatus (C).

Honestas in operibus virtutis , est sicut vinum in farina , quod dat illi saporem ; & in regendis humanis affectibus , est sicut aratrum in colendis terræ jugeribus. Terræ jugera sine aratro coli non possunt ; hominum affectus sine honestate regi nequeunt (D).

Secundò, Actus honestatis. Interioris honestatis actus , est recta animi motuum compositio (E). Exterioris honestatis actus , est Ritus juxta rectam Cæli rationem , & honestam Hominis affectionem exercitus (F). Hujusmodi Ritus est quintuplex.

Primus, festivus : v. gr. facere Ceremoniam Cy supremo cæli Domino , aliis inferioribus spiritibus , defunctis Parentibus.

Secundus, flebilis : v. gr. Ceremoniæ funerum , publicarum calamitatum , morborum contagiosorum , intestinorum bellorum , famis , &c.

Tertius, hospitalis : v. gr. Ceremoniæ legationum , Regii assatûs , mutuarum visitationum.

Quartus, militans : v. gr. Ceremoniæ in belli declaratione , militum inscriptione , rei militaris instructione , operum publicorum exstructione , Regni seu Principatûs erectione.

Quintus, epularis : v. gr. Ceremoniæ conviviorum , nuptiarum , primi pilci imponendi pro Adolescente , & primæ acûs pro puella , congratulationum , munerum largitionis (G).

Pro Regis autem seu Imperatoris alloquio , hi olim erant præscripti Ritus : *Primò* , tesserae seu Tabellæ onychinæ diversarum quinque specierum præferendæ erant in manibus à Regulis primi , secundi , tertii , quarti , quinti ordinis. *secundò* , tria diversa serici voluminis genera offerenda à Reguli filio herede , ab orphano Reguli filio , & ab inferiori

riori Toparcha; à primo volumen coloris purpurei, à secundo cærulei, à tertio flavi offerendum. *Tertiò*, tria diversi generis dona à supremorum tribunalium Præsidibus, à primariis Præfectis, & à Doctõribus; à primis, agnus vivus, à secundis cygnus vivus, à tertiis sylvestris gallina mortua offerenda (H).

Denique Ritus ordinarii & communes sunt hi sex: Primus, primi pilei pro Adolescente, & primæ acûs pro puella impositio. Secundus, Matrimonium. Tertius, Funera. Quartus, Ceremoniæ *Cy*. Quintus, civicum convivium. Sextus, mutæ visitationes (I).

Tertiò, Proprietas Honestatis. Honestatis proprietas, est honestatem efæ ac voluptati præferre (L). Erubescere, inhoneſta acõione cor coinquinatum gerere (M). In Familia, juniorum ac seniorum subordinationem; in domo paterna, Parentum, liberorum, nepotum, concordiam; in palatio Regio, officiorum ac dignitatum ordinem; in Regni visitatione protectionem, in bello victoriam procurare (N). Ex honestate etiam profluit ædificiorum norma, vaſorum figura, ſaporum distributio, Musicæ harmonia, curruum forma, Spirituum Ceremoniæ *Cy*, funerum luctus, verborum elegantia, Magistratuum distinctio, regiminis decor (O).

Quartò, Partes integrales ac subjective Honestatis, sunt hæ: Junioris urbanitas erga seniores, v: gr. in gressu, occurſu, egressu, ingressu, responsis, mensa, visitationibus (P). Modestia, gravitas, candor, ſententiarum externorum moderatio, turpium sermonum horror, lascivorum aspectuum fuga, impudicæ Musicæ averſio, ſocordix ac deſpectûs odium, totius corporis compositio: nimirum gressus gravis, manus reverens, risus ſerius, os taciturnum, vox tranquilla, caput rectum, respiratio pacata, ſtatura recta, facies verenda (Q).

Huc etiam referuntur quædam honestatis regulæ pro viſu, auditu, ore, opere, quas vide infra in textibus (R).

Textus Librorum.

A. 1. Lib. *Su xu num yn* tom. 1. in Lib. *Ta bio* Proœmium, ſic: Juxta Memcium honestas est quidam interioris & exterioris reverentiæ ſenſus. Et paulò infra ſic: Juxta Doctorem *Chu hi*, (nempe in ma-

gno ejus Commentario) honeſtas eſt quædam interioris exterioriſque reverentiæ, atque ordinatæ compoſitionis ratio.

Ibidem paulò ſuperius, & juxta eundem Doctorem *Chu hi* ſic: Honeſtas eſt rectæ rationis ordinatus decor, apraque humanarum actionum compoſitio.

- A. 2. Lib. *Li Ki* tom. 4. cap. 9. *Li jun*, Interpres *Chin hao* ſic: Honeſtas ſuam à Cælo trahit originem, utpote quæ eſt Cæli rationis ordinatus decor.
- B. 3. Lib. *Li Ki* tom. 4. cap. 9. *Li jun*, Interpres *Chin hao* ſic: Honeſtas eſt determinata æquitatis norma.
- C. 4. Lib. *Li Ki* tom. 4. cap. 9. *Li jun*, idem Interpres *Chin hao* ſic: Honeſtatis Ritus, quamvis à præcis Sapientibus inſtituti fuerint, tamen fundantur in naturali actionum humanarum æquitate.
- D. 5. Idem Lib. *Li Ki* tom. 4. cap. 9. *Li jun* ſic: Idcirco honeſtas in opere eſt ſicut vinum in farina, quod dat illi ſaporem. Et paulò infrà: Princeps qui ſuum Regnum ſine honeſtatis Ritibus vellet adminiſtrare, eſſet ſicut agricola, qui ſuos agros vellet ſine aratro colere. Et ſiquis vellet exercere honeſtatis Ritus non fundatos in æquitate, eſſet ſicut agricola, qui vellet agros colere ſine ſemine.
- E. 6. Lib. *Lun ju* five Sententiarum artic. 12. ſic Interpres *Chu hi*: Ubi non eſt honeſtas, inquit Doct̃r *chim*, ibi eſt prava cupiditas. Regnante autem pravâ cupiditate, enimverò quomodo poteſt haberi pietas? idcirco oportet ſuas pravâs cupiditates prorsus vincere, atque ita ad honeſtatem redire, tunc habetur pietas.
- F. 7. Lib. *Li Ki* tom. 4. cap. 9. *Li jun* ſic: Illi honeſtatis Ritus, inquit Confucius, fuerint à præcis Imperatoribus inſtituti juxta Cæli viam ad dirigendam naturalem Hominiſ affectionem. Et paulò infrà Interpres *Chin hao* ſic: Honeſtatis Ritus, ſunt Magiſtra humani affectûs regula. Quod primò ſpectat morum compoſitio, eſt honeſtas, ſeu honeſtatis Ritus. Idcirco ad dirigendas naturales hominum affectiones, illi ante omnia curandi ſunt; ſicut Agricola, quod primò ſpectat ad arandum, eſt aratrum.
- G. 8. Lib. *Su xu mun yn* tom. 1. in Lib. *Ta hio* Proœmium ſic: Rituum genera ſunt quinque; alii enim ſunt feſtivi, alii ſtebiles, alii militares, alii hoſpitales, alii epulares.

Ritus

Ritus festivi sunt duodecim; suntque id quo servitur, seu sit Ceremonia Cy Regum Defunctorum animabus, cælique ac terræ Spiritibus. Horum primus est oblatio *Tu*, quæ sit supremo vastissimi cæli Domino; vel dic: vastissimo Cælo supremo Domino, &c.

Ritus flebiles sunt quinque; suntque id, quo lugentur tristes Regni casus. Primus sunt exequiæ, ac funebri luctus pro Defunctis. Secundus est pro anni sterilitate, & morbis contagiosis. Tertius pro infortuniis. Quartus pro Regni cladibus. Quintus pro rebellionibus ac depopulationibus.

Ritus hospitales sunt octo; suntque id, quo ad Imperatorem datur accessus. Verni temporis accessus vocatur *Chao*, id est, tempestivus; æstivi, vocatur *Tsum*, id est, honorabilis, (nempe accessus Propinquorum Imperialis Familiæ); autumnalis, dicitur *Kin*, id est, diligens; hiemalis, dicitur *Tu*, id est, improvisus. Accessus extemporaneus dicitur *Hoet*, id est, comitalis. Universalis dicitur *Tum*, id est, omnium Regulorum ac Procerum congressus. Status Legatorum accessus, dicitur *Ten*, id est, interrogatio. Regulorum accessus dicitur *su*, id est, conspectus.

Ritus militares sunt quinque; suntque id, quo Regni vires uniuntur. Primus est belli declaratio. Secundus militum inscriptio seu collectio. Tertius bellicæ artis instructio. Quartus publicorum operum instructio. Quintus Regni seu Principatus erectio.

Ritus epulares sunt sex, suntque id, quo mutua hominum societas ac familiaritas inter se servatur. Differunt à festivis; quia festivi spectant Ceremonias Cy; epulares, convivium. Primus Parentum ac consanguineorum convivium. Secundus primi pilei impositio in capite Adolescentis, & acus in capite puellæ. Tertius jaculandi inter amicos exercitatio. Quartus publicum unius loci convivium. Quintus epularium munerum inter consanguineos largitio. Sextus festivæ congratulationes.

H. 9. Lib. *Xu Kim* tom. 1. cap. *Xun tien* sic: Tunc Imperator *Xun* instituit quinque Rituum, quinque Tabellarum onychinarum, quinque sericorum munerum genera; munus duorum vivorum animalium, & unius mortui, seu occisi.

Deinde Interpres *Tsay xin* sic: *Quinque Rituum genera*, sunt Ritus

feſtivi, ſlebiles, hoſpitales, militares, epulares. Hos autem inſtituit Ritus ad procurandos in toto imperio coſtem mores. *Quinque Tabellarum onychinarum genera*, ſunt teſſeræ illæ honorariæ, quas in manibus geſtare debebant Reguli, dum ad Imperatorem accedebant. Reguli primi ordinis ſeu *Kum* præferebant Tabellam onychinam *Von*; ſecundi ordinis ſeu *Iteu*, Tabellam *ſin*; tertii ordinis ſeu *Pe*, Tabellam *Kum*; quarti ordinis ſeu *Tſu*, Tabellam *Pie*; quinti ordinis ſeu *Nan*, Tabellam *Pu*. (Iſtæ Tabellæ & figuræ & magnitudine diſtinguebantur). Iſti Reguli dictas Tabellas coram Imperatore geſtabant, ut eas unirent & coaptarent alteri earum parti ad faciendam fidem, dum primâ vice Imperatorem adibant.

Tria ſerictorum munerum genera; id eſt, hereditarii Regulorum filii dum prima vice Imperatorem ſalutabant, offerebant ſerica volumina *purpurei* coloris; orphani Regulorum *Kum* filii, qui principatu exciderant, offerebant ſerica volumina *cerulei* coloris; & Toparchæ ſeu titulo Reguli carentes, *flavi* coloris.

Munus dictum vivorum animalium, & unius mortui, ſeu occiſi; id eſt, primi Curix Miniſtri dum primâ vice Imperatorem ſalutabant, offerebant *agnum* vivum; primarii Præſecti, *cygnum* vivum; & primi ordinis Litterati, ſeu Regii, ſylveſtreni gallinam mortuam, ſeu occiſam.

- I. 10. Lib. *Li Ki* tom. 3. cap. 5. *Vam Chi* ſic: Ritus ſunt ſex; primi pilei, &c. Ut ſuprà in contextu.
- L. 11. Lib. *Su xu che kiaj* tom. 24. in Libr. 2. Memcii cap. 6. *Kao tſu hia* ſic: Cum multi civilium bellorum tempore non ſatis rectam cordis honeſtatem à prava ſenſuum cupiditate diſtinguerent, quidam vir è Regno *Gin* ſic interrogavit Memcii diſcipulum *Uo lin*: dic, quæſo, domine, utram pluris faciendam cenſes, honeſtatem, an eſcam? honeſtatem, reponit *Uo lin*. Dein ſic rurus interrogat: utram pluris etiam faciendam putas, honeſtatem, an voluptatem? honeſtatem, reponit iterum *Uo lin*. Tum ille: ſed ecce quis in extremam paupertatem reductus, ſi ad habendam eſcam voluerit communem humani commercii honeſtatem ſervare, illam non obtinebit, ac fame peribit; ſi non ſervet, eſcam obtinebit, & vitam ſervabit. An tunc etiam neceſſe eſt, ut ſtatas honeſtatis ac urbanitatis leges ſervet, & mortem oppetat? Deinde ecce alius pauper ſi præ-

præscriptos conjugalis honestatis Ritus, quos sponsus debet adhibere ad quarendam, ac domi excipiendam sponfam, servare voluerit, non poterit uxorem habere. Si non servet, habere poterit. Num fortè debet etiam tunc istos Ritus servare, ut uxorem ducat? difficultate implicatus discipulus *Uo lu*, responsum dare non potuit; sed sequenti die in metropolim Regni *Ceu* profectus, questionem Memcio exposuit. Cui Memcius: ecquid ibi difficultatis? an fortè ignoras dari regulam communem, & casum particularem? fixam legem, & legis exceptionem? ad instituendam comparisonem oportet, ut idem cum eodem, commune cum communi, singulare cum singulari, grave cum gravi, leve cum levi comparatur; alioqui fieri posset, ut tigillum exiguum esset altius magno ædificio, & aurum plumâ levius.

M. 12. Lib. *Sh xu che k'ay* tom. 23. in Libr. 2. Memcii cap. 5. *Kao i fu xam* sic: Quocirca hic animi sensus, quo honestas plus vitâ amanda; turpitudine plus morte fugienda judicatur, non tantum Sapientibus, sed etiam reliquis omnibus hominibus inest; insipientes tamen illum extinguunt ac perdunt; sapientes autem illum augent ac firmant.

Et infrâ sic: Vir suum digitum, aliorum hominum digitis dissimilem novit erubescere; cor autem suum, aliorum hominum cordibus dissimile non erubescit? quid hoc? numquid verè dicetur ejusmodi vir non nōsse rerum species, cum vile pro pretioso, pretiosum pro vili habeat?

N. 13. Lib. *Li ki* tom. 9. cap. 28. *Kum ny yen kin* sic: Itaque hoc modo domi habebitur honestas, ex qua juniorum ac seniorum subordinatio; in gynæceo honestas, ex qua Parentum, liberorum, nepotum concordia; in palatio Regio honestas, ex qua Magistratum ac dignitatum ordo; in Imperii seu Regulorum visitatione honestas, ex qua tumultuum impedimentum; in exercitu honestas, ex qua victoriæ consecutio orietur.

O. 14. Lib. *Li Ki* tom. 9. cap. 28. *Kum ny yen kin* sic: Hinc (nempe ex Rituum honestate) ædificia habent suam determinatam normam; mensuræ & vasa suam determinatam figuram, sapores & escæ suum tempus, Musica suam harmoniam, currus suum numerum ac formam, Spiritus suos Ritus, funera suos luctus, dissertationes suas claf-

ſes , Magiſtratus ſuum ordinem , regimen ſuum opus , denique omnes noſtri corporis motus ſuam aptitudinem ac exigentiam. P. 15. Lib. *Siao hio* ſeu doctrina Parvulorum cap. 2. §. 4. ſic: Nullus eſt, ait Memcius, infans qui patrem & Matrem non amet. Paulò autem grandior effectus, nullus eſt qui fratres natu grandiores revereri neſciat. Qui retardato parumper grefſu, modeſtè à tergo ſeniores ſequitur, hic dicitur debitam erga illos reverentiam ſervare; contrà, qui accelerato paſſu incedens, temerè illos in via prætervolat, hic dicitur irreverentià erga illos peccare.

Ibidem paulò infra ſic: Qui me viginti, ego ei ut patri; qui me decem; ego ei ut fratri ſeniori; qui me quinque ætatis annis ſuperat, ego ei etiam ut fratri ſeniori inſervio; ſed hunc æquali paſſu, parum tamen retroactò, in via comitor.

Ibidem ſic: Dum ſenior aut ſuperior juniorem conſultat, ſi hic modeſtè excuſationem non præmittat, ſed ſubitò reſpondeat, contra urbanitatem peccat.

Ibidem ſic: Dum diſcipulus incedit cum Magiſtro, non excurrat extra viam ad alium alloquendum; dum Magiſtro vel Superiori in via occurrit, primò tantisper grefſum acceleret; deinde propior factus, ſtans recto corpore grefſum ſiſtat; manus reverenter atrollendo. Si ille ipſum alloquatur, reſpondeat; ſin minùs, celeriter pertranſeat, ac viam proſequatur.

Ibidem ſic: Junior cum ſeniore, aut diſcipulus cum Magiſtro menſæ accumbens, aſſurgat, dum vini ſcyphus illi offertur; reverentiam exhibeat, & illum in offerentis loco excipiat. Si autem jubeatur non aſſurgere nec loco moveri, pareat; ſedèque paululùm inverſà ac retroactà, bibat. Antequam ſenior aut Magiſter ſcyphum exhauſerit, ſuum non exhauriat. Quidquid ſenior, aut Magiſter, aut Herus donat, junior aut diſcipulus aut famulus illud non auſit recuſare ſeu rejicere. Junior cum ſeniore, diſcipulus cum Magiſtro menſæ accumbens, quamvis ipſi apponantur cibi exquisiti, eos non recuſet; imò nec recuſet, ſi in loco æquali ſedere jubeatur. Aſſidens viro honorato, dum interrogatur, ſi nulla factà conſideratione, præproperè, aut antequam inæroꝑans verba abſolverit, reſpondeat, inurbanitate peccat. Vide ibidem plura ejusmodi.

Q. 16.

Q. 16. Lib. *Siao Hio* cap. 3. §. 1. sic : Dum solus agis, serva modestiam; dum rebus vacas, serva diligentiam; dum alios frequentas, serva candorem. Quamvis inter barbaras gentes degeris, non debes has virtutes negligere.

Ibidem sic: Sapiens, inquit Liber *Li Ki* cap. *To Ki*, turpia verba ab auribus, turpes aspectus ab oculis amovet; lascivam Musicam, & illecebrosam pulchritudinem à cordis cogitatu proscribit; socordiam, despectum, libidinem, simulationem in suis moribus omnino non patitur. Vult enim, ut auris, oculus, naris, os, cor, & omnia sua membra rectam honestatis viam accuratè sequantur, omnesque sui muneris partes penitus adimpleant.

Q. 17. Lib. *Siao Hio* cap. 3. §. 2. sic : Noli, inquit Liber *Li Ki* cap. *Kio Li*, inflexà aure auscultare, clamorosa voce respondere, limis oculis aspicere, otiosè vagari, fastosè exspatiari, stando unico pedi inniti, sedendo crura divaricare, dormiendo prono corpore jacere; facies non sit capillis confusa; nudo capite non existas; laborando non denudes brachia; calendo non aperias vestem.

Ibidem sic: Viri sapientis species, (inquit Liber *Li Ki* cap. *To Tsao*), dum solus domi agit, est liberalis & modesta. Si autem quempiam, cui honor deberetur, fortè videat; statim est gravis & composita; pestardus, manus reverens, oculus serius, os taciturnum, vox quiesca, caput rectum, respiratio tranquilla, statura spectabilis, vultus verendus. Vide ibidem plura ejusmodi.

R. 18. Lib. *Siao Hio* cap. 5. §. 3. sic Doctor *Chim* : Cum discipulus *Ten yuen* interrogasset Confucium quænam essent præcipua vincendi seipsum, & honestatem sectandi capita, sic illi respondit: Siquid videndum occurrat honestati contrarium, noli videre; siquid audiendum, noli audire; siquid loquendum, noli loqui; siquid agendum, noli agere. Hæc sunt quatuor nostri cordis officia, quibus per internam virtutem rebus externis occurritur, & per rerum externarum moderamen interna virtus alitur. Discipulus *Ten yuen* sequendo hæc præcepta ac documenta, sublimissimam virtutem adeptus est. Siquis igitur sublimissimam virtutem adipisci cupiat, ista documenta profundè menti infigat, nec umquam obliviscatur. Quare ad seipsum moderandum ac vincendum hæc quatuor monita ap-
Mo-

Monita pro viſu. Noſter animus ex ſe eſt incorporeus, inviſibiliterque à rebus corporeis commovetur, ſeclititur ac mutatur, ideòque cum regere plurimi intereſt. Norma autem eum regendi, eſt oculus. Si oculus rebus pravis paſcatur, mox animus commovetur ac mutatur; contrà, ſi ab illis videndis arceatur, tunc animus priſtinam ſuam pacem conſervat. Sic ſeipſum diu vincendo ac honeſtatem ſequendo, tandem vera cordis reſtitutio acquiritur.

Monita pro auditu. Hominiſ natura à Cælo infuſa, eſt quidem ex ſe recta; ſed dum intellectus ab auditis pravis rebus allicitur, & appetitus abripitur, tunc illa ſuam reſtitutionem perdit. Illuſtres prudentiæ duces ac Magiſtri, qui ſervando coërcendi auditus regulis, occurrunt pravis rebus externis, hi nòrunt veram naturæ reſtitutionem conſervare. Tu igitur, ſiquid audiendum occurrat honeſtati contrarium, noli audire.

Monita pro ſermone. Quæ animum movere ſolent, ſunt verba illi allapſa. Loquendo igitur cave à præcipatione, levitate, vanitate; atque hoc modo animus fiet quietus ac collectus. Deinde ex ſolis verbis ſæpiſſimè bella vel pax, calamitas vel felicitas, infamia vel gloria oriri ſolent. Hinc tuis verbis invigila. Siquis enim loquendo levitate peccet, mendaciis; ſi garrulitate, abſurditatibus ſceatebit. Si aut tuis immoderatus, aut alienis oppoſitus verbis fueris; quidquid injurioſum protuleris, præcul dubio ad te redibit. Itaque noli loqui niſi juxta priſcorum Sapientum normam. Hæc documenta diligenter cuſtodi.

Monita pro opere. Viri prudentes, utpote rerum ſublinium gnari, in ſuis conſiliis ac cogitationibus ſolidi; viri fortes, utpote rerum difficilium avidi, in ſuis cœptis ac geſtis conſtantes eſſe ſolent. Hi & illi in ſequenda rectæ rationis via liberalem animum gerere amant. Contrà, qui ſuis cupiditatibus cæcè indulgent, irrequieti ſemper agunt. Siquis in ſubitis caſibus poſſit ſtatim ſui eſſe compoſ, atque in periculis cautus; ubi huic vigilantix ſenſim aſſuefactus fuerit, tunc non tantùm exceſſam ſapientiam, ſed & abſolutam virtutem facile ſibi comparabit.

Para-

Paragraphus Quartus.

De Prudentia.

Primò, *Definitio prudentiæ juxta Sinas sic*: Prudentia est distinctiva honestatis & turpitudinis ratio. Prudentia est habitus, per quem nostri cordis spiritus intelligens omnes rationes penetrat, ac omnes res dirigit. Prudentia est habitus impulsivus ad agendum juxta rectam rationem, instar practici speculi honestatem ac turpitudinem representantis. Prudentia denique est intima rerum cognitio, & quidam animi sensus ad distinguendum honestum à turpi (A).

Secundò, Actus prudentiæ. Universalis prudentiæ actus, est in omnibus rebus tenere Medium. Sectarius *Tam Chu* sibi uni tantum; Sectarius *Me Te* omnibus hominibus æqualiter; Sectarius *Tsu Mo* utrisque semper consulendum ac vacandum volebant. Primus contra pietatem; secundus contra æquitatem; tertius contra prudentiam peccabat. Quia prudentia vult quoddam Medium, prout locus, tempus, ac res exigunt (B). Particularis prudentiæ actus, est appositè alios dirigere ac perficere. Scipsum enim ita perficere, ut nulla in se ipso prava supersit cupiditas, id dicitur pietatis actus, seu omnimoda cordis rectificatio; alios autem ita perficere, ut eos appositè juxta uniuscujusque rei honestatem dirigat, id dicitur prudentiæ actus (C).

Tertiò, Proprietas prudentiæ. Prudentiæ proprietas, est cessare ab actione ubi necdum est agendum, ut possit postea sine difficultate agere, quando erit agendum; deinde nec verba certò adimplenda, nec opera certò exequenda præfinire, sed firmiter tantum proponere se acturum, quod æquum ac justum fuerit; ac postea illud constanter agere (D). Alia insuper ejus proprietas, est nòsse homines; quinam nempe recti aut pravi; quinam sapientes aut insipientes sint (E). Ad scrutandas autem humani cordis latebras non tantum audienda oris verba, sed maximè inspicienda oculi pupilla, quænam motum, quamnam speciem edat (F). Alia prudentiæ proprietas, est respicere finem, ad quem ultrò res ex se tendant, ac juxta istum naturalem cursum eas dirigere. Sic Princeps *Tu*, ut magnam Chinæ partem à diluvionibus purgaret, debacchantes huc illuc aquas, juxta naturalem earum cursum in mare direxit; prudentiæ enim vitium est coactis, obliquif-

que viis velle res agere, instar cuniculos perforantis (G). Denique prudentiæ est, in legendo non abuti verbis ad nocendum sententiis, nec sententiis ad nocendum toti sensui (H).

Quartò, partes integrales ac subjective prudentiæ, sunt hæ: Diffidentia sui in rebus agendis, uti faciebat Imperator *Xun*, qui non tantum subtilia consilia, sed etiam vulgaria ac trivialia verba considerabat (I). Suspicionis fuga inter fratres (K). In dubitationibus interrogatio, in negotiis vigilantia, in rebus audiendis intelligentia (L).

Textus Librorum.

A. 1. Lib. *Su xu mun yn* tom. in Libr. *Ta Hio* Proœmium sic: Juxta Doctorem *Chu hi* prudentia vel intelligentia est id, quo nostri cordis Spiritus intelligens omnes rationes penetrat, ac omnes res dirigit.

Nota: Sinæ non videntur distinguere prudentiam ab intelligentiâ, seu potius utramque eodem nomine expriment; & ideò modò unam, modò alteram pono.

Ibidem paulò infrà sic: Juxta Doctorem *Xin*, prudentia est principium impulsivum, rectam Cæli rationem cum motu & quiete complectens; estque practicum in rebus humanis turpitudinis ac honestatis speculum.

Ibidem paulò infrà sic: Juxta Memcium, prudentia est quidam animi sensus, turpitudinis & honestatis, veritatis & falsitatis distinctivus.

Rursus ibidem sic: Juxta Doctorem *Chu hi*, prudentia est ratio distinctiva honestatis à turpitudine, veritatis à falsitate.

A. 2. Lib. *Su xu mun yn* tom. 4. in Libr. *Chun yun* artic. 20. sic: Prudentia vel intelligentia est id, quo res intelligimus.

Et infrà: Ista prudentia, pietas, fortitudo est quædam eadem in cunctis hominibus ratio à Cælo accepta. Eceur igitur aliqui tenent, aliqui non tenent illam universalem ac communem rectè agendi viam? Respondeo: quamvis ista ratio quatenus accipitur, in se sit eadem; tamen dum è corde procedit, & prout attingit vel non attingit veritatem, est diversa. Idcirco oportet ut id, quod operando attingit, sit unum seu una veritas; dum est unum, tunc prudentia est vera; ubi autem prudentia in sua cognitione est vera, tunc homo ritè intelligit illam communem rectè agendi viam.

B. 1.

B. 3. Lib. *su xu che k'ay* tom. 25. in Libr. 2. Memcii cap. 7. *Cin fan xam*, sic Memcius: Quod in virtute maximi fit, est Medium; in Medio, est prudentia. Jam verò isti Sectarii nec in virtute Medium, nec in Medio prudentiam sequuntur. Sectarius *Tam Chu* si sibi uni consuluerit, istud sat esse arbitratur. Quamvis oporteret unum dumtaxat sibi pilum evellere ad succurrendum toti imperio, ne vel ipsum evelleret. Contrà, Sectarius *Me Tie* omnes homines æquali amore vult esse diligendos, nullà habità Parentum, consanguineorum, amicorum, externorum distinctione. Quamvis à planta pedis usque ad collum oporteret omnes nervos ac ossa contorquere ad quærendum universale imperii emolumentum, id lubens totum præstaret ac sustineret. Nostri autem Regni *Lu* celebris incola *Tsu Mo* Mediam inter hos duos Sectarios viam elegit; nec boni publici curam respuit, ut *Tam Chu*; nec se neglecto, unam aliorum utilitatem cœco studio æqualiter quæsit, ut *Me Tie*; sed medium tenendo, putavit se à recta rationis via non procul recedere. Si tamen in arrepto duorum Sectariorum Medio, prudentiam quam locus, tempus & res exigunt, non servavit, etiam vel sic unam partem aut dextram aut lavam, non verum Medium arripuisse dicitur. Quod ergo in omnibus istis sic lavam aut dextram, non medium iter tenentibus, odio habetur, est veræ doctrinæ dispendium. *Tam Chu* enim pietati, *Me tie* æquitati, *Tsu Mo* prudentiæ nocet. *Tam Chu* vult sibi uni vacandum, *Me Tie* omnibus æqualiter, *Tsu mo* utrique semper. Atque ita unam dumtaxat falsam virtutis speciem excerpunt, innumeraque pietatis, æquitatis, prudentiæ officia negligunt ac respuunt. Annon sanè & ipsi respuendi?

C. 4. Lib. *su xu che k'ay* tom. 3. in Libr. *Chum yun* artic. 25. sic: Veritate non tantum homo seipsum, sed etiam alios perficit. Seipsum ita perficere, ut nulla in seipso remaneat prava cupiditas, id dicitur pietas, seu omnimoda cordis rectificatio; alios autem ita perficere, ut eos accuratè & appositè juxta uniuscujusque rei honestatem dirigat, id dicitur prudentia.

D. 5. Lib. *su xu che k'ay* tom. 20. in Libr. 2. Memcii cap. 2. *Li leu hia* sic: Vir prudens, inquit Memcius, qui ritè novit cessare ab actione, ubi nondum agendum est, hic postea poterit, ubi agendum erit, sine

difficultate agere. Vir, inquit Memcius, qui aliena vitia patefacit; utinam sciret quantus dolor hinc postea sibi sit eventurus.

Ibidem sic: Vir, inquit Memcius, virtute & doctrina magnus nec præfinit certò verba adimplere, nec opera certò exequi; sed id unum, quod æquum fuerit, firmiter proponit agere, & postea constanter agit.

- E. 6. Lib. *Lun ju* artic. 12. discipulus *Fan chi* interrogavit qua in re sita foret prudentia? in noscendis hominibus, reposuit Confucius.
- F. 7. Lib. *Su xu che kiy* tom. 19. in Libr. 2. Memcii cap. 1. *Li leu xam* sic: Ceterum, inquit Memcius, ad inspiciendos & noscendos homines nullus præstantior modus, quam oculi pupillam inspicere; oculi enim pupilla, vitium quod in corde latet, non potest abscondere. Si vitæ rectitudo, candor, honestas in corde resideat, mox videas oculi pupillam specioso internæ virtutis lumine splendescere; contrà, si vitæ pravitas, simulas, turpitudine in corde stabuletur, mox videas oculi pupillam obscura interni vitii nube tenebrescere. Unde ad perscrutandas humani cordis latebras, non tantum audienda oris verba, sed etiam maximè inspicienda oculi pupilla. Tunc quisquis ille sit, non poterit sanè arcanas sui cordis affectiones meis oculis atque aspectibus occultare.
- G. 8. Lib. *Su xu che kiy* tom. 20. in Lib. 2. Memcii cap. 2. *Li leu hia* sic Memcius: Quod in prudentia culpari, odioque haberi solet, est obliquis coactisque viis inveniendis continuè ad res agendas insulare instar cuniculos perforantis. Contrà, si prudentiæ amator velit tantum res occurrentes dirigere, sicut Princeps *Tu* debacchantes diluvii aquas direxit, tunc nil reprehensione, nihil odio dignum reperies. Princeps *Tu* in dirigendis exundantibus aquis, eò, quò naturali impetu, & ex se ferebantur, cursum illarum in mare sine difficultate direxit ac deduxit. Sic prudentiæ studiosus, si res nunc hinc, nunc inde occurrentes rectè noverit in finem, ad quem ultrò ex se tendunt, sine vi ac perturbatione dirigere ac deducere, tunc magnà ac verà prudentià, uti Princeps *Tu*, pollere judicabitur.
- H. 9. Lib. *Su xu che kiy* tom. 21. in Libr. 2. Memcii cap. 3. *Van cham xam* sic Memcius: Idcirco prudens libri *Xi kim* Interpres non debet uti litteris ad nocendum sententiis, nec abuti sententiis nudis ad nocendum

cendum sententiarum sensui ; sed juxta maturi judicii leges debet verum verborum sensum eruere ; tunc poterit Auctoris mentem assequi. Si enim tantum verborum cortici adhæreat, v. gr. in hoc exemplo ejusdem Libri tom. *Ta ya odà Yun ban*, ubi dicitur : *Eheu ! post tantam sterilitatem & famem, quam infelix imperii Cheu strages visa est ! nullum omnino ex tot populis superstitit ; si hæc verba crudè, ut jacent, accipias, illisque fidem adhibeas ; sensus erit nullum omnino Imperii Cheu hominem superfuisset ; quod sanè falsum est.* His enim verbis tantum vult Auctor exprimere acerbam extremæ siccitatis ac sterilitatis miseriam.

- I. 10. Lib. *su xu che kia* tom. 2. in Libr. *Chum yam* artic. 6. sic : Si quæris, inquit Confucius, quisnam hanc latam rectè agendi viam verè cognoverit ac triverit, respice sapientem Principem *Xun*. Ecqua enim fingi aut excogitari potest major prudentia illà, quâ utebatur & in cognoscenda & terenda prædicta via ? hic Princeps in rebus agendis numquam sibi ipsi fidebat, sed semper alios consulere volebat ; nec tantum subtilia consilia & profundos sermones, sed etiam trita & vulgaria verba lubenter perpendebat. Siquid fortassis malè suafum aut dictum fuerat : silens abscondebatur ; siquid benè : laudans propalabat. Cum verò in ipsis sanis consiliis, & rectis verbis soleat sæpè modò per defectum, modò per excessum nonnihil peccari ; ideo audita utriusque partis momenta ac rationes maturè apud se perpendebat, omniaque ad unum æquitatis Medium reducebat ; ac tunc illud opere complebat.

- K. 11. Lib. *su xu che kia* tom. 16. in Lib. 1. Memcii cap. 4. *Kum sun chen hia*, Præfectus *Chin Kia* ita interrogavit Memcium : ecquid, ait, sentis de Principe *Chen Kum* ? equis vir tibi videtur fuisse ? vir, reponit Memcius, inter priscos Heroas & pietate & prudentia absolutissimus. At Princeps *Chen Kum*, opponit *Chin Kia*, misit fratrem *Quon Xò* ad invigilandum novo Regni *Im* Regulo, & ipse *Quon Xò* cum hoc Regulo postea rebellavit. Videor id quondam audivisse. Itane verè est ? Ita habetur in libro Annalium, reponit Memcius. Nunc autem percunctor, subjungit *Chin Kia* : Dum Princeps *Chen Kum* fratrem suum mittebat, prævidebatne illum rebellaturum ? minimè, inquit Memcius. Ergo, reponit *Chin Kia*, si non prævidebat, aut

: culpa aut error in virum & pietate & prudentiâ absolutissimum cadit. Tum Memcius : Princeps *Cheu Kum* erat frater natu minor ; Princeps *Quon Xø* frater natu major. Numquid pietas ac prudentia exigebat, ut frater natu minor fratri natu majori absque ulla omnino suspitione fideret ? potestne illi aut culpa aut error, ob id quod agere debebat, ascribi ?

L. 12. Lib. *Siao kio* cap. 3. §. 1. sic : Novem sunt, quæ Sapiens assidue cogitat : in visu claritatem, in auditu intelligentiam, in vultu affabilitatem, in corpore modestiam, in verbis veritatem, in negotiis diligentiam, in dubitationibus interrogationem, in altercationibus damnum, in opibus æquitatem.

Paragraphus Quintus.

De Veritate.

Primò, *Definitio Veritatis juxta Sinas sic* : Veritas est entis realitas. Est completa & indivisibilis rectæ rationis, & æquitatis essentia. Est Cæli via, itémque Cælestis legis via (A). Recta ratio, seu via quæ Cælum res producit, est veritas; recta autem ratio seu via quæ homines suos perficit, est veritatis studium (B). Veritas est principium & finis rerum; res enim quæ veritate caret, jam nec est illa res; v. gr. amor, obedientia, fidelitas si veritate careant, jam non amor, nec obedientia, nec fidelitas esse censentur (C). Hinc veritas non separatur à pietate, æquitate, & aliis virtutibus (D). Veritas alia cordis, alia operis; veritas cordis, est affectus verus; operis veritas, est effectus verus. Rursus veritas alia speculationis, alia operationis; illa noscendæ, hæc exercendæ virtuti inservit (E). Denique veritas, alia est locutionis, quæ nempe est & mentis & oris unita sinceritas (F).

Secundò, Actus Veritatis. Intrinsecus veritatis actus, est cordis verus affectus; extrinsecus, est rei verus effectus, seu potius ipsa productio aut positio veri affectûs, & veri effectûs. Item est mentis & oris conjuncta sinceritas, nempe ut est actus productus; est simultatis expulsiu (F).

Tertiò, Proprietas Veritatis. Veritatis proprietas, est omnia priusquam fiant,

fiant, ad veritatis metam dirigere; v. gr. verba priusquam proferantur, negotium priusquam suscipiatur, virtutis opus priusquam exerceatur, scientiam, priusquam explanetur, dirigere ad veritatis metam, ut benè succedant (G).

Quarto, *Partes integrales ac subjectivæ Veritatis*, sunt hæ: In Parentum & Regis servitio omnimoda sinceritas (H). Affabilitas inter consanguineos, candor inter amicos (I). Inquirendæ veritatis ardor; in actionibus solertia (K).

Textus Librorum.

- A. 1. Lib. *Sim li ta ciuen guey yao* tom. 10. artic. *Gin y li chi sin* sic: Veritas, est hujus entis realitas..... Veritas est totalis & indivisibilis rectæ rationis & æquitatis substantia, seu essentia.
- A. 2. Idem Liber tom. 11. artic. *Chim* sic: Quod non est vanum, inquit Doctor *Iloam*, dicitur veritas; quod non decipit, illam ordine sequitur. Quod autem non est vanum, adeoque est veritas, id Cæli via; quod non decipit, adeoque veritatem sequitur, id hominis via dicitur.
- Et paulò infrà sic: Numquid quando dicitur veritas esse Cælestis legis via, exactissimè illa exprimitur?
- A. 3. Lib. *Su xu mum yn* tom. 4. in Libr. *Chum yun* artic. 20. sic: Veritas est finis & principium rerum; sine veritate res non subsistunt. Si enim illa consideretur ut ratio: Cæli ac terræ ratio sine intermissione est semper summè vera; ideò ab omni ævo huc usque nulla omninò res fuit, aut est, quæ non sit vera; & quidquid est in tota re ab initio usque ad finem, est vera ratio quæ illud producit aut facit. Si consideretur ut cor, seu animus: viri sapientis animus sine intermissione est semper summè verus; ideò ab ortu usque ad mortem, nullum est ejus opus, quod non sit verum; & quidquid est in toto ejus opere ab initio usque ad finem, est verus animus, qui illud producit aut facit.
- B. 4. Lib. 2. Memcii cap. 1. *Li leu xam* sic Memcius: Idcirco veritas est via, quæ Cælum res producit; & veritatis studium est via, qua homo suos mores perficit.
- C. 5. Lib. *Su xu che hiay* tom. 3. in Libr. *Chum yun* artic. 25. sic: Itaque

veritate ſe homo perficit, adeoque ipſa eſt recta vivendi via quam ſequi debet. Unde inſuper veritas eſt principium & finis rerum; nec res quæ caret veritate, jam eſt illa res; v. gr. amor, obedientia, fidelitas ſi veritate careant, nec jam amor, nec obedientia, nec fidelitas cenſentur. Idcirco quod in omni re vir ſapiens plurimi facit ac maxime ſpectat, eſt veritas.

- D. 6. Lib. *Sa xu muu ju* tom. 1. in Libr. *Ta Hio* Proœmium ſic: Hic recenſentur tantum quatuor virtutes naturales, pietas, æquitas, honeſtas, prudentia; & veritas non nominatur; quia nimirum in illis quatuor includitur.
- D. 7. Lib. *Sa xu che kjay* tom. 3. in Libr. *Chum yam* artic. 20. ſic: Hæ tres virtutes, prudentia, pietas, fortitudo ab omni ævo omnibus hominibus ſemper communes fuerunt. Illarum autem ſolida exercitatio ac praxis, in una veritate ſita eſt, ita ut nec prudentia dici prudentia, nec pietas dici pietas, nec fortitudo dici fortitudo poſſit, ſi veritate careat.
- E. Ibidem paulò inſrà ſic: Modus quo Princeps debet omnes illas imperandi leges in praxim deducere, unus atque idem eſt; cordis nempe atque operis veritas; in corde veritas affectus; in opere veritas effectus regnare debet; omnis fucus ac ſimultas exulare.

Deinde ibidem paulò inſrà ſic: Duplex eſt veritas, alia ſpeculationis, alia operationis; alia cognoscendæ, alia exercendæ virtutis; illa prior, hæc poſterior. Ad utramque tota hominis vita, ut poſſit immutabile rectæ rationis ac virtutis Medium tenere, dirigenda atque conformanda eſt.

- F. 8. Lib. *ſim li ta ciuen gny yao* tom. 10. artic. *Chum ſin* ſic: Explere, inquit Doctör *Chim*, verum ſui cordis affectum abſque ulla ſimulatione, eſt fidelitas; explere totum rei opus abſque ulla defectione, eſt veritas; nimirum vera actus interioris & exterioris ratio. Fidelitas & veritas, inquit Doctör *Chu Hi*, eſt unum atque idem; nam prout procedit à corde, dicitur fidelitas; prout manifeſtatur in opere, dicitur veritas.

Ibidem inſrà ſic: Petes: Quænam eſt differentia inter veritatem, quæ eſt fidelitas, & inter veritatem, quæ eſt una ex quinque virtutibus cardinalibus? Reſpondeo: veritas quatenus eſt una ex quinque virtutibus cardinalibus, ſpectatur ſub verâ cordis ratione; qua-

quatenus est fidelitas, spectatur sub vera oris seu verborum ratione. Oportet bene utramque distinguere, ac penetrare; prisci enim modò sub hac, modò sub illa ratione veritatem accipiunt ac considerant.

G. 9. Lib. *su xu che kiy* tom. 3. in Libr. *Chum yun* artic. 20. sic : Omnes res quæ ad veritatis metam priùs dirigitur, feliciter stabilitur ; quæ non dirigitur, infeliciter labitur ; v. gr. si quis locuturus, verba sua ad veritatis metam priùs direxerit, is in verbis non labetur. Siquis negotium aggressurus, ad veritatis metam priùs illud direxerit, is in negotio nullas patietur difficultates. Siquis virtutis opus initurus, ad veritatis metam priùs illud direxerit, is in virtutis opere nullum incurret nævum. Siquis scientiæ speculationem explanaturus, ad veritatis metam priùs illam direxerit, is in explanatione, nullà intellectus egestate laborabit.

H. Lib. *su xu che kiy* tom. 3. in Libr. *Chum yun* artic. 20. sic : Vir in inferiori dignitatis gradu constitutus, si non valeat assequi, ut suus Princeps sibi omnino fidat, & regiminis negotia sine ulla suspitione committat, quamvis velit optimè suo officio fungi, populùmque, ut par est, regere, non tamen poterit. Assequendi autem ut suus Princeps sibi omnino fidat, exclusà omnis suspitionis umbrà, datur via seu rectus modus, qui ex fideli amicorum commercio procedit ; nisi enim inter amicos & familiares fideliter versatus fuerit, perspectamque illis fecerit suam sinceritatem ac candorem, non poterit ab iis Principi commendari tamquam fidus. Verùm ad probandam & patefaciendam suam Amicis sinceritatem ac candorem datur etiam via seu rectus modus, qui ex sincera Parentum observantia procedit ; nisi enim sinceram erga Patrem ac Matrem observantiam præstiterit, non poterit Amicis suam sinceritatem probare. Sed ad præstandam sinceram erga Patrem & Matrem observantiam rursus datur via seu rectus modus, qui ex verà suorum morum compositione procedit ; nisi enim mores suos verè composuerit, non poterit sinceram erga Patrem & Matrem præstare observantiam. Denique ad mores suos verè componendos datur etiam via, seu rectus modus, qui ex vera Boni cognitione procedit, &c. Itaque ad veritatem omnia referenda sunt.

L

I. 11.

I. 11. Lib. *Siao hio* cap. 2. §. 5. ſic: Vir ſapiens, inquit Confucius, ſincero affectu, & diligenti cohortatione erga Amicos; hilari affabilitate, & ſuavi facilitate erga conſanguineos utitur.

K. 12. Lib. *Su xu che kiy* tom. 3. in Libr. *Chum yun* artic. 20. ſic: Veritatis ſtudio in ſpeculando, &c. Vide ſuprà cap. 3. Sectione 1. in textibus num. 9. litteram E.

Paragraphus Sextus.

De Fortitudine.

Fortitudo eſt virtus ſubordinata cardinali virtuti Æquitatis.

Primò, Definitio fortitudinis juxta Sinas ſic: Fortitudo eſt mens deſiderata ad agenda ardua (A). Fortitudo eſt expedita ac prompta vis tum ad dubitationes ſolvendas, tum ad pericula vincenda (B). Fortitudo duplex eſt; alia homunculoꝝ, quæ ex bullientis ſanguinis impetu oritur; alia Heroꝝ, quæ unâ æquitate & ratione dirigitur (C).

Fortitudo rurfus in aliam triplicem ſic dividitur: alia Australium populorum, qui ex ſe ſunt molles; alia Borealium populorum, qui ex ſe ſunt robuſti; alia virorum Sapientium, qui ex ſe ſunt æqui (D).

Secundò, Actus fortitudinis. Fortitudinis actus eſt operis ardui, quod æquum judicatur eſſe, firma aggreſſio (E). Unde vir fortis licet videat hoſtem facillimè vincendum, ſi tamen id non eſſe æquum putaverit, non eum aggreditur; contra, licet videat hoſtem difficillimè vincendum, ſi tamen id æquum eſſe putaverit, eum intrepidè aggreditur (F). *Auſtrina* gentis fortitudinis actus, eſt alios vincere manſuetudine ac patientia; *Borea*, robore ac ardore. *Virorum Sapientium* fortitudinis actus, eſt ſeipſum ac ſuas cupiditates vincere (G).

Tertiò, Proprietas fortitudinis. Fortitudinis proprietas, eſt iram ac timorem regere (H). Impedire quò minùs in rebus dubiis, aut in periculis cor concutiat (I). Privatim agendo, rectæ rationis Medium firmiter ſervare; cum aliis verſando, habere concordiam; propter honores adeptos non mutare mores; inter tumultus, quamvis oporteat mori, retinere virtutis propoſitum (K).

Quartò, partes integrales ac ſubjectivæ fortitudinis, ſunt hæ: Conſtans perſe-

severantia in virtutis viâ, & in adversis rebus patientia (L). Uti discipulus *Yen Hwei*, licet ei tantum suppeteret scutella lignea ad fumendum cibum, agrestis cucurbita ad sumendum potum, & in vili loco habitaret, lætissimus tamen ac contentissimus vivebat (M). Profectus ardor (N). Animi celsitudo, justa scelerum vindicta, afflictorum protectio (O).

Textus Librorum.

- A. 1. Lib. *su xu che k'ia* tom. 3. in Libr. *Chum yun* artic. 20. sic: Fortitudo est firma deliberatio, quâ istam rectè vivendi rationem genere aggreddimur.
- A. 2. Lib. *su xu mum yn* tom. 4. in Libr. *Chum yun* artic. 20. sic: Aliquid difficili studio addiscere, & aliquid difficili labore agere, istud est fortitudo.
- B. 3. Lib. *su xu che k'ia* tom. 15. in Libr. 1. Memcii cap. 3. *Kun sun cheu xam* sic: Discipulus *Kun sun cheu* ita interrogavit Memcium: firmandi immobiliter cordis, daturne scientia? datur, reposuit Memcius, & quidem quod maximè requiritur, est expedita libertas ac prompta facultas ad dissoluendas dubitationes, & ad pervincenda pericula.
- C. 4. Lib. *su xu che k'ia* tom. 15. in Libr. 1. Memcii cap. *Kun sun cheu xam* sic Memcius: Magister *Cem tsu* discipulum suum *Tsu jam* fortitudinis amatorem ita olim exstimulabat: Domine, ut video, amas fortitudinem; at sciendum tibi est fortitudinem, aliam esse homunculorum, aliam Heroum; fortitudo homunculorum erumpit juxta bullientis sanguinis impetum; fortitudo Heroum juxta rectæ rationis ductum. Ego olim has Heroum fortitudinis regulas à Magistro Confucio audiavi: si ubi certandi se offert occasio, mecum ipse cogitans judicem non esse æquum ac rectum irruere in hostem; quamvis hic foret infimæ fortis homuncio, laneâ & largâ veste indutus, non illum tamen impeterem. Tunc certè patet me non timore percussum, pugnam refugere. Contra verò, si mecum ipse cogitans judicem æquum ac rectum esse certamen committere; quamvis decies centena hominum millia imminerent, ego tamen imperterritus in illos proruerem.

Vide ibidem multa variz fortitudinis exempla.

- D. 5. Lib. *su xu che kias* tom. 2. in Libr. *Chum yam* artic. 11. sic: Post hæc, discipulus *Tsu lu* bellicæ fortitudinis amator, ratus immutabile virtutis Medium ab hominibus ideò negligi ac sperni, quòd illis deesset animi robur, rogavit Magistrum Confucium, ut sibi explicaret quid esset fortitudo? cui Confucius: Quamnam, inquit, fortitudinem quæris ac intelligis? Austrinz? an boreæ gentis? an vestram discipulorum ac sapientiæ Alumnorum fortitudinem? fortitudo, quâ Austrina gens ceteros homines antecellit, hæc est: longâ benignitate, ac mansueta longanimitate in docendis hominibus excellere; acceptas injurias, quamvis injustas ac graves molli patientiâ sufferre, neque de iis vindictam sumere; hac in re longè alios homines superat. Quia autem ejusmodi mansuetudo, longanimitas, patientiâ satis æquitati ac rectæ rationi vicina atque concolor est, ideò regio ista, Sapientum locus est. Attamen cum hæc fortitudo ex naturali tantum istius gentis indole molli & imbecilli profluat, adeoque per defectum peccet; ideò non est ea, quam vos, sapientiæ Alumni, spectare ac sequi debetis. Fortitudo, quâ Borea gens ceteros homines antecellit, hæc est: tranquillè uti lanceâ, acinace, casside, thorace tamquam molli ad quiescendum culcitrà; nec, si mori oporteat, ullo modo pigere. Hac in re longè alios homines superat. Quia autem Robustorum mos est spectare magis fervidum bullientis sanguinis impetum, quam pacatum æquitatis ac rectæ rationis ductum, ideò regio ista, Fortium locus est. Attamen cum hæc fortitudo ex naturali tantum istius gentis indole robusta ac valenti procedat, adeoque per excessum peccet, ideò nec est ea, quam vos, sapientiæ Alumni, spectare ac sequi debetis. Vir itaque sapiens non in eo, quo alios, sed in eo quo seipsum vincat, suam fortitudinem collocat. Dum quis versando inter homines perfectam servat concordiam, nec se finit juxta universalem depravatorum morum torrentem abripi, proh! quàm præclara hæc est veræ fortitudinis species! dum quis solus agendo, firmiter in se stabilit immutabile virtutis Medium, nec ad dextram, nec ad lævam vel minimum declinat, proh! quàm præclara hæc est veræ fortitudinis species! Dum quis in Regno bene gubernato, post honores adeptos

adeptos non mutat mores , proh ! quàm præclara hæc est veræ fortitudinis species ! dum quis in Regno prorsus perturbato , arreptum virtutis propositum , quamvis oporteat mori , non mutat , proh ! quàm præclara hæc est veræ fortitudinis species ! atque hæc est quadruplex vera fortitudo , quàm vos , sapientiæ Alumni , spectare ac sequi debetis.

- E. 6. Lib. *sim li ta ciuen gney yao* tom. 15. artic. *Lie him* sic : Sapientiæ Alumnus , inquit Doctör *Chim* , non potest non magnam fortitudinem habere ; ejus enim onus grave est , & via longa . Cum igitur sit onus grave , debet humeros fortiter roborare , ac firmissimo fultro uti : tum poterit illud sustinere .

Ibidem infrà sic : Sapiens , qui cognitos suos defectus statim corrigit , qui auditam rectam doctrinam statim ad praxim deducere nititur , qui ad exercendam æquitatem viriliter se vincit : annon is suam fortitudinem verè perspectam facit ?

Et paulò infrà sic : Sapientiæ Alumnus non verba inania , sed strenuam operis diligentiam magni facit .

- F. 7. Vide hîc suprâ , litteram C.

- G. 8. Vide etiam hîc suprâ , litteram D.

- H. 9. Lib. *sim li ta ciuen gney yao* tom. 15. artic. *Ke Ki* : Regere iram ac timorem , inquit Doctör *Chim* , est quid difficile ; sed is , qui seipsum novit vincere , potest facîle iram ; & is , qui recta ratione uti novit , potest facîle timorem regere . Ibidem infrà sic : Sapiens res regit ; insipiens regitur à rebus . Et paulò infrà sic : Nihil adeò difficile est , quàm suas pravas cupiditates vincere . Sapientiæ ergo Alumnus , qui illas vincit , annon verè magnâ præstat fortitudine ?

Rursus ibidem paulò infrà sic : Inter septem passiones , inquit Doctör *Hin* , quæ sunt lætitia & ira , tristitia & gaudium , amor & odium , ac desiderium , nulla difficilius vincitur , quàm ira . Dum igitur hæc fervet , patientiam serva & cohibe impetum , donec animi motus detumescat ac tranquillitatem recuperaveris , tunc poteris bene rem examinare , & exequi .

- I. 10. Lib. *su xu che kiy* tom. 15. in Libr. 1. Memcii cap. 3. *Kum sun cheu xam* sic : Ausim te , inquit discipulus *Kum sun cheu* , Magister , in-

terrogare : qua in re differat ſophiſta *Kao Tſu*, ut cor tuum adverſus omnes dubitationes & omnia pericula aut metus firmes, immotumque reddas ? ſic illi Memcius : Sophiſta *Kao Tſu* aiebat : ſiquam verborum rationem non capis, noli animum applicare ac divexare, ut eam perſcrutando tandem capias. Ego autem ſiquam verborum rationem non capio, ſtatim animum ita diligenter applico, ut eam perſcrutando tandem capiam. Ille aiebat : ſi alicujus rei æquitatem animus non ſatis videt, noli practicam tuæ vitalis auræ vim exerere, ut eam exequaris : adeoque parum ſatagebat vitalem ſuam auram alere, & in ſuo vigore fovere. Ego autem immenſam illam vitalis auræ meæ vim diligenter foveo, alo, perficio. Atque ita dum diligenti ſtudio verborum rationes ritè ac penitus cognosco, tunc animus ab omni dubitatione ac hæſitatione immunis redditur ; dumque practicâ vitalis auræ vi, æquitatem aut exigentiam rerum compleo, tunc animus ab omni timore ac tremore exemptus officitur ; & tunc nulla res eſt, quæ animum meum concutiat. Hæc ſunt duo doctrinæ principia, in quibus ab illo ſophiſta diſcrepo.

K. 11. Vide hic ſuprà, litteram D. circa finem.

L. 12. Lib. *Lun ju* artic. 15. ſic : Cum Confucius in Regnum ſeu Principatum *Chin* appuliſſet, coepit magna opprimi egeſtate ac penuriâ, ita ut ejus diſcipuli in morbum lapſi, non poſſent ſurgere. Tum diſcipulus *Tſu lu* vultu irato intumeſcens : etiamne, inquit, egeſtate ac penuriâ Sapiens opprimitur ? cui Confucius : Sapiens in egeſtate ac penuria ſe fortiter conſtantiſſimum ; inſapiens ſe effrænate diſſolutum præbet.

M. 13. Lib. *Lun ju* artic. 6. ſic Confucius : Numquid diſcipulus meus *Ten hoi* verè erat ſapiens ? nihil illi niſi ſcutella lignea ſeu cannea ad ſumendum cibum, agreſtis cucurbita ad ſumendum potum ſuppetebat ; in viliſſimo urbis vico habitabat ; ſi quicumque alius eò miſeriæ redactus fuiſſet, vix aut nè vix quidem eam ſuſſerre potuiſſet ; ipſe tamen nihil omnino immutatus hilariffimè vivebat. Annon verè iſte meus *Ten hoi* erat ſapiens ?

M. 14. Lib. *Lun ju* artic. 4. ſic : Sapientiæ Alumnus, inquit Confucius, qui, poſtquam ſtatuit animum rectè vivendi ſcientiæ applicare, adhuc

huc viles vestes & viles cibos erubescit, hic non est illius excipien-
dæ capax.

M. 15. Lib. *Su xu che kiy* tom. 20. in Libr. 2. Memcii cap. 2. *Li leu hia*
sic : Atque ita nihil est quod virum sapientem possit affligere aut
angere. Siquid pietati vel minimum repugnat, mox illud abhor-
ret ; siquid æquitati vel minimum adversetur, mox illud omittit.
Siquid fortè damnum aut injuria ex improvviso illi contingat, non
ideò turbatur aut dolet. Vide adhuc ibidem de discipulo *Ten hoi*.

N. 16. Lib. *Lun yu* artic. 1. sic Confucius : Sapientiz Alumnus qui non
tantum quærit & in cibo satietatem, & in habitatione commo-
ditatem, & est diligens in opere, in verbis cautus ; sed insuper ut se
melius perficiat, accedit ad rectæ viæ Magistros ac duces, nonne hic
potest verè dici discendi studiosus ?

N. 17. Lib. *Su xu che kiy* tom. 3. in Librum *Chum yun* artic. 20. sic : Ve-
ritatis studium in speculando cum contentione, &c. Vide suprà
cap. 3. Sect. 1. in textibus num. 9. litteram E.

O. 18. Lib. *Su xu che kiy* tom. 14. in Libr. 1. Memcii cap. *Leam hoi van*
hia sic : Ego, inquit Rex *Siu en van*, modicæ virtutis vir, prava ani-
mi ægritudine laboro ; sum excellentiæ ac fortitudinis amator.
Cui Memcius : nè sis, Rex, velim abjectæ & pusillæ fortitudinis
amator, similis ei qui ab altero impeditus, mox stringit acinacem,
minacibusque oculis ac torva fronte : istène, inquit, me laceffat ?
mihi resistere & adversari ausit ? hæc profectò vilis & infima est vi-
ri privati fortitudo, qui uni tantum potest resistere ; vel potius
ira est dicenda, quæ unum bullientis sanguinis impetum dumtaxat
sequitur. Magnam illam ac sublimem sapientium Heroum, quæ
unam æquitatis rationem spectat, Rex, ama fortitudinem ; uti dici-
tur in Libro *Xi Kim* seu Carminum sic : Regulus Regni *Mie* in Impe-
ratorem rebellans, occupato Regno *Tuen*, jam ad agrum *Kum* usque
pervenerat. Tum Princeps *Ven Van* terrifico aspectu exurgens, ju-
stæque inflammatus irâ, properè collegit & eduxit omnes suos mi-
lites ad reprimendum hostilis turbæ jam jam in agrum *Kum* irruen-
tis impetum, & ad tuendum Familiz suæ *Chen* decus, ad auspicanda
felicia ejus omina, atque ad complenda totius imperii vota. O
quantam tunc animi fortitudinem ac celsitudinem ostendit ! Ita

Ue

ille liber. Hæc igitur fuit magna, verèque excelsa Herois *Ven Vam* fortitudo, & juſta ira. Una Principis *Ven Vam* ira domuit Rebellem, terruit alios Principes, cunctis imperii populis ſolatium ac tranquillitatem attulit.

Paragraphus Septimus.

De Temperantia.

Temperantiâ eſt etiam virtus ſubordinata cardinali virtuti *Æquitatis*.

Primò, Definitio temperantia juxta Sinas ſic: Temperantia eſt vivendi moderatio (A). Temperantia eſt triplex, alia carnis, alia victûs, alia expenſarum. Temperantia carnis iterum ſubdividitur in *virginalem*, quâ virgo deſponſata, ſponſo præmaturè mortuo, non vult alteri nubere; vel non deſponſata, fornicari perhorreſcit, uti habes exempla ſibi nares abſcindentis ut non nuberet alteri; & ſe in præcipitium dantis, ut non ſtupraretur (B). In *vidualem*, quâ mulier poſt mortem mariti, non vult ad ſecundas nuptias tranſire, uti etiam infrâ habes exempla; (C). Et in *conjugalem*, qua fides conjugalis ſervatur. *Virginalis* & *vidualis* publico quandoque donatur encomio ab Imperatore (D).

Temperantia *victûs*, in frugalitate; temperantia *expenſarum* in mediocritate conſiſtit (E).

Secundò, Alius Temperantia. Temperantiæ actus eſt refrænatio appetitûs ciborum, ac voluptatum. Eſt comœdiarum, conviviorum, aliarumque mundi cupiditatum fuga (F). Moderati juxta cujuſque conditionem ſumptus (G). Alius temperantiæ actus eſt temperare à vino immodico, contra quod liber *Annalium Imperialium* habet unum integrum capitulum, & hæc eſt ejus ſumma: in principio Cælum juſſit fieri vinum ad Spirituum & hoſpitum cultus, non ad hominum compotationes; ex compotationibus enim pigritia in negotiis, obſcuritas in mente, turpitudine in actionibus oritur. Inſuper propter illas compotationes à Cælo immittuntur calamitates; Familix, Regna, Imperia evertuntur. Maximè autem debent cavere à vino juniores Præſeſſi. Itaque oportet, ut Parentes ſuos liberos, & fratres ſeniores ſuos fratres

fratres juniores à vino deterreant, & hi debent sana illorum sequi monita. Magistratus ebriosi puniendi sunt. Alii, vino assuefacti, prius instrui ac ad emendationem exstimulari debent; si non resipiscant, etiam puniendi. Attamen Agricolas, dum diligenter suis agris colendis; Mercatores, dum diligenter suis commerciis exercendis vacant ad alendos Parentes, non dedecet modicum vinum simul domi bibere, sed citra ebrietatem (H). Olim ita erant Sinæ abstemii, ut rarissimè carnibus vescerentur; imò Ritus præscribebant, ut absque gravi causâ Reguli bovem, primarii Præfecti ovem, Doctores seu viri Literati porcum non mactarent; v. gr. hospitis causâ, &c. (I).

Tertiò, Proprietas temperantia. Temperantiæ proprietas est, nec in cibo saturitatem, nec in habitatione commoditatem, nec in vestitu luxum quærere (K). Mundi delicias perparcè sibi adsciscere. Vanam divitiarum & honorum pompam vitare (L).

Quartò, Partes integrales ac subjectivæ temperantiæ, sunt hæ: In mensâ modestia, & parvus ciborum delectus (M). Sumptuum inita ratio; accepti cum expenso collatio (N). Honestæ hospitum tractatio, sed non temulenta; modestorum ædificiorum constructio; victus parcitas inter divitias, & scurrilium verborum abstinentia (O.)

Textus Librorum.

- A. 1. Lib. *Lun ju* artic. 1. sic Interpres *Chu hi*: Temperantia, inquit Doctor *Tam*, juxta librum *Te kim*, spectat moderationis leges.
- B. 2. Lib. *Siao hio* cap. 4. §. 2. sic: Puella *Kum Kiam* pacta fuerat in uxorem Principi *Kum Pe*, Regni *Cy* heredi. Hic ante initum matrimonium præcoce morte ereptus est. Illa ad servandam sponso suo fidem, statuit alteri non nubere; & quamvis urgerent Parentes, ut ad alias nuptias transfiret, nullo tamen modo potuit adduci ut consentiret; sed odam composuit, nomine *Navim cypressinam*, in qua jurejurando spendet se potius morituram, quàm alteri nupturam.
- B. 3. Lib. *Siao hio* cap. 6. §. 2. sic: Vir *Tam* seu ex oppido *Fum tien* oriundus habebat duas filias, ruri quidem educatas, sed à pueritia virtutis avidas animoque insignes. Imperante *Tay tsun* Familiz *Tam* in sui Imperii annis dictis *Tum Tay*, contigit, ut prædonum turma lapsè per imperium debacchans, irrueret ad devastandum earum pagum.

gum. Illæ, ut erant formâ decoræ, altera 19. altera 16. annos nata, mox in montium cavernis ſeſe abdiderunt; ſed cùm inde abſtractæ, vi raperentur ad prædonum caſtra, appuſſæ ad præcipitem centenis cubitis profundiffimæ vallis & rivi clivum, natu major ſic prior effata eſt: melius eſt fortiter mori, quàm turpiter violari; & hæc dicens ſeſe in ima præcipitem dedit, atque occubuit. Prædonibus ad ſpectaculum ſtupentibus, natu minor ſororem ſuam ſubſecuta, mox ſe etiam in præcipitium egit, ſibi crura confregit, vultumque totum diſſuente undique ſanguine contrivit; viva tamen evaſit. Perterriti prædones illam reliquerunt, & abierunt. Poſtea urbis *Kim chao* gubernator *Ti u ki* ſingularem iſtarum ſororum caſtitem extollens, dato ſupplici libello obtinuit ut Imperator publicum pro illis encomium mitteret, earumque Familiam ac vicum ab omni perſonali tributo eximeret in perpetuum.

C. 4. Lib. *Siao hio* cap. 4. §. 2. ſic: Filia Reguli Regni *Sum*, filio Reguli Regni *Tſay* nupſerat. Poſt initas nuptias ejus maritus contagioſo morbo coepit laborare; idcirco Mater volebat eam alteri in matrimonium collocare; ſed illa reluſtans: mei, inquit, mariti malum eſt etiam meum malum; occur igitur violando datam fidem, illum relinquam? cum mulieris munus ſit ſequi virum; ubi ſemel ſolemni Ritu in uxorem uni marito tradita eſt, totâ vitâ non poteſt illum commutare. Deinde ille contagioſo morbo ſic infectus, numquam etiam me relinquet, niſi fortè graviffimâ improbitate cauſam præbuerim. Quî igitur poſſim illum relinquare? denique Matris conſilia rejecit.

C. 5. Lib. *Siao hio* cap. 6. §. 2. ſic: Imperante Familiâ *Han*, quædam puella Parentum obſervantiſſima, cognomine *Chin*, ſedecim annos nata, nupſit viro, qui antequam liberos procreâſſet, coaſtus eſt militiam ſequi ad cuſtodiendos Regni limites. Diſceſſurus ſux uxori hoc commendavit: morſue, an vita, inquit, illic me maneat, incertum. Ego ſenem matrem habeo, ut ſcis, omnibus fratribus ad eam alendam deſtitutus; ſi igitur me mori contigerit, viſne illam alere? Volo, reponit uxor. Maritus itaque proſectus, illic reverà obiit, Uxor promiſſi tenax, coepit diligentiffimè ſuam ſocrum alere,

re,

re, & diligentiam ex amore mutuo augere. Nebat, ac texebat telas ad domûs sustentationem, abjectâ omni ad secundas nuptias transfundi mente. Peraçto triennali mariti luctu, Parentes juvenilem ejus viduitatem miserati, volebant alteri eam in matrimonium collocare. At illa: discedens, inquit, meus conjux suam mihi in alendam matrem commendavit, ejusque petitioni annui. Quæ autem nec constans usque ad mortem in alenda alterius matre, nec verax ac fidelis in promisso valet esse, quomodo possit in hoc mundo vivere? hæc dicens volebat sibi necem inferre. Quâ re exterriti Parentes, non ausi sunt amplius eam ad secundas nuptias impellere. Postquam igitur 28. annis focrum suam diligentissimè aluisset, focrus octogenariâ major tandem obiit, ad cujus funus majori pompâ peragendum, sua prædia, domum, facultates vendidit, eique deinceps tamquam matri propriæ, semper parentavit. Hoc comperto urbis *Hoi ngan* & *Tam cheu* gubernator, dato supplici libello obtinuit, ut Imperator illi donaret 4240. argenti uncias, eamque totâ vitâ ab omni tributo eximeret, ac ei honorificum hoc cognomentum: *Uxor Parentis obsequiosa*, donaret.

- C. 6. Lib. *Siao bio* cap. 6. artic. 2. sic: Nobilissimus vir *Ven Xo*, regiâ editus stirpe, habuit uxorem *Lin Niu*, filiam Præfeti *Ven Nim*. Hæc marito præmaturè mortuo, post peractum ejus funus, verita, nè ob suam juvenilem ætatem, & quia liberis carebat, ad alias nuptias à Parentibus cogeretur, ut suum palam propositum patefaceret, capillos sibi abscidit. Et certè ad incundas alias nuptias eam tentârunt Parentes; sed hoc audito ambas sibi aurículas refecuit, vixitque semper cum suo cognato *Tsao xuam*, qui cum occisus fuisset, totâque ejus stirps deleta; patruus viduæ, dato supplici libello impetravit, ut Imperator ejus matrimonium cum alio à regia Familia orto sanciret, vi volens eam abducere. Verùm Pater ejus *Ven Nim*, qui tunc gubernatorem urbis *Leam Cheu* agebat, miseratus istud juvenilis ætatis propositum, misit, qui eam exhortarentur, & paulatim emollirent. Iis auditis *Lin Niu*, suspirans ac flens: ego etiam, inquit, id mente pervoluo. Me despondere viro, id sanè rectum est. Domestici non dubitantes hæc fictè dici, illam assiduè explorabant; sed cum paulisper de sua vigilantia remississent, illa cubicu-

lum clam ingreſſa, cultello ſibi nares abſcidit, & in lecto ſe compoſuit. Paulò poſt mater illam vocans, nec reſponſum accipiens, cubiculum ingreditur, illamque invenit ſuo ſanguini innatantem. Statim accurrentes domeſtici, & ad tale ſpectaculum attoniti ingemuerunt; cùmque quidam fortè illi diceret: homo in hoc mundo, non ſecus ac pulvis in fragili gramine reſidens, commoratur; ecur ita te ultrò crucias? &c. Cui illa: audivi, ait, hominem pium nec propter proſperam, nec propter adverſam fortunam mutare propoſitum; hominem æquum nec propter mortem, nec propter vitam mutare animum. Familia mariti mei *Iſao* dum nuper florebat, ego ſpoſponſi illi ſervare totâ vitâ continentiam; jam verò poſtquam miſerè extincta eſt, quomodo poſſim illam relinquere?

- D. 7. Liber *Ta mim boei tien* tom. 79. de largitione publici encomii, ſinice *Cim Piao*, ſic: Imperator *Hum Vu* primo ſui Imperii anno, hoc ſta-
tuit: quiſquis filius, obedientiæ; nepos, obſequentiæ; vir, æquitatis; mulier, caſtita-
tis ſingulare & inſolitum aliquod opus patrârit, loci gubernator, denunciet illius nomen provinciali juſtitiæ præſidi, ut
rei veritate examinata & cognita, tranſmittatur ei publicum enco-
mium ad vici portam appendendum. Rurſus ſic: Mulier plebeia,
quæ ante 30. ætatis annum, maritum amiſerit, & poſt ejus mor-
tem continens vixerit uſque ad quinquageſimum, ſi poſteà conſtans
in caſtita-
tis propoſito perſiſtat, donetur publico encomio ad vici
portam appendendo, ejusque domus tributo perſonali eximatur.

Ibidem paulò poſt ſic: Anno ſexto Imperatoris *Chim Te* exiit hoc
decretum: Quandoquidem rei veritate examinata & cognita, obla-
rus fuerit libellus ſupplex, quo denunciatum eſt hiſce annis præte-
ritis aliquas virgines in provincia *Xan ſi*, & in aliis locis, non per-
miſſiſſe ſe à prædonibus conſuprari (nempe mortem potiùs elegiſ-
ſe), Præfecti primò pro ſingulis dent tres argenti uncias, (id eſt,
tria ſcuta Romana) in ſubſidium exequiarum & ſepulturæ. Deinde
ad latus tabernaculi encomiaſtici, erigatur ſepulchralis virginum
lapis, in quo ſculpatur earum cognomen & mortis annus ad per-
petuam memoriam.

Vide etiam hic ſuprà num. 3. litterâ B. circa finem; & num. 5.
litterâ C. etiam circa finem.

- E. 8. Lib. *Siao hio* cap. 6. §. 3. sic : Præfectus *Ven Chun* non nisi vulgari ac munda veste indui absque ullo ornatu volebat ; serica volumina floribus & auro elaborata domum ejus non intrabant. Solebat dicere : non nisi naturali colore tinctas gerere vestes , viri sapientis est ; adscititiis coloribus imbutas gerere , mulieris est.
- E. Ibidem, sic : Tres fratres cognomine *Kao*, ut refert *Lien Pi*, quamvis Magistratus sublimiores gererent, ubi nullus hospes aderat, unum tantum carnis ferculum sibi apponi volebant in prandio ; vesperi sola legumina comedebant.
- E. Idem sic : Primarius Imperii Minister *Cham ven cie*, eò quòd in tanta dignitate constitutus etiam tunc tam parçè viveret, quàm dum olim exiguum in urbecula *Ho Tam* Magistratum gerebat ; quidam ex amicis sic eum allocutus est : Domine, cùm nunc amplissima sint tibi stipendia, quare tam parçè vivis ? quamvis temperantiz amore reverà id facias, alii tamen passim dicunt te esse similem ditissimo olim primo Imperii Ministro *Kum sun*, qui sibi ipsè lectum sterneret. Præstat igitur ut communi hominum propensione parumper obsecundes. Cui ille suspirans : quomodo, inquit, non possim ex regiis stipendiis meos omnes domesticos serico & auro vestire ? ad obsecundandum communi hominum propensione, ex parco nunc fieri prodigum, est facillimum ; sed postea ex prodigo fieri parcum , quàm erit difficile ? possintne semper ista mea stipendia permanere ? infra unius diei spatium, meus qui nunc exstat , status totus in morte immutabitur. Tunc autem mei domestici statim parçè vivere non sustinentes, utpote luxui dudum assuefacti, brevi in scelera procul dubio ibunt præcipientes. Numquid ergo præstat & tam in dignitate quàm post dignitatem, tam in vita quàm post mortem , eundem semper agendi modum servare ?

Vide etiam ibidem de alio primo Imperii Ministro singularem in domus ædificatione moderationem observantem.

- E. Ibidem sic : Doctor *su ma ven kum*, patris sui memor, sic aiebat : Olim Pater meus Magistratum gerens, in hospitum adventu vinum quidem offerri curabat ; sed vel tres vel quinque haustus tantum propinabat ; vulgare vinum in foro emebat ; pro bellariis pyra, castaneas, pruna, poma ; pro dapibus carnem passam, carnem jusculo

conditam, & legumina dumtaxat apponi curabat. Figulina tantum vasa, vel minio colorata adhibebat. Tunc temporis omnes viri honesti ac Magistratus ita agebant, nec sibi obmurmurabant; sæpius se invicem invisebant, sed humaniter; munera quidem erant morlica, sed affectio intima. Hisce verò temporibus viri honesti ac Magistratus, nisi vinum fuerit domi confectum ac exquisitum; fructus rari, & procul advecti, multa ciborum varietas, vasa & fercula pretiosa impleant totam mensam, non audent hospitem ad epulum invitare, &c. Nisi enim sic agant: continuò avaritiæ & abjectionis insimulantur, &c. Eheu! adeò tanta morum corruptela nunc regnat! cur Magistratus, si nequeant eam reprimere, ipsimet sustinent adjuvare?

F. 9. Lib. *Siao hio* cap. 6. §. 3. sic: Doctor *Liu chin bien* à pueritia in litterarum studia incumbens, pravas animi affectiones frænare, & ingentium virtutis amorem fovere sollicitè conabatur; unde ciborum & voluptatum illecebras maximè fugiebat; in victu sobrius, in verbis temperatus, vultu gravis, gressu moderatus, corporis specie liberalis. Vilia & scurrilia verba numquam ex ejus ore prodibant; illas omnes vanas mundi pompas, ingeniosas comoedias, inutiles deambulationes, convivia, aleas, talos, reliquosque perniciosos ludos prorsus odérat.

G. 10. Lib. *sim li ta ciuen guet yao* tom. 22. artic. *Cie kien* sic: Terræ vires, inquit Doctor *Hiu*, in rebus producendis certum suum numerum, & hominis vires in illis conficiendis certos suos limites habent. Si utamur illis certâ cum regula & moderatione, illæ semper abunde sufficient; contrâ, si utamur illis sine Regula & moderatione, numquam illæ abunde sufficient. Abundans aut parca rerum productio, à Cælo; multus aut modicus rerum usus à nobis pendet. Omnia in mundo suum habent determinatum statum, sicut non possumus ultra nostrum determinatum statum aliquid quærere aut ambire; ita nec possumus ad usum adhibere. Dum Cæli rebus prodigè ac dissolutè utimur, in Cælum peccamus.

H. 11. Lib. *Xu Kim* seu Annalium Imperialium tom. 4. cap. *Cien Kao* seu monita de vino, Imperator *Vu Vam* creando fratrem suum juniorem Regulum in Principatu *Guey*, ubi perversi compotandi mores grassaban-

fabantur, his verbis ad eos corrigendos ac tollendos illum alloquitur : Nunc dum te mitto in istud Regnum seu Principatum , in quo tota ditio *Muy* comotationibus plena est ; utor iisdem verbis, quibus olim noster venerandus Pater *Ven Vam*, in principio sui occidental^{is} Principatûs, usus est ad suos omnes Magistratus majores & minores. Sic manè & vespere illos monebat : vini usus est tantum institutus ad Ceremonias *su* vel *cy* faciendas (nempe Spiritibus & hospitibus, uti in istum locum ait interpretatio Imperatoris *Kam Hi*.) Quando Cælum jussit, ut nostri olim populi inciperent vinum conficere, ejus mensuit, ut hisce Ceremoniis *su* vel *cy* faciendis tantum inserviret. Cur autem Cælum horrendas calamitates immitteret, populi tumultus ac seditiones excitent omnemque virtutem pessumdent, magna ac parva Regna funditus subvertantur, ista omnia non aliunde proveniunt quam ex vini comotationibus. Deinde ad docendos Juniores, sic etiam aiebat : vos Præfecti, ut bene fungamini vestro officio, ordinariè debetis à vino abstinere, & docere vestros juniores liberos, ut vino tantum utantur ad faciendas Ceremonias *su*. Qui virtute pollent, possunt quidem modico uti vino, sed absque ebrietatis periculo. Instruite etiam meæ plebis liberos, ut magnoperè ament agriculturæ labores, atque ita eorum animi erunt probi ; ut filii ac nepotes diligenter ac libenter excipiant sanas suorum Parentum instructiones ; ut caveant dicere abstinentiam vini esse parvam virtutem. Tam parvam quam magnam virtutem debent spectare ut unam & eandem. Vos, ditionis *Mui* agricolæ, ubi diligenti vestro labore terram bene colueritis ; & vos, mercatores, ubi sollicitâ vestrâ operâ copiosas merces reportaveritis ad alendos vestros Parentes, tunc domi cum illis jam contentis vinum potestis moderatè bibere. Vos, Præfecti superiores & inferiores, qui soletis mea audire documenta, si in festiva alendorum senum Ceremonia vinum bibitis, id non vocatur excessus. Item si illud bibitis, dum vero corde Spiritibus Ceremoniam *su* facitis, tunc vestram lætitiâ augebitis & adjuvabitis. Hoc modo vestri officii munus verè adimplebitis, ipsumque Cælum vestræ virtuti obsecundans, in dignitatis gradu vos semper conservabit.

Ita olim Pater noster Ven Vam. Jam verò, tu frater, scis quanta virtute

rute primi Imperatores præcedentis Familiæ floruerint. Iſti ſapien-
tiſſimi Principes, ut ego pridem audiui, ſummoperè verebantur lu-
cidam Cælo legem, diligenter ſuos mores componebant, nec ſe
ſinebant ab inſipientibus homunculis excæcari. Hinc à primo iſtius
Familiæ Imperatore *Chim Tam* uſque ad Imperatorem *Ti Te*, multi &
perfecti Imperatores, & venerandi Miniſtri floruerunt, in ſuo offi-
cio diligentes, accurati, otii & deliciarum oſores. Enimverò quĩ
auſi fuiſſent vini compotationes extollere ac prædicare? tunc &
Reguli & proceres & Præfecti tum ſuperiores, tum inferiores, &
viri præfecturæ Deſuncti, quĩ ſanè auſi fuiſſent vino ſe ingurgitare?
nec tantum non auſi fuiſſent, ſed nec id ipſum quærere illis vaca-
bat. Superiores enim Magiſtratus toti erant in adjuvanda Impera-
toris virtute, inferiores toti in adjuvando Superiorum ac Regulo-
rum officio. Deinde, uti etiam audiui, horum Imperatorum Po-
ſteri ſenſum degeneres effecti ſunt; donec tandem Imperator *Chew*
temulentus, exlex, crudelis, corrigi neſcius, libidinibus deditus,
omnia ſuſquedèque evertit. Et quamvis ſat videret profundissi-
mum populi mœrorem, non tamen deſiſtebat à ſuis compotationi-
bus ac voluptatibus, ita ut ſubinde efferveſcente irâ, & mortem &
totius imperii ruinam contemneret, Cælique ſervitium ac Cere-
monias ſu negligeret. Nec tantum ille, ſed etiam omnes populi
ſe vino ingurgitabant, ita ut foetidus ipſorum odor ad Cælum uſ-
que aſcenderet. Idcirco ultimam immiſit iſti Familiæ *in* perni-
ciem, & ob pravas libidines ab ejus amore deſtitit. Cælum non
extitit in illam crudele; ſed iſti populi ſibi ipſis hoc malum accer-
ſivè. Verum hæc pauca ſufficiant. Proverbio dicitur: non in
aqua, ſed in homine ſe debet homo inſpicere. Dum igitur videmus
iſtam horrendam Imperii *in* ruinam, nonne id nos debet monere ac
movere ad præſens bonum regimen? jam verò tuo exemplo non tan-
tùm vicinos Præfectos & Principes, ſed maximè tuos omnes Magiſtra-
tûs, tu frater, debes deterrere ac fortiter remove-re à compotandi vi-
tio. Siqui non pareant, & turmatim compotent, tu nè illis parcas;
ſed apprehenſos huc ad me in Curiam mitte; ego eos morte ple-
ctam. Quia tamen illi ſtuturnâ conſuetudine aſſuefacti compota-
tionibus, non poſſunt ita ſubito mutari; dum aliqui non turmatim
vino

vino indulgebant ; interim illos mone, instrue, exhortare ; si meis, inquires, paretis monitis ac consiliis, ego ad altiora munia vos promovebo ; sin minus, ego vobis non parcam. Postea si non pareant, etiam illi morte plectendi sunt. Itaque, Tu, frater, meis documentis diligenter ac strenuè morem gere. Hoc scias certò : nisi Præfecti ac Magistratus exemplo præverint, populus à compotationis vitio non desistet.

- I. 12. Lib. *sim li ta ciuen gney yao* tom. 22. artic. *Ciu Kien*, sic : Prisci, inquit Doctòr *Liu*, temperantiam & parcitatem tam rigidè sectati sunt, ut eam imitari Posterì non potuerint ; v. gr. pro victu, superioris & inferioris conditionis hominibus certæ erant præscriptæ leges ; Reguli bovem, primarii Præfecti ovem, Doctores porcum absque gravi causa mactare non poterant ; imò hæ victûs leges, florentis imperii tempore adhuc vigeant. Denique Prisci carnibus rarissimè vescébantur.
- K. 13. Lib. *Lun yu* artic. 1. sic : Vir sapiens, inquit Confucius, nec in cibo saturitatem, nec in habitatione commoditatem quærit.
- K. 14. Lib. *Lun yu* art. 4. sic : Qui erubescit vilibus vestibus indui, & vilibus cibis vesci, hic non est capax sapientiam addiscendi.
- L. 15. Lib. *Siao hio* cap. 5. §. 3. sic : Sapientiæ Alumnus, inquit Doctòr *Hu ven tim*, qualvis mundi delicias debet perparcè sibi adsciscere, nec vanam divitiarum & honorum pompam sectari.
- M. 16. Lib. *Siao hio* cap. 3. §. 4. sic : Invitatus ad epulum, inquit liber Rituum cap. *Kio li*, noli stomachum omninò saturare ; orizæ jussulo manum confpurcare ; longo tractu bibere, ore strepitum edere, tuas reliquias in communem lancem reponere, &c.
- N. 17. Lib. *Siao hio* cap. 5. §. 2. sub finem sic : Paterfamilias maximam sumptuum rationem habeat ; acceptum cum expenso conferat, &c.
- O. 18. Lib. *Siao hio* cap. 6. §. 3. sic : Primus Imperii Minister *Li ven cim* exstruens sibi domum prope palatii Regii portam, quia tam angustum ejus atrium coniciebat, ut eques vix commodè posset in eo se vertere ; cuidam objicienti nimis esse angustum, subridens respondit : hoc atrium ad meos Nepotes debet devolvi ; nunc quidem pro primo Imperii Ministro, fateor, est nimis angustum ; sed

N.

post-

poſtea pro Ceremoniarum Magiſtro, dum mei Nepotes mihi Parentabunt, erit ſatis ſuperque amplum, nec nimis anguſtum.

Vide etiam hîc ſuprà num. 8. litteram E. & num. 9. litteram F.

Paragraphus Octavus.

De Amicitia.

Sinæ amicitiam non inter virtutes, ſed inter quinduplicem humanæ conditionis ordinem, de quo inſrà, quinto loco reponunt. Hic tamen, uti Ariſtoteles, propter ſimilitudinem, quam habet cum virtutibus, eam appono. Itaque

Primò, Definitio Amicitie juxta Sinas ſic : Amicitia eſt ſocietas hominum ejuſdem virtutis & fortis, in affectionibus concordium, in urbanitatibus accuratorum, in junioris & ſenioris ætatis ſubordinatione attentorum, in itu & ope reciproca convenientium, in vita & morte perſiſtentium, in doloribus & gaudiis æquè inter ſe affectorum. Si hæc deſint, non amicitia, ſed futile conſortium, quod uno momento coaleſcit & mox diſſipatur, vocandum eſt (A).

Secundò, Leges Amicitie. Amicitie leges ſunt hæc :

Prima, Amici mutuis ſtimulis ad virtutem ſe invicem excitent (B).

Secunda, peccantem Amicum ſincere admone ; ſi monita non audiat, deſiſte (C).

Tertia, utere Amicis tamquam inſtrumentis, quibus animum tuum aptes & acuas ad virtutem (D).

Quarta, in frequentanda aliorum ſocietate, ſive ob tuam grandioſiorem ætatem, ſive ob tui generis ſplendorem, ſive ob tuam ſuperiorem dignitatem, ſive ob tuorum conſanguineorum multitudinem, noli te arrogantem & imperioſum præbere. In frequentanda enim aliorum ſocietate quærenda eſt illorum virtus quam imiteris, non arrogantia quâ illos aſperneris (E).

Quinta, non debes ab Amicis exigere, ut omni quo decet amore, & omni quo poſſunt affectu te proſequantur ; ſed tu id erga illos præſta (F).

Sexta, in ingreſſu & egreſſu amici inter ſe mutuam ſervent urbanitatem (G).

Septima, quamvis jam pridem Amicum frequentes, semper tamen cum eo reverentiam serva (H).

Octava, noli Amicum, qui non sit sicut tu, eligere (I).

Nona, nec divitiarum, nec generis splendor in amicitia, sed ipsa sola amicitia spectanda est (K).

Decima Amici debent sibi invicem cedere, sibi invicem ignoscere, verba subinde ingrata tolerare sine iræ demonstratione; numquam se invicem fastidire (L).

Undecima Amici debent reciprocis muneribus amicitiam fovere, reverentiarum, non utilitatis ergo (M).

Tertiò, utilitas & damna Amicitiarum. Tria sunt Amicorum genera quæ profunt, tria quæ nocent. Amici recti, Amici sinceri, amici docti profunt ad nostram pravitatem, simultatem, ignorantiam depellendam. Contrà, Amici pravi, Amici fucati, Amici garruli & ignorantes nobis nocent ob periculum imitandi eorum pravitatem, fucum, garrulitatem (N). Sapiens suam Sapientiam amicitiam, amicitiam, suam pietatem promovet (O). Qui vanos tantum jocos, facetias, blandicias, voluptatem in amicitia quærunt, non possunt esse diuturni Amici (P). Rejicere amici donum, alendarum amicitiarum nocet; libenter accipere, prodest (Q).

Textus Librorum.

- A. 1. Libellus *San tsu kim*, seu versus trium vocum pag. 14. sic Interpretatur *San tsu kim*: Amicitia est societas, &c. Ut suprà in contextu.
- B. 2. Lib. *Siao hio* cap. 2. §. 5. sic: Mutui, inquit Memcius, ad virtutem stimuli, mutuæque monita, consuetum Amicorum munus est.
- C. 3. Lib. *Siao hio* cap. 2. §. 5. sic: Cum discipulus *Tsu Kum* interrogasset Confucium, amicitiarum leges: peccantem, inquit, Amicum sincere admone; si nihil tuis monitis proficias, desiste; nè tibi injuriam vel probrum arceffas.
- D. 4. Idem liber ibidem sic: Sapientiarum Alumnus, rursum inquit Confucius, dum in aliquo Regno hospes versatur, hominibus tamquam instrumentis quibus se aptet & acuat, utatur necesse est. Utatur ergo primariorum Præfectorum sapientiam, illis inserviando, ut discipulus; utatur virorum honestorum pietate, illos frequentando, ut Amicus.

- E. 5. Idem liber *Siao hio* ibidem sic: In frequentanda, inquit Memcius, aliorum societate, &c. Ut suprà in contextu.
- F. 6. Idem liber *Siao hio* ibidem, sic: Non debes, inquit Liber Rituum cap. *Kio li*, ab aliis exigere, ut omni quo decet, amore, & omni quo possunt, affectu te prosequantur; sed tu id erga illos præsta.
- G. 7. Idem liber *Siao hio* ibidem sic: In hospitè excipiendo, inquit Liber Rituum cap. *Kio li*, ad cuiuslibet portæ ingressum Herus roget, ut Hospes prior transeat; Hospite ad interioris Aulæ portam appulso, Herus cum ejus venia prior intret, ut sedes disponat; tum regressus excipiat Hospitem; si Hospes omnino recuset prior intrare, Herus ei reverentiam exhibeat & intret, Herus ad dextram, Hospes ad sinistram. Ingressi, Herus ad scalæ gradus orientales sive dextros, Hospes ad occidentales sive sinistros pergant, (nota: domus Sinicæ ita fere solent extrui, ut vergant ad Austrum) sed Hospes quasi foret dignitate inferior Hero, statim accedat ad Hæri scalæ gradus orientales ut illinc ascendat; quod omnino recusante Hero, tandem redeat ad scalæ gradus occidentales. Tum Herus & Hospes postquam se invicem invitaverunt ad ascensum, Herus prior incipiat ascendere, Hospes subsequatur; ascendendo in singulis gradibus pes uterque simul jungatur, & æquali passu Hospes Herusque ascendant. Qui in orientali parte ascendit, prius dextrum; qui in occidentali, prius sinistrum pedem attollat, ut nimirum hinc & hinc utriusque Hospitis pedes ad se invicem vergant honoris ergò.
- H. 8. Lib. *Lun yu* artic. 5. sic: Quàm bellè callebat amicitie leges primarius ille Regni Cy Præfectus *Yen chin chun*! quamvis diuturnâ consuetudine jam aliquem frequentasset, accuratam tamen reverentiam semper, ut prius, servabat.
- I. 9. Lib. *Lun yu* artic. 1. sic: Noli Amicum, inquit Confucius, eligere, qui non sit sicut tu; vel qui tibi non sit par; defectus tuos corrigere non erubescas.
- K. 10. Lib. *Su xu che kway* tom. 22. in Libr. 2. Memcii cap. 4. *Van cham hia*, sic Memcius: In his servandis amicitie legibus maximè claruit celeberrimus ille *Lü* primarius Præfectus *Mem. Hien*, vir domo illustris, & centum quadrigis potens. Hic familiariter utebatur consuetudi-

ne quinque virorum, quorum unus vocabatur *Lo chim kieu*, alter *Mo chum*; trium reliquorum nomina mihi memoriâ exciderunt. Hic *Mem bien* utens familiariter quinque istis viris, nihil aliud quàm mutuam amicitiam spectabat; hi etiam quinque viri nullo modo vel generis splendorem, quo *Mem bien* fulgebat, vel divitias, quibus affluebat, spectabant.

L. 11. Lib. *Siao hio* cap. 5. §. 2. sic Doctor *Cham*, ex pago *Hem Kue* oriundus: Nunc, inquit, homines tantum eos, qui sibi blandiuntur, in Amicos adificunt; & ad demonstrandam in consortio benevolentiam, manu supercilia expoliunt, aut vestis manicam arripiunt. Si vero vel unicum verbum ingratis exciderit, mox stomachabundi in mutuas iras assurgunt. Enimvero Amicorum consuetudo exigit, ut sibi invicem ignorent, se invicem numquam fastidiant. Idcirco illi qui in amicorum consortio reverentiam attentè servant, quotidie se invicem frequentando, felicem suæ amicitix effectum fortiuntur.

M. 12. Lib. *Su xu che kiy* tom. 22. in Libr. 2. Memcii cap. 4. *Van cham hia*, sic discipulus *Van cham* interrogat Magistrum suum Memcium: Ausim iterum ex Te, Magister, exquirere: quisnam animi sensus debet esse in eis, qui mutuam inter se amicitiam mutuis muneribus fovent? reverentix, inquit Memcius. Jam vero, subjungit *Van Cham*, dicunt eum, qui amica urbanitatis munera iterum iterumque rejicit, irreverentiâ peccare; ecquâ quæso, de causâ? sic illi Memcius: ecce honestus vir mihi munus offert; mox ego sic apud me differo: estne æquitate, an iniquitate istud munus acquisitum? si æquitate, possum accipere; si iniquitate, non possum. Dum igitur illud non accipio, censor datorum contemnere, adeoque irreverentiâ pecco. Ideirco lex amicitix exigit, ut munus Amici non rejiciam. Sed die, amabo, reponit *Van cham*; non apertis verbis, cur munus rejiciam, significo; sed mecum in corde, cur illud rejicere debeam, ita tacitus differo: istud munus haud dubiè à populo, iniquitatis viâ extortum est, adeoque mihi non licet accipere; ad illud tamen honesto modo rejiciendum, alias exterius fingi rationes; numquid hoc licitum est? sic illi Memcius: en quis Amicus in mutuo tuo consortio sive loquendo, sive operando om-

nem æquitatis normam , omneſque honeſtatis leges ſervat ; hujus profectò munus vel ipſe Confucius , abjectà omninò inquirendæ æquitatis ſollicitudine , haud dubiè acciperet.

N. 13. Lib. *ſu xu che kray* tom. 10. in libr. *Lun yu* artic. 16. ſic : Tria ſunt, inquit Confucius , Amicorum genera , &c. Ut ſuprà in contextu.

O. 14. Lib. *ſiao bio* cap. 2. §. 5. ſic Confucii diſcipulus *Cem Tſu* : Vir ſapiens ſua ſcientià amicitiam, amicitia ſuam pietatem promovet.

P. 15. Lib. *ſiao bio* cap. 5. §. 2. ſic Do&ctor *Chim* ex pago *T chuen* oriundus : Homines hiſce perverſis temporibus in frequentanda aliorum ſocietate , unos tantum jocas, facetias, voluptatem ; & in mutuo amore , unas tantum blanditias abſque ulla commonitione ſpectant. Sed ejuſmodi amicitia quonam ſanè pacto queat eſſe diuturna ? ut enim amicitia poſſit eſſe diuturna , intercedat reciproca reverentia neceſſe eſt.

Q. 16. Lib. *ſu xu che kiay* tom. 22. in Lib. 2. Mencii cap. 4. *Van cham hia*, &c. Vide hìc ſuprà num. 12. litteram M.

CAPUT IV.

De Proprietatibus humanarum Actiõnum.

Actiõnum humanarum proprietates ſunt duæ : Prima voluntarium vel involuntarium. Secunda bonitas vel malitia moralis. Omnis enim actiõ humana vel eſt voluntaria, vel involuntaria. Deinde vel eſt bona , vel mala moraliter. Itaque de hiſ duabus proprietatibus quid ſentiant aut differant Sinæ , videamus.

SECTIO I.

De Voluntario & involuntario.

Primò, quemadmodum juxta Ariſtotelem ſumitur quatuor modis voluntarium. Primò pro *libero*, quod eſt à voluntate eligente. Secundò pro *naturali*, quod eſt à principio intrinſeco ſecundum naturalem impulſum agente, ut lapis naturaliter deſcendit. Tertiò pro *ſpontaneo*, quod

quod est à principio intrinseco, aliquam saltem imperfectam cognitionem habente, ut bruta spontè quærunt pastum. Quartò pro *voluntario strictè*, quod est à principio intrinseco singula, in quibus est actio, cognoscente; ita Sinæ insinuant hunc quadruplicem voluntarii modum.

Primò, enim dicunt: Quando discipulus *Ten hoai* aliqua in re virtutis Medium agnoscebat, mox illud eligeat, & velut duabus manibus fortiter apprehendebat ad illud opere complendum (A). En voluntarium pro *libero* sumptum.

Secundò, aquà naturali gravitate deorsum descendit (B). En voluntarium pro *naturalis* sumptum.

Tertiò, aves nòrunt ædificare nidos, pullos alere, &c. & habent veluti quosdam scientiæ & pietatis sensus, sed modo tantum imperfecto, & longè ab hominibus diverso; non enim possunt ratiocinari (C). En voluntarium pro *spontaneo* sumptum.

Quartò, Imperator *Xun* auditas utriusque partis rationes ac momenta singillatim expendebat, omnia ad æquitatis Medium reducebat, ac postea illud opere complebat (D): En *voluntarium strictè* sumptum.

Secundò, *voluntarium strictè* sumptum, duplex est; aliud voluntarium *directè*, & in se; v.gr. cur aliquis in virtutis vià aut progrediatur, aut desistat, id ex seipso provenit; sicut luti bajulus ad exstruendum aggerem, si vel desistat vel pergat, id stat in ejus arbitrio (E). Aliud voluntarium *indirectè* & in causa; v.gr. cur in Regno multi moriantur fame, id ex Regis duritia publica horrea non aperientis oritur (F).

Tertiò, *involuntarium* est id, quod à nobis fit actu, vel virtute resistentibus; sùntque quatuor res, quæ illud vel causant, vel multum adjuvant;

Prima, est *vis* seu violentia; ut violenta vini & orizæ datio, quam plebs Reguli *Ko* extorquebat à bajulis Regis *Tam* Ministris (G).

Secunda, *ignorantia*; ut legis, quam plebs nescit, transgressio (H).

Tertia, *concupiscentia* ad prosequendum bonum; ut inveterata furandi consuetudo (I).

Quarta, *Metus* ad averfandum malum; ut collocatio filix in matrimonium, quam Regulus Regni *Cy* tradidit Regulo Regni *Ou*, metu ejus potentix, cui non poterat resistere (K).

Ex his paucis liquet quid de voluntario & involuntario Sinæ indicent.

cent. Nunc de altera aëtionis humanæ proprietate, bonitate ſcilicet & malitia morali.

Textus Librorum.

- A. 1. Lib. *su xu che k'ay* tom. 2. in Libr. *Chum yun* artic. 8. ſic Conſucius : Dum nuper in vita degebat noſter diſcipulus *Ten hoey*, heu! quàm diſſimilis erat illis cæcis & inconstantibus homunculis ! ad diſcernendum in quavis re immutabile virtutis Medium aſſiduè incumbabat ; ubi hoc diſcreverat, veramque ejus rationem aſſecutus fuerat, mox illud eligebat, & velut ambabus manibus fortiter apprehendebat ad opere complendum, intimèque pectori inferebat, veritus, nè unquam illud obliviſceretur aut amitteret.
- B. 2. Lib. *su xu che k'ay* tom. 23. in Lib. 2. Memcii cap. 5. *Kao tſu xam* ſic : Ingenita bonitas ad ſequendam virtutem ita eſt naturæ humanæ propria, uti gravitas eſt aquæ propria ad currendum deorſum. Nullus eſt enim homo qui ex ingenita ſuæ naturæ bonitate non ſpectet virtutem ſequi, uti nulla eſt aqua, quæ ex ingenita ſuæ naturæ gravitate non ſpectet deorſum currere.
- C. 3. Lib. *sim li ta ciuen g'uey yao* tom. 9. artic. *Gin re chi ſim*, ſic : Beſtiæ ſunt quidem homini ſimiles, ſed non poſſunt ratiocinari. Sic illarum natura facta eſt, ut ingenito & ultronco impetu agant ; non opus habent diſcere aut doceri, v. gr. ad ædificandos ſuos nidos, ad alendos ſuos pullos, &c.
- C. 4. Lib. *su xu che k'ay* tom. 23. in Libr. 2. Memcii cap. 5. *Kao tſu xam* ſic : Ergone, reponit Memcius, natura bovis, cui ineſt vita, non erit diverſa à natura hominis, cui etiam ineſt vita ? ſi vitam ſpectes, quæ homo cognoſcit, ſentit, ſe loco movet, vix quidem à brutis diſcrepat : ſed ſi rectam rationem, quâ pietatem, æquitatem, honeſtatem, intelligentiam ſeu prudentiam ſequitur, ſpectaveris ; tunc certè magnum diſcrimen in iſtis duobus reperies.
- C. 5. Lib. *sim li ta ciuen g'uey yao* tom. 9. artic. *Gin re chi ſim* ſic : Natura quatenus recipitur, alia recta, alia non recta, (nempe rationalis & irrationalis) ; hinc conſtituantur in ſuo eſſe homines & aliæ res, (nempe beſtiæ) ; ideoque harum natura diverſa eſt ab hominis natura per aliquid ſubtiliſſimum. Cum enim illarum natura ſit clauſa nec aperiri poſſit, ideo non clarè cognoſcunt ſicut homi-

mines; & cum sit non recta (seu irrationalis), nec possit reëdificari, idèò facultatibus non præstant sicut homines.

Paulò infrà sic: Cognoscere, sentire, loco se movere, id & bestix possunt; quin imò naturaliter habent quamdam pietatem, æquitatem, honestatem, intelligentiam; sed quonam pacto possint eas perficere? (id est, habent instinctus quosdam naturales similitudinariæ pietatis, intelligentiæ, &c. Non verò perfectam, seu veram pietatem, intelligentiam, &c. Ut suprà dixi.)

- D. 6. Lib. *su xu che k'ay* tom. 2. in Libr. *chum yun* artic. 6. sic de Imperatore *xan*: Cum verò in ipsis suis consiliis, & rectis verbis solèat sapè nonnihil peccari modò per defectum, modò per excessum; idèò audita utriusque partis momenta & rationes maturè apud se perpendebat, omniàque ad unum æquitatis medium reducebat; ac tunc illud opere complebat.
- E. 7. Lib. *su xu che k'ay* tom. 7. in Libr. *lan yu* artic. 9. sic: Cur sapientiæ Alumnus in arrepto perfectionis proposito progrediatur, vel desistat, id ex seipso pendet ac proficiscitur. V. gr. aliquis qui vult montem seu aggerem exstruere; postquam multum defudavit in eo exstruendo, ita ut tantum desit unus terræ cophinus ad complendum opus, en subito desistit; id certè ex ipso, & ex solo ejus arbitrio proficiscitur. Contrà, alius in æqua campi planitie vult similem aggerem aut monticulum attollere; quamvis vix bene unum dumtaxat terræ cophinum jam cœperit ingerere, si tamen animosè pergat, & opus continuet; id etiam ex ipso solo, & ex solo ejus arbitrio proficiscitur. Ita sapientiæ Alumnus, qui virtutis propositum vel deserit vel continuat, se habet.
- F. 8. Lib. *su xu che k'ay* tom. 13. in Libr. 1. Memcii cap. 1. *leam hoi van xam*, sic Memcius: Jam verò pace tuâ, Princeps, dixerim; tu perfectam boni regiminis rationem tenere non adeò niteris; nullà habitâ ratione parcimoniæ innumeros alis & canes & sues, qui populi alimenta comedunt; hinc non paucos in viis reperire est fame & miseriâ eneëtos; nec idèò tamen publica horrea ad eleemosynas aperis; sed contrà, dum aliquem sic obisse audis, statim dicis: non ego sum istius mali causa, sed animi sterilitas id fecit. Istud sanè quid aliud est, quàm si quis, postquam alium gladio percussit

cussum occidisset, diceret: non ego, sed gladius illum interfecit.
 His monitis commotus Princeps *Leam hoi
 vam*: Modicæ, inquit, virtutis vir vehementer exopto à te plenius
 instrui; conceptum, quæso, sermonem perface. Tum Memcius:
 Estne, inquit discrimen inter eum qui baculo, & alium qui gladio
 hominem occidit? non-est, reponit Princeps. Iterum Memcius:
 Estne discrimen inter eum qui gladio, & inter alium qui immiti
 regimine hominem occidit? non est iterum reponit Princeps.
 Tum Memcius: Tua, Princeps, culina lautis carnibus affluit, tuum
 equile pinguibus equis redundat; & ecce populus tuus macilenta
 facie languet, & inopiâ deficit; imò in campis & in desertis locis
 plures fame eneçti reperiuntur. Annòn illud est educere bestias
 ad mactandos & devorandos homines? quid ergo refert, utrùm cor-
 dis duritie, an gladio intereat populus?

- G. 9. Lib. *su xu che kay* tom. 18. in Libr. 1. Memcii cap. 6. *Tem ven kum
 hia*, sic Memcius: Vir pius caret Adversario: adeoque ad auspi-
 candum verum Imperatoris regimen, sitne paruum, an magnum
 ejus regnum vel Principatus, nihil interest. Id in Principe *Chim
 Tam* videre est. Princeps *Chim Tam* cum adhuc Regulum ageret
 in urbe *Po*, vicina ei erat Dynastia *Ko*. Hujus Dynasta omnis legis
 & pietatis expers, statas Majoribus defunctis Parentationes non fa-
 ciebat. Idcirco Princeps *Tam* misit qui ex eo percunctaretur, cur
 illas non faceret? non habeo, inquit ille, unde animalia ad eas fa-
 ciendas requisita mihi comparem. Quo audito Princeps *Tam* sta-
 tim misit illi oves & boves. Sed *Ko* Dynasta illos non ad parenta-
 tiones, sed ad suam mensam adhibuit. Rursus Regulus *Tam* mi-
 sit qui interrogaret, ecurr statas Majorum defunctorum parenta-
 tiones omitteret? non habeo, inquit, orizam & milium ad illas
 requisitum. Tunc Regulus *Tam* præcepit suæ urbis *Po* incolis, ut
 istius dynastiae *Ko* agros aratum irent, utque senes & pueri imbecil-
 les, qui arare non poterant, escam & potum aratoribus deferrent.
 At barbaris ille *Ko* Dynasta eduxit populum suum adversus eos, qui
 vinum, milium, orizam aratoribus advehebant, & ab iis allatum vi-
 ctum vi eripuit. Siquis postulatum victum tradere recusabat,
 protinus illum interfecit. Accidit, ut puerulum victus lato-
 rem

rem sic interficeret, & allatum victum eriperet.
 Propter hanc crudelem pueruli innocentis necem, Regulus *Tam*
 collecto milite illum aggressus est. Quod ubi pervenit ad aures om-
 nium populorum per totum imperium dispersorum, unanimi vo-
 ce cœperunt acclamare: Non movet bellum Princeps *Tam* ut ho-
 stis, nec ut imperii spoliis ditetur; sed ut privati mariti & uxoris
 injuriam, innocentis filii morte illatam ulciscatur. Et ab hoc exi-
 li principio suam gloriosam Monarchiam auspicatus est.

H. 10. Lib. *Su xu che k'ay* tom. 17. in Libr. 1. Memcii cap. 5. *Tem ven kum xam* sic: Antiqui Principes, inquit liber *Xu Kim*, populos suos, ceu filiolos, amabant ac fovebant Ad quem lo-
 cum sic respondet Memcius: Hic locus vult dicere, quod rudis plebs si fortè leges violet ac transgrediatur, non continuò id illi culpæ vertendum sit; uti infantulus huc illuc repans, si fortè in puteum cadat, hoc non illi culpæ vertitur. Quocircà pius Princeps debet plebem ceu infantem custodire ac conservare, nè imprudens in culpam aut errorem labatur.

I. 11. Lib. *Su xu che k'ay* tom. 18. in Libr. 1. Memcii cap. 6. *Tem ven kum bia* sic: Ego quidem, vehementer optarem, inquit primarius Præfectus *Tay*, antiquam tributi consuetudinem exigendi unam dumtaxat partem ex decem renovare, illaque fori ac limitum vectigalia tollere; sed jam illicò non possum. Te igitur rogo, si istud vitium hoc anno paulatim imminuam, deinde anno sequenti penitùs tollam: quid tibi videtur? Hac ego similitudine tibi respondeo, inquit Memcius: En vir, qui aliquot quotidie vicini sui gallinas in domum suam venientes furrupit. Alius illi dicit: Nónne vides id virum honestum ac probum dedecere? effice ut ab hoc vili furto abstineas. Cui ille: Ita reverà est. Sed non possum istud vitium jam diu inveteratum uno momento omninò tollere; liceat igitur paulatim imminuere. Singulis hujus anni mensibus unam tantum gallinam furrupiam; postea anno sequente penitùs à furto abstinebo. Nunc rogo, quid de ejusmodi homine sentis? si reverà suam iniquitatem agnoscit & odit, illicò cam corrigat ac penitùs tollat. Ecce in annum sequentem differre?

K. 12. Lib. *Su xu che k'ay* tom. 19. in Libr. 2. Memcii cap. 1. *Li leu xam* sic:

sic: Olim Regni Cy Regulus *Kim Kum* viribus & potestate debilior, elegit potius morem gerere & obtemperare minitanti Regulo Regni *On* potentiori, quàm illi, bellum indicere. Sic ergo suos Proceres affatus est: Siquis Princeps nec possit aliis dominari, nec velit illis parere, quid? nōne & se & suum Regnum in perniciem ultrò conjicit, seque ab hominum societate rescindit? his dictis, lacrymæ statim illi ex oculis eruperunt; comitisque egressus filiam Principi heredi istius Regni *On*, ut pacem impetraret, in matrimonium collocavit.

SECTIO II.

De Bonitate & Malitia morali.

Duplex est bonitas & malitia moralis: alia formalis, quam habet actus voluntatis ex se, prout hîc & nunc liberè exercetur; alia objectiva, quam habet idem actus ex objecto. Nunc utraque quid sit, & quomodo explicetur juxta Sinas, accipe.

Primò, Bonitas objectiva respectivè sumpta, est quædam objecti honestas, quæ naturaliter afficit cor nostrum, seu nostram naturam rationalem quâ talem; (sive est quædam objecti convenientia cum natura rationali quâ talitur aiunt Philosophi Europæi). Quemadmodum conveniens melodia auditum, conveniens color visum, conveniens sapor palatum naturaliter afficit ac rapit; ita rei honestas ac æquitas nostram naturam rationalem quâ talem, naturaliter afficit ac delectat illique convenit, & se ut appetendam proponit (A). Item bonitas objectiva respectiva, est recta agendi via in rebus relucens, quàm homo sequi debet (B).

Secundò, Bonitas formalis respectivè sumpta consistit *primò, mediatè & ultimè* in convenientia actûs humani cum natura rationali quâ tali, seu quatenus est operativa secundum rectam rationem. Quia natura rationalis quâ talis, habet quendam naturalem inchoatæ pietatis, æquitatis, honestatis, prudentiæ impulsû; actûs huic rationalis naturæ impulsui seu exigentiæ conformis, dicitur bonus moraliter (C). *Secundò, immediatè & proximè* consistit in convenientia actûs humani cum ipsomet rectæ rationis dictamine, proponente bonitatem ob-

objecti; (immediata siquidem humanarum actionum regula, est prædictum dictamen rationis); sive bene operari moraliter juxta Sinas est sequi ipsam rectam rationem, quam Cælum homini indidit; quod in idem redit. Quidquid ergo extra hanc humanarum actionum regulam homo molitur, quamvis fortè foret egregium aut belli aut doctrinæ opus, id tamen totum prævæ humani appetitûs cupiditati adscribendum est; & quantum terra à Cælo, id tantum à vera virtute, seu bonitate morali distat (D). Itaque si nihil agas, quod recta ratio dicat non agendum; si nihil concupiscas, quod recta ratio dicat non concupiscendum (loquendo nempe positivè, non inrè privativè), veram virtutis viam tenes, seu formalem actûs bonitatem exerces (E). Hæc recta hominis ratio, est veluti Cæli præceptum aut lex, cui homo tenetur obedire & se illi conformare, ut bene agat (F).

Hæc sat clarè indicant, quæ in re constituent Sinæ moralem humanarum actionum bonitatem.

De morali earum malitia idem intelligendum cum proportionem; consistente scilicet in eo, quod directè contrarium est bonitati morali.

Textus Librorum.

A. 1. Lib. *su xu che kîy* tom. 23. in Libr. 2. Memcii cap. 5. *Kao tsu xam* sic: Quandoquidem sit idem omnium hominum ori erga saporum suavitatem, auri erga vocum concentum, oculo erga colorum pulchritudinem naturalis appetitus gustûs, auditûs, visûs seu gustandi, audiendi, videndi; numquid etiam omnium cordi, quod est totius corporis seu hominis dominus, imò & primum ipsius gustûs, auditûs, visûs principium, erit idem naturalis appetitus? sed hic cordis appetitus naturalis qua in re consistit? Respondeo in rectâ ratione & æquitate. Olim illi Sapientes, virtute & scientiâ insignes viri, id unum dumtaxat habuerunt, quod nunc cor meum habet commune cum omnium hominum corde. Idcirco recta ratio, æquitas, rei honestas tam naturali appetitu rapit, afficit & recreat cor meum, quàm sapida pecudis caro, meum os & palatum.

B. 2. Lib. *Su xu che kiaj* tom. 5. in Libr. *Lun yn* artic. 6. ſic : In omnibus rebus, inquit Confucius, eſt quædam honeſtas ſeu recta via, quam homo ſequi debet; ſicut in omni domo eſt porta, per quam exire oportet. Quemadmodum igitur omnes exeunt per domus portam, ecurr non etiam omnes eunt per illam rectam agendi viam?

Ibidem ſic : *Recta via*, id eſt, recta in rebus humanis & quotidianis actionibus relucens ratio, juxta quam homo agere debet.

C. 3. Lib. *Su xu che kiaj* tom. 2. in Libr. *Chun yun* artic. 1. ſic : Nullus eſt homo, qui non habeat naturam (nempe rationalem); ſed unde hoc nomen *naturæ*? Cælum in hominis productione poſtquam adhibuit ſeu dedit aërem vel materiam ſenſibilem ad corporis compositionem, illi infundit rationem ad naturam perficiendam. Hæc ratio quatenus in Cælo exiſtit, dicitur virtus ſeu principium magnum, communicativum, directivum, perfectivum; quatenus in homine exiſtit, dicitur innatus pietatis, æquitatis, honeſtatis, intelligentiæ ſenſus. Hujus Rationis infuſio ac receptio eſt inſtar Cæli præcepti aut legis. Idèd dicitur: Natura, eſt cæli lex. Deinde nulla res eſt in mundo, quæ non habeat viam ſuam; ſed unde hoc nomen *via*? homo ceteræque res juxta innatam naturæ ſuæ propenſionem in omnibus ſuis actionibus habent viam quam teneant. V. gr. pietas, quæ Parentes & filii ſe invicem diligunt, æquitas quæ Rex & Miniſter ſui muneris partes adimplent, honeſtas quæ reverentia interior & exterior, comitas & urbanitas ſervatur, intelligentia qua veritas à falſitate, honeſtas à turpitudine diſcernitur, nihil ſunt aliud quàm actus noſtræ naturæ conformes, & juxta innatum illius ductum exerciti; idèd dicitur naturæ ductus, eſt recta agendi via.

C. 4. Lib. *Su xu che kiaj* tom. 2. 3. in Libr. 2. Memcii cap. 5. *Kao tſu xam* ſic Memcius : Quod attinet ad innatum naturæ humanæ affectum, certè bonus cenſendus eſt; idèd ego aſſero naturam humanam eſſe bonam..... Omni enim homini ineſt quidam innatus commiſerationis quæ miſeros proſequitur, venerundiæ quæ res turpes averſatur, reverentiæ quæ ſuperiores veneratur, ſcientiæ qua veritatem à falſitate, honeſtatem à turpitudine diſcernit, ſenſus. Hic commiſerationis ſenſus, pietas; vere-

cua-

cundia, æquitas; reverentia, honestas; scientia, intelligentia dicitur. Hæ quatuor inchoatæ virtutes, pietas, æquitas, honestas, intelligentia seu prudentia non foris aliunde conflatæ, hominis naturæ adveniunt; sed illi intimè conjunctæ sunt & ingenitæ. Verùm proh! dolor! plerique istam intrinsecam naturæ suæ rectitudinem nec recogitant nec curant; hinc dicitur: qui illam quærunt, obtinent, fiuntque sapientes, seu probi: qui illam negligunt, amittunt, fiuntque insipientes, seu improbi.

D. 5. Lib. 1. Memcii in Proœmio Interpretis *Chu Hi* sic: Naturæ humanæ rectitudini nihil potest quidquam addi aut excellentius aut utilius. Idem enim Imperatores *Tao* & *Xun* omnibus sequentibus sæculis facti sunt absolutum rectè vivendi ac regendi exemplar, quia naturæ suæ ductum exactè secuti sunt. Sequi autem naturæ suæ ductum, est sequi id quod ratio nobis à Cælo infusa dicat agendum, seu ponere actus rectæ rationis à Cælo infusæ dictamini conformes: Quidquid extra hanc humanarum actionum regulam, rectèque vivendi normam, mille artibus, mille numerorum ac periodorum inventionibus molitur homo, quamvis egregium forsàn aut scientiæ, aut belli opus foret; id tamen totum depravatæ humani appetitûs cupiditati adscribendum est; quantumque terra à Cælo, tantum hoc à vero virtutis & sapientiæ opere distat.

E. 6. Lib. *Su xu che kiaj* tom. 25. in Lib. 2. Memcii cap. 7. *Cin sin xam* sic Memcius: Ut autem hanc veræ virtutis viam teneas, quid sit opus, accipe: noli agere, quod recta ratio dicat non agendum; noli concupiscere, quod recta ratio dicat non esse concupiscendum. Hoc age, & viam virtutis, seu bonitatis moralis tenes.

F. 7. Vide hîc suprâ num. 3. litteram C.

CAPUT V.

De speciebus humanarum Actionum.

Species Actionum humanarum sunt hæ quatuor: Prima sunt actiones circa finem. Secunda actiones circa media. Tertia actiones appetitûs rationalis. Quarta actiones appetitûs sensitivi. De singulis pauca.

SECTIO

SECTIO I.

De Actionibus humanis circa finem & media.

Primò, *actiones seu actus voluntatis, qui verſantur circa finem*, à Philoſophis enumerantur tres: *Primus* eſt *ſimplex amor finis*, ſeu ſimplex affectus erga Bonum finis, conſideratum ſecundum ſe, & ſine reſpectu ad media. *Secundus* eſt *intentio*, ſeu efficax volitio finis cum reſpectu ad media ſaltem in conſuſo. *Tertius* eſt *fruitio*, ſeu vitalis quies in fine jam obtento ac poſſeſſo.

Sinæ quamvis non ita ſingillatim iſta explicent; æquivalenter tamen idem ſignificant. Dicunt enim *primò*, quòd finis quem vir ſapiens ſibi proponit, ſit ſe & alios renovare; en *ſimplex amor finis*. *Secundò*, dicunt quòd illum finem acquirat per internam cordis, & externam corporis compoſitionem tamquam media; en *intentio* ſeu efficax volitio finis. *Tertiò*, dicunt quod obtenta ſuæ & alienæ renovationis ſumma atque ultima perfectione, ſiſtat ac quieſcat; en *fruitio* ſeu vitalis quies in fine obtento ac poſſeſſo (A).

Rurſus ſic dicunt: Id quod vir ſapiens ſpectat, eſt recta agendi ratio; en *ſimplex amor finis*. Id quod firmiter arripit aut apprehendit, eſt colendæ virtutis propoſitum; en *efficax volitio finis*. Denique id cui aſſiduè ac pacificè inhæret, eſt omnimoda cordis rectitudo, abſque ulla proſuſa prava cupiditate; en *fruitio* & vitalis quies, ſeu actio; qua voluntas fertur circa finem præſentem, & in eo quieſcit (B).

Secundò, Actus voluntatis & aliorum potentiarum, qui verſantur circa media, ab iſſem Philoſophis enumerantur quatuor:

Primus, eſt *conſultatio*, ſeu actus intellectus à voluntate imperatus, inquirentis & examinantis media ad finem, qui intenditur, conducibilia.

Secundus, eſt *conſenſus*, ſeu actus voluntatis acceptantis media ab intellectu ſibi propoſita.

Tertius, *electio*, ſeu actus voluntatis ex pluribus mediis per conſultationem ſibi propoſitis, unum aut alterum eligentis.

Quartus, *uſus*. Et hic duplex eſt; alius activus, ſeu actus voluntatis applicantis potentiam executivam ad mediorum executionem; alius paſſivus, ſeu actus potentie executive ponentis media imperata ad finem aſſequendum. Sinæ

Sinæ hæc quatuor suo modo etiam utcumque docent, ac tradunt. *Primò*, enim dicunt: Sapientiæ Alumnus non debet confusè & sine ordine agere; unum primariò ceu arboris radicem, nempe sui renovationem, & alterum secundariò ceu arboris ramos, nempe proximi renovationem, ac postea hujus utriusque renovationis summam perfectionem, in qua sistat ac quiescat, spectare debet, diligentèrque inquirere media, quibus hanc consequi valeat. En *consultatio circa media* (C).

Secundò, postquam hoc novit, tunc habet objectum determinatum, & est immunis à vanis curis & angoribus. En *consensus* (C).

Tertiò, dum sic immunis est à vanis curis & angoribus, tunc cordis & corporis, seu internâ & externâ pace perfruitur, quâ perfruens res singulas accuratè expendit ac curat; sicut peritus medicus, dum morbi occurrunt, statim aptam unam ex multis arripit medicinam. En *electio mediorum* (C).

Quartò denique expendendo ac curando res singulas, summæ perfectionis, in qua sistit ac quiescit, finem consequitur. En *usus*, sive applicatio potentie executivæ, & ipsa executio (C).

Rursus sic dicunt: *Primò*, vir sapiens seu Philosophus antè omnia debet rerum naturas ac rationes, nimirum quænam veræ aut falsæ, quænam honestæ aut turpes sint, ritè investigare. En *consultatio* (D). Deinde debet voluntatem suam in vero Boni amore & in vero Mali odio firmiter stabilire seu firmare. En *consensus voluntatis* (D). Postea debet veram cordis rectitudinem procurare. En *electio mediorum*. Denique debet mores, ac totam vitam suam ritè componere. En *usus*. componendo autem mores, ac vitam suam, Familiæ concordia, Regni seu Principatûs bonum regimen, totius imperii pax, ac omnium populorum virtus obtinetur. En *finis consecutio* per media à voluntate imperata (D). Ac proinde vides Sinas cum Europæis penè in unum & idem in hac etiam materia coincidere, licèt parum aliis verbis, aliòque modo loquendi utantur.

Textus Librorum.

A. 1. Lib. *su xu che kiy* tom. 1. in Libr. *Ta Hio* sic: Doctrinæ cui Adulti & magni homines vacare debent, via ac ratio consistit in his tribus:

P

Primò

Primò in reparanda lucidæ seu rationalis suæ facultatis primigenia claritate; ut enim offuscatus metallici speculi splendor poliendo reparatur; ita primitiva lucidæ nostræ facultatis claritas vel ingenii hebetudine obducta, vel mundi cupiditatibus inter vivendum deturpata reparatur, si illæ mentis tenebræ, & mundi cupiditates diligenti studio ac labore depellantur. Ista *facultas lucida*, est humani cordis vacui seu incorporei, intelligentis seu spiritualis, non obscurati, omnes rationes complectentis, & omnibus negotiis respondentis seu occurrentis propria essentia vel substantia. Secundò in renovandis populis seu proximo. Postquam aliquis primitivam lucidæ suæ facultatis claritatem reparavit, debet deinde tum exemplo, tum documentis eniti, ut omnes alii primitivam suæ lucidæ facultatis claritatem etiam restaurent, errorum tenebras à se expellant, inveteratas vitiorum consuetudines excutiant, ac renouentur; uti vestis luto sœdata, dum benè lavatur, renovari dicitur. Tertiò in sistendo in summa bonitate ac perfectione, instar viatoris, qui domum suam appulsus, tandem sistit ac quiescit. Vir enim sapiens sive suæ reparandæ, sive alienæ renovandæ lucidæ facultatis primitivæ claritati animum ac vires applicet, non debet nisi in obtento ultimæ ac summæ bonitatis vel perfectionis apice sistere.

Et paulò infrà ibidem sic: Olim sapientes Principes volendo suum Regnum seu Principatum rectè componere, priùs suam Familiam ac domum ritè componebant. Volendo autem suam Familiam ac domum ritè componere, priùs suam vitam ac mores probè componebant; volendo suam vitam ac mores probè componere, priùs sui cordis rectitudinem procurabant.

Denique paulò post, sive in artic. 3. sic: Passerculorum ad sistendum ac quiescendum locus, est sylva montosa; hominis ad sistendum ac quiescendum scopus seu finis, est summa bonitas ac summa perfectio.

- B. 2. Lib. *Su xu che kia* tom. 6. in Libr. *Lun yu* artic. 7. sic Confucius: Quod ante omnia spectat Sapiens, est figere suum scopum. Homini via, est recta & naturalis in rebus humanis agendi ratio. Nisi in hac figatur scopus, aberratur. Idcirco oportet hanc rectam agendi rationem pro regula totius vitæ ac morum nostrorum assumere.

mere, totumque animum ac voluntatem applicare ad eam sequendam, tunc noster scopus ac finis est rectus, seu volitio nostri finis est recta. Deinde dum hæc rectè agendi ratio in praxim reducitur, & in animo continetur, tunc dicitur virtus. Sed nisi hæc bene servetur, facile amittitur. Idcirco oportet illam firmiter velut ambabus manibus apprehendere, de die in diem augere, constantèrque conservare. Postea si hæc ex omni parte perficiatur, ita ut acquiratur omnimoda cordis ab omni prava cupiditate liberi relictio, tunc vocatur pietas; sed nisi semper illi inhæreatur, facile à pravis cupiditatibus labefactatur; idè oportet illi semper inhærere, in illa sistere ac quiescere, nè à pravis affectionibus perturbetur ac coinquinetur. Atque ita habetur tota interioris hominis perfectio. Denique quamvis Ritus externi, Musica, alique liberales artes non sint primarium hujus perfectionis objectum, oportet tamen etiam illarum exercitationi vacare.

- C. 3. Lib. *Su xu che klay* tom. 1. in Lib. *Ta Hio* sub initium sic: Hoc habet ferè omnis res, ut unum primariò, alterum secundariò spectet, similis arbori, quæ radicem & ramos habet. Deinde omne opus ex principio & fine constituitur. Sic hoc sapientiæ seu Adulorum hominum studium primariò spectat sui ipsius reparationem, secundariò populi renovationem. Tanti operis principium est cognitio ejus, in quo sistendum est; finis, adeptio ejus, in quo sistitur. Illa cognitio & sui ipsius restauratio est quid prius; hæc adeptio, & populi renovatio est quid posterius. Qui autem hanc prioritatem ac posterioritatem ritè novit, animùmque ac vires ad eam servandam diligenter applicat; hic vix aut nè vix quidem à verâ sapientiæ ac virtutis viâ abest.
- C. Ibidem paulò superius sic: Qui novit qua in re sibi sistendum sit, habet determinatum objectum; qui autem habet determinatum objectum, hic potest esse à vanis cordis commotionibus & angoribus immunis; & qui est immunis à vanis cordis commotionibus & angoribus, is potest interna & externa pace frui; sed qui interna ac externâ pace fruitur, is potest accuratè res singulas considerare, expendere, curare. Denique qui accuratè res singulas expendit ac curat, hic potest consequi id in quo sistendum ac quiescendum est.

- C. 4. Lib. *Su xu mmi yn* tom. 1. in Libr. *Ta Hio* ſic : qui novit, qua in re ſibi ſiſtendum ſit, is habet objectum determinatum, &c. (ut in num. præcedenti) ſicut medicus qui in curandis quibuſvis morbis eſt peritus & exercitatus, antequam accedat ad ægrum, varios medendi modos apud ſe perpendit ac quærit ; cùmque hos bene novit diſcernere ac eligere, non timet, dum ad ægrum accedit, in dando pharmaco errare.
- D. 5. Lib. *Su xu che kiy* tom. 1. in Libr. *Ta Hio* ſub initium ſic : Modus aſſequendi perfectam Boni & Mali notitiam conſiſtit in perſcrutandis ac cognoscendis rerum naturis & rationibus. Probè enim cognitis rerum naturis & rationibus, nimirum quænam veræ aut falſæ, quænam honeſtæ aut turpes ſint, tunc mens ultimum intelligendi apicem attingit. Quando autem mens ultimum intelligendi apicem attingit, tunc voluntas poteſt in vero Boni amore, & in vero Mali odio firmari. Quando voluntas in vero Boni amore, & in vero Mali odio eſt firmata ac bene ſtabilita, tunc poteſt vera cordis rectitudo obtineri. Ubi verò quis veram cordis rectitudinem obtinet, tunc mores ſuos ac vitam poteſt ritè componere. Et ubi quis mores ſuos ac vitam ritè componit, tunc poteſt totam ſuam domum ac Familiam pulchro diſciplinæ ordine, concordia, pace regere. Ubi quis totam ſuam domum ac Familiam pulchro diſciplinæ ordine, concordia, pace regit, tunc poteſt totum ſuum Regnum ſeu Principatum rectè gubernare. Denique ubi quis Princeps ſeu Regulus totum ſuum Regnum aut Principatum rectè gubernat, tunc poteſt ſuo exemplo totum ipſum imperium commovere, ad virtutem excitare, componere, pacare, & id, quod unicuique convenit, aſſerre. Hinc vides præcipuum tótius iſtius concatenati operis momentum conſiſtere in ſuis moribus ac vita ritè componendis ; ſiquidem & naturæ perſcrutatio, & mentis cognitio, & voluntatis affectio, & cordis rectitudo, & domûs diſciplina, & Regni bonum regimen, & imperii tranquillitas, hæc omnia illuc referuntur. Idcirco, ait Confucius, ab ipſo Imperatore ad infimum uſque ex plebecula Alumnum ſapientiæ, nullo excepto, debent omnes id unum tamquam cunctorum ſuorum laborum baſim ac principium ſpectare, ut mores ſuos ac vitam ritè componant. Et

cer-

certè qui incompósitos mores gerendo, vitàmque perversàm ducendo vellet pulchro disciplinæ ordine ac concordia domum suam regere, Principatum suum bono regimne administrare, totum imperium tranquillitate donare, idem ageret, ac qui vellet, ut emortuâ & siccata arboris radice, ejus rami ac folia virescerent. Hoc sanè fieri nequit.

SECTION II.

De Actionibus Appetitûs Rationalis, & sensitivi.

Primò, *Natura & proprietates Appetitûs Rationalis & sensitivi juxta Sinas sic:* Et si cordis nostri natura incorporea, spiritalis, & cognoscitiva sit tantum unica; duplex tamen cor, seu appetitus habetur; alterum cor hominis, alterum cor viæ; sive alterum cor humanæ cupiditatis, alterum cor rectæ rationis: illud ex cupiditate sensuum pullulat, hoc ex infusæ rationis rectitudine emanat: illud periculosum damnosisque rerum sensibilibus illecebris obnoxium, hoc subtile, excellens, sensu imperceptibile. Quemadmodum nemo est, qui materialibus corporis sensibus careat, ita nemo est, licet intelligentissimus, qui sine illo humanæ cupiditatis corde possit esse. Contrà, quemadmodum nemo est, qui spiritalis naturæ substantiâ careat, ita & nemo est, licet stupidissimus, qui sine hoc rectæ rationis corde possit esse; id est, nullus est homo qui non habeat appetitum rationalem & sensitivum (A).

Deinde nullus est homo, qui, quantum est ex naturæ suæ bonitate, seu ex appetitu rationali secundum se, non spectet virtutem sequi; uti nulla aqua, quæ quantum est ex naturæ suæ gravitate, non spectet deorsum currere (B). Quamvis omnes homines à natura habeant, ut os erga saporum suavitatem, oculus erga colorum pulchritudinem, auris erga aurium melodiam, naris erga odorem fragrantiam, pes, manus ceteraque membra erga quietem & delectationem naturali impulsu ferantur, ac proinde hic sensuum appetitus possit dici aliquo modo hominis natura; quia tamen hæc cælesti legi sæpius adversatur & ruit in illicita ac turpia, ideo non potest propriè dici illius natura, seu recta ratio quæ pietatem, æquitatem, honestatem, prudentiam ex se semper spectat, hæcque est vera hominis natura

(C). Itaque dum nostrum cor seu animus in res sensibiles erumpit, id dicitur humanæ cupiditatis cor, id est, appetitus sensitivus; dum in res æquitati & honestati consentaneas tendit, id dicitur rectæ rationis cor, id est appetitus rationalis. Quia autem humanæ cupiditatis cor facile pravitatem, difficile honestatem amat, ideò dicitur periculosum; & quia rectæ rationis cor facile tenebris, difficile claritate fruitur, ideò dicitur subtile, seu imperceptibile (D).

Secundò, Actionis & officium Appetitus rationalis, & sensitivi. Humanæ cupiditatis cor, sensibilibus visus, auditus, gustus, olfactus, tactus objectis reficitur; rectæ autem rationis cor pietate, æquitate, honestate, prudentia delectatur (E). Vir sapiens debet huic utrique cordi diligenter invigilare, nec sinere ut humanæ cupiditatis cor turpibus rerum sensibilibus illecebris irretiatur; sed efficere debet, ut uni æquitatis & honestatis rectitudini adhæreat, curarèque ut rectæ rationis cor semper dominum agat; humanæ cupiditatis, famulum; illud dominetur, hoc subjiciatur; illud imperet, hoc obediat; nec ullus morus aut quies, verbum aut factum sive per defectum, sive per excessum à recta umquam via declinet, sed æquitatis semper medium teneat (F).

In homine alia pars nobilior, alia ignobilior; alia pretiosior, alia vilior. Æquitas exigit, ut pretiosior pluris fiat quàm vilior, & nobilior majori honore colatur quàm ignobilior; non igitur licet propter viliolem & ignobiliorem damnum asserre pretiosiori & nobiliori. Hinc si quis viliolem & ignobiliorem sui partem studiosius curet, quàm pretiosiolem & nobiliolem, is ignobilissimus & vilissimus evadet homunculus; contra, si quis nobiliolem & pretiosiolem sui partem studiosius curet quàm ignobiliorem & viliolem, hic nobilissimus ac præstantissimus Heros fiet (G).

Textus Librorum.

A. 1. Lib. *Chum Tum* in Proæmio Interpres *Chu Hi* sic: Forsan aliquis quæret, ob quam causam hic liber *Chum Tum*, id est, *immutabile Medium*, sit compositus? Respondeo cum Doctor *Isu su* doleret rectæ rationis doctrinam jam non ampliùs ad Posteròs transfundi, ideò illum composuit. Rectæ enim rationis doctrina ab illis antiquis viris sapientibus, virtute, doctrina, spiritualique vivendi norma illustribus, qui Cæli legi parentes, Cælique vicem gerentes verbo &

bo & exemplo summæ perfectionis regulam tradiderunt Posteris successivè transmissam, emanavit ; idque patet ex libro *Xu Kim*, id est, *Annalium Imperialium* : Dum enim Imperator *Tao* instituit Principem *Xun* suæ dignitatis ac imperii heredem, verborum formula, quâ usus est ad commendandum illi totum imperium, hæc una fuit : verè firmiterque apprehende aureum virtutis ac rectæ rationis Medium. Deinde Imperator *Xun* dum instituit Principem *Tu* suæ etiam dignitatis ac imperii heredem, verborum formula, quâ usus est ad commendandum illi totum imperium, hæc rursus una fuit : humanæ indolis cor, quo sensibilia appetuntur, unicè periculosum est ; rectæ rationis cor, quo honesta amantur, unicè subtile. Propterea sis attentissimus & solers in unâ honestate & æquitate sequenda ; aureum virtutis ac rectæ rationis Medium verè firmiterque apprehende. Atque ita quod Imperator *Tao* uno verbo aut unâ sententiâ plenè perfectèque expresserat, rursus Imperator *Xun* tribus aliis sententiis illud idem ampliavit, ut clariùs explicaret id, quod uno verbo Imperator *Tao* complexus fuerat. Hæc igitur Medii viâ oportet vitam instituere, tunc vix poterit à scopo aberrari. Prisci illi Sapientes, uti possumus colligere, etsi humani cordis vacuum, seu incorpoream, intelligentem, spirituales, cognoscitivam, sensitivam naturam in omnibus unicam tantum esse crederent ; duplex tamen diversum cor distinguebant, alterum *hominis*, seu humanæ indolis, alterum *viæ* seu rectæ rationis cor vocabant, quia illud ex cupiditate sensuum pullulat, hoc ex infusæ rationis rectitudine emanat ; unde fit, ut non omnes idem cognoscant ac sentiant. Quapropter illud periculosum est & inquietum, damnosisque rerum sensibilibus illecebris obnoxium ; hoc autem est subtile, delicatissimum, & perceptu difficillimum. Porro qui illis materialibus corporis sensibus careat, neminem certè reperiatis ; ideòque qui sine illo humanæ indolis corde possit esse, celsissimâ licèt intelligentiâ sublimem, etiam repèrias neminem. Pari modo, qui hac spirituali infusæ cælitis rationis naturâ careat, prorsus neminem reperiatis ; ideòque & qui sine hoc rectæ rationis corde possit esse, profundissimâ licèt ignorantia stupidissimum, etiam repèries neminem. Jam verò dum quis geminum hoc cor, in carneo suo

ſuo corde vix digitum lato , prorſus confundit ac permifcet , nec novit aut callet id, quo utrumque appoſitè dirigat ac regat, tunc periculofum cor , magis periculofum ; ſubtile cor , magis tenue magisque imperceptibile evadit , donec tandem cæli rationis æquitas non habeat ampliùs, quo domet ac vincat humanæ appetentiæ iniquitatem. Vir attentus ac ſolers , hoc utrumque cor diligentiffimè diſcurit , perpendit nec confundit ; & qui unam æquitatem honeſtatemque ſectatur, hic debitam ſui cordis reſtitutionem vigilantiffimè cuſtodit, nè ab ea quandoque deſleſcat. Unde in rebus agendis ſine ulla vel minima intermiſſione efficit , ut rectæ rationis cor ſemper omnium ſenſuum totiùsque corporis Dominum agat , & humanæ indolis cor , ejus imperiis ubique obtemperet ; tunc periculofum cor acquirit tranquillitatem & ſecuritatem ; ſubtile cor prodeuntem foras decorem, ſpectabilesque ſuæ formæ radios emittit ; ac demum nullus motus aut quies, nullum verbum aut factum ſive per defectum , ſive per exceſſum ullam culpæ notam incurrit.

B. 2. Lib. *Su xu che kiy* tom. 23. in Libr. 2. Memcii cap. 5. *Kao ſſu xam* ſic : Nullus eſt homo, qui, &c. Ut ſuprà in contextu.

C. 3. Lib. *Su xu che kiy* tom. 26. in Libr. 2. Memcii cap. 8. *Cin ſin bia* ſic Memcius : Sapientes longè aliter de natura humana ac cæleſti providentia ſentiunt , quàm iſti vulgares ac rudes homines. Hi naturam humanam in ſenſitivo appetitu, quem unum ſibi ſequendum proponunt , & cæleſtem providentiam in quadam volventis aëris ſeu temporis periodo , vel gyrantis aëris revolutione ac numero , quo deſides ad omne opus bonum torpent , ſitam eſſe volunt. Sed non ſic Sapientes. Quamvis ergo omnes homines hoc à natura comparatum habeant, ut os erga ſaporum ſuavitatem, oculus erga colorum pulchritudinem , auris erga vocum melodiam , naris erga odorum fragrantiam, pes, manus, ceteraque membra erga quietem & delectationes naturali quodam impetu & appetitu ferantur , adeoque hic appetitus poſſit dici quædam humana partis ſenſitivæ natura ; quia tamen rerum Effector juxta ſuum arbitrium huic dat vel non dat, vel quantum lubet, dat, nec id ex ingenii viribus provenit ; ideò vir ſapiens, cum in natura humana cæleſtis lex ſeu providentia reſideat , illum appetitum ſenſitivum, qui ſæpius

pius hominem in illicita contra cælestem legem trahit, non vocat humanam naturam, nè fortè facinorosi homines prætextu naturæ, effrænate in scelera ruant. Deinde quamvis amoris pietas inter patrem & filium, officii æquitas inter regem & vassallum, reverentiæ honestas inter hospitem & hospitem, intelligentiæ disparitas inter sapientem & rudem, recta cæli via in homine perfectio sit quædam cælestis lex aut providentia; quia tamen natura humana in cælesti lege aut providentia residens agit quod suum est, ideò vir sapiens illam non vocat cælestem legem aut providentiam, nè fortè facinorosi homines prætextu cælestis legis & providentiæ aut omnem sui ipsorum curam abjiciant, aut in errores deducantur.

- C. 4. Lib. *Su xu mum yu* tom. 26. in Libr. 2. Mencii cap. 8. *Cin sin hia* sic: Hæc, inquit Doct̃or *Chim*, propensio oris erga sapores, oculi erga colores, auris erga melodiam, naris erga odores, pedis, manûs, ceterorûmque membrorum erga commoditates & delectationes, sunt sensitivi appetitûs natura. Et Doct̃or *Chu Hsi*: Id quod natura, ait, concupiscit, oritur ex illa natura, quæ in victûs & corporis voluptates fertur. Unde Doct̃or *Chu Hi*, per istam naturam etiam intelligit naturalem vitalis auræ (seu sensuum) indolem ac temperamentum. Et paulò infrà sic: Quod attinet ad veram vitalis auræ indolis ac temperamenti explicationem, certè in illis natura, quæ est ratio, continetur; ideò non dicitur vitalis auræ indoles ac temperamentum esse natura.

- D. 5. Lib. *Xu Kim* tom. 1. cap. *Tu yu mu* Interpres *Tsay Xin* sic: Cor seu animus est hominis intelligentia & advertentia, prout in medio illius dominatur ac præsidet, omnibûsque advenientibus negotiis aut rebus occurrit & respondet. Dum in res sensibiles erumpit, vocatur hominis cor, seu humanæ cupiditatis cor; dum in res æquitati & honestati consentaneas tendit, vocatur viæ cor, seu rectæ rationis cor, nempe rationalis appetitus. Quia autem hominis cor faciliè pravitatem, difficilè honestatem amat, ideò dicitur periculosum; & quia viæ seu rectæ rationis cor faciliè tenebris, difficilè claritate fruitur, ideò dicitur subtile, seu imperceptibile. Dum quis illi diligenter invigilat nec illi permittit, ut pravis rerum materialium cupiditatibus immisceatur, ac implicetur, sed ef-

ficit, ut unam puram bonitatem probitatémque spectet ac servet; ut uni perfectæ æquitatis & honestatis rectitudini adhæreat; útque viæ seu rectæ rationis cor, semper dominum; & hominis seu humanæ cupiditatis cor semper famulum agat; illud dominetur & imperet, hoc subjiciatur & pareat: tunc periculosum acquirit tranquillitatem, subtile manifestationem; nec ullus motus aut quies, verbum aut factum, sive per defectum, sive per excessum peccat; sed omnia immutabile virtutis Medium verè attingunt.

E. 6. Lib. *Su xu mum yn* tom. 3. in Libr. *Chum Yum* Proœmium sic: Ubi habetur hic homo, mox membra, aures, oculi, nares, os, pedes, manus, reliquæque partes habentur. Idcirco aurium, oculorum, narium, oris, pedum, manuum, reliquarúmque partium naturalis appetitus vocatur hominis cor. Viæ autem, seu rectæ rationis cor, quia significat aut indicat pietatis, æquitatis, honestatis, intelligentiæ naturam, idèò unam Cæli rationem spectat, nec rebus sensibilibus implicatur, ipsúmque Doctor *Cham* vocat Cæli ac terræ naturam, idèòque dicitur viæ cor.

F. 7. Vide hîc suprà num. 1. litteram A. sub finem & num. 5. litteram D. etiam sub finem.

G. 8. Lib. *Su xu che kia* tom. 2 3. in Libr. 2. Memcii cap. 5. *Kao tsu xam* sic Memcius: Homo in seipso binam continet partem, aliam nobiliorem & majorem, aliam ignobiliorem & minorem. Nobilior ac major est cor & mens; ignobilior ac minor, est os & venter. Æquitas autem exigit, ut majori pretio major quàm minor æstimeretur, & nobiliori honore nobilior quàm ignobilior colatur. Non ergo licet propter ignobilitatem & minorem partem, nobiliori & majori nocere; atque in hoc prævus aut rectus seipsum fovendi alendique modus consistit. Siquis enim ignobiliorem & minorem sui partem studiosius quàm nobiliorem & majorem aluerit, ignobilissimus & minimus evadet homunculus; contra, siquis nobiliorem & majorem sui partem studiosius quàm ignobiliorem & minorem aluerit, nobilissimus & maximus Heros fiet. Et verò siquis hortulanus majores istas *Ngu & Kia* arbores, hominum usibus utilissimas, curare negligeret, totúmque suum laborem ac curam in alendis quibusdam vilissimis fruticibus poneret, annon rudissimus vilissimufq; hortulanus jure merito censere-

feretur ? aut si vir omne suum studium in fovendo suo digito, nè quid fortè mali incurrat, impenderet ; & interea gravissimà sevigente in dorso plagâ, non adverteret totos sibi humeros penè eripi ; annon hic lupus currens, quî tantùm ea, quæ ante oculos, non quæ retrò sunt, respicit, verè diceretur ?

SECTIO III.

De Passionibus.

Passiones sunt præcipua pars appetitus sensitivi ; idcirco de iis hîc breviter etiam agemus.

Primò, Natura & proprietates passionum juxta Sinas sic : Passio est cordis seu appetitus sensitivi commotio ab objecto sensibili excitata. Sicut aqua vel ab obvio lapide, vel à soli inæqualitate, vel à venti resistantia excitatur ; ita noster animus à rebus sensibilibus commovetur (A) ; adeoque ista commotio fit cum aliqua corporis transmutatione non naturali, quod ad passionem requiritur.

Causa passionis productiva est cor ; objectum est res sensibilis. Sicut aqua ex se est æqualis & quæta instar speculi, quamdiu à nulla re movetur ; ita nostrum cor ante passionis commotionem (B).

Passiones in omnibus hominibus sive malis, sive bonis reperiuntur ; sed boni non sinunt illas intra se tumultuari, mali sinunt (C). Adeoque illæ ex se sunt quid indifferens ad bonum vel malum morale ; solummodò ex bono vel malo earum usu fiunt bonæ vel malæ. Hinc malæ sunt, quando noster animus ab illis abreptus, in actus contra rationem & æquitatem erumpit (D). Bonæ sunt, quando noster animus ab illis motus, servata ratione & æquitate, justæ moderationis terminos non excedit ; idque vocatur perfecta passionis cum ratione concordia ; quæ concordia est communis omnibus rectè agentibus via (E).

Secundò, Divisio Passionum. Sinæ non undecim ut Europæi, sed septem tantùm passiones enumerant, scilicet gaudium, tristitiam, iram, timorem, amorem, odium, desiderium (F). Quandoque eas reducunt ad quatuor, scilicet ad gaudium, iram, tristitiam, desiderium ; quia amor sub gaudio, odium sub ira, timor sub tristitia continetur ; imò sunt aliqui qui eas ad duas tantùm reducunt, reliquas sub iis comprehen-

hendendo ; nimirum vel ad gaudium & iram (G) ; vel ad desiderium & odium (H).

Tertiò, Effectus Passionum. Quod attinet ad passionum effectus , hi sunt : Si noster animus , ubi & quando res exigit , passionibus moderatè utatur , ac post usum mox illas deponat ; tunc ab illis non inficitur , instar clarissimi speculi , quod ab objectis & receptis rerum imaginibus non maculatur . Si autem illis vel intempestive , vel immoderatè utatur , easque intra se tumultuari sinat ; tunc sicut clarissimum speculum ab inhærente pulvere , ac luto offuscatur ; ita noster animus ob inhærentes passionum tumultus suum nitorem ac rectitudinem amittit (I).

Ante omnem passionum motum habetur in omnibus hominibus rectæ rationis à Cælo infusæ bonitas , quæ est quidam rectus pietatis , & æquitatis sensus . Ubi crescente ætate incipit passionum motus exurgere , si hæc juxta rectam rationem regantur , illa naturalis bonitas virtutibus perficitur ; si non regantur , vitiis deformatur ; atque hinc habetur hominis vel probitas , vel improbitas (K).

Quartò, Remedia Passionum. Ad regendas suas passiones , debet homo diligenter invigilare primis illis & subtilibus animi motibus , qui nobis ipsis tantum noti sunt , aliis autem incogniti ; nè ipsum à recta agendi via intus abripiant (L). Deinde debet animum suum colligere , dissipatum cor non habere , suam mentem pascere rerum veritatibus (M). Præterea efficere , ut interior cordis honestas vincat pravam sensuum cupiditatem , sicut aqua ignem ; non tamen ridiculè agere instar hominis , qui visò grandi incendio , mox parvulum aque cyathum in ignem projiceret ; igne non extincto , statim desisteret , dicens : aqua non potest ignem extinguere ; sed constanti virtute & labore opus est , & assidue excolenda , pascenda , corroboranda nobilior animi pars (N).

Denique homini in adolescentia , quia tunc vitales spiritus sunt instabiles , cavendum est à libidinibus ; in juventute , quia tunc vitalis spiritus sunt fortes , cavendum est à rixis ; in senectute quia tunc vitales spiritus sunt debiles , cavendum est ab habendi ardore (O).

Atque hæc de Ethica Monastica Sinenfi ; nunc de Oeconomica.

Textus

Textus Librorum.

A. 1. Lib. *Sim li ta cimen gwe yao* tom. 10. artic. *Sin sim cim* sic Doctor *Chim* : Natura sensitiva dicitur cor ; hujus naturæ motus dicitur passio, seu affectio.

Petes : Ira & gaudium oriuntur à natura, annon? Respondeo Affirmativè. Quum enim producitur cognitio, habetur natura; habitâ naturâ habetur affectio. Quomodo igitur posset esse affectio sine natura?

Petes : Ira & gaudium procedunt à natura, sicut fluctus ab aqua?

B. Respondeo Affirmativè. Natura aquæ ex se est æqualis, tranquilla, plana, ut facies chrystalli. Dum autem offendit in arenas, saxa, soli inæqualitatem; tunc incipit commoveri, agitari, tumescere; & si ventus superveniat, in undas etiam & fluctus affurgit; sed hoc non est ipsa natura aquæ. Sic in hominis natura habentur tantum hi quatuor connaturales & ingeniati pietatis, æquitatis, honestatis, intelligentiæ sensus, non verò illæ innumerabiles commotiones à rebus occurrentibus excitatæ. Quemadmodum tamen si non sit aqua, non possunt haberi fluctus; ita sine natura non habentur commotiones seu passionēs.

Ibidem infra sic: Habito hoc corpore, habetur cor. Recta ratio, quam cor à Cælo recipit, dicitur natura; & illa commotio quam natura à rebus sensibilibus excitata producit, dicitur affectio,

C. seu passio. Hæc tria in omnibus hominibus reperiuntur, sive sint sapientes & excellentes, sive sint insipientes, rudes & vulgares; neino enim est qui illis careat. Sed viri sapientiæ & virtute inclyti cum habeant cor rectum & ingenium clarum, naturam suam perficiunt, ita ut passionēs in illis non possint tumultuari.

D. 2. Lib. *Su xu che kiy* tom. 1. in Libr. *Ta Hio* artic. 7. sic: Quod suprà ait Confucius: *Ubi quis veram cordis sui rectitudinem obtinet, tunc potest mores suos ac vitam ritè componere*, his verbis indicat, quòd quando cor nostrum contra rationem vel irâ, vel metu, vel gaudio, vel tristitiâ abripitur, tunc non possit veram suam obtinere rectitudinem. Cor enim nostrum quamvis his quatuor passionibus carere non possit, earum tamen usus suas habet leges. Si igitur ubi & quando

res exigit, iis utatur, statimque post usum illas deponat, tunc ab iis non inficitur; uti clarissimum speculum ab objectis rerum imaginibus non maculatur. Si autem illis vel intempestivè, vel immoderatè utatur, easque intra se tumultuari sinat: tunc uti clarissimum speculum ab inhærente pulvere, & luto offuscatur; ita cor nostrum ob inhærentes passionum tumultus suum nitorem ac rectitudinem amittit. Cor itaque ut sit rectum, debet esse prorsus vacuum ab omni passione, pacem ejus perturbante & judicium offuscante.

- E. 3. Lib. *Su xu che k'ay* tom. 2. in Libr. *Chum Tum* artic. 1. sic: Quid autem sint hæ animi commotiones ac passiones, quæ earum natura, quis effectus, quomodo regendæ sint, accipe. Amor & odium, tristitia & gaudium, ceteræque passiones antequam in actum prodeant, nihil sunt aliud quàm ipsa natura in statu tranquillitatis posita, quæ nec ad dextram, nec ad lævam declinat; ideo tunc vocantur ipsum rectæ rationis Medium. Dum autem in actum erumpunt, naturamque à statu tranquillitatis ad statum commotionis transferunt; si æquitate servatà, justæ moderationis terminos nil prorsus excedant; tunc vocantur perfecta affectionis cum recta ratione concordia. Illud Medium, utpote ipsamet natura rationalis, est omnibus hominibus recte agendi communis radix ac primum principium; hæc concordia, utpote practicus naturæ rationalis ductus, est omnibus hominibus recte agendi communis via.
- F. 4. Lib. *Li Ki* seu Rituum tom. 4. cap. 9. *Li jun* sic: Quænam sunt hominis passiones? Sunt hæ: gaudium, ira, tristitia, timor, amor, odium, desiderium. Hæ septem passiones absque sapientiæ studio & honestatis Ritibus non possunt regi.
- G. 5. Lib. *Su xu mun yu* tom. 3. in Libr. *Chum yun* artic. 1. sic: Ecce hic enumerantur tantum quatuor passiones, cum tamen sint septem? Respondeo: Amor sub gaudio, timor sub tristitia, odium sub ira comprehenditur. Quoad concupiscentiam verò, ea in illis continetur, & in omnibus reperitur. Præterea brevius adhuc aliqui illas reducunt ad duas tantum; hoc est, ad gaudium & iram.
- H. 6. Lib. Rituum tom. 4. cap. 9. *Li jun* Interpres *Chin hao* sic: Quamvis in hominis corde sint septem passiones: generatim tamen sub duabus tantum comprehenduntur; id est, sub desiderio & odio.

L. 7.

I. 7. Vide hic suprà num. 2. litteram D.

K. 8. Lib. *Su xu che kiy* tom. 17. in Libr. 1. Memcii cap. 5. *Tem ven kum* sic: Regni seu Principatûs *Tem* Regulus *Ven Kum* quum adhuc vivente patre, solummodo esset futurus Regni heres; profecturus in Regnum *Tsou*, (id est, in Provinciam *Hu Quam*) ad renovandam cum illo Regulo amicitiam, iniiit suum iter per Regnum *Sam*, ut Memcium, qui tunc temporis illic morabatur, inviseret & docentem audiret. Memcius conspicatus Principem audiendæ & addiscendæ sapientiæ adedò avidum, cœpit illi à primis principiis viam ineundæ virtutis ac perfectionis explanare. Itaque primitivam naturæ humanæ bonitatem à Cælo infusæ, quæ in omnibus hominibus reperitur priusquam crescente ætate vel vitiis deturpetur, vel virtutibus exornetur, singillatim illi exposuit. Hæc bonitas ante omnem passionum motum, in unoquoque à natura habetur, & est quidam innatus ac rectus pietatis & æquitatis sensus. Ubi autem crescente ætate passionum motus incipiunt exurgere, si hæc juxta rectam rationem temperentur ac regantur, ista bonitas perficitur; sin minus: vitia- tur; atque hinc hominis vel probitas, vel improbitas oritur.

L. 9. Lib. *Su xu che kiy* tom. 2. in Libr. *Chum Tum* artic. 1. sic: Deinde primi illi & subtiles motus, qui in secretissimo cordis penetrati sive erga Bonum sive erga Malum feruntur, etsi aliis nondum sint cogniti, ei tamen homini, cui insunt, valde spectabiles apparent; unde de illis dicitur: nihil tam spectabile quàm id, quod est occultum; nihil tam visibile quàm id, quod est subtile. Quia autem ex his subtilissimis & absconditis motibus tota aut honestatis, aut turpitudinis diversitas profluit; ideo vir sapiens isti internæ cordis sui solitudini, quam ipse solus cognoscit, studiosissimè invigilat; veritus, nè procul à rectâ agendi via ipsum abripiant succrescentes paulatim istæ occultæ cupiditatis commotiones.

M. 10. Lib. *Sim li ta ciuen gney yao* tom. 10. artic. *Sim sin cim*, sic: Sapientia Alumnus debet diligenter colligere & servare suum cor, ut naturam suam rationalem alat, & suas passiones moderetur.

M. 11. Lib. *Su xu che kiy* tom. 1. in Libr. *Ta Hio* artic. 7. sic: Deinde ubi cor illos passionum tumultus intra se admittit nec coercet, tunc ab illis foras abripitur; Dùmque cor est foras abreptum & absens,

sens , tunc omnes corporis sensus non possunt suo munere bene fungi , vel funguntur quasi non fungerentur ; oculus intuetur & non videt , auris audit & non intelligit , os comedit & non discernit saporis ; quia nimirum cor , horum sensuum actionumque Dominus ac Rector , abest.

N. 12. Lib. *Su xu che kuy* tom. 23. in Libr. 2. Memcii cap. 5. *Kao tsu xam* sic Memcius : Quin imò illi veræ virtutis simulatores , suis etiam vitiis & iniquitatibus fuites causas prætexunt. Communis lex est , ut interior cordis honestas vincat pravam sensuum cupiditatem , perinde ac ignem aqua. Jam verò isti fucatæ honestatis amatores non aliter se gerunt ac is , qui ingentem lignis onustum conspiciat currum igne deflagrare , mox ad extinguendum istud incendium , parvulum aquæ cyathum arriperet , atque in ignem coniceret ; igne non extincto , confestim diceret : aqua non potest ignem vincere. Itaque illi postquam vix quidpiam honestatis ad domandas suas pravas passionis adhibuerunt , statim illis non domitis dicunt : interior honestas non potest pravam sensuum cupiditatem vincere. Unde quotidie in majora scelera præcipientes ruunt , donec tandem omnem interioris honestatis sensum penitus amittant.

O. 13. Lib. *Lun yu* artic. 16. sic : Tria sunt , quæ debet cavere Sapiens : in adolescentia , quia spiritus non sunt adhuc stabiles , debet cavere luxuriam ; in juventute , quia spiritus sunt debiles , debet cavere rixas ; in senectute , quia spiritus sunt debiles , debet cavere avaritiam , seu habendi libidinem.



PARS SECUNDA.

Ethica Oeconomica.

Ethica Oeconomica est , quæ tradit leges regendæ Familiæ seu domûs ; domûs partes juxta Aristotelem sunt homo & possessio. Inter domûs homines datur quadruplex societas : paterna , conjug-

jugalis, fraterna, herilis. Et Familix seu domus possessiones dividuntur in immobiles, & mobiles.

Finis Oeconomica est Familix directio, & educatio. Itaque agemus primò de Familix hominibus. Secundò, de Familix possessionibus.

CAPUT I.

De Familix Hominibus.

SECTIO I.

De Paterna Societate.

SOcietas Paterna est quidam ordo inter Parentes & liberos. Itaque *Primò, Regula Parentum erga liberos juxta Sinus sic*: Totius disciplinx domesticæ fundamentum ac radix, est Paterfamilias bonis moribus instructus (A).

Prima Regula: Mater prægnans sit modesta, sobria, nihil nisi honestum loquatur & audiat, ut suo infanti consulat (B).

Secunda: Si infanti danda sit nutrix ac Magistra, eligatur mulier modesta, quieta, pia, obsequens, affabilis, facilis, gravis, reverens, diligens, cauta, taciturna (C).

Tertia: Teneri puelli celerius, puellæ lentius respondere, dextræque manu, non levâ uti doceantur. Puelli & puellæ septennes non unâ sedeant, nec unâ comedant; incipiant addiscere libellum filialis observantiæ, & librum Sententiarum. Octennes urbanitatem doceantur quâ primum locum senioribus in ingressu, congressu, sessione, mensa deferre debeant. Puer decennis Scholam frequentet; discat scribendi & numerandi artem; librorum notitiam hauriat; urbanitatem & veritatem edoceatur, ac deinde Musicam. Viginti Annos natus solemnî ritu primum pileum accipiat; triginta, matrimonium ineat. Puella verò decennis domo non egrediatur, doceatur suaviter loqui; modestum vultum præferre, mandatis obtemperare, necesse, texere, suere, &c. Quindecim Annos nata solemnî ritu, capitis ornatum accipiat; viginti, nubat (D).

R

Quar-

Quarta: Parentes suos liberos sepiùs moneant , ut hæc vitia fugiant: Majores suos probro afficere , domûs bona dilapidare , famæ & sanitati suæ nocere , voluptates quærere , sobrietatem odisse , solis facietis delectari , auditis aliorum virtutibus invidere , audita aliorum vitia evulgare , priscorum Sapientum dicta ac mores fastidire , viros doctos fugere , in rebus agendis torpescere , vestium luxum amare , &c.

Quinta: Pater filium non erudiat per se, sed Magistro erudiendum tradat; quia inter erudiendum si filius non obsequatur , posset exoriri mutua Patris & filii exacerbatio , quæ noceret & Patris amoris erga filium, & filii honori erga Patrem. Hinc Sapientes suum filium cum alterius filio permutabant, ut cum non per se instruerent atque educarent (F).

Sexta: Parens debet amare filium , non prout cæcus affectus impellit, sed prout recta ratio exigit. Quia sicut Agricola segetis suæ ubertatem ob nimiam aviditatem non cognoscit , ita Parens nec filii sui malitiam, nec naves ob nimium amorem (G).

Septima: Si liberi aut nurus aliquam irreverentiam aut inobedientiam committant, non debent Parentes statim stomachabundi in iras erumpere illisque succensere; sed illos patienter instruant. Si instrueti, non se emendent, eos puniant (H).

Secundò, Regule liberorum erga Parentes.

Prima: Liberi summo mane surgant; decenter induti adeant Parentes; rogent quid velint, quid expetant, quid imperent. Aquam ad lavandas manus offerant, cubiculi suppellectilem componant, cibos eis deferant. Nurus erga focerum & socrum idem præstent.

Liberi Parentibus vocantibus reverenter respondeant, coram illis, accedendo & recedendo modestiam & attentionem servant; nec ausint ructare, oscitare, corpus extendere, uni pedi insistere, alicui rei inniti, limis oculis intueri, spueri, naribus stillare, sese scalpere, &c. Parentes vestes mundandas ac reficiendas curent. Hieme eos rogent, num aliquid contra frigus, & æstate, num aliquid contra calorem expetant? Nurus erga socrum & focerum idem præstent (I).

Secunda: Filius domo egrediens, Parentes præmoneat, & dicat quò

va-

vadit. Rediens coram illis se sistat. In serviendo Parentibus faciem alacrem & affabilem praeferat, nec sit morosus (K).

Tertia: Liberi & nurus nec proprium peculium, nec propria animalia, nec propria vasa habeant; nec quidquam suo nomine aut petere commodatum, aut alteri dare audeant. Siquod munus accipiat nurus, illud socru deferat (L).

Quarta: Liberi & nurus si fortè à Parentibus, socero aut socru multum amentur, non ideò præsumant esse minùs prompti ad eorum jussa. Dum aliquà re ab iis donantur, ostendant eam sibi gratam accidere. Si cibo aut potu donentur, eum, quamvis insipidum, gustent; si veste, eam, quamvis injucundam, induant. Opus è manibus, cibus ex ore dimittendus, dum Parentes vocant (M).

Quinta: Filius amet quos amat, colat quos colit Parens; in omnibus voluntatem Parentum exquirat; uti etiam nurus, soceri ac socrus (N).

Sexta: Filius annoret Parentum jussa, secum gerat, examinet, prope exequatur; post executionem, statim eos faciat certiores (O).

Septima: Filius ad ducendam uxorem, debet Patrem & matrem præmonere, & ab eis facultatem petere (P).

Octava: Filius Parentes peccantes ore blando, & vultu sereno suaviter commoneat. Si monentem respuant, honorem & reverentiam, ut prius eis exhibeat. Dum viderit eos alacriores, rursus commoneat; præstat enim peccantes, quamvis nonnihil irascantur, amanter commoneere, quàm ipsos totum vicum, urbem, Patriam suo peccato offendere. Si autem ob ista monita exasperati filio succenseant, imò eum vel ad ipsam usque sanguinis effusionem cadant, non tamen audeat filius eis succensere; sed debitam reverentiam & obedientiam more solito eis præstet (Q).

Nona: Si Parentes ægrotent, filius corporis ornatum negligat, sit in gressu modestior, humilior in verbis, in victu magis sobrius, passionibus frænet, moerorem demonstret, pharmacum illis dandum prægustet (R).

Decima: Filius Parentum cultor, si sit in suprema dignitate, non debet superbire, nè superbiendo se cum illa in exitium trahat. Si sit in inferiori dignitate, non debet tumultuari, nè tumultuando Regni

pœnas incurrat. Si sit in plebe, non debet altercari, nè arma in se concitet (S).

Præterea in Confucii libello de filiali observantia, quintuplex ejus genus ac munus describitur, scilicet Imperatoris, Reguli, primarii Præfecti, Doctoris seu viri litterarum laureâ donati, & viri plebei. Nul-
lus enim ab hac filiali observantia sive Rex, sive plebeius eximitur; imò totius Regni & imperii bonum regimen ab illa dependet (T).

Undecima: Denique filii, dum Parentes vivunt, debent illis juxta Ritus honestatis inservire; dum obierunt, juxta Ritus honestatis exequias celebrare; postquam sepulti sunt, juxta Ritus honestatis statis anni temporibus parentationes illis facere (V).

Inter exequias recensetur triennalis luctus ob triennium quo filius matris lac fuxit, & gremio gestatus fuit. Triennalis luctus consistit in albo rudioris cannabis vestitu, in pariori victu, &c. (X).

Duodecima: Filialis observantiæ vitia, hæc sunt præsertim quinque: primum, socordi otio; secundum, ludis & comotationibus; tertium, immodico uxoris ac liberorum amoris sine fræno indulgere, neglectâ alendorum Parentum curâ. Quartum, obscenæ voluptatis coeno sese immergere, in vedâ Parentibus ignominia notâ. Quintum, amare audaculam bullientis sanguinis fortitudinem, rixas, altercationes; ac postea pœnas, ipsamque mortem incurrere, periculo & damno in Parentes resiliendo (Z).

Alia sunt innumera circa hanc filialis observantiæ materiam; sed ea brevitatæ causâ omitto.

Textus Librorum.

- A. 1. Lib. *Su xu che k'ia* tom. 1. in Libr. *Ta Hio* art. 8. sic: Quod suprà ait Confucius: *Ubi quæ mores suos ac vitam ritè componit, tunc potest totam suam domum pace, concordia, pulchro disciplina ordine temperare*, his verbis indicat, quod totius disciplinæ ac pacis domesticæ fundamentum, sit ipse Paterfamilias, qui se erga alios debet gerere, non prout cæcus affectus eum impellit, sed prout recta ratio & æquitas exigat. Sed heu! plerique nunc in iis quos aut amant, aut oderunt, aut verentur, aut reverentur, aut miserrantur, aut aspernantur, non

non rectam rationem, sed unum cordis affectum exerce sequuntur; non enim quid deceat aut dedeceat, nec quid laudabile vel vituperabile sit, attendunt. Idcirco paucissimos reperies, qui ejus quem amant, defectus aut vitia noverint; & ejus quem oderunt, perfectiones aut virtutes cognoscant. Hanc ob causam dicitur antiquo proverbio: vir nec filii sui malitiam, nec segetis suæ abundantiam cognoscit; quia erga segetem avaritiâ, erga filium amore excæcatur. Unde patet eum qui mores & vitam suam, juxta rectæ rationis regulam æquitatisque normam non componit, non posse domum suam pace, concordia, & pulchro disciplinæ ordine temperare.

- A. 2. Lib. *Sin li ta chuen*, seu magnus Commentarius de natura & ratione tom. 19. artic. *Kiu kia tsa y*, sic Doctor *Su ma ven kum*: Quicumque est Paterfamilias, ante omnia debet summâ cum diligentia honestatis Ritus, ac Regni leges servare, ut possit omnes suos liberos, fratres natu minores, ac domesticos bene regere. Debet sua unicuique officia ritè distribuere.
- B. 3. Lib. *Siao Hio* cap. 1. sic: Olim, inquit liber *Lie niu chuen*, mulier prægnans, dormiendo lateri incumbere, sedendo corpus inflectere, stando uni pedi insistere, cibum male sanum aut malè sectum comedere, in storea malè composita sedere, prava seu turpia objecta respicere, prava seu turpia verba audire non audebat. Vesperis jubebat cœcum, id est, Musicæ Magistrum decantare duas primas odas libri Carminum, & res honestas narrari; atque ita infans nascebatur tum specie, tum ingenio præstans.
- C. 4. Lib. *Siao Hio* cap. 1. sic: Mater, inquit liber Rituum cap. *Nay ce*, quæ in nutricem sui infantis vel aliquam ex secundariis mulieribus, vel quamlibet aliam adsciscit, debet curare ut illa nutrix sit modesta, quieta, pia, obsequens, affabilis, facilis, gravis, reverens, diligens, cauta, taciturna. Ubi aliquam his dotibus instructam repererit, potest jubere eam sui infantis nutricem ac Magistram.
- D. Puellus quando jam potest per se cibum sumere, instruatur uti dextrâ manû; quando jam potest loqui instruatur celeriter respondere dicendo *Uey*, id est, *etiam* vel *ita*. Puella lentè respondere dicendo *Iu*, id est, *etiam* vel *ita*. Puellus pelliceum, puella sericum

cingulum gestet. Puelli & puellæ sexennes, numerorum communium, & orbis, plagarum nomina doceantur. Septennes nec simul sedent, nec simul comedant. Octennes doceantur demissionem & urbanitatem, quâ debent in ingressu domus aut cubiculi, sedendo, comedendo, bibendo primum senioribus locum deferre. Novennes doceantur numerare mensium & anni, seu Calendarii dies. Puer decennis, externam Scholam frequentet; diu nocturne foris degat; scribendi & numerandi artem discat; vestem nec interiorem, nec exteriori gossipio fartam induat, utpote nimis calidam. Quidquid aggreditur, id semper dirigat urbanitas & honestas. Mane & vespere debitam juniorum erga seniores reverentiam addiscat; librorum notitiam à Magistro hauriat; in verbis veritatem sedetur. Tredecim annos natus studeat Musicæ; librum *Xi Kim* seu Carminum memoriæ mandet cantitando; & in addiscenda tripudiandi arte concinat odam, dictam *Chô*, in laudem Imperatoris *Tu Tam* olim compositam. Quindecim annos natus rursus in tripudii exercitatione concinat aliam versuum odam, dictam *Siam*, in laudem Principis *Pen Tam* olim etiam compositam; ac simul discat jaculandi, & aurigandi artem. 20. annos natus primum pileum solempni ritu impositum accipiat, discatque Rituum leges. Tunc pellitas ac sericas vestes potest induere. Tripudiando canat Imperatoris *Tu* Musicam, dictam *Tu Hia*. Accuratè servet filialem erga Parentes observantiam, & debitam erga seniores reverentiam. Ad noscendas multas res suum studium extendat; nondum in aliorum Magistrum se offerat; suam virtutem non prodat. 30. annos natus uxorem ducat; domum regere ac res viri proprias incipiat tractare; cuius litterarum studio amplè & indiscriminatim vacet. In amicorum societate demissionem servet; quid illi ament, quidve specent, diligenter inspiciat. 40. annos natus ad Magistratum gradus subeat; sui muneris res diligenter perpendat, & maturè deliberet. Quando opus aut negotium est æquum, fortiter illud exequatur, ac Regi pareat; quando iniquum; si id impedire nequit dissuadendo, officio se abdicet, & à Rege recedat. Non nisi quinquagenarius creetur primarius Regni Praefectus, altioraque negotia administret. Septuagenarius se suo Magistratu abdicet.

Jam

Jam verò quod ad puellam attinet ; decennis domo non egrediatur ; à Magistra dulciter loqui , blandum vultum præferre , mandatis obtemperare , cannabem nere , sericos glomos adaptare , cannabinas ac sericas telas texere , suere , denique omnia mulieris officia ad vestes conficiendas spectantia addiscat. In Parentali Majorum defunctorum Aula , quando illis fit Parentalis Cereemonia , ejus officium est vinum poculo infundere , lancibus condimentum indere , leguminum & carniū fercula super mensas apponere , ut vel sic suo obsequio & cultu Parentales Ritus adjuvet.

Puella 15. annos nata solemnii ritu primam acum , se primum Capitis ornatum accipiat. 20. annos nata nubat , nisi forte tunc Patris vel Matris defunctæ triennalis luctus ac funus occurrat ; in hoc enim casu , post expletum triennalem Parentum luctum , 23. annos nata nubet.

- E. 5. Lib. *Siao Hio* cap. 5. §. 1. sic : Primarius Præfectus *Lien Pie* in suo domesticæ instructionis libro hæc monita dabat suis liberis : Dum quis propriæ famæ ac salutis non consulit , is Majores suos probro afficit , & domum dilapidat ; vitia autem quæ inde sequuntur , sunt hæc quinque præcipuè ; menti vestræ ea profundè insigite. Primum est anhelare voluptates , abhorрere sobrietatem , uni suæ commoditati vacare , cohortationes ad aliorum commiserationem rejicere. Secundum , ignorare virorum litteratorum honestum agendi modum , non delectari priscorum Sapientum doctrinâ , visis præceptorum Heroum documentis aut exemplis in se non confundi , loquendo de rebus jam peragendis torpescere ac ridere , peritos viros , quia ipse est imperitus , averfari. Tertium , majores se fastidire , blandientes sibi diligere , solis facetiis , & vanis colloquiis delectari , rectam priscorum virorum vitam à mente amovere , auditis aliorum virtutibus invidere , audita aliorum vitia evulgare , pravis rebus & actionibus sensim assuescere , omnem æquitatem pervertere , vanum vestitus ornatum foris ostentare ; sed in hoc quodnam à famulis , quos alit , discrimen ? Quartum , æstimare & amare comœdias , computationibus gaudere , computationi morem extollere , diligentiam in officio vilipendere ; iisque ita assuescere , ut postea non possit respicere. Quintum , honorificam dignitatem arden-

ardenter ambire , & ad illam adipiſcendam ſeſe apud eos , qui auctoritate pollent , quaſi captivum detinere ; ſed cum ſit omnibus odio , quamvis fortè dimidium aliquem Magiſtrum adeptus fuerit , quomodo tamen poſſit illum conſervare ? Dum mecum conſidero illuſtres ac nobiles Familias , proſectò video eas omnes ab Avis filiali obſervantiâ , diligentia , temperantiâ inclytis ſemper fuiſſe conditas , & à Nepotibus perverſitate , negligentia , prodigalitate , ſuperbiâ degeneribus ſemper fuiſſe everſas ; tam difficile fuiſſe eas condi quàm Cælum aſcendere ; & tam facile eas everti quàm plumam comburere . Itaque hæc verba mea compuncto corde excipite , & veſtris oſſibus inſculpите .

- F. 6. Lib. *Su xu che kyay* tom. 19. in Lib. 2. Memcii cap. 1. *Li leu xam* ſic : Diſcipulus *Kum ſun cheu* interrogavit Magiſtrum ſuum Memcium hiſce verbis : Vir ſapiens cum filium ſuum tantoperè diligit , occur illum ipſemet non erudit , ſed pædagogo erudiendum tradit ? quamvis expediret , inquit Memcius , ut Pater filium ipſemet erudiret ; quia tamen res eſt factu difficilis , ideò eum alteri erudiendum committit . Si enim Pater filium ipſemet erudiat , oportet ſanè ut illum rectam honeſtatis ac virtutis viam edoceat ; ſed ſi filius hanc non ſequatur , ſi præceptis non obtemperet , ſi documenta ſaſtidiat , certè Pater illi ſtomachabitur . Jam verò hiſce documentis Pater ſpectat filii amorem , ſed ſtomachabundo filii amori nocet ; ſiquidem filius ob Patris iram exaſperatus , culpam in Patrem rejiciet . Mi Pater , inquiet , adeò rigide me rectam virtutis viam doces ; & tamen ea quæ agis , non videntur adhuc illi omninò cohærere . Atque ita Pater & filius ſe invicem arguent , ſe invicem exacerbabunt , ſibi invicem nocebunt . Hujusmodi mutua Patris & filii exacerbatio , prorſus adverſatur utriuſque conditioni . Ideò priſci ſapientes ſuum filium cum alterius filio permutabant , ut eum non per ſe , ſed per alium inſtruerent atque educarent ; quia non decet mutua correctionem , & reciproca virtutis monita inter Patrem & filium intervenire : hinc namque emanat exacerbatio , alienatio , diſcordia ; nullum autem pejus malum eſt , nullum periculofius omen , quàm domi exorta diſcordia & alienatio .

G. 7. Vide hîc ſuprà num. 1. litteram A.

H. 8.

- H. 8. Lib. *Sim li ta cimen* tom. 19. artic. *Kiu kia tsa* 7, sic Doct̃or *Su ma ven kem* : Si filii vel nurus debitam aut reverentiam aut obedientiam non præstiterint, non debent subitò Parentes irà exscandescere, & illos abominari ; sed mansuetè eos instruant. Si instructiōnem non audiant, tunc illis iracundiam demonstrent. Si iracundia non profit, tunc illis verbera infligant. Si post multa & repetita verbera nolint se corrigere, tunc ejusmodi filios dimittant, & nurus ejiciant, non tamen eorum delicta propalando.
- I. 9. Lib. *Siao Hio* cap. 2. §. 1. sic : Liberi, inquit liber Rituum cap. *Nuy Ce*, Parentibus inservientes, ad primum galli cantum surgant, manus & os lavent, capillos pectant, &c. Pari modo nurus, quæ debent socero & socroi tamquam Patri ac Matri inservire, etiam statim ad primum galli cantum surgant, manus & os lavent, capillos pectant, collectos acu stringant, &c. Sic decenter vestiti eant ad Patrem & Matrem, vel ad socerum & socrum ; vocèque submissa & ore blando rogent, num contra frigus aut calorem aliquid vestitum necesse habeant, &c. Egredientes aut ingredientiētes reverenter sustentent. Natu minores deferant pelvim, majores infundant aquam rogando ut manus lavent ; afferant linteum ad eastergendas. Deinde petant quid comedere velint, & illud reverenter afferant, blandoque vultu, eorum vota impleant. Postquam Pater & Mater, socer & socrus comederunt, tum demum ipsi se recipiant ad comedendum. Pari etiam modo pueri nondum primo pileo donati, puellæ nondum primo capitis ornatu donatæ ad primum galli cantum surgant, &c. Summo mane adeant Parentes, &c. Quando Pater aut Mater, socer aut socrus vocant, statim reverenter respondeant. Accedendo & recedendo exactam modestiam & attentionem servant ; in ascensu graduum Aulæ & cubiculi ad illos accedendo, submissum ; in descensu & egressu ab illis recedendo, alacrem vultum præferant, nec coram illis audeant ruclare, spirare, oscitare, tussire, corpus aut extendere aut colligere, uni pedi insistere, alicui rei inniti, limis oculis intueri, spucare, naribus stillare. Quamvis frigeant, non ausint vestes superinduere ; quamvis impetigine irritentur, non ausint se scalpere. Brachia, nisi quando jaculandum est, numquam denudent. Vestem, nisi quan-

quando rivus trajiciendus, nunquam attollant. Interior amiëtus, nè fortè ſit ſordidus, nunquam appareat. Parentum ſputum aut narium ſtilla ſtatim ſcopis tergatur. Si eorum veſtes fuerint ſordidæ, petant ut eas lavent; ſi diſſutæ aut laceræ, petant ut eas reſciant.

- K. Ibidem ſic: Cujusvis filii erga Parentes officium; hoc eſt: hie-
me eos rogare, num aliquid contra frigus; æſtate, num aliquid
contra calorem expetant; vespere lectum ſternendum curer, ma-
nè de ſalute inquiret; dum domo egreditur, eos præmoneat; dum
redit, coram illis ſe ſiſtat. Quocumque eat, habeat locum deter-
minatùm; quamcumque artem addiſcat, videat ut ſit honeſta.
Paſſim loquendo, non ſe jam ſenem dicat.
- L. Ibidem ſic: Filius obſequioſus, qui multùm Parentes diligit, af-
fabilem ſemper oris ſpeciem præfert, alacritatem in vultu prodi-
tatque ita totam corporis formam ad obſequium propenſam de-
monſtrat. Deinde filius obſequioſus obſequium Parentibus præ-
ſtat non aliter, ac ſi aut lapidem pretioſum, aut vas plenum præ ma-
nibus teneret; atque præ reverentia & hoc ſuſtinere quaſi non vale-
ret, & illum amittere quaſi timeret. Quod attinet ad gravem & au-
ſteram vultûs ſpeciem, non eſt ea, quæ Parentibus inſerviendum
eſt.
- L. Ibidem ſic: Quamdiu Pater & Mater vivit, filius nec de ſuo cor-
pore diſponere, nec proprias divitias poſſidere audent; & hoc fit
ad oſtendendum populis, inferiorum & ſuperiorum diſcrimen.
Deinde quamdiu Pater & Mater vivit, munera quæ vel amicis, vel
ſuperioribus dat, non debent eſſe magni pretii v. gr. currus, equus,
&c. Et hoc ad oſtendendam aliis ſuam ſubjectionem.
- L. Ibidem ſic: Liberi ac nurus nec proprium peculium, nec pro-
pria animalia, nec propria vaſa habeant; nec quidquam ſuo nomi-
ne aut petere commodatum, aut alteri dare audeant. Si fortè con-
ſanguinei vel cibos, vel veſtes, vel pannum, vel ſtrophium, vel
mantile, vel flores nurui donent; illa quidem recipiat, ſed mox ad
ſocrum deferat, &c.
- M. Ibidem paulò ſuperiùs ſic: Si fortè Pater aut Mater filium; ſocer
aut ſocrus nurum obſequioſam ament, non idè tamen hi ad eo-
rum mandata aut minùs prompti, aut minùs impigri eſſe debent.

Si Pater aut Mater, focer aut focrus cibo seu potu illos donent, quamvis sit illis fastidiosus, eum gustent tamen, donec abstinere jubeantur; pari modo si vestem illis dent, quamvis non placeat, eam tamen induant donec deponere jubeantur. Si alius jubeatur facere opus, quod ipsis commissum fuerat, quamvis non id cupiant, annuant tamen, & doceant illum, quomodo sit faciendum, &c.

M. Ibidem sic: Ad patris vocem promptissimè respondendum est; si manus quidpiam operis tractet, mox relinquat; si os comedat, mox desinat, & pes festinet. Parentibus jam senibus, si filius peregrè abeat, locum quem priùs indicavit, non mutet; nec præfixo tempore tardius redeat. Parentibus ægris moerorem in vultu prodat; atque hæc sunt quædam tantùm levia filii obsequentis officia.

Ibidem sic: Filii est, inquit discipulus *Tsem Tsu*, in alendis Parentibus delectare eorum animos, votis obsecundare, voce blandà aure & vultu benigno oculos eorum recreare, cubiculum ac lectulum componere, in potu & cibo subministrando omnes sui muneris partes explorare, omnes quos illi amant, amare, omnes quos illi colunt, colere. Quin imò canes & equos, quos illi amant, amare addecet; quantò igitur magis homines, quos illi amant, filius amare debet.

Et paulò infrà: Omnes nurus in omni re sive magna, sive parva, focer aut focrus voluntatem semper exquirant.

O. 10. Lib. *Sim li ta cimen* tom. 19. artic. *Kiu kia tsa* y sic Doctor *Su ma ven kum*: dum filius à Patre aut Matre accipit mandatum, illud in charta annotet, secum gerat, sapiùs examinet, properè exequatur. opere completo, faciat eos certiores.

P. 11. Lib. *Su xu che kia* tom. 21. in Libr. 2. Memcii cap. 3. *Van cham xam* sic discipulus *Van cham* interrogat Memcium: Quonam modo, inquit liber Carminum, debet filius ducere uxorem? Respondet: Patrem & Matrem debet præmonere, & ab eis facultatem obtinere. Jam verò nullus alius meo judicio videtur adeò debuisse hoc præceptum servare, quàm Princeps *Xun*, qui tamen non præmonitis Parentibus matrimonium iniit. Quid? sic illi Memcius: Hic libri locus commune & consuetum filii munus exponit, non casum

particularem, in quo implicatus Princeps *Xun* habebat Patrem ac Matrem æquitati, rectæque rationi adversantes.

Q. 12. Lib. *Siao Hio* cap. 2. §. 1. sic: Si Pater aut Mater, inquit liber Rituum cap. *Ny ce*, peccent, filius ore blando, vultu sereno, verbis mollibus eos commonere debet; si monita respuant, honorem & reverentiam, ut prius, eis præstet. Cum viderit eos alacriores, rursus commoneat; satius est enim peccantes, licet irascantur, impigrè admonere, quàm ipsos suo peccato totum vicum, urbem, & patriam offendere. Si verò ob tua monita exasperati tibi succenseant, quin inò ad sanguinis usque effusionem te verberent, nè tu tamen audeas illis succensere, sed debitam & reverentiam & obedientiam more solito iis præsta.

R. Ibidem sic: Si Parentes morbo laborent, filius jam pileo donatus, capillos non peccat; in gressu fastum, in verbis despectum non præferat; citharam non pulset; in carniùm esu varietatem, in vini potu ruborem vultus caveat. Risus ita sit modicus, ut dentes non cernantur; ira ita sit levis, ut in convitia non erumpat. Postquam recuperàrint sanitatem, more pristino se gerat.

Rex æger quando pharmacum est sumpturus, Reginus Minister; Pater æger quando pharmacum est sumpturus, filius illud prius prægustet. Nisi fuerit trium generationum medicus, ejus pharmaca non sumantur.

S. Ibidem sic: Verus Parentum cultor, ait Confucius, in ædibus reverentiam, in alimentis lætitiàm, in morbis tristitiàm, in exequiis luctum, in Parentalibus solemnitatibus honorem omni cum studio erga illos exhibet. Qui autem hæc quinque servat, potest dici verus Parentum cultor. Præterea verus Parentum cultor, si sit in superiori dignitate constitutus, non superbit; si in inferiori Magistratûs gradu positus, non tumultuatur; si in plebe dejectus, non altercatur; qui enim in superiori dignitate constitutus superbit, se cum illa in exitium præcipitat; qui in inferiori Magistratûs gradu positus tumultuatur legum poenas incurrit; & qui in plebe dejectus altercatur, armâ in se lacessit & accersit. Qui igitur hæc tria à se procul non removet, quamvis quotidie tribus diversis bovinæ, ovinæ, porcine carnis ferculis opiparè Parentes aluerit; non potest tamen dici verus Parentum cultor.

T. 13. Lib. *Hiao Kim* seu filialis observantiæ. Hic liber de hac observantia varia continet parvula Capitula. Ejus index sic habet : Totius argumenti explanatio. De Imperatore. De Regulo. De Toparcha. De litterarum Alumno. De viro plebeio. De tribus primariis rerum causis. De regimine filialis observantiæ. De virtutis regimine, &c.

Accipe hîc infra penè totam istius libelli summam ex libro *Siao Hio* sic :

T. 14. Lib. *Siao Hio* cap. 2. §. 1. ita habet : Confucius agens cum suo discipulo *Tsem Tfu*, debitum filii munus quintuplicemque filialis observantiæ speciem ei his verbis exposuit : Filialis observantiæ initium est, non audere corpus & membra à Parentibus accepta lædere aut labefactare ; consummatio seu finis est, mores suos ritè perficere ac virtutem colere, relicta post se magni nominis famà, quâ Parentes decorentur. Filialis observantiæ initium à Parentum obsequio, medium à Regis servitio, finis à morum perfectione procedit. Dum Imperator ita & amat & reveretur suos Parentes, ut neminem in toto imperio aut oderit aut despiciat, tunc dato erga Parentes absoluto & amoris & reverentiæ specimine, ejus virtus ac exemplum adeò omnes populos commovet, ut unusquisque suos Parentes nec odisse nec despiciere audeat. Commovere autem suo exemplo omnes populos ubique per universum imperium longè latèque dispersos ad amandos & colendos suos Parentes, profectò ista est, quæ Imperatorem decet, filialis observantia. Deinde Regulus, utpote in alta dignitate constitutus, si non superbierit, licèt sit altus, non tamen cadet ; si in magna opum abundantia noverit & temperantiam, & honestatem servare, licèt sit plenus, non tamen supereffluet ; atque ita poterit & suum Regnum seu Principatum conservare, & populum suum mutuâ concordia donare. Conservare autem suum Principatum, & populum suum mutuâ concordia donare, profectò ista est, quæ Regulum decet, filialis observantia. Præterea si primarius Regni Præfectus seu Toparcha nec vestes induere, nec verba proferre, nec gesta moliri ausit, quæ præcorum Imperatorum normæ non respondeant, tunc poterit Parentalem Majorum domum cum sua avita suppellectili conservare ; conservare autem Parentalem Majorum domum

cum sua avita supelleſili, profeſſo iſta eſt, quæ primarium Regni Præfeſtum decet, filialis obſervantia. Litterarum Alumnus ſi filiali amore inſerviat Regi, erit fidus; ſi fraternâ reverentiâ inſerviat Magiſtratibus, erit obſequens; cum fidus & obſequens non ſoleat in ſuperiorum obſequio culpas committere, tunc poterit ſuam dignitatem tueri; tuendo dignitatem, poterit perenni erga Parentes Deſunctos cultu Parentales Ritus ſine difficultate ſervare; poſſe autem perenni erga Parentes deſunctos cultu Parentales Ritus ſervare, profeſſo iſta eſt, quæ litterarum Alumnus decet, filialis obſervantia. Denique quas in diverſis terræ locis juxta ſingulas anni tempeſtates Cælum producit utilitates, hæ & diligenter procurare, & temperanter expendere ad alendos Parentes, iſta eſt, quæ virum plebeium decet, filialis obſervantia. Itaque ab Imperatore ad uſque infimum à plebe virum, in ſervanda filiali obſervantia, non datur primæ & ultimæ, nobilis & ignobilis conditionis aut gradûs diſcrimen; nec ullus eſt qui poſſit conqueri ſibi vires ad eam ſervandam non ſufficere.

V. 15. Lib. *Lun ju* artic. 2. ſic: Primarius Præfeſtus Mem r interrogavit Confucium, quid requireretur ad filialem obſervantiam? nihil age contra rectam rationem, reſpondit Conſucius. Poſtea cùm curru veheretur, narravit ſuum reſponſum diſcipulo ſuo *Fan Chi*, qui aurigam agebat. Tum *Fan Chi*: quid hoc ſignificat, inquit? cui Conſucius: filii, dum Parentes vivunt, debent, &c. Ut ſuprà in contextu.

X. 16. Lib. *su xu che kiy* tom. 17. in Lib. 1. Memcii cap. 5. *Tem ven kun xam*, ſic Memcius reſpondet Legato interroganti modum ritè parentandi: Triennalis ob Parentum mortem luctus, qui in gerenda vilioris aut rudioris cannabis veſte, & in comedenda dumtaxat inſipida ac liquida oriza, ab omnibus, nemine excepto, nè ipſo quidem Imperatore, ſervari juſſus eſt. Hunc itaque triennalis luctus Ritum longiſſimo tempore receptum, tuus Princeps ſedulo ſervet ac peragat.

Et paulò infra ſic: Olim Imperatore deſuncto, mox filius heres imperii, ex vimine & fulcris lignicis conſectum, extra ſecundam palatii portam ad partem orientalem erigebat tuguriolum, in quo Patrem

trem toto triennio lugebat. Hoc autem triennio, totum imperii onus & administratio erat penes primum Aulæ Ministrum, cui omnes Præfecti parebant. Princeps in hoc tuguriolo, spissiori tantum orizæ jussulo vescebatur, &c. Manè & vespere ante paterni cadaveris feretrum se prosternebat, ploratus & ejulatus edebat, &c.

X. 17. Lib. *Lun ju* artic. 17. discipulus *Tsay Ngo* interrogavit Confucium de trienniali Parentum luctu: Jam enim, inquit, à multo tempore unicus illi annus tribuitur. Et certè si Sapiens totos tres annos non vacet honestatis Ritibus, nec Musicæ; & hanc & illos obliviscetur. Intra spatium unius anni, veteri segete emortuâ, nova resurgit; & ignis, qui terebrâ ex diverso ligno per annum elicitur, (sic nempe Sinæ olim ignem eliciebant) sæpiùs immutatur..... Isto discipulo egresso, sic ait Confucius: profectò iste *Tu*, (id est *Tsay Ngo*), pietatem nescit. Filius post exactum ab ortu triennium, tunc demum à Patris & Matris gremio eximitur; idèò triennialis Patris & Matris defunctorum luctus est communis omnibus. An fortè iste *Tu* non recepit à Patre & Matre illud triennialis amoris beneficiù?

Z. 18. Lib. *Siao Hio* cap. 2. §. 1. sic: Quinque sunt capita, inquit Memcius, ob quæ vulgò censetur filius debitæ erga Parentes observantiæ transgressor: Primum, manus ac pedes socordi otio dedere, neglecta Parentum alendorum curâ. Secundum, tesseriis, aleis, aliis ludis vetitis, vini computationibus effrænate indulgere, neglectâ Parentum alendorum curâ. Tertium, cæcâ avaritiâ in divitiis ferri, aut depravato amore uxorem ac liberos deperire, neglectâ Parentum alendorum curâ. Quartum, obscœnis aurium & oculorum cupiditatibus obsecundare, invecâ Parentibus ignominia notâ. Quintum, amare audaculam bullientis sanguinis fortitudinem, rixas, altercationes; atque ita pœnas, ipsamque mortem incurrere, periculo ac damno in Parentes resiliente.

SECTIO II.

De Conjugali Societate.

Societas conjugalis est quidam ordo inter maritum & uxorem.
Primò, Regula Conjugii. Matrimonialis Ritus est omnium genitorum

rum hominum principium (A). Hujus Regulæ Sinenſes ſunt hæ :

Prima : Ad matrimonium ineundum duæ diverſi cognominis Familix adſciſcantur , ut omnis mala ſuſpicio tollatur , & conjugalis diverſitas magni fiat. Sponſalia munera ſint ſincera , & matrimonialia verba ſint honeſta , ut erudiatur ſponſa de ſinceritate & honeſtate ſervanda. Ubi ſemel uni viro ad communis vitæ ſocietatem tradita eſt mulier , totâ vitâ eum non mutet. Unde eo mortuo , alteri non nubat. Sponſus adeat ſponſæ domum ad eam excipiendam , & in ſuam domum adducat ; in via ſponſus præeat , ſequatur ſponſa , ad oſtendendam naturæ firmæ & infirmæ diverſam conditionem. Sponſus in excipienda ſponſa avem cicurem illi offerat , tum ad prodendum ſuum amorem , tum ad indicandam mariti & uxoris diverſitatem , ex cujus cuſtodia , bonum totius domûs regimen , pax , concordia procedit (B).

Secunda : Ante matrimonium , prohibita eſt ſponſo & ſponſæ mutua viſitatio & familiaritas. Coram Parentali Progenitorum defunctorum Tabella , matrimonii ineundi qualitas ac tempus denuntiandum eſt. Dum Pater mittit filium ad excipiendam ſponſam , eum moneat de proſequenda Majorum defunctorum filiali obſervantia , ſitque ſux uxori exemplo , & eam in virtutis viam ſemper dirigat. Cui filius : Parebo , inquit ; unum tantum metuo , nè iſti oneri impar ſim. Patris tamen juffa numquam oblivifcar. Pari modo dum Pater filix ſux jam jam nupturæ valedicit , illam moneat de cautela ſervanda , de obedientia erga ſocerum ac ſocrum præſtanda ; deinde Mater parvam ſaſciam ſeu cingulum ei tradit , cingulôque appendit ſtrophium , & eam etiam monet de colenda diligentia , &c. (C).

Tertia : Filii & filix non debent nimis citò in matrimonium collocari ; libidine enim effrænes ſunt. Deinde concubinas coacervant , virtutem ignorant , ac ſæpius præcoce morte extinguntur (D).

Quarta : In matrimonio contrahendo , non divitiæ aut honores , ſed ſponſi & ſponſæ indoles , virtus , domeſticaque iſtius Familix diſciplina attendenda eſt ; nam licèt nunc ſit pauper ſponſus , forſan poſtea evadet dives & clarus ; contrà , licèt nunc ſit dives , forſan poſtea evadet pauper & abjectus. Præterea dum mulier ob ſuas opes aut honores in uxorem ducitur ; hæc , uti fieri amat , ſuis opibus aut honoribus tumida , maritum aſpernatur ; ſocero & ſocrui non obtemperat ;

perat ; totam domum perturbat. Unde dum filiam tuam in matrimonium collocas, cura, ut mariti Familia sit clarior tua ; & dum filio tuo uxorem adfiscis, cura ut uxoris Familia sit obscurior tua (E).

Quinta: Non adfiscatur uxor, in cujus domo æquitas, honestas, observantia erga Parentes & superiores non viget ; nec ea, cujus domus seu Familia per multas generationes infamia vel ob publicas scelerum poenas, vel ob morbum contagiosum laborat (F).

Secundò, Regule Mariti.

Prima: Maritus res domus externas curet ; de internis non differat ; uxori imperet (G).

Secunda: Maritus uxorem diligit, in periculis adjuvet, in mutatione domicilii sociam ducat (H).

Tertia: Diligenter procuret cum illa concordiam (I).

Quarta: Ob has septem causas potest Maritus uxorem à se separare, (nempe quoad thorum, & habitationem, non quoad vinculum matrimonii): scilicet, vel quia est Parentibus inobediens, vel quia adultera, vel quia sterilis, vel quia morbo contagioso laborat, vel quia invida, vel quia garrula, vel quia prædatrix. Excipitur tamen si illa Parentibus orbata non habeat ad quem confugiat ; si triennem lulum pro focero vel focru gesserit ; si ex paupere facta sit dives & nobilis (K).

Tertiò, Regule Uxoris.

Prima: Dum domus extruitur, dividatur in duo septa, interius & exterius, seu in posterius & anterius ; viri in exteriori, mulieres in interiori degant. Media utriusque septi porta diligenter sit clausa. Vir sine causa interius septum non ingrediatur, nec mulier sine causa illo egrediatur. Pertica & fulcrum, in quo vestes appenduntur, non sit unum & idem pro viris & mulieribus ; imò nec unum & idem pro marito & uxore. Nec mulier in corbe mariti aut arca suas vestes recondat, nec eadem balnearia habeat. Pro interiori & exteriori domus septo non sit unus & idem puteus, sedes, balnearia. Nihil ex utraque parte à se invicem commodatum petatur. * Viris & mulieribus vestes interioris non sint ejusdem formæ. Vir & mulier manu immediate nihil sibi invicem tradant ; sed vel in vase, vel humi res tradenda deponatur, & & ab excipiente & tradente genuflectatur (L).

T

Se-

Secunda: Uxor ſit viro ſubjecta ; unde non eſt ſui juris, nec poteſt de ulla re diſponere. Triplicem autem habet ſubjectionem mulier ; innupta Patri, nupta Marito, vidua filio debet adhærere. Uxoris imperia intra gynæcei limites coarctantur. Ejus officium in ſolâ victûs ac veſtitûs rebus conſiſtit. Quocirca toto die maneat in gynæceo. Ad exequias longinquas non debet ire ; nec ad exteriorum hoſpitum domeſticam aulam interdium excurrere. Noctu ſine lumine intra domum non eat. Si ob cauſam domo egrediatur, velo faciem cooperiat (M).

Tertia. Uxor curet tantum res cibi & potûs, atque veſtes ; nec in Regno ad regimen, nec domi ad negotia tractanda adhiberi poteſt. Si autem illa ingenio, prudentiâ, doctriâ, rerum notiâ fortè polleat, tunc Maritum poteſt adjuvare ac excitare ; ſed gallinam manè cantantem (nempe galli officium) non agat ; alioquin ſibi & marito haud dubiè mala accerſet (N).

Textus Librorum.

- A. 1. Lib. *Siao Hio* cap. 2. §. 3. ſic : Matrimonialis Ritus, inquit liber Rituum cap. *Kiao te ſem*, eſt omnium genitorum hominum principium. Ad matrimonium ineundum duæ diverſi cognominis Familix adſciſcuntur, ut tollatur quævis ſuſpicio, & conjugalis diverſitas magni fiat. Sponſalia munera ſint ſincera, & matrimonialia verba ſint honeſta, ut moneatur ſponſa de ſinceritate ſeu fidelitate, & honeſtate ſervanda. Sinceritate, utpote quæ eſt propria mulieris virtus, debet marito inſervire ſeu obtemperare. Ubi ſemel uni viro ad communem ſocietatem tradita eſt, totâ vitâ eum non muſcet. Unde eo mortuo, alteri non nubat. Sponſus adeat ſponſæ domum ad eam excipiendam, & illam in domum ſuam adducat. Sponſus in via præcat, ſequatur ſponſa ; nimirum ad oſtendendam rei firmæ & infirmæ naturam. Sic etiam ob eandem rationem cælum terram, Rex Miniſtrum præcedit. Sponſus dum excipit ſponſam, ei offerat avem cicurem, tum ad prodendum ſuum amorem, tum ad indicandam mariti & uxoris diverſitatem. Ubi mariti & uxoris diverſitas habetur, mutuus Patris & liberorum amor exur-

exurgit; habito mutuo Patris & liberorum amore, paterna cura & filialis observantia viget; ubi paterna cura & filialis observantia viget, tunc honestas & urbanitas erga superiores, seniores, amicos servatur. Dum servatur honestas & urbanitas, unusquisque quod ipsi convenit, tenet, pacèque ac tranquillitate gaudet. Si enim non habeatur tum illa mariti & uxoris vivendi diversitas, tum hæc paterna cura & filialis observantia, quam in re hominum conjugium discrepabit à brutis?

C. Ibidem paulò superiùs sic: Antequam, inquit liber *Rituum cap. Kio li*, conciliatores conjugii, mutuuum sponsi & sponsæ amorem detulerint, nec sponsus sponsæ, nec sponsa sponsi debet nomen nôsse; nec antequam fuerint oblata sponsalis arrhæ munera, debent se invicem videre, & suum amorem testari. Idcirco de præfixo incundi matrimonii mense ac die Rex præmonetur. Illius denuntiationi, quæ fit coram Parentalibus defunctorum Progenitorum Tabellis, præmittitur corporis mundities seu ablutio & solitarum rerum abstinentia. Consanguinei, vicini & amici ad epulas invitantur. Et hæc quidem fiunt, ut pateat quanti æstimetur viri & uxoris diversitas. Vir non debet uxorem cognominem seu ejusdem secum cognominis ducere; imò si secundariam conjugem emat nec ejus cognomen sciat, illi cognomen forte imponatur.

C. Ibidem paulò infrà sic: Dum Pater, (inquit liber *Li* seu *Rituum* & *Urbanitatum cap. Su hoen li*, id est, matrimonii viri litterati Ritus) filium mittit ad excipiendam sponsam, ei propinando hæc dicit: vade, excipe tuam conjugem ac vitæ consortem. Prosequere statos Parentalis ædificii Ritus seu Ceremonias; diligenter exemplo præi tuæ conjugii ad eas defunctæ Matri faciendas; virtutis viam assidue illam doce. Tum filius; parebo, inquit; sed unum dumtaxat vereor, nè tanto impar oneri futurus sim. Ceterum Patris iussa numquam oblivisci audebo. Pari modo dum Pater filiam suam jam jam nupturæ valedicit, hæc illi etiam commendat: cave, cave nè pecces; omnem cautelam & diligentiam adhibe; noli umquam sive manè sive vesperi soceri tui aut socrûs mandatis adversari. Deinde Mater dando illi parvam fasciam seu cingulum, quo filiam latus circumcingit, & illi cingulo appendendo strophium, hæc commendat: diligentissimè & reverentissimè te gere; à mane usque

que ad vesperam tuo operi gnaviter vaca. Deinde conjux secundaria, dando illi prolixum cingulum, sic eam Patris & Matris nomine etiam admonet: hæc Patris & Matris jussa reverenter excipe; manè & vespere ab omni culpa diligenter cave. Ista Parentum dona (cingulum & strophium) memor sæpius respice.

D. 2. Lib. *Siao Hio* cap. 5. §. 2. sic: Præfectus *Vam Kou* Imperante Familiâ *Han* hunc libellum supplicem Imperatori obtulit: Potissimus, inquit, humanæ conditionis ordo est conjugium, ut pote ex quo sæpiissime brevis aut longa vita promanat. Jam verò nimis citò iniri matrimonium videre est; antequam enim adolescentes & puellæ norint quale sit Patris & Matris munus, sæpè jam habent liberos; hinc libidine effrænes fiunt, viam virtutis ignorant, & multi præcoce morte eripiuntur, &c.

E. Ibidem sic Doctör *Ven Chum*: In conjugii contrahendis spectare divitias, ista est barbarorum aut captivorum agendi ratio. Vir sapiens eorum Patriam non ingreditur. Olim Parentes sponsi & sponsæ unam virtutem attendebant. Filium aut filiam nimis citò in matrimonium collocare, est docere homines virtutis despectum, innumerabilium concubinarum commercium, domus confusionem, &c.

E. Ibidem sic Doctör *Su ma ven kem*: Quicumque filium aut filiam in matrimonium collocare meditatur, debet primò sponsi aut sponsæ indolem ac virtutem, domesticamque istius Familiæ disciplinam diligenter attendere & inquirere; non verò unis tantùm divitiis vel honoribus inhiare; si enim sponsus sapiens sit, licèt nunc pauper & abjectus, postea tamen clarus & dives forsitan evadet; contrà, si sit insipiens, licèt nunc dives & nobilis, postea tamen pauper & abjectus forsitan fiet. Deinde Familiarum augmentum aut decrementum etiam sæpè ex uxoris oritur. Si enim mulier ob suas momentaneas aut divitias aut honores in uxorem ducatur, illa, ut fieri amat, suis opibus aut honoribus tumida, maritum aspernabitur, socerum & socrum despiciet, sensimque crescente ejus superbiâ, totam domum confundet. Insuper finge maritum fieri divitem & honoratum propter suæ uxoris divitias & honores, numquid ille, si generosos spiritus gerat, inde erubescet?

E. Ibi-

F. Ibidem sic Doctor *Hu* : Dum filiam in matrimonium tradis, cura ut inariti Familia sit clarior tuâ ; sic enim uxor reverentiam & cautellam erga maritum, socerum, & socrum servabit. Contrâ, dum filium matrimonio jungis, cura ut uxoris Familia sit obscurior tuâ ; sic illa erga maritum, socerum & socrum se geret, ut uxorem de-
cet.

F. 3. Lib. *Siao Hio* cap. 2. §. 3. sic : Sunt quinque, inquit liber Rituum cap. *Nuy Ce* seu domesticæ regulæ, mulierum genera, quæ non debent in uxorem adscisci : primum : Mulier, cujus domus seu Familia nullam erga Parentes & superiores observantiam servat, non adsciscatur. Secundum : Cujus domus omni æquitate & morum honestate caret, non adsciscatur. Tertium : Cujus domus ob publicas scelerum pœnas per multas generationes infamiâ laborat, non adsciscatur. Quartum : Cujus domus morbum contagiosum per multas generationes semper transmittit, non adsciscatur. Quintum : Natu major filia, orbata Parente, non adsciscatur.

G. 4. Lib. *Siao Hio* cap. 2. §. 3. sic : Vir non differat de internis domûs rebus, nec mulier de externis.

H. 5. Lib. *Su xu che kiy* tom. 1 4. in Libr. 1. Memcii cap. 2. *Leam boei vam hia* sic Memcius : Princeps *Tay vam* etiam voluptatem amabat ; suam, inquam, uxorem *Kiam* singulari amore prosequabatur, ut refert liber *Xi Kim* seu Carminum sic : Regulus *Tan Fou*, (id est *Tay vam*), cum in sua urbe *Pin* sæpius vexaretur & opprimeretur ab infestis gentis occidentalis excursionibus, statuit mutare sedem, suamque mentem Præfectis suis ac senioribus aperuit. Itaque appropinquante adhuc infestis armis hoste, jussit semel diluculo totam suam gentem equos festinanter conscendere, urbem relinquere, laxatis habenis iter celerare, longo ordine ripas fluvii occidentalis *Cin* & *Cie* decurrere, donec tandem deflexo parumper versus ad orientem cursu, perveniret ad radices montis *Ki*, ubi novam Regni sedem condidit. In hac autem præpropera fuga, unum maxime illi curæ fuit ut suam secum uxorem *Kiam* deferret, atque ad cohabitandum simul in novis terris comitem inseparabilem secum haberet. Hinc ergo vides quod Princeps *Tay vam* multo uxorem suam amore prosequeretur.

- I. 6. Lib. *Xi Kim* seu Carminum tom. *Siao Ya* odà *Ta Ti* sic de domestica concordia : Dum vir potest efficere , ut sua uxor amet concordiam , sicut cymbalista aut citharista amat symphoniam ; utque mutuum amoris vinculum inter fratres natu majores & minores arctissimè intercedat , quasi foret cor unum & animus unus , tunc quàm pulchra est tota istius domûs species ! quàm jucundi uxor & liberi, omnesque domestici !
- K. 7. Lib. *Siao Hio* cap. 2. §. 3. sic : Sunt septem , inquit liber Rituum cap. *Nuy Ce* , uxorum ejiciendarum genera : scilicet Patri & Matri inobedientium , sterilium , adulterarum , invidarum , morbo contagioso infectarum , garrularum , prædatricium . Triplex tamen datur casus , in quo non sunt ejiciendæ : *Primus* , siqua mulier initi matrimonii tempore Parentes habebat , & postea Parentibus orba , nullum habeat ad quem confugiat , non ejiciatur . *Secundus* , siqua triennalem luctum pro mariti sui Patre vel Matre unà cum marito gesserit , non ejiciatur . *Tertius* , siqua prius pauper & vilis , postea dives & nobilis effecta fuerit , non ejiciatur .
- L. 8. Lib. *Siao Hio* cap. 2. §. 3. sic : Cum Ritus , inquit liber Rituum cap. *Nuy Ce* , duxerint à matrimonio initium , idè in explendo mariti & uxoris officio magna diligentia & cautela ponenda est . Dum domus exstruitur , dividatur in duo septa , exterius & interius , sive in anterius & posterius . Viri in exteriori , mulieres in interiori habitent . Media utriusque septi porta diligentissimè claudatur . Sit janitor qui hanc custodiat , & alii domestici qui res interioris septi curent . Vir sine causâ interius septum non intret ; nec mulier sine causâ illo exeat . Pertica & fulcrum , in quo vestes appenduntur , non sit unum & idem pro viris ac mulieribus ; imò uxor suas vestes nec in mariti pertica aut fulcro appendere , nec in ejus corbe aut eista recondere , nec istem balneariis uti audeat .
- L. Ibidem paulò infra sic : Exceptâ parentandi aut exequias celebrandi occasione , vir & mulier manu immediatè nihil sibi invicem tradant ; sed vir dum quidpiam mulieri tradit , illud in calathò , ex quo mulier ipsum accipiat , deponat . Si mulier careat calathò , uterque genu flectat ; donum humi deponat vir , & inde illud mulier accipiat . Pro interiori & exteriori domûs septo , non sit unus & idem

puteus, balnea, sedes; nihil à se invicem ex utraque parte commodatum postuletur. Viris & mulieribus non sint unius & ejusdem formæ vestes interiores. Dum vir intrat gynæceum, ravin non excitet, nihil digito monstret; noctu euntem lux regat, sine lumine non eat. Mulier si ob causam domo egrediatur, velo caput & faciem cooperiat; si noctu eat, lux euntem dirigat, sine lumine non eat. In via vir dextram, mulier sinistram teneat.

M. 9. Lib. *Siao Hio* cap. 2. §. 3. sic Confucius: Mulier debet esse viro subjecta; hinc non est sui juris, nec potest de ulla re per se disponere. Triplicis generis habet sequelam, seu subjectionem: innupta Patrem, nupta maritum, vidua filium sequi debet. In nulla conditione ausit quidquam ex se agere. Ejus imperia intra gynæcei limites coarctantur. Ejus officia in solis victus rebus sita sunt. Quocirca mulier toto die in gynæceo versetur; extra Patriæ suæ limites non tendat ad exequias; nihil ex sui unius arbitrio agat; nullum opus ausit sperare, à se sola perfici posse; illud alteri prius notum faciat; tunc manum illi admoveat. Nisi possit reverà promissum implere, non ausit quidpiam promittere. Interdiu non excurrat ad exteriorem hospitum aulam; noctu sine lumine intra domum non eat, ut suam mulieris virtutem probè custodiat.

N. 10. Lib. *Siao Hio* cap. 5. §. 2. sic Doctor *Ten* in sua domesticæ disciplinæ institutione: Uxor, utpote victus administratrix, tantum cibi & potus res, vestesque curet; nec in Regno ad regimen, nec domi ad negotia tractanda adhiberi debet. Si autem illa ingenio, prudentiâ, rerum antiquarum ac modernarum notitiâ fortè polleat, tunc virum quidem adjuvet, ejusque imbecillitatem roboret; sed gallinam manè cantantem non agat; alioquin mala sibi & marito suo accersura est.

SECTIO III.

De fraterna Societate.

Societas fraterna est quidam ordo inter fratres seniores & juniores.

Primo, Regula fratrum communes juxta Sinas sic:

Prima:

Prima: Fratres licet corpore diſjuncti, ſanguine tamen conjuncti, unum ſunt. Unde non tantum in infantia, dum ſimul domi jocantur, comedunt, ſpatiantur, debent ſe invicem diligere; ſed etiam poſtquam in matrimonio collocati ſunt, debent eundem amorem inter ſe retinere; nec ſinere ſe à ſuis uxoribus ac liberis excacari, ut eum diminuant aut dimittant; fratrum enim uxores cum ſint inter ſe minus propinquæ, facile illius diminutionem inſtillant; imò odia & inimicitias inſpirant, ita ut aliquando fratres velut hoſtes ſe invicem tractent. Unde ab illecebroſis illarum verbis diligenter cavendum. (A).

Secunda: Fratres debent mutuum amorem prodere honore & auxilio reciproco; mutuos deſpectus cavere; & quamvis alteruter exhibitæ reverentiæ & amoris remiſſe reſpondeat, non tamen propter hoc à ſuo officio debent deſiſtere (B).

Secundò, Regula fratris ſenioris.

Prima: Frater ſenior fratri juniore amicitiam demonſtret (C).

Secunda: Frater ſenior debet fratris junioris proſperitati congruere, de adverſitate dolere, eum adjuvare, erudire, opibus & honore augere, familiariter cum illo verſari, nullam malam ſuſpicionem habere, conſiliorum ſuorum participem facere (D).

Tertia: Fratrem juniorem debet inſtruere, dirigere, hortari; benignitate, longaminitate, patientiâ fovere. Poſtea hic tanti beneficii memor gaudebit ſibi fuiſſe ejulmodi fratrem ſeniores (E).

Tertiò, Regula fratru junioris.

Prima: Reverentiam & obſequium præſtet fratri ſeniori; & id quidem officii in futurum non differat; quia cum ætas & vita adeò feſtinè prætervolet, futurum fortè non dabitur (F).

Secunda: Fratri ægrotanti aſſiſtat; de ſalute, etiam dum valet, cum quandoque interroget; ſæpè cum illo debitâ urbanitate ac reverentiâ verſetur. Juxta varias anni tempeſtates primorum fruſtuum aliarumque rerum munuſcula fratri mittat (G).

Textus Librorum.

A. 1. Lib. *Siao Hio* cap. 5. §. 2. ſic Doct. *Yen* in ſua domeſticæ diſciplinæ in-

institutione : Habito homine, tunc maritus & uxor ; habito marito & uxore, tunc Pater & Mater ; habito Patre & Matre, tunc fratres seniores & juniores habentur ; ab his tribus tota domus consanguinitas, novemque consanguinitatis gradus, in serie ascendente & descendente comprehensi dependent. Idcirco in quintuplici humanæ conditionis ordine illi tres potissimum suspiciendi sunt. Fratres quidem corpore disjuncti, sed sanguine conjuncti, unum sunt. Dum adhuc puelli sunt, modò Pater aut Mater hunc dextrâ, illum sinistrâ ducit ; modò paternæ aut maternæ vestis oram, hic anteriorem, ille posteriorem trahit ; eadem illis mensi ad edendum, eadem vestes ad induendum, eadem artes ad discendum, idem locus ad spatiandum ; & quamvis aliquando illorum nonnulli sint turbulenti aut perversi, non possunt tamen se invicem non diligere. Postea verò cum viri effecti sunt, tunc suam quisque uxorem ac liberos singulari studio diligere incipit ; & quamvis optimâ & candidâ indole sint præditi, mutuus tamen illorum amor non potest non esse paulò remissior. Deinde quia fratrum uxores sunt minùs propinquæ quàm fratres inter se ; si mariti sinant illas mutuum fratrum consanguinitate propinquissimorum amorem regere, perinde erit ac si vasi quadrato rotundum operculum imponere volueris ; quod certè cohærere non potest. Itaque illi dumtaxat fratres intimè se invicem diligentes, qui non sinunt cor suum illecebrosis uxorum suarum verbis immutari, possunt hoc malum declinare.

- A. Ibidem sic Doctor *Leu kay kum tu* suos liberos instruebat : Olim defunctus meus Pater in servanda domus disciplina exactissimus erat. Primò cujusque mensis die, & decimo quinto, postquam omnes filii ac nurus, aliique domestici ad inferiores aulae gradus debitam reverentiam exhibuerant, ipse sublatiis manibus ac vultu parùm demisso : audite, inquit, defuncti Patris mei monita ac præcepta. Germani fratres inter se nihil aliud quàm mutuum amorem ac demissionem spirare debent ; quia verò subindè præbent aures suis uxoribus ex diversâ domo in unam & eandem collectis, quæ certatim aliorum vicia carpunt, sensimque odia & inimicitias instillant, hinc fit ut ipsi depravato earum amore abrepti, privata studia foveant, æquitatem spernant, dissensiones moveant, divisâ domo à

se invicem recedant, & quandoque tamquam fures, aut hostes se mutuò spectent. Et unde hoc malum, nisi ex vobis, ô nurus? nonnullos quidem firmiori corde præstantes, qui non sinunt se à suis uxoribus emolliri atque excæcari, maritos reperire est; sed ego plurimos ab iis emollitos, atque excæcatos vidi. Num fortè vos vultis sic agere? ite igitur, & in vestra cubicula vos recipite, ac diligentissimè cavete, nè unum verbum quod filialem observantiam lædat, proferatis. Ejusmodi monitorum beneficio nostra stirps Kay huc usque potuit indivisam omnium fratrum sine ulla discordia cohabitationem retinere, séque omninò integram conservare.

- B. Ibidem sic Doctor Cham ex pago Hem Kine: Dum liber Xi Kim dicit: *Fratres se invicem diligentes, caveant nè videantur non se diligere*, vult dicere: fratres mutuum amorem ita debent inter se fovere, ut mutuas inimicitias & despectus non concipiant nec addiscant. Communis hominum ægritudo est, ut dum vident eos, quos reverentur & amant, suæ reverentiæ & amoris non respondere, mox desistant. Unde fit ut inceptum beneficium optato sine privetur. Vos nolite hoc discere; vestræ reverentiæ & amoris partes explete, & nihil aliud curate.
- C. 2. Liber Siao Hio cap. 2. §. 6. sic primarius Regni Præfectus Ten: Quamvis sit solitus honestatis ordo ut Rex imperet, subditus obtemperet; Pater misereatur, filius obsequatur; frater senior juniorem amet, junior seniore honoret; maritus sit concors, uxor blanda; focus clemens, nurus obediens; si tamen Rex imperando, rectæ rationi nihil contrarium cupiat; subditus obtemperando, animum non distrahat; Pater miserando, documenta non omittat; filius obsequendo, consilia suggerat; frater senior amando, amicitiam adjungat; frater junior honorando, obsequia præstet; maritus concors, æquitatem præluceat; uxor blanda, castitate præcellat; focus clemens, monita audiat; nurus obediens, hilaritatem præferat: tunc demum istud erit absoluta honestatis perfectio.
- D. 3. Lib. Su xu che kay tom. 21. in Libr. 2. Memcii cap. 3. Van cham xam sic discipulus Van Cham Memcium interrogat: Jam verò cùm sic hilari vultu Princeps Xun alloqueretur fratrem suum juniorem Siam, num-

numquid sciebat illum sibi mortem inferre voluisse ? sciebat , inquit Memcius ; sed sic benigno hilarique vultu eum alloquebatur , quia frater fratrem amabat ; si enim fratrem suum *Siam* videbat tristem , cum eo tristabatur ; si hilarem , cum eo lætabatur :

Ibidem paulò infrà sic : Frater dignitate & opibus potens , cum velit familiari fratris consuetudine uti , statim cupit illum honoribus illustrem reddere ; cùmque velit fraterno amore fratrem diligere , statim cupit illum divitiis locupletare. Ideò Imperator *Xun* fratrem suum juniorem *Siam* statim constituit Regulum Regni *Ten Pi* , ut honore illustris , & divitiis locuples esset. Si enim in vili & paupere conditione privatus vixisset , quomodo Imperator *Xun* potuisset familiari ejus consuetudine perfrui , & fraterno amore eum diligere ? ecquæ familiaritas , amor , amicitia possit esse inter plebeium , & nobilem ? inter pauperem & divitem ? Te rursus a-
sim , inquit discipulus *Van Cham* , Magister , interrogare ? occur nonnulli evulgârunt istum *Siam* à fratre *Xun* fuisse relegatum ? Princeps *Siam* , inquit Memcius , quamvis honorariam Reguli dignitatem possideret , liberam tamen sui Regni administrationem non habebat ; sed Imperator identidem ad res istius Regni componendas mittebat præfectum , qui vestigal , & ea omnia quæ ad Reguli sumptus honorificamque sustentationem essent necessaria , à populo assatim subministranda curaret. Idcirco nonnulli evulgârunt illum fuisse relegatum. Deinde hoc frano coërcitus Princeps *Siam* non poterat populum vexare , aut injustitiâ opprimere. Ceterum quamvis hoc frano fratrem suum coërcuit , non eò tamen id fecit , quòd illum minùs diligeret ; sed quia vehementer optabat illum sæpiùs apud se videre , ideòque ut assiduè posset sublato omni impedimento venire , illum Regni administratione non oneravit. Hinc antiquus liber ait : Quod attinet ad Regulum Regni *Ten Pi* , non expectabat præfixum tempus , quo alii Reguli ad curiam veniebant ; sed quotiescumque se offerebat occasio aut negotium , Imperator *Xun* illum tamquam regiminis consortem ac socium advocabat , & ad colloquium familiare admittebat.

- E. 4. Lib. *Su xu che kyay* tom. 20. in Libr. 2. Memcii cap. 2. *Li leu hia* sic Memcius : Si Pater aut frater natu major , mediam virtutis viam

seſtantes, ille filium, hic fratrem juniorem ab ea aberrantem direxerint; ſi ingenio & indiſtriâ præſtantes, ille filium, hic fratrem juniorem iſtis carentem benignè ac patienter inſtruxerint, numquid poſteà iſte filius ejusmodi Patrem, & iſte frater junior ejusmodi fratrem ſeniores ſe habuiſſe lætabitur? Contrà, ſi nec eos dirigant nec inſtruant: tunc illorum virtus & indiſtria, ab horum vitio & igno- rantia, quamcumque ſingas diverſitatem, mihi certè nè uno quidem digito videtur diſtare.

- F. 5. Lib. *Siao Hio* cap. 2. §. 6. ſic Confucii diſcipulus *Tſem Tſu*: Filius qui non valet filiali obſervantia Parentum animum exhilarare, non auſit externorum ſocietatem inire; & frater qui non valet frater- no obſequio fratrum amorem ſibi conciliare, non auſit remotorum benevolentiam quærere. Intra 100. an- nos, quibus hominis vita concluditur, cum & pueritia & morbi & ſenectus occurrant; vir ſapiens memor irrevocabilis temporis, ma- turè ſuas filii & fratris junioris partes explorare conatur. Parenti- bus enim mortuis, quamvis velit, quomodo tunc poſſit debi- tum iis obſequium præſtare? ſic & ſexagenarius, aut ſeptuagena- rius quamvis velit, quomodo tunc poſſit fratres ſeniores debito ho- nore colere? numquid illud eſt quod proverbio dicitur: datur tempus, in quo nec debita erga Parentes obſequia, nec debitus erga fratres ſeniores honor deſerri poteſt.
- G. 6. Lib. *Siao Hio* cap. 6. §. 2. ſic: Regnante *Hien nim* Imperatore Familix *Cin*, morbi peſtilentes graſſabantur. Cuidam viro, nomine *Tu Quen*, duo fratres ſeniores jam obierant, & tertius frater ſenior periculòſè de- cumbebat. Parentibus & aliis omnibus auſugientibus ob aëris pe- ſtilentiam, ipſe ſolus *Tu Quen* permansit ad inſerviendum fratri ſe- niori ægrotanti; & poſtquam per multum tempus diu noctuque ei inſerviit, tandem convaluit.
- G. Ibidem ſic: Duo fratres *Chun* & *Cin* amore inter ſe conjunctiſſimi, cum jam ſexagenario majores fuiſſent creati ſupremorum tribuna- lium præſides, etiam vel tunc frater junior *Cin* manè & vespere de fratris ſenioris ſalute inquirebat, adducens ſecum omnes ſuos libe- ros ac nepotes; nec niſi juſſus, ſedere audebat. Si frater ſenior vespere ſuum redditum tardabat, cœnare ſine illo non audebat, ex-
pe-

petans donec rediret. Propriâ ipse manu bacillos comestorios & cochlear in mensâ illi offerebat, cibos prægustabat, non comede-
bat nisi iussus. Quin imò dum priùs in urbe *suchen* Gubernatorem
agebat, singulis quatuor anni tempestatibus, aliquid novorum fru-
ctuum aut escarum munus ad fratrem in Curia degentem semper
mittebat; nec priùs ipse ex istis novis fructibus aut escis, quàm
ad fratrem misisset, aliquid degustabat aut comede-
bat. Denique
quavis viri & mulieres consanguinei & affines numero centum
& amplius, unam omnibus communem culinam haberent, nullum
tamen verbum dissonum aut contentiosum domi audiebatur.

SECTION IV.

De Herili Societate.

Societas herilis est quidam ordo inter Herum & famulum.

Primò, Regula Heri juxta Sinas sic:

Prima: Herus diligenter servet honestatis Ritus, ac Regni leges.
Suum cuique officium appositè distribuat; suum cuique opus studio-
sè committat, urgeatque ut ritè perficiatur (A).

Secunda: Accuratè ineat sumptuum rationem; acceptum cum
expensò conferat; juxta majores aut minores domùs facultates ve-
stitum ac victum famulis dispense. Funebrum ac festivorum Ritu-
um sumptus juxta honestatis leges limitet. Arceat omnem prodiga-
litate ac luxum; semper tantillum residui ad occurrendum inopi-
niæ penuriæ reservet (B).

Tertia: Fidelibus servis stipendia augeat. Servos fraudulentòs,
mendaces, furantes, detractores, discordiarum satores, turbulentos
ejiciat. Expleto servitii tempore, volentibus abire acquiescat. Fa-
mulas, quæ à teneris annis diligenter inservierunt, in matrimonium
collocet (C).

Secundò, Regula famuli sic:

Prima: Famuli & famulæ summo mane surgant. Manus, os, fi-
ciem lavent; vestes decenter induant; lectos sternant; cubicu-
la & aulam verrant; sedes disponant; omnia componant. Unuf-
quisque diligenter suo vacet officio (D).

Secunda : Vocanti promptè respondeant. Modestiam , attentionem , reverentiam servant (E).

Tertia : Cùm Herus aliquid donat , famulus non debet illud recusare (F).

Quarto : Famuli nihil debent ex suo arbitrio facere ; sed in omnibus Heri voluntatem inquirere (G).

Quarta : Accuratà sui officii adimplentione , & suà diligenti operâ delectent Heri cor , oculos , aures. Occurrenti Hero promptè assurgant (H).

Textus Librorum.

- A. 1. Liber *Siao Hio* cap. 5. §. 2. sic Doctor *Su ma ven kem* : Paterfamilias in regendis suis liberis , fratribus , famulis aut domesticis diligenter honestatis Ritus ac Regni leges servet ; suum cuique officium accurate distribuat ; suum cuique opus faciendum committat , urgeatque ut exactè compleatur. Maximam sumptuum rationem habeat ; acceptum cum expenso studiosè conferat. Juxta majores aut minores domûs facultates , vestitum & victum unicuique convenientem dividat. Consuetæ aut Parentalium aut convivialium Rituum expensæ suas habeant determinatas leges ac servantur , atque juxta has temperentur. Variis advenientium negotiorum sumptibus diligenter invigilet ac prudenter prospiciat. Prohibeat & arceat omnem prodigalitatem ac luxum. Tantillum residui ad inopinæ penuriæ succurrendum semper oportet reservare.
- B. 2. Lib. *Kia li* seu Rituum domesticorum tom. 8. §. *Kia Cham* idem habetur , quod hîc suprâ num. 1. Idem nempe textus.
- C. 3. Lib. *Sim ts ta cinen* tom. 19. artic. *Kiu kia tsa* ; sic Doctor *Su ma ven kem* : Herus suis famulis fidelibus , sinceris , officii alicujus capacibus majora assignet stipendia ; & post hos sequantur ii , qui sunt industrii & habiles. Qui autem sunt addicti fraudibus , mendaciis , dolis ; qui justitiam transgrediuntur ; qui suis pravis cupiditatibus indulgent , qui furantur ; qui clam Heri potestatem aut nomen usurpant ; qui superiores offendent , eos domo expellat. Postquam famulæ impleverunt sui servitii tempus , si velint abire , illis con-

concedat facultatem ; quæ verò diuturno tempore fuerunt diligentes, rarisque culpas commiserunt, illas adjuvet, & in matrimonium colloct. Fraudulentas, bilingues, simulatrices, detractrices, furratrices domo expellat. Quæ frequenter furantur aut clam aliquid furripiunt, expellat. Quæ sunt vagæ, immodestæ, irreverentes, expellat, Quæ sunt inobedientes, inconstantes, vanæ, expellat.

- D. 4. Lib. *Siao Hio* cap. 2. §. 1. sic : Famuli & famulæ ad primum galli cantum surgant ; manus & os lavent ; vestes decenter induant ; scellorum cervical & culcitram colligant ; cubicula, aulamque interiorem aquâ aspergant ac verrant ; sedes ritè disponant. Unusque diligenter suo vacet officio.
- E. Ibidem infra sic : Nati minores inserviando majoribus, & famuli Heri servent etiam leges, quas filii coram Patre & Matre, ac nurus coram focero & focru servare debent ; id est, Hero vocanti promptè & reverenter respondeant ; coram illo exactam modestiam, attentionem, reverentiam servent. Nihil inurbanum, nihil indecens agant.
- F. 5. Lib. *Siao Hio* cap. 2. §. 4. sic : Quidquid aut Magister discipulo, aut senior juniore, aut Herus famulo donat, non ausit illud recusare & rejicere.
- G. 6. Lib. *Sin li ta tuen* tom. 19. artic. *Kiu kia tsa* ; sic Doctor *Su ma ven kem* : Omnes famuli & famulæ in quavis re sive parva, sive magna non possunt quidquam ex suo arbitrio facere ; sed debent Heri voluntatem inquirere, & jussa capessere.
- H. Ibidem sic : Omnis filius Patri & Matri inserviando, debet illorum cor seu animum exhilarare, illorum voluntati acquiescere, illorum oculos & aures oblectare, tranquillam illorum habitationem reddere, illorum victum sincero studio curare. Famuli erga Heros, & plebs erga Magistratus eodem modo in illorum servitio se debent gerere.

Ibidem sic : Famuli & juniores vespere & manè interrogent de salute & valetudine Herorum & seniorum. Si sedeant, dum Herus aut senior transit, statim assurgant. Si equitent & illis in via occurrant, ex equo descendant, donec transierint.

CAPUT II.

De Familiæ Possessionibus.

SECTIO I.

De Possessionibus immobilibus.

Possessiones sunt id, quo unaquæque Familia potest commodè vivere (A). Possessiones, aliæ sunt immobiles, ut prædia & domus; aliæ mobiles, ut fructus, animalia, pecunia, vestimenta. Hic de immobilibus; in sequenti Sectione de mobilibus agemus.

Primò, Leges prædiorum juxta Sinas sic:

Illæ olim ita præscriptæ fuerunt: Sex cubiti faciunt unum passum; centum passus in longum tantum, faciunt unum *Meu* seu parvum jugerum; centum passus in longum & latum faciunt unum *Fu*, seu magnum jugerum. Trecenti passus in longum tantum, faciunt unum *Uo*, seu stadium Sinicum; (stadium Sinicum communi & ordinario nomine vocatur *Li*); trecenti passus in longum & latum faciunt unum *Cim*, seu stadium quadratum, vel unam portionem terræ aut figuram, cujus singula latera continent centum passus (B).

Jam verò, uti præscribitur, debent unicuique Patrifamilias designari centum parva jugera, seu decem magna jugera ad arandum. Si sit diligens Agricola, colliget fructus sufficientes ad alendas novem aut octo personas; si sit paulò remissior, ad alendas septem aut sex; si adhuc sit remissior, saltem colliget fructus sufficientes ad alendas quinque (C).

Deinde agrorum limites, viz, divisiones sint exactæ (D). Olim limitum ordo hic habebatur: inter centum parva jugera, id est, inter decem magna jugera, portionem scilicet unius Patrifamilias, fiebat canalis largus & profundus duobus cubitis, cui adiacebat parvus trames. Inter singulas decem hujusmodi terræ portiones, fiebat canalis largus & profundus quatuor cubitis, cui adiacebat paulò major callis. Inter singulas centum prædictas portiones, fiebat canalis largus octo cubitis, cui adiacebat paulò adhuc latior semita. Deinde inter singulas mille por-

portiones fiebat canalis largus & profundus sedecim cubitis, cui ad-
jacebat adhuc latior via. Denique inter singula decem millia ejus-
modi portionum aderat fluvius, cui omnes isti canales conjungeban-
tur, & ad fluvium via regia adjacebat (E).

(Nota: Isti antiqui cubiti erant longè minores recentibus).

Sed quod maximè conducit ad rem agrariam, opportunitum aran-
di, ferendi, expurgandi, metendi tempus non debet negligi aut præ-
termitti; atque ita famis periculum evitabitur (F).

Secundò, Regule domuum, juxta eosdem Sinas sic:

Domus ædificanda debet dividi in anteriorem & posteriorem, seu
in anteriorem & posteriorem partem; & inter utramque sit porta be-
ne clausa; posterior mulieribus, anterior viris serviat (G).

Præter centum parva terræ jugera, quæ unicuique Patrifamilias
adscribenda sunt ad arandum, illi designentur alia quinque, seu 500.
passus quadrati pro domûs loco, situ, ædificatione; & intra hos
500. passus, circum domûs parietes, plantentur mori ad alendos
bombyces pro vestibus conficiendis (H). Deinde pro diversa cujus-
que dignitate, domûs aula sit altior, aut humilior. Imperatoris au-
la interior sit novem cubitis altior, quàm prima in ingressu, seu atri-
um; Reguli, septem; primarii Præfedi, quinque; Doctoris, tri-
bus (I).

Denique amplitudo domûs, ornatus, spatium, juxta cujusque ho-
minis conditionem ac gradum, præscribitur (K).

Textus Librorum.

- A. 1. Lib. *su xu che kuy* tom. 17. in Lib. 1. Memcii cap. 5. *Tem ven kem*
xam sic: Regulus *ven kem* interrogavit Memcium de recta guber-
nandi ratione. Sic illi Memcius: in Regno id, quod maximè spe-
ctatur, est populus; quod maximè populus spectat, est victus; victus
ex re agraria; unde res agraria, quàm populus tam continuo & inde-
fesso labore urget ac promover, non est remissè curanda aut par-
vi pendenda. Itaque si velis optimam regendi populi tenere nor-
mam, debes potissimum satagere, ut ille habeat semper, unde com-
modè vivat, unde vescatur, unde vestiatur, & ubi tranquillè habi-
tet, &c.

X

B. 2.

CAPUT II.

De Familiæ Possessionibus.

SECTIO I.

De Possessionibus immobilibus.

Possessiones sunt id, quo unaquæque Familia potest commodè vivere (A). Possessiones, aliæ sunt immobiles, ut prædia & domus; aliæ mobiles, ut fructus, animalia, pecunia, vestimenta. Hic de immobilibus; in sequenti Sectione de mobilibus agemus.

Primo, Leges prædiorum juxta Sinas sic:

Illæ olim ita præscriptæ fuerunt: Sex cubiti faciunt unum passum; centum passus in longum tantum, faciunt unum *Meu* seu parvum jugerum; centum passus in longum & latum faciunt unum *Fu*, seu magnum jugerum. Trecenti passus in longum tantum, faciunt unum *Uo*, seu stadium Sinicum; (stadium Sinicum communi & ordinario nomine vocatur *Li*); trecenti passus in longum & latum faciunt unum *Cm*, seu stadium quadratum, vel unam portionem terræ aut figuram, cujus singula latera continent centum passus (B).

Jani verò, uti præscribitur, debent unicuique Patrifamilias designari centum parva jugera, seu decem magna jugera ad arandum. Si sit diligens Agricola, colliget fructus sufficientes ad alendas novem aut octo personas; si sit paulò remissior, ad alendas septem aut sex; si adhuc sit remissior, saltem colliget fructus sufficientes ad alendas quinque (C).

Deinde agrorum limites, viæ, divisiones sint exactæ (D). Olim limitum ordo hic habebatur: inter centum parva jugera, id est, inter decem magna jugera, portionem scilicet unius Patrifamilias, fiebat canalis largus & profundus duobus cubitis, cui adiacebat parvus trames. Inter singulas decem hujusmodi terræ portiones, fiebat canalis largus & profundus quatuor cubitis, cui adiacebat paulò major callis. Inter singulas centum prædictas portiones, fiebat canalis largus octo cubitis, cui adiacebat paulò adhuc latior semita. Deinde inter singulas mille por-

portiones fiebat canalis largus & profundus sedecim cubitis, cui ad-
jacebat adhuc latior via. Denique inter singula decem millia ejus-
modi portionum aderat fluvius, cui omnes isti canales conjungeban-
tur, & ad fluvium via regia adjacebat (E).

(Nota: Isti antiqui cubiti erant longè minores recentibus).

Sed quod maximè conducit ad rem agrariam, opportunum aran-
di, ferendi, expurgandi, metendi tempus non debet negligi aut præ-
termitti; atque ita famis periculum evitabitur (F).

Secundò, Regule domuum, juxta eosdem Sinas sic:

Domus ædificanda debet dividi in anteriorem & interiorem, seu
in anteriorem & posteriorem partem; & inter utramque sit porta be-
ne clausa; posterior mulieribus, anterior viris serviat (G).

Præter centum parva terræ jugera, quæ unicuique Patrifamiliæ
adscribenda sunt ad arandum, illi designentur alia quinque, seu 500.
passus quadrati pro domus loco, situ, ædificatione; & intra hos
500. passus, circum domus parietes, plantentur mori ad alendos
bombyces pro vestibus conficiendis (H). Deinde pro diversa ejus-
que dignitate, domus aula sit altior, aut humilior. Imperatoris au-
la interior sit novem cubitis altior, quàm prima in ingressu, seu atrium;
Reguli, septem; primarii Præfecti, quinque; Doctoris, tri-
bus (I).

Denique amplitudo domus, ornatus, spatium, juxta cujusque ho-
minis conditionem ac gradum, præscribitur (K).

Textus Librorum.

- A. 1. Lib. *Su xu che kay* tom. 17. in Lib. 1. Memcii cap. 5. *Tem ven kem*
xam sic: Regulus *Vin Kem* interrogavit Memcium de recta guber-
nandi ratione. Sic illi Memcius: in Regno id, quod maximè spe-
ctatur, est populus; quod maximè populus spectat, est victus; victus
ex re agraria; unde res agraria, quàm populus tam continuo & inde-
fesso labore urget ac promovet, non est remissè curanda aut par-
vipendenda. Itaque si velis optimam regendi populi tenere nor-
mam, debes potissimum satagere, ut ille habeat semper, unde com-
modè vivat, unde vescatur, unde vestiatur, & ubi tranquillè habi-
tet, &c.

X

B. 2.

- B. 2. Lib. *Li Ki* seu Rituum tom. 3. cap. 5. *Van Chi*, sic Interpres *Chin hao*: Centum passus in longum tantum, faciunt, &c. Ut suprà in contextu.
- C. 3. Lib. *Su xu che k'ia* tom. 2.2. in Libr. 2. Memcii cap. 4. *Van cham hia* sic Memcius: Populares isti viri, qui munus aliquod apud Præfectos gerebant, ideòque arare non poterant, accipiebant in stipendium centum parvorum jugerum, vicarium agriculturæ ab ipsis exercendæ fructum, nempe sicut ceteri agricolæ, quibus dabantur ad arandum centum parva jugera. Sed quia fructus & messis, quæ ex agricultura colligitur, non una & eadem est; siquis enim centum jugerum colonus, diligenter stercoret illa sua 100. parva jugera, strenuümque primæ notæ agricolam agat, potest optimè ex eorum fructibus alimenta novem; si sit paulò remissior, octo saltem personis subministrare. Agricola secundæ notæ paulò diligenter, septem; paulò remissior, sex hominibus potest alimenta procurare ex suis centum jugeribus. Denique infimæ notæ agricola, potest ad minimum quinque personis ex aratione suorum centum jugerum congruam sustentationem suppeditare. Idcirco non unum, & idem æqualèque erat stipendium popularium istorum virorum, qui levi aliquo officio apud Præfectos fungebantur; sed juxta majus aut minus munus, quod unusquisque gerebat, illi assignabatur diligentioris aut negligentioris agricolæ centum jugerum fructus.
- D. 4. Lib. *Su xu che k'ia* tom. 17. in Lib. 1. Memcii cap. 5. *Tem ven kum xam* sic Memcius: Pii benignique regiminis grande opus primò inchoandum est à delineatione limitum, quibus singuli agri & singula jugera distinguantur. Si enim nec canales, nec viæ transversæ à septentrione ad meridiem, & ab oriente ad occidentem; nec aggeres terminales arborum plantatione fuerint definiti ac discriminati; protinus nec quadrata agrorum jugera erunt æqualia, fraudulentioribus nempe atque valentioribus agricolis partem ex conterminis aliorum agris sibi surripientibus; nec frugum tributa erunt æqua, avaris nempe Præfectis longè plus æquo exigentibus. Propterèa immites illi Principes, principumque Ministri alienum sudorem exsugentes, hanc limitum delineationem negligunt, atque ode-

oderunt. Rectè igitur constituta limitum delineatione, tunc agri habent suam fixam divisionem; nec principibus, nec Præfectis ullus relinquitur furandi locus.

E. 5. Lib. *Su xu mun yn* tom. 11. in Lib. 1. Memcii cap. 5. *Tem ven lum xam* sic: Hic olim limitum ordo habebatur, &c. Ut suprà in contextu.

F. 6. Lib. *Su xu che kjay* tom. 23. in Lib. 1. Memcii cap. 1. *Leam hoi vam xam* sic: Boni regiminis radix, & quædam quasi rudimenta sunt hæc: statis rei agrariæ, v. gr. arandi, ferendi, evellendi, metendi temporibus non est ponendus obex aut mora; atque ita tanta frugum ubertas ubique redundabit, ut non possint omnes consumi victu. Deinde non est permittendum, ut retia tenuibus foraminibus contexta in lacus, stagna, piscinas jaciantur; tunc tanta piscium copia affluet, ut non possint omnes esu consumi. Insuper opportuno tantum sub hiemem tempore, ut facilius arbores amputatæ repullulare possint, in sylvas immittenda est securis; tunc tanta lignorum abundantia semper suppetet, ut non possint omnia usu exhauriri. Cum igitur & fruges & pisces & ligna ita abundant, ut non possint omnia usu consumi, tunc populi sine querela & indignatione suos vivos alunt, & suis mortuis parentabunt. Ubi autem populi sine querela & indignatione suos vivos alunt, & suis mortuis parentant, ibi habetur boni regiminis radix, & primum ritè componendi imperii principium, nempe populorum communis erga suum principem amor. Quo posito optimæ leges sine difficultate possunt sanciri, & optima tradi civilis disciplinæ documenta.

G. 7. Lib. *Li Ki* seu Rituum cap. *Ny Ce*, seu regulæ domesticæ sic: Ritus suum traxere principium à cura singulari, quæ ad contrahendum matrimonium adhibita est. Hinc dum domus extruitur, dividitur in duo septa, &c. Ut suprà in contextu.

H. 8. Lib. *Su xu che kjay* tom. 19. in Lib. 1. Memcii cap. 1. *Leam hoi vam xam* sic: Memcius, instruens Regulam *Hoi Van* de arte regendi: Præter 1000. passus terræ quadratos, seu centum parva terræ jugera, quæ de more uni agricolæ seu Patrifamilias attribui debent ad arandum, designentur alii 500. passus quadrati, seu quinque parva jugera pro domûs loco & ædificatione. Intra hos 500. pas-

ſus quadratos, circa domûs parietes ſerantur aut plantentur mori ad alendos bombyces; tunc quinquagenarii, qui calidioribus veſtibus indigent, habebunt unde ſerico veſtiantur. Deinde in alendis gallinis, neſcendibus, canibus, ſuibus, tempus incubandi ovis, & foetus concipiendi non prætermittatur; tunc ſeptuagenarii, qui fortiori alimento indigent, habebunt unde veſcantur carne ad ſaturitatem. Inſuper cum unus agricola centum parva terræ jugera colere debeat, ſi opportunum arandi, ſerendi, evellendi, metendi tempus ei non ſurripiatur aut impediatur, tunc quælibet Familia abundè habebit, unde famem ſemper vitet. His poſitis, facillima poſtmodum erit morum inſtitutio.

- I. 9. Lib. *Li Ki* ſeu *Rituum* tom. 5. cap. 10. *Li Ki* ſic: Sunt quædam res, quæ per ſuam altitudinis diverſitatem indicant altiore aut humiliorem nobilitatis ac dignitatis gradum; v. gr. interior Imperatoris aula debet eſſe novem cubitis altior, quàm pavementum ad gradus poſitum; Regiæ, ſeptem; toparchæ, quinque; Doctores, ſeu Litterati primæ claiſs, tribus.

- K. 10. Lib. *Ta Mm* *hoi tien* tom. 62. ſic: In principio hujus imperii (nempe *Ta Mm*) ſic exiit decretum: veſtes, pilei, cingula, domus, equorum ſellæ pro Magiſtratibus & plebe juxta cujuſque nobilem aut ignobilem conditionem debent habere ſuæ diverſitatis leges. Superiores quidem poſſunt uti iis, quæ inferioribus permittuntur; ſed non poſſunt inferiores uti iis, quæ ſuperioribus conceduntur. Idem permittitur Præſectis, qui officio deſuncti ſunt, ac iis qui officio funguntur. Deinde liberi ac nepotes, quorum Pater vel Avus in Magiſtratu obiit, modò tamen non fuerit ob delictum deſectus, poſſunt Patris vel Avi ædes habitare, veſtituque, curru & equis uti. Mandariniautem actu officium exercentes, ſinguli juxta ſuum gradum, &c. In veſtibus, vafis, domibus non liceat depingere, elaborare, ſculpere antiquorum Imperatorum, Imperatricium, virorum ſapientium, aut aliorum res geſtas vel ſicta; nec ſolis, lunæ, draconis, aquilæ, leonis, monocerotis, elephantis & ejusmodi figuras.

Ibidem pro domibus Imperator *Hum Fu* ſic ſtatuit anno ſui imperii 26.: Non licet Mandarinis, in domuum ædificatione volupta-

ptatis monticulos seu rupeculas cum retortis cuspidibus erigere, nec duplicem tectorum oram protendere, &c. Reguli *Kum* & *Iteu* possunt pro anteriori domus parte construere septem aut quinque ædificia cum novem cubiculis, & idem pro media aula; pro vestibulo tria ædificia cum quinque cubiculis; portas auro, vernice, minio, cerussa & animalium figurâ depingere, &c. Supra domus fastigium apponere lateritias seu testaceas animalium figuras; trabes exornare, &c.

Pari modo ibidem præscribitur forma, amplitudo & ornatus domuum pro Mandarinis primi, secundi, tertii, quarti, quinti, sexti, septimi, octavi, noni ordinis. Deinde sic: Plebs potest tantum habere tria ædificia cum quinque cubiculis; nec ornatus trahium, & multiplex pictura illi permittitur. Rursus hoc fuit præscriptum: Emeriti Magistratus in curia degentes, qui pro domus loco amplum situm habent, possunt retrò domum relinquere vacuum terræ spatium decem brigas, & ab ejus lateribus hinc & hinc, quinque. Qui autem jam antiquas sedes habitant, non habentes situm amplum, possunt tantum more pristino eas habitare, nec ipsis licet populi fundum arripere ad relinquendum aliquod vacuum terræ spatium, &c.

SECTIO II.

De Possessionibus Mobilibus.

Possessiones mobiles maximè versantur circa animalia, fruges, vestimenta, instrumenta, vasa, pecuniam. Pauca de singulis juxta Sinas sic:

Primò, De domesticis Animalibus. Domi alantur gallinæ, porci, & alia animalia, v. gr. quinque gallinæ, duæ sues. Tempus incubandi ovis, & foetus concipiendi non prætermittatur (A). Animalia non macentur nisi ob causam particularem, v. gr. ad alendos senes septuagenarios, utpote qui carnibus indigent; ad tractandos hospites, ad exhibendum cultum spiritibus, ad parentandum progenitoribus defunctus. Et sic necessaria ad vitam subsidia semper domi affatim suppetent (B).

Secundò, De frugibus. Fructus præcoces non excerpantur; fruges immaturæ non metantur, pisces nondum adulti non capiantur (C). Habeatur semper aliquid residui ad vitandam tempore sterilitatis famem. Arbores sub hiemem, ut facilius repullulare possint, amputentur (D). Orizæ, quatenus melioris aut deterioris, pretium majus aut minus statuendum (E).

Tertiò, De vestimentis. Bombyces alantur ad vestes conficiendas pro senioribus, qui calidiori vestitu indigent (F). Pueri serico non vestiantur, nec vestem interiorem exteriorémque gossipio fartam gerant, utpote nimis calidam (G). Deinde vestium forma tum pro vestitu ordinario, tum maximè pro funebri luctu determinatur.

Item vestitus diversitas juxta cujusque personæ conditionem præscribitur. Vide textus (H).

Insuper varia insignia pro Principum & Magistratuum vestibus sic præscribuntur: in Imperatoris veste dracones; in Reguli veste, figura alba & nigra instar bipennis; in primarii Præfecti veste, figura alba & cærulea instar geminæ litteræ **E** sibi invicem oppositæ depingantur. Doctoris verò vestis exterior, **E** sit cærulea; interior, crocea seu subrubra. Deinde in Imperatoris pileo vel coronâ sint duodecim ferra vittarum; in Reguli pileo, novem; in Præfecti primæ classis pileo, septem; in Præfecti secundæ classis pileo, quinque; in Doctoris pileo, tria (I).

Sic etiam nunc diversæ aves in aulicis ordinariis Præfectorum politicæ disciplinæ, & diversæ feræ in aulicis ordinariis militarium Ducum vestibus depictæ & elaboratæ, diversique uniones aut gemmæ in apice pilei cernuntur. V. gr. Reguli *Kam, Hen, Pe*, & Generi Imperatoris gerunt in ordinaria veste aulica ab una parte elaboratam quamdam monocerotis speciem, dictam *Ki Lin*, & ab altera parte extraordinarii animalis, dicti *Pe Ce*, figuram. Primæ & secundæ classis Præfecti civiles, in aulicis vestibus gerunt ab una parte ciconiæ speciem, & ab altera avem phasianam; tertiæ & quartæ classis, ab una parte pavonem, ab altera anserem sylvestrem; quintæ classis, duas albas aves, dictas *Nien*; sextæ & septimæ classis, ab una parte avem fluviatilem, dictam *Lu Su*; & ab altera speciem sylvaticæ gallinæ; octavæ & nonæ classis, ab una parte coturnicem, id est, in anteriori parte vestis, & ab altera, id

id est, in posteriori parte alium passerulum; vel binam coturnicem, & binum passerulum.

Præfæcti autem militares primæ & secundæ classis in vestibus aulicis ordinariis gerunt leonem; tertiæ & quartæ classis, tigrem & leopardum; quintæ classis, geminum ursum; sextæ & septimæ classis, animal instar parvæ tigridis; octavæ, geminum Rhinocerotem; nonæ, geminum equum marinum; vel octavæ & nonæ classis, Rhinocerotem ab una parte, & equum marinum ab altera (K).

Quartò, de Instrumentis & vasis. Quæ ad hominis usum sunt necessaria, est culinæ supellex, rei agrariæ instrumenta, venditionum & emptio-
num vasa, & alia ejusmodi (L).

Antiqui Sapientes postquam ritè animadverterunt ac distinxe-
runt rerum figuras: tunc vasa, pondera, instrumenta, mensuras ad
procurandam hominum utilitatem instituerunt. Deinde ut conti-
nuatum illorum laborem omnis ventura posteritas exciperet, circi-
num, libellam, normam, perpendiculum, quibus res circulares, pla-
næ, quadratæ, erectæ sine errandi periculo fierent, consecrerunt (M).

Huc etiam referuntur dapes, dapum lances, convivii fercula,
quæ juxta cujusque conditionem præscribuntur (N).

Item quoad curules & sellas gestatorias; quoad umbellas; quoad
equorum sellas & lora; quoad lecti cortinas, seu siparia; quoad va-
sa domestica, sedes, vini pocula & scyphos: præscripta horum om-
nium vel forma, vel materia, vel ornatus specialibus etiam Statutis
habentur; v. gr. juxta diversam uniuscujusque personæ conditionem,
gradum, dignitatem prohibendo vel permettendo materiam au-
ream, argenteam, sericam; ornatum talis figuræ, talis coloris, &c. (O).

Præterea antiqui adhibuerunt, seu assumpserunt fistulam Musicam,
dictam *Hoam Chum*, de qua infra, longam 90. partibus, *primò* ad exa-
minandas & determinandas mensuras sic: Hujus fistulæ decem par-
tes faciunt unum digitum; decem digiti, unum cubitum; decem
cubiti, unam orgiam seu perticam; decem perticæ, unum *Is*, seu ma-
ximam mensuram. *secundò*, ad examinandos & determinandos nu-
meros seu vasa per numeros sic: Prædicta fistula potest capere 1200.
granula milii; hæc 1200. granula faciunt unum *Is*, seu minimum
vascillum; decem *Is* faciunt unum *Ho*, seu pugillum; decem *Ho* fa-
ciunt

ciunt unum *Xim*, seu scutellam; decem *Xim* faciunt unum *Ten*, seu congi-um vel sextarium; decem *Ten* faciunt unum *Xe* vel *Ho*, seu unum grandem modium. *Tertiò*, ad examinanda & determinanda pondera-
fic: Illa 1200. milii granula, quæ sunt capacitas præfatæ fistulæ, fa-
ciunt unum *To*, ut dictum est; unum *To* facit 12. *Chu*, seu 12. dena-
rios; viginti quatuor *Chu*, seu denarii faciunt unum *Leam* seu unciam;
sedecim unciæ faciunt unum *Kin*, seu libram; triginta *Kin*, seu libræ
faciunt unum *Kiun*; quatuor *Kiun* faciunt unum *Xe* vel *Tan*, id est, ma-
jorem unius hominis sarcinam (P).

Quintò, De pecunia. Domus expensæ nec avaræ, nec prodigæ sunt fa-
ciendæ (Q). Ab initio imperii sinici in usu fuerunt, uti & nunc ad-
huc sunt, quidam quadrantes cuprei (olim stannei etiam, & ferrei fue-
runt, &c.) rotundi, cum foramine quadrato in medio ad inferendum
concatenationis filum (R). Animadvertite autem Sinas non uti mo-
netâ argenteâ, sed fuso argento, quod secant in frustula, prout quo-
tidianus usus exigit; sicuti etiam illud liquando formant in diversa
frusta majora vel minora absque ulla nota, aut insigni Principis. Unde
hoc argentum varium est; aliud nempe omnino purum, quale da-
tur pro tributo regio; aliud plus vel minus mixtum alio metallo,
quod bellissime distinguunt Sinæ; & cujus rei habetur maxima ratio in
contractibus venditionis, emptionis, locationis, &c.

Deinde apud Sinas nullus est auri usus pro commercii pretio, seu
negotiationis; sed ipsum aurum est merx.

Textus Librorum.

A. 1. Lib. *Su xu che kiy* tom. 25. in Libr. 2. Memcii cap. 7. *Cin sin xam*
sic Memcius: Sed quâ ratione Princeps *Ven Yam* in alendis sui Prin-
cipatûs senibus excellebat? Princeps *Ven Yam* dum olim in sua regia
Ki, parvum adhuc Principatum possidebat, unicuique agricolæ, seu
Patrifamilias quinque parva terræ jugera pro domus loco & habi-
tatione distribuere, & circum domus parietes jubebat plantari
moros, ex quarum foliis mulieres alebant bombyces. Hinc senes
abunde habebant ex quo sericas sibi vestes conficerent, & se à fri-
gore tuerentur. Deinde jubebat, ut unaquæque Familia quinque gal-

gallinas, & duas suæ aleret; nec tempus incubandi ovīs, & nefrendes pariendi negligeret. Hinc senes abunde habebant carnes ad vescendum. Præterea unicuique Patrifamilias aranda centum parva terræ jugera partiebatur, maximèque curabat, ut hæc à robustioribus diligenter colerentur. Hinc Familia constans 8. personis, poterat à famis metu eximi.

Vide etiam præcedentem Sectionem in textibus num. 8. litteram H.

B. 2. Lib. *Su xu che kia* tom. 25. in Libr. 2. Memcii cap. 7. *Cin sin xam* sic Memcius: Ut populus ex rerum abundantia non labatur in intemperantiam, Princeps debet certas leges pro earum usu sancire: unde tempus præscribat rebus utendi; v. gr. fructus præcoces excerpti, fruges immaturas meti, pisces nondum adultos capi, & his similia prohibeat. Insuper in eorum usu honestatem præcipiat v. gr. sine causa particulari, qualis est ad excipiendos hospites, ad alendos senes, ad faciendas Spiritibus Ceremonias Cy, ad parentandum Parentibus Defunctis, mactari animalia faciliè non sinat. Sic tot tantæque semper suppetent divitiæ, ut omnes usu consumi nequeant.

C. 3. Lib. *Su xu che kia* tom. 13. in Libr. 1. Memcii cap. 1. *Lean hoë ram xam* sic Memcius: Quocirca Princeps sapiens ea, quæ ad agrorum divisionem, commodamque populi habitationem & sustentationem spectant, ita prudenter debet disponere, ut unusquisque quotannis pro debita Parentum suorum observantia abundè habeat, unde Patris & Matris votis faciat satis; & pro debita domesticorum suorum cura abundè habeat, unde uxorem & liberos commodè sustentet. Præterea curet, ut faustis fertilitatis annis unusquisque habeat aliquid redundans, unde quovis tempore possit ad saturitatem comedere, & infauis sterilitatis annis vitam sustentare ex accumulato priorum annorum fertilium residuo.

D. 4. Vide Sectionem præcedentem in textibus num. 6. litteram F.

E. 5. Lib. *Su xu che kia* tom. 17. in Lib. 1. Memcii cap. 5. *Tem ven kum xam* sic: Ceterum, inquit *Chin Siam*, ista Sectarii *Hiu Him* doctrina habet nonnulla, quæ videntur sat bona; ut sunt rerum pretia. Huius enim discipuli mercando nullam omnino habent altercandi occasionem de vario rei aut pretiosioris aut vilioris pretio; quia in

foro unum & idem five melioris five deterioris rei pretium taxatur; atque ita nulla regnat fraudulentia, &c. Tela five cannabina, five serica, si utraque fuerit æqualis in longitudine, sine discrimine par & idem utrique est pretium impositum, &c. Pari modo si quævis frumenti species fuerit in quantitate æqualis, unum & idem est pretium impositum, &c. Atque ita vitantur rixæ, & pax regnat. Quid felicius? tum Memcius sic illi respondit: Isti sectarii volunt in omnibus rebus æqualitatem ponere, & tamen rerum inæqualitas est ipsarum proprietas. Idcirco tanta est earum pretii inæqualitas, ut una distet ab altera quintuplo, decuplo, decies decuplo valore. Si igitur tot diversis rerum proprietates ad unam & eandem redigere volueris, totum finē mundum susque deque evertas necesse est. V. gr. fac ut pretium calcei majoris & minoris sit unum & idem; ecquis volet majores calceos facere? pari modo si rei melioris & pejoris, rei perfectioris & imperfectioris sit unum & idem pretium; ecquis mercator volet res meliores vendendas proponere aut perquirere? ecquis artifex sataget perfectiori modo res concinnare? profectò isti Sectarii, qui speciosis verbis volunt rixandi & fallendi occasiones tollere, re ipsa latam aperiunt viam ad omnes rixas & fraudes stabiliendas. Quomodo igitur tunc poterit Regnum bene gubernari?

F. 5. Vide hic suprà num. 1. litteram A.

G. 6. Lib. *Siao Hio* cap. 1. sic: Puer decennis Scholam externam frequentet, &c. Vestem nec interiorem nec exteriorem gossipio sartam, utpote nimis calidam, gerat, &c. 20. annos natus vestes pel-litas, & sericas potest inducere.

H. 8. Lib. *Li Ki* seu Rituum cap. *Xin I* sic: Olim vestium forma ita fuit præscripta, ut normæ, circino, mensuræ, stateræ respondere deberent; nec ita breves, ut apparent membra; nec ita longæ, ut raderetur terra. Fibula à latere connectat vestis partes, &c. Sic manica aptentur, ut brachium possit faciliè verti, &c.

H. 9. Liber *Kia Li* tomo 1. describit seu præscribit ac figuris delineat vestis *Xin I* seu honestæ materiam ac formam; item formam cinguli longioris, pilei seu bireti, ac calceorum. Et tomo 4. similiter describit ac delineat vestem, pileum, cingulum, calceos pro triennali & annuo luctu Parentum defunctorum.

H. 10.

H. 10. Lib. Ta mim hoei tien tomo 60. præscribit ac delineat, figuris etiam appositis, magnificentissimum Imperatoris vestitum, quem, ait, induere debet dum litat Cælo ac Terræ; dum parentat Majoribus in Parentali aula; dum in die suo Natali, in primo die anni novi, in Solstitio hiberno festivas excipit congratulationes suorum Procerum ac Præfectorum; dum sumit possessionem sui imperii, &c. Iste vestitus vocatur *Quen Mien*, id est, vestis, & pileus imperialis.

Item in eod. tom. 60. præscribit ac delineat alium Imperatoris vestitum, quem, ut ibi ait, induit dum primo & decimo quinto die cujusque mensis admittit ad affatum suos Proceres ac Præfectos; dum edit decretum; dum offert suffitum; dum externos Legatos, aut Principes excipit.

Item ibidem præscribit ac delineat vulgarem ejusdem Imperatoris vestitum; deinde militarem, dum ipsemet it ad bellum. Denique convivalem ac domesticum ejus vestitum.

H. Idem Lib. in eod. tomo 60. præscribit ac delineat magnificentissimum Imperatricis vestitum, quem, ut ibi ait, induit dum declarat Imperatrix; dum adit Parentalem Majorum aulam; dum Proceres excipit. Item ibidem vulgarem ejusdem vestitum.

Item ibidem magnificentissimum secundariæ Reginæ vestitum, quem induit eodem modo, ut Imperatrix; & vulgarem,

H. Idem liber in eodem tomo 60. præscribit magnificentissimum vestitum, *Quen Mien* dictum, Principis heredis, quem, inquit, induit dum assistit sacrificio Cæli ac terræ, & parentationibus quæ in Parentali defunctorum Ayorum aula fiunt; dum primò die anni novi, & in Solstitio hiberno excipit festivas omnium Procerum ac Præfectorum congratulationes; dum solemnem concedit affatum; item dum facit Ceremoniam Cy Spiritui regionis ac frugum; dum declaratur Heres imperii; dum init matrimonium.

Item ibidem præscribit alium ejusdem Principis vestitum pro aulae Ceremoniis in 1. & 15. die cujusque mensis, in suffitu offerendo, in adventu Legatorum exterorum, &c.

Item vestitum ejus vulgarem; vestitumque solemnem ac vulgarem ejus uxoris. Item eodem modo vestitum consanguineorum Imperatoris, & uxorum. Item filiorum & filiarum Imperatoris.

ris. Item Regulorum, & uxorum; denique aliorum Procerum, & uxorum eorum.

- H. 11. Lib. *Ta mim hoi tien* tom. 61. de Mandarinorum seu Præfectorum tum civilium, tum militarium vestitu sic ait: In quavis magnæ Ceremoniæ *su* (sive *cy*; in numero autem magnarum Ceremoniarum *cy* imperialium, est Majorum defunctorum Ceremonia *cy*, ut dicitur in principio tom. 81. ejusdem libri), in primo die anni novi, in Solstitio hiberno, in die Natali Imperatoris (apprecando nempe novum annum, faustos & longos dies, &c.), in promulgatione regii decreti, in commonefactione legis, quilibet Præfectus sive civilis, sive militaris induat aulicam vestem.

Deinde ibidem ejus materiam, formam, colorem præscribit & delineat, ac maximè diversitatem in pileo juxta cujusque gradum.

Item ibidem præscribit præfatorum Præfectorum vestitum pro Ceremoniis *cy*, & eundem quidem ac aulicum, ut ait; excepto uno aut altero mutato quoad colorem, & sublato uno aut altero ornatu pro Parentali illorum domo.

Item ibidem præscribit eorum vestitum in ordinario sui muneris exercitio gerendum.

Item eorundem vestitum aulicum ordinarium, nempe illius materiam, formam, colorem, ornatus diversitatem juxta cujusque gradum, prohibendo certos colores ac figuras in vestitu.

Item ibidem præscribit vestitum Doctoris dum suscipit gradum Doctoratus. Item eorum, qui aliquod munus apud Præfectos gerunt. Item Baccalaureorum, ac Candidatorum rei litterariæ vestitum.

Denique ibidem præscribit plebis vestitum, ac prohibet ornatum pretiosorem, v. gr. aureum, gemmeum, &c. Permittendo tamen honestum ornatum, v. gr. sericum inferioris notæ, argenteum pro ornatu capitatis, &c. Inò ad ipsarum ocrearum qualitates & materiam descendit.

- I. 12. Lib. *Li Ki* tom. 5. cap. 10. *Li Ki* seu Rituum instrumenta, sic: Quidam Ritus per exteriorem ornatum indicant nobilitatis & dignitatis diversitatem. V. gr. in Imperatoris veste, &c. Ut suprà in contextu.

Idem

Idem distinctius adhuc vide expositum in libro *Ta mim hoei tien* tom. 60.

K. 13. Lib. *Im xe kou kin*, seu explicatio vocum antiquarum ac recentium tom. 1. artic. *Ven Quon*, *Vu Quon*, seu Mandarinini civiles & militares, sic: Reguli Kum, Hen, Pe, &c. Ut supra in contextu.

Idem vide, aut penè idem in libro *Ta mim hoei tien* tom. 61.

L. 14. Lib. *Su xu che kiy* tom. 17. in Libr. 1. Memcii cap. 5. *Tem ven kum xam* sic Memcius: Numquid isti Sectarii *Hiu him*, ollas testaceas, scutellas, stillans coquendæ orizæ aut milii cribrum ad culinæ usum adhibent? numquid ligone & tridente utuntur ad rem agrariam? &c.

M. 15. Lib. *Su xu che kiy* tom. 21. in Lib. 2. Memcii cap. 1. *Li seu xam* sic Memcius: Antiqui sapientes postquam, &c. Ut supra in contextu.

N. 16. Lib. *Li Ki* seu Rituum tom. 6. cap. *Xao Y* sic: Dum jusculo conditum piscem apponis, elige caudam. Hieme, illi adjuuge exta; æstate, dorsum, &c.

N. 17. Lib. *Li Ki* tom. 5. cap. *Nuy Ce* sic: Fruges sunt, oriza, loba, milium, pisa diversi generis; alia sicca seu matura, alia cruda seu viridia. Primum ferculum, odorifera caro bovis, ovis, porci; seu bovina, ovina, porcina: bovina, assata; ovina & porcina, cocta. Secundum ferculum, alterum caro cum condimento dissecta, alterum minutal, seu pulmentum. Tertium ferculum, ovina caro; altera minutal, altera cum condimento dissecta, & porcina assata. Quartum ferculum, porcina caro temperata cum leguminibus, minutal factum ex piscibus; deinde gallina sylvestris, lupus, corunrix, cygnus, vinum N.N. &c.

Vide ibi longè plura hujusmodi minuta de rebus mensæ.

O. 18. Lib. *Ta mim hoei tien* tom. 62. sic: Imperator *Hum Vu* primo anno sui imperii hæc pro curulis statuit: Non liceat in iis sculpi aut pingi dracones, vel Aquilas. Mandarinini primæ, secundæ, tertiæ classis possunt eas auro & argento decorare, & lora serico elaborata habere; velum seu operculum sit cæruleum, id est, subnigrum. Mandarinini quartæ & quintæ classis, habeant curulis apicem in forma simplicis leonis; lora serica, velum cæruleum. Sextæ, septimæ,

octava, nonæ claſſis, curulis apicem in forma nubis ſimplicis; lora vulgaria nec ſerico elaborata, velum cæruleum. Servetur par ratio pro *fellis geſtatoriis*.

Plebis curulis ſit nigro colore tinçta; apex ſeu culmen ſit planum, velum nigrum. Et idem pro illius *fellis geſtatoriis* ſervetur, &c. Imperator *Kim Tay* anno quarto ſui imperii ſtatuit, ut ſoli primæ, ſecundæ, tertię claſſis Mandarinini in curia poſſent vehi *fellis geſtatoriis*; alii non, &c.

Deinde ibidem ſtatuitur ut Mandarinini, (ſcilicet qui non ſunt ſupremi,) poſſint in ſuis *fellis geſtatoriis* vehi à quatuor tantum hominibus, non pluribus.

- O. Ibidem Imperator *Hum Vu* anno primo ſui imperii pro *umbellis* ſtatuit, ut plebi non liceret uti *umbellis ſericis*, ſed ſolis papyraceis, nigro colore tinçtis. Et anno tertio ſui imperii ſtatuit, ut ſoli primæ & ſecundæ claſſis Mandarinini in curia poſſint uti *umbellâ faciei velativâ*; alii utantur tantum ſimplicibus *umbellis* contra pluviam protegentibus: extra curiam poſſint & aliis uti.

Deinde ibidem præſcribitur pro Mandarinis diverſitas aliarum *umbellarum* cum oris pendulis ſericis in duplici vel triplici ordine, & ſerici color; uti & ſericum & color pro aliis eorum *umbellis faciei velativis*, & contra pluviam protegentibus juxta cujuſque gradum, ſeu Magiſtratûs claſſem.

- O. Ibidem ſic: Imperator *Hum Vu* anno primo ſui imperii hæc pro *equorum fellis & loris* ſtatuit: plebi non liceat habere ſellam inauratam; permittitur illi cupreus, vel ferreus tantum ornatus.

Deinde ibidem pro ſingulis cujuſque claſſis Præfectis præſcribitur ſellarum ornatus & color.

- O. Ibidem ſic: Imperator *Hum Vu* anno primo ſui imperii hæc pro *leſti ſparis* ſeu cortinis ſtatuit: Nulli liceat ſparia rubris aut flavis draconum vel Aquilarum figuris exornata habere. Mandarinis primæ, ſecundæ, tertię claſſis ſparia permittuntur ſericis & aureis figuris elaboratâ; quartæ & quintæ, ſericis figuris elaborata; reliquis Mandarinis, ſimplicia ſerica; plebi ſerica inferioris notæ. Alia adhuc ibidem cjuſmodi præſcribuntur.

- O. Ibidem ſic: Imperator *Hum Vu* anno 26. ſui imperii hæc pro *domeſticis vaſis* ſtatuit: Reguli, & Mandarinini primæ & ſecundæ claſſis poſſint

sint habere vini pocula aurea, & vini scyphos aureos; reliqua vasa argentea. Mandarinis tertiæ, quartæ, quintæ classis possint habere vini pocula argentea, vini scyphos aureos. Sextæ, septimæ, octavæ, nonæ classis, vini & pocula & scyphos argenteos. Reliqua vasa porcellana vel lignea vernice seu cerussâ exornata; nullo modo liceat rubro colore cum aureis figuris illa exornare, nec in iis draconis vel aquilæ figuras sculperè. Plebi permittuntur vini pocula stannea, vini scyphi argentei. Reliqua vasa vel sint porcellana, vel lignea vernice seu cerussâ exornata, &c.

Paulò post sic: Nec primæ, nec secundæ classis Mandarinis liceat habere vasa gemmea, sed tantùm aurea; Mercatoribus & opificibus non liceat habere vasa aut suppellectilem argenteam; reliqua habeant, ut plebs.

P. 19. Lib. *Xu kin* tom. 1. cap. *Xun tien*, Interpres *Tsay Xin* sic: Si fistula Musica *Hoam Chum*, longa 90. partibus, sive divisâ in 90. partes, adhibeatur primò ad examinandas & determinandas mensuras, &c. Ut suprâ in contextu.

Q. 20. Lib. *Sin li ta cinen gney yao* tom. 22. artic. *Li tsay* seu opum moderatio, sic Doctor *Quey xan yam*: Dum divitiarum usus nec per excessum, nec per defectum peccat, id dicitur temperantiæ æqualitas; si autem illarum & acquisitio ex artibus, & illarum usus ex temperantia diligenter curetur, tunc semper abundè suppetent ad omnes Regni sumptus; atque id, quod prisci Imperatores vocabant opum moderationem, nihil etiam aliud est quàm temperans & æqualis juxta rectam rationem earum usus.

R. 21. Lib. *Vin hien tum kao* tom. 8. sic: A tempore Imperatoris *Tay Hao*, seu *Fo Hi* huc usque semper extitit moneta. Imperatores *Fo Hi*, & *Kao Tam* seu *Chuen Hio* illam vocârunt *Kin*, id est, metallum. Imperatores *Hium* seu *Hoam Ti*, & *Ti'Kò* seu *Kao Sin* vocârunt *Ho*, id est, mercem; Imperator *Yao Tam* vocavit *Cinen*, id est, fontem; Imperatores Familiæ *Xam* & Principes Familiæ *Cy* vocârunt *Pu*, id est, cannabem; item Principes Familiæ *Cy* & *Liu* vocârunt *Tao*, id est, ensẽm. Fiebat sub Imperatore *Xin nuni* commercium per rerum commutationem in foro sub meridiem. Sub Imperatoribus *Xun*, & Familiarum imperialium *Hia* ac *Xam* habebatur pro opibus metallum tripli-

plicis generis, ſcilicet flavum, album, rubrum; moneta, cannabis, enſis, unio.

Ibidem infrà ſic: Imperator *Te* metallum montis *Lie xan* liquificavit ſeu fudit in monetam ad opitulandum populi neceſſitatibus, &c. Princeps *Tay Kum* è Familia *Cheu*, in ſingulis novem Chinæ tractibus inſtituit Præfectos ad præſidendum monetæ. Aurum digito latum in quadrum vocabatur una libra, ſeu appendebat unam libram; moneta rotunda cum foramine quadrato in medio, ſive levior, ſive gravior, vocabatur *Chu*, id eſt, quadrans vel denarius. Moneta, inquit Doct̃or *Chim*, olim vocata eſt *ſens* ob figuram, *metallum* ob materiam, *enſis* ob utilitatem, *merx* ob uſum.

Ibidem infrà ſic: Imperator *Kim Vam* poſterioris Familix *Cheu*, dolens monetam eſſe nimis levem, juſſit fundi grandioſiorem, cujus diameter eſſet unius digiti, & 2. unciarum, & quæ appenderet duodecim *Chu*, ſeu 12. quadrantes vel denarios.

Ibidem infrà ſic: Regius Miniſter *Kia* ſic admonuit Imperatorem *Yen Ti*: Æqua & univerſalis lex imperii præcipit, ut moneta ex cupro aut ſtanno conficiatur; Si ergo aliqui audeant fraudulentè illi immiſcere plumbum vel ferrum, facies illorum notà inurantur.

Vide ibidem innumera hac de re. Item tomum 9. in quo varix prohibitiones, ordinationes, poenæ circa iſtam monetam cupream, ſtanneam, ferream, &c. circa ejus figuram & characteres inſcriptos, circa pondus, numerum, valorem, &c. ſtatuuntur.



PARS TERTIA.

Ethica Politica.

Ethica politica eſt ſcientia, quæ verſatur circa Regni conſtitutionem & adminiſtrationem. Itaque

CAPUT

CAPUT I.

De Constitutione Regni.

QUæ Regnum constituunt, sunt ejus causæ, proprietates, species. Nunc breviter & ordine de singulis.

SECTIO I.

De Causis Regni.

CAUSA Regni, uti aliarum rerum, est quadruplex: Efficiens, finalis, formalis, materialis.

Primò, Causa efficiens Regni. Hæc dividitur in supremam, quæ est Deus; & subordinatam, quæ est Regni Conditor. De utraque sic dicunt Sina: De *suprema*, hæc: Cælum seu Cæli Dominus occultâ virtute populos stabilit, illòsque colligit ad simul cohabitandum & vivendum (A); & ipse est, qui dedit in China populos (B). Cæli Dominus Reges constituit ut suos vicarios, ad regendum & docendum populum (C); hiq; ab eo suam potestatem accipiunt (D).

De *subordinata*, hæc: Principes *Fo Hi, Xin Num, Hoan Ti, Tao, Xun* tamquam Cæli legati, regimen Sinensis imperii, verbo & exemplo instituerunt, seu Regnum Sinense condiderunt (E).

Secundò, Causa finalis Regni, juxta eosdem est commoda vivendi norma omnibus communis, publica morum honestas, & cordis integritas. Si enim populus non habuerit unde commodè vivat, mox & morum honestatem & cordis integritatem exuit; quâ exutâ, ruit in quævis scelera, atque ita Regnum perit (F).

Tertiò, Causa formalis Regni, juxta eosdem, est quidam honestatis ordo inter eos, qui Regnum constituunt. Ille ordo in his quinque consistit: in æquitate inter Regem & subditum; in amore inter Patrem & filium; in diversitate inter maritum & uxorem; in subordinatione inter seniore & juniorem, vel superiorem & inferiorem; in fide inter amicum & amicum (G).

Quartò, Causa materialis Regni; sunt Regni Provinciæ benè divisæ. Olim ab Imperatore *Tu* tota China fuit divisâ in novem tractus seu provincias (H). Nunc divisâ est in quindecim; in his habentur distributæ

metropoles cum ſuis civitatibus , civitates cum ſuis ſubiacentibus minoribus urbibus, minores urbes cum ſuis oppidis, arcibus, pagis (I).

Deinde Rex vel Imperator, Proceres, Miniſtri Regii, reliqui Præfeſti, populus, & in populo artiſices, agricolæ, mercatores, litterarum Alumno, inter ſe unitate ejuſdem magnæ communis conjuncti, ſunt etiam ipſa Regni materia, ſeu cauſa materialis. Horum omnium ordinata diſtributio habetur in variis libris Sincis (K).

Textus Librorum.

- A. 1. Lib. *Xi Kim* tom. 4. cap. *Hun Fan* ſic : Cælum autem occultâ virtute populos ſtabilit, illôſque ad ſimul cohabitandum colligit & adjungit.
- B. 2. Lib. *Xu Kim* tom. 4. cap. *Tſu Tſay* ſic : Poſtquam magnum ſeu Regale Cælum in China populos dedit, illi poſtea ſub primis Imperatoribus limites adſcripſit.
- C. 3. Lib. *Xu Kim* ſeu Annalium Imperialium tom. 4. cap. *Tay xi* ſic : Cælum ad juvandos populos, conſtituit illis Reges & Doctores; ſed hi poſſunt tantum ſupremo cæli Domino (ſinice *Xam Ti*) cooperari ac conſociari ad conſolandos & pacandos totius imperii populos.
- D. 4. Lib. *Li Ki* tom. 9. cap. *Piao Ki* ſic : Imperator, inquit Confucius, à Cælo imperium capeſſit; vir litteratus ab Imperatore.
- E. 5. Lib. *Ta Hio* in Procemio Interpres *Chu Hi* ſic : Adulorum doctrinæ liber, priſcis adulorum ſchola, eſt quædam docendi homines norma. Quamvis enim ex quo homines Cælum produxit, nullus umquam extiterit, cui naturalem quemdam pietatis, æquitatis, honeſtatis, intelligentiæ ſenſum non indiderit; quia tamen nativa ingeni, temperamenti, indolis conditio eſt diverſa, variôſque tum tenebris, tum cupiditatibus implicatur; ideò complures non ſatis animadvertunt ac penetrant id, quod à natura comparatum habent, ut omnes ejus partes adimpleant, ac illam perficiant. Quando autem hos inter exurgunt aliqui perſpicaciâ, intelligentiâ, ſapientiâ, prudentiâ inſignes, qui totum naturæ ſux rationalis munus adimplere nôrunt, eos Cælum mittit ut ſint multorum populorum Duces ac Magiſtri, vultque, ut eos regant, & doceant ad primitivam

na-

naturæ suæ bonitatem, integritatēque redire. Sic olim Principes *Fo Hi, Xin Num, Hoam Ti, Yao, Xun*, Cæli legatione fungentes, Cælique legi obsequentes, verbo & exemplo summæ perfectionis normam tradiderunt; supremos civilis disciplinæ præfides ad imbucendos bonis moribus populos & ad tradenda virtutis præcepta instituerunt, aliósque præterea peculiare Magistratus ac Magistros, qui Regum, Procerum, Præfectorūque liberos non tantum communem vitæ honestatem, sed etiam omnia ad Musicam spectantia singulari curâ edocerent, constituerunt.

F. 6. Lib. *Su xu che k'ay* tom. 13. in Libr. 1. Memcii cap. *Leam hoi van xam* sic Memcius: Rex prius ante omnia debet providere, ut suus populus habeat, unde toto anno commodè vivat. Dum enim populus habet commodam vivendi normam, fixamque ac stabilem rem familiarem ex qua semper commodè vivat, tunc faciliè & constanter cordis integritatem ac morum honestatem colit. Qui enim possunt constanter servare cordis integritatem ac morum honestatem, licet careant fixâ ac stabili re familiari, quâ commodè vivant, soli illi sunt sublimes viri solidâ sapientiâ præditi, magnificæ spiritibus & alta mente dotati, qui non aliter adversam ac prosperam fortunam respiciunt. Quod verò attinet ad communem illam & vulgarem populi multitudinem, statim atque non habet unde commodè semper vivat, & cordis rectitudinem & morum honestatem abjicit. Deinde postquam & cordis rectitudinem & morum honestatem semel abjecit, tunc laxas effrænatis suis cupiditatibus habenas effundit, nec ullum scelus se offert, quod perpetrare non audeat.

G. 7. Lib. *Su xu che k'ay* tom. 3. in Libr. *Chum Yum* artic. 20. sic: Universalis hominum rectè vivendi via, quinque complectitur, (nempe quintuplicem humanæ conditionis ordinem,) & modus, quo ista via conficitur, complectitur tria. Illa quinque, sunt ordo Regis & subditi, inter quos æquitas; ordo Patris & filii, inter quos amor; ordo mariti & uxoris, inter quos diversitas; ordo senioris & junioris, inter quos subordinatio; ordo amici & amici, inter quos fides intercedat necesse est.

H. 8. Lib. *Xu Kim* tom. 2. cap. *Tu Kim* sic: Imperator *Tu* divisit totum

Regnum seu Chinam in varios tractus; utque facilis ab uno ad alium daretur via, iussit in montibus amputari sylvas. Pro uniuscujusque tractus limitibus assignavit altiores montes, ac majores fluvios. (Hi tractus seu provinciae erant novem, quae ibi in decursu recensentur, scilicet *Ki Cheu*, ubi Imperator *Tu* morabatur; *Ten Cheu*, *Cim Cheu*, *Tam Cheu*, *Kim Cheu*, *Siu Cheu*, *Tu Cheu*, *Leam Cheu*.) Deinde Interpres *Tsay xun* sic: Totum Regnum divisit in 9. tractus seu Provincias, & prout occurrebant altiores montes & majores fluvii, eos pro Provinciarum limitibus assignavit; v. gr. assignavit Provinciae *Ten*, fluvium *Cy*; Provinciae *Cim*, mare & montem *Tay*, seu *Tay xan*; Provinciae *Tam*, fluvium *Hoay*, & mare; Provinciae *Tum*, fluvios *He xui*, & *Si ho*, id est, fluvium nigrum, & fluvium occidentalem; Provinciae *Kim*, montem *Hem*; Provinciae *Siu*, mare, montem *Tay*, & fluvium *Hoay*; Provinciae *Tu*, fluvium *Kim Ho*; Provinciae *Leam*, montem *Hoa Tam*, & fluvium nigrum.

Et paulò infra sic: *Ki Cheu* est Provincia, in qua erat sita Imperatoris Regia, &c. Non illi assignantur limites, uti aliis 8. Provinciis, quia ad illam undique conveniebatur.

- I. 9. Lib. *Quam yu ki*, seu universalis geographica Chinæ descriptio. Hic liber continet 24. capita, & dividit totam Chinam in 15. Provincias. In singulis Provinciis recenset metropolim, & alias urbes primi ordinis; deinde urbes secundi & tertii ordinis prioribus subiectas; postea uniuscujusque Provinciae figuram, montes, fluvios, utilitates seu quid gignant; pontes, domos cursorum, Parentales aulas, mausolea, antiquitates, illustres viros seu insignes Praefectos, & alias hominum & rerum raritates. In fronte praefert Tabulas geographicas cujusque Provinciae; uti ferè omnia ista habes lingua Europæa in Atlante sinico P. Martinii.
- I. 10. Lib. *Tu xe kon kin*, de quo jam antea, tom. 1. sic recenset omnes Chinæ & Provincias & urbes: Provincia *Pe che li*, id est, *Pe kim* continet urbes primi ordinis 8. secundi 19. tertii 115. Provincia *Kiam Nan*, id est *Nan kim* continet urbes primi ordinis 14. secundi 17. tertii 96. Provincia *Xan Si* continet urbes primi ordinis 5. secundi 19. tertii 78. Provincia *Xan Tum*, urbes primi ordinis 6. secundi 15. tertii 89. Provincia *Ho nan*, urbes primi ordinis 8. secundi 12.

ter-

tertii 96. Provincia *Xen si*, urbes primi ordinis 8. secundi 21. tertii 96. Provincia *Hu quam*, urbes primi ordinis 15. secundi 16. tertii 108. Provincia *Kiam si*, urbes primi ordinis 13. secundi 1. tertii 77. Provincia *Fo Kien*, urbes primi ordinis 8. secundi 1. tertii 57. Provincia *Che Kiam*, urbes primi ordinis 11. secundi 1. tertii 75. Provincia *Su chuen*, urbes primi ordinis 9. secundi 20. tertii 111. Provincia *Quam tum*, urbes primi ordinis 10. secundi 8. tertii 75. Provincia *Quam si*, urbes primi ordinis 10. secundi 47. tertii 53. Provincia *Qu. y Cheu*, urbes primi ordinis 8. secundi 6. tertii 6. Provincia *Yun nan*, urbes primi ordinis 14. secundi 41. tertii 30.

Nota : Juxta quosdam alios Authores in his recensendis reperitur quandoque parva diversitas ; quia urbes nunc aliæ novæ , aliæ abolitæ , aut destructæ. Deinde nota, quòd in præcedenti catalogo non enumerentur arces, & urbes militares, quæ adhuc sunt multæ.

- I. 1 f. Lib. *Su xu mum yn* tom. 11. in libr. r. Memcii cap. 5. *Tem ven hum xam* sic : Prisci assumpserunt passum ad determinanda terræ jugera. Sex cubiti faciebant unum passum ; centum passus unum jugerum *Men*, centum jugera unum *Fu*, seu portionem unius Patrisfamilias. Tria *Fu* unum *Uo* ; sive unam seriem jugerum quadratorum ; tria *Uo* unum *Cim*, sive novem quadrata, singula centum jugeribus constantia, id est, unum stadium Sinicum *Li* in longitudinem & in latitudinem. (Unum *Cim* erat una terræ figura quadrata, cujus singula latera constabant 300. passibus, seu uno stadio ; adeoque tota figura continebat passus quadratos 90000. id est, novem *Fu*.)

Ibidem paulò superius in figura divisionis agrorum, sic: Quatuor *Cim* faciebant unum *Te*, seu quasi parvum pagum. Quatuor *Te*, unum *Kieu* ; quatuor *Kieu*, unum *Tien* ; quatuor *Tien*, unum *Hien*, seu oppidum muratum, id est, spatium illius territorii ; quatuor *Hien*, unum *Tu*, seu unum terræ tractum, vel magnum quadratum, cujus singula latera continebant 32. stadia Sinica.

Sed animadvertite, quòd antiqui cubiti erant multò breviores recentibus ; nam ibidem juxta Doctorem *Kin li ciam* recentia jugera 41. faciunt centum antiqua.

K. 12. Lib. *Cheu Li* seu Rituum imperii *Cheu*, cujus index sic : Tomus 1. 2. 3. *Cæli Mandarini seu Magistratus*. Supremus totius Imperii Minister (nunc Colaorum Tribunal) continet sub se Præfectos 63. Tomus 4. 5. 6. *Terræ Magistratus*. Supremus doctrinæ præfes (nunc officiorum Tribunal) continet sub se Præfectos 78. Tomus 7. 8. 9. *Veris Magistratus*. Supremus Rituum Præfes, (nunc tribunal eorumdem) continet sub se Præfectos 70. Tomus 10. 11. 12. *Æstatis Magistratus*. Supremus equorum Præfes (nunc militiæ tribunal) continet sub se Præfectos 70. Tomus 13. 14. 15. *Autumni Magistratus*. Supremus prædonum Præfes (nunc justitiæ tribunal) continet sub se Præfectos 66. Tomus 16. 17. 18. *Hiemis Magistratus*. Summus operum Præfes (nunc tribunal eorumdem) continet sub se Præfectos 30.

Deinde Interpres *Cham* sic ait : Ista nomina desumpta à Cælo, Terra, Vere, Æstate, Autumno, Hieme, indita fuerunt Imperii *Cheu* Magistratibus ob similitudinem quam habebant cum illis. Sicut enim Cælum omnia gubernat ; ita supremus Imperii Minister præest omnibus Præfectis, ideoque dicitur Cæli Magistratus. Item sicut terra omnia alit, ita supremus doctrinæ Præfes omnes populos fovet ; & ideo dicitur terræ Magistratus. Similiter supremus Rituum Præfes externo honestatis decore repræsentat Veris virorem ; supremus equorum seu armorum Præfes copiosâ gravitate, Æstatis ubertatem ; supremus justitiæ Præfes poenarum severitate Autumni maturitatem ; supremus operum Præfes, ædificiorum aliarumque rerum extruccionem Hiemis collectionem,

K. 13. Lib. *Li Ki* tom. 3. cap. 5. *Vam Chi* sic : Hic est imperii ordo, seu divisio : Pro Imperatore requiruntur tres primi Procere, novem primarii Ministri, 27. primarii Præfecti, & 81. Doctores Regii. Pro Regulo magni Principatûs, tres Primarii Ministri, qui ab Imperatore constituuntur ; quinque primarii Præfecti, 27. Doctores primi ordinis. Pro Regulo mediocris Principatûs, tres primarii Ministri, quorum duo ab Imperatore, unus ab ipso Regulo constituitur ; quinque primarii Præfecti, 27. Doctores primi ordinis. Pro Regulo parvi Principatûs, duo primarii Ministri, qui ab ipso Regulo constituuntur, quinque primarii Præfecti, 27. Doctores primi or-

ordinis. (Nempe olim sic, nunc aliter.) Imperator in singulas novem Provincias (ita olim divisa erat China) mittit tres Inspectores.

Vide alia multa ibidem de rebus similibus, quæ olim fiebant.

- K. 14. Lib. *su xu che k'ay* tom. 5. in Libr. *Lun yu* artic. 2. sic: Qui animum, inquit Confucius, praviæ Sectariorum doctrinæ applicat, is multa producit mala ac damna. Tum Interpres: Sapientum doctrina ab omni ævo est tantum unica communis & recta vivendi via. Ejus ordo, est Rex & subditus, Pater & filius, maritus & uxor, senior & junior, amicus & amicus. Ejus virtutes, sunt pietas, æquitas, honestas, prudentia, veritas. Ejus gens, sunt litterarum Alumni, Agricola, artifices, mercatores. Ejus opus, sunt Ritus, Musica, leges, regimen, &c.

SECTIO II.

De proprietatibus Regni.

Proprietates Regni juxta Sinas sunt hæc sequentes:

Prima: Bonorum abundantia. Omnia quæ ad victum, vestitum, & habitationem sunt necessaria, debent abundè haberi. Horum autem radix, est diligens & accurata Agricultura, ita ut semper aliquid superabundet pro sterilitatis annis (A). Unde olim Imperatores cœperunt agros in varia quadrata dividere. 900. parva jugera partiebantur in novem quadrata; hæc novem quadrata simul vocabantur unum *Cm*, id est, una figura quadrangula referens hunc characterem Sinicum 井 *Cm*. Unumquodque quadratum continebat 100. jugera; 井 quadratum in medio positum dicebatur regium, & commune; quia debebat arari ab octo simul colonis reliquorum octo quadratorum pro Regis tributo; & prius quidem quàm sua propria quadrata, illud debebant arare, ut pateret Principes à plebeis distinguui. Quadrata octo lateralia erant singula singulis Agricolis propria absque tributo. Postea verò cum timeretur, nè istud regium quadratum jugerum negligentius coleretur, jussi sunt illi octo coloni decimam partem fructuum ex novem quadratis collectorum, solvere pro tributo (B). Præterea arborum plantandarum, ac suo tempore refecandarum, piscationisque regulæ diligenter servari debent (C).

Secun-

Secunda: Unio & concordia Incolarum. Ex hac Incolarum concordia, mutuus amor & urbanitas inter domeſticos ac externos, mutua ſocietas uſque ad mortem, mutuum ſolatum in miſeriis, in periculis, in morbis naſcitur (D).

Tertia: Reciproca Incolarum dependentia. *Primò, in negotiationibus:* Incolæ enim à ſe invicem dependent, ut ſuppleant id, quod ſibi deest per id, quo ipſi redundant; v. gr. Agricola quoad victum, milio redundat; ſed illi deest tela cannabina ad veſtitum; contrà, textrix quoad veſtitum, telà cannabinà redundat; ſed illi deest milium. Hinc uterque à ſe invicem dependet (E). Et ob hanc cauſam institutum eſt forum, ut homines mutuà conventionem res quas habebant, commutarent cum iis quibus carebant; datique foro præſides, ut res venales juſto pretio taxarent, & diſſidentium lites componerent ac dirimerent (F). *Secundò, in opificiis.* Alius enim faber ferrarius, alius figulus, alius ſutor, alius ſartor exiſtat neceſſe eſt; unus enim non poteſt omnibus iſtis artibus, quibus humana vita indiget, vacare (G). *Tertiò, in conditionum diverſitate.* Oportet enim, ut alii ſint Magiſtratus, alii ſubditi ſeu plebei, ut illi ſuam mentem, hi ſuum corpus fatigent. Qui reguntur ab hominibus, ſuppeditant victum hominibus; & qui regunt homines, honeſtatem docent homines (H).

Quarta: Potestas reſiſtendi hoſtibus. Firma Regni deſenſio non conſiſtit in montium faucibus ac fluminum repagulis, non in valido armorum apparatu, ſed in benevolentia populi erga Regem; ſi hâc benevolentia Rex careat, nullos belli ac laborum adjutores habebit; nec tantum duces, milites, populi, ſed etiam ipſi conſanguinei & affines ab illo deficient (I).

Præterea in locis aptis exſtruendæ ſunt arces, altiſque mœnibus & profundis ſoſſis bene muniendæ; tunc populus hoc beneficio ac benevolentia captus, ſummoperè erga Regem & Patriam afficietur; atque ubi pericula aut bella ingruent, amorem amore penſabit; quin etiam eſſi mori oportebit, ſtationem non deferet, nec hoſtem admittet (K). Denique artem militarem ſedulò docendus eſt populus (L).

Textus

Textus Librorum.

- A. 1. Lib. *Su xu che kiay* tom. 17. in Libr. 1. Memcii cap. 5. *Ten ven kum xam*, sic: Regulus *Ven Kum* interrogavit &c. Vide Ethicam Oeconomicam cap. 2. Sect. 1. in textibus num. 1. litterà A. Idem tom. 13. in Libr. 1. Memcii cap. 1. *Leam boei vam xam* sic Memcius: Quocirca, &c. Vide etiam Ethic. Oeconomicam cap. 2. Sect. 2. in textibus num. 3. litterà C.
- B. 2. Lib. *Su xu che kiay* tom. 17. in Libr. 1. Memcii cap. 5. *Ten ven kum xam* sic Memcius: Jam verò quamnam regulam in definienda unicuique re familiari ad commodè vivendum necessaria, antiqui Imperatores tenuerint, accipe: Imperatores Familix *Hia* assignabant unicuique Patri-familias quinquaginta parva jugera, & pro tributo exigebant quinque jugerum valorem, id est, decimam fructuum partem. Imperatores Familix *Tu* coeperunt agros dividere in varia quadrangula; 630. parva jugera partiebantur in novem quadrata. Hæc novem quadrata vocabantur unum *Cim*, (id est, figura quadrangula referens hunc characterem Sinicum 井 *Cim*). Unumquodque quadratum continebat 70. jugera. 井 Quadratum in medio positum dicebatur publicum seu commune, quia debebat communi operà arari ab octo simul colonis reliquorum octo lateralium quadratorum, pro publicis Regis sumptibus. Ista octo quadrata lateralia erant singula singulis colonis propria absque tributo. Imperatores Familix *Chen* assignarunt unicuique Patrifamilias 100. parva jugera; & in agris quidem metropoli adiacentibus imitati sunt imperii *Hia* normam; decem nempe Patresfamilias unà colebant 1000. parva jugera dicta unum *Ken*, id est, terminata uno circumducto canali; sed in agris remotioribus imitati sunt imperii *Tu* normam; octo nempe Patresfamilias unà colebant novem quadrata, sive 900. parva jugera, dicta unum *Cim*, ut supra. Porro tum illi decem, tum hi octo coloni pendebant ex decem fructuum partibus unam pro tributo. Unde omnes isti trium imperiorum Imperatores tantum ex decem aut undecim partibus unam accipiebant pro tributo; nam ex isto quadrato communi seu regio centum jugerum, sub imperio *Chen* extrahebantur viginti jugera pro domo & horto colonorum;
- Aa
- sub

ſub imperio *Tn*, quatuordecim ex dicto communi ſeptuaginta jugerum; ſub imperio *Hia*, ex quinquaginta jugeribus ſolvebatur valor quinque jugerum pro tributo, quod vocabatur *Kum*, ſeu fixum veſtigal. Sub imperio *Tn*, tributum vocabatur *Tſou*, ſeu communem operam commodare. Sub imperio *Chen* vocabatur *Che*, ſeu communi operâ rem facere, & æqualiter dividere; quia nempe iſti octo coloni in initio debebant communi labore colere illa novem quadrata. Poſtea illorum novem quadratorum jugera ſingulis æqualiter diſtributa ſunt tum ad arandum, tum ad tributum ſolvendum.

Ibidem paulô infra ſic: Iſti octo coloni debebant prius communi operâ peragere regii quadrati in medio poſiti opus, ſeu agriculturam; quâ peractâ, tunc demum poterant vacare ſuis particulâribus jugeribus, ut pateret Principes ab agricolis diſtingui.

- C. 3. Lib. *Su xu che kay* tom. 13. in Libr. 1. Memcii cap. 1. *Leam hoi yam xam* ſic: Boni regiminis radix, &c. Vide Ethicam Oeconomiam cap. 2. Sectione 1. in textibus num. 6. litterâ F.
- D. 4. Lib. *Su xu che kay* tom. 17. in Libr. 1. Memcii cap. 5. *Tem ven kum xam* ſic Memcius: Hac quadrangulari agrorum diviſione bene conſtitutâ, dici non poteſt quanta hinc bona & utilitates pro publica tranquillitate obtinenda, ac pro moribus populorum componendis ſint emerſura. Agricola enim qui aliundè in has terras advenierint, nec in vita nec in morte volent ab iis ſeparari. Illi octo coloni qui ſimul novem quadrangula arabunt, loco & mutuo amore conjuncti numquam poterunt à ſe invicem avelli; ac proinde huc illuc euntes & redeuntes ſe invicem comitabuntur; in tuenda à prædonibus communi habitatione diu noctûque ſe invicem adjuvabunt; in morbis ſibi invicem opitulabuntur; atque ita omnes unius tractûs incolæ mutuâ concordia, pace, ope conjuncti, ſe invicem amabunt, & ſe invicem ad ſecundam virtutem exſtimulabunt.
- D. 5. Lib. *Hiao Kim* ſeu filialis obſervantiæ, Cap. 8. ſic Confucius: Olim ſapientes Imperatores filialis obſervantiæ ſubſidio, totum ſuum imperium belliſſimè gubernabant. Hinc nè vel unum exiguiſſimi Principatûs Legatum audebant ſine honore excipere; multò autem minùs ipſoſmet Regulos inhonorè excipere audebant. Hi Reguli
- cjuſ-

ejusmodi humanitate devincti lubentissimè ad adjuvandas Parentales Imperatorum Ceremonias confluebant. Dein Reguli Imperatorum imitatores effecti, ne vel unam viduam aut pauperculum homuncionem audebant rejicere; multò autem minùs audebant, viros honestos ac litteratos. Populus hac humanitate devinctus lubentissimè ad adjuvandas Parentales Regulorum Ceremonias confluebat. Præterea primarii Præfecti Regulorum imitatores effecti, nè vel unum domùs suæ famulam aut famulum audebat inurbani-ter tractare; multò autem minùs uxores ac liberos. Idcò omnes domestici lubentissimè eos ad inserviendum suis Parentibus adjuvabant, &c. Hinc totum imperium concordia, ac tranquillitate florebat; nullæ calamitates, nulli tumultus exoriebantur.

- E. 6. Lib. *su xu che kiy* tom. 18. in Libr. 1. Mencii cap. 6. *Ten ren kum bia* sic Mencius: An tu, domine, fortè rejicies mutuum commercium, quo homines suppleant id quod sibi deest per id, quo abundant? si id rejicis, nec admittis; ergo agricolæ quoad victum redundabit milium, sed illi deerit tela cannabina ad vestitum; contrà, textrici quoad vestitum redundabit tela cannabina; sed illi deerit milium ad victum; quod certè fieri nequit. Si autem admittis mutuum commercium; ergo & architectus in exstruenda tuâ domo, & faber rhedarius in fabricando tuo curru, propter suum laborem accipient à te victum. Jam verò ecce viro qui juxta priorum Sapientum institutum vitam suam componit, domi erga Parentes obediens; foris erga superiores reverens; istorum Sapientum doctrinam servat ac fortiter tuetur adversus eos, qui eam suis perversis dogmatibus ac gestis conantur labellectare; sperantque fore, ut Posterì illam ceu rectissimam vitæ regulam sequantur; an non fortè hic meretur à te victum accipere? plurisne facies viles architectos & fabros, quàm pietatis & æquitatis Magistros?

- F. 7. Lib. *su xu che kiy* tom. 16. in Libr. 1. Mencii cap. 4. *Kum sun cheu hia*, sic Mencius: Forum olim eo fine dumtaxat institutum fuit, ut homines mutua conventionem res, quas habebant, commutarent cum iis, quibus carebant; & fori Præfecti nihil aliud curabant, quàm res venales taxare justo pretio, ac dissidentium lites componere; nullum autem ab emptoribus ac venditoribus tributum exigebant.

Poſtea exurrexit vile quoddam hominum genus, qui ut foro faci-
lius præſiderent, petierunt ſibi exſtrui altius aliquod, inſtar colliculi
ſeu aggeris, ſuggeſtum, quod conſcendentes huc illuc oculos cir-
cumvolvebant ad expiſcandum omne fori lucrum. Hinc fiebat ut
omnibus odio ac deſpectui eſſent. Itaque illi ad præferendam
componendi fori ſpeciem, cœperunt à negotiatoribus tributa exi-
gere; & inde lex veſtigialium, quæ poſtea mercibus impoſita eſt,
initium duxit.

- G. 8. Lib. *Su xu che kiy* tom. 17. in Libr. 1. Memcii cap. 5. *Tem ven kum xam* ſic Memcius: Profectò viri nobiles ac Principes non minùs,
quàm ignobiles & agricolæ, habent ſua negotia & opera, quæ uni-
cuique ſunt propria, nec poſſunt in uno omnia coaleſcere. Quin
imò quilibet homo ea, quæ ſunt ad ſuum uſum neceſſaria, v. gr. ve-
ſtes, cibus, ſupellex, instrumenta, vaſa, &c. jam conſecta debet acci-
pere ab opificibus. Et verò ſi unusquiſque omnia, quibus indiget,
deberet ipſe ſibi conficere ad uſum, oporteret ut nunc huc, nunc
illuc ad innumera diverſi generis opera ſine intermiſſione curſita-
ret; atque ita efficeret, ut omnes homines continuò abſque ulla
H. requie iter agerent. Ob hanc cauſam antiquo proverbio dicitur:
duplex eſt tantùm in orbe hominum genus; alterum, quod ſuam
mentem; alterum, quod ſuas manus fatigat. Quod ſuam mentem
fatigat, regit homines; quod ſuas manus fatigat, regitur ab ho-
minibus. Ii autem qui reguntur ab hominibus, ſuppeditant victum
hominibus; ii qui regunt homines, accipiunt victum ab homini-
bus. Atque hæc eſt ab omni ævo univerſalis cunctorum mortali-
um vivendi ratio, & numquam interrupta conſuetudo.
- I. 9. Lib. *Su xu che kiy* tom. 16. in Libr. 1. Memcii cap. 4. *Kum ſun chen hia* ſic Memcius: Idcirco dicitur: ritè diſtributa populorum habi-
tatio non conſiſtit in determinandis agrorum limitibus, nec firma
Regni deſenſio conſiſtit in montium faucibus, & fluviorum repa-
gulis; nec vaſta totius imperii acquiſitio in valido militum armo-
rumque apparatu; ſed hæc omnia in captanda animorum benevo-
lencia ſita ſunt. Princeps qui veram captandorum animorum vi-
am tenuerit, ſectando pietatem & æquitatem, is multos; qui illam
neglexerit, is paucos belli ac laborum adiutores habebit. Jam ve-
rò

quod qui belli ac laborum adjutores paucos habuerit, non tantum ejus populus, milites, duces; sed vel ipsi consanguinei & affines ab eo paulatim recedent ac deficient. Contrà, qui multos habuerit; non tantum ejus populus, milites, duces; sed & ipsum totum imperium illius jussis ac voluntati libens obtemperabit.

K. 10. Lib. *Su xu che k'ay* tom. 14. in Libr. 1. Memcii cap. 2. *Leam hoei vam hia*, Memcius Regulo *Sinen Vam* roganti modum defendendi sui Regni, sic respondit: quæ regnum aliquod præcipue communiunt ac protegent, sunt alta urbium mœnia, profundis fossis circumcincta. Jube ergo in locis aptis tuæ ditionis excavari hujusmodi fossas profundas, & alta urbium mœnia exstrui. Deinde unâ cum populo assidue & fortiter ea tuere. Populus hoc beneficio & benevolentia captus, &c. Ut in contextu.

L. 11. Lib. *Lun yu* artic. 13. sic Confucius: Princeps, qui artem bellicam populos suos non docet, eos perdit.

SECTION III.

De speciebus Regni.

Primò, *Diverse Regni species.* Hæ desumuntur ex diversitate regiminis. Regiminis autem species est triplex: Alia democratica, in qua summa rerum potestas est penes populum, ut apud Heluetios; alia Aristocratica, in qua summa rerum potestas est penes Optimates seu Nobiles, ut apud Venetos. Alia monarchica, in qua summa rerum potestas est penes unicum Caput seu Regem, ut apud Sinas. Regimen igitur Sinicum est Monarchicum, & Hereditarium quidem, non electivum. Unde Regina filius, non alterius secundariæ uxoris, jure ordinario est Regni heres.

Secundò, Antiqua Sinicæ Monarchiæ forma. Monarchicus Sinici regiminis ordo sic olim constitutus fuit, totaque dignitatum distributio hæc erat:

Prima & suprema in toto imperio dignitas erat Imperatoris. Secunda in imperio, sed prima in unoquoque Principatu seu Regno erat Reguli dignitas, imperiali tamen subordinata. Regulorum ordo erat

quintuplex; alii dicebantur *Kum* ſeu Duces; alii *Hen*, ſeu Principes; alii *Pe*, ſeu Comites; alii *Tſu*, ſeu Marchiones; alii *Nan*, ſeu Barones.

Secunda totius imperii dignitas, erat eorum qui in curia Imperiali erant ſupremorum Tribunalium Præſides, nempe aliqui ex Regulis. Tertia erat primariorum Præſectorum. Quarta, quinta, ſexta erat Doctorum primæ, ſecundæ, tertiæ claſſis. Imperialis ſedis dictio extendebatur mille ſtadiis; Reguli *Kum* & *Hen*, centum; Reguli *Pe*, ſeptuaginta; Reguli *Tſu* & *Nan* quinquaginta.

Qui in aula imperiali ſupremorum Tribunalium Præſides agebant, eamdem ac Reguli *Kum* & *Hen*; qui primarii Præſecti erant, eamdem ac Reguli *Pe*; qui Doctores erant primæ claſſis, eamdem ac Reguli *Tſu* & *Nan* ditionem pro annuo ſuæ dignitatis cenſu assignatam habebant. Illi enim Præſides dum ab aula imperiali recedebant, fiebant Reguli *Kum* & *Hen*; primarii Præſecti, fiebant Reguli *Pe*; Doctores primæ claſſis, fiebant Reguli *Tſu* & *Nan*. Contra, iſti Reguli *Kum* & *Hen* dum aulam imperialem ſubibant, fiebant ſupremorum Tribunalium Præſides; Reguli *Pe*, fiebant primarii Præſecti; Reguli *Tſu* & *Nan*, fiebant Doctores primæ claſſis (A).

Olim in principio Imperator ſingulis quinquenniis, poſtea ſingulis tantum duodecim annis viſitabat & inſpiciebat omnium iſtorum Regulorum Principatus. Reguli autem ſingulis annis unum ex inferiori ordine Præſectum; ſingulis trienniis alium ex ſuperiori ordine, ad præſtandum clientelare obſequium mittebant in aulam imperialem. Singulis quinquenniis ipſimet veniebant, debitum honoris & vectigalis penſum ſoluturi, rationemque ſui Principatus reddituri (B). Ita olim.

Tertio, *Moderna Sinica Monarchia forma.* Monarchicus recentis regiminis ordo ſic diſtribuitur: Primò, eſt Imperator, penes quem eſt ſuprema & abſoluta poteſtas. Deinde Reguli in Tartaria, qui clientelam profitentur, & alii Reguli Pekini, ſolo titulo, non officio donati; v. gr. fratres, filii, patrui Imperatoris, alique ejuſmodi pauci. Poſtea Colai, ſive Imperatoris aſſeſſores vel conſiliarii. Deinde ſex ſuprema Tribunalia: Primum, pro diſtribuendis Magiſtraribus; ſecundum, pro re numularia ſeu ærario; tertium, pro Ritibus ac civili diſciplina; quartum, pro militia; quintum, pro juſtitia; ſextum, pro re ædi-

ædilitia & publicis operibus. His varia alia Tribunalia subordinantur; maximè quindecim pro singulis quindecim Provinciarum negotiis particularibus.

Præterea sunt alii solius palatii & Familiæ Imperialis Magistratus, ac Imperialis urbis Gubernator cum suis Assëctis.

Per Regnum distributi sunt supremi Inspectores duarum Provinciarum, supremi militiæ Duces, Gubernator uniuscujusque Provinciæ seu Pro Rex, cum suis singularium urbium majorum ac minorum, oppidorum, arcium inferioribus Recloribus & horum Reclorum Assëctis, aliisque totius Provinciæ Præfëctis. Similiter militiæ inferiores Duces subjeçti suis superioribus Ducibus, & litterarum Alumni suis Magistratibus (C).

Insuper omnes isti Magistratus tum politiæ, tum militaris disciplinæ, distributi sunt in novem classes seu gradus; v. gr. quoad politicam disciplinam, primarii seu supremi Colai sunt primæ classis, & eorum Assëssores sunt primæ classi annexi; Præsides supremorum sex Tribunalium sunt secundæ classis; horum Assëssores & Provinciarum Gubernatores sunt tertiæ. Primariarum urbium Recltores sunt quartæ; Tribunalis Mathematicæ Præsides sunt quintæ; horum Assëssores sunt sextæ; parvarum urbium Recltores sunt septimæ, &c. (D).

Nota: Sub hoc imperio Tartaro-Sinico, in Curix Tribunalibus, dimidia pars primariorum Præfectorum est Tartara, dimidia Sinica; v. gr. tres Colai Tartari, & tres Sinæ; unus Tartarus, & unus Sina Præsës supremi Tribunalis; duo Tartari horum Assëssores, & duo Sinæ; & sic de aliis diversis Pekini Tribunalibus. In Provinciis autem extra Curiam non habetur illa Præfectorum geminatio, sed indiscriminatim vel Tartarus, vel Sina est Præfëctus.

Denique in toto isto Imperio Sinenfi mira relucet Præfectorum à minimo usque ad maximum, ipsùmque Imperatorem subordinatio, verùmque Monarchici regiminis exemplar.

Textus Librorum.

A. 1. Lib. *Su xu che kjay* tom. 2. 2. in Lib. 2. Memcii cap. 4. *Van cham bia* sic Memcius: Prima & suprema in toto, &c. Ut suprâ in contextu.

B. 2.

- B. 2. Lib. *Li Ki* ſeu Rituum tom. 3. cap. *Vam Chi* ſic Interpres *Chin Hao*: Imperator ſingulis quinquenniis, &c. Ut ſuprà in contextu.
- C. 3. Lib. *Tu xe kou kin* tom. 1. artic. *Ven Che*, id eſt, civiles Magiſtratus, & artic. *Vu Che*, id eſt, militares Magiſtratus. Ibi recenſet ſupradictas in contextu, aliàsque multas Sinicæ Monarchiæ præſentis dignitates, atque earum claſſes & gradus.
- D. 4. Vide hîc num. præc. 3. litterâ C.

C A P U T II.

De Adminiſtratione Regni.

Regni adminiſtratio duplex eſt, alia togata, alia ſagata; ſive alia civilis, alia militaris. Nunc de utraque aliquid breviter etiam referamus juxta Sinas.

S E C T I O I.

De Civili Regni Adminiſtratione.

Quæ faciunt ad civilem Regni adminiſtrationem, ſunt præſertim Rex, Magiſtratus, Leges, Inſtitutio, Libri, Muſica. De ſingulis pauca.

Paragraphus Primus.

De Rege.

Quæque ſunt quæ in Rege requiruntur :
Primò, Regiminis baſis. Hac eſt duplex: Prima, eſt domus bene ordinatæ diſciplina ac concordia, quæ ex probis Patrisfamilias moribus oritur. Si enim Rex verbo & exemplo non poſſit domum ſuam bene regere, nec poterit Regnum ſuum bene gubernare; quia quo honore inferendum eſt Parenti, eodem inſervitur Regi; quâ reverentiâ obtemperandum eſt fratribus ſenioribus, eâdem obtemperatur Magiſtratus; & quâ commiſeratione aut benignitate imperandum eſt liberis ac domeſticis, eadem imperatur populis (A). Secunda, eſt ipſe Regis animus. Rex enim ex ſuo ipſe animo debet aliorum animos metiri.

Quia

Quia quemadmodum norma artificii ad res quadratas efficiendas: ita rectus animus est Regi necessarius ad aliorum animos rectos efficiendos. Si recto animo alios metiatur, facile omnes sibi devinciet (B).

Secundò, Regiminis Regula. Hæ novem enumerantur: Prima, mores ac vitam suam rectè componere, præscriptas abstinencias servando, munditiam colendo, modesto vestitu utendo, nihil indecorum committendo, ut fiat verum aliorum exemplar.

Secunda: Viros sapientes colere, homunciones adulatores arcendo, voluptates rejiciendo, opes parvi pendendo, unam virtutem magni faciendo, ut bonis Sapientum consiliis instructus non erret.

Tertia: Parentes ac consanguineos regiois intimo amore complecti, amando quod illi amant, averfando quod illi averfantur, eorum nobilitatem reverendo, census augendo, ut unanimi consensu absque ulla invidia aut indignatione conspirent ad suam dignitatem tuendam.

Quarta: Primos Regni Ministros honorificè tractare, multos illis subalternos Præfectos subjiciendo pro rebus minoribus, ut eorum auctoritate & prudentiâ adjutus in negotiis majoribus, quid statuendum & agendum sit, melius discernat.

Quinta: Reliquos Præfectos, ut sua membra spectare, candidè cum iis agendo, largæque stipendia iis adscribendo, ut beneficiorum ac benevolentiae memores sedulo omnes suas curas intendant in ritè exequendo suo officio.

Sexta: Universos populos, ut filios, curare & amare, levia ab iis vectigalia exigendo, illorumque opera dumtaxat utendo, quando ab agricultura vel opere vacant, ut hi gaudentes ipsum, ut Patrem, redament.

Septima: Cujusvis artis & industriae opifices in suas terras accersere, diligentioribus & peritioribus majus, negligentioribus & imperitioribus minus stipendium distribuendo, ut opes & omnia ad vitam necessaria abundè semper suppetant.

Octava: Advenas, hospites, & externorum Principum Legatos venientes liberali benignitate excipere, redeuntes honore afficere, honorario vexillo ad vitandam remoram aut difficultates in via redeuntes cohonestando, necessaria venientibus suppeditando, eis munia con-

ferendo, eos laude proſequendo, ut hi undique in ſuum Regnum venire, in ſua ditione degere, in ſua curia ſervire geſtiant.

Nona: Omnes Regni clientelares Principes intra officii ſui limites continere, debitum clientelæ obſequium urgendo, abeuntes humanitate & munificentia cumulando, à venientibus pauca munera aut veſtigalia admittendo, illorum gloriæ & emolumento proſpiciendo, ut hi & ſuam majeſtatem revereantur, & ſuam poteſtatem timeant (C).

Deinde aliæ regiminis regulæ ſunt hæ quatuor: *Prima:* Princeps ſapiens ſuos conſanguineos nec indecorè deſerere, nec remiſſè diligere debet. *Secunda:* Primis Regni Miniſtris non debet præbere ſuâ diſtidentiâ irascentiæ occaſionem. *Tertia:* Nobiles antiquarum Familiarum Poſteros, niſi maxima vel improbitatis, vel perſidiæ cauſa ſubſit, non debet relinquere inhonoros aut dignitatis expertes. *Quarta:* Omnimodam in uno homine non debet exigere, aut quærere perfectionem (D).

Tertiâ, Regis virtutes. In Rege hæ maximè requiruntur: clara perſpicacitas ad cognoscendum totum Regni & rerum ſtatum, liberalis pietas ad conciliandos omnium animos, generoſa juſtitia ad ſervandas Recti leges, modeſta gravitas ad conciliandam ſibi auctoritatem, ſubtilis prudentia ad ſecernendum vitium à virtute, falſitatem à veritate, ſimulationem à ſinceritate (E).

Præterea requiritur benignitas, ſinceritas, diligentia, æquitas. Benignitate omnium animos in ſe colligit, ſinceritate omnium fiduciam ad ſe attrahit, diligentia omnia Regni negotia ad optimum finem perducit, æquitare omnium corda exhilarat (F).

Denique hæ duas præ ceteris requirit virtutes Memcius penè in toto ſuo libro, pietatem & æquitatem; pietatem ad miſerandos ſuos ſubditos, præſertim viduos, viduas, ſenes, liberis deſtitutos, orphanos; æquitatem ad docendos ſuos ſubditos verbo & exemplo honeſtatem (G).

Præterea Rex ſit diligens in diſtribuendo ſuo unicuique officio; non cogat ut injunctum opus fiat præcipitanter, leves culpas facile condonet (H).

Quartâ, Vita Principis ſeu Regis. Sunt hæ quatuor: *Primum:* Qui populum non inſtrui, & cum peccat, mox interficit, hic dicitur crudelis. *Secundum:*

cundum: qui non maturè de opere faciendo præmonet, & mox venit inspecturus, an sit factum, hic dicitur præcep. Tertium: Qui hæsitanter rem fieri jubet, & allapso illius faciendæ tempore, mox acriter urget ut fiat, hic dicitur perniciosus. Quartum: Qui viris bene meritis avare confert præmium, hic dicitur depositarius (I).

Quintò, Ministrorum & Praefectorum electio. Quod plurimi Regum interest, est habere solertes & sapientes Ministros, qui possint secum Regnum administrare. Rex enim nec potest per se singulis suis Subditis benefacere, nec singulos instruere; sed per suos Ministros & Praefectos id potest; atque hoc dicitur universalis pietas (K).

Deinde quod populus amat, est videre sapientes & industrios viros ad dignitates provectos; insipientes & ineptos à dignitatibus repulso; contrà, quod populus odit, est videre sapientes & industrios viros à dignitatibus repulso; insipientes & ineptos ad eas promotos. Rex ergo se debet populi affectui adaptare (L).

Adulatores Praefecti omninò arcendi; hi enim & Regi & Regno sunt origo exitii (M).

Præterea Rex debet habere primum Ministrum fidum ac rectum, qui noverit tum viros sapientes & industrios sine errore discernere, tum eos sine invidia proponere ad dignitates (N).

Denique Rex habeat unum ex Ministris admonitorem, cujus consilia audiat, & quocum deliberet (O). Olim Rex habebat septem admonitores; hinc fiebat, ut quamvis ipse malè viveret, suum tamen Regnum non amitteret (P).

Sextò, Tributi exigendi ratio. Tributum exigendum suas habet fixas leges; aliud est serici & cannabis tributum, quod aestate; aliud millii & orizæ, quod autumnò; aliud publicarum operarum, quod hieme exigi solet. Sapiens & pius Princeps, horum trium tributorum unum dumtaxat singulis vicibus exigit, & alterum in suum tempus differt. Si enim duo simul exigeret, multi egestate & fame perirent; si tria simul, tunc populus dissiparetur, incolæ patrium solum verterent, liberi à Parentibus, mariti ab uxoribus divelli cogerentur, totumque Regnum vigore destitutum in lapsum rueret (Q).

Moderata tributa Rex à populo exigit, malitque esse minùs dives, quam minùs pius. Statuta olim regula exigendi ab Agriculis tributi,

erat decimam fruſtuum partem accipere ; atque ita ſi anni aut ſteriles, aut fertiles erant, æqualem Rex & populus jacturam vel lucrum ſubibant (R).

Textus Librorum.

- A. 1. Lib. *Su xu che kiy* tom. 1. in Libr. *Ta Hio* artic. 9. ſic : Quod ſuprà ait Confucius : *Ad Regnum rectè gubernandum, prius oportet domum ſuam pace, concordia, pulchro diſciplinæ ordine temperare*, his verbis ſignificat quòd ſolidiſſima Regni bene gubernandi baſis, ſit recta domùs bene ordinata diſciplina, quæ ex probis Patrifamilias moribus, rectæque ejus vivendi ratione oritur. Siquis enim Paterfamilias morum & vitæ ſuæ exemplo nequeat domum ſuam inſtruere, fieri certè non poterit, ut Regnum valeat inſtruere. Quocirca Princeps ſapiens in id unum debet maximè incumbere, ut tota ſua domus optimè ſit inſtructa. Hinc fiet, ut quamvis ipſe domo non exeat, abſolutiſſimam tamen toti Regno inſtructionem feliciffimo ſucceſſu ſit traditurus. Quia domus & Regni inſtructio, eandem utraque complectitur rationem ; quo enim honore inſerviendum eſt Parenti, eodem inſerviendum eſt Regi ; quâ reverentiâ obtemperandum fratribus ſenioribus, eadem obtemperandum Magiſtratibus ; & quâ benignitate imperandum liberis ac domeſticis, eadem imperandum populis.
- B. 2. Idem Lib. ibidem in artic. 10. ſic : Quod ſuprà ait Confucius : *Ubi quæ Princeps ſuum Principatum bene gubernat, poteſt ſuo exemplo totum ipſum imperium commovere, componere, tranquillare*, his verbis ſignificat regulam, quâ debet uti Princeps ſapiens ad bonum regimen, eſſe ſuum ipſius animum ; ex ſuo enim animo poteſt aliorum omnium animos metiri. Unde ſi ipſe pro debito erga ſuperiores obſequio, accuratum Patri & Matri ſuæ cultum præſtiterit, ſtatim omnes ſui Principatûs populos ad eundem cultum exciet. Si ipſe pro debita erga ſeniores reverentia, exactum fratribus ſuis ſenioribus honorem detulerit, ſtatim omnes ſui Principatûs populos ad eundem exciet. Si ipſe pro debita erga orphanos & pupillos domeſticos commiſeratione, ſingularem ſuis domeſticis benignitatem exhibuerit,

rit, statim omnes sui Principatûs populos ad eandem exciet. Itaque quemadmodum sua est artificii norma, quâ res metitur & quadratas reddit; ita est suus Principi animus, quo aliorum animos metiatur, & rectos efficiat. Metiendi autam aliorum animos modus, est hic: Quod tibi displicet in superiore, noli tu superior imperare inferiori; quod tibi displicet in inferiore, noli tu inferior præstare superiori, &c.

C. 3. Lib. *su xu che kjay* tom. 3. in Libr. *Chum yim* artic. 20. sic: Hæ novem generales gubernandi leges sunt omni Imperatori necessariæ: Prima dicitur, suos mores & vitam rectè componere. Secunda, viros sapientes singulari honore afficere. Tertia, Parentes ac consanguineos intimo amore complecti. Quarta, primos imperii Ministros honorificentissimè habere. Quinta, reliquos omnes Præfectos, & dignitatum candidatos, ut seipsum spectare. Sexta, universos populos, ut filios, curare. Septima, cujusvis artis & industriæ opifices in suas terras accersere. Octava, advenas, hospites, & externorum principum Legatos liberali benignitate excipere. Nona, Omnes Imperii Regulos & clientelares Principes intra officii sui limites continere. Si enim Imperator mores & vitam suam rectè composuerit, tunc clarissimum vivendi exemplar, quod omnes imitentur, evadet. Si viros sapientes singulari honore affecerit, tunc eorum consiliis & documentis instructus, nulla in re sive ad vitam suam componendam, sive ad alios regendos spectante errabit. Si Parentes ac consanguineos intimo amore complexus fuerit, tunc Patruï, avunculi, fratres omnes, aliique propinqui unanimi consensu & conatu in tuendam illius dignitate atque opibus sine invidia ulla aut indignatione conspirabunt. Si primos Imperii Ministros honorificentissimè tractaverit, tunc ubi magni ponderis negotia arduæ difficultates occurrent, eorum potestate, auctoritate, prudentiâ adjutus, quid deliberandum, quid statuendum, quid agendum fuerit, dilucidè discernet. Si reliquos omnes Præfectos ac dignitatum candidatos, ut seipsum spectaverit, tunc hi in exequendo ritè suo officio omnes vires intendent, ut se gratos erga tantam Imperatoris comitatem ac benevolentiam præbeant. Si universos populos, ut filios, curaverit, tunc hi ingenti lætitia

perfuſi illum, ut Patrem, redamabunt. Si cujuſvis artis & induſtriæ opifices in ſuas terras accerſiverit, tunc hi omnia, quæ ad vitam ſunt neceſſaria, affatim ſuppeditabunt. Si advenas, hoſpites, externorum Principum Legatos liberali benignitate exceperit, tunc hi ex quatuor orbis partibus auditâ virtutis famâ certatim confluent, ut in ejus ditione ſedem figant, vel in ejus aula ſua præſtent obſequia. Denique ſi omnes Imperii Regulos & clientelares Principes intra officii ſui limites continuerit, tunc hi & ejus majeſtatem reverebuntur, & ejus potentiam timebunt.

Jam verò ſi velit mores ſuos & vitam rectè componere: diligenter præſcriptas abſtinentias ſervet, munditiem colat, modeſto ac gravi veſtitu induatur, nihil indecorum, nihil turpe committat. Si velit viros ſapientes ad ſibi inferiendum exſtimulare: detractores homunculos atque adulatores procul à ſe ſummoveat, illecebrosus pulchritudines rejiciat, divitias parvi pendat, unam virtutem magni faciat. Si velit Parentes & conſanguineos ad mutuum & reciprocum amorem excitare: illorum nobilitatem revereatur, cenſus augeat, ſimul amet quod illi amant, & ſimul oderit quod illi oderunt. Si velit primos imperii Miniſtros ad ſedulitatem impellere: multos illis ſubjiciat Præſectos, quibus poſſint minoris ponderis res committere. Si velit reliquos omnes Præſectos & dignitatum candidatos ad ſuum munus ritè peragendum commovere: ſincere & candidè illos tractet, largiſque ſtipendiis donet. Si velit univerſos populos ad ſui amorem & venerationem allicere: illorum operam commodo tantùm tempore & ab agricultura libero, exigat, leviaque tantùm vectigalia ab illis requirat. Si velit cujuſvis artis & induſtriæ opifices ad laboris ſcivorem animare: illorum opus ſingulis diebus inſpiciendum, ſingulis menſibus examinandum curet, diligentioribus paulò plùs, negligentioribus paulò minùs orizæ & carnis in ſtipendium dari jubeat. Si velit advenas, hoſpites, externorum Principum Legatos liberali benignitate excipere: illos cùm redeunt, honorario donet vexillo, quo nihil remora aut moleſtiæ in imperii limitibus & fluviorum trajectu patiantur à cuſtodibus; illis, cùm veniunt, omnia quæ ſunt ad uniufcujuſque ſtatum neceſſaria, abundè & liberaliter ſuppeditet; qui

vir-

virtute inter illos præstant, eos laude & existimatione prosequatur, & eis juxta cujusque industriam munus conferat; qui autem industria carent, eos comitate ac benignitate recreet, nec invitos agere quidquam compellat. Denique si velit omnes Imperii Regulos & clientelares Principes intra officii sui limites continere: qui sine heredibus mortui sunt, propinquiores illorum consanguineos exquirat, & in Defunctorum dignitatem substituat ad colendos suos Majores defunctos, & ad Parentales statis anni temporibus Cere-
monias faciendas. Qui ob tumultus & bella Regnum cum vita amiserunt, illorum liberos aut nepotes in paternum Regnum reponat, tumultus sedet, bella extinguat, omnes difficultates ac pericula propulset, regendi artem eos doceat. Deinde jubeat, ut omnes illi clientelares Principes ac Reguli suis temporibus clientelæ obsequium diligenter præstent; nimirum ut singulis annis unum ex inferiori ordine Præfectum, singulis trienniis alium ex superiori ordine in Curiam imperialem mittant; singulis quinquenniis ipsimet veniant, debitum honoris & vectigalis pensum persolaturi. Denique abeuntes omni humanitatis & munificentiae genere cumulatos dimittat; venientes cum paucis muneribus & vectigalibus admittat.

D. 4. Lib. Sentent. artic. 18. sic: Princeps *Chen Kum* instructurus suum filium *Pe kin*, jure hereditario creatum Regni *Lu* Regulum, sic eum alloquitur: Hæc quatuor potissima Regni fundamenta, menti altè infige: Primum: Princeps, &c. Ut supra in contextu.

E. 5. Lib. *Su xu che kin* tom. 3. in Libr. *Chum Tum* artic. 31. sic Doctor *Tsu su*: Solus ille vir, qui summa & virtute & scientiâ perfectus est, potest sua perspicaci, clara, solerti, docta sapientia Imperium regere; sua liberali, magnifica, benigna, mansueta pietate omnium animos sibi conciliare; sua forti, intrepida, firma, constanti justitiâ inconcussas Æqui ac Recti leges servare; sua gravi, modesta temperata, vera honestate auctoritatem & reverentiam sibi conciliare; sua subtili, circumspecta, accurata, matura prudentiâ vitium à virtute, falsitatem à veritate, turpitudinem ab honestate discernere.

F. 6. Lib. Sentent. artic. 20. Historicus generatim resumeas omnium
Im.

Imperatorum *Tao, Xun, Yu, Tam, Vu* regimina, ſic ait : Itaque ad ritè gubernandum hæ quatuor virtutes in Principe requiruntur : benignitas, &c. Ut ſuprà in contextu.

- G. 7. Lib. *Su xu che kia* tom. 13. in Libr. 1. Memcii cap. 1. *Leam hoi vam xam* ſic alloquitur Memcius Principem *Leam hoi vam* : Itaque ſi rectè Regnum, Rex, adminiſtrare volueris, loquere & cole unam pietatem & æquitatem ; ad quid opus loqui utilitatem & lucrum ?

Ibidem paulò infrà ſic : Quænam ergo virtutes, inquit *Leam hoi vam*, requiruntur ad rectè gubernandum ? æquitas & pietas, reponit Memcius. Si enim æquitate & pietate Princeps pacem ac ſecuritatem populo procuret, ſi illum foveat ut filium, ſi illi de omnibus ad viſum, veſtitum, habitationem neceſſariis propiciat ; tunc omnes ad eum, ut filii ad Patrem, accurrent, nec ullus eos retinere aut avocare poterit.

- G. 8. Lib. *Su xu che kia* tom. 14. in Libr. 1. Memcii cap. 2. *Leam hoi vam hia* ſic : Princeps *Ven vam* ita olim ſuum Principatum adminiſtrabat : ex agricolis decimam tantum fructuum partem pro tributo exigebat ; defunctorum Præſectorum filiis ac nepotibus congrua ſtipendia assignabat. In ingreſſu & egreſſu Regni, in publicis deponendarum aut extrahendarum mercium tabernis ac foro inſpiciebatur tantum peregrinus advenarum veſtitus ac idioma, nè quid damni ab occultis latronibus ac prædonibus pateretur publica tranquillitas : non verò ipſæ merces certo tributo taxabantur. Nemini interdicebatur in publicis piſcinis ac lacubus piſcacio. In plectendis reis non extendebatur poena ad reorum uxores, aut liberos. Imò longè adhuc ulterius ſeſe extendebat regia ejus pietas. Senes uxore orbat, dicuntur vidui ; ſenes liberis deſtituti, dicuntur ſoli ; pueri Parentibus deſtituti, dicuntur orphani. Hæc quatuor hominum genera præ ceteris cenſentur miſera & egena ; non enim habent apud quem ſuas miſerias ac querelas deponant, nec cujus patrocinio innitantur, aut ad quem confugiant. Ideò quamvis Princeps *Ven Vam* ſe omnibus pium ac benignum præberet ; hæc tamen quatuor hominum genera ſingulari pietate ac commiſeratione complectebatur & adjuvabat.

- H. 9. Lib. *Lun Yu* artic. 13. ſic : Diſcipulus *Tſay Ngo* interrogavit Confucium

um

um de regimine : cui Confucius : Primum, inquit, distribue diligenter suum cuique officium ; tunc opus poterit ritè perfici. Leves faciliè culpas condona. Sapientes & industrios viros promove.

I. 10. Lib. *Lun yu* artic. sic discipulus *Tsu cham* interrogat Magistrum suum Confucium : Dic, precor, quænam sunt quatuor Principis vitia ? hæc sunt, reponit Confucius : primum : Qui populum non instruit, &c. Ut suprà in contextu.

K. 11. Lib. *Su xu che k'ay* tom. 17. in Libr. 1. Memcii cap. 5. *Tin ven kum xam* sic Memcius : Imperatoris ac Regis maxinè interest habere sapientes ac solertes Ministros ; & in hoc potissimum elucet illorum in populos pietas. Facultates egenis distribuere, dicitur beneficentia ; sed quonam modo potest Rex eos singulis distribuere ? honestatem ignorantes docere, dicitur charitas ; sed quonam modo Rex potest singulos docere ? hac ergo sola ratione potest Princeps & omnes egenos sublevare, & omnes ignorantes docere, si fidos, sapientes, solertes Ministros habuerit ; atque hoc dicitur universalis pietas.

L. 12. Lib. *Su xu che k'ay* tom. 1. in Libr. *Ta Hio* artic. 10. sic : Omni diligentia debet Princeps sapientes viros ad dignitates evehere. Si virum sapientem ac probum videat, nec ad dignitatem evehat ; vel si evehat quidem, sed tardè, censetur illum contemnere ; contrà, si insipientem & improbum videat, nec à dignitate summoveat aut arceat ; vel si arceat quidem aut summoveat, sed non procul, censetur officio suo deesse. Siquidem quod populus amat, est videre sapientes ad dignitates evectos, insipientes à dignitatibus proscriptos. Contrà, quod populus odit, est videre sapientes à dignitatibus proscriptos, insipientes ad dignitates evectos.

Jam verò si Princeps amet quod populus odit, & oderit quod populus amat, naturali certè humani cordis dictamini adversatur ; atque ita exacerbatis populi voluntatibus suprema mala haud dubiè in caput suum accerset.

M. 13. Lib. *Su xu che k'ay* tom. 1. in Libr. *Ta Hio* artic. 10. sic : Quod autem quidam Principes magis suam utilitatem, quàm publicam æquitatem querant, totique in exigendis tributis, & corradendis undique opibus occupentur, id provenit ex istis fraudulentis homin-

culis, qui illos vana honoris & publici emolumentis specie deludunt. Ab his igitur magnoperè Principi cavendum est. Si enim illos homunculos ad regimen adhibuerit, confestim una tributa, unas divitias, ut solertiæ & consiliorum suorum metam, spectabunt; atque ita omnium animos exacerbabunt. Hinc innumera tum à cælo, tum ab hominibus mala evenient; & quamvis vel tunc nonnullos adhuc reperias viros sapientes & probos; cum tamen ipsi tantis malis nec mederi possint, nec medendi modum inveniant, quid proderunt?

- N. 14. Lib. *Su xu che kjay* tom. 1. in Libr. *Ta Hio* artic. 10. sic: Ut autem possit Princeps viros sapientiâ ac virtute præditos ad dignitates evehere, debet habere primum Ministrum fidum ac rectum, qui valeat illos dignoscere, feligere, promovere, uti asserit liber *Annalium Imperialium Xu Kim*, ubi *Regulus Mo kum regni cin*, seu *Xen Si* accepta ingenti clade à *Siam Kum* *Regulo Regni Cin* seu *Xan Si*, illati poenitens belli, sic in comitiis suos Procere alloquitur: Nunc autem hoc maxime meditor, utrum possim vel unum inconcussæ virtutis virum, etsi nullis aliis dotibus, quàm magno, pacato, recto animo præditum reperire, qui dum videbit aliquem præclaris dotibus instructum, eum non aliter diligit, ac si ipse met eas haberet. Dum videbit alium spectabili forma, ingenio, scientiâ excellentem, eo non aliter gaudeat in corde, quàm in ore eum deprædicat; ejusmodi vir posset certè viros ad dignitates aptos, industrios, sapientes feligere ac proponere, meis Posteris Regnum ac populis pacem conservare, optimique Ministri officium agere, ita ut ex illo non mediocris sequeretur utilitas. Si autem habuerim Ministrum suæ industriæ ostentatorem, simulatorem, corde depravatum, qui dum videbit aliquem præclaris dotibus instructum, statim invidiâ & æmulatione correptus illum persequetur; dum videbit alium spectabili formâ, ingenio, scientiâ excellentem, statim illi ita adversabitur, ut non possit à me cognosci, nec apud me accessum invenire; ejusmodi vir certè nullo modo poterit viros ad dignitates aptos feligere ac proponere, nec meis Posteris Regnum, populis pacem conservare; quin imò, ut dicitur, cave tibi ab ejusmodi homine.

- O. 15. Lib. *Su xu che kiaj* tom. 16. in Libr. 1. Memcii cap. 4. *Kum sun cheu hia* sic Memcius: Ab omni ævo semper videre fuit, ubi aliquis Princeps grande aliquid moliri meditatus est, eum continuo ad Sapientum consilia confugisse, singularemque illis honorem detulisse; quin imò inter eos semper unum fuisse, quem ad se accersere non audebat; sed siquid exoptabat addiscere circa regiminis modum, vel siquid deliberandum aut consultandum erat circa publicam utilitatem, ipse consensu curru ad eum pergebat, & eum consulebat. Hic urbanitatis ritus Principem inter & sapientiæ Magistrum semper viguit.
- P. 16. Lib. *Siao Hio* cap. 2. artic. 6. sic: Olim Imperator habebat septem admonitores; hinc quamvis ipse malè viveret, suum tamen imperium non amittebat. Regulus habebat quinque; hinc quamvis ipse malè viveret, suum tamen Regnum non perdebat. Primarius Præfectus habebat tres; hinc quamvis ipse malè viveret, suam tamen domum perditum non ibat. Sapientiæ Alumnus unum ex amicis habebat admonitorem; atque ita boni nominis famà non excidebat. Pater filium habebat admonitorem; atque ita in manifesta scelera non præceps ibat. Idcirco dum Pater in crimina ruit, debet filius Patrem; dum Rex: debet Minister Regem commone.
- Q. 17. Lib. *Su xu che kiaj* tom. 26. in Libr. 2. Memcii cap. 8. *Cin sin hia* sic Memcius: Tributi exigendi ordo suas fixas habet leges. Aliud est serici & cannabis tributum, quod Æstate; aliud milii & orizæ, quod Autumno; aliud publicarum operarum, quod Hieme exigi solet. Sapiens Princeps ac pius horum tributorum unum dumtaxat singulis vicibus exigit, & aliud in suum tempus differt. Si horum duo, uno eodemque tempore simul exigeret, multi egestate ac fame perirent; si tria: populus omnis dissiparetur; incolæ patrium solum verterent; liberi ac Parentes à se invicem divelli cogentur, totumque Regnum vigore destitutum, in exitum rueret.
- R. 18. Lib. *Su xu che kiaj* tom. 17. in Libr. 1. Memcii cap. 5. *Tem ven kem xam* sic Memcius: Quocirca prisci sapientes Principes venerabundam modestiam, & prudentem parcimoniam sedulo servabant. Il-

lâ modestiâ omnes sive Magistratus, sive populos perhumaniter tractabant ; hac parcimoniâ tributum à populo moderatè exigebant ; malebântque esse minùs divites, quàm minùs pii, juxta id quod olim aiebat Præfectus *Tam Hu* : Princeps qui vult fieri dives , non potest esse pius ; & qui vult pius esse , non potest fieri dives.

Ibidem paulò infrâ sic : Quamvis omnes isti Imperatores antiqui pro tributo unam tantùm decimam vel undecimam partem exigèrent, modus tamen illud exigendi dictus *Tsou*, sub Imperatoribus Familix *In* usitatus, longè præstabat & æquitate & benignitate alteri modo dicto *Kum*, qui sub Imperatoribus Familix *Hia* servabatur, &c. (vide suprâ) modus enim *Kum* quovis anno semper eundem definiti valoris numerum exigebat ; hinc felicibus fertilitatis annis, quando exuberantissimè herbescens seges, à lupis, ut dicunt, pertranscuntibus dejecitur, & copiosissima messis colligitur, quamvis tunc aliquid plus potuisset exigi sine ulla sævitix nota, ille tamen modicus præscripti valoris numerus solummodò exigebatur, nec id beneficii loco habebatur. Contrâ, infelicibus sterilitatis annis, quando agri sedulò licèt exculi, magnisque sumptibus stercorati, non reddebant plenam & sufficientem messem ; tunc etiam completus præscripti valoris numerus omni cum rigore, & cum populi damno ac querela exigebatur, &c. In modo autem tributi exigendi dicto *Tsou*, dum anni erant steriles aut fertiles, Rex & populus æqualem jacturam aut lucrum adibant.

Paragraphus Secundus.

De Magistratibus.

SEx sunt quæ in Magistratibus desiderantur :

Primum, est finis, quem debet sibi Magistratus proponere ; hîcque debet esse bonum Regni regimen, non suæ paupertatis levamen (A). Pudendum est enim Regis ali stipendiis, & Regni regimen negligere (B). Debet igitur promovere bonum Regni regimen instar fertilis agri, qui facit plantas celeriter crescere (C).

Secundum, est honor, quem Regi præstare tenetur ; unde hæc præscribuntur : Præfectus Regem aditurus præmittat præscriptam solita-

rum

rum rerum abstinentiam , cum uxore non dormiat , corpus lavet , pugillares capiat ad scribendum tum ea , quæ ipse vult Regi dicere , tum ea quæ ipsi Rex dicet ; aulicâ veste induatur ; totus corporis habitus sit ritè compositus ; Regis jussum in sequentem diem non differat. Si nuncium ad Regem mittat , indutus veste aulicâ euntem dimittat , redeuntem descendens ex aula excipiat. Si Rex equum vel currum ei donet , mox illo vectus ; si vestem , mox illâ indutus Regem adeat gratias acturus. In palatio & coram Rege accuratam modestiam & venerationem servet (D).

Tertium , virtutes , quas colere debet Magistratus. Sit semper instar meditabundi , gravis ac reverens. Fixè ac pacatè loquatur ; noverit esse familiaris & gravis , ut possit & amari & coli. Dum quem amat , non ignoret ejus naves ; dum quem odit , non ignoret ejus perfectiones. Voluptates intra honestatis terminos coarctet ; accumulando divitias , noverit eas dispergere ; quærendo commoditatem , noverit eam æquitati coaptare ; videns opes , nolit eas injustè habere ; videns pericula , nolit ea injustè effugere ; altercando non quærat victoriam , sed veritatem ; partiendo non quærat excessum , sed æquitatem ; dubitando , non rem determnet ; opinando , non rem affirmet ; in vultus specie prodant animi candorem ac sinceritatem (E).

Deinde has quatuor virtutes constanter servet : Venerandam modestiam in suis moribus , exactam diligentiam in Regis negotiis , sollicitam liberalitatem in populi sustentatione , rectissimam æquitatem in subditorum regimine (F).

Deinde hæc etiam quinque in eo requiruntur : gravitas , facilitas , veritas , solertia , beneficentia. Et hæc tres : integritas , cautela , cura (G).

Quartum , vitia , quæ cavere debet Magistratus. Caveat arrogantiam , & aliorum despectum , effrænes libidines , suæ sententiæ obstinationem , in verbis abjectionem ac turpitudinem (H). Caveat à subito exandescens bilis impetu , à falsificandis autographis , ab iniquis opum quærendarum viis ; novi Præfecti non sinant se à suis Ministris irretiri (I).

Quintum , documenta , quæ debet suis populis inculcare Magistratus. hæc sunt præcipua : Pater æquitatem , & Mater benignitatem erga li-

beros, frater senior benevolentiam erga fratrem juniorem, frater junior reverentiam erga fratrem seniore, liberi obedientiam erga Parentes, maritus & uxor mutuum amorem erga se invicem, vir & femina vitæ diversitatem diligenter observent. Pueri studiis applicentur. In matrimoniis & exequiis celebrandis vicini se invicem adjuvent; rei agrariæ gnaviter vacent; à furtis, ludis, litibus abhorreant; videant nè bonos malitiosè decipiant, aut pauperes opprimant (K).

Sextum, Regula, quas debet servare primarius Regis Minister. Regem non decipiat, errantem confidenter admoneat, ad res heroicas exstimulet; judicare enim Regem suum rebus heroicis imparem, est verè eum contemnere. Si non possit Regi inservire, ut æquitas postulat, se suo officio abdicet. Postquam uni Regi inserviit, ad alium non transeat (L). Caveat à stimulando Rege ad opes per fas & nefas quærendas, ad bella aliis injustè inferenda (M); vitæ exemplo Regi & aliis præluceat (N).

Textus Librorum.

- A. 1. Lib. *Su xu che kiy* tom. 2.2. in Libr. 2. Memcii cap. 4. *Van cham bia* sic Memcius: Adeundi Magistratûs finis, quem vir debet sibi proponere, non est suæ paupertatis levamen, sed bonum Regni regimen. Aliquando tamen potest quispiam inopiâ compulsus, illum adire ad sublevandam suam paupertatem; sicut matrimonii ineundi finis licet sit propagatio sobolis, non acquirendi alimenti utilitas; aliquando tamen potest, qui labore nescit, ad acquirenda alimenta matrimonium inire. Verùm qui ad sublevandam suam paupertatem capessit Magistratum, convenit, ut sublimiores dignitatum gradus à se removeat, subsistendo in humilioribus; & ditiora eorum stipendia rejiciat, pauperioribus contentus; sic enim melius poterit suo officio perfungi, & tranquilliorẽ vitam ducere.
- B. 2. Lib. *Lun yn* artic. 10. discipulus *Hien* interrogavit Magistrum suum Confucium quidnam censeret in hoc mundo esse pudendum? sic illi Confucius: sive bene, sive malè Regnum gubernetur, nullâ hujus rei habitâ curâ, unis dumtaxat suæ dignitatis stipendiis comedendis vacare, id certè pudendum est.

C. 3.

- C. 3. Lib. *Su xu che kiy* tom. 3. in Libr. *Chum Tum* artic. 20. sic: Quod præstare decet virum in dignitate constitutum, est omni cum diligentia & celeritate procurare bonum regimen instar fertilis terræ, quæ plantas omni cum celeritate ad debitum incrementum perducit. Hujusmodi autem viri regimen tam facili suum effectum, quàm juncus & arundo suum incrementum sortitur.
- D. 4. Lib. *Siao Hio* cap. 2. §. 2. sic: Præfectus, inquit liber Rituum, Regis palatium aditurus, postquam præmisit consuetam variarum rerum abstinentiam, in exterioris aulæ cubiculo pernoctavit, (id est, ab uxore separatus,) corpus & faciem lavit, pugillares à scriba accepit ad scribendum tum ea quæ ipse vult Regi dicere, tum ea quæ ipsi Rex dicet, aulicam vestem induit, vultum in speculo inspexit num habitus bene quadret, pendulam ab utroque latere suppellectilem examinavit, num bene consonet; tunc demum pedem domo efferat.
- D. Ibidem sic: Quicumque, inquit liber Rituum cap. *Kio Li*, Regis jussum deferendum accipit, non illud differat in sequentem diem, sed statim deferat. Ubi venerit ad domum destinatam, confestim Herus extra portam profundâ reverentiâ illud excipiat, seque indignum testetur, ut hoc in suam domum afferatur. Redituro latiori rursus extra portam, profundam exhibeat reverentiam. Si vero Præfectus mittat aliquem ad Regis palatium, veste aulicâ indutus abeuntem dimittat; redeunti occurrat ad gradus aulæ domesticæ, ibique Regis jussum excipiat.
- D. Ibidem sic: Si Rex, inquit liber Rituum cap. *To Tiao*, vel equum vel currum donet Præfecto, mox illo vestus; si vestem, mox illâ indutus adeat Regis palatium ad gratias agendas. Si Imperator ejusmodi munus Reguli Legato dederit, Legatus redux non ausit, priusquam Regulo illud aut ostenderit aut obtulerit, vehi isto curru vel equo, seu ista veste indui.
- D. Ibidem sic: Si Regulus, inquit liber *Lun ju*, Confucium accersebat ad recipiendum Regulum hospitem, mox totus vultus gravitate ac reverentia immutabatur, pesque modestiâ tardus quasi reptabat, &c. Cum palatii portam subibat, ita venerabundè sese incurvabat, quasi ipsum capere non posset, &c. Dum transibat ante Ro-

guli thronum, mox totus vultus venerationem demonstrabat, len-
tòque gradu pedes modèstè atrollebat, & os quasi mutum videba-
tur.

- E. 5. Lib. *Siao Hio* cap. 3. §. 1. sic: Si vir Princeps, inquit liber Rituum
cap. *Kio Li*, sit semper gravis ac reverens instar meditabundi, fixè-
que ac pacatè loquatur, quàm bene populos & reget & pacabit! ar-
rogantiam & aliorum despectum non sinat in se exurgere, effræni
libidini non obsequatur, suæ sententiæ arroganter non adhæreat,
voluptatem intra honestatis terminos coërceat, noverit esse fa-
miliaris & gravis, ut possit & amari & coli; quem amat, &c. Ut
suprà in contextu.

Ibidem paulò infrà sic: Tria sunt, inquit Confucii discipulus *Cem
Tsu*, quæ sapiens Præfectus plurimi debet facere: Primò, in gestu &
corporis motu fugiat omnem aliorum despectum, & arrogantiam.
Secundò, in componenda vultus specie, prodat animi candorem
ac sinceritatem. Tertiò, in proferendis verbis vitet omnem abje-
ctionem ac turpitudinem.

- F. 6. Lib. *Lun yu* artic. 5. Confucius agens de primario Regni *Chin* Præ-
fecto *Tsu Chan* sic aiebat: Virtutes quatuor, quæ in sapiente Præse-
cto requiruntur, vir ille eximius omninò possidebat; nimirum ve-
nerandam, &c. Ut suprà in contextu.

- G. 7. Lib. *Lun yu* artic. 17. sic: Discipulus *Tsu Chan* interrogavit Confu-
cius quis dici ac censeri possit pius? qui potest, inquit Confucius,
quinque præstare ac servare in ordine ad imperium, hic potest di-
ci ac censeri pius. Quænam, rogo, sunt illa quinque, reponit *Tsu
Chan*? hæc sunt, ait Confucius: Gravitas, facilitas, veritas, soler-
tia, beneficentia. Siquis enim sit gravis, despectum non incur-
ret; si facilis, omnium animos sibi devinciet; si verax ac sincere-
rus, illi omnes fident; si solers, negotia perficientur; si beneficus,
omnibus poterit imperare.

- G. 8. Lib. *Siao Hio* cap. 5. §. 2. Virtutes, inquit Doctor *Liu*, quæ in Præ-
fecto requiruntur, sunt hæc tres: integritas, cautela, cura. Qui
harum trium munia callet, is se componendi artem novit.

- H. 9. Vide hic suprà num. 5. litteram E.

- I. 10. Lib. *Siao Hio* cap. 5. §. 2. sic Doctor *Hui*: Juniores novi Præfecti
ple-

plerumque in principio à suis fraudulentis Ministris se sinunt incauti decipi ; nec considerant quàm sit exiguum illud , quod eorum ope consequantur. Hinc fit , ut intra illorum Magistratûs triennium nullus sit , qui bis ad eos pro negotio ausit vel velit recurrere. Denique dum Præfectus est lucri & opum avidus , quod ipse obtinet , est valde modicum ; & quod Ministri sùrripiunt , est valde magnum ; ac deinde in graves pœnas incurrunt. Annon sanè deplorandi ?

- I. Ibidem sic : Præfectus debet inprimis cavere à subita & excandescenti iracundia. Siquid factu difficile occurrat , priusquam illud definiat , maturè illud perpendat ; sic nihil à recta ratione dissonum agat. Si autem irâ ebulliens præproperè ad opus evolet , sibi uni , non aliis nocebit.
- I. Ibidem sic : Præfectus in rebus agendis unam veritatem spectet. Qui enim v. gr. in aliquo autographo fraudulenter alios characteres substituunt ; diem , mensem vel annum immutant , præteriti judicis sententiam aut sigillum falsificant , vix ex illis millesimum reperies qui non detegatur , sibi que gravissimas sceleris pœnas non arceffat.
- K. 11. Lib. *Siao-Hio* cap. 5. §. 1. sic : Præfectus *Chin* , Gubernator urbis *Sien Kiu* his monitis suum populum instruebat : Vos , quorum mihi cura commissæ est , hæc diligenter custodite : Pater æquitatem & Mater benignitatem erga liberos , frater senior benevolentiam erga fratrem juniorem & junior frater reverentiam erga fratrem seniore , liberi obedientiam erga Patrem & Matrem , maritus & uxor amorem erga se invicè , vir & femina vivendi diversitatem servant. Pueri studiis vacent ; in publicis oppidi aut vici conviviis urbanitas regnet ; in paupertate & arumna consanguinei sibi invicem opem præstent ; in matrimoniis & funeribus vicini se invicem adjuvent ; rei agrariæ sedulam operam dent coloni ; omnes à furtis cavere ; alea & pravis ludis abstinete ; lites fugite ; nolite vestrà improbitate freti , probos decipere ; vestris divitiis nixi , pauperes deglutire ; in via senioribus ac superioribus transitum , in agro conterminis colonis terminos lubenter cedite ; juniores non ferant , ut viri jam canescentes onera humeris per vias portent. Si hæc servetis , brevi præ-

D d

præclaros mores, honeſtatem, æquitatem ubique vigere videbitis.
 L. 12. Lib. *Siao Hio* cap. 2. §. 2. ſic : Primarius Regis Miniſter, ait Con-
 fucius, dum regiam aulam adit, explere omnes ſui muneris partes;
 dum ab ea recedit, Regis culpas refarcire, virtutes imitari, vitia re-
 primere meditatur. Hinc Rex & Miniſter mutuum inter ſe amo-
 rem ac benevolentiam fovant.

Ibidem idem ſic: Præclarus Regni Miniſter ille dicendus eſt, qui
 juxta æquitatis leges Regi inſervit. Si autem juxta æquitatis le-
 ges nequeat illi inſervire, ſe ſuo abdicat officio.

Ibidem ſic: Diſcipulus *Iſu lu* interrogavit Confucium quomodo
 primum Regni Miniſtrum oporteat Regi inſervire? Regem, inquit,
 non decipiat; ſed errantem confidenter admoneat.

Ibidem Confucius ſic: Quomodo ſanè viles illi homunculi, qui
 non publicum, ſed ſuum tantum quærunt emolumentum, poſſunt
 Regi inſervire? ubi dignitatem, quam ambiunt, nondum adepti
 ſunt, toti anxii timent, ut eam non adipiſcantur; poſtquam ade-
 pti ſunt, toti anxii timent, nè amittant; quia autem adeò timent
 nè amittant, ideò nullum eſt ſcelus, quod non perpetrent, ut eam
 conſervent.

L. 13. Lib. *Siao Hio* cap. 2. §. 2. ſic Memcius: Regius Miniſter, qui ſuis
 conſiliis & monitis Regem ad ardua & præclara facinora exſtimulat,
 interiori; qui ſuis reprehentionibus eum ad virtutem excitat & à vi-
 tiis deterret, exteriori reverentiâ illum colere cenſetur. Contrà,
 qui ait: Rex noſter arduis illis Heroum facinoribus gerendis ac te-
 nendo eorum regimini impar eſt, is Miniſter verè ſuo Regi nocere,
 verè ſuum Regem odiſſe cenſendus eſt.

Ibidem idem ſic: Præfectus ſi non poſſit, ut par eſt & æquitas exi-
 git, fungi ſuo officio, Magiſtratum abdicet.

Ibidem ſic: Nec fidus Miniſter, inquiebat *Van Cho*, duobus Regi-
 bus inſervit; nec caſta mulier duobus maritis nubit.

M. 14. Lib. *Su xu che kia* tom. 24. in Libr. 2. Memcii cap. 6. *Kao iſu hia*
 ſic Memcius: Sapiens Miniſter debet in Regis obſequio omnes ner-
 vos ac vires contendere, ut eum, dum aberrat, in reclam virtutis
 viam reducat; & efficere, ut omnia quæ Rex meditatur aut moli-
 tur, pietati & æquitati congruant. Sed nunc longè alia ſunt ho-
 mi-

minum judicia. Siquis Regius Minister jactabundè dicat: multi, Rex, illic agri steriles & inculti sunt; ego possum efficere, ut diligenti labore exculti, ingentes quotannis fructus tibi, Princeps, reddant, publicumque ararium opibus facile replebo. Hujusmodi ostentator, confestim tanquam fidus & optimus Minister, omnium ore celebratur, qui tamen olim tanquam patriæ prædo & populi pestis, horrore & odio habitus fuisset. Ubi enim Rex nec pietatem, nec æquitatem spectat: siquis Minister per fas & nefas illum ditare conetur, hic dicitur velle alterum *Kie* omnibus exosum ditare. Deinde ecce alius tumido ore: ego, inquit, possum, Rex, tibi omnium vicinorum Principum amicitiam conciliare, bellique foedus ac societatem inire; & si pugnare oportuerit, ausim tibi certam victoriam polliceri. Hujusmodi ostentator, nunc tanquam fidus & optimus Minister habetur, qui tamen olim patriæ prædo ac populi pestis habitus fuisset. Ubi enim Rex nec pietatem, nec æquitatem spectat, si quis Minister per fas & nefas eum potentiorum formidabilioremque reddere conatur, hic dicitur velle alterum *Kie* feritate immitem roborare.

N. 15. Lib. *su xu che kiy* tom. 25. in Libr. 2. Memcui cap. 7. *Cin sin xam* sic Memcius: Quadruplex maximè est hominum genus qui Regibus inserviunt. Primum, sunt ii, qui postquam mille artibus & curis Regis obsequium adepti sunt, id unum spectant, ut placeant; & blando vultu, fictâ oris specie, assentatione Regem, quamvis aberrantem, delectent. Secundò, sunt ii, qui uni Regni tranquillitati prospiciunt, & hi in quarendo Regni bono tam sunt solliciti, quam illi in Rege oblectando; & ideo vocantur Ministri, regionis & frugum protectores. Tertiò, sunt ii, qui vocantur Cæli homines. Hi si prævideant sua dignitate se posse imperio prodesse, suamque de rellè regendi ac vivendi arte doctrinam tam Regi, quam populis profuturam certò sciant, tunc Magistratum capeunt, & operi manum admovent; sin minus: seculum fugiunt, & privatam vitam ignoti agunt. Quartò denique, sunt ii, qui Heroës dicuntur. Hi vitam ac mores suos ad amissim componunt, suoque exemplo ac famâ tum Regem, tum populum ad sui imitationem pertrahunt, omnibusque virtutem instillant.

Paragraphus Tertius.

De Legibus.

Primò, *Legum Neceſſitas.* Quemadmodum circinus & norma ad fabri lem artem, & fiſtulæ directrices ad Muſicam; ita leges ad Regn regimen ſunt neceſſariæ (A). Leges & Muſicam ſolus Rex poteſt ſancire. Ut poſſit autem eas ſancire, debet inſigni & ſcientiâ & virtute; pollere; & ipſe in iis ſervandis, debet exemplo ſuo populis prælu-
lucere (B).

Secundò, Leges antiquæ generales. Regulus Principatûs *Ki*, has novem regiminis leges olim propoſuit Imperatori *Tu Vam*, veluti jam pridem à Cælo traditas Principi *Tu*; ſed de modo ſaltem, quo dicuntur traditæ, videtur aliquid fabuloſum ab Interpretibus referri. Novem iſtæ leges ſunt ſequentes:

Prima: Debet Rex ritè ordinare uſum quinque primariorum Principiorum univerſalium (ſcilicet aquæ, ignis, ligni, metalli, terræ,) juxta ipſorum proprietates. Aquæ autem proprietas eſt humefactio & deſcenſus; ignis proprietas eſt calefactio & aſcenſus; ligni proprietas eſt curvitas & reſtitudo; metalli proprietas eſt liquefactio & durities ſeu mutatio; terræ proprietas eſt frugum fœcunditas. Ex his quinque oriuntur quinque ſaporum genera; ſapor ſaluſ, amarus, acidus, aſper, dulcis.

Secunda: Debet Rex procurare has quinque virtutes; corporis majeſtatem, verborum reſtitutionem, intuitûs claritatem, intellectûs, capacitatem, cogitationum ſeu conſiliorum ſubtilitatem.

Tertiâ: Hæc octo ad populorum vitam ſpectantia, ritè diſponenda ſunt: videlicet agricultura, mercatus, Spirituum cultus, publicorum operum Magiſtratus, Inſtitutionis ſeu ſcholarum Præfecturæ, juſtitix tribunal, hoſpitum Ritus, militix diſciplina.

Quarta: Hæc quinque ad tempus ſpectantia, accuratè diſtribuenta: annus, menſis, dies, motus conſtellationum, lunæ atque ſolis, Kalendarium.

Quinta: Rex debet eſſe ſuis Subditis, verbo & exemplo perfectum vivendi exemplar, bonos compenſando, malos arguendo vel puniendo, omnes docendo. Perfecti Regis documenta, ſunt rectæ rationis præcepta,

pta, adeoque supremi Domini seu *Xam Ti* documenta. Supremus enim Dominus *Xam Ti* non loquitur, sed Rex pro illo loquitur.

Sexta: In regimine hæ tres virtutes servandæ: rectitudo, fortitudo, mansuetudo. Deinde quoad victum, auctoritatem, honorem & majestatem, reluceat major excellentia in Rege quàm in Magistratibus.

Septima: In rebus dubiis jacienda fors, ut sciatur Cæli voluntas ad fugiendum malum, vel faciendum bonum; (hinc fortè dici possent istæ antiquæ sortes non divinatoriæ, sed consultoriæ, quæ olim in quibusdam casibus licitè usurparæ fuerunt.) Deinde Interpretes referunt quòd istæ sortes jaciuntur vel cum calamis pullulantissimæ herbæ *xi*, per combinationem notarum symbolicarum libri *Ye Kim*, de quo mox infra; vel cum testudine assata per inspectionem humoris, splendoris, obscuritatis, venarum rectarum & transversarum; sed an iste idem fortis jaciendæ modus olim fuerit usitatus, non satis liquet. Videntur Sinæ olim prius determinasse ac statuissè quid juxta rectam rationem aut sibi agendum, aut omittendum foret; & tunc tantum sortes jecisse ad tranquillandos populorum animos. Sed hæc omnia sat incerta, & apud ipsosmet libros Sinicos controversa.

Octava: Sæpe cogitandum est, quòd ex vita vel bona vel mala pendeant & oriri soleant Cæli effectus: pluvia, serenitas, calor, frigus, ventus, diversimodè vel per defectum vel per excessum suis temporibus advenientia. Quamvis autem, ait Interpres infra citatus, istam dependentiam unius cum altero, sive istam dependentiam Cæli effectuum ab hominis actionibus habitam applicet liber ad singula nomina; tamen id generatim intelligendum est.

Nona: Excitandi Magistratus & populus ad amplectendam virtutem, propositis his quinque bonis: longâ vitâ, opibus, interna & externa pace, honestatis pulchritudine, finalis virtutis perfectione; & ad fugiendum vitium, propositis his sex malis: morte præmaturâ, morbis, moerore, paupertate, improbitatis consuetudine, probitatis difficultate (C).

Tertiò, *Leges moderne particulares sc:* Particulares leges, quæ pro hoc præsentis Imperii Tartaro-Sinici regimine sunt stabilitæ, continentur in magno Codice, diviso in sex tomos & triginta Capita, dicto *Ta cim lin*, seu *leges*

Imperii magne limpidudinis. Primò, ponuntur quædam leges commūnes pro variis delictis, delictorūque circumstantiis. Deinde assignantur leges pro singulis sex sup̄remis Tribunalibus Curia, scilicet Officiorum, Aerarii, Rituum, Militia, Justitia, Ædilis seu publicorum Operum, totum Imperium administrantibus, præter appendicem aliquot Statutorum recentium.

Primi Tribunalis leges sunt pro distributione Magistratuum, & recta muneris administratione.

Secundi Tribunalis, pro personarum, agrorum, domuum tributo, pro matrimoniiis, pro publicis horreis & arariis, pro mercibus & fori contractibus.

Tertii Tribunalis, pro spirituum, & hominum Defunctorum cultu, pro vetandis Sectariorum & divinatorum pravis artibus, pro communibus urbanitatibus, pro exequiis, pro publicis conviviis.

Quarti Tribunalis, pro Regii palatii custodibus, pro militibus, pro castris, pro exercitūs profectioe, pro fluviorum trajectu, pro equilibus, pro Cursoribus.

Quinti Tribunalis, pro furtis, læsionibus, homicidiis, rixis, imprecationibus, litibus, munerum acceptionibus, falsificationibus, fornicationibus & aliis sceleribus, pro reorum comprehensione & carcere.

Sexti Tribunalis, pro ædificiis, opificiis, fluviorum exundationibus, &c.

Omnes hæ leges in 459. Articulis comprehenduntur (D).

Quarò, poenarum genera. Nunc pro puniendis delictis ordinariæ sunt hæ quinque poenæ: Prima, disseclarum cannarum, vel flagellorum ictus 10. 20. 30. 40. 50. Secunda, eorundem ictus 60. 70. 80. 90. 100. Tertia, exilium unius anni, sesquianni, duorum annorum, duorum annorum cum dimidio, trium annorum intra delinquentis aut Rei Provinciam. Quarta, exilium 2000. 2500. 3000. stadiis Sinicis distans à patria delinquentis, vel in Tartariam relegatio. Quinta, mors, vel strangulatio vel decollatio. Aliquæ harum poenarum possunt pecuniâ redimi, v. gr. cannarum verbera (D).

Olim verò alia quinque erant poenarum genera, scilicet narium abscissio, pedis amputatio, nigra fronti insculpta nota, castratio, mors (E).

Quin-

Quinto, Judicium Vitæ. Sunt hæc quinque præcipue: Metu Potentium; justitiam omittere; vindictæ ardore justitiam exercere; mulierum verba audire; pecuniâ aut muneribus corrumpi; intercessionem admittere (F).

Textus Librorum.

- A. 1. Lib. *Su xu che kiy* tom. 19. in Lib. 2. Mencii cap. 1. *Li lei xam*: Cum videret Mencius unumquemque Principem pro suo libitu particularem regendi modum instituere, neglectis antiquorum Imperatorum legibus ac Statutis; stimulatus zelo publicæ disciplinæ sic loqui exorsus est: quemadmodum artifex etsi oculorum acie celebrem virum *Li Lei*, & manuum industriâ celebrem virum *Kum Xu* adæquârit; tamen absque circino vel normâ non potest opus suum in figuram circularem vel quadratam accuratè efformare. Simili modo quemadmodum Musicæ Præses etsi aurium judicio adæquârit celebrem Musicum *Su Quam*; tamen absque Magisterialibus variarum duodecim fistularum longiorum & breviorum sex regulis, non potest quinque Notarum musicarum modos ritè distinguere, aptoque concentu temperare; ita Rex licet moribus & vitâ fuerit alter *Tao* & *Xun*, si tamen debitas pietatis, quâ populorum vitam fovere & mores instruere oportet, leges ab antiquis traditas ac sanctitas nec adhibuerit nec servaverit in regimine, numquam poterit animos in viam virtutis & pacis adducere, totumque Regnum pacare ac ritè componere.
- B. 2. Lib. *Su xu che kiy* tom. 3. in Lib. *Chum Yum* art. 28. sic: Nisi quis Regis aut Imperatoris dignitatem habuerit, non potest publicorum Rituum leges sancire, statas domuum, curruum, vestium, vasorum formas præscribere, dubios litterarum characteres dijudicare. Ideo nunc in toto Chinæ Imperio curruum vestigia sunt eadem, litterarum characteres iidem, Rituum leges eadem; & hæc, prout fuerunt ab antiquis Imperatoribus sancita, perseverant, nec ullus huc usque ausus est immutare. Sed licet quis habeat Regis dignitatem, si tamen non habeat Sapientis virtutem; aut contra, licet quis habeat Sapientis virtutem, si non habeat Regis dignitatem, non potest Rituum leges, ac Musicæ modos instituere.

Ibid:

Ibid. artic. 29. ſic: Itaque ſiquis Rex ſeu Imperator hæc tria maxi-
mi ponderis negotia, Rituum leges, opificiorum formas, littera-
rum characteres ſtudioſè curet, tunc omnis populus paucas commit-
tet culpas. Porro ad hæc tria ritè ſancienda, opus eſt, ut quis re-
quiſitam & dignitatem & virtutem, ac tempus habeat, &c. Ut
autem horum trium felicem exitum à populis impetret, debet ipſe
in eorum obſervatione, illis exemplo præluceſcere, &c. Hinc ſit, ut ſa-
pientis Principis geſta, verba, Statuta ſint omnium ſæculorum exem-
plar ac norma; remoti populi illum deſiderent, vicini non ſaſtudiant.

C. 3. Lib. *Xu Kim* tom. 4. cap. *Hum Fan*, id eſt, *magne regula ſeu magna le-
ges*. Ipſummet Capitulum *Hum Fan*, hic appono, & ſic habet:

Cum Princeps ſeu Imperator *Vu Vam* poſt 13. annos, debellato
Prædeceſſore *Cheu*, obtinuiſſet Imperium, his verbis interrogavit
Regulum Regni ſive Principatûs *Ki*: Eheu! Cælum quidem occul-
ta virtute populos ſtabilit, eoſque ad ſimul cohabitandum colligit &
adjuvat; ſed ego quonam modo dirigendus ac componendus ſit
uni-verſalis humanæ conditionis ordo, ignoro. Tu, quaſo, me
edoce. Tum Regulus Regni *Ki* ſic ait: Ego audivi Principem *Quen*
olim juſſum ab Imperatore *Tao* reprimere debacchantes diluvii
aquaſ, eis vallum & aggeres objeciſſe, atque ita primum ordinem
quinque Elementorum ſeu univerſalium Principiorum, quem cæ-
li Dominus diſpoſuerat, perturbâſſe. Hinc cæli Dominus vehe-
menti irâ exârſit, nec illi novem magnarum regularum ſeu legum
ſpecies tradidit, ſicque ille uni-verſalis humanæ conditionis ordo
decidit. Poſtquam morte mulctatus fuit Princeps *Quen*, filius *Ta*
illi ſucceſſit, aquaſque debacchantes naturali curſu per canales in
mare deduxit, atque inundationes ſedavit. Et tunc Cælum illi
magnarum regularum novem ſpecies elargitum eſt, hiſque uni-ver-
ſalis ſeu naturalis humanæ conditionis ordo reſloruit.

Prima harum novem ſpecierum fuit: Quinque elementa, ſive
quinque primaria rerum Principia bene ordinare, nempe eorum
uſum. Secunda: Quinque res, quæ ſpectant ad mores, diligenter
curare. Tertia: Octo res, quæ ad hominis vitam conducunt, ri-
tè diſponere. Quarta: Quinque res, quæ ad tempus ſpectant, ac-
curatè diſtribuire. Quinta: Abſolutum Regis perfecti exemplar
præ-

præbere. Sexta : Trium virtutum usum temperare. Septima : Res dubias clarè examinare. Octava : Effectuum securorum turbam attentè cogitare & perpendere. Nona : Hortari ad quinque bona, & detertere à sex malis. Nunc de singulis.

Prima species, sunt primaria & universalia quinque rerum Principia, quarum usum juxta cujusque naturam ac proprietates debet Rex ritè ordinare. Primum, est aqua; secundum, ignis. Tertium, lignum. Quartum, metallum. Quintum, terra, seu humus. Aquæ proprietas est humefactio & descensus; ignis, calefactio & ascensus; ligni, curvitas & rectitudo; metalli, liquefactio & durities seu immutatio; terræ, frugum quæ feruntur & metuntur, fecunditas. Ex aquæ humefactione & descensu oritur salsedo; ex ignis calefactione & ascensu, amaror; ex ligni curvitate & rectitudine, acor; ex metalli liquefactione & duritie, seu ex metalli immutatione, asperitas, sive sapor asper; ex terræ fecunditate, dulcedo.

Secunda species, sunt quinque res, quæ ad componendos mores spectant: prima, corporis forma; secunda, loquela; tertia, aspectus; quarta, auditus; quinta, cogitatio. Corporis formæ virtus, est majestas; loquelæ, rectitudo; aspectûs, claritas; auditûs, intelligentia; cogitationis, subtilitas. Majestas parit reverentiam, rectitudo directionem, claritas prudentiam, intelligentia recta consilia, subtilitas rerum perfectam notitiam, seu sapientiam.

Tertia species, sunt octo res ad hominis vitam spectantes, quas Rex debet studiosè curare ac ritè disponere. Prima, est victus; secunda, merces; tertia, cultus Spirituum, & parentationes; quarta, publicorum operum, & rei agrariæ Magistratus; quinta, doctrinæ ac morum Magistratus; sexta, Justitiæ Magistratus; septima, hospitum Ritus; octava, militia.

Quarta species, sunt quinque res ad tempus spectantes, quas Rex debet exactè distribuendas curare. Prima, est annus; secunda, mensis; tertia, dies; quarta, stellarum longitudines, latitudines, solisque ac lunæ duodecim conjunctiones, seu duodecim domus cælestes; quinta, Kalendarium, & Tabulæ astronomiæ.

Quinta species, est absolutum Regis perfecti exemplar. Dum Rex absolutum & vitæ & morum regiminis exemplar edit, tunc quin-

tuplex bonorum genus in ſe colligit, populis transfundendum. Unde omnes iſtius temporis populi imitantes ſummam Regis perfectionem & exemplum, cum viciffim etiam adjuvant. Quod nec in populo prava regnent confortia, nec in Magiſtratibus prava factiones, id maxime proſuit ex perfectio Regis exemplo. In populo alii ſunt mentis perſpicaciâ, alii actionis vivacitate, alii diſciplinæ rigore præditi; hos Rex debet ſepè cogitare, ut ad perfectionem extimulet. Alii ſunt, qui licet iſtam maiorem perfectionem non attingant, non audent tamen culpas ac crimina committere, hos Rex debet ſuſcipere, fovere, inſtruere. Poſtea ſi hilares proficiant, imò & verbis & factis oſtendant ſe virtutem diligere, Rex illis Magiſtratus conſeruat; abſolutum certè Regis exemplum optimè imitabuntur, ſectabuntur, adjuvabunt. Pauperes & orphanos non premit; potentes & illuſtres non timeat. Si aliqui inter Præfectos ſint habiles, perſpicaces, activi, illos ad proſectum excitet; atque hoc modo Regnum florebit. Quia autem Præfecti dum opibus honeſtè affluunt, melius virtuti vacant; ideò caveat, nè non habeant ſtipendia ad honeſtam ſux domûs ſuſtentationem ſufficientia; alioqui daret illis peccandi occaſionem. Quoad illos, qui virtutem non amant, ſi illis Magiſtratum aut ſtipendia conſeruat, utetur malis ad malum. Deinde Magiſtratibus ac populis hanc verſuum odam addiſcendam & cantitandam commendet: *Qui non tortuoſè, nec claudicanter incedit, iſ colit Regi noſtri mentem; qui non ſequitur pravam voluptatem, iſ colit Regi noſtri viam; qui non ſequitur pravam iram, iſ colit Regi noſtri iter. Dum abeſt tortuoſitas & ſactio, Regi noſtri via ſit ampliffima; dum abeſt ſactio & tortuoſitas, Regi noſtri via ſit equaliffima; dum abeſt oppoſitio & declinatio, Regi noſtri via ſit reſtiſſima.* Atque hoc dicitur unire extremam perfectionem, & redire ad extremam perfectionem. Iſta ſummæ ſeu extremæ perfectionis doctrina à Rege tradita, eſt communis rectæ rationis ordo, & magna totius orbis inſtructio; hoc non Regis, ſed cæli Domini eſt documentum. Dum igitur omnis populus hanc ultimæ perfectionis doctrinam cantitare ſolebit, ſenſim inſtruetur, & ab inſtructione tranſibit ad opus; & per hoc, Regis ſplendori approximabit, dicetque: Rex noſter in Regni regimine verè noſter Pater & Mater eſt.

SEX-

Sexta species, sunt tres virtutes in regimine servandæ: Prima, dicitur vera honestas; secunda, victrix fortitudo; tertia, victrix mansuetudo. Ubi habetur pacis concordia, ibi vera honestas; ubi immutabilis constantia, ibi victrix fortitudo; ubi accommodata moderatio, ibi victrix mansuetudo; nimirum fortitudo pusillanimitatem, mansuetudo audaciam debet vincere. Auctoritas ergo, potestas, majestas, præmiorum largitio, poenarum infliccio, victus splendidior, est quid proprium solius Regis; ista Magistratui seu Vassallo non licent. Præfectus, qui ista sibi usurpat, domui suæ damnum & Regno perniciem importat. Si enim Præfecti nec recti, nec æqui fuerint, mox populi libidine etiam excæcati, suæ conditionis & officii limites transgredientur.

Septima species, est rerum dubiarum examen. (Id est, ait interpretatio Imperatoris *Kam Hi*, examinare Cæli legis bona vel mala ad determinandam hominis actionem.) Rex eligat ac statuat certos Præfectos ad jaciendas sortes, & data occasione eas jaci jubeat. Hæ sortes dicuntur: prima, pluvia seu humiditas; secunda, claritas seu serenitas; tertia, obscuritas; quarta, dispersio; quinta, transversio; sexta, firmitas, (seu pars inferior symboli ænigmatici, dicti *qua*, id est, tres lineolæ inferiores symboli); septima, mutabilitas, (seu pars superior ejusdem symboli, id est, tres ejus superiores lineolæ.) Universim sunt septem; quinque fiunt per conjecturas, (nempe quinque primæ); duæ (nempe ultimæ) per figuras seu symbola. Harum ope, actionum defectus evitantur. Dum fors jacienda est, jube illam à tribus, quos constituisti, Præfectis jaci; si non concordant tres simul, sequere quod duo dicunt. Occurrente magni ponderis negotio, quod dubium parit, primò te ipsum consule, deinde tuos Præfectos, postea populum, postremò sortes. Si tu, si sortes testudinis, si sortes herbarum *xi*, si Præfecti, si populus suffragentur actioni, id dicitur magna concordantia; ac proinde agendo, tibi & tuis Posteris proderis. Deinde si tu & sortes suffragentur, sed Præfecti & populus refragentur, etiam tunc bonum est, seu potes agere. Si Præfecti & sortes suffragentur, sed tu & populus refragimini, etiam tunc bonum. Si populus & sortes suffragentur, sed tu & tui Præfecti refragimini, etiam tunc bonum.

Si tu & fortes teſtudinis ſuffragentur; ſed fortes herbarum *xi*, Præſecti, & populus refragetur, bonum agere res ad Familiam ſpectantes, (utpote res minoris momenti); non verò res ad Regnum ſpectantes. Si fortes & teſtudinis & herbarum *xi* ſimul refragentur, tunc bonum eſt quieſcere, ſeu non agere; malum, agere.

Nota: Quoad has fortes, an ſic olim in uſu fuerint, poteſt ſanè dubitari, maximè cùm ibidem dicat Interpres *Iſſy xii*, à tempore Confucii huc uſque libros de illis tractantes non fuiſſe poſteritati tranſmiſſos; adeoque iſta regula regiminis, inter incertas videtur annumeranda.

Oſava ſpecies, eſt effectorum multitudo, ſcilicet pluvia, ſerenitas, calor, frigus, ventus. Hæc quinque dicuntur tempus. Si unumquodque eorum juxta ſuum ordinem ac ſuam anni tempeſtatem perfectè advenit, tunc maxima herbarum, frugum, aliarumque rerum ubertas abundat: ſi autem illorum unum vel per exceſſum vel per defectum aberraverit, tunc calamitas exurgit. Hæc effecta tum bona tum mala diverſis hominum moribus, iſta ſibi attrahentium respondere ſolent. Bona effecta virtuti respondentia ſic: Venerandæ vultûs modetiæ, respondet opportuna pluvia; verborum moderationi, opportuna ſerenitas; prudentiæ, opportunus calor; rectis conſiliis, opportunum frigus; ſapientiæ, opportunus ventus. Contrà verò, mala effecta vitiis respondentia ſic: corporis immodetiæ, respondet frequens ſeu nimia pluvia; verborum diſſolutioni, crebra ſeu nimia ſerenitas; imprudentiæ, creber calor; præcipationi, crebrum frigus; inſipientiæ, creber ventus. (Interpretatio Imperatoris *Kam Hi* ad hunc textum ſic ait: Iſta hominis actionum, & Cæli effectuum correspondentia, non debet ſic intelligi, ut unum uni ſingillatim correfpondeat; ſed generatim intelligenda eſt). * Itaque Rex, unius anni; primarii Curiæ Præſecti, unius menſis; reliqui Magiſtratus, unius diei effecta examinent. Dum annus, menſis, dies ſuam conſtanter temperiem ſervant, tunc frugum maturitas habetur, Regni regimen floret, idonei viri in dignitatibus fulgent, domus tranquilla pace gaudent; dum autem non ſervant: tunc frugum maturitas non habetur, Regni regimen ſquallet, idonei viri non promoventur, domus pace & concordia carent.

carent. Quod attinet ad populos: quemadmodum stellæ fixæ à Cælo pendent, ita illi pendent à Rege & Magistratibus. Stellæ alix ventos, alix pluvias amant; ita viri plebei, alii victum, alii vestitum desiderant. Ex motûs solis & lunæ revolutionibus habetur hiems & æstas; & luna juxta diversas constellationes ad quas appellat, ventos aut pluvias excitat. Ita nempe Rex & Magistratus.

Nona species, sunt quinque bona; scilicet ætas longæva, opes, valetudo, seu interna & externa pax, amor virtutis, finalis honestæ vitæ perfectio: & sex mala; scilicet mors præmatura, morbi, moeror, paupertas, effrænata malitia, seu audaciæ præsumptio, pusillanimitas.

D. 4. Liber *Ta cim liu*, id est, leges Imperialis Familiæ *Ta cim*, seu magnæ simplicitudinis, nunc regnantis. Vide suprà in contextu.

E. 5. Liber *Hiao Kim*, id est, filialis Observantiæ cap. 11. sic Confucius: Quamvis recenseantur ter mille delictorum species, quæ quinque poenarum generibus, singulæ singulis subjacent, nullum tamen delictum majus est filiali inobedientiâ. Deinde ibidem Interpres sic: Quinque poenarum genera sunt hæc: Abscessio narium, &c. Ut in contextu.

F. 6. Lib. &c. Ut suprà in contextu.

Paragraphus Quartus.

De Institutione.

Hunc Paragraphum in duo puncta dividemus. In primò agemus de Institutione in genere. In secundò de Institutione in specie, id est, de Scholis, juxta Sinas.

PUNCTUM I.

De Institutione in genere.

P*rima: Necessitas Institutionis.* Postquam populi victu, vestitu, habitatione commodâ bene communiti sunt, nisi bonos mores edoceantur, in omnia vitia facili præcipites ruunt, nec postea à brutis multum discrepabunt. Idèd olim Imperator *Tao* jussit fratrem suum

ſic, tradendæ bonorum morum diſciplinæ præſidere, illique præcepit, ut in primis ritè explicaret quinduplicem humanæ conditionis magnum & univerſalem ordinem, ſcilicet amorem qui inter Patrem & filium, æquitatem quæ inter Regem & Subditum, diverſitatem quæ inter maritum & uxorem, ſubordinationem quæ inter ſeniorẽ & juniorem, veritatem quæ inter amicum & amicum debet intercedere (A).

Secunda, Objectum Inſtitutionis. Natura rationalis, eſt Cæli lex, nempe in actu primo; naturæ rationalis dictamen, eſt via, ſeu recta agendi via; hujus viæ directio ſeu inſtructio, eſt recta vitæ diſciplina, ſeu rectè vivendi præcepta; ac proinde rectè vivendi præcepta ſunt objectum Inſtitutionis. Unde recta docendi ac diſcendi via, eſt ſequi Cæli legem, ut vitæ ducem; & priſcorum Sapientum documentis ac præceptis adhærere, ut normæ (B).

Tertia, Partes Inſtitutionis. Inſtitutionis partes ſunt ordo, virtutes, perſonæ, actiones. Inſtitutionis ordo eſt ille, qui inter Regem & Subditum, Patrem & filium, maritum & uxorem, ſeniorẽ & juniorem, amicum & amicum intercedit. Ejus virtutes ſunt pietas, æquitas, honeſtas, prudentia, veritas. Ejus perſonæ, ſunt Litterati, Agricoltæ, Artifices, Mercatores. Ejus actiones, ſunt Ritus, Muſica, Leges, Regimen. Hiſce homo poteſt & ſeipſum componere, & alios regere; unde pax in Regno, rectitudo in animo emanat (C).

Quarta, Praxis Inſtitutionis. Primo & decimo quinto cujuſque menſis die, omnes urbium Præfecti tum civiles tum militares cum ipſomet Pro-Rege, ſi illic adſit, conveniunt in loco publico, ubi coram ipſis ac populo unus aut alter articulus ex ſedecim, qui ab hoc Imperatore *Kam Hi* vel ejus Patre præſcripti ſunt, primùm à pueris designatis decantatur, & deinde à duobus populi Senioribus, explicatur. Præfati ſedecim articuli ſunt hi:

Primus: Studere filiali & fraternæ obſervantiæ ad magnificendum humanæ conditionis ordinem.

Secundus: Colere Parentelam ad pateſfaciendam mutuam concordiam.

Tertius: Servare pacem cum vicinis & concivibus ad eliminandas contentiones & accuſationes.

Quar-

Quartus: Plurimi facere rem agrariam & bombycinam ad suppetendum victum & vestitum.

Quintus: Amare frugalitatem ad parcendum opibus & sumptibus.

Sextus: Multiplicare scholas ad componendos virorum litteratorum iras.

Septimus: Proscribere pravas Sectas ad colendam veram doctrinam.

Octavus: Explicare Regni leges ad commonefaciendos rudes & procaces.

Nonus: Callere Ritus & urbanitates ad observandum morum decorem.

Decimus: Vacare suo proprio muneri ad firmandam populi voluntatem.

Undecimus: Instruere liberos & fratres ad impedienda illorum delicta.

Duodecimus: Compescere fraudes, lites, falsas accusationes ad conservandam ingenitam cordis rectitudinem.

Decimus tertius: Cavere ab abscondendis fugitivis ad vitandam criminis participationem.

Decimus quartus: Solvere Regis vestigalia ad vitandas exactorum molestias.

Decimus quintus: Cogere vicinitatem ad propulsandos prædones.

Decimus sextus: Abstinere à rixis & inimiciis ad magnificendam hominis vitam (D).

Quod attinet ad duas Chinæ Sectas idololatricas *Fa* & *Lao*: Sinæ litterati dicunt eas fundamento & veritate carere; perniciosè totam veritatem confundere ac pervertere (E). Dicunt quod exæcent hominum corda, bono regimini noceant, nec possint suos Sequaces servare ac beare, ut patet in Imperatoribus *Hoey Tsum* & *Vu Ti*, qui illis addictissimi, misère perierunt (F).

Textus Librorum.

A. 1. Lib. *Siao Hio* cap. 1. sic: Postquam, inquit Memcius, populi & copioso victu, & calido vestitu, & commodà habitatione bene communiti

niti ſunt , niſi bonos mores edoceantur , facile in quaslibet pravarum cupiditatum illecebras ruunt , nec poſtea à brutis multum diſcrepant. Ideò ſapientiſſimus Imperator *Tao* , hujus damni malo commotus , conſtituit fratrem ſuum *Sie* tradendæ morum diſciplinæ Præſidem , præcepitque illi , ut in primis traderet quintuplicem humanæ conditionis magnum ordinem , ſcilicet amorem , &c. Ut ſuprà in contextu.

- B. 2. Lib. *Siao Hio* cap. 1. in principio ſic : Cæli lex , inquit Doct̃or *Tſu Su* , eſt ipſa natura (nempe rationalis , ut in libro *Ta Hio* dicitur , agendo de homine) ; hujus naturæ ductus , eſt via , ſeu recta agendi via ; hujus viæ directio ſive inſtructio , eſt recta viæ diſciplina , vel rectè vivendi præcepta. Ego igitur (id eſt , Doct̃or *Chu Hi* , libri auct̃or) hanc lucidam Cæli legem , ceu doctrinæ ducem , ſequendo ; & priſcorum Sapientum documentis ac præceptis , ceu normæ , inhærendo , ſequens primum capitulum , quo & Magiſtri rectam docendi , & diſcipuli rectam diſcendi viam cognoscerent , conſcribendum judicavi.
- C. 3. Lib. *Su xu che k'ing* tom. 4. in Libr. *Lun yu* artic. 2. ſic : Sapientum doctrinæ & Institutionis ordo eſt ille , qui &c. Ut ſuprà in contextu.
- D. 4. Lib. *To Xu* , ſeu Inſtructoris liber ſic in principio : Imperator *Hun Fu* anno tertio ſui Imperii , lunatione ſeu menſe lunari nono , juſſit ſupremum Tribunal ararii edere Decretum , quo præſcribitur , ut in omni pago vel oppido conſtituatur unus populi Inſtructor ; aliſquīs nempe ſenior eligatur , qui aſſumptâ companulâ in viis , plateis ac compitis hæc prædicet : obedite Patri & Matri ; revereamini ſeniores & ſuperiores , ſervate concordiam in oppidis & pagis ; inſtruite veſtros liberos ac nepotes ; unusque habeat artem , quâ pacatè vivat ; nolite perpetrare quidpiam criminoſum aut indecens , &c. Et paulò infrâ ſic : Reverenter igitur Imperatoris Decretum ſervate. Uniuſcujuſque menſis lunaris die 2. & 16. , ſeu poſt plenilunium primo , oppidi vel urbis Inſtructores convocent omnes primarios viros , Præfectos , litterarum Magiſtros , & coram omnibus clarè explicent Sapientum doctrinam , & honeſtam vivendi rationem.
- D. 5. Libellus *Xim yu xe lo tiao* , id eſt , ſedecim articuli excellentium documentorum , nempe Imperatoris. Primus , ſtudere ſubiali & paternæ obſervantiæ , &c. Ut ſuprà in contextu.

E. 6.

- E. 6. Lib. *Chun Tium* in Proœmio sic Interpres *Chu Hi*: Mortuo Memcio, nullus ampliùs fuit qui antiquorum Sapientum doctrinam propagaret; ideòque nostra Litteratorum schola nihil ampliùs deinceps, nisi verborum ornatum & styli elegantiam posteritati transmisit. Tunc cœperunt perversa variarum Sectarum dogmata singulis diebus nova pullulare, singulis mensibus aucta sylvescere, donec tandem exurrexerunt *Lao* & *Fæ* discipuli, qui quò viciniùs videntur ad rectam rationem accedere, eò perniciosiùs omnem veritatem confundunt atque pervertunt.
- E. 7. Lib. *Ta Hio* in Proœmio sic idem Interpres *Chu Hi*: Denique post mortem Memcii, nullus ampliùs, qui istam priscorum Sapientum doctrinam propagaret, extitit, &c. Idcirco degeneres deinceps litterarum Alumni, pravis sæculi moribus servientes, vanos libros scribere, coacervata documenta edere, unam sermonis elegantiam spectare assueverunt, &c. Deinde his succreverunt dux Sectæ *Lao* & *Fæ*, nova cum suo Nihilo & Vacuo, cum sua Quiete & Extinctione dogmata spargentes. Hæ quidem adeò in altum se attolunt, ut magnam Adulorum doctrinam superare videantur; sed vel sic veritate & fundamento carent.
- F. 8. Lib. *Su xu che kiy* tom. 4. in Libr. *Lun yu* artic. 2. sic: Tunc temporis quamvis prava Sectariorum *Tam* & *Me* doctrina non multum vigeret; tamen ingenti ardore & odio illam Memcius persecutus est. Postea exorta doctrina Sectæ *Lao* omninò similis doctrinæ *Tam Chu*, & doctrina Sectæ *Fæ* omninò similis doctrinæ *Me Tse* multo magis hominum corda excæcavit, morumque disciplinam corruptit. Et certè additiùs illarum Sequaces, uti Imperator *Hoc ysum* ex Familia *Sum*, & Imperator *Pu Ti* ex Familia *Leam*, miserrimè vitam cum suo Imperio amiserunt, facti futurorum seculorum jocus, ludibrium, opprobrium. Numquid igitur severissimè semper sunt arcendæ ac vetandæ istæ exitiales Sectæ?

PUNCTUM II.

De Scholis.

Primò, *Origo & nomen ſcholarum Sinarum.*

Olim viginti quinque domus in aliqua plateâ aut vico vocabantur *Liu* ; in capite plateæ erat porta ; ad latus portæ erat parva ſchola, dicta *Xo*, in qua electus è vico vir doctrinâ & virtute præſtans Magiſtrum agebat. Quingentæ domus vocabantur *Tam*, ubi alia ſchola, dicta *Ciam*, habebatur ; ad hanc aſcendebant, qui in vici ſchola *Xo* ſatis profecerant. Deinde 2500. domus vocabantur *Chen*, ubi alia ſchola ſuperior, dicta *Siu*, habebatur ; & ad hanc aſcendebant ii , qui in ſchola *Ciam* ſatis profecerant. Denique in urbe regiâ habebatur ſuprema ſchola, in qua filii Imperatoris, Regulorum, Præſectorum, & ii, qui in chola *Siu* magnum ſui ingenii ſpecimen ediderant, litteris vacabant ; & hæc vocabatur *Nio*. Vici ſchola *Xo*, erat Parvulorum ; reliquæ tres, Adulorum (A).

Secundò, ſinis ſcholarum. Harum ſinis, eſt notitia ac praxis quintuplicis ordinis ſupradicti in puncto 1. num. 1. Si enim hic quintuplex ordo ab iis qui præſunt, & mente teneatur, & voce tradatur, & moribus ſeu vitâ præferatur ; mox ii qui ſubſunt, exemplo commoti, illum etiam diligenter ſervabunt, omniſque populus mutuo amoris vinculo conjunctus honeſtam & tranquilam vitam aget (B).

Tertiò, Magiſtri munus.

Primò, Magiſter hæc tria doceat : Primum, has ſex virtutes : prudentiam, pietatem, ſapientiam, æquitatem, fidelitatem, concordiam. Secundum, hæc ſex opera : Obedientiam erga Patentes, amorem erga fratres, concordiam erga conſanguineos, benevolentiam erga affines, ſinceritatem erga amicos, miſericordiam erga pauperes. Tertium, has ſex artes : Rituum, Muſicæ, jaculandi, aurigandi, ſcribendi, numerandi (C).

Secundò, pro docendi normâ, inſiſtat priſcorum Imperatorum verſibus, proſæ, Ritibus, Muſicæ. Verè & autumno Ritus cum Muſica ; hieme & æſtate verſus cum proſa, ſeu liber verſuum cum libro Annalium Imperialium tradatur (D). Olim ſcilicet ita fiebat ; nunc verò traduntur quatuor libri, dicti doctrina Adulorum, immutabile Medium, liber Sententiarum, Memcius ; inſuper doctrina Parvulorum, libellus Obſervantiæ filialis, & quinque libri claſſici antiqui, de quibus in Paragrapho ſequenti ; iique omnes lege præſcripti ſunt.

Ter-

Tertiò, Magister pueros ante omnia doceat quietem, attentionem, reverentiam, diligentiam. Non tantum jubeat illos memoriam excolere, sed etiam & maxime virtutes, quæ intellectum & voluntatem pascunt, tradat, earumque exempla narret. Jubeat priscorum Sapientum libros legere, & à crepundiis abstinere. Prius faciliora & jucundiora, postea difficiliora & altiora eos doceat (E). Sit mitis, facilis, diligens, vigilans (F).

Quartò, Discipuli munus.

Primò, Magistri doctrina, sit discipuli norma. Promptè & reverenter se Magistro submittat; & quod hic docet, bene assequi conetur. Si quod opus bonum videat, illud imitetur; non superbiat, non fidat suis viribus, loca honesta, & bonos socios frequentet. Ut interior gravitas & reverentia in corde enascatur, exteriorem in vultu servet. Manè surgendo, vespere cubando vestes ritè componat. Magistri lectiones vespere repetat (G).

Secundò, libros memoriter discat, sensum percipiat, doctrinam sibi applicet, nullum diem otiosè transigat, non multa legat, sed memorià bene teneat; sæpius lecta & scita repetat, & aliquid quotidie ex priscorum Sapientum libris ac Annalibus legat. Dubia à Magistro interroget; libros commodatos deteri, aut corrumpi non sinat (H).

Tertiò, dum Magistrum in via comitatur, retroacto parùm gressu incedat, non huc & illuc oculos vertat; siquid Magister interroget, ad respondendum expectet, donec verba absolverit; coram Magistro nihil promiscuè loquatur; denique modestiæ & reverentiæ sit assiduus custos (I).

Textus Librorum.

- A. 1. Lib. *Siao Hio* cap. 1. sic magnus ejus Commentarius: Olim, inquit liber Rituum cap. *Hio Ki*, hic erat docendi modus: viginti quinque domus, &c. Ut suprà in contextu.
- A. 2. Lib. *Su xu che kia* tom. 17. in Libr. 1. Memciî cap. 5. *Tem ven lum xam* sic: Post hæc, ad instruendos tuos populos erigenda sunt hæc quatuor scholarum genera: *Ciam, Siu, Hio, Kia*; quid hæc nomina significant, dicam. Nomen *Ciam* significat *Alere*; quia sicut olim in-

Ff 2

stituta

- ſtituta fuit domus publica ad distribuenda Senibus, Magiſtratu deſunſtis, aliſque ſenibus de re publica bene meritis alimenta; ita
- B. ſchola eſt inſtituta ad tradenda animorum alimenta. Nomen *Kiao* ſignificat *docere*. In ſchola quid ſit virtus ac rectæ vitæ regula, edocetur. Nomen *Siu* ſignificat *jaculari*; quia ſicut in arte jaculandi, exterior corporis compoſitio, & interior animi ſcopus dirigitur; urbanitatis leges inter jaculatores exercentur; vires, dexteritas, præſtantia uniufcujuſque probatur: ita in ſchola tum corporis, tum animi compoſitio dirigitur, bonique mores & induſtria perficiuntur. Hæc tria ſunt ejuſdem ſcholæ in variis locis extra urbem regiam erigi ſolitæ varia nomina, variis temporibus eidem rei impoſita. Sub Imperio enim *Hia* ſchola popularis nuncupabatur *Kiao*; ſub Imperio *Tu* nuncupabatur *Siu*; ſub Imperio *Cheu* nuncupabatur *Ciam*. Sublimior vero illa ſchola ad probandos, & perficiendos viros ſapientiores, dignitatibus idoneos, in regia tantum urbe erigi ſolita, communi & eadem voce ſub tribus prædictis Imperiis ſemper
- B. vocata eſt *Hio*, id eſt diſcendi palæſtra. Porro harum omnium ſcholarum finis ſemper unus & idem fuit, nempe ut clarè omnes edocerentur quintuplicem humanæ conditionis ordinem. Si quintuplex hic ordo ab iis qui præſunt, bene & mente teneatur, & præceptis tradatur, & moribus illuſtretur; mox ab iis qui ſubſunt, iſtorum exemplo commoti, etiam diligenter coletur; & omnis populus, mutui amoris vinculo conjunctus, rectam, honeſtam, tranquillam vitam aget.
- C. 3. Lib. *Siao Hio* cap. 1. ſic: Liber *Cheu Li*, ſeu Rituum Imperii *Cheu*, præſcribit, ut ſupremus diſciplinæ civilis & morum Præſes in ſingulis Regni tractibus (unus tractus complectebatur 12500. domos) curet populos tria maximè edocendos; ſapientioresque à primario cujuſque tractûs Præſecto in publicis ſolemnitatibus conſtituantur Cereemoniarum Magiſtri, & Imperatori ad dignitates proponantur. Tria, quæ edoceri debent, ſunt hæc: Primum, hæc ſex virtutes: prudentia, pietas, ſapientia, æquitas, fidelitas, concordia. Secundum, hæc ſex opera: obſervantia erga Parentes, amicitia erga fratres, concordia erga conſanguineos, benevolentia erga amicos, miſericordia erga pauperes. Tertium, hæc ſex artes; Rituum, Muſicæ, jacu-

jaculandi , aurigandi , scribendi , numerandi. Deinde præscribat octo pœnas ad plectendos cujusvis tractûs reos : Primam , ad plectendos inobedientes Parentibus ; secundam , ad plectendos discordes cum consanguineis ; tertiam , ad plectendos malè animatos erga affines ; quartam , ad plectendos irreverentes erga fratres seniores ; quintam , ad plectendos fraudulentos erga amicos ; sextam , ad plectendos immisericordes erga pauperes ; septimam , ad plectendos doctrinæ novatores ; octavam , ad plectendos populi perturbatores.

D. 4. Lib. *Li Ki* seu Rituum, tom. 3. cap. *Tam chi* sic : Summus Musicæ , civilis disciplinæ , ac morum Præses in tradenda per quatuor anni tempestates doctrinâ , plurimi faciat quadruplicem docendi normam ; & firmiter inhæreat priscorum Imperatorum versibus , profræ , Ritibus , & Musicæ , quibus discipulorum mores perfici curet. Vere & Autumno, Ritus & Musica ; Hieme & Æstate, versus & profræ seu orationes tradantur.

E. 5. Lib. *Siao Hio* cap. 5. §. 1. sic Doctör *Cham* ex pago *Hem Kine* oriundus : Quod primum pueri docendi sunt , est quies , attentio , reverentia , diligentia. Quia verò hæc doctrina nunc non traditur , ideò tam pueri quàm puellæ à teneris annis , superbi , pigri , depravati existunt ; quòque adultiores fiunt , eò magis ista pessima radix invalescit. Cum enim numquam edocti fuerint quid sit filii , & fratris junioris munus ; spreto postea omni hominum discrimine , ne vel ipsis suis Parentibus subjici volunt. Cumque hæc ægræ mentis radix semper perseveret , idcirco in omni loco ac re continuò augefcit , ita ut ne in ipsâ quidem morte immutetur. Hinc fit , ut in humilibus aqua rigandæ ac verrendæ domûs officiis , in responsis modestè dandis non possint se submittere , & in consortiis nesciant amicis cedere. Si Magistratus aut Superiores videant : nolunt eis subiacere ; si ipsimet postea primarios Regni Præfectos , aut Regis consiliarios agant : nolunt ad petendum à sapientibus viris consilium se se demittere.

E. Ibidem sic Doctör *Tam Ven* : Pueri non tantùm jubendi sunt memoriam excolere ; sed maximè docendi ea , quæ naturalem illarum intelligendi & agendi facultatem perficiant. Idcirco dum jubentur ,

quotidie præclaras seu priscorum, seu recentiorum res gestas addiscere, oportet ante omnia illos filialem & fraternam observantiam, fidelitatem, sinceritatem, honestatem, æquitatem, temperantiam, verecundiam, & alias ejusmodi virtutes docere, harumque nonnulla exempla referre, &c. V. gr. quomodo puer *Tsu Lu* edens ipse agrestes herbas, Parentibus orizam reportaret, & similia. Sic paulatim instructi, spontè virtutem amplexabuntur, & in ea se exercebunt.

- E. Ibidem sic Doctor *Chim* cognomento *Mim Tao* : Dum Magister videt suos discipulos esse leves & vagos, jubeat eos priscorum Sapientum solos libros legere, & tantisper orationum compositiones seponat. Præterea ludî, crepundia, oblectamenta solent etiam illis amorem virtutis auferre, &c.

Ibidem alius Doctor *Chim* sic : Dum Magister docet eos qui nondum scientiæ saporem gustarunt, procul dubio illi studia fastidiunt; prius igitur curet, ut librum Carminum ex se jucundiores addiscant, & in tripudiis sese exerceant, &c.

Ibidem Doctor *Chin* sic : Oportet, ut pueri noverint distinguere summum & infimum hominum genus; illud sapientium Heroum, hoc insipientium homunculorum; illos ut imitentur, hos ut fugiant, &c. Nisi enim quis mentem ad alta attollat, semper in humilibus repetet. Si audito Memcii vel Sapientis *Ten* nomine, statim exterritus secum dicat : quid ego puellulus ausim ad istorum Heroum imitationem aspirare? hujusmodi discipulus non est idoneus ad excipiendam Sapientum sublimem doctrinam.

- F. 6. Lib. *Siao Hio* cap. 1. sic : Imperator *Xun* dum creavit Principem *Sie* supremum civilis disciplinæ & morum Præsidentem, ita eum allocutus est : Omnes isti populi non satis se invicem amant; quinque diversi hominum gradus, (id est Patris & filii, Regis & Subditi, mariti & uxoris, senioris & junioris, amici & amici) non sunt satis inter se concordēs. Tu ergo publicæ disciplinæ præsto, diligenterque quintuplex instructionis genus, seu quintuplicem humanæ conditionis ordinem ubique tradendum cura. Sis tamen facilis & mitis. Deinde satrapam *Quey*, supremum Musicæ Præsidentem constituens, sic etiam ei ait : tu Musicæ præsto; regios & alios nobiles pueros illam exactè doce; sis rectus & blandus, facilis & gravis, firmus sine rigore, imperiosus sine despectu.

- G. 7. Lib. *Siao Hio* cap. 1. sic : Magistri doctrina, inquit liber *Ti tsu che*, sit discipuli norma. Discipulus prompto & reverenti animo se illi submittat; quodcumque excipit, perfectè assequi conetur. Si quod opus rectum videat, illud imitetur; si quod verbum rectum audiat, illud sequatur. Debitam erga Parentes & fratres observantiam alacriter præstet; non superbe se gerat, non innitatur suis viribus. Ut sua facta sint recta, mens nil pravum cogitet; loca honesta & socios probos frequentet. Ut gravitas & reverentia interior in corde nascatur, exteriorem in vultu servet. Manè surgendo, & vespere cubando vestes ac cingulum ritè componat. Manè lectiones à Magistro excipiat, vespere repetat. Si hæc diligenter & constanter custodièrit, veram discendi methodum tenebit.
- H. 8. Lib. *Siao Hio* cap. 5. §. 3. sic Doctor *Chim* ex pago *TChuen* : Qui libro Memcii & Sententiarum operam navat, debet utrumque memoriter addiscere, sensum perpendere, dicta sibi applicare, nec ea tamquam theatralia verba recitare. Quamvis aliquis totà vità horum duorum librorum scientiam in praxim redegerit, numquam tamen eam exhaustire poterit.
- H. Ibidem Doctor *Cham* sic : Quod attinet ad doctrinam libri *Chum Tum* seu immutabilis Medii, oportet ita singulas illius sententias perpendere, ut conferendo unum cum alio, totum earum contextum comprehendas. Sex libros classicos oportet iteratò ac sæpiùs perolvere ac revolvere; inexhausta siquidem illorum doctrina est.
- H. Ibidem Doctor *Liu* sic : Adolescentes debent id, cui vacant, priùs generatim intelligere quid sit, &c. Litterarum Alumnus nè unum quidem diem otiosè transigat; singulis diebus unum aut alterum librorum classicorum capitulum legat; non legat multa, sed lecta bene memorià teneat; tranquille sedendo in cubiculo, ducenties vel trecenties illa repetat; singula verba & sententias clarè distinguat, & intelligat, &c. Singulis diebus unum etiam aut saltèm dimidium caput ex Annalibus legat. Sic illos sensim callebit. Insuper ad dubia interroganda, & doctrinam priscorum Sapientum exquirendam Magistro utatur.
- H. Ibidem Doctor *Ten* sic : Libri ab aliis commodati diligenter conservandi sunt, &c. Si quis librum commodatum super mensam in-

positè relinquat, aut sinat diffutis foliis dispergi, à pueris maculari, ab ancillis foedari, vento aut pluviam corrumpi, à tineis aut vermibus corrodi; hic certè contra honestatem peccat. Ego quidem dum Sapientum libros evolvo, maxima cum reverentia eos contrecto, &c.

H. Ibid. Doctör *Chim*, cognomento *Mim Tso*, sic: Vir sapiens in tradenda doctrinà ordinem servat; eos, qui Parvulorum doctrinæ etiamnum vacant, faciliora; postea dum in Adulorum studia incumbunt, difficiliora edocet.

I. 9. Lib. *Siao Hio* cap. 2. §. 4. sic: Dum sedes, nè huc & illuc te vertas; tranquillum vultum gere. Antequam Magister aut senior te interroget, nihil temere loquaris. Totam corporis speciem ritè compone. Reverenter audis aliorum dicta, nec ea tibi vindica, aut tua opinione vel iudicio confirma.

Vide plura suprà Parte I. Cap. 3. Sect. 3. §. 3. de Honestate in textibus num. 15. litterà P.

Paragraphus Quintus.

De Libris Classicis & antiquis.

Libri sunt Institutionis materia, imò & ipsa muta instructio aut institutio. Ideò de illis sequentia duo Puncta etiam breviter propono.

PUNCTUM I.

De Libris classicis & antiquis universim.

Primò: Quia olim octennes pueri Parvulorum scholam adibant, ideò Doctör *Chu Hi* sub Imperio Familix *Sum* composuit, seu potius ex variis priscorum & recentiorum Authorum tum sententiis, tum exemplis compilavit librum, dictum *Siao Hio*, id est, Parvulorum doctrinam, atque hic est, qui nunc pueris primis tradendas præscribitur (A).

Secundò: Ab Imperio Familix *Tam* & *Sam* usque ad hæc tempora,

ra, in numerum librorum *Kim*, id est, priscorum Sapientum, seu immutabilis doctrinæ, relati sunt tredecim sequentes :

Primus : *Lun Yu*, id est, liber Sententiarum, magna ex parte à Confucio prolatarum, & ab ejus discipulis collectarum (A).

Secundus : Est *Mem Tfu* ; id est, liber à Doctore *Mem*, seu Menicio compositus (A).

Tertius : *Hiao Kim*, id est, libellus filialis observantiæ à Confucio confectus (A).

Quartus : *Lb Ya*, id est, species Dictionarii à Principe *Cheu Kum*, Confucio, & aliis priscis conscripta (A).

Quintus & sextus *Kum Tani*, & *Tfo Xi*, vel *Ko Leam*, id est horum trium antiquorum Authorum Commentaria in librum Confucii, dictum *Chun Cieu* (A).

Septimus : *Cheu Li*, id est, Imperii *Cheu* Ritus, inchoatus à Principe *Cheu Kum*, & absolutus à Litteratis Imperii Familix *Hau* (A).

Octavus : *T Li*, id est, Urbanitates & Ritus, etiam à Principe *Cheu Kum* conscriptus (A).

Nonus : *Te Kim*, id est, liber mutationum ac productionum; de quo infra (A).

Decimus : *Xu Kim*, id est, liber Annalium Imperialium, à Regiis istorum temporum Ministris, & Historiographis conscriptus (A).

Undecimus : *Xi Kim*, id est, liber Carminum, à variis versificatoribus antiquis compositus, & à Confucio concinnatus, uti etiam liber *Xu Kim* (A).

Duodecimus : *Li Ki*, id est, Rituum antiquorum compilatio, conscripta à Doctore *Tay* sub Imperio *Hau* (A).

Tertius decimus *Chun Cieu*, id est, Ver & Autumnus, seu vetus liber Annalium Regni *Lu*, nunc Provinciæ *Xau Tim*, sic dictus ob ordinem serièmq; annorum ac mensium, in quibus res relatæ contigerunt, nimirum instar Tabulæ chronologicæ. Hunc librum Confucius concinnavit, sive in meliorem ordinem redegit, & ad tradenda Principibus boni regiminis documenta, res per 242. annos gestas in modum brevis chronologiæ refert (B).

Atque hi sunt tredecim libri, dicti *Kim*; nunc autem Scholastici non omnibus istis student, sed tantum quinque his postremis : *Te Kim*,

Xu Kim, *Xi Kim*, *Li Ki*, *Chun Cien*; quin imò hi quinque non à singulis addiscuntur, sed unusquisque ex quinque unum dumtaxat, cui studeat, eligit; & in examine ad Licentiatûs (non bacchalaureatûs) datur aliquid ex isto libro personaliter electo componendum; in quo etiam examine datur aliquid ex Legum codice exponendum.

Tertio: Jam verò, qua de re agant hi quinque libri, summatim accipere:

De libro *Chun Cien*, jam dixi; de libro *Ye Kim*, dicam in sequenti Puncto; de tribus reliquis sic:

Liber *Xu Kim*, continet principalia Imperatorum *Tao* & *Xin* Statuta, ac præcipuas res sub tribus sequentibus Imperiis Familiarum *Hia*, *Xam*, *Chen*, quæ sæptem tenuerunt per 1400. & amplius annos, gestas recenset (A).

Liber *Li Ki* continet infinitos pene urbanitatum, exequiarum, funebreis vestis, Parentalium Ceremoniarum, litaninum, Musicæ, conviviorum, legationum, matrimoniorum, Scholarum, Imperialis palatii Ritus, decem tomis comprehensos (A).

Liber *Xi Kim* dividitur in quatuor partes: Prima pars continet triviales præcipuorum Chinæ Principatuum antiquorum collectas cantilenas; hæc autem olim idè jussæ sunt colligi, ut ex illis conjiceretur cujusque Principatûs regimen ac mores. Secunda continet versus, quos Musici in adventu ac conviviis Legatorum ac Regulorum decantabant. Tertia continet versus à Musicis decantari solitos in magnis aulæ Imperialis solemnitatibus. Quarta continet versus decantari solitos, dum Imperator faciebat Parentationes Majoribus defunctis in Parentali eorum aula (A).

Hi quinque libri vocantur *On Kim*, id est, quinque priscorum Sapientum libri. Illis olim addebatur liber *Chen Li*, ita ut tunc sex numerarentur; sed hic nunc exolevit (C).

Quarto, præter hos quinque libros, omnes Scholastici sive ad Baccalaureatûs, sive ad Licentiatûs lauream aspirantes, student aliis quatuor libris, quorum primus dicitur *Ta Hio*, id est, Adulorum & magnorum virorum doctrina, à Confucio compositus, & ab ejus discipulo *Cem Tsa* explanatus; agitque de perfecta sui ac proximi renovatione ad acquirendam totius Imperii tranquillitatem necessaria.

Secun-

Secundus dicitur *Chum Yum*, id est, immutabile Medium, à Doctore *Tsu su* nepote Confucii compositus. Hi duo libri, seu libelli olim erant duo libri Rituum *Li Ki* capitula; postea ex illo extracti, seorsim impressi sunt.

Tertius, dicitur *Lun yu*, de quo supra.

Quartus, dicitur *Mem Tsu*, de quo etiam supra; hic agit præcipue de pietate, Regi ad bonum regimen necessaria, de innata naturæ rationalis bonitate, de pravis Sectis (A). Hi quatuor libri vocantur antonomasticè quatuor libri, sinicè *su xu*.

Hos quatuor posteriores, & illos quinque priores libros Imperator *Kam Hi* in Proëmio suorum Commentariorum, quoad populorum regimen comparat hinc soli ac lunæ in Cælo radiantibus, inde montibus ac fluviis in terra spectabilibus (D).

Textus Librorum.

A. 1. Libellus *san tsu kim* pag. 16. sic Interpres: Olim pueri octennes intrabant scholam, in qua Parvulorum doctrina tradebatur; docebanturque domûs aquâ rigandæ ac verrendæ, interroganti modestè respondendi, hospitis domi excipiendi, & domo deducendi honestum modum; item artes Musicæ, Rituum, jaculandi, aurigandi, scribendi, numerandi tamdiu docebantur, donec illarum præcepta ac rationes bene penetrassent. Idcirco Doctor *Chu Hi* composuit librum doctrinæ Parvulorum, cujus præcipua capita sunt: rectæ disciplinæ institutio, quintuplex humanæ conditionis ordo, cura suæ perfectionis, præclararum sententiarum & dictorum tum antiquorum, tum modernorum compilatio, &c. Postquam discipuli hunc doctrinæ Parvulorum librum bene callent, tunc sine difficultate possunt illis explicari quatuor libri classici, Memcius, liber Sententiarum, Adultorum doctrina, & immutabile Medium. Hi quidem sunt libri antiqui; sed Doctor *Chu Hi* illos collegit, explanavit, & in quatuor libros redegit. Ab Imperatoribus Familiae *Tam* & *San* huc usque, liber Sententiarum, liber Memcii, liber filialis Observantiæ, Dictionarium *Lb Ya*, duo Commentarii Doctorum *Kim Tam* & *Ko Leam*, Ritus Imperii *Chen*, liber Urbanitatum & Rituum, cum quinque classicis libris *Li Ki*, *Xu Kim*, *Xi Kim*, *Te Kim*, *Chun Cien*, semper dicti

sunt tredecim *Kim*, id est, tredecim libri antiquorū Sapientum, seu immutabilis doctrinæ. Cum verò liber Memcii, & liber Sententiarum non viderentur discipulorum studiis & applicationi ſufficere; Doct̃or *Chu Hi* immutabile Medium & Adulcorum doctrinam, quæ erant in libro *Li Ki* inserta ab Authore *Tay*, & constituebant duo illius capitula, inde extraxit, explanavit, & unâ cum duobus libris Memcii & Sententiarum effecit quatuor libros separatos, passim dictos quatuor libros.

- A. Deinde idem liber *san tsu kim* in ſequentibus paginis recenset horum quatuor librorum, uti & quinque aliorum jam dictorum Authores, prout vides in contextu.

Item ibidem dicit generatim ea, de quibus illi agunt.

Ibidem pag. 23. sic : Libri *Chun Cieu* tres antiqui Interpretes sunt Doctores *Kum Yam*, *Tſo Xi* & *Ko Leam*.

- A. Insuper videantur Proœmia & Indices librorum omnium Præfatorum, ubi continetur id, quod in contextu dicitur.
- B. 2. Lib. *Su xu che k'ay* tom. 14. in Libr. 2. Memcii cap. 2. *Li leu hia* sic Memcius: Ecce Confucius composuit librum *Ver* & *Autumnus*? Respondeo: Quia ex quo Imperator *Pim Yam* Imperii sedem in Occidentem transtulerat, sensim regiminis vigor defecerat, præclaræque priorum Imperatorum Statuta penè erant extincta, atque Musica virtutis & regiminis Magistra, quæ in palatio Imperiali inter epulas, & ante Imperatoris assatum decantari, atque ab Imperiali palatio in singulos Principatus transfundi solebat, jam omnino perierat. Ideò Confucius tanto malo commotus, composuit istum librum, in quo ad tradenda Principibus documenta & veram regendi artem, refert res per 242. annos gestas. Non tamen hujus libri primus Author fuit, sed veteres tantum sui Regni *Lu* Annales concinnavit, qui vocabantur *Ver* & *Autumnus* ob ordinem successivum mensium & annorum, in quibus res singulæ relatæ contigerant; sed erant rudis & indigesta moles. Simili modo Annales Regni *Cin* seu *Xan Si* vocabantur quadriga, & Regni *Tſou* seu *Hu Quam* vocabantur *Tao Uo*, id est, nomen alicujus bestię.
- B. 3. Lib. *Su xu che k'ay* tom. 18. in Libr. 1. Memcii cap. 6. *Tem ven kum hia* sic: Confucius suo libro *Vere* & *Autumno* effecit, ut deinceps perduelles & Imperii prædones haberent quid timerent, nec tam facile auderent sua nefanda consilia exequi.

C. 4. Libellus *San tsu kim* pag. 19. sic Interpres: Libri *Ye Kim*, *Xu Kim*, *Xi Kim*, *Chun Cieu*, *Cheu Li*, *Li Ki* vocantur *Lo Kim*, seu sex libri classici, quibus litterarum Alumni debent vacare, illósque penetrare. Tunc temporis liber *Cheu Li* in numero sex librorum classicorum reponebatur; sed nunc ex illo numero eliminatus est, ita ut sint tantum *On Kim*, seu quinque libri classici.

D. 5. Lib. *Ge kiam su xu* tom. 1. in Proemio sic: Ego existimo bonum totius Imperii regimen ex illa successivè transmissa doctrina, quam viri tum scientià, tum virtute illustres, & à Cælo producti ad docendos & regendos populos tradiderunt, omnino pendere. Post Imperatores *Tao*, *Xun*, *Tu*, *Tam*, *Van Vam*, *Vu Vam*, exurrexerunt Confucius, *Cem tsu*, *Tsu su*, *Mem Tsu*. Hinc præter quinque libros classicos *Ye Kim*, *Xu Kim*, *Xi Kim*, *Li Ki*, *Chun Cieu*, habiti sunt liber Sententiarum, doctrina Adulorum, immutabile Medium, Memcius, quorum vatum decus, ut splendor solis & lunæ in Cælo, ac divisio montium & fluminum in terra, longè latèque refulget. Illi enim quatuor Magistri (scilicet Confucius, *Cem Tsu*, *Tsu su*, Menecius) Imperatorum *Tao*, *Xun*, triumque primorum Imperiorum *Hia*, *Xam*, *Cheu* doctrinam in suis quatuor libris transmiserunt, atque ita quinque librorum classicorum doctrina fuit absoluta. Siquidem isti quatuor, totum horum quinque profundiorè sensum complectuntur.

PUNCTUM II,

De libro *Ye Kim* nominatim.

Solus hic liber, cujus doctrinam nonnulli in controversiam vocant, magnum Tractatum postulare; sed cum nec temporis brevitatis, nec Punctum parvi Paragraphi illum exigat, ideo sequentia pauca annotasse suffecerit.

Primò, De Authore hujus libri. Imperii Sinici conditor *Fo Hi* confecit octo symbola, seu lineolas & continuas & discretas sic: —, ——. Unumquodque symbolum continet sex lineolas, vel sex continuas, vel sex discretas, vel partim continuas partim discretas, diversimodè

dispositas v. gr. sic : ——— vel sic : ——— vel sic : ——— vel sic : ———
 &c. Postea hæc ——— octo sym ——— bola du ——— plicavit, ———
 & fecit sedecim ; ——— sedecim ——— iterum ——— duplica-
 vit, & fecit 32. ; denique 32. rursus duplicavit, & fecit 64. Quia
 tunc temporis, litteræ & characteres Sinici nondum crant inventi ;
 ideo illa litteris & characteribus nuda & absque litteraria explica-
 tione composuit, sicque perseverarunt usque ad Principem *Yen Yam*, Con-
 ditorem tertiæ Familiæ Imperialis, dictæ *Chen*. Hic Princeps *Yen Yam*
 singulis 64. symbolis indidit aliquod nomen, illorum explicativum,
 v. gr. huic symbolo ——— indidit nomen *Kien*, id est, Cælum vel Cæ-
 li virius *Aliya* ; ——— huic symbolo ——— indidit nomen *Quen*, id
 est, terra vel terræ ——— virius *passiva* ; ——— aliis indidit nomen
Kan, id est, aqua ; *Li*, id est ; ignis ; *Sun*, id est, ——— ventus, &c. Nota ta-
 men quod istæ voces *Kien*, *Quen*, *Kan*, *Li*, *Sun*, &c. ex se & ex sua pro-
 pria significatione non significant Cælum, terram, aquam, ignem,
 ventum, &c. Sed quod per suam propriam significationem symbolicè
 repræsentent naturam Cæli, terræ, aquæ, ignis, venti. Insuper idem
 Princeps *Yen Yam*, horum singulorum nominum sat diffusam explana-
 tionem apposuit.

Postea ejus filius *Chen Kum*, singulis sex lineolis cujuscumque sym-
 boli, indidit nomen numericum, satque diffusam etiam singularum
 lineolarum explicationem apposuit, & tunc iste liber cœpit vocari
Chen Ye, id est, liber mutationum ac productionum concinnatus à Prin-
 cipibus Familiæ *Chen*, & in duos tomos fuit divisus ; antea enim sub
 Imperiali Familia *Hia* vocabatur *Lien Xan*, id est, mons junctus ; sub Im-
 periali Familia *Xan* vocabatur *Quey Tjam*, id est, omnium rerum thesau-
 rus seu repertorium.

Denique Confucius prædictis nominibus & explicationibus, quas
 Princeps *Yen Yam* & *Chen Kum* adaptarant, ulteriorem addidit expla-
 nationem, estque veluti tertius istius libri Tomus ; sed nunc ex parte
 permixtus aliis duobus Tomis, vel genuinus textus & originalis, totus
 non subsistit (A).

Quod attinet ad istam explicationem, dictam *Hi Tfu*, quæ Confu-
 cio subinde attribuitur, negant ordinariè Sinæ esse ejus opus ; sed eam
 ab alio longè posteriore Authore, dicto *Tay su kum*, vel *Yam so* prodiisse
 affirmant (B).

Secundò, De scopo hujus libri. Imperator *Fo Hi* cum vellet populi sui utilitati consulere, ex aspectu & consideratione rerum cælestium & terrestrium confecit illa octo symbola, ut ex illis possent tum cognosci invisibilis Conditoris virtus operativa, tum distingui visibiles omnium specierum creaturarum affectiones ac proprietates (C).

Postea Princeps *Pen Tam*, quia tunc temporis totum Imperium seditionibus confundebatur, ideo ista symbola ab unitate & binaritate inchoata, varièque per motum *Tam*, & per quietem *In* complicata applicuit ad repræsentandum virum sapientem & insipientem, profectum & defectum, actionem & cessationem, fortitudinem & imbecillitatem; in iisque sedandorum tumultuum, restaurandi regiminis, virtutis & vitii, Boni & Mali rationem comprehendit. Unde nec ipse composuit, nec Confucius illa explanavit ad sortes jaciendas (D).

Tertio, de doctrina hujus libri. Hujus libri doctrinam tanti faciebat Confucius, ut jam senex diceret, si Cælum aliquot adhuc vitæ annos sibi concederet ad addiscendum istum librum, fore ut posset vivere à gravibus delictis immunis (E). Hæc ergo doctrina comprehendit omnes mundi res, scilicet Cælum, terram, hominem. Unumquodque symbolum construitur primò ex tribus lineolis suprà se invicem positis; suprema, Cælum; media, hominem; infima, terram repræsentat. Deinde duplicantur istæ tres lineolæ & fiunt sex; quia Cæli agendi ratio in motu & quiete, hominis agendi ratio in pietate & æquitate, terræ agendi ratio in duritie & mollitie consistit. Hi sex agendi modi correspondent istis sex symboli lineolis (F). Hinc homo per illa symbola cognoscit Cæli, hominis, aliarumque omnium rerum agendi rationem (G). Denique hic liber & morum suorum compositionem, & virtutis praxim docet (H).

Quod verò attinet ad illam numerandi artem, & ad illos herbæ & calamos, de quibus agitur in prima parte explanationis, dictæ *Hi Tsu*, & quibus aliqui sortè utuntur modo supersticioso ad sortes, vel abutuntur, juxta Sinas videtur esse quoddam arithmeticum artificium, quo per variam ac sæpiùs repetitam istorum symbolorum ac lineolarum symbolicarum combinationem investigatur, utrùm res facienda vel omittenda, rectæ rationi sit conformis, necne? sive sit bona, an mala (I)? Deinde hoc artificium aliqui dicunt esse inventum novum, nec priscorum Sapientum, nec Confucii opus (K). Præ-

Præterea illam Tabulam variis numeris & punctis discriminatam, dictam *Ho Te*, iſti libro præfixam, & quam nonnulli etiam volunt eſſe iſtius libri veluti fundamentum, factam fuiſſe à Principe *Fo Hi* negant Authores *Ngeu Yam*, *Pim Ngan Hiam*, *Cham Kem*, & alii (L). Deinde aliqui illam accommodant viginti quatuor unius anni Sinicis punctis, ſive tempeſtatibus, Sinicè *Cie Ki*, ſeu duodecim noſtris Europæicæ ſignis in duas partes diviſis (M).

Denique illa Tabula altera, etiam præfato libro præfixa, quæ incipit à voce *Tay Kie*; quoad ſubſtantiam eadem cum præcedente, fuit ordinata à Doctore *Chen*, ex pago *Lien Hi* ſub Imperio Familix *Sun* (N). Nempe per modum prædicamenti Logici aut Categorix.

Textus Librorum.

- A. 1. Liber *Chen ye chin kiy* in Proœmio, & in tomo primo, ſymbolo *Kien*. Item libro *Yen hien tum kao* tomo 175. ut ſuprà in contextu.
 A. 2. Lib. *Mao xi chen ye chu fu*, ſeu libri mutationum ac productionum vetus interpretatio à Doctore *Mao* relata tom. 9. *Xue Qua* ad hunc textum: *Ti*, ſeu *cali Dominus exiit in actum à ſymbolo Chin*, æquinoctialem mundi plagam repræſentante, ſic ait: Iſta vox *Ti*, (ſeu *Xam Ti*,) id eſt, rerum productarum Dominus.

Deinde quomodo omnis ejus actio repræſentetur per octo libri *Te Kim* ſymbola ænigmatica, ſic ibidem explicat: Doct̃or ergo *Fu Su* judicat hunc *Ti* eſſe cæli Dominum ac Rectorem. Dum hic *Ti* incipit omnes res facere, exiſtit in ſymbolo *Chin*; dum eas ordinat, exiſtit in ſymbolo *Sun*; dum dirigit, exiſtit in ſymbolo *Li*; dum eas conſervat & nutrit, exiſtit in ſymbolo *Quen*; dum eas exhilarat ſeu exornat, exiſtit in ſymbolo *Tui*; dum eas inter ſe pugnantes conjungit, exiſtit in ſymbolo *Kien*; dum eas collectas curat, exiſtit in ſymbolo *Kan*; dum eas abſolvit, ſeu perficit, exiſtit in ſymbolo *Ken*.

Jam verò quid ſignificent ac repræſentent octo illa ſymbola, ſinice *Pa Qua*, ſic ibidem paulò infra explicat: *Kien*, id eſt, firmum ac forte, & repræſentat Cælum. Cælum abſque ulla quieſce ſemper movetur; hinc dicitur *Kien*, firmum ac forte. *Quen*, id eſt, obſequens, & repræſentat terram; Terra Cælo obſequitur ſeu obſecundat;

dat ; hinc dicitur *Quen* obsequens, seu obsecundans. *Chin*, id est, movens, & repræsentat tonitru vel fulgur ; tonitru omnia movet ; hinc dicitur *Chin* movens. *Sun*, id est, ingrediens, & repræsentat ventum ; ventus quocumque ingreditur, hinc dicitur *Sun* ingrediens. *Kan*, id est, ruens seu præcipitans, & repræsentat aquam. Aqua in ima ruit ac præcipitat, hinc dicitur *Kan* ruens, seu præcipitans. *Li*, id est, apparens & repræsentat ignem. Ignis è rebus erumpens mox apparet ; hinc dicitur *Ki* apparens. *Ken*, id est, quiescens & repræsentat montes. Montes immotè quiescunt ; hinc dicuntur *Ken* quiescentes. *Tui*, id est, exhilarans & repræsentat lacus. Lacus irrigant omnia ; hinc dicuntur *Tui* exhilarantes.

- B. 3. Lib. *Sien Ten ye* 7, id est, Principis *Fo Hi* libri *Te* expositio, à Licenciato *Cham Kem* facta tom. 1. sic : Ista explanatio, quæ nunc vocatur *Hi Tsfu*, non est antiqua, (sive non est facta à Confucio) ; dividitur in primam & secundam partem ; dein utraque pars in varios articulos. Sed antiquus sensus seu textus omninò periit.
- B. 4. Lib. *Ge kiam ye kim*, seu quotidiana explicatio libri *Te Kim* ab Imperatore *Kam Hi* edita, tom. 15. in principio sic : Quod attinet ad appendicem libri *Te Kim*, dictam *Hi Tsfu*, divisam in primam & secundam partem, ejus Author est *Vam so*.
- B. 5. Lib. *Chen ye chin kiy* tom. 17. part. 1. *Hi Tsfu*, in principio sic : Sunt etiam qui asserunt hanc partem, (nempe *Hi Tsfu*,) dictam magnam Interpretationem, traxisse suam originem à Doctore *Tay su kim*.
- C. 6. Lib. *Chen ye chin kiy* tom. 20. parte 2. *Hi Tsfu* art. 2. sic : Olim Imperator *Pao Hi*, id est, *Fo Hi*, cum voluisset publicam populi utilitatem procurare, non ausus est id temerè & præcipitanter exequi. Idcirco cælestia & terrestria, omniumque rerum species ac causas priùs attentè consideravit ; vidensque omnia ad generationem & corruptionem, ad motum & quietem reduci, sua symbola mutationum ac productionum composuit, &c. Si spectetur, inquit Doctor *Tsay*, horum symbolorum profundior sensus, ex iis Spiritûs intelligentis virtus invisibilis potest cognosci ; si patentior aut materialior sensus spectetur, rerum affectiones & proprietates in sua specie discernere poteris.

Vide etiam hic suprà num. 2. litteram A.

Hh

D. 7.

D. 7. Lib. *Ngeu yam ven chum kum cie*; id est Doctoris *Ngeu yam* universalis Commentarius tom. 64. art. 2. sic: Pars libri *Te Kim*, agens de expansis numeris cæli ac terræ, est quid parvi momenti. Ad quid necesse est totam suam mentem illi intendere? iste liber *Te Kim* à Principe *Ven Yam* conscriptus, in numero sex librorum classicorum reponitur; ejus stylus continet sapientis viri verba; ea quæ tractat, sunt Cælum, terra, omnesque rerum species; insuper triplex Regis & subditi, patris & filii, mariti & uxoris immutabilis ordo. Quoad illam jaciendarum sortium per numeros expansos artem, non est Principis *Ven Yam* opus. Ergo, inquires, ista non meretur, ut addiscatur. Respondeo: qui assecutus est majus, potest & minus complecti; sed quamvis quis minori non studuerit, potest tamen ad majus pertingere. Qui hoc scit, modum addiscendi libri *Te Kim* scit. Ab antiquo tempore, 64. libri *Te Kim* symbola fuere usitata; raro tamen cernes sub Imperatoribus Familix *Hua* & *Xam* fieri sortium mentionem. Postea Princeps *Ven Yam*, dolens totum Imperium perturbari ac confundi ob Imperatoris *Chen* crudelitatem, cupidusque suam mentem explicandi in Posterorum utilitatem, postquam Principis *Fo Hi* symbola, symbolorumque lineolas incipere ab unitate & binaritate animadvertit; ex variâ illarum combinatione, immutatione, comparatione composuit suum librum, in quo veram Herois sapientis & homuncionis insipientis, progressus & defectus, motus & quietis, fortitudinis, & infirmitatis imaginem adumbravit, totamque boni & mali regiminis, virtutis & vitii, felicitatis & infelicitatis rationem comprehendit. Idcirco inducit loquentem virum sapientem; & librum nomine *Te*, id est, *mutionis*, insignivit. Cum deinde in sequentibus sæculis aliqui illo uterentur ad sortes, Confucius qui sub finem Imperii *Chen* natus est, veritus, nè paulatim Principis *Ven Yam* mens ac intentio obliteraretur, & iste liber *Te* solummodo ad sortes adhiberetur, tunc ulteriorem ejus explanationem concinnavit, illamque viro sapienti ac Principi ad dirigendas suas actiones accommodavit. Hinc passim de regimine, de Cælo, de terra, cunctisque mundi rebus sermonem instituit; ac proinde patet illum non sortibus inhærere.

E. 8. Lib. *Lam yu* artic. 7. sic aiebat Confucius: Si Cælum aliquot adhuc
vixit

vitz annos mihi commodarit seu concesserit ad bene addiscendam libri *Te Kim* doctrinam, tunc potero à magnis culpis immunis esse.

- E. 9. Lib. *Chen ye chin k'ay* tom. 21. parte 2. *Hi T'su* artic. 10. sic : Hujus libri doctrina est amplissima. Omnes mundi res comprehendit. Sed unde hoc cognoscitur ? in mundo sunt tantum tres cause universales, Cælum, terra, homo. Jam verò si in libri *Te* symbolis spectentur tres lineolæ : suprema Cælum, media hominem, infima terram repræsentat : sed quamvis harum trium causarum modus agendi sit in se unus, continet tamen duas partes ; ideò vir sapiens istas tres symbolorum lineolas duplicavit ; modus enim agendi Cæli continet motum *Yam* & quietem *Tu* ; duæ superiores lineolæ illum repræsentant. Modus agendi hominis continet pietatem & æquitatem ; duæ mediæ lineolæ illum repræsentant. Modus agendi terræ continet duriciam & mollicitem ; duæ infimæ lineolæ illum repræsentant.
- G. 10. Lib. *Chen ye chin k'ay* tom. 17. parte 1. *Hi T'su* artic. 4. sic : Libri *Te* doctrina cum sit tam vasta, quomodo utitur illà vir sapiens ? Respondeo : quamvis ista doctrina sit in se una ; prout tamen in varias res diffunditur, diversa fortitur nomina ; in rerum existentia, dicitur ratio ; in rerum productione, dicitur natura ; in rerum Conditore, dicitur lex. Solus vir sapiens potest hæc omnia ritè penetrare. Jam verò liber *Te* est id, quo vir sapiens ista omnia penetrat, intelligit, exhaurit.
- H. 11. Lib. *Te Kim* parte 1. *Hi T'su* artic. 7. sic Confucius : An non reverà ista libri *Te Kim* doctrina ad summum pertingit ? Iste liber *Te*, est id, quo vir sapiens virtutem colit, ejusque exercitationem longè latèque diffundit.
- I. 12. Lib. *Ge k'iam ye kin* tom. 15. parte 1. *Hi T'su* artic. 3. sic : Id quod dicitur faustum, est repræsentatio alicujus humanæ actionis, rectæ rationi consentaneæ, adeoque amplectendæ : & id quod dicitur infaustum, est repræsentatio alicujus humanæ actionis, rectæ rationi contrariæ, adeoque rejiciendæ.

Et Interpres *Cham k'yn chim* ad eundem artic. 3. sic : *Amittere*, id est, agere contra rectam rationem ; *obtinere*, id est, agere juxta rectam rationem.

- I. 13. Lib. *Chou ye chin k'ay* tom. 19. parte 1. *Hi T'fu* artic. 10. sic : Ista herbæ *Xi*, & symbola *Qua* sunt quid deliberationis & ratiocinii expers.

Idem eod. tom. artic. 1. part. 1. *Hi T'fu* artic. 11. sic : Ista vox *jausum* indicat id, quod convenit prosequi ; *insausum* id, quod convenit fugere.

Et paulò infra sic : Hinc magis adhuc patet doctrinam libri *Te Kim* cum recta agendi via & æquitate conjungere felicitatem & infelicitatem ; vinque sapientis doctrinam longe discrepare à particularibus dogmatibus Sæcliariorum, instituentium suas divinationes per numeros.

- K. 14. Lib. *Sien Tien ye y* tom. 3. sic : Quotiescumque fit mentio fortium *Xi*, sunt verba ab Interpretibus libro *Te Kim* inserta ; in ipso libro *Te*, à Principe *Fo Hi* & *Ven Yam* confecto illa non habentur. Hinc patet istam artem fortium, ducendarum per herbarum *Xi* inter digitos distributionem & symbolorum examen, non esse id, quod Principes *Fo Hi* & *Ven Yam* spectarunt ; nec etiam Confucius forsitan illâ usus est.

Vide etiam hinc suprà num. 3. litterà B. & num. 7. litterà D.

- L. 15. Lib. *Kiun xu pi kao*, id est, perfectum librorum omnium examen tom. 1. sic : Doctor *Ngeu yam* in suo libro asserit Tabulas *Ho Tu* & *Lo Xu* esse quid vanum & fictitium.

- L. 16. Lib. *Sim li ta ciuen* tom. 14. sic Doctor *Pim ngan hiam* : ex quo habetur liber *Te Kim*, nullus fuit inter omnes Doctores, qui senserit istos libri *Te Kim* numeros, unum & novem, esse Tabulam *Ho Tu*, &c. Hanc quidam Litteratus *Tuen ye* sub Imperio *Sum* finxit.

- L. 17. Lib. *Sien Tien ye y* tom. 3. sic : Liber *Te Kim* in parte *Hi T'fu* non facit mentionem de ista Tabulæ numericæ *Ho Tu* & *Lo Xu* quadratâ dispositione ; & ante Imperium Familiæ *Han* nullibi fit mentio de pingendis seu formandis symbolis *Qua* juxta Tabulam *Ho Tu*, & de distribuendis speciebus juxta numeros Tabulæ *Lo Xu*.

Ibidem pag. 76. sic : In libro *Te Kim*, inquit Doctor *Vam tsu hem*, à tempore Principis *Ven Yam* & Confucii, usque ad Imperia Familiarum *Han* & *Tam*, nulla facta est mentio Tabulæ *Ho Tu*.

- M. 18. Lib. *Chou ye chin k'ay* in Proœmio sic : Juxta dimidietatem Signi cælestis *T'fu* (seu Capricorni), de qua loquitur Doctor *Chao*, possunt, in-

inquit Doctor *Hu*, symbola libri *Ye Kim* divisa, adaptari 24. anni tempestatibus seu Signis, (tot numerantur apud Sinas); incipiendo à symbolo *Fo*, quod adaptabitur dimidietati Signi *Tsu* Solstitii hiemalis, & perveniendo ad finem symboli *Kien*, quod adaptabitur dimidietati symboli *Ou* Solstitii æstivalis, erunt 32. symbola, Sinicè *Qua* &c. Deinde reliqua 32. nempe symbolum *Keu* usque ad finem symboli *Quen* inclusive, progredientur à reliqua dimidietate signi *Ou* Solstitii æstivalis, usque ad reliquam dimidietatem signi *Tsu* Solstitii hiemalis.

N. 19. Lib. *Sim li ta ciuen gney yao* tom. 1. sic Doctor *Chu Hi*: Tabula *Tay Kie*, seu primi Termini fuit confecta à Doctore *Cheu lien hi*, nempe sub Imperio Familix *sum*.

Nota: Cùm tam multa sint incerta circa ista libri *Ye Kim* octo symbola, Sinicè *Pa Qua*; annon fortè Author *Fo Hi*, nepos vel filius Noëmi, voluit per illa 8. symbola toties reduplicata, relinquere suis Posteris aliquod monumentum octo personarum in arca diluvii reservatarum, & subsecutæ harum divisionis ac multiplicationis per totam terram?

Paragraphus Sextus. De Musica.

HÆc quinque circa Musicam Sinicam examinabimus; ejus originem, finem, consonantiam, modos, species. Itaque

Primò, De origine Musicæ Sinicæ. Primitiva Musicæ origo hæc fuit: cor, ut solet, motum fuit ab objectis externis; motum, excitavit affectum; affectus erupit in voces. Vox autem alia clarior, alia obscurior; alia altior, alia humilior; harum diversarum vocum consonantia auribus jucunda, primum fuit Musicæ Principium. Deinde ex Musica ortum est tripudium (A).

secundò, De fine Musicæ Sinicæ. Finis ultimus Musicæ non est aurium delectatio, harmonico sono causata; sed est pacificum Regni regimen ac populorum concordia. Idèò enim adhibetùr Musica, quia sonus harmonicus inspirat animorum concordiam & internam cordis harmoniam, atque passionum tumultus pacat. Præterea antiqua Musi-

ca erat compoſita ex præclaris Imperatorum geſtis, documentis, virtutibus; atque ita per ſe ipſam bonum regimen & honeſtæ vitæ diſciplinam edocebat (B). Hinc Muſica adhibebatur in ſolem nibus ſupremi Domini litaminibus, in aliorum Spirituum ſolemnitatibus, in Progenitorum defunctorum Parentationibus, in conviviiſ hoſpitiſ, aliſque feſtiviſ conventibus (C).

Tertiò, De conſonantiâ Muſicæ Siniæ. Conſonantia hujus Muſicæ præcipuè habetur à duodecim fiſtulis, & octo instrumentis Muſicis diverſorum ſonorum. Duodecim enim fiſtulas longitudine diverſas, quarum diametur tres, peripheria interior novem digiti partes continebat, ex carnis conficiebant. Harum ſex, *Hoam chum*, *Tay tſeu*, *Ku ſi*, *Juy pin*, *I ce*, *Vu je* erant longiores; aliæ ſex, *Te lin*, *Kia chum*, *Chum lin*, *Nan liu*, *Yn chum* erant breviores, ſervatâ inter ſe harmonica proportionem. Omnes duodecim collectim ſumptæ dicebantur magiſteriales ac directrices regulæ totius Muſicæ; ſerviebantque ad diſcernendos ac temperandos Muſicæ ſonos, graves, acutos, longos, breves, altos, humiles (D); ac proinde erant veluti quædam organi ſpecies.

Octo verò diverſi ſoni instrumenta, hæc erant: Primum, ſpecies utriculi ex cucurbita, cum aliquot infertis fiſtulis confecti. Secundum, erat vas figulinum. Tertium, tympanum. Quartum, chelys ex ligno confecta. Quintum, instrumentum ex lapide onychino, quod tunde batur, confectum. Sextum, campanula ſeu cymbalum. Septimum, cithara ſiliſ ſericis inſtructa. Octavum, fiſtula. Atque hæc erant instrumenta, quibus Muſica temperabatur (E).

Quartò, De modis Muſicæ Siniæ. Modi Muſicæ ſunt quinque, *Kum*, *Xam*, *Kio*, *Chi*, *Tu*; nimirum veluti quinque quædam ſpecies Octavæ; v. gr. per reſpectum ad Muſicam Europæam, *Kum*, Octava incipiens à voce *ut*; *Xam*, à voce *re*; *Kio*, à voce *mi*; *Chi*, à voce *fa*; *Tu*, à voce *ſol*. Hi quinque modi ex primâ ſuperiori fiſtulâ *Hoam Chum* ſic producuntur: ponitur fiſtula *Hoam chum* continere novem digitos in longitudine, & ſinguli novem digiti in novem æquales partes diviſi. Multiplica novem per novem ſunt 81; atque hic eſt numerus modi *Kum*. Deinde numero 81. deme tertiam ipſius partem, ſeu 27. reſtant 54. pro numero modi *Chi*. Numero 54. adde tertiam ipſius partem, ſeu 18. ſunt 72. pro numero modi *Xam*. Numero 72. deme tertiam ipſius

ipsius partem seu 24. restant 48. pro numero modi *Yu*. Denique numero 48. adde tertiam ipsius partem, seu 16. fiunt 64. pro numero modi *Kio*. Itaque chordæ modi *Kum*, constabant 81. filis sericis; *Xam*, 72. *Kio*, 64. *Chi*, 54. *Yu*, 48. (F).

Modus *Kum* est gravis, excitatque ad majestatem & benignitatem; unde est Regis figura, seu symbolum. Modus *Xam* est fortis, excitatque ad magnanimitatem; unde est Magistratûs figura. Modus *Kio* est moderatus, excitatque ad misericordiam; unde est populi figura. Modus *Chi* est clarus, excitatque ad charitatem; unde est negotiorum figura. Modus *Yu* est nitidus, excitatque ad considerationem; unde est effectuum figura (G).

Sexto, De speciebus Musica Sinica. Musica, alia trivialis, seu trivialium concentus cantilenarum, quales sunt in duobus primis Tomis libri Carminum, dictæ *Quæ Fum*; alia regia, seu Imperatorum *Hoam Ti, Chuen Hio, Ti Ko, Tao, Xun, Chim Tam, Vu Vam* Musica; id est, in laudes istorum Principum, eo, quo regnabant, tempore composita (H). Deinde alia honesta seu recta, Sinicè *Ta*, qualis habetur in duobus posterioribus Tomis præfati libri Carminum; alia prava seu impura, qualis est Musica Principatûs *Chim*, tantoperè olim Confucio exosa. Rursus Musica, alia pacifica, seu pacificum Regni regimen complectens, qualis est Musica Imperatorum *Tao & Xun*; alia bellica, quæ præclara belli facinora refert, vel inspirat, qualis est Musica Imperatorum *Chim Tam, & Vu Vam* (I). Denique Musica alia solis instrumentis, alia instrumentis & vocibus constans (K).

Textus Librorum.

- A. 1. Lib. *Li Ki* tom. 7. cap. 19. *To Ki*, seu Musices relatio sic: Omnis concentus Musicus trahit ab hominis corde suam originem. Homini cor naturaliter ab objectis movetur; dum autem ab iis movetur, intus excitat affectum, & affectus in voces erumpit; dum voces bene inter se correspondent, gignunt jucundam soni varietatem; varietas soni produxit artem, quæ dicitur Musicus concentus. Dum Musicus concentus cum instrumentis Musicis, cum lanceis & vexillis tripudiantium conjungitur, tunc dicitur Musica perfecta.

B. 2.

- B. 2. Lib. *Li Ki* tom. 7. cap. *Yo Ki* ſic : Solus vir ſapiens poteſt bene ſcire quid ſit Muſica. Primò enim perpendit voces ad ſciendum modum Muſicum ; deinde perpendit modum Muſicum ad ſciendam Muſicæ artem ; deinde perpendit Muſicæ artem ad ſciendum regimen ; atque ita perfectam regendi rationem aſſequitur.

Ibidem paulò infrà ſic : Idcirco plena & florida Muſica non fit ad aurium delectationem, ſive ad edendum tantum harmonicum illum & ſuavem ſonum, &c. Eſt enim in illà aliquis harmonicus ſonus, qui non prodit, &c. Sed fit ad docendum populum amoris & odii æquitatem, & ad eum reducendum in rectam hominis viam.

- B. 3. Lib. *Pe hu tum* tom. 1. artic. *Ly yo*, ſeu Ritus & Muſica ſic : Dum in Parentali Regum deſunctorum aulà Rex & Proceres, ſuperior & inferior ſimul audiunt Muſicam, mox inſtillatà per illam animorum concordia omnes reverentiam ſervant. Dum in publicis vici vel oppidi locis ſenior & junior, conſanguinei & vicini ſimul audiunt Muſicam, mox inſtillatà per illam animorum concordia, omnes obſervantiam colunt. Dum intra domeſticos parietes Pater & filius, frater ſenior & junior ſimul audiunt Muſicam, mox inſtillatà per illam animorum concordia, omnes amorem ſpirant. Idcirco Muſica eſt id, quo concordia & obſervantia colitur, ac moderatio rerum ſimilitudine conciliatur ; moderatio juncta cum Muſica parit affectum, quo Pater & filius, Rex & Subditus, conſanguinei & vicini, omnes denique populi inter ſe concordēs ſunt. Hæcque eſt priſcorum Imperatorum mens ac finis, ob quem Muſicam inſtituerunt.

Ibidem paulò infrà ſic : Muſica eſt id, quo priſci Imperatores ſuam lætitiā, & belli Duces ſuam iram temperabant. Idcirco illorum lætitiā, & horum ira moderationis & æquitatis limites non excedebat. Lætitiā concordiam populis, irā timorem perduellibus indebant.

- B. Ibidē ſic : Antiqui Imperatores in principio ſuæ Monarchiæ cujuſnam rei maxime ſatagebant ? Reſpondeo : ſatagebant populi mores componere, & ad hoc obtinendum prædeceſſorum Imperatorum Ritus & Muſicam adhibebant. Pacato toto Imperio, tunc & Ritus & Muſicam renovabant, & evulgari jubebant. Muſicā virtutes, præclara facinora,

nominis celebritatem referebant. Hinc Imperatoris *Hoam Ti* Musica, ut ait liber *Li Ki*, vocata est *Hien chi*, id est, *lacus universalis*; quia Imperator *Hoam Ti* verbo & exemplo rectam vivendi normam tradiderat; omnesque ejus virtutis beneficium sive pro cælestibus, sive pro terrestribus rebus perceperant. Imperatoris *Chuen Hio* Musica vocata est *Lo Hem*, id est, *sex spicarum culmi*; quia ille sex Musicæ regulas, Astronomiæque ac Kalendarii leges instituerat. Imperatoris *Ti Ko* Musica vocata est *Ou Ym*, id est, *quinque flosculi*; quia ille quinque vocum discrimina pulchrâ harmoniâ in populorum utilitatem temperarat. Imperatoris *Tao* Musica vocata est *Ta Cham*, id est, *magnum jubar*; quia ille Cæli, terræ, hominis viam, seu agendi viam magnoperè illustrarat. Imperatoris *Xun* Musica vocata est *Siao Xao*, id est, *fistularum continuatio*; quia Prædecessoris sui *Tao* modum ac normam continuarat. Imperatoris *Tu* Musica vocata est *Ta Hia*, id est, *magna amplitudo*; quia suorum Prædecessorum *Tao* & *Xun* præclaram regiminis normam ampliârat. Imperatoris *Chim Tam* Musica vocata est *Ta Hu*, id est, *magna protectio*; quia ille populos immitti regimine oppressos protexerat ac vindicârat. Principis *Chen Kum* Musica vocata est *Cho Ho*, id est, *examen concors*; quia ille, cum Imperatorem *Chim Vam* in regimine adjuvaret, ritè examinatam Prædecessorum *Ven Vam* & *Yu Vam* regendi normam perfecerat. Imperatoris *Fu Vam* Musica vocata est *Siam*, id est, *representatio*; quia illâ, allatam Imperio pacem referebat; priùs vocabatur *Ta Fu*, id est, *magnum belli opus*.

C. 4. Libellus *San tsu kim* pag. 12. sic Interpres: Omnes antiqui Imperatores suam habebant Musicam, quæ in sacrificiis supremi Domini *Xam Ti*, in sollemnitatibus cælestium & terrestrium Spirituum, in Paterificationibus Majorum defunctorum, in conviviis ac festivitatibus hospitum adhibebatur; propinando, repropinando, offerendo vini icyphum, in aulæ ascensu & descensu, in reverentiæ exhibitione semper Musica edebatur, &c.

D. 5. Lib. *Xu Kim* tom. 1. cap. *Xun Tien* Interpres *Tsay Xin* sic: *Liu*, id est, duodecim fistulæ, &c. Ut suprà in contextu.

E. 6. Lib. *San tsu kim* pag. 12. sic Interpres: Illa octo instrumenta quænam erant? Respondeo: primum, &c. Ut suprà in contextu.

- F. 7. Lib. *Li Ki* tom. 7. cap. 19. *To Ki* sic Interpres *Chin Hao*: Hi quinque soni, seu quinque modi producuntur ex prima fistulâ *Hoam Chum*, &c. Ut suprà in contextu.
- G. 8. Lib. *Li Ki* tom. 7. cap. 19. *To Ki* sic: Modus *Kum* pertinet ad terram; instrumentorum chordæ non excedunt 81. fila serica; sonus est maximè gravis, omniumque quinque modorum Musicorum honorabilissimus. Idcirco est Regis figura seu symbolum. Modus *Xam* pertinet ad metallum; instrumentorum chordæ continent 72. fila serica. Sonus minùs gravis; idcirco est figura Magistratum. Modus *Kio* pertinet ad lignum; instrumentorum chordæ continent 64. fila serica; sonus partim gravis, partim acutus, quinque modorum medius; idcirco est populi figura. Modus *Chi* pertinet ad ignem; instrumentorum chordæ continent 54. fila serica; sonus acutus, seu clarus; est negotiorum figura. Modus *Tu* pertinet ad aquam; (aqua, ignis, lignum, metallum, terra sunt apud Sinas primaria quinque universalia principia, velut elementa); instrumentorum chordæ continent 48. fila serica, ad minimum; sonus maximè acutus; est effectuum figura.
- G. 9. Lib. *Pe hu tum* tom. 1. artic. *Ly jo* sic: Hinc ego audiui modum *Kio* esse plenum misericordia, & excitare ad clementiam; modum *Chi* esse plenum lætitiâ, & beneficium animum fovere; modum *Kam* esse fortem seu vehementem, & res stabilire; modum *Tu* esse profundis conceptibus plenum, & res remotas considerare. Modum *Kum* esse lenem; & mansuetudinem asserre.
- H. 10. Lib. *Su xu che kiy* tom. 14. in Libr. 1. Memcii cap. 2. *Leam hoci ram hia* sic: Quidam Regni *Cy* Præfectus *Chuam Pao* invisit Memcium, cui inter colloquendum hæc retulit: Hisce diebus cum ego ex more & ex officio nostrum Regem inviserem, dicebat mihi se vehementer Musicâ delectari. Ego nescius utrùm Regem deceret, necne, Musicâ delectari, & an Musicæ amor obesset aut prodesset bono regimini, non habui quid responderem. Quid ergo? obestne, an prodest bono regimini amor Musicæ? Tum Memcius: Si Rex tuus multùm delectetur Musicâ: noveritque Musicæ artem esse regendi arti consimilem; & harmonico Musicæ concentu utatur ad pacandum Regnum & ad conjungendos stabili concordia populo-

rum animos, numquid Regnum *Cy*, (nunc Provincia *Yan Tum*) novam brevi faciem induet, & Rex tuus ad rectam benè gubernandi artem proximè accedet? hujus sermonis occasionem arripiens Memcius, sequenti die invisit istum Regni *Cy* Regulum, quem sic interrogavit: verène, Princeps, tuo Ministro *Chuam* nuper dixisti te Musicà multùm delectari? mox Princeps immutato vultu ad questionem penè erubuit, ad quam tamen sic respondit: modicè ego virtutis vir non sum, qui delectari valeam excellenti illa priscorum Imperatorum Musicà, præclaris documentis exuberanti, & vitæ Magistrà; sed quà ego delectari soleo, est tantùm illa trivialium cantilenarum Musica. Sed hæc quomodo regimini potest prodesse? enimverò potest plurimùm, reponit Memcius; si enim verè & multùm illà delecteris; si non tantùm ejus sonum, sed etiam ejus concordiam concordiaque suavitatem verè diligas, & scias uti harmonico illius concentu ad pacandum Regnum & ad populorum animos conjungendos, numquid tuum Regnum brevi novam faciem induet, & ad rectam rectè gubernandi artem proximè accedet? hæc enim trivialis Musica ex priscorum Imperatorum Musica emanavit; una est utriusque ratio; utraque vocum concordiam & harmoniam spectat; utraque eundem effectum sortiri potest, licet non una & eadem sit argumenti præstantia.

H. 11. Vide hic suprà num. 3. litterà B.

I. 12. Lib. *Pe hu tum* tom. 1. artic. *Li jo* sic: Id quod maximè spectat Musica, est vera rectitudo. Idcirco longè à se amoveret & abhorreret pravum lascivumque Regni *Chim* cantum. Regni *Chim* cantus, inquit Confucius, est lascivus. Cur autem lascivus? quia istius Regni *Chim* incolæ cum in montibus habitarent, & in vallium rivulis corpus lavarent, viri & mulieres inter se permixti instituerunt istum cantum ad mutuam oblectationem.

I. 13. Lib. *Lun ju* artic. 15. sic Confucius: Proscribe Regni seu Principatus *Chim* cantum; à te procul amove adulatorem. Ille enim lascivus, & hi periculosi sunt.

I. 14. Lib. *Lun ju* artic. 3. sic: Imperatoris *Xun* Musicam, dictam *Xao*, assererat Confucius & pulcherrimam & optimam esse, (quia, ait Interpres, pace & modestià Imperator *Xun* consecutus est Imperium;)

um); Imperatoris autem *Vu Vam* Musicam, dictam *Vu*, seu bellicosam, esse quidem etiam pulcherrimam, sed non optimam; quia, ait Interpretres, bello & fortitudine *Vu Vam* adeptus est Imperium.

K. 15. Lib. Xi *Kim* tom. 4. *Siao ya* cap. *Lo mim*, odâ *Nan kay*, id est, austrarium graduum ordo sic: Hæc oda, ait Interpretatio *Ku su*, continet mutuam liberorum commonitionem ad Parentum sustentationem. Deinde ibidem Interpretres *Chu Ili* sic: Hæc oda, sunt tantum fistularum versus, & cantus sine voce.

Denique pro his & aliis innumeris rebus ad Musicam Sinicam spectantibus, videatur liber *Ven hien tum kao* tom. 128. 129. 130. 131. &c. Ulbi de ea fusè agit.

SECTIO II.

De Militari Regni Administratione.

Militaris Regni administratio hæc tria præcipuè spectat, artem bellicam, militiam seu Duces ac milites, stipendia.

Paragraphus Primus.

De Arte bellica.

Primò, *Bellicæ artis necessitas*. Regna sunt à Majoribus transmissa ad Posteris, ut ea fideliter custodiant; nec possunt Posteris pro lubitu de iis disponere; ideò dum pericula ac bella imminet, debent omnes vires intendere ad vim vi repellendam; ac proinde ars bellica illis est necessaria (A).

Secundò, Bellicæ artis objectum. Bellica ars circa quinque versatur; circa æquitatem, cælum, terram, Duces, leges. Æquitas in bello requiritur, ut milites concordii animo incensi non timeant pericula; Cælum inspicendum est, an serenum, pluvium, frigidum, calidum, hibernum, æstivum? Terra præcognoscenda, an vicina, remota, montosa, paludosa, fluvirosa, arcta, ampla, hostilis, amica? Duces, prudentes, fidi, pii, fortes, rigidi disciplinæ militaris exactores procurandi. Leges, quæ pro quinariis militum ordinibus, pro tympanis, vexillis,

lis, tentoriis, officiorum varietatibus, comœatu, viis, castris, Præfectorum muniis, bellicis instrumentis & impedimentis sunt præscriptæ, diligenter attendendæ. Mature igitur considerandum est, à qua parte stet belli æquitas, cæli & terræ emolumenta, ducum fortitudo, militum numerus ac vires; quomodo vigeat bonorum ac malorum retributio (B).

Teriò, Bellicæ artis leges. Belli leges, aliæ pro pugna, aliæ pro obsidione, aliæ pro dispositione exercitus, aliæ pro ejus protectione, &c. Deinde aliæ spectant Regem, Duces, milites, præmia, poenas, locum pugnæ ac tempus, &c. Has & alias continet liber classicus de arte militari, Sinicè *Su Kim*, divisus in novem parvulos Tomos, quem militarium graduum Candidati, militaresque Baccalaurei addiscere tenentur (C).

Quarò, Bellicæ artis exercitatio. Hæc exercitatio, alia litteraria libri *Su Kim*, jam dicti, ex quo aliquid componendum datur; alia jaculandi, alia equitandi. In examine enim ad obtinendum militarem gradum, his probantur militiæ Alumni. Milites insuper in explendis bombardis exercentur, & semel quotannis coram Præfectis ac Ducibus superioribus bellicas prolusiones, in quibus per aliquot menses prius exercentur, exhibent.

Quintò, Bellicæ artis finis. Finis belli, vel est Regni defensio, vel populi tyrannide oppressi liberatio, vel aliarum terrarum justa acquisitio (D). Unde dum fit bellum, caveatur ne bello mercatus & agricultura impediatur, populi mutare proprias sedes cogantur, gravia tributa exigantur, incolarum suppellex auferatur, pueri ac senes captivi fiant (E).

Textus Librorum.

A. Lib. *Su xu che kiy* tom. 14. in Lib. 1. Memcii cap. 2. *Leam boei van hia* sic Memcius: Principatus & Regna sunt à Majoribus ad Nepotes transmissa, ut continuatâ generationum serie fideliter illa custodiant & fortiter tueantur; non autem uniuscujusque arbitrio sic relicta sunt, ut possit pro lubitu de iis disponere; sed tenentur, ubi pericula & bella imminēt, omnes vires intendere ad vim vi repellendam.

- B. 2. Lib. *Vu Kim*, seu liber clafficus de re militari à militia Duce *ſun* ſub Imperio Familix *Han* conſcriptus, tomo 1. artic. 1. ſic: Quod ad Regnum attinet, arma ſunt res maximi momenti; ab iis mors vel vita, ſalus vel exitium pendet; adeoque diligenter perpendenda. Idcirco hic liber quinque res ſpectat, quas ordine diſcutit, & earum proprietates inquiri. Prima, eſt via ſeu æquitas; ſecunda, cælum; tertia, terra; quarta, Duces; quinta, leges. Quod attinet ad æquitatem: ſi pietate & æquitate ita regantur milites, ut unum & eundem cum ſuo Rege habeant animum, tunc cum illo & mori & vivere ſcient, nec pericula reformidabunt. Quoad cælum: attendenda dierum ac menſium diverſitas, frigus & æſtus; ac juxta tempeſtatem æſtivam vel hibernam tranſferenda arma in tractus vel aſtudiores vel borealiores. Quoad terram: præcognoſcendum, an ſit vicina, an remota: an facilis an difficilis; an ſpatioſa an anguſta; an ſalutifera an contagioſa vel inſalubris. Quoad Duces: attendendum, ut ſint prudentes, fideles, pii ſeu recti, fortes, rigidi diſciplinæ militaris exactores. Quoad leges: ſunt quinquarii militum ordines, regulæ tympanorum, cymbalorum, vexillorum; ſunt Præſectorum munia; ſunt via caſtrorum, vallorum, munitionum, comitatus; ſunt Inſpectorum officia, ſunt apparatus curruum, equorum, inſtrumentorum bellicorum. Nullus eſt belli dux, qui hæc quinque non audierit; ſed ille, qui ea bene intelligit, vincit; qui non bene intelligit, vincitur. Idcirco oportet iſta ordine diſcutere, & examinare eorum proprietates; nimirum uter Rex æquitatem ac rectam viam teneat? Quinam Duces ſint potentiores & fortiores? quomodo ſaveat cælum ac terra? quomodo leges ac diſciplina militaris ſerventur? quiſnam exercitus fortior? quinam milites magis exercitati? quomodo diſtributio præmiorum ac poenarum vigeat? ex his ego facile colligam, quiſnam ſit victurus; quiſnam vincendus;
- C. 3. Idem liber *Vu Kim*, Tomi primi Index ſic: De belli apparatu, de conſiliis bellicis, de diſpoſitione exercitus, de exercitus acceſſu & reſeſſu, de ſtratagematibus, de conſuetu, de caſuum varietate, de caſtrorum motu & ſitu; de locorum ſitu & diverſitate, de igne & combustionibus, &c.

Deinde

Deinde Tomi secundi Index sic : De Regni regimine, de prænotione virium hostilium, de exercitûs regimine, de belli Ducibus, &c.

Tomi tertii Index sic : de Regis bellantis æquitate, & pietate; de distributione dignitatum militarium, de rigore disciplinæ militaris, &c.

Videantur plura similia in reliquis Tomis.

D. 4. Lib. *Su xu che kiy* tom. 14. in Lib. 1. Memcii cap. 2. *Leam boei tam bia*. Vide hic suprà num. 1. litterâ A.

D. 5. Lib. *Su xu che kiy* tom. 16. in Lib. 1. Memcii cap. 4. *Kum sun cheu hia* sic : Regni *Cy* Regulus collecto milite bellum intulit Regno *Ten*. Quidam suspicatus id ortum esse ex Memcii verbis, quibus dixerat Regnum *Ten* posse bello impeti, sic eum interrogavit : ferunt nostrum Regem à Te, Domine, stimulum fuisse ad inferendum Regno *Ten* bellum ; itane est ? minime, reponit Memcius. Nuper quidem Regius Minister *Xin Tum* ex me sciscitatus est, utrum posset Regno *Ten* tumultuanti bellum inferri, & ab eo poenas injustitiæ exigi ? ego respondi, posse. Mox ille, hoc responso accepto, Principem ad bellum impulit. Si me ulterius interrogasset, quisnam isti Regno indicere bellum posset, respondissem Imperatorem, qui scelerum poenas Cæli nomine potest reposcere. V. gr. en aliquis homicida offertur, & quidam ex me quærit, utrum possit interfici. Ego certe respondebo, posse. Si deinde ulterius me interroget, quisnam possit illum interficere ? tunc respondebo eum esse, qui nomine Imperatoris, Iustitiæ præest. Ita de bello, &c.

D. 6. Lib. *Su xu che kiy* tom. 14. in Lib. 1. Memcii cap. 2. *Leam boei tam bia* sic : Quomodo Princeps *Chim Tam* possidendo Regnum 70. dumtaxat stadiis amplum, potuerit universum Imperium obtinere, habes in libro *Xu Kim*, qui sic ait : Cum vicini Regni *Ko* Regulus exlex viveret, mortemque insonti puero intulisset, Princeps *Chim Tam* collecto milite eum aggressus est ac domuit. Ex hoc subacti Regni seu Principatûs *Ko* principio, reliqui per totum Imperium populi firmiter sibi persuaserunt, Principem *Chim Tam* non tyrannidem meditari, sed sibi durissimo iugo oppressis opem & salutem asserre velle. Ideo si in orientalem partem bellaturus profiscisceretur, incolæ occidentales, quadam veluti amoris iracundiâ commoti, conquere-

bantur quòd citius ad ſe non veniret; ſi in australem, boreales exteræ gentes etiam amanter quaſi iratæ dicebant: Cur ad nos poſtremo loco venit? omnes populi non aliter eum anhelabant, ac agricolæ poſt longum magnæ ſiccitatis tempus, ardentè cupiunt glomerari nubes, cælum ingraveſcere, imbres ruere; unum dumtaxat veriti, nè ſubitò in obortis nubibus Iris appareat, & imbrium curſus fiſtatur.

E. Deinde cùm ejus copiæ in provincias adventabant, nullo modo mercatus nec agricultura impedièbatur; omnes mercatores tutò ad forum & nundinas confluebant; omnes agricolæ quietè ſuos agros arabant, non coacti ſedes mutare, aut auſugere. Denique dira tantum tyrannidis ſcelera pleſtebantur, & innocui populi vita ſublevabatur. Idcirco omnes populi ingenti gaudio perſuſi non aliter exultabant, quàm ubi poſt magnam aëris ſiccitatem, tempore optato copioſi imbres è calo ruunt. Hinc idem liber *Xu Kim* ſic eos introducit loquentes: Eheu! quanto tempore, diſſimiſis oppreſſi malis Imperatorem & ſervatorem noſtrum expectavimus! tandem aliquando expectatiſſimus advenit, & nos è ſervitute eripuit, velutque mortuos ad vitam revocavit.

Paragraphus Secundus.

De belli Ducibus.

Primò, *Militarium Ducum ordo.* Hic ordo ita olim conſtitutus fuit: Una phalanx conſtabat 2500. militibus, & Imperialis exercitus completebatur ſex hujusmodi phalanges; Reguli autem *Kum* & *Hew* exercitus completebatur tres; Reguli *Pe*, duas; Reguli *Tſu* & *Nan*, unicam; harum omnium phalangum ſupremus Ductor, erat unus ex Imperii Proceribus. Unius tantum phalangis Ductor, erat unus primarius Præfectus ex ſecundo ordine. Deinde una legio conſtabat ex 300. militibus; hujus Ductor, erat unus primarius Præfectus ex tertio ordine. Una turma conſtabat ex 100. militibus; hujus Ductor, erat unus militaris diſciplinæ Ductor ex primo ordine. Denique ſinguli quinque milites habebant etiam ſuum Præfectum, ſeu Caput (A).

Secundò, Militarium Ducum virtutes. Militiæ Dux debet aſſumere firmum

mun intrepidæ mentis & æquitatis propositum, & sciat ubi, & quando vivere ac mori deceat. Ritè distinguat emolumenta à damnis; unicè vacet suæ dignitatis muneri. Sit tenax recti cultor; sit magnanimus ac liberalis. Impuros cantus, ac libidinosas illecebras à se procul amoveat; habendi cupiditatem expellat; pudeat adulari; bonam nominis famam honesto modo sibi comparet; animi demissionem magni faciat; lubenter audiat monita ac consilia; noverit probè alios imitari; sit armorum peritus; amet suos Sub-Præfectos ac milites; sibi amorem ac timorem conciliet; disciplinæ militaris sit accuratus exactor; sciat milites conservare (B).

Textus Librorum.

- A. 1. Lib. *Ven bien tum kao* tom. 149. *Pim chi* sic: In Libro Rituum Imperii *Cheu* articulo *Ta su ma*, id est, *supremus militiæ Dux*, hæc præscribuntur: una phalanx, &c. Ut supra in contextu.

Vide etiam apud eundem librum *Ven bien tum kao* tom. 58. & 59. nomina & officia omnium Præfectorum militarium v. gr. supremi Ducis exercitus; Præfectorum equitatus, peditatus, legionis, alæ dextræ, alæ sinistræ, &c.

- B. 2. Liber *Vu Kim* tomo 8. per varios parvos articulos enumerat Ducis militaris virtutes requisitas, quas in contextu summatim supra annotavi.

Paragraphus Tertius.

De stipendiis.

Quid olim, quid nunc fiat circa hæc, breviter accipe.

Primò, Olim Præfectorum tum militarium, tum civilium stipendia juxta cujusque ordinis gradum sic sancita erant; id est, agrorum ditio, ex quibus suorum stipendiorum redditus colligebant, sic erat determinata: Supremi in aulâ Imperiali Tribunalium Præsides eandem ac Reguli primæ & secundæ classis; primarii Præfecti eandem ac Reguli tertie classis; Doctores ex primo ordine eandem ac Regu-

Kk

li quar-

li quartæ & quintæ classis, pro suæ dignitatis redditibus portionem terræ accipiebant.

Quod verò attinet ad Principatuum Præfectos, hæc sancita erant: Regulus primæ & secundæ classis habebat decuplo majorem terræ portionem pro suis redditibus, quàm sui primi Tribunalium Præsides; id est, habebat 32. jugerum millia; totum enim ejus Regnum seu Principatus complectebatur centum quadrata stadia. Hi primi Præsides habebant quadruplo majorem, quàm primarii Præfecti; id est, tria jugerum millia & ducenta. Primarii Præfecti duplo majorem quàm Doctores primæ classis; id est, 800. jugera. Doctores primæ classis duplo majorem, quàm Doctores secundæ classis; id est, 400. jugera. Doctores secundæ classis duplo majorem, quàm tertix; id est, 200. jugera. Tertix classis Doctores eundem censum aut stipendium habebant, quàm populares viri, qui apud Magistratus aliquod leve munus gerebant, id est, 100. jugera.

Eodem modo Regulus tertix classis, cujus Regnum 70. stadia; & Regulus quartæ & quintæ classis, cujus Regnum 50. stadia complectebatur, proportionatam etiam cum suis Præfectis, & Præfecti inter se, terræ portionem pro suæ dignitatis censu accipiebant.

Populares viri, qui apud Magistratus leve aliquod munus gerebant, quia ad se alendos arare eis non vacabat, idcirco 100. jugerum redditus tamquam vicarium agriculturæ à se exercendæ fructum accipiebant. Sed quia fructus & messis, quæ ex 100. jugeribus colligitur, est diversa, juxta diversam & coloni diligentiam, & agri qualitatem; hæc enim v. gr. sufficiet ad alendos 7. 8. 9. homines; illa sufficiet ad alendos tantum 5. aut 6.; idcirco non unum & idem erat illorum stipendium; sed juxta majus aut minus munus quod quisque gerebat, illi assignabatur diligentioris aut negligentioris agricolæ, vel melioris aut deterioris terræ jugerum fructus (A).

Secundò. Postea verò, uti & nunc, aliter sunt sancita stipendia. Sub Imperio Han assignatus est Præfectis certus modiorum orizæ aut frumenti numerus loco istorum terræ jugerum. Hic modiorum numerus servatâ proportionem juxta cujusque dignitatis aut præfecturæ diversitatem, major aut minor determinatus fuit; maximus fuit 2000. modiorum, & aliquando 10000.; minimus 100. Deinde hujus numeri dimidia

media pars mutata est in pecuniæ valorem sic : cui assignati erant 2000. modii , quot mensibus accipiebat 90. argenti uncias , & 70. modios ; cui assignati 1000. accipiebat quot mensibus 40. argenti uncias , & 30. modios ; & sic de reliquis.

Deinde assignata sunt etiam reliqua ad victum & vestitum necessaria ; nimirum tot serica volumina , tot libræ cannabis crudæ , talis portio vini , orizæ , piscium , carniū , olei , candelarum , carbonum , papyri , &c.

Præterea determinatus est numerus eorum , qui Magistratibus inservire debent , major aut minor servatâ superioris aut inferioris præfecturæ proportionē ; v. gr. Magistratibus primi ordinis , determinati 100. Ministri ; secundi , 90. ; tertii , 80. &c. Illisque assignatum stipendium.

Denique ista stipendia sive victus , sive vestitus , sive pecuniæ , modò pro singulis mensibus , modò pro singulis quatuor mensibus , modò pro unoquoque Vere & Autumno , modò pro unoquoque Vere & hieme assignata & affixa fuerunt (B). Hodieque milites initio cujusque mensis sanctam sui stipendii pecuniam , & orizam accipiunt.

Hæc pauca , sat propere in libris Sinicis conquisita , sufficient ad conformandam sibi levem aliquam ideam Sinensis Ethicæ ; roga , Lector , ut illa , acquisito celestis perfectionis augmento , ex naturali transeat in Christianam.

Textus Librorum.

- A. 1. Lib. *Su xu che kjay* tom. 22. in Libr. 2. Memeti cap. 4. *Van cham hia* sic : Supremi in aula Imperiali , &c. Ut supra in contextu.
- B. 2. Lib. *Ven bien tum kao* in tom. 65. ea , quæ dixi in contextu , percurrendo multas antiquas & modernas Imperiales Familias , diffusè enumerat.
- B. 3. Vide etiam Libr. *Ta nim hoei tien* tom. 38. de stipendiis Regulorum , Procerum , Ducum militarium , & aliorum Magistratum.

FINIS.

Errata

Corrige

In primo Tractatu de Cognitione primi Entis.

Paginâ 5. lin. 23.	oblationes,	<i>lege</i> , Parentationes.
Pag. 11. l. 28.	acceleravit,	<i>lege</i> , accersivit.
Pag. 12. l. 23.	Memcium,	<i>lege</i> , Memcius.
Pag. 66. l. 21.	significant,	<i>lege</i> , significat.
Pag. 82. l. 22.	non est sensibile	<i>lege</i> , est sensibile.
Pag. 123. l. 30.	Imperiales,	<i>lege</i> , Imperialis.
Pag. 129. l. 33.	lignum,	<i>lege</i> , signum.
Pag. 131. l. 23.	nempe major vitu- tulus, &c.	<i>lege</i> , nempe parvulus vitulus, quàm bos, seu major vi- tulus.
Pag. 133. l. 2.	reguntur,	<i>lege</i> , teguntur.
Pag. 173. l. 2.	sacro,	<i>lege</i> , sancto.

In secundo Tractatu de Ceremoniis Sinarum erga Defunctos.

Pag. 7. lin. penult.	Xiao,	<i>lege</i> , Kiao.
Pag. 8. l. 18.	<i>Post hæc verba</i> : Sapi- entum dicunt,	<i>lege</i> , Mortuis, sicut vivis; non existentibus, sicut exi- stentibus, inserviendum est; & idèd dicitur:
Pag. 8. l. 42.	Alimentationis,	<i>lege</i> , Alimoniz.
Pag. 24. l. 20.	Xam,	<i>lege</i> , Xun.
Pag. 43. l. penult.	adversatur,	<i>lege</i> , adversetur.
Pag. 52. l. 13.	longavæ,	<i>lege</i> , longævæ vitæ.
Pag. 54. l. 9.	Kiao	<i>lege</i> , Hio.
Pag. 54. l. 12.	Chin Kium,	<i>lege</i> , Chim Kiun.
Pag. 61. l. 1.	endam,	<i>lege</i> , faciendam.
Pag. 68. l. 27.	rectæ vitæ	<i>lege</i> , rectæ viæ.
Pag. 108. l. 28.	Cheu hi,	<i>lege</i> , Chu hi.

Pag.